

四庫全書存目叢書編纂委員會編

齊魯書社


四庫全書存目叢書

集部
第二七五冊



責任編輯：孫言誠 賀 偉

ISBN 7-5333-0615-5



9 787533 306151 >

EB41/05

四庫全書存目叢書·集部二七五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 45.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二七五冊目次

集部·別集類

小山詩文全稿二十卷

〔清〕王時翔撰
清華大學圖書館藏清乾隆十一年王氏涇東草堂刻本

一

春及堂詩集四十三卷

〔清〕倪國璉撰
四川省圖書館藏清乾隆刻本

二一六

四馬齋詩集六卷附梯仙閣餘課一卷拂珠樓偶鈔二卷

〔清〕曹一士撰 梯仙閣餘課 〔清〕陸鳳池撰 拂珠樓偶鈔 〔清〕曹錫珪撰
中央民族大學圖書館藏清乾隆刻本

三六九

四馬齋文集八卷

〔清〕曹一士撰
中央民族大學圖書館藏清乾隆刻本

四三七

金管集一卷

〔清〕顧成天撰
浙江圖書館藏清雍正七年聞子紹刻東浦草堂詩本

六〇三

花語山房詩文小鈔二卷燕京賦一卷

〔清〕顧成天撰
詩文小鈔上海圖書館藏清雍正刻本燕京賦浙江圖書館藏清雍正七年聞子紹刻東浦草堂詩本

六一六

弢甫集詩十四卷文三十卷弢甫五嶽集二十卷弢甫續集二十卷（一）

〔清〕桑調元撰

吉林大學圖書館藏清乾隆刻本

小山詩文全稿二十卷

〔清〕王時翔撰

清華大學圖書館藏清乾隆十一年王氏涇

東草堂刻本

附《四庫全書總目·小山全稿

二十卷》提要

舊序

詩至今日而極盛矣海內文房之士類皆研討聲律雕繪篇章自命風雅子弟自勝衣以上即無不懷鉛吮墨朝諷暮吟斐然有綴述之志然作詩者日多而詩之道益以不振大率學唐者流於膚學宋者入於俚求其負卓立傑出之才刻意以古人自期體高意遠如青松之拔灌木白玉之映塵沙者固未可多見也吾友王子抱翼曠世逸才深沉篤學覃精經史分日程課窮探力取未嘗畧刻去書作為詞章根本於三百篇浸淫於漢魏六朝其於三唐則沉酣韓杜而間出入於昌谷玉溪之間至其五言遊覽諸作蕭閒澹遠復於韋柳有神合焉

書序

其意直欲追踪古人而非猶夫迄今之為詩者也吾州文才之盛莫若太原王氏抱翼與其兄棖亭太史族屬為長自少並擅才名兄弟互相摩切自為師友棖亭已擢甲科入翰苑而抱翼年近強仕猶不得志於場屋故其學益深其詣益邃蓋不至於古之作者不已也所親屢招之入都而貧不能辦裝遂巡未應吾知抱翼之志蓋深遠矣使其遊於長安如唐人之挾行卷求知已者當有所不屑然人所驚異者必在乎世之所少譬諸鳳皇皇芝草賢愚皆知為美瑞又何必負劉勰之書碎子昂之琴始可以騰聲於京國哉癸巳秋九月同學友弟唐孫華頓首拜撰昔年八十

贈詩 附

環寶積瑤圃名材出鄧林我昔游京師同志合朋簪
姜查才最雄西漢風標並最欽湯吳矜綺麗西齊霞
裾異織紅惠子善用少研惜墨常如金宮生慣用多
詠刻燭多宵吟有花輒共賞得酒無孤斟自從歸閬
里曠隔如商參獨倡無與和寂若秋蟬瘖疲暮逢王
子蓬藿肯見尋三復小山詩知君用意深托志必師
古吐詞非諧今孤桐生律呂冷冷間玉琴大雅久不
作由茲暢元音如聆鸞鳳嘯蕩彼龍烟淫昔游各鄉
縣蹤跡異飛沉今適同里閑時時得披襟斯文紹前
哲非君諒誰任我老久衰退斂衽徒傾心努力期千
載榮名非所欽

舊序

二

舊序

昔詹事元禮自誇門世七葉之中爵位蟬聯人人有集
沈隱侯亦謂江左以來文才相繼未有若王氏之盛今
以吾宗太原觀之未知與古人何如而隨珠荆玉人各
擅長不特相門多才逮於萃從不少大雅閎博之士若
小山先生者尤可謂之傑出者已先生少稟異才落筆
妙天下未弱冠即以能詩名與仲兄襖亭先生有雙鳳
之目既而沉浸含咀益肆力於古人沿源溯流挾其間
與陶鎔醞釀而出之而其體亦屢變始則才情橫溢出
入太白長吉之間繼而高躡漢魏兼馳杜韓房中饒吹
之篇宮體玉臺之詠亦時有之邇年刊落藻華漸歸沖

舊序

三

淡一以盛唐為宗蓋每變而益上如此而先生猶方進
而未止也先生於武屬序為尊以大馬之齒折輩行與
周旋辱過論文出其近藁見示武受而讀之大抵標格
清妍風神逸秀如東家之子不假粉朱姑射仙人盡除
煙火至於爐錘之妙吐屬之工取精用弘字皆芳潤而
水文雲態出自天然靜觀微悟物趣遁情而鳥語花香
得之象外言雖約而涵蓄有餘響將終而蘊味不歇至
矣哉先生之於詩其殆天授也已年來數踏省闈不遇
適京華親舊寓書相招將理裝北上夫天之生才必非
無意故豫章不屈於朱儒瑚璉必登諸清廟襖亭先生
既以湛深績學珥筆於承明著作之廷先生珠玉淵海

才名相埒豈振蕸中人乎詔云駁二龍於長沙又不僅
吾宗之盛事也矣康熙癸巳且月宗姪孫吉武拜識

舊序

四

舊序

家小山先生詩未弱冠即為宗老汲園伯所推許風骨
超然拔俗殆謫仙後身子遊燕時錄置篋中代呈之大
司寇新城公公咨賞以為秀絕昔公嘗以使事之嶺南
見南海山水猶謂奇而不秀獨以許蜀之峨眉玉壘然
則公之所稱秀者何如哉而先生且不自滿也癸未歲
乃酣寢於少陵變為雄壯予嘗題之云無心拾香草有
力掣鯨魚蓋寶錄也邇年所造益深脫棄形似獨標神
韻偶以戊巳二年彙垂示并命點次退而讀之深沉高
雅不主故常汲園伯今已矣使新城見之更不知如何
標舉也謹書數語以識景仰之意云庚寅春正五日族

舊序

五

孫慮拜題

先生詩凡屢變少年最近青蓮間雜以長吉轉溯源
於漢魏窮瀾於杜韓蘇戊子以後日抄諸經義疏為
本源之學詩不多作漸歸平澹大旨以唐賢三昧集
為宗舊彙一千五百餘篇盡藏篋衍獨刊近彙二卷
問世斯神龍之一爪也癸巳冬族孫慮又識

墓誌銘

世宗憲皇帝御宇厲精爲治重選守令間從翰林改授復慮科甲不足以盡天下才於下第舉子內擇其良且許同列得互保任復念天下才俊士必有抑伏不得與計偕者乃

詔諸郡守各舉有猷有爲有守者一人無論出身以名聞于是吾友王小山以諸生被薦起家而引

見卽授晉江劇縣則又自薦舉來小山一人而已君諱時翔字皋謨一字抱翼小山其號太倉州鎮洋縣人大父承爵明相國文肅公輩行也父珩字文叔號野水以仲子時憲貴贈翰林院檢討野水九子

墓誌銘

君行五君年十三始就傳一歲而通四書易詩書三經喜吟詩才俊逸傾里中老宿謂太白復生尋以第一補博士弟子員博覽經史著書數萬言詩歌樂府流播遠邇再遊京師公卿皆折節願交然竟未得一遇君爲人脩潔視流俗若浼家素貧口不及鹽米在里與王蕙帶恪顧玉停陳墀及余四五人族子則秋涯遵宸交最密時爲文酒會高歌長嘯意致蕭然出塵壒外人競以文學風雅推余顧知君胷中磊磊有經濟略也雍正六年余守興化適奉

詔當薦士遂以君應顧玉停在署余謂曰小山意重詞館

外吏非其好也雖然以經術潤飾吏治惟此君優耳吾爲

國家擇才不復計小山素志矣玉停亦然之旣得晉江當是時

上方振飭閭閻省積玩盡易守令有司急自見務彊幹而諱慈祥而晉邑故險健好訟前令以英銳擊斷人至訟庭無不股票郡守以爲能君至則憮然曰此吾赤子也忍以盜賊視乎昨

聖訓命我實心愛民敢忘之予是一以寬和爲治每聽訟旣判決呼兩造前諄諭之令各釋憾對揖階下歎然而出訟日簡有負嶠者前令捕之不能得君命

墓誌銘

二

一老卒持票往諭立至觀風整俗使實應劉公按泉委鞠疑獄二十餘輒報可謂人曰晉江長者治事又何精敏也題其堂勤慎廉平以旌之蓋大使以緝私誣良移從君治君每察其冤立出之制府高公司監政心器之在晉不數月民德之如戴慈母而郡守弗之能也力掎之調政和民數于訴府乞留不得爭負斗米束薪鮮菜之屬置館門外出則牽衣號哭有流交平糶米六千石新令不受代邑中商漁船戶數百呼其衆曰王公飲晉江一杯水安所得錢補虧折耶吾屬請分買納原價十日而事畢頌行傾邑祖送渡萬安橋三十里不絕政

和山僻君擒治劇盜小老斃之捕訟棍范斌宥其死令感海縣中益無事日引諸生講學於署東之玉成堂未幾調甌寧建寧府首邑也君爲政二如晉江民大悅初政和有元患君馳牒驅之一夕遂絕是歲隣邑蜚災甌境獨無人謂史傳所稱王公兼之於是巡撫泰山趙公亦儒者與制府高公交薦擢漳州府同知駐南勝南勝故蠻崗也山箐深與民族居其中一構斃數千百人爲黨訟而曲抗不就捕手兵械死關吏不敢詰故新議移駐同知彈壓時有賴唱者糾衆搶犯當捕治君檄示者三遂親入山漳人素聞君名謂此必能活我者矣道

墓誌銘

三

跪迎賴姓萬丁隨其族長房老出君爲宣德化陳利害痛切開諭之諸賴感服未幾賴唱自縛至遂繫之出往返六日行萬山中所至觀者如堵無不屏息立君於是歎民雖獷可教也察所犯可原白上官薄其罪尙民從此帖然歲除繫囚數人請暫寧家君許之至期則皆至撫軍聞之曰此王承儒術之效也瀨子阮民葉楊煽亂君意緩之可一紙定有急欲見功者輒張之遂奉嚴檄督兵弁夜入山捕治事旋平然非君志也乃引疾歸無仕進志

乾隆元年

今上旁求廢員復有以君名聞者

特旨召見除蒲州府同知治永樂或言薦君者爲浙閩制府高文良公也公不言然高公故知君者未幾

奏

特旨晉成都府知府府領州縣十六地邊左官吏奸植黨君凝然獨立以廉率屬持大體審機要上下翕然信之錢價騰藩司榜示平價市爲之當君方休沐亟召成都華陽二令曰爲我謝方伯市當順民情官爲之價錢益閉不出無寧時矣藩司悟趣撤榜錢價尋平自雍正間民爲滿兵歲買穀萬石已重累至是綠旗兵援以請君議滿兵不習賣買言語文字與漢人殊故爲之購漢兵本市上兒郎一

墓誌銘

四

丁在軍無父兄子弟可代者而必煩民平事得寢制府欲徙涼州駐兵於成都主者欲拓成都滿城奪民居二千家園之民恟恟君考故牘示藩司曰成都滿城故容駐防三千見駐兵一千五百尚虛其半無庸拓也但清駐兵所侵地出之足矣藩司如所議行乃止拓涼兵亦不果徙漢州某甲妻和隣乙而殺甲甲弟具控乙不承賂獄中盜引甲爲同盜見殺有司遽成讞然終不得甲尸甲弟疊控無聽之者君廉得乙有弟實共埋尸乃攝乙弟別以之果得殺狀獲尸傷皆具乙與甲妻成伏其辜新都陳現習與其從姊夫某就一日某從現父

貸斗奉將渡河休于崖現潛往納大石索中已某
負索以涉索重踏於水石鎮之不復起現懼匿後
縣令究石所自現不能辨然不得致死故乃坐現
與從姊姦窮治之現不勝楚誣服君疑之及庭訊
二犯皆唯唯然察其色若冤甚恒懼不敢言者君
乃屏左右好諭之則張目相視哭失聲始以情告
君惻然爲力白之出其死一郡稱神歲壬戌江南
湖廣災撫軍奏請運米四十萬石以濟吳楚
上許之及檄下楚省委吏赴川領運江南米自足用不
委員至撫軍徽州縣運送時兩省並運內河小舟
不給計米集將及封峽而川中商賈不通成都無
隻船入城城中斷薪炭炊烟不繼民苦之君謂江
運可緩而徒病蜀甚無謂欲白知非撫軍意然事
勢迫不忍默遂具摺極陳其弊且言不如停止運
江獨運楚而聽商客運江良便雖業已奏可事勢
中改

聖明可以實告也撫軍竟怒甚欲劾君不爲動江運卒
行吏民重困米下峽多獲溺者後紀撫軍至君屢
乞休不聽年七十卒于官病卧猶治事無間卒之
日猶召成華二令入內署訊獄口爲定讞訖遂卒
蓋乾隆九年五月十八日午時也噫向使君成進
士登詞館以文學顯亦止於黼黻太平出入風議

於吾儒經世化民之道何與今君雖晚遇未大其
用而使世知儒術之措施若是君亦可以無憾矣
所著小山詩稿八卷文稿八卷詩餘稿四卷梓行
于世君娶戴氏早卒繼娶范氏子一景元亦能詩
女一適朱倬孫男三澄添潤景元將以乾隆十九
年九月十五日葬君於二十九都一畝鄒庄涇圩
之新阡先期以顧玉倬所作行狀稽顙乞銘於余
余不能辭銘曰

春華無實儒術輕學不積中顯且傾人知君詩李
杜生龔黃吏治俄垂聲寬和外著內精明執持大
體意氣平制科帖括紛尺程匪

聖旁求曷知名銘諸幽宮告來禩科目外周多賢英

乾隆甲戌仲秋年家姻眷同學惠弟沈起元拜撰

小山詩文全稿總目

詩共八卷

初稿二卷 續稿四卷

詩餘共四卷

香齋集 紺寒集 青綃樂府
初禪詞語 旗亭夢夢

文共八卷

小山詩文全稿

小山詩初稿目錄

卷一

短歌

夜來樂

春日南城曲

吁嗟篇

浮萍篇

白馬篇

仙人篇

鷓鴣謠 三首

萬里曲 二首

映水曲 二首

金閨少婦曲

孤松行

寄答顧玉侍

光福道中

病中寄幼濤姪

贈孫徵君赤崖先生

周忠介公墓

別潭影軒

小山詩初稿目錄

銀屏

夏日邨居 六首

重過南城雨窗悼感 二首

書解光劾趙氏奏後 二首

題周乾初詞卷

葑溪吳烈女歌

題枯松圖寄松陵楊維箕

呈吾師易亭楊先生

晚步浣山邨訪惠二仲儁不值

冬夜宿棲霞菴 初入赤松山示內 四首

柳 書玉停札後

題美人擲笛圖

題著色梅畫扇

采桑曲 二首

初夏登晚眺嶺

書漢舒姪香雪詞後

閭邱嶺草花雜發彌望爛然携酒獨酌

小游仙詩四首

登桃花嶺

夏日涼甚題扇

雨後觀漁洋鄧尉諸山偶感作歌

微風

新月

懷維箕

晚霽

贈戴高士南枝

寄范聲佩進士都門

秋感二首

宿積翠菴

書夢

寄懷愚千都門

秋歸

小山書初稿目錄

二

箴六空綺閣落成晚坐即景

夢愚千

冬日簡張山人懋齋

頭骨數珠歌

曉度柴莊嶺由元墓至青芝山

胡南溪齋觀梅得邨字

過李山人笠峰齋漫題二絕

題李山人方菴消暑圖

秋夜

夜坐懷諸兄

秋日登劉陽堡

野望

重陽前三日示山中諸子

秋閣晚眺

晚庭

曉粧詞

徐雲期見予新月二分寒雁背殘陽一抹病梧枝

之句以爲近鬼語漫題一絕寄示

書愚千都門寄歸詩後

早春再宿積翠菴用沈石田拂水巖韻

春日偕友過笠峰齋小飲即事

野塘行樂

送楊三文叔之華亭

三月二日雨後作

三月三日集沈校書山園

三月十二日偕山中諸子泛湖游蟠螭山飲於石

壁夜宿如是菴明日游查山登六浮閣是夜阻

小山書初稿目錄

三

風再宿如是菴菴僧挑簾作清供次曉發棹復

登笠山望宮窪頂歸後夜坐雜題六詩以志勝

遊

春郊即事

春思次韻

雨閣書懷

虎邱舟中戲贈二首

哭周十襄虞

晚秋偕山中友人散步

除夕用戴叔倫韻

卜居三首

哭蓀菴二女

讀文中子作

宿晚清軒留別箴六

咏懷二首

憶昔行壽易亭師七十

嘯古草堂送別箴六

懷愚千楚中

題徐侯齋空林雪霽圖

田家行

贈朱竹垞先生

秋感二首

秋夜

寄山中諸子二首

中秋夜月下作

卷二

秋日偕葉嘯古游支硎山

秋霖歎

寄家書後作

寄愚干

夜坐吟

張麗華侍女汲井圖

李密挂書牛角圖

唐昭陵六駿石像圖

宋徽宗賜周準人馬圖

雜感六首

別愚干

陪稭亭兄游積翠菴作

偕山中諸子泛舟作

小山詩稿目錄

杏花雙燕畫扇

寄稭亭兄金陵

橘

三十生朝述懷三十韻

移居十首用孟東野立德新居韻同稭亭兄作

贈毛鶴汀

南溪齋玩宣州石用東坡仇池石韻

金陵中秋用東坡中秋見月寄子由韻

游金山

題畫

酬方礎臣

壽母

偕顧玉停沈子大集繆氏雙泉草堂贈文子武子

送稭亭兄入都

送玉停入都

義興城上

視徐大龍友疾

北星閣曉泊

錢王祠

岳墳

于忠肅公墓

湖上漫書二絕

山中聞琴

招愚干徐漢光顧蓀臣玉停沈子大集古香堂分

賦得新晴新綠限一東二首

和鶴汀懷古四首

金陵

維揚

錢塘

姑蘇

觀鸞粟

茉莉

同徐漢光顧蓀臣玉停雙粟毛用雨家愚干懷一

集子大雙桂軒和陶桃源詩用原韻

登蓮華峰次儲五汜雲韻

夏日偕玉停過顧亦巖南園

題畫

詠蓼

颶風

紺寒閣漫書

重陽前一日集抱觀堂即事六絕句

松陵道中

和鶴汀席上四咏并引

寓樓晚眺

蘇堤晚坐

湖上雜題四首

四賢祠

湖上小集分賦竹枝詞一首

曉渡西湖泊茅家埠

飛來峰

靈隱寺後山

冷泉亭

遊葛嶺四首

登吳山

鍾翠亭

游韜光寺贈山止上人二十韻

偕運甓翁泛湖用東坡和蔡準郎中見邀游西湖

韻二首

醉歌贈江天錦天璋

和繆武子冬夜言懷次原韻

聞故園諸同志檢校桃源草堂已有成局喜而有

作

飲笠峰齋賦贈

冬日過積翠菴

伯兄雙溪先生五十初度二首

小山詩初稿目錄

六

小山詩初稿目錄終

小山詩初稿卷一

短歌

被酒出門日暮何之短歌微吟翹首沈思羣山蒼蒼百川森森我於其間維憂用老不知我者謂我何求人如朝露歲月其適賢達奈何神仙安在今我不樂自貽伊悔

夜來樂

乳燕蹴花窺画檐雙鬟放下蝦鬚簾黃昏竝坐銀箏語秀月瓊樓酌香醕明珠百琲奉妝臺買心惟買桃花開繡衾向曉熏煙重醉眼丰茸破迷夢簾外烏啼楊柳寒

小山詩初稿卷一

一

嚶嚶白馬金轅動數錢那怕鄴江貧今宵錦瑟伴何人

春日南城曲

天桃嫁雨三日老城南水漲色如草紅霧濕衣光濛濛路深迂步隨東風玉樓燕子金翦尾玳牛牽簾人睡起清眸低掠綠波春楊花化身種魚子驚笙吹徹日西沈怨別江南一千里

吁嗟篇

吁嗟泥憶雲高下不相聞如何君與妾恩情中道分恩情中道分羅巾掩淚啼妾情風中草從君東復西從君東復西君恩倘來還豈知決絕意安固若南山願為孤飛鳥哀鳴投遠林離羣非不悲同羣總異音

浮萍篇

北渚生浮萍飄流到南渚根淺本易移況有風吹汝風吹水更流東西兩浦頭微溜已不穩急湍能自由衝激無已時來依藻行邊藻行亦弱質安能久相全委身就漁人置之魚腹中身滅非不痛願避浪與風

白馬篇

白馬著金鞭難羈似落日少年好游俠意氣故無匹蕭蕭復蕭蕭騎馬出荒徼馬驕人更傑飛矢貫雙雕迴身入燕市金鞭換玉竿不用聽爾歌但請看我馬我馬行且飢爲我餵豆糜少年與白馬性命久相依

仙人篇

仙人跨白鶴期我青雲端我愧非仙才惻惻仰天歎入山采靈芝虎豹踞其間入水求丹砂下有蛟螭蟠處凡既匪易學仙良獨難身世兩茫茫憂來不可寬十千沽美酒沈醉開愁顏仙人顧我笑安知非金丹

鴟鵂語 客舍之有林曰鴟鵂土人云昔曾有鴟鵂巢於此故名因戲作鴟鵂語

鴟有巢鴟爭之鴟不勝鴟居之鴟聲聞鴟心悲鴟心悲前致辭爾奪我巢知無還時巢失且復作可憐離故枝鴟有巢鴟居之鴟有兒鴟驅之鴟驅之鴟致辭巢讓爾完我兒我兒大時能作巢爾子當復來居之
鴟有巢鴟居之一鴟出百鴟飛百鴟飛鴟笑之有巢不居奪我何爲奪我何爲他鴟來歸

萬里曲

出門望萬里松柏參天峙中有陳死人乃是當年我與子

出門望萬里松柏參天列何來行路人見我他年髑髏骨

映水曲二首

妾家臨水居含愁時一映盛年減容華倘非真薄命映水復映水眼長眉曲曲何處不宜人故應是妝束

金闕少婦曲

誰家少婦迥含愁郎到橫塘學弄舟今夜南風涼似水香巾玉席自登樓夏月子夜歌香巾拂玉席共郎登樓夜

孤松行

孤松何凜凜傑立南山頂天神呵護救虎狼匠師不敢窺其旁吾聞義竹入御苑寒梅放官閣茲獨奚爲守寂寞吟風嘯雨含精靈蒼髯古鬚成龍形山僧稽首野老拜願乞飛騰活下界

寄答顧玉偉

才上籃輿又葉舟可知生性愛清游報君一語真癡絕爲待梅花十日留

光福道中

水碧山青二月時催花雨過訪花宜逢人便問梅開信船尾先看載一枝

病中寄幼濤姪

汝叔秋來憔悴甚阿威羸體近何如愁生涼雨殘荷夜
人在西風落葉初雙屐偶聞時誤起一燈獨對始知疎
可能無事常相見麥飯黃齏共校書

贈孫徵君赤崖先生

高步今看似鶴清昔經遷謫益知名五噫好向吳門隱
萬死寧忘絕塞行老去文章猶動主生還匡濟爲諸兵
寂寥門外無車馬問字人來徑草生

周忠介公墓

浩氣當時冠六君貂璫膽落亦逡巡葬身不敢遵魚腹
及禍誰知已角巾里有亂民成義士家留孝子繼忠臣

小詩初集卷四

千秋碧玉埋茲土一半曾濺許顯純

別潭影軒

小軒枕水得軒名軒裏居人事事清幾几學書堆柿葉
石欄題句點桐英投竿此去空波影把酒誰來對月明
惟有寂寥雙海燕梁間猶憶嘯歌聲

銀屏

銀屏有夢不曾成起揭風簾欲二更今夜小庭春一色
粉梨白燕月初生

夏日邨居六首

活計人生合校量清吟原不救空腸粗能拾解嘲
管領黃姑數里塘

桑柘陰陰野景新箇中恰好關閒身圍棋玉麈俱拋後
不是東山捉鼻人

隱約斜陽雨後明出門流水小橋橫麥秋天氣新陰密
一路科頭自在行

竹鐻青帘望欲無一瓢邨酒自來沽晚雲疊疊天西北
盡出橫峰落照圖

雨後蜻蜓款款飛汀花汀草漾餘暉手持碧竹竿如玉
直到南塘喚鴨歸

鎮日柴門靜不諱藥欄桑園淡生涯文壇舊侶休相約
別赴雞豚祭賽家

重過南城雨窗悼感二首

小山詩初集卷五

五

生別亦已悲死別悲何如之子即長暮形影俱俱但念
子不可見獨立自踟躕牀頭啓衣笥展爾繡羅襦上有
嫁時淚歷歷數點餘注目未及定怛怛肝腸暑哀極淚
猶歛眞哭聲原無

寒意寫空林棲鴉多偶羽自爾棄我來獨身無處所
棺委荒草爾魂將安主魂兮倘來依因之念風雨

書解光効趙氏奏後二首

長信要情約青宮未冊儲不禁飛燕啄更用綠囊書

昭儀啼眼在葦篴置屏東君寵眞難恃渾忘飾室中

題周乾初詞卷

名元方小字阿乾好爲詩餘所著什卷皆集三
卷雅愛其何處是江南落化風雨寒之句嘗携
其集以示家兄梁亭亦舉此二語爲題卷今與定交在
壬申秋抄距今六年矣夏以梁亭卒年止二十六云

周郎清真喬少小工樂府楓冷句猶傳秀宇沈黃土年
年寒食時江南落花雨

對溪吳烈女歌

對溪水清且深對溪女賢而烈女年初及笄未嫁夫先
歿烈士重一顧不在相綢繆烈女重一聘不在同衾綢
脫我繡羅衣分與諸侍兒將我翠珠簪與諸侍兒散
髮披麻出香閣拜罷爺孃雙淚落回身上小樓終日坐
樓頭執義不知樓上苦今生不踏樓下上豈知女子有
家父母心復納紅羅百匹千黃金兒逆命兒身罪兒不
死兒心悔樓前月映窗紗黃顧影重燒一炷香自解佩
恍懸高梁生時不識夫君面夜臺那必能相見惟有對

小山詩初集卷一

六

溪之水長東流竝爾芳名無日休

題枯松圖寄松陵楊維箕

鶴澗淒涼山燒逼龍鱗剝落野風吹綠君自作枯松樹
試看繁花總弱枝

呈吾師易亭楊先生

撲馬黃塵路幾千求官乞米盡游燕何人更似揚夫子
寂莫空亭只草玄

晚步浣山邨訪惠二仲儒不值

行行浣山邨歷歷度野寺歸鳥投空林木葉下殘翠之
子不可見折蘭竟誰遺

冬夜宿棲霞菴

歲暮客心苦夜宿寒寺中轉輾未能寢獨步庭西東
焚殘燭滅枯樹一窗風

初入赤松山示內

天壤王郎莫漫嗤綠窗調黛暗尋思十年綵筆無人賞
恐畫雙蛾不入時

初旭橫窗暈作斑箇儂妝閣亂峰間折枝屏展湘簾挂
半擁紅粧看曉山

閒凭熏籠滿袖煙小闌同話未來前粉梨一樹垂垂白
好是清明細雨天

上林休憶杏花紅家在湖山最勝中鎮日彈琴看鬢影
清茶相對過東風

小山詩初集卷一

七

柳

婀娜復搖曳春三二月時逢橋是離別見陌又相思都
恐聞新曲何心學翠睂登樓腸欲斷煙雨正絲絲

書玉停札後

谷鳥呼其羣翩然向人飛懷哉深山裏索居儔侶稀佳
人渺天末何以慰調飢故篋搜殘牋粲若雲錦輝顛倒
再三讀清風徐拂衣置之襟袖間揚芬何醅醅揚芬何
醅醅望望空依依去來兮山中與子兮采薇

題美人振笛圖

太湖石覆蘚痕乾燕子春風梵字闌待月有人偷振笛
玉花雙墮袖羅寒

題著色梅畫扇

骨態依然玉女家空將道染學繁華不知幾許胭脂費
能使梅花作杏花元揚元字藻京雜家詩梅花點綴無餘白有到今朝
是杏林其自注云至後帖梅花一枝於窗間說故
時以胭脂日圖一團八
十一圖詳見卷之六矣

采桑曲

乳鳩鳴布穀飛采桑去蠶欲飢蠶未飢采桑歸夜聞僂
家阿母道今歲蠶成作嫁衣
布穀飛乳鳩鳴采桑去聞馬聲馬上郎何太輕馬知郎
意鞭不行妾去蠶飢空復情

初夏登晚眺嶺

嶺原名晚眺晚眺自相宜新綠一萬樹殘花三兩枝湖

小山詩初卷

流夕陽去帆映暮山移歸指煙邨路輕寒麥秀時

書漢舒姪香雪詞後

半是柔情半慨慷一編觸手爛生光如行畫戟雕戈裏
忽入珠歌翠舞場欲駕辛蘇擬詩史更拋周柳接騷香
憶曾取笑邯鄲步拜賈虛言愧寄將漢舒序余香雪詞有琴其
香華其詞拜賈之語語

閭邱嶺草花雜發彌望爛然携酒獨酌

樵漁叢裏寄吟身佳事今年試斬新清酌沈沈容入手
好山的的解迎人郎當袖曳斜陽影澹泊花生冷谷春
徐度石橋煙欲暝金鷄飛破一溪濱

小游仙詩四首

林是丹剛樹白環韻飄神籟閣風閑玉樓十二俱明月

但問飛瓊第幾間

拋擲林禽浪作思也今下吏得高簪具妃手握三枚棗
不是揚義不與吞

掌內生文果不差盧僊猶未識仙家武厓山下雲來後
說與前身是五華

游戲廬山跨白龍羅衣輕曳紫煙濃屏風疊限分南北
一箇仙人占一峰

登桃花嶺

穹窿父羣山桃花嶺其脊我來不支筇登此試脚力牽
蘿綠相引垂果青可摘雲動風推松瀑飛雨敲石菡萏
谷霧黃鞵鞋巖花赤景幽物增妍地僻意殊適晚投山

小山詩初卷

九

下居孤吟自浮白開軒面所歷煙月相與碧

夏日涼甚題扇

憐爾團團影長捐篋笥中及時猶見棄況復遇秋風

雨後觀漁洋鄧尉諸山偶感作歌

朝不見山山在雨間暮而見山山色可餐有如玉人參
差立修眉碧彎彎或作高髻垂餘鬟仰頭看未足低頭
發長歎我本欲附青雲士年少來居白雲裏梁甫吟成
憶臥龍世人輕我鴻毛似丈夫出處會有時草履黃冠
何必輸金紫吾聞長安禽翹多王侯昂車怒馬馳如流
日亦不得息夜亦不得休折腰屈膝令我羞何如看此
雨後山白雲無盡長悠悠

微風

避暑竹軒裏恰有微風送力淺不成涼但覺爐煙動

新月

西樓新月生纖纖亦可愛嗔人說如眉開鏡拂螺黛

懷維箕

楊公六十老無兒禪榻茶煙裊鬚絲獨上山樓望梅里
湖雲一片隔相思

晚霽

雲散夕光露東風晚霽天一林生碧氣片月倚新烟山
閣閒登處鄉園在望前好憑春水漲寒食放歸船

贈戴高士南枝

小山詩初集卷

十

江山一切古今哀慟哭西臺復釣臺猶喜諸陵無恙在
冬青只爲故人栽

寄范聲佩進士都門

我占湖濱一釣竿相思夢不到長安美人何處碧雲合
欲贈芙蓉江水寒

秋感二首

梧葉蕭蕭下寒蟲唧唧鳴入秋花亦淡到夜月偏明貧
賤早爲客艱難長此生由來搖落候容易使心驚
散步柴門外疎林帶野坵湖晴看捲白山瘦欲收青空
濶浮雲戰淒迷楚草零西風如此意孤柏自亭亭
宿積翠菴

竹院僧留宿前峰雨意成飯知山稻熟浴惜澗泉清一
靜入深夜無眠話短生明朝歸路滑去去憺忘情

書夢

散帙滿木榻倦即枕以眠神適夢亦幽恍落縹緲巔天
青水欲合地白月正圓雲氣觸石迴盪作松梢煙飛蘿
挽我袖谷鳥歌我前脫冠挂高枝濯足清冷泉俯仰失
往境獨立風飄然

寄懷愚千都門

望山雲未出葉落忽數聲涼颼何處來吹起故人情故
人適長安長安路難行車馬自喧闐而多秋意生千金
亦不重一身亦不輕竹花冷蕭瑟鳳飢慎勿鳴負賤復

小山詩初集卷

十一

貧賤永期東臯耕

秋歸

我出反爲常我歸亦云偶問途故里中望門認衰柳入
哭向影堂肝腸斷已久退拜慈闈親默祈金石壽千絲
萬絲愁白髮散前後兄貧爲殺雞弟幼能把酒稍敘骨
月情園坐開西牖寒菊煙離離野竹風瀏瀏念是先人
培相看復垂首人生被飢驅桑梓不能守泣語諸弟昆
我將營十畝

歲六空綺閣落成晚坐即景

遠煙霏紫夕陽沈小閣閒登和鳥吟一檻涼風吹薄袖
幾家秋思帶疎林清琴未泛茶先熟新月初流竹已陰

欲問主人空綺意十年曾畫翠蛾深

夢愚千

落月照寒夜茫然空自疑與君方久別結夢是相思路
遠豈易到山深誰使知何當同握手真有老梅枝

冬日簡張山人懋齋

懋翁蕭散甚不作治生謀對雪哦新句看山上小樓米
空那曉索酒盡始知愁定向寒梅畔相思掉白頭

頭骨數珠歌

傳是建文時物余偶得之作歌以紀所聞

高皇龍飛懿文亡太孫踐祚謀諸王一朝削奪似七國
誰為鼉錯齊與黃北平真人亦龍種躍淵之始亂雲擁
碑旬霹靂征鼙來朝廷無謀四海恐長興善戰老率師

小山詩初集

主

猶然沈作淖沲泥松亭關眾亦十萬將軍一騎得道歸
嗚呼九江養兒授以大任誠非宜橫屍方積鄭邨壩
璽書斧鉞從天下怙寵氣驕肆毒虐先失軍心吁可訝
白溝河頭再敗餘繫繫頭骨成輪珠內寺豈能為冥福
用思如此何其愚燕師南下疾如掃金川門中旗鼓闌
佛聲猶在宮殿空喚得君王著僧帽茲事於今三百年
人間陵谷已再遷臥鎗折戟久不見一百八顆驚勾圓
監手摩挲未敢觸忠魂上有瞿都督殘燈颯颯眼迷離
疑看戈矛紛闕逐

曉度柴莊嶺由元墓至青芝山

斜月照殘更野風吹曉程雪消寒水下路轉眾山迎老

檜勢如攫早梅香已清恐驚宿鳥起欲緩筇與行

胡南溪齋觀梅得邨字

雪後來尋林處士便煩驚喜為開尊濕煙羅歷花如夢
晚院昏黃月有痕沈醉未妨添酒病一清真欲瘦詩魂
歸時滿袖寒香在心憶西山何處邨

過李山人笠峰齋漫題二絕

交深無送迎入室不問主坐看湖中山薄雲釀疎雨
清愁不可寫羸病復相侵知我客懷惡憑君盡此心

題李山人方菴消夏圖

時在赤松山園中寫余及諸子共七人

李郎本是龍眠裔丹青無師得天契茅菴人數七賢同
歷歷山窗潑墨中曳杖飄蕭白須叟婆娑樹底昂其首

小山詩初集

主

旁有白哲一少年指點遙峰欲開口其東竹林裏二子
翳蒙密似有學嘯者驚鳥撞人出竹繞僧寮清珊珊搖
玉聲一人橫榻臥一人據几聽葛衫羽扇者誰子端坐
凝神說無始其餘山僧童子各有態酒罇茶具列一帶
遠林缺處露湖光莫釐縹緲橫青黛祝融方張火傘垂
烈日果草木萎是中消夏樂復樂休遣人間熱客知

秋夜

清景屬秋夜幽居更不同邨醪隨意把蔬甲幸常充滅
燭坐殘月罷吟聞暗蟲倦來投短榻夢落玉山東

夜坐懷諸兄

踪跡如鴻雪何時返舊林拙惟自世好貧易失人心笑

口隨年減愁眉與日深懷兄不眠夜望月自悲吟

秋日登劉陽堡

海角劉陽堡蒼茫夕照開黑風吹草急白浪打城迴氣

肅魚龍蟄天高鴻雁哀雙忠血戰地牧笛數聲來

先世父及姑墳處

殞節處

野望

病無脚力尋幽勝野望時時上古原秋晚割雲收穰極

年豐打鼓賽雞豚霜渰木葉分諸嶺風引炊煙接數村

興盡自歸簷下息一鉤新月挂柴門

重陽前三日示山中諸子

燕臺梁苑到無因偃仰湖山托病身思醉偶來招飲約

小山詩集卷一

古

懶吟時有索道人十年空鍊三都賦百歲終成一窖塵

指日重陽叢菊綻諸君料理綠醅新

秋閣晚眺

山閣蕭森晚吹涼秋原野色迥蒼蒼白雲嶺欲闌歸鳥

黃葉邨宜受夕陽衲子閉門孤寺靜漁翁繫纜一汀荒

閑心判斷居人業飲犢呼雞味亦長

晚庭

晚庭騷屑動秋悲獨倚闌干未穩時新月二分寒雁背

殘陽一抹病梧枝飄零身世歸難定冷淡生涯計轉疑

坐看流光如水逝孤雲羸鶴共棲遲

曉妝詞

小窗鸞鏡照清容瘦絕山花尚道濃莫向短鬟嫌冷淡

今朝破例插寒松

蘇詩寒松無時花安得插寒松

徐雲期見于新月二分寒雁背殘陽一抹病梧

枝之句以為近鬼語漫題一絕寄示

暮秋詩境入清寒驚得良朋作識者重向燈前拈鬼語

暗風吹雨到更闌

書愚千都門寄歸詩後

時為新城先生所賞

新篇愛爾近逾工綵筆無由宛軟紅閒說長安居不易

古原春草壓通翁

早春再宿積翠菴用沈石田拂水巖韻

山居久已絕塵緣時憇僧窗愛靜便月墮桂香成昔夢

小山詩集卷一

古

風吹梅信入今年羣松結幄春藏鳥亂石迎流夜吼泉

却笑忘名猶未得擬將姓氏竹林鐫

春日偕友過笠峰齋小飲即事

養花天氣雨霏微閑客相携款竹扉帖帖陰眠犢子

斜斜屐齒印苔衣援琴指落流泉韻命酌盤堆野蕨肥

勝事更於何處覓尋常還往竟忘歸

野塘行藥

窗外幽禽喚夢醒野塘行藥出林垌風吹水漾晴蕪綠

雲放天爭遠岫青梅落無詩春草草柳長不折影亭亭

打魚最愛斜陽候爛熳歌聲獨自聽

送楊三文叔之華亭

青青荇葉渚蒲芽淡施春光別思除弭楫煙籠吳苑柳
揚舠風落泖湖花金盞入饌應忘客黃耳傳書易到家
定有新篇追老鐵空山延佇望瑤華

三月二日雨後作

薄雲釀雨灑銀塘點點浮花曲澗香定為人情思稷飲
預煩天意佐流觴緩歸牧笛沾青箬帶濕風箏挂綠楊
晚院輕寒晴未老鶯梭一擲破煙光

三月三日集沈校書山園

執蘭依舊亂山中彈指三年袂袂同偶酒春泉依澗石
忽聞流水在絲桐竹光搖碎酒鱗綠花片舞添人面紅
獨少張華吟上已興闌相與訴東風時烈雨已發

小山詩初集卷

太

三月十二日偕山中諸子泛湖游蟠螭山飲於

石壁夜宿如是菴菴僧挑簾作清供次曉
夜阻風再宿如是菴菴僧挑簾作清供次曉

發棹復登竺山望宮籙頂歸後夜坐雜題六

詩以志勝遊

騰騰放棹綠波灣幅幅吳綾寫髮約得詩人聯白社
携來茶具訪名山一峰陡拔常湖踞雙壁高擎有路攀
繫纜身輕凌絕頂閒雲野鳥滿松關

煮茗旋收柏子焚僧雛朴訥也殷勤山花半拆款關石
拄竹輕捎散谷雲蘿徑琴聲和鳥度楸枰棋響隔林聞
振衣千仞當新浴第一峰頭眺夕曛

月中圓坐瀉銀瓢醉爰狂歌撼碧霄松柏欽魂隨地滿
湖山載酒幾人澆穿林杳杳聞清磬裂石鳴鳴起洞簫
我欲誅茅共僧住尚憐塵累未能超

查山峯石競游嬉想見前人獨賞時明李長蘅查山詩曾來
我獨賞近乃游者餘
閣撐雲開遠望名流擊鉢剩殘詩去春秀水朱竹垞先生借吳中
名士觀梅六浮閣詩戲猶滿
壁地連銅井二三里梅接石樓千萬枝漫惜我來花落
後綠陰青子自相宜

南湖風急打松扉欲阻湖船不放歸亂樹掃雲衝薜起
怒濤捲雪接天飛傾乾荒店連鉶酒採却山僧一稜微
兩宿何緣便思去暮寒偏自上單衣

勝地難忘作後期歸舟風順別僧時七人游展從容去

小山詩初集卷

七

六幅輕帆美滿吹竺嶺驚聲撲朔笠峰橫靄勢蹣跚
到家轉憶狂游地枕上吟成寄所思

春郊即事

躡青閒過小橋東幾處春情入望中野店酒停游子騎
輕衫人耐落花風雲端半露遙山翠天末微留夕照紅
絕愛暮歸行犂確嫩鶯新樹霧濛濛

春思次韻

欲暖還寒雨乍收柔桑須采下妝樓愛臨綠水疑開鏡
羞近桃花點轉頭蛺蝶飛來連扇影鴛鴦繡出一羣愁
不知天上黃金屋貯得佳人似妾不

雨閣書懷

秦樓窈窕接輕陰
犯曉鉤簾點筆吟
宿雨鳥多辭樹意
附風雲有出山心
家於松嶺橫邊隔
春向楊花落後深
莫笑長卿空四壁
一篇封禪冠詞林

虎邱舟中戲贈

風前燕燕掌中身
伴携舟采白蘋
新是秣陵驢背客
煩君紅袖拂緇塵

金閨十里繡簾垂
院院笙歌動客思
一種好花齊解語
東風擡舉鳳皇枝

哭周十襄虞

端重如君者誰知
早喪因一棺停野寺
三口向何人卹
後貧交愧遺文敝篋
珍斷腸金石契屈指
十餘春

小山詩初集卷一

大

晚秋偕山中友人散步

長歌紫芝曲携手
暮林東行見寒潭
碧坐依秋樹紅野
禽雲路遠細嶺履
痕通杖策誰招隱
名題里社中

除夕用戴叔倫韻

何堪逢此節長憶
白頭親今夜更寒
雨明年猶旅人淚
彈孤坐處燈照不
眠身未遂東歸計
鶯花空復春

卜居三首

海國吾故鄉吹簫
入巖阿雖與骨肉
月遠頗喜湖山多
金門既杳渺鹿車
亦蹉跎依人豈長
策無家將奈何僦
屋得數間聊足容
嘯歌僑寄非素願
人事有輒軻草補
葺謀晨起牽青蘿

薜痕斜斜生山翠
遠遠撲入門餘隙
地衰草帶殘綠薤
草時荏薤桃李倚
墻曲種樹法已知
鋤菜手未歇余也
慕莧腸本不稱食
肉何必華堂居但
願麤飯足高歌梁
甫吟悠然在深谷

維渭則有涇惟玉
則有珉諧俗世莫
識泛泛皆我倫親
朋競謀食托業寧
無隣樊侯屠狗者
馬卿沽酒人吾時
學牧豕聊得希平
津眷言桑梓懷振
策披蒼榛極目東
江東停雲意難申

哭蓀蒞二女

二女能言笑非男
亦慰情命同朝菌
盡淚向暮帷傾小
壙孤花志餘衣舊
繡明夜臺雙姊妹
索乳有啼聲

小山詩初集卷一

尤

讀文中子作

六季之亂大義荒
銅川有子生開皇
龍頸龜背鬚飄揚
手扶三才乘五常
視國民瘼心悲傷
鼓琴汾亭思廟廊
上策十二言空長
作歌東征聲激昂
道不行矣歷四方
北山丈人譏皇皇
汾水一曲疏屬陽
先人散廬在故鄉
其徒足樂聊徜徉
六經屢伸道乃光
龍舟五更曲未央
江都變起開大唐
惜哉遂夢修文郎
天不為留常與璋
祇餘事業付杜房
嗚呼斯人今則亡
安得從之共翱翔
宿晚清軒留別箴六
我歸必宿此如鳥
投故林清尊連夜
持猶未開離襟明
日煙江上孤舟渺
渺心

咏懷二首

昔我多遠志未遂常刺促今來飽艱難無事心便足舉
身付大鑪逃世入空谷雖無組冕榮而少昏夜辱幽鳥
飛且止孤雲起猶伏燒香對義畫暗室即明燭餘文雜
翻倒適性隨手觸永懷陶公篇點筆亦時續此詩有靜
機未許動者讀

桃李何灼灼隨風忽飄颻蕭瑟南山松霜骨久無恙天
運互往復物情有衰旺丈夫年少時困苦莫悽愴宜因
禍患多慷慨益自壯所爭千秋名眼前俱可讓哀哉長
沙傅弔屈母乃妾才高氣無餘輕身遂凋喪古來英俊
人晦跡全其量水深蛟龍蟄泥沙蟠屈強閉塞雷雨開

小山詩初集卷一

辛

飛騰復誰抗吾將采茯苓散髮老煙瘴

憶昔行壽易亭師七十

憶昔赤符欲改黃巾起渡江一馬高騰驤須臾化龍雲
氣薄續紛白雁凌空翔南斗之墟泰伯鄉文星照耀何
煒煌生擲頭顱報天子身騎箕尾歸帝旁翩然遺我雛
鳳皇不巢阿閣巢空岡綵翼錦羽善自藏深山氣寒天
雨霜竹實何處盈瀟湘不采非因道路長君不見籠中
二鳥矜榮光君不見隨陽羣雁謀稻梁碧梧棲老枝未
易一鳴獨待岐山陽

嘯古草堂送別箴六

鄉心已無限送子況臨岐酒散持螯夜風飄落葉時薄

醺憑檻久細雨去帆遲空綺相尋日新梅定著枝

懷愚千楚中

離襟紛百感迨此授衣辰日暮倚秋樹天寒懷遠人湘
山拾芳草江水斷丹鱗遲子一尊酒悽悽笠澤濱

題徐侯齋空林雪霽圖

深山觀物暇寫出歲寒姿一自秋槐落空留孤柏枝

田家行

分擬張王樂府

木生枝草生花生兒慎勿為田家去年畜疫牛盡死今
年旱缺秧田水麥荒不得供朝餽忍飢庠水氣力無驚
閒隔邨寡婦哭知有健吏來催租默下水車繩繫項且
去城中喫官棒

小山詩初集卷一

圭

贈朱竹垞先生

時寓吳門慧慶寺

玉堂舊是神仙侶却愛精藍作近游老去詩篇多放達
少時樂府擅風流女郎曾執紅牙拍酒客猶尋紫綺裘
禪榻鬢絲方結夏茶煙輕裊氣如秋

秋感二首

金天氣肅殺秋風滿空園園丁持斧入意態何軒軒側
眼視高枝舉手亂葉翻惡木因須伐終恐傷本根
孤芳昔愛蔽眾草秋亦零但恐蘭蕙質共受嚴霜刑所
重王昔香慎毋棄閒庭嗟嗟藜麻根春風吹易榮

秋夜

草際百蟲響羈愁酒不勝薄余秋館夢疎雨夜窗燈北

澗菱三畝西疇稻十塍何時生計足歸興一飛騰

寄山中諸子二首

海鶴階下鳴未脫樊籠苦知爾山中人佳游復容與蹠
屐寒巖雲漾舟清川雨

空庭展高步愁心入歸鴉涼風隕木葉攬衣忽思家亦
恐山籬下灌莽埋孤花

中秋夜月下作

山豁飛金鏡清光看不休忽生將缺意翻起最圓愁斫
桂莫傷手種榆非遠謀野人何所感浩歎坐南樓

小山詩初葉卷一

主

小山詩初葉卷一

男景



小山詩初葉卷二

婁東王時荆抱翼

秋日借葉嘯古游支硎山

八月陂塘清理楫成佳游帆影漾藻行蒿聲散鳬鷗魚
鱗雲細細天風看搖曳遠渚弄晴碧諸嵐接空翠水窮
上藍輿數里行崎嶇稻熟山農田竹香野人廬陟嶽時
下上攬勝屢俯仰荔塢有幽色松溝激清響名僧與高
人已矣俱沈淪聽雪澗未竭放鶴亭猶新古墓入佳景
秋芳氣何靜金粟飄幽香芙蓉淡孤影薄寒低夕曛酌
酒相殷勤微雨灑歸艇菱歌隔煙聞

秋霖歎

小山詩初葉卷二

皇穹何淫溢秋霖苦淒淒陰晴雜晝夜一月氣昏慘烟
烟日初出翳翳雲復黯森如銀竹立細似輕塵稼穡稻
已久熟欲穫仍未敢恐遂致腐壞豈止薄收歟潭潭祈
晴鼓社鬼田夫謫水旱出天意雲師肯誅貶此邦號佳
麗奢俗恒相染金盤饅饅縷美醞杯醺醺狼籍酒肉氣
積穢能上感降罰良由茲願人莫生憾但恐及窮黎無
辜誠足惜箋天空有心忍見白日掩

寄家書後作

嗟子辭親來山陬飢烏傍人五載留東望海水心悠悠
思歸不歸益有由故園無茅可遮頭今春卜居非愛幽
失業不得理鋤耰欲依中林張兔罟伯龍之貧鬼所羞

風雨出嘯聲啾啾傷哉二女病不瘳三時歎過淚未收
阿兄書傳阿母愁燈前拆書涕泗流身欲奮飛計未周
夜坐不眠數更籌細行作書語嘖嘖將封復看指兩眸
天寒北風吹徹裘曉蹋霜露尋行舟乞報阿兄爲我謀
破屋可得三間不

寄愚千

憶昔宗老汲園叟論詩嘗許我與而謂携所作北走燕
以謁濟南必受知不才萬事付懶惰子竟結束揚鞭馳
黃河水深泰岱高帝京宮闕撐巍巍雄觀入眼思愈壯
萬景奔會下筆追忽看故句自不愜千篇新製何偉奇
飛將引軍破堅陣快劍出匣刺生犀欄檻卓躒處士俊

小山詩初集卷二

二

無能刺謁屠沽兒濟南尚書雖大官風雅實乃騷人師
篝燈繕錄裝卷軸晨起走獻光陸離雁門太守真傑作
一見驚倒韓昌黎不惟帶爲長吉求幾使頭因東野低
方知異才有真賞前人浪道知音希嗟我愁病才力薄
子於何處收殘詞猥蒙手寫上宗匠奏雅繼以淫哇隨
一字之褒重華哀子最誠信豈予欺金陵八月開省試
踰驢觸熱汗雨垂三千里歸得携手醉眠共被秦淮滑
聯翩鍛翮避新羽我固應爾子可悲鄱陽湖波大於屋
乃復鼓棹天南陸謫仙去後無好句獨上黃鶴憶雄辭
一年消息竟斷絕念子不見生嗟唏歲云暮矣衣裳薄
胡不歸來共賦詩

夜坐吟

西日落魂歸林小山子夜坐吟調高聲苦寫憂心客爲
家日爲年瞻故鄉若登天居無屋兮耕無田我夢前生
侍玉皇一笑被謫日月長寄語仙人世難住早晚金華
去牧羊

張麗華侍女汲井圖

素綆銀瓶拂井床麗華晨起索寒漿忽驚門外韓擒虎
天子牽來下景陽

李密挂書牛角圖

頭銜光祿竟何成洪客江都計未行若作多牛翁自好
當年誤信李元英

小山詩初集卷三

三

唐昭陵六駿石像圖

珠汗桃花八尺龍晉陽蹀躞慶慶遭逢須知六駿皆天馬
不比瀛洲有敬宗

宋徽宗賜周渾人馬圖

畫筆君王豈足矜馬圖一幅到今稱飽看五國蒲梢種
寫寄中原恨不能

雜感六首

小時梨栗覓堂前鮮辟猶黏責子篇霜倒菊花餘舊徑
風搖楊柳在寒川飄零稻雁何由薦愚魯箕裘恐失傳
竹馬鳴車彈指頃平頭三十是明年

憶母看雲淚暗垂去家百里即天涯五年明月隨孤客

三匝寒鳥揀一枝萊袖未應慚進菽牛衣曾亦許舖廩
但令歸有桓孃井東海波臣涸不辭

南軒竹木映清淪燈火孤窗近十春門外時來麈尾客
風前常作護花人當時文采能驚座此日行歌學采薪
慚愧昌黎負兄嫂重聽夜雨亦霑巾

桃花邨外水東流塘號黃姑景最幽弟子鮑宣初入室
仙郎蕭史遂登樓漁灣細雨閒又鯉隴畔斜照受蹲牛
一自安仁歎遺往枯荇落葉八年愁

鳳嘴膠成再鼓絃辭家獨向五湖邊松中野寺聽金磬
竹裏山園漱玉泉爾汝樵漁人漸熟滯留骨月夢頻牽
他時大有相思處萬樹梅花幾醉眠

小山詩初集卷三

四

舊詩老去入囊長抱遺編自掩關憶昔從容陪杖屨
至今涕淚灑湖山紛紛勝薛重爭長寂寂王韋已不還
欲覓知音竟誰是新吟須寄夜臺刪

別愚千

楚江迴耀片帆飛予亦五湖深處歸相逢一醉還相別
去去春山紫蕨肥

陪穉亭兄游積翠菴作

山中春草芳書艇繫垂楊樂哉聯襟萃遂此携壺觸支
筇歷煙嶺憇石眺晴景平田鋪衲衣遠湖開鏡影寒裳
下屏顏迴瞻面西山修篁排綠淨雜花吐青殷招提名
積翠翠色染衣袂來多景不同行熟路能記旋過石坡

陀欬眠藉短莎遙觀笠峰頂游女牽飛蘿鄰鄰清澗石
中有芹芽白食芹具覺美飲澗聊自適玲瓏竹窗明把
杯聽鳥聲燒筍進香飯摒擋煩老僧留連不忍去散步
松間路清興凌飛泉高嘯據奇樹晚眺嶺頭歸晚風吹
我衣人家夕陽裏樵響數聲微

偕山中諸子泛舟作

三月春水生孤舟蘭葉輕載酒出湖口風濤渺難行煙
橫黛光碧曇花限咫尺眼看漁洋山明明不可即轉棹
隨東風前溪曲曲通拂頭楊柳綠映面桃花紅搖蕩二
三里小泊南塘嘴山早不知名寺古將欲圯振策欵禪
扉谷鳥相驚飛眠花犬自吠采藥僧未歸入舟暝醇醪

小山詩初集卷三

五

興到杯易盡圓齊切肥薤香美剝新筍半醉倚中流鬼
我散百愁扣舷歌樂府格格起雙鷗餘情思藉草提壺
田間道環鳴溝水清浪搖哇麥好廻橈過湖旁此樂未
應忘長年休促我卧石看殘陽

杏花雙燕畫扇

短翮飛難起低花拆尚含上林春幾許風雨滿江南

寄穉亭兄金陵

吳閭殘暑送行舟景物無端又暮秋莫漫雨華臺上望
一江楓葉亂鄉愁

橘

野人亭子橘懸金露葉風枝覆蓋深却怪襄陽孟高士

玉盤飜說勝幽林

三十生朝述懷三十韻

浮梗真難定周星屢暗移家貧爲客慣年壯使心悲小子趨庭日先公居海時荊花香冉冉楊柳露絲絲命舉鋤爪手呼抄飲酒詩題門雖有字蓬髮豈慚兒漸長知勤學辭親欲就師宿羣舒雁翅穩集借鷦枝鑿壁分隣火依園下董帷溫經香一炷讀史酒盈卮意氣虹霓上文章月露隨逢人爲白眼對客唱新詞時俗紛相駭清狂不自疑易愁憐命薄多病覺身危南渡桃花水東床德耀眉依稀三月夢倏作百年辭暫得依同姓旋來賦五噫荒臺感廢鹿逆旅壓蓀葵琴爲求風鼓簫因乞食

小山詩初集卷五

六

吹笏林有賢裔圓月不終虧蹤跡漁樵混心怡山水宜種花求異藥拾草覓仙芝壯志消清話流光入短髭賤身方自惜鍛鑄鎮常垂百里非遼絕頻年嘆別離高堂念存歿諸弟有寒飢罔極何能報同懷兩不知挽車誠急急卜宅苦遲遲會是懸弧候彌深故里思高歌繞一放衣上淚淋漓

移居十首用孟東野立德新居韻同稷亭兄作

寄食百里外邈若天一隅我歸實無所豈曰田園蕪明廷登俊彥展足遊天衢踽踽空山側落落寒松孤男兒已三十俛首慚徒餽
凌晨陟高岡谷霧何氣緼鄉思重迴迴托身與白雲滄

江紅尾鯉一躍晴波分口吐尺素書好音忽相聞新枝許竝集命我歸雁羣

鹿車驅薄薄中載琴書多一笑謂少君共挽心如何人生有四壁豈復憂其它黏扉剔舊蘚補衣裁新荷屋旁溪水淺風吹總無波

小人有老母恩比邱山高五色愧萊衣青青寒士袍守身恐弗堪何以答劬勞松柏況未樹空對遺書號呼婦拜影堂不識憐汝曹

良朋喜我歸叩門急相尋兄弟喜我歸彎弓弋鳴禽桐陰遮小閣蘋風送孤潯願傾百壺酒珍此一片心今夕竟何夕聊欲開吾襟

小山詩初集卷五

七

步出門東望青松滿平畦離離露滴身竹木使人迷既欣得園灌寧嘆無田犁鵬飛亦不遠鷄飛亦不低焚香讀南華物理真可齊

身賤安僻地心清愛閒居何須美田宅何必高門閭有母萬事足對兄百愁虛北堂弄雛暇東樓吹簫餘糾然戴我笠種瓜方荷鋤

織兒處華堂自誇衣食饒貧固非所病富亦何足驕嘯歌一畝宮但恐歲月消南山杞可餌北山蕨有苗緬彼高人居所嗟道里遙

土陵峙厥後石梁當我門林外聽鷓鴣池上觀魚軒守此蓬廬賤安知華袞尊新竹長比母高梧老生孫毋徒

漢九世終古荆枝繁

宣尼垂六籍日月比光輝談經追賈鄭不逮驅駢駢德
衰鳳不鳴時來燕高飛素志在邱經著書晰玄微飲水
良復樂鐘鼎與心違

贈毛鶴汀

蚯蚓鼓微竅雅音久沈淪煌煌韓蘇作棄若陌上塵毛
君繼高唱淵源溯前人渾朴謝瑯刻奇恣仍清真欲挽
濁河流上接天漢津憶昔汲園叟詞壇羅衆賓予也忝
末座觀君邁常倫寸筵撞洪鐘酬答意未申湖山落我
手采蕨窮冬春十年隔雲樹君詩益璘彬偶從靈運兄
傳寫如獲珍跛牛望天馬希跡終無因今幸還鄉園庶

小山詩初集卷八

八

獲時一親但以蕪陋故欲進恒逡巡廣川游浩瀚峻壁
攀嶙峋平生有微尚非君竟誰陳

南溪齋玩宣州石用東坡仇池石韻

豔豔寒波清齒齒孤峰綠細細猿鳥路斜斜坡陀足爐
香雲出岫瓶枝樹生腹玲瓏巧匠穿蟠屈長虬蹙不稱
俗子樵祇合仙人牧一見驚欲倒屣看恐已瀆南溪隱
君子懷此未獻玉卧游几案間聊比深巖伏予也舣林
泉赤松居久卜朝同木石游暮與麋鹿逐塵念懷鄉園
餘情戀雲谷轉笑東坡慳亦無晉卿欲但思松花酒醉
唱山中曲石壽知幾何人壽飛電速

金陵中秋用東坡中秋見月寄子由韻

纖雲褰開月未高棘園晚出重濡毫文淵壯潤賈餘勇
清吟憂憂風生濤乘醉相呼小范子東門前踏月明於
水疎楊堤上滿羅衣喧雜棲鷗半驚起長空杳杳飛晶
丸照耀萬里金蛇蟠何處園闔賞佳節何人偷拜夜深
寒坡公作詩昔臨汴事過千年月不變青趺却向秦淮
湖露濕煙籠古橋板金陵城外拱羣山金陵城高如鐵
堅明祖開基三百載荒蕪玉殿月中看在家中中秋應更
好客裏中秋惜草草一年一對中秋月而我不樂恐易
老槐花屢躑身賤貧臣之壯也不如人今夜姮娥爲誰
出問予可是蟾宮客

游金山

小山詩初集卷九

九

燕磯曉發舟如箭鐵甕城邊乍朝飯金山秀色緩歸心
落帆了却平生願緇流相引褰衣從古剎莊嚴金碧綯
翠華南巡留御墨虎卧龍跳驚欲炫銅環高鏤玉
座深伐鼓撞鐘法王殿谷鳥猶爲鳳管鳴野花疑學宮
人面試登絕頂凭危欄青煙一抹蕪城見晴巒插天翠
滴滴長江無風波練練倒看楓林綠未霜遠指蘆灣白
於霞摩挲殘碣尋遺跡坡仙去後風流散默思今古彈
指間事若浮雲日千變牛蟻床頭關未休何年粥鼓隨
僧膳世人大夢苦難覺夜來空使江聲喚

題畫

薄雲帶蒼巘秋空張翠屏山深人跡絕樹色冷孤亭

酬方礎臣

我夢蹋雲凌紫煙刮淨纖翳開青天欲呼姮娥舞桂殿
罡風吹墜菲堂前柘源方郎勸我獻賦要君王君莫羨
朝爲寒士暮即登明光枯松有骨寒菊自芳浮雲柳絮
空飛揚龍躍虎變應有日何況年歲非馮唐把酒且閑
吟涼颼洗塵襟欵寄歷落我自愛原非高尚輕華簪我
爲蓬蒿人未必蓬蒿老蓬蒿中人亦豪傑仰看碧翁任
顛倒來詩云欵寄歷落人共笑慎勿高尚輕華簪又云天生豪傑必有用宜終老蓬蒿間金橘熟兮鱸魚肥掉
扁舟今莧花飛五湖煙水三萬頃老我何人問是非

壽母

吾母飲此觴兒跪請具陳母幼遭喪亂失恃多苦辛嚴

小詩初集卷五

十

父爲提携及長方來嬪先公素高尚隱居東海濱寒齋
與麕飯舉案常殷勤出腹五男兒懷抱愛逾珍艱難數
十年白髮遂如銀母雖春秋高諸兒猶賤貧諸兒雖賤
貧清白各持身異母弟復四共孫十二人幼小相嬉戲
笑樂天性真大婦供滄瀛中婦請補綴少婦學婉順有
命亦克遵但願母強健遐齡享千春

子

偕顧玉停沈子大集繆氏雙泉草堂贈文子武

大繆何溫溫良玉潤澤無癡痕小繆何挺挺孤柏卓立
氣溟溟鳳皇之雛麒麟兒我從金陵初見之暗中動魄
自嗟嘆欲策蹇足何由追頃遭按劍閉門卧脚未造請

心相思我有良友生同里顧與沈沈郎激烈氣凌虹顧
君跌宕腸如錦一與大繆爭飛翺一與小繆劇晨昏因
之爲介兩并合高堂燈火開清尊蘭交在臭味投分非
語言握手始一笑歡若素所敦聯吟盡作鶴頭側傾壺
屢張鯨吻吞醉歌喧譁爛不收霜寒月落驚散裘眼前
榮辱未可判丈夫所貴期千秋

送穉亭兄入都

燕京三千里君已六七行作駒權奇汗血馬今爲老驥
當風鳴吾聞南山松霜骨久愈勁新蒲細柳紛取憐凜
凜高寒人獨敬北風何獵獵朔雪方漫漫曉起蹋凍裂
自覺衣裳單一氣通冷暖知君遠行難人生無離別那

小詩初集卷五

土

識會合歡夜醉共燈燭朝辭隔河關願君吐氣即歸山
天公不爲留髯顏功名富貴豈長在何如骨肉相團圓
送玉停入都

送玉停入都

中林有二鳥忽作高低飛高驚苞采露低傷毛質微我
昔與君交論心百無違十日九相見每見必忘歸青松
久不落霜雪空寒威後來豈無人細數良亦稀君今振
羽翰摩天向皇畿立身非富貴當念四海飢臨歧吐贈
言握手不忍揮獨卧滄江冷青簑拂漁磯

義興城上

空泛荆溪棹樓抵一經疎林雲片片遙露蜀山青

視徐大龍友疾

秋風落葉滿吳城良友支離見欲驚講帳同爲百里客
吟壇舊是十年兄才名自昔推徐幹病臥於今類馬卿
暗覺飛騰英氣減鄉心一點夜燈清

北星關曉泊

夜發吳江渚朝臨越水隅扁舟苦淹滯百產候征輸日
射波光動雲開嶺色孤不勞津吏詰到此爲西湖

錢王祠

唐祚丁陽九英雄割據秋兵屯八百里劒叱十三州淺
矣鍾賓客遼哉孫仲謀錢塘江上望重見起潮頭

岳墳

肅拜墓門下遷延不忍還傷心南渡事北望舊河關國

小山詩集卷五

主

勢觀虧月軍容比撼山空餘楊太尉雙勝畫連環

于忠肅公墓

北狩倉皇日孫申爲鄭謀變疑鵠識冤起鷺鷥謳社
稷功千載湖山土一坏嗟哉徐石輩回首似浮漚

湖上漫書二絕

高峰南對北浮雲西復東靜中觀變化應悟萬緣空
明月映三潭三潭惟一月空山學道人清宵冷禪骨

山中聞琴

好趁桃花片孤舟入漸深空山人靜處猶自有鳴琴

招愚千徐漢光顧孫臣玉停沈子大集古香堂

分賦得新晴新綠限一東

曼院春陰付晚風釣簾曉閣日瞳矐葉肥煙暗添深碧
花妥泥融露小紅滯悶撥開生意興纖埃刮盡見清空
故人莫惜苔紋合榆英牆邊屐齒通

換眼春花惜化工滿園新景綠叢叢應將草色一時染
不識鳥聲何處通小閣輕陰宜細雨疎簾嫩影怯微風
西窗幾樹高梧在漸漸能遮晚照紅

和鶴汀懷古四首

金陵

欲厭金陵王氣收秦皇虎視昔巡遊朱衣空使疏淮水
赤幟依然起泗州尚有江山誇險阻可憐金粉盡風流
不知狂客何多感爛醉來登孫楚樓

小山詩集卷五

主

維揚

錦帆偶駐爲瓊花枉起樓臺作帝家此日雷塘耕寶匣
當時柳岸挽金車獨孤眞悵慚皇嗣高顛何勞殺麗華
隱隱竹西歌吹路月明猶照玉鈞斜

錢塘

五國城邊血淚枯虎林山下自歡娛幸無大將違和議
恃有長江作令謀望裏神州淪北塞意中官粉照西湖
那知第一峰頭句題破臨安山水圖

姑蘇

高臺曾此貯西施歌舞爲歡得幾時二十年餘麋鹿聚
五千人膽新隨荒淫莫問吳王墓鯁直須尋伍相祠

剩有荷花消夏處至今猶唱采蓮詞

觀鵲巢

風光早夏最清嘉小步墻陰一角斜石鉢柳槌研佛粥
爲貧貪種米囊花

茉莉

琢雪玲瓏翠葉遮卷簾香貯小囊紗月明今夜清無暑
天女應來插鬢華

同徐漢光顧孫臣玉停雙栗毛用兩家愚千懷
一集子大雙桂軒和陶桃源詩用原韻

陶公義皇人而產晉宋世所記桃花源樂地隨水逝紛
紛辦有無惻惻感興廢徒令來者思焉得於茲愁我欲

小山詩初集卷五

古

營林園松菊差可藝石斷竭爭名花絕蜂供稅一籬障
塵金門關無犬吠舊書既百讀新詩時一製比隣多素
心乘閒即相詣風情諧淡蕩意氣頗踔厲未敢希千秋
聊期近百歲嗟哉淳樸風凋喪矜巧慧方寸殊仙凡曾
何析疆界隨地可重來今人自爲蔽目窮高鳥飛送情
寄天外誰能問津者遙遙結神契

登蓮華峰次儲五記雲韻

停我白竹兜萬綠暗林樾解衣挂鮮磴試險愛驚骨呀
然古洞穿接趺壞石髮頃刻青蓮華跣趺坐超忽羣峰
髻盤盤遠湖舟兀兀何當置茅亭聚景地數笏一滴天
池泉渴肺塵已伐願言老霞上此志日月揭

夏日偕玉停過顧亦岩南園

携手步城南晚露沾衣履扶疎果園開清晤一笑喜脫
冠挂飛柯流目矚野卉幽尋動高興密話無時已留餐
進玉粒止渴沈朱李是時盛夏天草木鬱茂美彈指恐
零落肅肅秋風起偕隱事易諧蕪萊共鋤理三人已成
衆素心詎能幾

題畫

茆屋前邨後邨青山東角西角溪邊柳影低沈雲裏松
花細落

詠夢

蘋荇忽無色汀花落影纖地荒微豔覺秋淡小紅添穠

小山詩初集卷五

古

挂珊瑚碎根浮雲水兼欲來維釣艇鷗鳥莫猜嫌

颶風

集古香
堂賦

歲在丁亥夏大旱萬象燿爍成凋枯平疇龜拆稻苗死
空使紅日燒荒蕪不知災侵坐誰致郡縣祈禳師鞭巫
龍王上訴帝赫怒下敕颶母驚羣愚江豚吹浪黑霧重
當帆千片東西趨扶開風穴撼地軸倒捲海水漂田廬
蓬蓬并挾濁浪勢瑟瑟更與涼颶殊莽莽百物動交觸
秋秋衆鳥哀相呼巨石摧落顛虎態老樹扳起垂龍鬚
重巖作虐順天意雖干執法天不誅瓦溝浙瀝微雨雜
嘉禾難救童稂蘇翻愁大吏歌喜雨政府不見陳災書
嗚呼民生竟何罪天豈以此爲戲乎陰陽燮理望直北

颺風之篇嗟腐儒

紺寒閣漫書

高梧葉盡脫修竹獨受雨寒鳥一雙飛時來相對語

重陽前一日集抱觀堂即事六絕句

猶遲送酒期預尋東籬賞更喜素心多相携勝孤往

故交聯白社暮別朝相見獨我時孤飛零落如秋燕

天清木葉隕霜落池蓮枯此中秋意冷禁得晚蟲無

大宕虎頭裔潑墨寫寒景空林不見人孤亭落山影

白菊暖未開青桂香入酒月中田地荒空使岩阿有

浮浪天涯客先期別意生小重陽可惜自聽棹歌聲于

重陽後日
有武林之行

小山詩集卷三

宋

松陵道中

桂棹當秋發江楓未落天孤帆懸半景野屋背平川采

采菱絲滑翻翻芋葉圓紫溪何處宅杞菊付荒煙

和鶴汀席上四咏并引

丁亥早秋飲鶴汀席以菱菜芋藕四詩索和予遂入都未暇爲也重陽後之武林舟過菱塘偶得花爲春頭聲中鏡色借春風折上水之句遂援筆書和之鶴汀近與北里素仙有投膠之雅故予是作托物寄情傷於纖麗聊代柳周樂府云爾

秋冷湖塘水不肥壓舟新采驚雙飛花爲暮雨臺中鏡

色借春風桁上衣愁緒怕如牽蔓亂歡情惜與置盤違

煙波十里紅橋路晚唱從教緩緩歸

菱葉菱絲次第鋪勾圓粒粒勝雕胡羅桂溫軟新窺乳

銀浦光明又獻珠下杵聲傳疑搗藥流匙香起趁提壺

曾煩纖指燈前剝紅豆相思校得無

渚花零落暗流香結子無端透葉長紫葍半含籠豆蔻

翠房輕拆打鴛鴦江深妾願時時步心苦郎能一一嘗

猶恨此身風浪裏輸他桐乳落書床

潔白千金未易酬瓊瓏心地似雕鏤橫陳玉腕應同夢

細翦水絲漫織愁人愛花鮮供淨几誰憐泥泥墮荒洲

煩君一掬清泠水洗出根苗死亦休

寓樓晚眺

臨安城中木葉稀臨安城外亂山圍樓臺落日半簾捲

煙火秋風萬竈飛潮打錢塘波渺渺嵐生葛嶺霜微微

宋家南渡成何事却引凌江白雁歸

小山詩集卷三

宋

蘇堤晚坐

天陰無雨但微風水態雲光玩不窮競唾游絲驚淨綠

投杆宿鳥下衰紅長橋錦帶彎環樣暮嶺南屏香靄中

獨坐湖堤洗心眼寒泉一盞醉蘇公

湖上雜題四首

西湖佳麗錦成堆画角城樓待曉開小袖宮妝連手出

高蹄邊馬逐羣來

拂面西風過斷橋孤山落木正蕭蕭澄波一片秦宮鏡

病柳千條楚女腰

葛嶺荒涼蟋蟀聞西泠橋外倚斜曛平章舊第無遺瓦

少保孤墳有怒雲

支節細跼雲雙履，屐涼催酒一餅。如此年光如此客，幾多心事晚山青。

四賢祠

衡山靈異香山佛，學士風流處士高。祠屋欹頽人跡斷，春秋誰與薦溪毛。

湖上小集分賦竹枝詞一首

總宜船近北山坡，紅藕花殘空翠波。飛定鴛鴦郎試照，九孃墟畔醉人多。

曉渡西湖泊茅家埠

幽尋偏喜客身閒，又放扁舟櫂水灣。塔堦晴雲如擁絮，樹深紅葉似燒山。風光一歲當秋好，林壑千尋趁早攀。

小山詩初集卷

六

繫纜留連真樂地，桑陰兩岸映柴關。

飛來峰

閒說靈奇見果稀，洞穿深杳霧霏霏。石能生樹應通氣，山訝無根自解飛。雲澗俯窺浮落葉，霜林頻看閃斜暉。特携酒榼思孤賞，先有閑人占翠微。

靈隱寺後山

背看雄剎亂峰環，薛磴雲梯不易攀。棧子風輕時隔瓦，竹梢煙暝欲遮山。高僧入定誰驚起，野鳥盤空未擬還。一笑浮生成底事，法堂鐘鼓喚人閒。

冷泉亭

靈鷲山前石徑平，流泉激激下坡鳴。暮秋楓冷半亭客，

清晝茶香多寺僧。此處靜觀消噩夢，須來枯坐洗浮名。雲林晚磬催人去，縹緲孤舟煙霧橫。

遊葛嶺四首

癖性頗殊衆孤尋，亦勝游避喧趨徑。別愛靜入林幽落，葉鳥俱下倚巖雲。共留如何仙令宅，蕭瑟滿庭秋。懷古意何限，蒼茫獨立時。已無賈相第，猶有葛翁祠。歌舞繁華夢，飛昇杳渺期。祇應携斗酒，醉筆自題詩。躋勝脚猶健，雲峰次第攀。倦依臨澗石，臥看隔江山。樵去無人耦，僧逢與我閒。平生幾緬履，惆悵不能還。愁展亭邊坐，閒情入望中。遠山含黛碧，秋葉闌裙紅。馬蹏銀塘影，丹移玉笛風。西林斜月上，漠漠素煙空。

小山詩初集卷

七

登吳山

孤峰巖嶭傍高城，屋瓦參差萬戶聲。鎮海樓前尋路入，望江亭上看潮生。氣清秋隼覺逾健，天遠暮帆如不行。落木西風正蕭颯，捲蘆吹徹戍煙平。

鍾翠亭

雲居林麓愛幽深，次寂荒亭敞素襟。杉檜繞關收翠色，鐘魚隔寺散清音。綠蘿挽袖遲遲去，青嶂和煙漸漸沈。到此誰知在城市，茆菴桑圃繫人心。

游韜光寺贈山止上人二十韻

已從雲林游西北，轉深靚扶筇。磬確坡幽趣宜，細領菖蒲漱寒澗。藤蘿絡古礦，萬竹罨濃翠。氣逼日色冷，悠然

道心生誅非時暗省支公從何歸袍履甚清整延我慰
大室觀魚坐泉影復躋雲軒高決皆入溟津東海開風
濤西湖列盆皿錢塘抱城迴遙遙障煙嶺收眼到靈鷲
霜葉如火炳天豈厭凋落先春奪桃杏靜參盛衰理沈
吟浮生警山厨進蔬甲新釀續清茗半酣發吟情鍊句
苦喉哽請觀方外作所喜絕畦町攀陟意未窮烏鵲盤
落景遺恨北高峰樵人獨登頂殷勤虎溪別丁寧俗務
屏爲約重來期晴波飛舴艋

偕運甓翁泛湖用東坡和蔡洋郎中見邀游西

湖韻二首

西湖開朗兼清幽況當落木羣山秋衰楊垂垂煙撲岸

小詩初集卷五

辛

殘荷颯颯風吹洲共牽小艇載美酒人生本若虛舟浮
嵐青雲白張醉眼到處皆足供勾留君不見長安聲利
客迎車塵逐馬尾誰家亭子書三休

斜陽一縷鳴蟬幽卷衣拂拂涼颺秋紅葉半零楓樹浦
白鷺矯矯立蘋花洲目貽心蕩頗自得掀眉撫掌呼拍浮
高峰雙插松九里尚少菲屋三間留君不見漁人岩下
宿溪魚肥邛酒醺醉著蓑衣舞未休

醉歌贈江天錦天璋

將軍杯漕留京都衙齋清燕一事無翩翩兩郎君陳戲
爲客娛投壺分曹爭楚漢博塞袒跣呼臬盧子也儒冠
真誤著壯心英氣空消却床頭鐵龍挂猶吼欲讀陰符

鍊鰲界酒酣請學射未老筋骨堅顏高之弓由基技巧
力二者應須全男兒何能屈項守蠹編朝廷清明四海
靜且獵猛虎南山前

和繆武子冬夜言懷次原韻

何限平生意寒宵付一觴燈殘人坐月葉脫烏驚霜寶
劍醉猶撫冰床夢不長漫愁芳草歇指日見春陽

聞故園諸同志檢校桃源草堂已有成局喜而

有作

晉宋復已遠桃源方寂然高懷吾輩在深識後人傳異
姓連松徑同心種秫田真能携手去應便是神仙

飲笠峰齋賦贈

小詩初集卷五

壬

相思何處驗相見覺情真綠酒能招我青山有此人過
從皆舊識歡笑達高隣醉後論心語空憐世態新

冬日過積翠菴

歲暮還來此三年似夢中認僧多已換看竹與前同崖
障日先隱衣寒月在空傷心舊題處未有碧紗籠

伯兄雙溪先生五十初度二首

賢兄挺奇質卓犖超常倫弱齡侍嚴父理釣東海濱天
鷄鳴扶桑照耀珊瑚新水深虬龍蟠矯矯羞凡鱗身落
龍畝間志與風雲親時命惜不遂卜居南城園竹木旣
森秀花藥亦紛陳結交盡高隱春秋遜良辰清歌裂金
石酣飲流天真時時招野客對奕開心神松陰閑落子

觀者疑仙人逍遙忘物役壽與造化隣

憶昔竹馬年未讀一字書兄來憐我頑提携向城居衣食兼教誨十載何勤劬文翰稍親習遂竊鄉曲譽青雲無由攀終作山谷癯風中飛蓬根吹落天之隅豈有四方志分羣爲飢驅骨肉不計恩圖報無乃愚祇愧天邊雁成行猶不如百年兄已半我亦三十餘會當絕世務相從憇田廬永言操杖屨寧復慕簪裾

小山詩初集卷二

圭

小山詩初集卷二

男景



小山詩後稿目錄

卷一

余自甲辰都門旋里丁未春近客楓江方生定之爲余召仙適青蓮降乩道余生平甚悉皆寓七言一律中程逸園賦詩枉訊次韻答之

二月十三日家歲六檢討六十誕辰聞是日泛舟

石湖獨登楞伽山遊治平寺賦此簡寄

題李鹿山中丞學圃圖小照四首即次自題原韻

偈言十首寄萬峰臺以恬和尚用逸園韻

北平少宰招同雲衢翁林亮直寓齋雅集雲川以

事不至

初夏雨窗試七寶泉示駿功昆仲

是夕復烹此泉重題一首

次韻和棲霞道人警迷吟四首

講堂言懷示自山定之并寄草堂諸同學

明瑟園即事

六月二十四日西蓮塘舟中書所見兼示駿功自

山定之

八月二日待謝皆人不至

是夕皆人夜分始至信宿而別

雙髻子歌贈棲霞道人舟中口占慰定之二首

少宰北平先生取余題新城公精華錄後文一篇

遠貽山左俾刻集後詩以志感	西田公寄示近詩一卷讀竟感賦 <small>二首</small>	贈琴道人 <small>古怨辭 三首</small>	立夏日程逸園招同惟寅定之暨今嗣自山遊西	山即事雜題 <small>四首</small>	題沈敬亭太守來書 <small>贈金東塘</small>	送別雙髻子 <small>香濤弟五十初度</small>	咏懷 <small>清江濯足圖</small>	喜晴 <small>采蓮曲</small>	納涼 <small>步虛詞</small>	題石谷畫 <small>咏團扇</small>	相逢行 <small>龍馬</small>	立秋日 <small>送棲霞道人</small>	擬王龍標出塞 <small>擬杜牧之山行</small>	擬袁海叟題蘇李泣別圖	題畫空詞 <small>小游仙</small>	聞笛 <small>學書</small>	觀棋 <small>放鶴</small>	釣魚	雪中泛舟山塘登海湧峰	寒燈 <small>詠古得曾連蘇秦 二首</small>	虎邱竹枝詞
--------------	---------------------------------	----------------------------	---------------------	-------------------------	------------------------------	------------------------------	-------------------------	-----------------------	-----------------------	-------------------------	-----------------------	--------------------------	------------------------------	------------	-------------------------	----------------------	----------------------	----	------------	------------------------------	-------

已酉孟春雪後入赤松山口占 <small>二絕句</small>	淮上	四月一日新城道中見桃花	渡沂水遇武平令許二子遜	雨阻張夏過子遜飲	小除日覆校童子試口占	調任出晉江署後口占紀事 <small>四首</small>	去晉日重題 <small>二首</small>	山縣 <small>答贈潘秀才子敦</small>	雲根書院謁考亭朱子祠	宣講	八月二十日玉成堂會諸生講太極圖說	玉成堂觀種菜 <small>龍山寺</small>	東平里鄉收 <small>觀釣</small>	可歎 <small>龍山寺小樓晚眺</small>	護田道中 <small>二首</small>	玉成堂種菊 <small>即景</small>	齋期漫興	玉成堂前種桃 <small>玉成堂獨坐</small>	陟筠筑嶺 <small>二首</small>	宿嶺上邨 <small>二首</small>	由桐嶺渡西津再至東平里 <small>二首</small>	拙宦 <small>東峰道中大雨</small>	新坑即事
---------------------------------	----	-------------	-------------	----------	------------	-------------------------------	-------------------------	---------------------------	------------	----	------------------	---------------------------	-------------------------	---------------------------	------------------------	-------------------------	------	-----------------------------	------------------------	------------------------	-------------------------------	--------------------------	------

奉委與壽寧方明府互盤倉穀有贈

新坑曉發 間 題補甌寧信

碎珊瑚 呈副使莊公 二首

送別潘子敦 漫成

新春小飲即事 春雨

題相思鳥 春晴 題署齋老梅

春月 題署齋老梅

觀迎神 春煙

春寒 六十生辰有感

礬山行館 瑄溪夜泊聞琵琶

卷二

小山詩集

四

傳經閣雜書四首示程逸園暨令嗣自山

讀韓詩示自山定之 西番菊

珍珠蘭

傳經閣重題四首用原韻

江邊

傳經閣三題四首仍疊前韻留別

分得觀魚賦短古三章贈沈敬亭觀察之任西江

丙辰北行示二三同志 三首

題汪芋園小照

秋日過慈忠寺贈天月和尚 二首

秋思一首遙簡蕙帶洗桐

賦得山鷄舞鏡 贈楊長樂友桐四絕句

友桐次韻枉酬再疊韻贈之 四首

香祖謝二兄膺鴻博之薦後期不至丙辰冬相遇

都門出諸公贈詩見示亦成六韻贈之

次韻和香祖自嘲

次韻和香祖冬暮傲擊壤吟

為甘泉給諫題十二花圖

人日集吳眉菴少司馬寓齋即事四首用青瑤集

中人日樂城書院讌集原韻

拙園宮詹七十三誕辰奉贈 二首

曹徵君秋坪八十初度賦贈

小山詩集

五

次韻奉和蔣太僕春日題漱芳軒菊四絕句

次陸梅亭王氏園看花韻四絕句

題傳廷玉小照 二首 呈拙園宮相

次韻和友桐送春

四月二十日拙園招集觀芍藥

題謝香祖初日芙蓉小照

香祖帶經圖三絕 硯香書院圖

偶誦鮫長公頭白江南醉司馬之句足成二絕

無題四首次韻

為謝梅莊侍御題軍中學易圖

贈謝進士棟園 五月四日寄香濤弟

午日即事

都門送陳侯官桐邨還吳四絕

爲三餘主人題極樂菴主所寫菖蒲石

爲耨亭徵君題江楓漁火圖兼以送別

永樂署中
爲榮河令題還淳樓

冬日赴沁州攝篆作
春日介休道中

安邑道中即景
芮城寓齋漫興

公餘口號
瞻蓮閣偶述 二首

四月十三日匝河道中聞擢守成都之信感愧而

作 二首

爲明孝李泐冷先生擬樂府三篇 并小引

辭婚 樂

得閒居即景雜書 三首

歷山邨勘電災
題永樂署壁

題畫 二首

錦江書院山長張孔昭以年景花見餉

雪中送永寧觀察劉公

除夕前三日益州官舍書懷

西甌鄭有章秋試歸里贈以團茶湘管題五言古

八韻送之
讀唐書五行志作 二首

立春前二日即事口占
病起

紀事 二首
郡齋漫興

觀景兒新句作

擬古 二首

題崇寧尉李南陔詩文集

放歌
忽不見

趙清獻公琴鶴銅章歌三章 并引

鷲粟
木香

偶感
枕上

即事
石獅

思歸 二首
筍

枯梅
老杏

芭蕉
示景兒

即景
退衙 二首

感題 二首
送永寧公歸觀作

初夏漫成

獨坐
懷工部草堂

竹
寄南陔李尉

對鏡
散步

昆河衰柳
獨酌有懷

畫竹
題畫扇 二首

小山詩後稿目錄 終

小山詩後集卷一

太倉王時翔

字子敬

余自甲辰都門旋里丁未春近客松江方生定

之為余召仙適青蓮降乩道余生平甚悉皆

寓七言一律中程逸園賦詩枉訊次韻答之

策馬頻過郭隗臺不逢市駿又歸來香壇肅穆通靈氣

綵筆紛披見異才仙桂已從秋月墮寒梅空費早雷催

憑君話我箋天事花向蓬山深處開

二月十三日家箴六檢討六十誕辰聞是日泛

舟石湖獨登楞伽山遊治平寺賦此柬寄

六十抽簪髮未華江湖幽思渺無涯直將好尚追千載

小山詩後集

一

莫道生辰後百花潑翠新嵐如疊髻問紅小艇似浮槎

聞君高齋松牕坐自捧茶甌當吸霞

題李鹿山中丞學圃圖小照四首即次自題原

韻

解組身雖隱懷忠地豈疎心懸溫室樹業托漢陰蔬靜

憂蕭蕭竹清穿淺淺渠浩歌翹首望日出自携鋤

顯晦循天運心安與境宜栽培及葵藿保障寄樊籬嫩

葉飜風處清齋摘露時君恩存一飽此意古人知

脆甲連畦長垂楊夾徑微四山深窈窕百卉暗菲菲物

外求真味閒中耐苦飢太官羊已謝自有土羔肥

本是南牀貴偏同北郭貧寫圖成老圃招隱撰良辰變

服人難識孤標誰與隣好寒芳草佩終得見陽春

偈言十首寄萬峰臺以恬和尚用逸園韻

萬峰臺峙湖山窟勝地名藍舊所詣中有真僧鍊真性

白雲深護白雲菴

照暗心燈靜裏然問公何處覓良緣散花萬點飛如雨

娶得亭亭五色蓮

輪珠百轉終無定貝葉千繡總是多夜半羲車如火赤

可憐無奈月明何

庭前柏樹枝枝秀爐內旃檀片片宜一卷楞嚴支肘坐

花開花落不曾知

風疊輕羅鋪水面煙橫束素露峰尖更無人處憑高立

小山詩後集

二

空色何妨此地兼

求佛求仙皆夢裡宗南宗北盡魔中饒渠五百安心法

不及無心一字空

浮雲變幻古今新三尺簾遮野馬塵保此禪牀竟安用

衣珠覓得是真身

曉揭金經誰共課晚燒玉版可同叅寺門縱有獅王踞

大力牛從雲嶺探

碧霞翦作衲衣穿擬取香茅蓋竹椽爾我莫生分別相

萬峰原與一峯連

水似道心清不染山如佛髻淨無雲回看九點煙何許

一片紅埃間紫氛

北平少宰招同雲衢簫林亮直寓齋雅集雲川

以事不至

愛士夙推韓吏部吳閩無事寄居年都來蘭省龍文手
共醉楓江漁火天小杜風流何處所少微隱約轉蕭然
一尊櫻筍成佳會且向人間作散仙

初夏雨窗試七寶泉示駿功昆仲

幽齋隔翳塵雨洗林光綠雍容談經暇華池資濯沃
彼七寶泉昇致自巖麓烏薪發文火魚眼漲初熟傾甌
素澍圓照影明如玉鼻觀凝清香舌底餘甘續匪僅齋
湏酪直可疎醺醺余本淡蕩人對此百事足幸免玉川
禍兼無鴻漸辱高吟代書券索置三千斛

小山書集卷五

五

是夕復烹此泉重題一首

明燈散芸帙汲古展襟抱風鼓紅泥鑪重淪細研討滌
腸去羶濃澆喉潤枯燥佳品補茶經庶底貽後賢考方其
在山時賤視等行潦濯足同滄浪邇豎豈知寶嗟茲一
泓泉潔清空自好昭信藉洞酌可以散蒼昊何當薦郊
壇玄酒共祠禱悵焉感伊人巖棲以終老

次韻和棲霞道人警迷吟四首

珠簾畫閣杳沈沈繪影描香墨海深自被秀師呵綺語
不題花月到於今

易散由來是彩雲癡腸一寸萬絲紛何人天半驚春夢
傍晚清鐘枕上聞

崔護桃花一樹陰天涯空繫十年心東風片刻飛紅雨
零落殘香不可尋

月破重雲射碧紗回頭便可事毘耶狂猿息影空山坐
百果林中未是家

講堂言懷示自山定之并寄草堂諸同學

余本蕭散人性不喜羈束古賢以為師嘯傲遺流俗結
交天下士高談雜歌哭非敢貌中行狂狷聖所錄憶昔
玉京游門庭藉華族忝為東閣賓軒蓋紛如簇順風揚
微聲文舉爭推轂公卿托交契英俊共馳逐三年素衣
緇一笑返空谷折梅蒼山根采萼晴湖曲於世亦何求
倘然此焉足屢蒙金門客招我乘文局閑豫兩遨遊敬

小山書集卷五

四

愛專委屬相對必心傾相辭定省處平生熱血腔換此
淚盈掬年來倦羈旅閉門守幽獨羣彥競扶輪載酒菲
堂數偶作稻粱謀近就楓江塾主人禮意勤學子良自
淑英英廟堂器磊磊藍田玉國寶世所希何以相礪琢
自顧疎放姿何以導前躅衰懶恐遺誤素飽常內惡雖
萌去矣懷未忍言歸速斐然念吾黨盤桓以彳亍

明瑟園即事

緒風翼輕舟往挹春巖翠言尋杞菊園蕭寂雲烟閣喬
柯表林樾古藤牽薜荔疎香墮殘梅引步入幽邃穿石
復臨溪一笠孤亭歸山雲釀飛雨微寒襲游袂升閣見
漁樵拓窗開遠思寓公停華軒良友自越至淹留聆清

談命酌遂成醉明發權迴旋周覽重延跂轉憶天隨子
超然此高寄玲瓏三珠樹清芬守先志

六月二十四日西蓮塘舟中書所見兼示駿功
自山定之

扁舟曉發穿清溪楞伽山外蓮塘西是時六月久不雨
稻根水渴餘乾泥桔槔聲滿赤日烈令我惻悵中心悽
濃雲漲墨忽黯黯電母張睽雷槌擊徐徐輕風起蘋末
驟作駭浪堆玻璃肅然坐定仰空望蜿蜒欲下三龍低
一龍純白稍居上二龍色黑近可梯雙尾垂波波逆捲
勢欲蕩決江湖隄竊疑銀萬頃豈待俯吸枯涔蹄
私憂水重不可載媧石壓破驚羣黎祇願須臾甘雨沛

小詩後集

五

活苗蕪拭農人啼神龍變化世莫測丈夫會合風雲齊
三君少壯吾老矣好養鱗甲乘虹霓

八月二日待謝皆人不至

十年一見別何輕日暮遲君話夙盟空詠澄江如練句
青山長憶謝宣城

是夕皆人夜分始至信宿而別

漁火照船如葉輕帶星江渚踐鷗盟不眠連夕對牀語
直到曉烏啼古城

雙髻子歌贈棲霞道人

道人雙髻子本是洞府仙偶騎白龍戲滄海東遊瀾水
風泠然當湖乍浦飛紫氣蕭散人間四十年我聞其名

未曾識一倡遙緘窺定力春燕秋鴻雨渺茫吳雲越樹
空相憶雙髻子辭仙關飄飄碧霞衣乘雲下墮楓江灣
手持真訣二十有七字訪我於酒人之隊詞客之班狂
吟爛醉新性斧何如保鍊離塵寰我觀雙髻子貌古精
神充一髻西一髻東兩九日月何瞳矐一髻高一髻低
乾坤二氣無端倪鉛汞成兮谷神現坎離交兮嬰兒變
金丹玉液滿壺中俯憐百歲同奔箭雙髻子我不願分
刀圭於世得長生願聞至道使我方寸無牽縈消盡滓
穢餘靈明湛然一笑還上清

舟中口占慰定之

東歸十日我心勞泣玉猶聞激怒濤獨坐秋窗背秋月

小詩後集

六

一燈深夜讀離騷

暫蹶霜蹄莫黯然轉頭便遇九方歎即今已播才名滿
未到蘭成射策年

少宰北平先生取余題新城公精華錄後文一

篇遠貽山左俾刻集後詩以志感

敬為漁洋風雅主心香一瓣托遺文謬將勺水量滄海
敢比桓譚識子雲新得賞音殊鄭重遙緘敝帚荷殷勤
姓名卷末如堪附驥尾蒼蠅後代聞

西田公寄示近詩一卷讀竟感賦二首

客窗展卷夜燈殘天際孤忠使我歎萬死已甘酬主易
一歸未得乞身難蕭蕭髮久如霜白炯炯心常似血丹

十載綸扉經國手悲吟東閣布衾寒

荷甲羸糧盡塞垣老人八十獨身存君臣義重忘家難
骨月情輕爲國恩霜樹可禁風力猛冰簷猶望日光溫
如何一紙來千里隱約行間有淚痕

贈琴道人

底事道人名作琴調續猶恐未調心玉卮孃子傳真印
一點靈明一點金

古怨辭三首

夢南郎馬北夢東郎馬西願作道旁草從郎藉馬蹄
逢郎無一言惟有淚可灑妾心已百結何能向郎解
明月何皎皎照醒不照睡願借郎邊月照妾枕上淚

小山詩集卷七

七

立夏日程逸園招同惟寅定之暨令嗣自山遊

西山即事雜題四首

浮生寄天地歲月迅如羽矧啓蒼龍駕羣芳悵無主赫
赫赤帝臨漸恐灼九土不藉清遊力曷寫中心苦桂楫
辭芳塘復與歷深塢憑欄看雪澗直下注奔弩浣我百
結腸於以繞千古

盤紆步曲徑紺碧多精藍不見龍象安空花布優曇屢
坐竹邊檻稍接閑人談轉覓高士跡兼禮詩僧龕念往
發遙嘅撫今愜幽探徐起視早暮斜景當西南
林淺俗駕喧寒裳再登涉支亭謝窮窵蓮峰造叢葉一
徑穿涼陰萬樹布新葉就選石牀平拂苔置壺榼留連

百杯飲淡蕩歡情決醉語告山靈車樓在茲曉乘風凌
丹梯天路從此躡

平生愛結客垂老與世疎得遊賢主人素心時共舒況
兼二三子一一皆璠璣節序適代謝風光可相於撥置
千載愁聊爲此日娛日盡興未畢夜闌始迴車秉燭更
呼酒欲別且躊躇飄蕭華髮影嗟彼春風徂

題沈敬亭太守來書

新奉求賢詔當塗故誼殷魚腹貽下士鶚表起徵君
賴有長耕研慚無可獻芹不知何以報滿袖碧山雲

贈金東塘

五字隨州去無能繼後塵自逢彈古調不敢薄今人楓

小山詩集卷八

八

影臨江宅鐘聲與寺隣兼聞孟德耀酬唱共忘貧

送別雙髻子

師來兩度說南華相對書堂喚午茶莫把這回輕易別
浮雲柳絮各天涯

香濤弟五十初度

蘭佩荷裳水竹居平生小隱玩禽魚口銜花下尋萱蓋
眼冷人間覓舉書薄業祗期官稅足清門休問世情疎
與余共閱知非歲擬向瓜哇對秉鋤

咏懷

放曠人間世原非達士懷千秋心未冷一醉酒如淮

清江濯足圖

試除白雲屢聊濯清江端不作東華夢煙波萬里寒

喜晴

舊漲連新漲驚心拍岸濤三吳齊一笑霽色滿江皋

采蓮曲

蓮花學人面蓮葉障人歌多少邪溪女停橈說苧蘿

納涼

落日廣庭陰清飈拂素襟遙空飛玉笛喚起故園心

步虛詞

駕鶴珮珊珊天風鶴背寒六銖衣不見香氣繞芝壇

題石谷畫

泉挂峰頭碧松撐石脚青携琴有幽客彈與白雲聽

小詩後集卷一

九

咏團扇

形與月同滿影和風共輕任將及時意耀此已涼情

相逢行

平生同里巷邈若隔河關識面知余意許君相往還

籠鳥

玉粒蒙相餒高空自有羣何時破籠去萬里薄青雲

立秋日

冰漿瑪瑙椀瓜片水晶盤不記逢搖落江楓綠未殘

送棲霞道人

道人學道兼通禪蒲團獨坐夜不眠打包一片閒雲去

收拾南華內外篇

擬王龍標出塞

月苦沙昏拔劒悲家鄉萬里斷歸期將軍可是陳都護
借問何年斬郅支

擬杜牧之山行

遙度巖扉逐澗斜閒閒雞犬似仙家清溪幾曲浮紅葉
不是桃花認作花

擬袁海叟題蘇李泣別圖

漢使生還大節全河梁攜手淚潸然降臣從此終千古
莫怨羈留十九年

題畫空詞

詞係余草堂學人錢謙徐庚壁
猶子高翰情姪孫安國歲所作

七子清才各一家競將綺語寒繁華就中須識波心月

小詩後集卷一

十

無色天邊稱意花

小游仙

天街如水月中趨不見丹枝見白榆却與歲星同謫墮
古松幽洞將羊珠

聞笛

碧雲初破月如鉤暗裏飛聲動客愁一點鄉心杳無際
玉龍吟徹鳳皇樓

學書

洗硯門臨水一灣晴窗試墨趣長閒平生愛學坡仙體
未免肥多似玉環

觀棋

白黑紛紜盡日塵石枰袖手聽松濤謝公賂豎東山老
不爲蒼生也自高

放鶴

高人無事草亭閒颺去仙禽霄漢間休充蓬瀛鳳侶
海風駕浪隔三山

釣魚

清江落日楓樹林竹竿嫋嫋烟波深虹蜺爲絲明月餌
誰曉直鉤無得心

雪中泛舟山塘登海湧峰

弄水尋山晚未回天公玉戲好銜杯錦繡畫堂須花月
誰肯衝寒索句來

小山詩後集卷

士

寒燈

熒熒一點映牕紗客夢初回未到家江上層冰三尺凍
定無鄉信莫開花

詠古得魯連蘇秦

虎狼稱帝禍駸駸高節誰知蹈海心堪笑圍城趙公子
報功爲壽只千金

西過秦兵十五年蠟蒙六印世稱賢豈無金盡還鄉者
頭白篝燈刺股前

虎邱竹枝詞

妾船只傍綠楊絲郎繫青驄醉未知同日登山不相見
汲泉雙井總參差

已酉孟春雪後入赤松山口占二絕句

扁舟衝曉出橫塘雪滿羣山耀冷光獨踞孤蓬擡首處
古松微露帶朝陽

橫截銀濤尾釣船青雲看與白雲連雪消梅萼香新吐
一樹凌寒分外妍

淮上

三月九日余奉 微步過淮上武昌使王樓山以督漕弭
節於此余訪之舟中謝使君余等深談留飲酒將闌從者出
銀斗獻客謝使君命易玉卮子財勸余云君子比德於玉先
生之謂也君其引滿從此上歷 天階詢如珪璋之特達矣余
爲立盡三卮而別
醉占一絕紀其事

使君弭節駐清淮停我鋒車寫別懷多謝故人珍重意
玉卮親捧祝天階

四月一日新城道中見桃花

小山詩後集卷

士

荒莊茆屋柳絲絲四月緋桃爛熳時莫笑車中人白髮
試看花信北來遲

渡沂水遇武平令許二子遜

沂州沂水照人清清似相逢許武平一賦武陵空薦引
謫官應悔有詩名

兩阻張夏過子遜飲

客路斷行旅煩沽野店春艱難當此日風雨對斯人高
嘯氣猶壯清談味更真非因暫淹滯那見故情親

小除日覆校童子試口占

以下皆
江作

纔封朱篆息紛紜賴有餘功可校文百里才難常自愧
九重恩大敢辭勤蕭蕭學道鳴琴室淡淡無心出岫雲

調任出晉江署後口占紀事

一紙潘生孺慕歌士民聞余調任之信羣至縣堂號哭有老諸生潘翁爲作孺慕歌

紙閣藤床退院僧

酸寒原是老書生
有吳閭者踵門請見曰民處深山間公好官未一識面
今不見亦無見日矣余扶病起之聞叩頭悲泣而去

穿得溫陵萬淚珠

去晉日重題二首

小山新錄卷之六

那得從容把別杯

紳士謳歌標綺帙吏民涕淚灑芳郊洛陽橋畔迴頭處

答贈潘秀才子敦

年逾七十神飛騫胸韜奇策曾獻用布衣草屨老華門

忘年結契稱弟。書中有語。我最愛。名以文久。身道尊。

子敦與陳元孝書有云身
非道不尊名非文不久

意慈惠下徹千黎元忽聞符檄調他邑扳留無計中心

盡使我慚汗流云蓬茅豎儒性樸鄙謬膺劇縣牴觸

厚念我半載徒憂煩
瀕行悵別乃交道非有棠蔭無能

諼君如愛我幸止口且飲醇酒勿復言

山縣以下政和作

落晨叅散叢殘舊卷開書生餘結習吟嘯倚高臺

鐵山道中

金瓶梅詞話卷之五

雨猩衣點涼颼蒜髮梳塵勞渾未歇太息此巖阿

雲根書院謁考亭朱子祠

遙吾道在寂寂此堂清
斂步循墻退松聲和澗聲

八月二十日玉成堂曾諸生講太極圖說

探無極處祇向寸心間陡聽晨鐘發相期好閉關

玉成堂觀種菜

官舍依林麓，閒園草色荒。揮鋤煩小吏，脫帽倚斜陽。斷竹通泉近，分蔬帶土香。自知貧薄相，不食太官羊。

龍山寺

龍山修竹寺，夜坐展楞伽。暗裏驚沙影，泥中起淨華。飢餐香積飯，渴飲趙州茶。身寄非爲客，心空是到家。

東平里鄉收

社賽雞豚日，場登稻穀秋。賦應供國計，官且就民謀。樹黑僧房榻，山青佛寺樓。催科兼索句，吏隱任優游。

觀釣

漾漾方池小，鈞垂半尺深。試參吞餌意，莫起羨魚心。大海三千里，長鯨一萬尋。那知任公子，袖手正沈吟。

小山詩集卷之

七

可歎

可歎東和地，膠庠滿棘林。爲儒工訟牒，司教有蓬心。良尉弦歌久，高賢感化深。要令知景仰，薄德恐難任。益齋先生作

政和尉後朱子常往來此地余不自揣輒集諸生講席先之學

龍山寺小樓晚眺

蕭寺簿書暇，斜曛好上樓。紫凝山色暮，涼入樹聲秋。籬落眠花犬，坡陀放草牛。太平開畫卷，凭檻已忘憂。

護田道中二首

景物慰行役，籃輿一望中。豆田花簇簇，米碓水淙淙。石黛層嵐翠，丹砂落照紅。相逢道南裔，猶見有遺風。夜宿山先生

後奇却莊

稻熟分先後，平疇穫漸稀。白花蕎麥小，黃葉芋魁肥。窄窄山爲徑，斜斜竹作扉。雲庄高臥穩，倦鳥暮思歸。

玉成堂種菊

僻靜宜栽菊，秋籬及晚涼。官閒成野叟，節好近重陽。得露應添色，無花亦有香。休嫌宰彭澤，髣髴是柴桑。

齋期漫興

清和辭晉水，來此忽深秋。晴雨分涼燠，晨昏異葛裘。氣殊人易病，地瘠景偏幽。獨坐青山晚，齋心與道謀。

即景

西日墮巖久，迴光生赤霞。幽禽棲不語，病桂老猶花。古

小山詩集卷之

六

玉成堂前種桃

種菜有餘地，移桃比種桑。尋花初蓓蕾，見葉已芬芳。夢得詩浮薄，淵明記渺茫。祇期春到後，風景似家鄉。

玉成堂獨坐

破扉山圍抱，高居儼畫圖。青垂牆外柳，黃墮檻邊梧。疊嶂雲吞吐，遙泉聲有無。鉤簾閒拄頰，政簡足清娛。

陟筠筑嶺二首

破曉升高嶺，風光媚淡晴。碧雲沾袖重，紅葉襯山明。磴仄疑無路，泉飛聽有聲。翻因爲人事，到此愜幽情。直上應千丈，低窺可萬尋。縱堆山臥起，倒挂樹蕭森。稍

訝人行斷旋驚虎跡深危岡三十里涼照漸西沈

宿嶺上邨二首

屈曲盤千嶺來投嶺上邨白醅空自對紅燭與誰論枯

葉隨風影寒鳥守月痕夜分猶不寐思報 聖明恩

夢醒雲中閣高窗起獨憑山深遲見日溪冷易成水清

景差堪受蠻風最可憎莫將心兀兀且任運騰騰

由桐嶺渡西津再至東平里二首

言從桐嶺路西濟水沄沄曉霧濃如雨寒山化作雲燒

畬農務畢糶穀市聲紛欲訪閭閻苦親民在一勤

日出已亭午陰森未減寒茶花殘帶白柏葉老逾丹石

戶離城遠山粗到廬難重來童孺識笑指愛吟官

小詩後集

七

拙宦

拙宦貧逾甚乘閒自種蔬更無童飼鶴但有客歌魚報

國心終在謀家計轉疎劇憐兒廢學度閑蠹殘書

東峰道中大雨

冒雨蒼山道狂流撼石根涵濡同 聖澤沾被亦 天

恩畫障烟雲活螺峰竹樹昏每緣公務出勝景慰心魂

新坑即事

日暮荒岡暗黃茅夾路齊新泥傳虎印寒木少禽棲俯

瞰投蘿谷高攀踐石梯僕夫嗟泥瘁行役豈容稽

奉委與壽寧方明府互盤倉穀有贈

海寓昇平久年豐慶萬箱濟民紅粟滿酬 主赤心

接壤分邨郵聯交似陸羊因公各相過勉矣汲淮陽

新坑曉發

羣嶂排千疊孤邨結數家晨餐惟采苦薄酒不成霞日

淡升冰鏡霜消滴雨華散裘寒且透那免從人嗟

聞 題補甌寧信

竊祿移三邑當官始一年褒揚蒙 聖主獎勵盡高賢

逾分方多愧叨榮轉自煎豈期微姓氏又到 御牀前

碎珊瑚

無名紅子碎珊瑚粒粒勻圓照路隅可是李倫如意擊

被風吹綴樹枝無

呈副使莊公二首

以下賦
原作

小詩後集

太

樞衣階下識和融泰宇天光一望中遂使末員持美醜

儼如學子坐春風玉溫愈覺堅無耦香淡徐聞緩有功

拜別懷公不成寐白頭漁火宿蘆叢

孤舟一葉對江潭峭壁危灘已飽諳字漢未能終小鳥

吐絲自縛類春蠶楚卿漫說三無喜叔夜原知七不堪

最憶鄉園高臥處野梅花發照書龕

送別潘子敦

千里飄然至高吟七十翁多情建溪水相送武巨宮對

爾盈顛雪當余滿袖風臨歧珍重別揮涕意何窮

漫成

午衙初退興翛然半是詩人半是禪風過碧梧秋葉葉

蕞蘭花畔枕香眠

新春小飲即事

癸丑新春，武寧清江以韻來，會開日，與門人徐迎懷及兒子某九姑韻各賦詩，句以清酒，得此字。

清齋小酌試春卮，淺醉從容度晷遲。此地東風才思別，膽瓶猶放卻詵枝。

春雨

得生

霖霖朝來飛滿城，遙滋土脉待春耕。天公膏澤無私降，惡草隨花許竝生。

題相思鳥

得如

平生慣客苦離居，常對頻伽貝葉書。老向閩南逢此鳥，白頭吟薄馬相如。

春晴

得重

小山詩後集卷一

元

繁陰初解露天容，簾影和花捲一重。猶有少年餘興在，踟青心早上吟筇。

春月

得庭

峭寒入夜淡春星，香霧空濛影半庭。記得梨花枝上水，照人如夢復如醒。

題署齋老梅

得偏

偃蹇枯枝半不全，花開猶自得春偏。漳江從古無冰雪，好伴何郎白髮年。

觀迎神

得張

漳州上元迎百靈，僧巫雜遝燈青熒。金支翠旗去恍惚，銖衣颺舉風泠泠。

春煙

得龍

廉纖雨歇碧濛濛，杏靨桃腮半被籠。老眼看花自如霧，莫將無力怨東風。

春寒

得花

莫倚天南暖氣賒，春寒作意到貧家。采香一任情如火，噤口遲開五色花。

六十生辰有感

桑弧蓬矢記初生，垂老孤踪滯一城。爲爾蒹葭蒲驅小隊，昨宵親自挽弓行。

礬山行館

蕭然土室只三間，獨坐公餘心自閒。百變近來知幻態，

小山詩後集卷一

十

煙雲昇滅對礬山

琯溪夜泊聞琵琶

琵琶哀怨古今愁，楓葉蘆花一曲秋。試認青衫應濕遍，漳州司馬似江州。

小山詩後集卷一

男景



小山詩後集卷二

太倉王時翔抱翼

傳經閣雜書四首示程逸園暨令嗣白山

故人招我共郊居新著荷衣賦遂初插架牙籤三萬卷

重來書閣侶蟬魚余自漳州司馬移疾歸田至是未及半載

桐葉陰多勝碧幢午風涼送雨淙淙誰知高臥陶徵士

却向君家借北窗

懶殘匿影畏人知門外無車問字時縱使醴陵才已盡

尚留餘錦付邱遲時相從晨夕者推自山人

暮煙山濕句多才點開曾叨月旦來莫讓班昭偏續史

好將蘭閣接蘭臺自山賢配顧夫人太史西邸公女也子詩餘余最賞其暮煙山欲濕之句

小山詩後集卷二

讀韓詩示自山定之

管鮑既已邈孟韓繼其蹤一願身為雲一願身為龍雲

龍騰天衢上下常得逢口吸滄溟濤勢挾扶搖風排閭

謁帝座共成霖雨功走也實所望交貴有其終慎毋憶

細故抑塞兩莫通丈夫期遠大開襟婉天空浩浩欲宇

宙混混包鴻濛孰為恩與怨寧論達與窮最之崇明德

勵以結丹衷昔忝一日長晨夕效磨礱薄宦十年別喜

見學益充所訝雲龍交向背分西東願借巨靈掌牽龍

使雲從雲龍復相合令我心神融

西番菊家學下明府招同僉大白玉傳賦

嘉卉來殊方名與秋英儷色含紺碧奇質稟剛柔異九

層累而高五出互相蔽趾頂兼三才胎卵包萬彙心

凝微香鐵線裊餘致午開子漸收兄先次及弟稍稍燃

蔓生束縛志難遂緬彼陶家籬悠然使人醉

珍珠蘭草堂集同王傳思千賦時乾隆元年五月余方復健

倚倚盆中草閑衛周四曲種雖異九畹品乃同一族瑟

瑟綴何繁點點勻以簇仙服未染黃名姝方號綠幽性

避炎赫弱姿藉沾渥作佩恐難紉為湯寧堪浴惕哉當

要門幸矣歸空谷謬傳王者香載貲美人躅

傳經閣重題四首用原韻

山樓清寂敵仙居默守靈光照太初颯颯風雷驚夜半

忽傳滄海起龍魚

小山詩後集卷二

老去無心夢寐憶擬追漫更寄南淙百城未抵擁書坐

碧樹瓊瓏洞八窗

枯菴都綠醉不知涼風吹而醒來時依稀記有尚書約

待上衣船莫道遲

詞壇何限握珠才盡向蓬山紫筆來獨畏胡盧頻乞免

漫携燕石自梧臺余方兩辭鴻博之薦

江邊

江邊射鴨竹枝弓漁艇常乘葦岸風如許煙波留不得

短策新映曉輪紅

傳經閣三題四首仍叠前韻留別

勤難六籍正閒居頭白渾如就傳初天許襟懷原磊落

不教終老注蟲魚

七寶高懸折慢幢洗心孤坐聽流淙空花重布維摩室

照徹應開日月窗

日色瞳矐睡未知起來樹下立移時分明憶著前應事

試看蜂衙報午遲

德門才子待掄才海燕香泥貢瑞來銜得泥金秋信至

梧桐實滿鳳皇臺

野衙燕瑞皆記時事

分得觀魚賦短古三章贈沈敬亭觀察之任西

江

水深廣兮魚所飼長竿初折筌簞棄大魚跳躍小魚戲

濠梁之樂人魚忘人不羨魚魚不餌

小山詩集卷三

三

水深廣兮魚所舒依蒲依藻何徐徐悠然出沒得自如

魚樂安靜畏其擾君子養民如養魚

水深廣兮魚所活有害魚者求其脫不然鱗鬣遭屠割

救民之生在除暴救魚之死在防獵

丙辰北行示二三同志

明廷重推轂儲材選杞梓猥以爨後樗謬登山公啓鑪

帛再臨門驪駒當折筌竊祿素所慚彈冠詎云喜涉波

識淺深就塗權行止皎皎絲易染庸庸粟多糶無窮傷

薄劣曷以酬知己憂心劇欽欽維用告子美

翩然野鶴下煙海歸路遠長鳴飲雪羽獨立矜風標寒

松散涼陰孤月流清宵素琴慰幽客三弄追雲韶此曲

古時有歛爾逢虞姚君子慎進退壯往咎所招短褐聊

可被長組匪易影秉禮而度義龜勉脂征軺

行行黃金臺燕昭那足述卿雲旦復旦照耀重華室下

有變龍佐昌言許遠弼矧乃闢門廣因之羅俊密盡為

元凱登併之巢由逸田間蟻蝨臣敢以不才匿拜手頌

萬年海宇永寧謚轉憶 圓明園灑淚何時畢

題汪芋圃小照

翩翩玉立身脩然寄花院科頭踞雲根閒心入秋遠

秋日過慈忠寺贈天月和尚

古寺添金碧莊嚴望若霞潮音融梵唄雲影度禪花靜

挹淪波月閒探藤雪瓜一編宗鏡掩且啜諗公茶

小山詩集卷四

四

玉京車馬地盡說軟紅香未免求官者無妨選佛場臺

山終一路浮世暫殊鄉莫信金欄外傳人別有方

秋思一首遙東蕙帶洗桐時蕙帶乞休歸田洗桐連舉鴻博不至余故欲以原銜需次

客思渺無端憑高望眼寬南雲辭昔暖秋雪送新寒蕙

草香初飲桐絲靜不彈停槎天漢側聊與報平安

賦得山鷄舞鏡限山字七排十韻

南禽遠自殊方至毛羽新奇五色殷試啓瑤樓探瑰異

乍開寶鑑映端爛分明影恰涵菱沼宛轉形如殼拓鸞

颯還彩翎低復起玲峴纖趾去重還翅張繡段凌青漢

尾輝金花賽綠鬟大似圓光勾角距更饒餘態示幽閒

波心驚拍翰雲藻日裏鳥飛讓錦斑照膽受知甘委骨

棲巖無夢度孱顏于時應笑家雞俗伏草終嫌野雉頑
幸逐紫鸞朝絳闕儼同皓鶴綴仙班不貪飲啄常拋粒
未慣局籠欲逗關文采莫矜狂性歇好隨鳴鳳集岐山

贈楊長樂友桐四絕句

銀燈玉笛對心知夜夜清歌漏點移宛似登場施粉墨
六朝名士見今時

羈懷落拓總天真四海交游半酒人聞說清狂逢丙相
醉中不覺吐車茵

豪氣時時拂劍鐔轉頭一笑散千金誰知貧更添幽興
衝雪騎驢學苦吟

長樂賢聲十載傳重思百里奏清紉懸知肯為春農計

小山詩集卷三

五

腰笏親牽太守船

友桐次韻枉酬再疊韻贈之

泥沙有寶定蒙知矢志惟應永不移休道棲遲是淪棄
韜光正是玉成時

藻鑑奇才自有真悠悠慎莫咎塗人且沽美酒澆雙足
酣臥苔紋作錦茵

日將洮鴨浮霜鐔氣吐長虹值萬金有道今無不平事
蒼龍在匣未須吟

志業千秋盼可傳寫心聊托七條絃看君不是五湖長
天子呼來好上船

友桐和作有一紙
風飽五湖船之句

香祖謝二兄膺鴻博之薦後期不至丙辰冬相

過都門出諸公贈詩見示亦成六韻贈之

清發小謝才高吟嘯莊雪永持一瓣香敬為漁洋設舒
襟散蘭芳裁句含冰潔淡蕩遺世榮風規慕前哲既符
孟公飲兼守嵇生拙緇塵縱染衣逍遙抗羈紲

次韻和香祖自嘲

藤牽難臂緩辭家期候尚書未足嗟薪績漁洋山裏火
但炊雲子不炊沙

次韻和香祖冬暮傲擊壤吟

消寒酒盞客顏酡髣髴逢迎洛下多可憶家山風雪裏
梅梢香破白雲窩

為甘泉給諫題十二花圖

小山詩集卷三

未

舊雨相逢話昔因燈前點檢暗傷神丰茸十二花俱在
默數題詩少二人

閩石秋渥已
相繼祖謝

人日集吳眉菴少司馬寓齋即事四首用青瑤

集中人日樂城書院讌集原韻

玉京人日軟塵中乍喜春光又不同西嶺雲消流淡月
北枝梅放試和風金船滿未欺頭白畫燭明偏照面紅

閩海十年成俗吏荷公忘分得從公
毓秀雙溪茗雪中劉恩深重昔賢同慈懷常被溫磨日
懿訓兼吹長養風盈貯棗梨花樣碧壺藏琥珀繡斑紅

肅瞻手澤思遺範天道于今報善公

公幼時祖母太夫人親加
督課並兼調護每讀書至

夜分輒出酒果勞之其果碟
器至今珍藏是夕傳觀室客

寒氷一片玉壺中遂致遭逢世莫同不獨涵濡歌湛露
直追喜起奏薰風掄才燕豫六光爛洗獄沅湘雪涕紅
至竟楚天傳異事梨園簫鼓說包公公撫湖南親決冤獄民
開為漢續龍圖傳奇
從容談讌夜方中雅令深孟舊雨同醉眼對人疑隔霧
高情留客坐生風太宮半蹴寒蔬綠上苑花移素錦紅
勝事靈辰須紀述美髯城北有徐公謂汝南徐太史

拙園宮詹七十三誕辰奉贈

玉門留得老成人天馬駢歸紫塞塵借問綸扉皆後輩
重趨鶴禁恍前身酬恩一點心猶赤致力千絲鬢已銀
奉使莫言同屬國計年倭指欠三春
還朝方喜罷從戎兩盡偏難孝與忠雲護龍墀依聖

小山詩後集卷七

主旌懸馬鬣憶先公天街燈火星流夜錦幃親朋歡頌
中而我最知歸思切渡江鄉夢片帆東

曹徵君秋坪八十初度賦贈

昔年曾共客神京握臂論交記舊盟樓畔仲宣慚賦筆
洛濱子建擅才名監州我謝漳霞爛徵士人傳畫水清
最羨老萊兼逸婦青裙白髮餉春耕

次韻奉和蔣太僕春日題淑芳軒菊四絕句

春回暖谷同卿家遠歷三時見九華獨抱真香吹不散
任他紅槿爛如霞
翠幹亭亭葉亦香常依芸閣伴縹緗光風初泛同蘭蕙
較勝蕭疎五柳堂

不落秋花信有補多情草木更誰倫每於曉月清光裏
影繪朝衣直到春

未須檀板侑清尊也莫離騷詠芭蕉但祝金英似金鑄
東風長施護花恩

次陸耨亭王氏園看花韻四絕句

芳華不覺到花辰蕭寂閑居物外身金谷玉津春似錦
懶將心逐採香人

小圃新編麋鹿籬松陰常夢傲霜姿秋芳自是淒清種
不是春風獨不吹

繁昌一瞬過雲煙漫被繽紛眩目前更有癡人尋較晚
傷心綠葉悔當年

小山詩後集卷八

優曇偶現豈須栽九點煙空不起埃莫為琪花探弱水
海山誰見有蓬萊

題傅廷玉小照

羣芳繞座奉華年白晢郎君儼似仙靜握瑤編春晝永
寶珠光定絳宮田

撲蝶攀花一闌春鳳槽龍管隔窗閒綠楊風外雙鴛浴
頻首闌邊是紫雲

呈拙園宮相

聖主崇純孝先臣懷至忠陳情今日事伏闕古人風大
節光青簡精誠感碧穹千秋垂盛美獨斷竟成功

次韻和友桐送春

春來春去未須憐目送飛花意灑然好景試看珠簾海
韶華真似箭離弦撲簾殘絮何人捉入壘餘香幾日延
獨有維摩病居士破除結習是年年

四月二十日拙園招集觀芍藥時登觀公初奉
祭之肯

節候暄和景物嘉門臨丹詔恰光華試傾紫塞孤臣
酒重看金臺宰相花破鼻繁香方暗省卷波豪興轉無
涯君恩祖德團圓話王謝于今有幾家

題謝香祖初日芙蓉小照

客兒年少日詩格比風標暗省池塘意蓮華露未消

香祖帶經圖三絕

羣動樂寬閒一笠何瀟灑惺然挾策人不是山羊者

小山詩集卷九

九

抱篋侍清童更有康成婢端坐儼深思蘆簫牛背起
朝耕南岡下暮耕西溪邊味腴吸經液自溉一寸田

硯香書院圖

六籍裝牙籤嗟與塵封同擬實妙精義探玄多鑿空吾
友硯香子風詩夙稱雄恬吟以養性遂與儒先通冲和
擊壤叟蕭散白沙翁依林結講舍豈惟墳典充道集在
虛白樓靜雲巖中筌蹄竟何事馳輪御鴻濛

偶誦蘇長公頭白江南醉司馬之句足成二絕

斜陽穿樹影瓊瓏紅藥疎簾細細風頭白江南醉司馬
一甌春雪醒吟中

夢華障眼薄如煙朱邸重來了昔綠頭白江南醉司馬

火中不覺涌青蓮

無題四首次韻

純扇秋風賦怨詩錦屏春夢賺紅絲傷心夕照蕭疎柳
破楚門前第一枝

負異由來薄命多憂思空自致沈疴請看道蘊回家語
可奈嫺吟柳絮何

春風元是養花天日日東吹一徑偏江上寒梅高絕處
冷香孤豔不邀憐

冬饌冰盤已不收夏余那復戀香篝合歡好勸擎花手
也向瞿曇放下休

為謝梅莊侍御題軍中學易圖

小山詩集卷十

十

萬山黑雲遠連岱欲障皎日中天光但生黠默不作雨
草木非秋多隕黃九關誤蕩幸正啓長庚忽獻箋天章
雖然一擊未得當直氣凜凜摧奸芒脩羅藥叉戰西北
試觀膽勇道益彰金鑿鐵甲箭滿眼肅展河洛追羲皇
苞符上窺造化秘文字深技姬孔藏鑿空不事鉅釘掃
諦取精粹遺批糠存以進退占有數心亨過坎安其常
一旦重華起元凱消長忻逢泰運昌

贈謝進士棟園題余自傳
文極奇典

紅輪燒空塵垢堞畫簷左腕支頭臥懶眼摩挲合復開
三百驪珠光照座句道辭與寡勝多隻字不拾前賢唾
神劒如鉞龍一絲電閃金蛇燦天破制科墨義久度閣

汲古綆修深自課南宮戰捷誠千軍猶謂投時藝
會待形墀對萬言纂典陳謨天下播蟠泥蚓竅苦吟人
報章險澁慚郊賀

五月四日寄香濤弟

龍趨簫鼓喧短棹西灣弄日暮水仙祠知君憶前夢

午日即事

蒲漿生午倦晚立空庭潔何處佩蘭人椿花零綠雪

都門送陳侯官桐邨還吳四絕

海鶴尋松不計程清時歸去獨藏名非關竹葉山翁術
莫認江南陳季卿

京華十丈塵飛范蠡湖邊可樂飢相勸休思雞肋味

小山詩集卷三

士

故園猶及晚耘肥

石仄輪歌有輕軒彈碁局畔復何言好游山澤觀魚鳥
徑合飛書絕巨源

轉頭六月火輪紅去住情懷兩不同襟襟自嫌方觸熱

輸君高臥北窗風

爲三餘主人題極樂菴主所寫菖蒲石

渡河借爲飄猶是第二月草剗道人頭指端生綠髮

爲梅亭徵君題江楓漁火圖兼以送別

高齋隣古寺清詠愛江楓釣艇迎歸客鐘敲葉隋紅

永樂署中

官舍清幽意泊然紙窗泥壁一林煙牆陰秋菊黃鋪地

屋角遠峰青際天菜甲甜多原易飽布衾暖少亦安眠
浮榮勘破邯鄲醒却傍東隣授枕仙唐呂公著永樂人
古祠在署東偏

爲榮河令題還淳樓

還淳樓上望還淳香渺黃流日夜新但得魯山琴一鼓

聞弦自有辨音人

冬日赴沁州攝篆作

蒲坂初臨東復西旋來權刺古銅鞮欲知沁水清如許

千里寒冰試馬蹄

春日介休道中

綠楊官道映初暎馬上春風拂面溫一帶淡青山色裏

杏花如雪簇煙郵

小山詩集卷三

士

安邑道中即景

薄寒衝曉倚微酣乍霽天光正蔚藍山脚桃花山頂雪

斬新春景勝江南

芮城寓齋漫興

抽閒行館惜芳華一盞春醪夕照斜獨踞胡床誰與對

頻婆樹下魏家花

公餘口號

嶽影河流雲水鄉是中吏隱好徜徉高吟玉潤蓮洋句

拍几瓶花隨印床

唐李義山本朝吳天章皆永樂人義山以
居近玉潤自號玉潤先生天章著蓮洋詩稿

瞻蓮閣偶述二首

薄少添散秩疊荷微書下置身條華間冷扉頗瀟灑暇

日升高樓四眺我心寫孟夏鬱眾綠羣樹暗郊野雲中
露青逆笛外喧白社何來黃栗留一轉百禽啞清童侍
茶碗無酒亦堪把流目仙翁虛深悟萬緣假當前已足
樂委運任陶冶猶為明日計自哂非達者

昨歲蓬蒲治駐此河山偏秦飢晉亦爾黎赤愁顛連檄
委事奔走抒忱彈微綿直陳兩邑災督運三州船去秋沿
日即奉委查臨晉解州二縣秋災請又委督辦解州三州
沿河船隻至豫省太陽渡及靈閘等處運米接濟秦飢賴遇浩蕩恩

鴻獲安全冬春足雨雪麥隴青無邊彌望氣已飽不待
登盤筵憑高一舒嘯鄉邨殊宴然綠槐有新蔭可以容
酣眠竹牀施葦席聊引支頭瓶

四月十三日匡河道中聞擢守成都之信感愧

小山詩集卷五

圭

而作

言從虞芮返三月初觀察劉公委赴芮城
監督穀石並復安撫電災干役匡河旁雲壘道

峰峻風重麥隴香不才甘冗散漸老讓精強寵命自

天至慚無報答方

聞說成都郡稱雄冠蜀城何當聖明主輕付老書生
績未三年奏恩加五馬榮迴思布衣賤逾分使心驚

為明孝廉李淞冷先生擬樂府三篇并小引

乾隆二年秋余奉委勸導河東不意辭歸出其言大父淞冷先
生崇祀錄乞題許之而不暇以為明年夏余從恩師修葺有成
都之行恐負前諾謹將中實錄三條為人所允難者擬作樂府
以贈淞冷先生不在多端於可久而已先生名會河南尉氏縣崇積
樂人

辭婚榮

匹天孫兮世所榮淚露襟兮辭不行親闈重兮帝室輕
先生少時適下詔選婦場也以其才品舉之遂娶不食謂人口
離父母以求非分之榮即死不願也見上官涕泗懇辭方得回籍

毀簫歎

嗟洞簫兮悔予吹之彼美姝兮胡為來斯夜叩門兮勿
謂莫知毀吾簫兮鬼神鑒茲先生於宅外建簫花齋常讀書其中
因感則吹洞簫以舒志一夕有少婦聞
簫聲來叩門屬聲片去
遂毀其簫永不復吹

墜西城

守西城死西城東城既陷奚以生冠乃何人知我名墜
西城升九天臣骨碎兮臣節全先生於宅外建簫花齋常讀書其中
因感則吹洞簫以舒志一夕有少婦聞
簫聲來叩門屬聲片去
遂毀其簫永不復吹

得閒居即景雜書

小山詩集卷五

圭

蛻籜龍孫長調離燕子飛田間風景在忽憶舊蓑衣

火石榴花豔金黃杏子甜楊梅偏入夢空對水晶鹽

數聲喧布穀五色爛戎葵庭滿忘憂草臨階折一枝

題永樂署壁

屋後條山擁門前秦嶺橫仙踪神劍杳詩派玉溪清此
地豈官廨於中無俗情那知雲棧外又作錦城行

歷山邨勘電災

歷山古邨歷山裏當年古帝親耕此西去千層華嶽雲
東流萬里崑崙水昨日風雷帶電飛茫茫麥穗可曾稀
長官下馬詢民事髮髯靈旂捲翠微

題畫二首

霜楓挂絕壁煙靄凝遙岑石上坐仙侶對酌忘古今何煩展綠字道書空擾心

宛宛茭葉碧垂垂蓼花紅水鳥各殊態野致不可籠秋汀發遠思悵望釣魚蓬

錦江書院山長張孔昭以年景花見餉

石室先生花自栽歲闌移送帶蒼苔白頭太守支頤看暗惜年光進一杯

書院即文翁石室

雪中送永寧觀察劉公

繡衣東出錦官城江上寒梅一萼清天意欲彰冰玉操故將飛雪灑行旌

除夕前三日益州官舍書懷

小山詩集卷五

五

鏤篆官齋景物清朝來休沐動閒情疎梅獨樹篩香影密竹連叢戛玉聲報國無才添素髮懷鄉有夢濯塵纓乞身好趁東風轉一棹江南綠水生

西甌鄭有章秋試歸里贈以團茶湘管題五言

古八韻送之

七閩有國士依親越三巴壯志輕萬里射策還家秋槐杳天末春江泛仙槎我老惜分手臨岐重咨嗟贈以景純筆佐之月團茶願展修月技揮毫燦奇葩靈娥顧而笑天香紛雨華遂奪吳剛斧斫桂淪流霞

讀唐書五行志作

至治陰消百物自豈期汎濫編諸方唐家有道如貞觀

七曜芒中見水祥

霜下青青草作茵不知常燠可宜人于今蜀犬無煩吠皎日臨冬暖似春

立春前二日即事口占

節近青陽競舉杯兒童鐃鼓夜如雷莫教驚破羣花夢留待東風次第開

病起

霏微春雨變春寒蜀國鶯花五度殘病起心情無藉甚故園萬里莫憑闌

紀事

官糧十萬下渝川南國饑黎待此全莫怪錦城薪似桂

小山詩集卷五

六

沿江捉斷採樵船

盛朝恩澤萬邦沾番漢因何忽戒嚴聞說元戎方整旅雷霆要把蟄蟲殲

郡齋漫興

破屋幽窗樹影圓瓢棕杖境蕭然空餘太守頭銜在半似瞿曇半似仙

觀景兒新句作

岷峨山色秀參天點染新詩與關妍愧我未能追玉局他年望汝繼斜川

擬古二首

唯阿世所權輿直人所病事前忌鯁直維唯阿是競及

曾聞濯錦江邊水人飲能令義膽微

枕上

枕上鄉園在夢邊清和風物憶當年鱗魚出水銀鱗潔
竹筍調羹玉版鮮翠館停鞍沽美醞晴江移櫂繫繁絃
宦游久失芳華境憔悴東陽晚自憐

即事

屋瓦參差長昔邪官齋一似野人家携鋤自剗階前草
插竹常扶雨後花綠蟻浮浮開甕釀紫瀉滾滾試團茶
應知不是貪閑逸添足由來戒畫蛇

石獅

蜀守堂前兩石獅何年剗刻少人知未遭雨剝幽篁護

小詩後集

本

長有煙籠碧蘚滋靈異久經喧婦孺威稜猶足據狐狸
穹碑門外如林立輪兩千秋香火垂

思歸二首

昔從閩嶠乞歸田半載仍耕隴上煙被擢旋來三峽外
辭榮已在十年前開眸玉壘層層雪聒耳蠻音樹樹鶻
熊軾虎符非不貴其如麋鹿愛林泉
樊鄢涇口草堂閒家在東吳未得還竹密已開藏閣影
梅添更說遠溪灣羣峰疊竝鄉心亂古鑑明欺旅鬢斑
何日扁舟容解組茅檐曝背閉柴關

筍

通和堂外連叢竹每歲抽萌秋晚時迸石性堅綠抱節

登盤味苦定非宜人驚裏穉如團錦我喜垂梢似釣絲
直待分枝敷葉後清陰百尺月明知

枯梅

一樹枯梅不再榮春風於爾豈無情閑攀玉朶懷前夢
對吸松醪記宿醒雪凍情誰還索笑雨肥空自望和羹
劇憐橋立銀牆影遮莫香魂月下生

老杏

花衰淡白墜成茵子滿金黃尚餉隣高處已齊千尺閣
種時須問百年人霏微夢濕江南雨紅軟愁沾薊北塵
幸托蜀都依漢相休言不見御園春

芭蕉

小詩後集

手

後院芭蕉簇曉煙一重心展一重連乘軒不愛張黃蓋
啓牖長來坐綠天未怕森沈遮遠眺略嫌蕭瑟礙清眠
昨宵風雨三更過驚斷還鄉夢未全

示景兒

向為淒清不自聊雙眉如結厭長宵新來乘興拈詩筆
遂且忘機對酒瓢至樂元知非外假閑愁莫使更生苗
試看花事隨春去洗琰高吟暮復朝

即景

陋室三楹塵漠漠荒庭十日雨濛濛階心芳草全交翠
牆角櫻桃半已紅宿棟雲歸陳迹在辭梁燕去舊巢空
無端觸忤傷春色楊柳依依入望中

退衙二首

日盼歸橈下錦江
退衙高臥客心降
但安枕簟羲皇在
豈獨閒居有北牕

一篆香清七椀茶
蕭閑不異隱淪家
晚來自展藤床坐
細領輕風紫棟花

感題

永寧觀察劉公傳信
瘴瘴春還寧司馬居若
傳信大佛寺以友布衣時
錫年權厝白雲寺旁

旅櫬齊停唱露晞
徧尋諸寺淚橫飛
生時官職分榮賤
身後何曾異布衣

談笑分明在眼前
故情深摯各相憐
若論馬齒猶居長
白髮離鄉路九千

送永寧公歸櫬作

小山詩後集卷二

主

荒郊走送一棺寒
老淚臨風衰未乾
豈必尊鱸動歸興
五湖煙水待生還

初夏漫成

習靜如僧晝日長
楞嚴半展坐焚香
官貧無物充檀施
摘刺櫻桃作鳥糧

懷工部草堂

五載成都守心期
悵久虛空吟杜陵
句未識浣花居
獨坐

寄南陔李尉

獨坐意不適
長廊自繞行
艾愁如薙草
刻盡又重生
好在問仙尉
翛然可樂居
五言蘇李格
八法晉唐書
檄

爲親存捧心
將俗陋除不妨兼吏隱
幽興近何如

竹

荒署叢生竹攢攢
密似屏新萌秋始發
舊葉夏偏零
透月陰多碎
搖風睡易醒
鐫詩傷翠色
不及故園青

散步

綠陰宜散步
郭外正初晴
桑老新絲見
秧生布穀鳴
日催團扇舉
風逐夾衣輕
去去爲農好
高原賁耦耕

對鏡

閑窗展明鏡
對影一淒其
顰瘡憐今日
豐盈憶往時
生花無笑眼
染雪有吟髭
莫以二千石
終爲疏傅嗤

獨酌有懷

小山詩後集卷二

主

瓊瓏歌已斷
閑坐聽黃鸝
獨泛卽筒酒
微吟元相詞
離情悽落月
醉面拂涼颼
安得一尊共
論文比舊時

昆河衰柳

昆河橋畔柳衰謝
不勝情只爲生官道
年年管送迎
題畫扇二首

千尋陡壁懸一帶
疎林護遠水送輕帆
中有還山路

濃淡山光別
榮枯樹色分
靜觀今古變
獨坐對浮雲

畫竹

蕭疎一竿竹
葉葉帶涼風
前取垂綸去
滄江釣翁

男景

小山詩後集卷二



小山詩續稿目錄

卷一

早春舟過晉陵冒雪遊秦園

儲六雅允啟泥雲招同陸錫三王漢階遵一陳思

洛曹諤廷家愚千澄江寓舍雅集即事

擬鮑明遠樂府三篇

代結客少年場行

代東門行

偕儲允啟泥雲蔣維御家兄稊亭遊華山用東坡

與胡祠部遊法華山韻

贈吳美叔四絕句

雨花臺

江行

泛舟虎邱

小山詩續稿目錄

一

九日登赤松山

題李山人畫屏

吳門送別愚千之瓜步 紺寒閣示內六絕句

攜李曾梅廳郵寄家兄所薦秋闈遺卷見示感題

送惠仲儒解元入都

大兄煙垂霧接軒小飲

贈吳思緒習之昆仲

宿臥雪軒示家箴六二首

臥雪軒梅

春日重傷漢舒

月夜自臥雪軒歸飲杏花下

古釵歎

江邨行

養蠶謠

題富春垂釣圖

歲六過漢舒舊居詩以送之

咏李

得稊亭家兄南宮提音

紺寒春晚

過東園

玉停下第初歸箴六招飲用韋蘇州燕居日已永

夏木紛成結爲韻得日木二字二首

荷珠

次韻答繆武子二絕

晚清夜話

家敬敷招集栗園題雙清畫屏

題家葆光中翰小照

得家兄書漫題却寄

雨中作

曉起

偶成

七月六日吳思緒昆仲招同社二十有二人集廓

小山詩續稿目錄

二

然堂用東坡七月五日韻二首

既閑堂話雨

爲陳鳳翎題畫扇

寄惠仲儒庶常

游漁洋山

題墨華卷

望法華寺

紅梅

戲食河豚者

送社望子之楚中

悼女蕙六首傲孟東野

白鬚

牡丹

紺寒閣漫題二首

獅子林溪亭

早春同玉停雙秉過子大小飲漫成十韻

晚清軒即目

題長慶集

隨稊亭兄謁先人舊廬 題三兄邨居

示諸弟

閣上坐兩二首

六月五日夏時歲六携酒南園招陪穆亭兄

得朱竹垞先生凶問

納涼即事二首

題陸侍御小影二首

晚清軒偶示歲六

夏日毛鶴汀寄示咏蓮樂府題長句報之兼簡玉

停

輪扇歌

庚寅七月六日再集廓然堂懷吳思緒昆仲

粉鐸三友圖為香濤弟作

南園池上晚酌

閏七夕

送穆亭兄由楚之粵

寄懷夏山人

送李學博還廬江二首

寄愚千瓜步

小山詩續補錄

三

題楊柳秋蟬画扇

樓上獨酌

題徐秋槎僧裝小像

過戴高士南枝舊寓

既開堂分題陳白陽雜花畫卷二首

牡丹

秋日題桃花楊柳畫扇

感興

溪閣秋晚

贈家冰菴太守

平生一首懷家兄

沈二以美醞見餉詩以謝之

次韻奉酬冰菴見贈之作

小樓夜雪

雪中懷李山人笠峰

雪霽見月

冰菴有哭弟之戚詩以慰之

探梅

游元墓冒雨至馬駕山

泊舟坎下飲郁氏臨湖草堂

宿夏山人琴山書屋

曉度琴山至和安山

蟠螭山石壁精舍

潭西

記得

懷舊

家閨石進士招集善學齋感賦

新居即事

題愚千詩稿後

午睡

寄笠峰

游準提菴

海印菴大樸

寒鴉篇

寄楊文叔都門

小山詩續補錄

四

送家歲六孝廉入都

寄玉停

卷二

和玉停酬愚千韻

題橘

穆亭兄粵遊初歸出荔枝酒飲客即事

殘冬

立春日作

人日集涵古堂懷玉停用高達夫人日題詩寄草

堂分韻得日字

山橋夜泊

書所見

曉登支硎

報恩寺留贈霜公即用霜公進寺口占韻

由支硎山至瀆川遂泛太湖

積翠菴即事二首

吳門舟中送稷亭兄還朝

稷亭兄口占賜和疊韻再送

花朝雪用愚千韻兼示香濤

早春雜興用杜春日江邨韻五首

東園觀梅 落梅

咏柳 潭影軒觀否

香濤招飲玉蘭花下醉歌

春陰 四首 南園即席

月下索飲 題粉梨畫扇

權歌四首題香濤園中小舫

春盡日

小山詩集卷五

五

毛學博一粟菴雅集即事

漫成 初夏鶴來堂雅集賦

毛用雨託疾不赴鶴來之招詩以調之

晚庭即目 偕懷一城南散步

予為香濤作權歌四首用雨雨和之因疊韻戲示

兼寄香濤 芍藥

呈吟社諸公 醉中示愚千

寄家箴六庶常

家兄還朝稍後不及散館詩以慰之

愁 四月三十日漫書 四首

寄徐亮直惠仲偶兩編修 二首

夏五南園即事

西田公入相寄示晚清庶常

東軒新暑 六言示香濤

寄玉停 二首

七月十日毛崧園携尊招集隆福寺筠上人禪房

即事五首用少陵倚淨納涼時為韻

感書 送子大入都

送香濤入都兼呈稷亭兄 三首

吳正子招集風雨菴觀牡丹 四首

新麥

東山書屋雅集賦得燒筍

小山詩集卷六

六

家是櫟招集畫松堂納涼即事

陸尊光招集觀蘭 二首

玉停枉駕夜話即事 二首

奉訪唐銓部東江先生賦贈 二首

十七夜秋槎招同鶴汀南溪小集

題畫二絕

次韻奉酬東江先生枉贈之作

小春 寄子大都門

聞家冰菴被薦賦呈十韻

雪中招玉停雙粟

有詔搜求實學聞家相國欲以賤名入啓事因

年不及格而止題詩志感 四首

次韻奉和家官屠拙園芍藥 六首

答家檢討箴六

歲暮憶舊 七首

虞山孫徵君赤崖
萊陽姜高士學在

同里顧文學西齋
家汲園先生

候潮海上

題陳北溪詞稿後

秋涯檢討座上題層嵐曉色圖贈王石谷

賣屋詞

次韻題杜雲川太史花雨填詞圖 三首

題王石谷枉贈秋江漁樂圖用前韻 三首

小山詩稿目錄

七

讓木齋獨坐

留別晚清太史

醉中留別愚千

樂郊園雜咏 十二首

專錄

香綠步
烟上
帚花
清曉

捐山樓
涼心閣
紙窗竹屋
蕭瑟亭
遠風閣
藻野堂

吳門喜遇謝二皆人

卷三

北行道中雜詩 四首

旅店壁間見同里髯道人畫竹

卓中口占

任邱道中

望見西山戲作

贈家司農麓臺

次韻奉和張太史匠門種花詞 八首

花燭詞六首為楊文叔太史賦

咏史詩 三首

送顧太史秀楚南還即次留別原韻 二首

秋夜惠天牧太史寓齋小飲即事

送楊孝廉沛公歸蜀中 德清閣學索題華山圖

送家樹宣監司之任楚南

奉贈孫太常莪山先生 送曹秋坪南歸

送陳季方南歸

同熊皆立沈興之馮夔颺顧玉停夕佳樓小飲即

小山詩稿目錄

八

事

傷吳進士振西

曹進士亮疇招集將員外寓齋即事

送未巖殿撰省觀榮歸 四首

題南溪青蓮如意圖 送南溪之柘城

顧蔗田六十初度

送馮文子明府之任秦中 二首

夜坐感懷呈張莪邨太史 二首

疊韻呈黃太史退思 二首

奉和仁和先生新拓書齋倣樂天體詩四首並次

原韻

暮冬新月和博蒼崖韻

次韻奉和西田公南書房 賜膳

家祿光之任邵陽時屬楊子鶴寫山行雪霽圖

百春再任龍巖爲題短古三章以當折柳

題畫

盤石菴即事

京師歸未匝月別內赴閩中文幕

雪中陪李學使芝麓遊西湖

友清軒與王孝廉中安芟治佛桑

歲暮示同幕車端平

題蘆雁圖

吳興郡丞高乘亭三十初度

四首

春雪

寄愚千并示玉停

愚千次韻枉答再寄

愚千再疊韻枉寄仍依韻答之

小山詩集續編

九

愚千連疊韻枉答四疊韻卻寄

愚千聞南閣信後五疊韻見寄并示諸同學余連

疊韻答之并示北閣獲雋諸君

二首

七疊韻寄愚千并示嗣宗行表

八疊韻寄愚千并示嗣宗行表

九疊韻追悼陳思洛姚鐵華

將赴中州文幕留別東江先生

二首

題徐太僕泰掖先生遺像

題九峰三逸圖爲雲川太史作

題州陪蔣學使省菴遊蘇圖

沙韻酬項雪邨

雙柏行

次韻酬莊麗農見懷之作

雪邨用麗農韻賦旅懷見示依韻和之

客中題畫梅

將赴懷州同諸友與雪邨話別

次韻酬雪邨見贈之作 贈白門友人

四首

和麗農別諸友韻

二首

麗農雪邨疊前韻枉贈酬之

二首

歸舟再疊前韻示麗農

二首

孫子逸依韻見贈三疊韻酬之

二首

岸水謠

題仇十洲畫馬

四首

重題長句

小山詩集續編

十

牯犖小女歌爲杜房芝賦

池魚嘆

題沈白漣先生全唐詩選

望雨

喜雨

秋日過朱大端揆齋小集即事

題倪高士漁莊秋色 涇東草堂觀老桂作歌

暮冬獨步東園有懷 冬日過桂軒太史

題邵四履九濯足圖小照

送維揚張太史良御南還

漫成四絕示王進士隆川

題儲五汜雲金陵雜咏後二絕

題汜雲浮青水榭圖

次韻酬繆桐邨

次桐邨又題韻絕句

二首

十四夜月

十六夜月

別澄觀相公

別晚清太史

次韻答桂軒太史

二首

寄穎山姪用前韻

二首

喜逢許二子遜

卷四

鐵簫歌

三首

澄觀公和詩慰留疊前韻

酬黃石牧太史枉贈四絕句次原韻

酬姚魯思太史枉題中州所製青綃樂府四絕句

小山詩集

士

次原韻

贈王忠安選鈞

後遊仙絕句示鄉林雲擇行表漢忠

四首

次原韻酬陳大樹滋枉贈古詩

五首

再贈王忠安選鈞兼示姚魯思姜賦山俞尹思三

太史

宮庶李芝麓先生和余侵字韻詩枉贈疊韻東謝

鷓鴣次汜雲韻

二首

見子遜詩有江山無太白寥落一千年之句愛其

豪興不減青蓮足成一律贈之

示沈進士芝岡用鼉補之廖正一贈答詩韻

贈明史館胡大襲參一百三十韻

題楊三笠乘江天一笠圖次韻

再次韻題疊紅吟卷後 題姚四心求米尊圖

爲桐城方十九引除題載書圖

題金粟道人玉山名勝集

古詩三首答子遜

寄孫雲舍

題涼曝圖

二首并引

送秋涯檢討南還四絕

次韻和陸香林看花絕句

四首

題畫梅

經香像菴遺址弔烈尼鳳姑

桂軒太史服闋還 朝意欲索余文以爲贈憐余

病不能作屬題二十字小詩勉賦以應之

小山詩集

士

兩窗雜書示穎山素威兩姪

三首

桂軒書荷蘭操一篇見贈作詩報之

二首

壽西田公八十

永菴太守八十壽

哭族孫仲齡

寄園文讌

寄懷格菴禪師

秋影軒觀荷

秋影軒即景

感題

二首

包山人携見懷詩過訪次韻酬之

小樓晚眺

贈鍊師中隱子

四首

秋日漫成

寄外弟山中

次韻寄答笠峰山人

秋涯檢討齋觀崑山石歌

次韻答寄桂軒太史

疊韻寄懷陳大樹滋

疊韻寄懷許二子遜

疊韻寄懷繆文子武子兩編修

代中隱子轉索愚千贈句

秋圖言懷

雜書六言十二絕

摘豆

古意

秋日過愚千齋觀文石取揀存數枝以歸賦謝三

十韻

重陽日候雙栗閒步

論貓三十韻

花下醉吟

無隱林桂花下小飲用前韻

題式玉詩卷

過吳氏溪亭觀木芙蓉

小詩續舊錄

圭

南溪憶舊 二首

南圃憶舊

暮秋偕雙栗散步東城作

過香濤弟潭影軒觀東莊作畫 四首

題愚千顧烈婦詩後

示少川禪師

少川枉酬四偈依數重題却寄

爲甘泉員外題蒼山紫塞及杏花時節在江南兩

畫冊 二首

次原韻奉酬西田公枉招北上之作

暮冬即事 二首

小山詩續舊目錄終

小山詩續舊卷一

妻東王時翔

早春舟過晉陵冒雪遊秦園

孟春始行邁密雪阻輕舸推篷看雲燬白馬騰駢賊忠

山本秀絕茲日彌瓌瑳其下有名園清遊乃無我塵務

百勤懶幽興一發果踏冰足凌兢一徑趨磊砢入門瞰

激潭新柳柔絲緝洞輕轉森峭泉聲喚人坐的皪寒梅

折翻飈凍雀隔氣陰竹色靜地寂松濤播颯然不可留

日暮黃雲鏢

儲六雅允敬記雲招同陸錫三王漢階遵一陳

思洛曹諤廷家愚千澄江寓舍雅集即事

小山詩續舊卷一

二

二月客暨陽逆旅無人知春鳥弄花雨求友聲正宜亭

亭三珠樹來從畫溪滑招邀四郡士素業抒心期諸公

文章伯意氣凌虹蜺正聲久茫昧高譚咸振奇相與棄

俗尚名必千秋垂予性頗淡蕩但能傾酒卮谷蘭吐幽

萼江梅綻寒枝遙遙白雲屢悠悠使我思

擬鮑明遠樂府三篇 東仲偶顧麗天招集分賦

代結客少年場行

輝輝白蜀袍弓箭常在腰支屈左右臂射落雙飛鵬忽

逢心所契相携入酒肆不顧當鑪人把杯談意氣烈士

性命輕一諾重平生殺人非已仇千里不留行以命豈

畏死猶擬建勳名事往無遺跡歲徂若東川高視送飛

鴻火色多少年為我謝少年裘馬空翩翩

代東門行

飛暑不可結白髮亦時生壯夫輕遠別貧士甘薄情一
灑牽衣淚伏劒出門行行日以遠風逐蓬根轉暮投
煙邊邛曉起星中飯不能加餐食但見衣帶緩穢穢寄
生草長依惡木根棲棲異鄉客托跡向誰門狗盜賤齊
士鼠腊羞平原願永舖糜志歸全骨月恩

代昇天行

振策凌丹梯拂霞眠翠嶽潤跡亦已久學仙母乃晚地
上自難居不獨嫌世短真人翳鳳皇冉冉空中翔三禽
貽寶訣銘骨未能詳宛宛金鷲靈煌煌靈芝草餐之尚

小山詩續卷二

二

苦飢況欲求不老跡晦與世遠道超離俗心蒼然煙霧
裏覓影誰能尋蓬壺竟何處海水猶蹄涔

偕儲允敬記雲蔣維御家兄稊亭遊華山用東

坡與胡祠部遊法華山韻

朝市雲林劃為界清遊宜接高人派短棹已猶蕩綠波
蓬窗眼落青山快濃陰夾道攝衣行激激風泉散砰湃
搜奇不歷眾所經別穿蒙濤輕險隘攀枝欲闖猿鳥捷
隨石操與煙雲壞長嘯振谷山魈藏狂歌擊樹樵人怪
絕頂風多晚更寒懶去猶迎殘日曬下山邛店酒旂飛
碧筍雲香雜肥薤圓月當杯光潑水薄醉頽然脫天械
况值欽敬為落人高譚快意如爬疥一鉢羞言龍性馴

萬里何妨驚翮鍛丁寧遂結五嶽期慎莫推辭兒女債
贈吳美叔四絕句

騷壇雄伯憶當時祭酒文章後世師百尺高梧清蔭述
琴材長養到孫枝

鍾儀悲與昔人同庾信江南賦最工聞說海棠花落後
老年彈五在東風

西齋佳句也應傳小本偷鈔十五年今日仲容相對處
文星已送入重泉

尋山准擬辦青鞋浪踏槐花問月堦一自清言逢叔寶
塵容不敢照秦淮

雨花臺

小山詩續卷三

三

雨花無復見高僧劫後荒臺試一登萬里清江沈落日
暮雲回首看鍾陵

江行

燕子磯頭晚煙合金山寺裏曉鐘撞蘆花雁起楓葉落
涼月一蓬人渡江

泛舟虎邱

畫槳弄雲水風清七里塘秋花照茶椀高樹落僧房不
盡遠林翠悠然暮色蒼解衣思一醉處處酒餅香

九日登赤松山

霜寒木葉脫山秋露真形石骨撐磊磊風泉響泠泠挈
杖呼我友試險升青冥牽蘿引高步騎雲摘天星俯矚

吳越盡沈淪連滄溟澄湖八百里銅鏡磨空青我方局
樊籠譬若馬剪翎高僧施寶筏洗眼宜心銘是日古澤上人
眼龍山跡已晦峴首弟徒零何如從赤松終年茹芝苓

題李山人畫屏

嵐光不染微雲江影欲涵秋樹釣船竝宿蘆灣莫被樵
風吹去

吳門送別愚千之瓜步

十年歸未得正欲細論文歸計今方定江行却送君

緝寒閣示內六絕句

金陵文戰又空還靜掩蓬扉綠水灣莫道綠毫無用處
細君眉上畫秋山

小山詩續集卷一

四

茶鑪聲沸篆烟銷鎮日煩君伴寂寞無事捲簾相對坐

一林紅栢晚蕭蕭

落木棲鷗噪夕陽添衣冷澹立空廊牆根喚醒秋棠睡

欲問西風幾許涼

鸞鏡花枝近畫簷兩人隱几鎖眉尖愁心試看初三月

幾夜黃昏漸漸添

叢叢菊影落屏幃沽酒憐儂心事遠破費金釵邀一笑

綠窗人擘紉杼肥

榛醉妝臺共一尊文章福命兩難論傷心官燭三條樣

別點銀缸照淚痕

橋亭曾梅聽郵寄家兄所薦秋闈遺卷見示感

題

古井不波深復深誰抽五綵試神針嫁衣傳看秋閨淚
傷盡錦機寒女心

送惠仲儔解元入都

覃史研經二十春祗憑三語賞音新明年臘唱升金殿
親說江南第一人

大兄烟垂霧接軒小飲

吾兄高寄南城下水竹脩脩舊隱廬玉子半枰敲淨八
爐香一縷上殘書畫閣杯泛松花酒春暖波浮柳葉魚
幸是嘯歌聯棣萼西林斜月晚煙疎

贈吳思緒習之昆仲

小山詩續集卷一

五

兩葉珠槃仗捧持雙丁才力又如斯誰為知劬知虔者
無復慚卿慚長時花發卷簾春命酒客來燒燭夜稱詩
烏臺玉署君家舊猶滯寒江理釣絲

宿臥雪軒示家箴六二首

已歸仍寄食猶未是真歸別館疎燈照荒廬短夢稀溪
陰魚子上泥潤藥苗肥麤飯何時足抽書守竹扉
寒瓊分片席白杜舊同林一夜獨聽雨十年都上心春
花紛吐豔時鳥亦流音牢落終如此憑君酒盞深

臥雪軒梅

盤折依庭勢其如屈曲何香偏從冷遞枯欲借春和月
色自然好雨聲無奈多牆邊一步地留我破青莎

春日重傷漢舒

當年曾有約後死託無窮
諛墓誠何敢哀詞總未工
春愁新草色花事落梅風
一卷閒香雪寥寥海國空

詞極工

月夜自卧雪軒歸飲杏花下

樓前雙杏樹枝葉相交加
飢驅主人出空自年年花去
年寒食從郡返一片正隋春
衫斜遠樹不能止手拾殘
朶三咨嗟今年為花不作客
託食仍蒙故人惜日日捨
之去見樹面生赤正月蓓蕾
萌二月香苞成春風淡蕩
春雨細小紅半拆窗櫺明
二月十三夜爛銀盤飛水清
濕晚鐘聲斷忽思家却恐
新花便凋謝瓊街踏影夜深

小詩集卷十

六

歸月壓繁枝恰低亞玉膚
細膩紅綃衣香頰輕酣光
暎射欲嫌寒梅太孤瘦豈
侶天桃逐風蝶山妻稚女
睡初熟喚起同來立花下
更遣赤脚婢提壺敲隔舍
問有濁酒不溜漚喜新醉
籬邊翦春韭盤蔬稍支架
月明花又笑此夕真無價
一更二更月當天花枝羅
羅籠輕烟三更四更月西
墮濃露高低滴花朶五更
無月但微風燭影搖花淺
淺紅吸盡殘杯鋪小簾醉
魂猶落杏園中

古飲嘆

湘君昔南游衡筭墜蒼梧
泥侵苔蝕斑竹底三千年
後逢樵夫無人知是時物
但道形製與今殊君莫愛
巧妝飾館娃宮前楚鹿鳴
雷塘墓上耕牛立願隨賢
妃脫

永巷不願高髻攏新樣

江邨行

江水清海水濁海潮東來泥
濺濺朝輪暮瀉無停留灌
溉農田望秋熟連年旱澇
由天災壑渠蓄水胡為哉
急流泥沙隨水去緩流泥沙
塞水路菖蒲葉放蘆芽生
雨足正好勤春耕官今要
儼建水閘其奈皇天不識
察

養蠶謠

蒿葉青桑葉綠吳蠶蠕蠕
動荏弱小婦携筐襪雀飛
鵲鳴亂啼紫椹熟溫風密
雨遮深房地爐熾炭融冷
光三眠常忌醉人見邨巷
家家斷酒漿櫻桃紅過杏
子黃茶旗盡展麥垂芒眼
前百事俱屏却但望雪色
新絲長簇

小詩集卷十

七

山高高侶屋捉蠶上山去
花貓捕鼠慎勿觸老嫗拂
布裳拜向馬頭娘暗祝今
年多做繭要抵舊債充官
糧繰車絡絡杼札札織成
綾錦空羨殺君不見採桑
貧女凍欲死富女裁衣疊
箱裏

題富春垂釣圖

至竟雲山画裏青投竿江
水憶沈冥少年誤識騎牛
子却遣先生應客星

歲六過漢舒舊居詩以送之

寒食梨花節郊行命筍簍
應過張祐宅為問馬卿書
葛帔流離日塵帷寂寞餘
遙傳故人淚相與滴烟墟

咏李

春園發細蕙，前雪映清宵。結子疑茱萸，吟花比葦蕭。無
言風裏態，微笑月中嬌。不遇蕭陳侶，何人賞九標。

得耕亭家兄南宮捷音

好信傳中夜，泥金附鯉魚。紅箋喧姓氏，白髮慰門閭。驥
足終千里，貂裘剩一書。阿奴空碌碌，慚愧似蟾蜍。

紺寒春晚

散誕依林石，風光欲晚春。新陰遮小閣，白袷隱閒身。花
盡香生竹，鶯來語似人。雨深茶椀潔，不飲洛陽塵。

過東園

風物東郊勝，名園萬綠新。偶來尋水石，只見鎖松筠。鶴
化羽遺構，僧孤山作隣。蕩舟幽興極，落日照雲巾。

小詩續集卷一

玉停下第初歸，箴六招飲用韋蘇州燕居日已

永夏木紛成結為韻得日木二字

有客京都游，獻玉期萬鎰。彷彿下陵陽，被刷已非一。歸
來愧家老，咄咄坐深室。空令識寶者，望氣傷鬱律。物雖
貴，世用尤畏喪。本質君今抱，璞還無得固。無失屈久當
大伸，連城價轉疾。況復當年華，頰紅髮如漆。故人展清
燕，朋好歡笑密。為樂誠多方，聊用永此日。

孟夏草樹深，桐陰覆軒屋。好風振枝柯，葉葉雨如沐。時
有黃栗留，飛來轉新曲。江魚鱸切銀，園筍煮削玉。櫻顚
圓而紅，豆莢長且綠。欣然酌華觴，風物家鄉足。勸君須
盡醉，可以忘榮辱。胡為不痛飲，皺纈生倦目。壽比堅石

難面學凍梨，速置彼搜林。斧全我不材，木

荷珠

漢濱遺佩鄭，郎逃素實黃。螺約略，齊天乳結胎。鳥翅展
水風，拋彈絲禽低。擎來碧玉盤中，走滴作紅鉛粉上。啼
最是招涼當暑月，歌喉一串落前溪。

次韻答繆武子二絕

讀君桐華篇，正及桐華發。夜半攬衣起，步看桐華月。
抽刀斷江流，江流常不絕。借問一心人，何以悵離別。

晚清夜話

梧竹當軒影，清燈夜話時。暑風無墜葉，夕露在高枝。坐
久殊未竟，心長各自思。寸衷難共喻，何必不相知。

小詩續集卷一

九

家敬敷招集栗園題雙清畫屏

竹邊寒梅五月發，春風到此何其遲。君家新粉雪色壁，
令我一見生驚疑。苔枝鐵幹互蟠結，露梢煙葉紛離披。
昔聞蕭協律，畫竹甚秘重。忽寫十五莖，換取一百八十
六字知何用。又聞王元章，畫梅詩更狂。羌笛吹他不肯
下，白雲萬頃號作梅花王。壁上雙清兼二美，默坐觀之
不能起。賀當谷，瑪瑙坡此圖。髮髯升邱柯，青梅紫筍盤
中多。主人置酒請我歌，醉來把燭重摩挲。杏花如火燒
林熱，雪壓風搖奈爾何。

題家葆光中翰小照

采香桂關井，雲端壓枝杏。藥春風寒鳳皇池，上紫薇發

一笑掉頭不要看蕉園淨疊輪珠圓茶鑪經卷思逃禪
謝郎東野豈終老高臥聊同捉鼻年

得家兄書漫題却寄

玉堂清暇却思家烟雨江南道路賒為報舊廬添竹樹
早梅猶未畫梁花

雨中作

傍樹為家織竹門雨飛蛙竈斷晨飡西窗一笑牽蕉葉
據几閑臨屋漏痕

曉起

曉起展清步籬門一徑斜側身叢刺合放眼密陰避新
雨露瓜蔓微風落豆花此時幽興極真不踴東華

小詩續集卷

十

偶成

貧豈為吾累其如百事生奴輪蕭穎士婢惱鄭康成枯
樹蟲偏蝕低花草易平靜思翻欲笑天際白雲輕

七月六日吳思緒昆仲招同社二十有二人集

廓然堂用東坡七月五日韻二首

復此文讌始相與屏衆務緬懷茲堂問高會知幾度琅
琊昔二美聲華沸如煮司成及都諫能續千鈞縷名父

遺雛鳳開尊滴秋露羣子各勉旃江湖日東注

秋入氣稍涼晴老雲未上好風溪南來新月屋西亮削

瓜沈綠開紅汁漲深杯儘留連清言轉遺餉臨分

離情已滿願茲時過從高興激頗放

既開堂話雨同馮簡綠沈白護馬孟容沈子大舉文子武子分韻得十蒸

落拓尋知已臨觴百感增半年雲外樹一夜雨邊燈覓
句眠重起論心醉可憑平生文酒地猶自得飛騰

為陳鳳翎題畫扇

疊嶂排秋屏高泉落寒玉閑心與白雲飛入山腰屋

寄惠仲雋庶常

曾聞柯學士種柏在西堂玉河橋上過借問可宜霜

游漁洋山

自識漁洋山十年望中青佳遊已屢阻風濤怯揚舲春
淺餘冬寒倚酒為此行山靈鑒予意暗使波神迎秀色

展雲黛激湖如鑑平坡陀弭輕楫壺榼尋幽局逞逞趨

小詩續集卷

士

徑誤得睹所未經竹柏既怡性茶桑能養生居人不知

愛過客空高情煌煌容臺公瘞骨無碑銘山中有董宗伯墓遙遙

新城叟祗挂詩中名謂漁洋山人終將絕勝地付與墨華僧

題墨華菴

滄波杳渺山參差道人無事棲禪時春寒不捲梅花帳

壓屋白雲眠未知

望法華寺

漁洋水深龍作潭漁洋山盡見雲菴老僧為指法華寺

更在遙遙青嶂南

紅梅

竹外嫣然倚玉妃桃花嫌俗杏花肥波橫瘦影朝陽寫

風約清魂絳雪飛東壁好留殘句在西岡應乞一枝歸
紅羅亭裏繁華別莫道師雄舊夢非

戲食河豚者

蘆牙初茁早春天青果紅薑佐味全莫道河豚容易食
賦中須熟左思篇

送杜望子之楚中

杜子當春別歸期指素秋綠波江上望黃葉意中愁賦
草欄衡墓詩題李白樓故園多酒客莫戀習池遊

悼女憲六首做孟東野

雨中雙鷓鴣引雛向人飛亦不論雄雌雛多覺容輝我
有七歲女但見燒殘衣盤中置梨栗日夕待汝歸

少詩續集卷

主

風多樹傷枝葉稀樹傷心開此頃刻花鑄帶無黃金七
年亦不久積淚良已深塔前抽孝筍拂子浪浪襟
短髮梳髻髻知愛明鏡光曾顧抱者言安得如孃長纖
質隨風花化作林煙蒼掘根問所由直木無芬芳
翦棄骨月愛鑄此剗心刀割恩竟何時增痛開孃號綠
火乃敲石因明遂焚膏所生適自累誰挾天之牢
宛轉垂死泣絮被留啼斑憐爾含凍餓未病骨已孱獨
於貧苦中少小能怡顏天屬綴心孔豈止藏牙關
結稿已逾紀終隨浪鳧雙回顧他母雖寸心激風江占
數天或有衡理吾未降呼婦且對坐默懺東西窗

白鬚

東風吹愁根種作頰上鬚一莖白皎皎勢已壓嚴烏吾
年甫三紀鬚白不早乎人有早白髮早白鬚則無一白
可盡白盡白只須臾兼恐白未盡骨朽綠髓枯寒銅驚
病婦照出水絲麤當窗請摘去爲計徒區區摘鬚不摘
愁斫樹留根株不如畱此鬚以爲達者模

牡丹

鄭衛風詩扇淫氣草木流穢生洛陽唐宮移入妃子笑
嶮巖蜀道奔三郎亦如阿廢恣歡樂天以瓊蕊徵妖祥
後來戎葵角多少散播萬本方繁昌朱門購植築華館
疊石高下環雕廊竊春偷暖爛熳拆綵旗繡幃誇濃妝
笙歌鼎沸喧俗耳酒肉狼籍充肥腸豪奢能幾花易主

少詩續集卷

主

非惟破國家亦亡韓弘邸第命刷去所以不效兒女狂
昌黎學道賤幻術辨鐫詩句誠荒唐史記間白傅妖花語
春街笑殺奔車忙世人愛此空有眼浪奉稱號何煌煌
淺根柔幹極細小葉麗花大徒敷張遠觀似豔苦無韻
近嗅有氣非真香濂溪賢人子周子以蓮爲說惜未詳
吾生寒儉厭華侈欲著花史閑評量孤山梅妻林處士
東籬菊友陶柴桑細別貞脆分雅俗此種不復煩遮藏
舉肥相者應怒我一株方擲千金裝

紺寒閣漫題二首

汲汲無家客終然愛故林三間溪閣小幾載夢邊尋藏
石過人見接雲野鶴心不才應獨棄非敢薄華簪

清抱不入俗窮愁也自嫌午煙吹柱玉暮雨滴
葉凌冬秀桐陰入夏添閑心消物理濃睡下蘆簾

獅子林溪亭

風皺春溪鏡影斜可憐紅雨落禪花但須識取波心月
北秀南能是一家

早春同玉停雙栗過子大小飲漫成十韻

水竹城南南路閑中好共尋薜堦通宛宛梧院靜惜濃
綠含微照低空度晚陰棋聲幽鳥熟畫卷亂峰深龍擇
搜篁徑魚腮上柳林老饕狂客態小酌故人心談劇詩
難就形忘酒易斟傾壺開一笑寸燭抵千金率爾成良
會悠然展素襟何當攜手去結隱碧山岑

小詩集卷一

古

晚清軒即目

茗椀閑消夏日長桐花開處隔簾香中庭時有熟梅隴
正及好風生午涼

題長慶集

李杜文章是我師玉川昌谷更爭奇近來愁病心情懶
一卷香山自在詩

隨稷亭兄謁先人舊廬

重來栗里認遺踪頭白先公記舊容細檢門前五楊柳
四株蕭峴一株濃

題三兄邨居

傍水籬門草徑通乳鶯雛鴨綠蒲中轉頭暗憶十年事

輸此櫻桃樹下風

示諸弟

負耒長耕東海濱憐予方悔著儒巾祇將舊業還清白
莫道爲農不及人

閣上坐雨二首

抱閣清溪漲橫窗白雨來瓦溝聞颯沓墻角看滌迴蓮
葉沈難起桐花冷不開披綿當盛夏撫几閒殘杯索月
重陰結孤輪何日迴三農方望歲調燮在中台
小似黏蝸舍斜如泊釣船泥深門閉雨炊斷竹生煙漏
已頻移榻飢仍擬拆椽池寬嬉水馬林濕抱瘡蟬莫羨
魚多樂空憂蟄未遷剎那身世事靜坐結初禪

小詩集卷一

五

六月五日夏疇歲六携酒南園招陪稷亭兄

門庭七葉舊相因載酒園林盡主人引徑紅橋排雁齒
俯溪碧檻照魚鱗喜隨羣從歌華萼閑聽幽居話洛塵
劇飲不須論斗石雨多六月暮寒新

得朱竹垞先生凶問

文星光暗秀州虛欲置生芻玉不如避世暫從金馬隱
退身終老碧山居薄田僅取供麤飯清俸都持寫異書
腸斷白蓮橋下寺諱經華髮已蕭疎

納涼即事二首

密林包曉暑危閣隱殘霞竹氣生新葉桐香落小花隣
溪銀映網遙浦雪飈車免憶山深處城南亦可家

已聽疎鐘斷重聞遠笛吹星繁初月夜露滴未風時清
煮頭網茗開成口號詩明燈觀細字默指向秋期

題陸侍御小影

人歌驄馬御史自許山林隱君綠髮不沾春雲青眸開
看秋雲

玉局朝雲為伴維摩天女同禪漫話綠章舊事且書裙
帶新篇

晚清軒偶示箴六

嘉樹生圓陰葉綠未破輕風蕩疎簾抽書相對坐深
趣默自領紅輪忽西隴

夏日毛鶴汀寄示咏蓮樂府題長句報之兼簡

小集

玉停

吾鄉人人愛詩篇周秦樂府獨不傳袖花儷草紅配白
香雪擅能三十年

宋漢詩餘極
王集名香雪

東街近有洗桐子

玉停自欲
號也

繼香雪精覃研予也鈍拙不識字雙手但解耕山田
邀入社譜宮徵窘束頗類啼窮猿鶴汀古歌追杜韓今

體亦在錢劉間忽收波瀾入詞卷新豔儼如王碧山雄
辭麗製俱占却殆使來者不復言六月盛暑紅日懸溪

亭風涼歌采蓮銀牋小草得快讀却似清冷澆瓊泉莫
釐峰脚消夏潯玻璃萬頃花連天相携好約洗桐子扁

舟一葉香中穿重拈水調相唱和吳兒折斷琵琶絃人
生作達古所賢浮漚電火真可憐君不見香雪詞人窮

到死十五嬌兒種木棉

輪扇歌

集樂亭北
古香堂賦

客熱可奈何聽我輪扇歌左琴右劒形製古堅木精鐵
相支柱雪色鶴鶴振勁羽插成六翅輕欲舞金烏銜火
盤空中燄燄萬里燒雲紅蜚廉罪深帝不赦縛囚閉
無由通是時阿兄方設客汗如雨不能食浮瓜雪藕
竟何益發狂大叫歌苦熱爐煙不動林梢直於焉顧童
子命取輪扇來輪兮扇兮真奇哉蓬頭小奚長五尺天
地噫氣手所出赫赫祝融威乃失中樞旋轉圓影移有
風徐徐復微微颯然涼颼吹葛衣蒼蠅倒退不用揮銅
瓶水花香亂飛鬚髯飄揚髮髯離襟肌骨蕭爽心清夷快

出詩集

七

樂不言中自知主人勸進酒眾賓盡忘歸由來萬物以
時貴此輪此扇當其時我思物理起三歎會見地爐重
簇炭

庚寅七月六日再集廓然堂懷吳思緒昆仲

時

吳人鄭其仲傳杜詩云作
劇座中毛鶴汀年最長

尊前事事去年同只有機雲滯洛中舊雨共來尋杜子
論詩仍得聽毛公星高北望懸珠斗月淺西流下玉弓

兩地故人空記憶依稀牛女路難通

粉壁三友圖為香濤弟作

一葉秋風始黃落幽軒蒼翠忽滿眼松老為龍樹樹鱗
梅枯立雀枝枝蘚更兼竹勢欲千尋未集鸞皇佳實晚

何人併寫歲寒姿浮豔穠華能盡刻園中紅槿好顏色
朝開暮落無心管相看不厭只此圖面壁繩牀終日展

南園池上晚酌

丹柰開園熟銀鱗出水肥晚涼池上酌一一見螢飛印
月蓮塘近懸燈竹寺微稻香門外立嬾向醉中歸

閏七夕

雕陵鵲起重登樓風露涼深景更幽蟲滿籬根偏促織
花殘竹尾賸牽牛看星處處增良夜賞月年年欲半秋
莫道近來歡會數臨分應觸兩回愁

送稊亭兄由楚之粵

北歸半載臥田廬又是江山發興初梅下欲看庾嶺月

《山詩續集》卷一

太

柳邊先食武昌魚昔人難擅題樓句新語無忘獻闕書
正及涼秋宜夜坐空齋閒雁獨愁予

寄懷夏山人

褐中懷玉世誰親長傍雲林作隱淪雨沒湖田憂稅重
月涼蘿屋苦吟新幽蘭無色元生谷野鶴雖飢不向人
欲問琴山最深處可容王翰卜為隣

送李學博還廬江

泐溪溪水碧於油泐溪草堂花竹幽先生官冷心更冷
江月滿船歸去休
東吳八月鱸肥紅斫鱸搗橙煙雨中漫憶銅盤左元放
不如小住過秋風

寄愚千瓜步

美人隔江水渺渺日相思偶然逢迅羽不及寫書時

題楊柳秋蟬画扇

柳梢風晚動柳葉露晨流蟬糧供不盡秋閨獨無愁

樓上獨酌

百尺好置開身一壺自有深味聊從枕上杯中長對柳
眠竹醉

題徐秋槎僧裝小像

浮漚認作全海蒸飯終成熱沙識得神珠繫處元來空
裏無華

過戴高士南枝舊寓

《山詩續集》卷一

尤

短簿祠前路遺民寄旅魂誰憐晞髮子未莖白雲邨戴高士
賣字裴徐侯蘭先生余昔年贈詩所謂猶喜諸陵無恙
在冬青只為故人栽者是也今見停棺舊寓不勝慨然

既開堂分題陳白陽雜花畫卷二首

牡丹

濃露沾枝重豐肌上酒勻春風洛陽陌何限看花人

蕙

百畝靈均樹誰人作佩纓年年和九畹煙雨對清湘

秋日題桃花楊柳畫扇

柳為役士門前樹桃是漁郎洞口花疎雨半簾飛落葉
何來春色到山家

感興

赤荊頭上釵白接耳邊璫美女雖有色去飾無容光
以微賤士抱義難自明言甘人易入語直人易傷中懷
何耿耿佇立以彷徨握劍遶四周意氣空飛揚南山有
猛虎君其善自藏

溪閣秋晚

霜林豁秋閣水蓼明孤渚澄波翳空烟黃葉下寒雨高
韻屬清坐深思結疎語冷然雲菴磬日暮懷靜侶

贈家冰菴太守

東越風流守高吟萬象收靜能與榮會貧不為官休人
竝寒冰潔門關老樹秋幾枝龍畫戟只換一扁舟

平生一首懷家兄

小山詩集卷

辛

平生無俗事閑作愛秋人立雨看紅樹沿溪採白蘋雁
羣含思遠鷗陣得寒新何處尋真樂蕭然只耐貧

沈二以美醞見餉詩以謝之

皎皎寒月吐凜凜涼風生獨處既不憚時序感復驚被
蒙君子惠嘉命枉柴荆綠酎發新柑青絲提玉瓶懼焉
嘗芳冽興至遂自傾十千價非重何由報來情涉園采
霜鞠一握黃金英幸免甘醴誚相期晚逾榮

次韻奉酬冰菴見贈之作

宗老今摩詰詩中擅聖名陶鎔關力學神骨是天成簪
紱襟期淡江湖氣味清萬言如水瀉百鍊得金精白雪
無人和浮雲任世爭撫謙前輩事弘獎昔賢情下拾遺

螢細深漸芥羽輕軒軒煩玉降一一贈珠明夙昔親風
雅從茲領正聲自嗟遭困悴矢口失和平臥疾逢迎缺
懷思夢寐生鑿坡空屬望碌碌不如兄

小樓夜雪

原詩自序
賦鑿坡弟兄

窗白天未曙風篠時聞折夜氣逼樓寒鳥栖一林雪

雪中懷李山人笠峰

荒廬抱遺經雪斷門前跡猶以城中寒日暮懷山客

雪霽見月

滴滴檐冰消凍月照清夜不就紅爐熱開簾步階下

冰菴有哭弟之戚詩以慰之

昔似四韓盛今難二陸全傷心寒被底隋淚斷鴻邊命

小山詩集卷

壬

已歸長夜情宜節暮年遺孤勤撫鞠深足慰重泉

探梅

溪邊竹外始經過冷眼尋梅破淺莎何事春風渾別樣
南枝翻少北枝多

游元墓冒雨至馬駕山

朝日紅隱霧松徑生午陰梵鐘動古寺法雨清塵心山
梅拆未半閒者能先尋雲氣暗羣壑花光逗寒林每愛
春意淺幽興乃獨深迤邐二三里前峰轉森沈石滑趁
穩步雷濕仍登臨萬事謝不敏茲焉力所任

泊丹坎下飲郁氏臨湖草堂

言停木蘭棹提壺叩雲屋主人素未識賣藥隔山麓排

靡竟入座列席傾醺醺情遙愛師古性逸難拘俗幽庭
起徐步短牆縱遐矚春湖開半面幾點浮鸞綠所愁風
色正能令歸帆速安得縛荻亭結隣來往熟

宿夏山人琴山書屋

昔我居山中常與山人遊今雖不居山喜有山人留日
夕松門暗願言於此投開軒然燈坐道從靜者求文章
多古調譚論陳前修須臾出酒饌屢告不得休稍訝雞
黍外羅列何其稠乃知孤高士情重逾俗流

曉度琴山至和安山

夜宿山下居紙帳香不已曉登山上看始悟在花裏山
南萬萬樹彌望不可止豈知過山來花更多於彼晶光

小詩續集

圭

耀幽谷玲瓏日色美未測路遠近行行輒十里仙犬護
山家午爨雞聲起欲藉白雲眠灌園長已矣

蟠螭山石壁精舍

落帆蟠螭下振策入松色紆回忽平曠飛鳥去不極湖
山獻三州風瀾渺難測斧劈石壁陡繩挂墨泉直躋險
築雲扃架空開淨域昔游當暮春紫蕨曾飽食重來面
貌非逢僧罕舊識人世有羈鞅悵焉生歎息

潭西

潭西與曠曠有地皆栽梅天晴十分放正及携春醅六
浮上新閣萬峰登古臺空煙冒層林積素無纖埃人家
沒青雲隱屋繁如堆愛此幽步緩細徑多縈回有時拂

地坐得意傾深杯落日弄寒條清興方悠哉

記得

綠桑半翦鶯三眠春酒正熟紅櫻然記得山居好時節
小樓風信棟花天

懷舊

山人張翹齋
發已十年

寄跡山邨爲卜隣風情猶記老遺民斜坡犖确紅藤杖
短髮飄蕭白氎巾得句常誇詩律細銜杯只怕酒家貧
今來翹首門前路觸撥傷心已十春

家閭石進士招集善學齋感賦

昔時文酒此留連腸斷迴車十二年獎飾自慚羣貳子
風流重喜對斜川履綦約略尋遺蹟詩卷依稀記舊篇

小詩續集

圭

美酒名花空一醉歸來清淚滿燈前

新居即事

新買東城宅幽仍與舊齊綠蕪沿砌長青橘壓枝低書
笈携千里謝凌遠兄弟自
武昌來從游漁竿借一溪譚經復垂釣何用怨
卑棲

題愚千詩葉後

君本謫仙人遠游逢賀老謝凌遠兄弟自
武昌來從游拂衣去京國涉湘弄芳
草歸來虛白閣源流日深討古思發高韻雄辭抒鬱抱
紛披四五帙把玩得奇寶味在鹹酸外心識口難道蹊
蹊卽卽步曰子非不早雲濤隔三山何由踐蓬島

彫胡飯熟配香菰飽後開眠竹簟陳斜日半窗清夢斷
風吹松子落衣巾

寄笠峰

折麻望巖阿西嶺白日下何由躡高蹤從君憇松舍閑
水照雲巾尋山整煙駕相與排冥筌超然秉物化

游渾提菴

寺外清溪遶疎楊一徑深入門羅野趣拂榻面城陰僧
話無塵事禪花不染心人生幾緬履只合向祇林

海印菴大樸

招提有大樸擁腫亦參天未寺應先植何人知歲年終
無匠氏顧竟以不材全獨撫意誰契蒼蒼橫暮煙

小山詩續卷一

霜

寒鴉篇

寒鴉羣飛聲肅肅寒鴉羣栖爪握縮柳林凋落柏林空
侵晨啼霜暮飈風鷓鴣能捕魚剖葦能搜蟲嗟爾寒鴉
但能張口飢噪終何功秋鷹何來拔眼見列陣紛紛不
敢戰高飛難逐日中烏隨陽那及天邊雁吁嗟乎獨不
見郊原牧笛斜陽外一隻荒寒啄牛背

寄楊文叔都門

何須問行路之子念平生蘭臭元相合松枝有宿盟世
情輕舊識物論重時聲空谷寥寥意終期在淡成

送家箴六孝廉入都

明月臨滄海瓊樹移蓬瀛家寶與世共送子今遠行遠

行三千里去去之燕京公卿熟姓氏五色炳華星雲
發金石鏘鏘陳帝廷詩書濯裘馬水蘂資聰明輝赫
雖世胄練達殊經生小草非定論遠志出乃成空山日
延佇一慰折麻情

寄玉停

江頭臨別日樹色濃如霧天寒聞葉墮蕭瑟難為度霜
霓侵人衣希君保貞素

小山詩續卷一

雪

小山詩續卷一

男景



小山詩續葉卷二

晏東王時荆抱翼

和玉停酬愚千韻

凍雪藏伏勢嚴飈，枯枝羣物畏冬令。孤懷耿春安忽，
聞雙鳥鳴酬會多哀思。一怨鍛翻短一愁素羽緇高下，
殊未判飛集誠有差春鉏帶長翰拳足眠水池獨無聊，
舉意飲啄適今時。

題橋

讀本詩小集
分韻得文字

綠葉凌冬倚夕照，白花開更足幽芬。天星可識璇樞散，
地氣休從淮水分。三百顆惟思餉客，一千株豈羨封君。
靈均作頌陳王賦，自古曾供絕世文。

小山詩續葉卷二

稷亭兄粵遊初歸出荔枝酒飲客即事

相見何須問粵裝，祇携名酒自殊方。纔傾淡白梅花色，
細領輕紅荔子香。萬里停杯談客路，九迴揚解洗離腸。
明珠翡翠原無用，贏得親朋醉一觴。

殘冬

空齋風雨悄然思，長作閑人也自宜。壯歲縹緲仍舊業，
殘冬燈火似平時。紙窗待補遮寒急，土釜停炊得飽遲。
莫望然薪相暖熱，祇須酒脯祭新詩。

立春日作

柴扉寂寞背條風，只認山梅小蒂紅。人賜一枝新綵樹，
不知誰近望春宮。

人日集涵古堂懷玉停用高達夫人日題詩寄

草堂分韻得日字

初正弄氣已涉七靈辰，從古稱人日。故鄉朋好相招呼，
煎餅調羹坐深室。令徵前事觴咏新，共簇紅爐歡笑密。
遙憶天涯薛道衡，離家半載歸難必。當年人日曾同醉，
今年人日重追述。手把梅花暗斷腸，蒼茫雲水空如一。

山橋夜泊

煙抹疎林似畫成，山橋吠犬亂泉聲。牽舟夜就前溪宿，
沙岸一燈和月明。

書所見

玉泉泠泠石上流，松風謖謖冷如秋。月低烟暝半巖火，

小山詩續葉卷二

二

山鬼移燈照夜遊

曉登支硎

曉日初推紅玉輪，曉雲如曳碧紗巾。敲門看竹僧未起，
不作登山第二人。

報恩寺留贈霜公即用霜公進寺口占韻

平生野性愛名山，竹閣苔梯趁早攀。趙老高踪空劫後，
寺係趙凡休公詩思碧雲間。雙梅盤屈含苞冷，一澗潄泓
映石閑。多謝清泉相浣濯，此中何處著塵顏。

由支硎山至瀆川遂泛太湖

別僧棹棹未斜暉，淺水孤蓬漾影微。背嶺雲橫山障列，
催花風軟社旗飛。千家古鎮長川直，萬頃澄湖遠樹稀。

會得鴟尾逃世想釣船如葉可忘歸

積翠菴即事二首

又過精藍地居然宿昔歡提壺成晚醉燒筍爲加餐遠
磬穿雲出清琴就石彈稍前憐翠色莫畏竹風寒

探歷方初旭裴褰竟夕暝濯殘松澗雲夢斷石牀雲累
在應難住情依未易分藍輿促歸路樵唱不堪聞

吳門舟中送稊亭兄還朝

吳閭握別手重揮画鷁晴江綠水肥南國凌雲春雁去
上林遷樹早鶯飛祥琴彈後辭樾壠朝鼓聲中拜袞
衣從此堂前停綵服安心珥筆侍金扉

稊亭兄口占賜和疊韻再送

小山詩續卷三

三

離思如雲未易揮低回春岸荻芽肥難隨跋浪三千遠
愁見揚帆五兩飛西日斜斜停去棹東風拂拂上征衣
瀕行重把墳茔和獨掩鄉園舊板扉

花朝雪用愚千韻兼示香濤

尋山迴棹當花朝歷江雲暗風帆飄春寒天意苦蕭寂
細翦玉朶排枯條沙汀微茫鷺鷥沒柳岸阻絕驂騑驕
漁舟半橫綠叢重酒家斜颺青旗招撒波鹽消類和糝
射蓬箭疾疑追逃猶勒古梅藏玉質豈有霞臉舒天桃
迴飈且愛白苧舞素女髣髴吳姬嬌忽然長歎指畦隴
寒深麥短方未搖去年荒稂木棉壞海隅氣象殊蕭騷
何期春令仍冬令陰張陽伏終難調只今民活賴米賤

復恐水旱災禾苗我雖無田謝耕貸亦有生意留東華
達哉吾弟園林主令節勸勿辜良宵欲祀花神速歸艇
支寒飲福開新醪

早春雜興用杜春日江郊韻

集雙桂軒賦

經凍花多欽迎陽草易深未爲春賞計猶滯歲寒心寂
寞時難處寥梢景獨尋古人如可見何必不宜今

遲遲回淑氣急急感流年節候欺梅雪光陰落澗泉殘
書編幾絕短榻坐將穿亦有探芳意晴和待好天

晚寒天欲黑薄醉面微紅殘燭三更雨幽軒一夕風林
芳牽野客溪漲約漁翁漫把人間事來填空洞中

老屋剛臨水閑門半染苔鶴語雲海路櫟槐棟梁材對

小山詩續卷三

四

景心偏觸逢杯眼即開東君吾勸汝莫遣柳花來
澹泊循先訓蕭條度半生人心方竟進吾道在遺榮媒
雉惟貪食冥鴻豈近名春風吹不轉貞柏似無情

東園觀梅

尋梅出郭指雲莊淡蕊疎枝乍破芳曲沼遙環千樹雪
長闌橫截滿林香翠禽自立花間語素袖宜携月下妝
爲有仲圭留粉墨畫圖重省竹邊廂

臨湖坐梅花館觀詩則畫梅

落梅

天忽晴還雨梅初放即殘泥當屐齒和月隨闌干簷
下追前笑溪邊悔晚看水流香片片風捲雪漫漫斷夢
空無影相思祇剩寒由來高潔者所過定艱難

咏柳

江南今日柳知否出雲和曉露長隄滿春風此樹多舞
筵牽翠袖妝閑關濃蛾颺縷橫官道飛花蕩遠波無情
能繫馬有色愛如鶯欲折應俾手其如嬾嬾何

潭影軒觀杏

黃樓徐氏九儲記雲顧玉
集錄文字家歲時諸孝廉

欽墻亞竹杏花寒白石空庭置酒看煙靄江南沈醉處
馬蹄紅雪襯長安

香濤招飲玉蘭花下醉歌

日色破雲霧天容開蔚藍春風駘蕩百鳥語呼我步履
來城南紅橋翠徑穿宛轉驚靚玉樹凌高橋藍田烟淨
掃羅歷湘山香遠開菴禪藐姑仙人碧霞披飄飄鶴駕

小山詩集卷五

五

驚爲驂偶然下戲試奇巧琢冰圍雪枝頭黏唐昌蕊歇
瓊花盡幻此素豔遙相參縱無明月自皎皎未怕細雨
垂纖纖綠樽倒浸張綺席紅燭半射鈎晶簾北窗繁絃
武仲撥柯亭長笛桓郎拈清歌惟應愛水調痛飲何須
畏酒監起揖四座客且聽狂夫談功名選氏媒鳥圓魚
有慘強直鈎曲誰其諳大兒畢卓偷以貪小兒劉伶頌
謫謫有酒不喫真愚憨鯨吞波卷聲復添醉向花前鸚
鵡舞碎瓊撲殺飄春衫

春陰

小閣春陰悵望中斜陽偶露即朦朧飛來雲葉漫天碧
襯出桃花暈水紅錦袖寒多猶自怯繡林香飲定成空

美人何處思芳草萬里平蕪細雨濛

紫陌閑行路欲迷青驄應惜錦障泥鶴昏花霧濃邊夢
驚隱柳煙深處啼曉曉不知殘日下垂垂只覺暮天低
無端觸忤生愁思酒旆模糊颺竹溪

休憑燕翦一雙飛吹散東風氣力微不見晶晶和皎皎
常看靄靄更霏霏落花小院潛生草無雨中庭暗濕衣
盼斷晴明渾未得熏香終日下簾幃

若有人兮隔遠岑濕煙漠漠路難尋長成高枕眠雲思
消盡看花似火心青嶂沈來停著屐朱絃潤後不彈琴
閑窗閒寂無悽坐一樹棠梨伴獨吟

南園即席

小山詩集卷五

六

入春幾度南園醉盡日已猶總稱情命駕雲山逢客到
過溪烟竹有僧迎嘗茶雨足新泉活載酒波寬短艇橫
更喚小伶明月下碧桃花外按歌聲

月下索飲

自笑傾囊無一錢清光似水落堦前每愁好景尊偏竭
可奈良宵月正圓莫惜金釵成酩酊更移玉鏡映嬋娟
露寒猶伴如泥坐應比劉伶婦較賢

題粉梨畫扇

檀心含素質冷豔一枝斜不是東欄雪應爲左掖花

權歌四首題香濤園中小舫

煙水無多路不窮纔西又轉石橋東春深亂落楊花影

道是漁舟榜雪中

茶童却遣學吳歌倚楫閑聽水調多一段清溪半篙淺
何勞爲唱定風波

翠袖清尊睽碧流琵琶斜撥背船頭月明夜夜花間泊
只載歡情不載愁

春去應教縛柳邊休從水面損荷錢也須近岸栽蘆葦
好仿秋江聽雨眠

春盡日

潭影軒
雅集賦

穠芳都與逝川東婪尾花樓未落紅是處盤筵留夕照
轉頭簾閣換薰風不妨月盡兼春盡今歲三月
晦日春盡但得心空
任色空莫似冬郎枉惆悵懨懨把酒病愁中

小詩集卷七

七

毛學博一粟菴雅集卽事

藤架花籬一院陰先生奉母寄幽林玉膚園筍羹粘箸
紅縷江魚鱸落碁客訪閑居成小飲烏依密蔭和高吟
誰知醉臥茅菴日不異當年捧檄心

漫成

且任人嘲且自誇時尋醉夢認爲家忙惟門響催傾酒
懶到庭空不種花野馬影中皆俗事飢蚊睫上亦生涯
似聞傳說爰居鳥聽樂悲愁憶海沙

初夏鶴來堂雅集賦

春歸猶有惜春心垂下蘆簾帳獨吟草淺草深多暮雨
花開花落變新陰年華晚晚羞長賤書卷叢殘懶更尋

若不早衝櫻筍宴欲於何處散幽襟

毛用雨託疾不赴鶴來之招詩以調之

清和景物十分佳命酌遲君到日斜漫託午眠綠中酒
大都春病爲憐花但教委地梳長髮何必支機傍舊槎
寄語龍邱扶拄杖茶蘼芍藥正芳華

晚庭卽目

書帷漸黑意闌珊幾几閑憑柱頰看新月殘陽分暮色
嫩陰幽草帶輕寒偶然好景因閑覺如此佳時欲覓難
信口詩成還索醉家人休報酒瓶乾

偕懷一城南散步

萬綠陰陰二麥秋城南携手作閑游無名僧屋敲門入

小詩集卷七

八

未識人家見竹留淡蕩此襟應共會超遙散客竟何愁
欲歸直待斜照盡圓月光中樹更幽

予爲香濤作權歌四首用兩兩和之因疊韻戲

示兼寄香濤

莫笑漁塘短易窮蘭舟時載玉丁東撐出溪心岸邊望
蓬萊依約海波中

阿誰重疊唱清歌小姑彭郎離思多一雙鸂鶒戲蓮葉
停桡休遣更驚波

春溝香雨逐船流流到東西兩岸頭東去見蓮西覓藕
浮萍一葉任他愁

泛宅懷思就爾邊不須更索買山錢水風涼透波紋穩

柳影蘋香稱意眠

芍藥 讀本街
小集賦

白石欄邊野客栽重跼累萼映蒼苔名佳有本論焉號
春老無花後獨開勝集豈期韓令宴清吟須持謝公才
調和欲問揚州信莫共煎烹水部梅

呈吟社諸公

暗憐稀髮不勝梳終覺愚頑與世疎礪鏃故應傷繳雁
臨淵未免羨叉魚時聞拔地升僊宅長是依巖老故廬
磨耗雄心消歲月可無文酒共相於

醉中示愚千

朝來醉倒折枝屏只愛絲繩提玉餅流輩無多穿白帻

小詩續集卷一

九

交游強半入青冥閑灘遺落雙拳驚小水浮沈兩葉萍
我賴酒杯君不飲手盛花露注前經

寄家歲六庶常

高燒蓮燭照詞鋒知有才名徹九重御苑選鶯啼
曉玉河驕馬踴從容長鳴君作驚人鶴卓伏予慚判蠟
龍多少彈冠西笑意為煩鞭起舊疎慵

家兄還朝稍後不及散館詩以慰之

閨門柳色久盤桓難別因愁大被寒雲闕偶當淹鶴駕
蓬山誰不是仙官香須漫薰應徐待花要遲開更耐看
五十身榮未為晚莫將顏鬢歎衰殘

愁

悄悄心期只自知遠於天外細於絲夕陽拋卷初憎後
斜月橫窗未寢時老樹倚多常獨立小閣凭久不曾移
破除也莫憑尊酒清醕盈觴總怕持

四月三十日漫書

又過新陰嫩草天筍高成竹影娟娟一年最愛清和月
比送春歸較可憐

閉門長日更添慵睡起茶杯意獨濃好整輕便消暑服
淡黃草屨白輕容

節隣重午關芳華前勝裁符定幾家却訝孟光燒鬢影
荆釵也點石榴花

熱客人間弄戲應輪五月釣清江梧桐葉大芭蕉展

小詩續集卷一

十

且趁涼陰卧北窗

寄徐亮直惠仲儒兩編修二首

飛黃騰踏棄蟾蜍雙壁揚輝玉府儲七子久推徐幹論
五車多服惠施書春風先後升瓊宴明月相將伴直廬
遙羨才名似元白新詩傳徧六宮初

瓜牛舍裏自沈冥不見文壇舊典型心記十年香火社
眼看兩度佛名經齋中紅豆相思樹 惠青紅
五齋 橋外丹楓望

遠亭 徐舊居
楓橋 可念釣竿長拂海故衫零落草痕青

夏五南園即事

初換蕉衫薄閑園更一尋花空壁帶粉葉老樹添陰乳
燕飛還止游魚靜不沈風清歌管脆日落酒杯深撥棹

人間世悠悠此際心何須話京洛嵇阮且同林

西田公入相寄示晚清庶常

韋平重繼美舉世久相期 睿鑒徘徊後 皇心慎重
時六官皆歷試一德受深知沙路鳴珂穩綸扉退食遜
甄陶誰不被風度可容窺猶子惟君近常陪太傅棋

東軒新暑

五月生新暑東軒獨靜觀雛鶯多逐母晚筍自成竿桐
葉圓如扇蕉陰薄近闌脚方乘草履頭欲脫雲冠忽忽
霑微汗遲遲快午餐漸應防熱惱準頓白旃檀

六言示香濤

網得魚肥作鱸羹成酒足如泉恰值涼生雨後斜陽樹

小山詩集卷五

士

杪新蟬

寄玉倬二首

凌晨步幽園清露沾衣巾中有分枝鳥交交聲轉新意
態非附和似各以義陳悵焉起北望鄙懷何由申時榮
爛朱槿古節生寒筠敬矣告我友誦膏謝方輪
麤頑一片石乃抱攻玉安玉雖不藉攻石意豈有非爲
石誠可賤爲玉匪易治磨礪成古式琮矩而璧規獻當
禮郊廟韞亦含光輝君子苟自愛鑑此方寸微

七月十日毛菰園携尊招集隆福寺筠上人禪
房即事五首用少陵荷淨納涼時爲韻

城西有古寺煙水門前多十畝青琉璃中浸萬菱荷每

羨翹足驚占斷雲錦寫況茲已徂暑秋意生涼波忽聞
枉嘉命携酒邀清哦矍矍日初出及早當來過

吾生百事塞幽賞亦有命猗彼池中荷翦伐誰所令花
葉半不存秋風搖斷柄紛紅與駭綠坐想明年更置之
勿復道萬物有衰盛長嘯驚魚跳萍開窺淥淥

入寺求精廬細徑穿匱匠僧不飾禿頂披補衲架
掣支公鷹盤羞菩薩蛤瓜茶滋燥吻松塵塵禪榻開襟
恣高談湖海相吐納一掃蒼蠅聲金甌歛蕭颯

膽瓶花未墜猶貯前溪香靜院帶晚色捲簾置壺觴相
與文字飲燭淺新月涼倚酒各諧笑揭隱無一藏四座
且勿起主稱夜未央朋好縱易聚愛此清淨方

小山詩集卷五

士

零露沾殿角低月銜城陴欲去挽我袖楊柳飛秋絲醉
立荷隄上敗葉翻風時無花樂如許有花復何爲看花
必有花是名貪而癡不信試借問蓮花座中師

感書

味以濟而美音以和相召絲竹雖異物何必非同調不
辨鸞皇聲孤絕蘇門嘯

送子大入都

鴻鵠棲幽林振翮思飛揚士方不得志往往輕故鄉念
我平生友時見舉離觴故鄉更誰在城南有沈郎高居
誦皇墳慷慨師古狂發論每驚衆自許殊難量十月木
葉下風捲征衣涼忽復相告別跨馬之朔方沈郎入中

傑不獨能文章看君意氣雄天下士莫當偶携一卷詩
萬穎明珠光誠爲希世寶被褐焉能藏去去視屢鼻行
戒慎勿忘

送香濤入都兼呈樸亭兄

春草春波黯別魂送君南浦更無言黃河泰岱奇觀在
莫爲鶯花戀故園

水木亭臺鏤碧雲獨尋阿買共論文酒人寥落詩人散
月白花紅最憶君

不才也擬出菰蘆一醉相逢盡百壺乞向阿兄先致語
俸錢能辦酒資無

吳正子招集風雨菴觀牡丹

小山詩集卷五

主

自憐春晚一庭空來看欄邊可意紅正是百花憔悴後
故矜穠豔笑東風

風日難禁翠幕遮飛來瓊島襯丹霞誰將貴客題名號
氣壓圖中十二花

張敏叔十二客圖以牡丹爲貴客是共十二人

紅蠟金尊夜色妍輕風小雨養花天座中我是韓宣武
也製清平醉拂牋

大陸名方盛洛中蓬萊應見御袍紅遙知能繼裴璘句
一日新吟滿六宮

離光恩緒初登京兆賢者

新麥

穗黃鬚老蔓騰溝四月腰鎌刈隴頭桑柘影中雲暗動
鵲鳩聲裏雨催收人情望飽初嘗日天祇猶涼也號秋

餅餌香生田舍客一燈兒女正無愁

東山書屋雅集賦得燒筍

蘇軾詩

五月纔過竹生日凌晨折簡煩呼喚王郎爲愛此君來
斑犀迸蘚縱橫亂離脚和泥下短饒滴瀉流膏白弱斷
瑩膚展盡紫錦綢圓孔切成青玉瑗廚師調絮加薑麻
風味清嚴屏蔥蒜銀瓶更汲井華水細淘雲子炊香飯
簷前日色乍亭午脆滑堆盤陳几案龍牙鶴膝品殊絕
魚腹鼈裙應不換欣然放筋未覺空坐客加餐那須勸
飽後鼾眠到黑甜一枕支頤北窗畔俗流疑是刮腸篋
只啖花豬誇美饌況有林中寄養人橫索青蚨五十萬
家是穠招集畫松堂納涼即事

小山詩集卷五

古

水竹羅城陰幽棲此焉托脩脩門巷冷可以忘蒸爍嘉
吾文翰侶游行同爲樂永日宜高譚棋聲亦間作風微
樹影圓雨驟雲光薄十千陳王酒三百康成爵白波卷
江湖清露灑焦灼醉拂葛衣輕赤足東窗屢屢起輒被
肘放意繁文削安能事啗哈冠帶紛相索

陸尊光招集觀蘭

分韻得庚先

衆芳蕪穢正低徊高會初逢九畹開好時田園方作達
謂尊甫侍
謝庭子弟況多才秀如玉著亭亭立香與金甌
澹澹來莫把華堂校幽薄琴歌一曲瀉金壘
紫莖綠葉帶湘烟倚靡隨風散几筵綺石共裁疑得地
甘蕉相蔽竟誰憐舊稱屈子離騷句新擬繁生託興篇

賴是同心談笑處且圖沈醉臥花前

玉停枉駕夜話即事

買隣三載望關河此夕纔邀月下過不似昔人猶兩巷
青楊蕭隔白楊何

濁酒寒壘坐笑譁西窗折聖問星沙懶採五色蓬萊樹
却向汀洲賦冷花

時玉停從楚歸不飲禮部試是夕分韻紅雲閣

奉訪唐銓部東江先生賦贈二首

萬卷紛綸盡貫穿文章海內更誰先
僕射稱詩笑鄭箋多較牛毛竟何用精求雞跖始應傳
雲亭一霎傾心坐面壁空慚二十年

歲月蹉跎那自知劇憐狂態尚欽欽常懷吾刺誰當詣

小詩續集

主

曾有人稱叔不癡謂家汲園文酒幾番知已痛雲霄千里壯
游遲非因任昉能推獎落葉蓬門正掩時

十七夜秋槎招同鶴汀南溪小集

白髮蕭閒客虛堂對晚涼語從清坐少味覺老人長殘
月雲中見寒花露下香一尊知意厚病酒亦何妨

題畫二絕

危巢結松頂高與青霞齊眾鳥各傾攷欽翅就卑棲
輕儵浮綠波殘花落紅雨悠然無覓心吹香自吞吐

次韻奉酬東江先生枉贈之作

先生挺東南高辭懸藝林銓綜薄文部一笑抽華簪日
深鄉間敬華嶽瞻欽欽俗學尚舉悅組織多糾紆及茲

奉職志點鐵成精金門羅問字車如四國獻琛賤子幸

同里而客吳山岑碧石以為礪寒後相與吟手攬千尺

綆汲古聊自斟跡同貧病思質忝魯鈍參春禽矜巧哢

獨類反舌瘡十年歸故園英彥紛追尋屹然望國老無

由測高深撫已內不愜瑟縮乃至今暮秋百蟲絕為奏

風前琴豈伊鍾子遇遂賞山水音時調固足鄙箏笛徒

哇淫人生貴知已卑微甘陸沈況蒙清風贈披拂開愁

襟相期在千載語重未敢任猥辱齒牙論永言銘寸心

薪傳倘弗棄瓣香夙所欽

小春靜照軒分韻得辰字

十月重陰深閉日豈知偏有豔陽才柳餘麴色絲絲挂

小詩續集

去

花借楓林樹樹開蕭瑟秋風方過後續紛寒雪尚遲來
校量牢落中年客酒發朱顏意未灰

寄子大都門

去年相送玉山下別後愁多記不真一歲但增沈醉日
五更常妬熟眠人江邊鐵鏤為余斷天際金臺與子隣
憑仗清才騰駿驟致身須早慰交親

聞家水菴被薦賦呈十韻

畫省官曹貴名邦典郡還遺榮輕五馬卜隱閉雙關高
誦仍儒素清風立懦頑中朝書久絕野外意方閒聖
主能求舊賢臣勸賜環薦章飛北闕物望繫東山經術
誠堪用文辭固夙嫻三千看老驥七十尚童顏且別漁

樵侶重登侍從班青蒲需獻納應不避投艱

雪中招王停雙果

竹几書縱橫瓦甕酒清冽獨立望羊求履印門前雪

有 詔搜求實學聞家相國欲以賤名入啓事

因年不及格而止題詩志感

芝產銅池天馬來深宮側席 詔搜才麟臺虎觀諸儒

滿那有遺賢在草萊

阿湛清狂衆共嗤未經談易獨先知深慚三十年名士

莫對 君王道不癡

草堂歲月暗中移雙鬢蒼浪氣已衰今日始知臣尚少

左雄方議限年時

小詩續集卷三

七

弘獎今猶有古風託身千仞射千同耗斲恐類羊公鶴

又枉殷公語

唐先生東江方爲予移書仁和少半勸令補讀

次韻奉和家官詹拙園芍藥六首

聚花學士坐花茵醉筆題詩字字新爲憶驪階吟賞處

江南夢落玉京春

送人楊柳年年折贈客梧桐歲歲持獨我風光暗消歇

可離花發開門時

潤露芬敷臨曉砌籠煙綽約胃輕紗應知麗草能調味

置驛何人貢此花

東郊萬樹綠陰新賸有殘枝婪尾春好是空濛烟月夜

花神驂鶴覓詩神

南園水竹最清幽文酒相邀盡隱流高會不將花壓帽

星星四十鬢先秋

豐臺名種萬花稠朝退羣公結勝遊記得四枝金帶後

揚州佳話屬 皇州

答家檢討箴六

平生膠漆契蓮炬直金鑾 聖世爲麟鳳芳泉柳芷蘭

醜人蒙刻畫野鶴自清寒猶感呼鳴意臨風刷羽翰

歲暮憶舊七首

虞山孫徵君赤崖

雪窖歸來意自恬不能更作上竿鮎孫郎只向江東老

玉立飄然記紫髯

小詩續集卷三

七

山陰戴遺民南枝

釣臺竹石碎淒涼短簿祠前白髮長曾過巢南尋越鳥

寒風颯颯還下斜陽

萊陽姜高士學在

爲守先公舊典型祠門淒寂畫常扃閑開團扇山樓上

雲氣時時畫敬亭

莫釐張山人懋齋

不數前朝蔡羽才和陶詩就即銜杯紫萼綠橘蕭疎地

重望先生管領來

同里顧文學西齋

海濱高臥日襄羊豈意居人失彥方一樹長松萬竿竹

滿林風雨閉書堂

吳門范廬州聲佩

祇留清白付孤兒
日暮靈風捲敗幃
旅寄一棺應渴葬
素卓何處爰相知

宋汲園先生

說項回思歲月徂
十年愁病滯江湖
移家却近西州路
只爲羊曇淚已枯

候潮海上

東帆潮落飛如羽
西櫂潮生去似仙
若論客心齊欲發
蘆花那繫候潮船

題陳北溪詞稿後
陳係直不
離外孫

小詩續集

九

茉莉花前月一痕
北溪詞
中句新涼佳句最銷魂
北溪出自崔黃葉始信甘泉定有源

秋涯檢討座上題層嵐曉色圖贈王石谷

石谷老人今畫聖
年餘八十猶精強
髮鬢雖白雪影照耀兩頰丹砂光
時時看山覓粉本
脚力未要支桄榔
煙舟一葉泛秋水
翩然訪舊來吾鄉
昔者東南妙繪事
最數廉州與奉常
老人少與兩公遇
如溯水派通天潢
奉常有孫今太史
風流博古師歐陽
壯歲辭官愛清暇
碧山長嘯方焚章
老人過之贈大軸
層嵐曉色紛鋪張
嶺分向背洞明暗
樹間疎密碧蒼蒼
泉聲清冽下石壁
雲氣冉冉飄松房
置身恍在縹緲際
徑欲呵叱金華羊

吾聞南北宗旨異
南宗序詰問諸唐
荆關董巨大小米
有元大家推倪黃
此圖能得癡翁髓
文沈不敢同翺翔
廉州奉常倘復起
出藍應許誇專場
太史對之驚且喜
招客共賞神洋洋
老人高談四座寂
傾耳靜聽淵源長
是時十月天雨霜
陵陽被剛唳神傷
向壁無言似瘖啞
暗貯熾炭煎愁腸
安得北風圖一幅
挂我破壁團茅堂
紙端獵獵噫氣發
頓吹內熱成清涼
收身便老雲山裏
清泉白石聊相佯

賣屋詞

夜半不眠披絮起
腹中車輪若抽水
淪落蓬蒿四十年
男兒寧能佛鬱死
手携一卷蚩冷符
屢欲辭家遊帝都

小詩續集

十

山妻牽衣指兒女
君行誰護雞窠餅
中無粟架無襦
分燭徐吾無李吾
況君遠行無僕夫
看囊一錢并亦無
三千路長豈易到
何從跪掙羊鬚珠
長安貴人體貌殊
貂裘坐擁紅氍毹
嬾媚左右供使令
言出唯諾羣相趨
君之骨相本寒乞
矧乃爲計多迂愚
挾策豈宜蠻角走
帶經只合牛邊鋤
語悽意苦泣幽咽
惱亂雄心欲摧折
明知貧賤百事難
拭淚爲汝更一說
丈夫墮地志四方
桑弧蓬矢懸門旁
歲月悠悠蛇赴壑
便恐兩鬢生秋霜
故人半在日月際
我獨魚頰而鳥旂
聖朝崇儒重經術
公卿好士羅賢良
門才濟濟稱貴盛
宗老正坐中書堂
阿兄雖貧官內翰
逢人說我能文章
子雲遊京年已

晚安能終處旅蘆鄉汝家遠在吳山陽三年不歸母斷腸茶畦桑園聊可給作書有弟思迎將目耕舌織我久厭補衣羸飯汝慣嘗一女三歲始扶牀一兒半歲懷中藏女能聰慧兒玉雪抱兒提女還山莊骨肉滿眼且歡喜慎勿相念空嗟傷仗劍出門當大業老猶騰驤獨乏腰纏我有策頭上數楹新買宅人生天地猶逆旅何妨反主重爲客卜居不定風中船十年輾轉經三遷紺寒讓木鴻爪雪徘徊桑下真徒然山妻破涕一道爾寒雞喔喔啼窗邊起呵凍硯冰毫光紅帖黏門書賣屋

次韻題杜雲川太史花雨填詞圖三首

小詩續集

圭

昔年如玉號檀奴一段濃春寫作圖今日牽舟照江水

夢花煙雨贈秋鱸

綵雲歸有月明知小杜風流小晏詞好揭珠簾重繪影

尋春不到綠陰時

幾載親探上苑春江南花雨卷中新携來第二泉頭坐

誰道離天尺五人

題王石谷枉贈秋江漁樂圖用前韻

蕪詞只合作詩奴換得先生漁樂圖徑欲一竿如畫裏

櫂頭船尾釣江鱸

莫將文采使人知拍手惟歌銅斗詞好是半江紅樹影

短策醉舞月高時

不要桃花流水春清江秋霽鏡磨新未知兩箇舟相並此一舟中是甚人

讓木齋獨坐

歲晏獨無事坐殘寒烏聲南牕一樹雪照我勸茶經

留別晚清太史

繞梧百匝棲鸞樹傍竹千迴飼鳳枝何況冷雲殘雪暮

更無一語別君時

醉中留別愚千

蘭從出谷香璞爲藏山曉醉語猶自壯四十髮未霰俗

眼短於曉盛年急如箭安能終棄捐零落同秋扇平生

所低頭幸託雲龍便糠粃根欲先佇子明光殿

小詩續集

圭

樂郊園雜咏

專壑

背城度虹梁履石穿雲徑高松灑涼風心清萬緣定

揖山樓

面山結高樓樓開林影積下有如鏡波常照閑登客

香綠步

修廊歷宛轉細徑兼屈曲新雨竹園深清陰上衣綠

涼心閣

淪漣起風漪琅玕滴烟翠赤日不能來松床宜美睡

煙上

架石凌空虛危亭構其上日落見梅梢輕煙罩青帳

紙窗竹屋

蕭疎竹間月青螢窗裏燈蕉園修淨業合與坐禪僧

掃花菴

奇峰壓簷來平橋貼波去時見踏花人沿溪覓無路

翦鑑亭

巖深波復杳幽閒生疑畏日暮吼林風水腥如虎氣

清聽

隔水割僧居依然築樵廣鐘魚靜中聲林花落紅點

遠風閣

高窗俯澄潭小閣炎囂絕披襟受南風六月涼如雪

畫就

小山詩續卷三

圭

空明十頃陂濃淡千章樹斜日坐移時蜻蛉渡溪去

藻野堂

崔巍棟宿雲掩冉花含雨籬落妝芳郊春耕冒煙語

吳門喜遇謝二皆人

深掩苔扉四十春青山常與結芳隣餘霞曾熟宣城句
識面真同見故人

小山詩續卷二

男景



小山詩續卷三

婁東王時翔抱翼

北行道中雜詩四首

張帆渡揚子擊汰溯煙波南北分於此家鄉隔奈何青

山船尾斷黃土馬頭多賴有壯心在開襟一浩歌

竭來淮水北春色枳籬殘夜夜黃茅店家家綠韭盤燈

昏孤寢倦星照曉行寒回首江南路鶯花正未闌

彌望平疇濶新晴景乍和春風舊麥短落日東林多得

得升山道峻峻轉石坡何人慰行役前後起勞歌

遠涉經齊魯連朝馬足勤沙深如積雪塵遠似驚雲

色衆天起松聲著地聞金泥懷絕頂封禪有遺文

小山詩續卷三

一

旅店壁間見同里髯道人畫竹

渡江無復幽篁色粉墨蕭疎誰寫真入夜携燈重細看

故鄉景物故鄉人

車中口占

悠悠驅馬度山椒日暮征途覺尚遙輸與邨農指歸路

笨車黃犢轉林腰

任邱道中

曾聞北地時時雪不及南中樹樹花今日鄭州城外路

楊花如雪點平沙

望見西山戲作

未向深宮見尹邢暗凋玉貌度芳齡朝來試校西山色

猶勝蛾眉一抹青

贈家司農麓臺

江南古揚州厥惟下下田近代賦獨重始自南宋年臨
安一隅地國計殊多咄哉賈秋壑歌葛嶺巔但知
腹民膏官田禍尤綿元明雖遞加此實導其先所以千
載後快心於木棉 聖主勤軫恤公溥誠無偏良由財
賦區彌復增憫憐新租既屢免舊賦亦時蠲奉行偶未
善恩膏少遲延謬謂司農公直氣凜無前申章排眾議
雨露迴九天江南萬萬戶引領待安全

次韻奉和張太史匠門種花詞八首

張憑宅裏一庭寬留得春風十二欄暗識清泉相灌意

小山詩集卷二

二

好花端不抱香乾

春寒梅老尚遲開空費驚雷夜夜催莫道祇陪林處士
水曹官閣也移來

桃花長學美人妝紫陌紅霞笑豔陽應有國香人未采
十年空谷避羣芳

漫嫌霜菊傲東籬護取靈泉益壽枝却怕蕙花能亂影
乞苗時節要先知

露滋枯幹發纖芽老桂扶疎一樹斜子落淮南成別種
此花元是月中花

長安紅杏各爭探羞向兒童擔上擔若縱馬蹄相蹴踏
淡煙微雨憶江南

穀雨年年花最繁暮春人愛午風溫明年五色開奇絕
只倩韓郎爲染根

溪面荷花自作叢瓊瓏玉藕吐真紅何時移植瑤池裏
且托廉泉讓水中

花燭詞六首爲楊文叔太史賦

小院紅榴助晚妝金蓮花炬照蘭房神膠續髮裁羅幔
五月南風似水涼

紫府仙人瞰玉京相逢齊作鳳皇聲未須天上憂飢渴
親酌流霞與曼卿

盛朝優渥眷詞臣欲展私恩未許陳夢到阿茨山畔路
錦衣雙拜白頭人

小山詩集卷三

三

合歡被啓繡羅紅角枕宜男畫伏熊好是鏡臺先送喜
九雛翹尾玉釵風

名閨萬軸插牙籤花亞紅窗透玉蟾漫情綠沈雙漆管
戰詩人在水晶簾

銀臺三昧轉欣然竝倚熏籠號比肩從此衣香應不斷
莫猜多惹御爐煙

咏史詩三首

漢祖仗雄劍逐鹿風雲隨樹葉圖宏固定嗣轉遲疑徘徊求似已此意人未知叔孫雖強聒前星益以危卓哉
留侯計帝心乃潛移四老偉冠劍從容歷階墀數言成
羽翼炎祚萬年基遙遙望商山悠悠寄我思浮雲翳深

谷何由見紫芝

宣尼昔云歿大道淪空虛
政握天紀欲令黔首愚
六籍乃焚毀三綱遂榛蕪
維漢起英辟隆禮招羣儒
談經設虎觀校書開石渠
宗賢得子政庶姓來江都
下帷劇攻苦燃藜亦勤劬
區區補綴功千載不可誣
慎勿揮金椎扣頭傷其珠

武皇騁雄姿天兵靖沙磧
壯卒三十萬控弦拓長戟
赫赫雷霆威壓境虜窮迫
單于驚遁逃賢王被俘獲
幕南遂空庭萬里沙草白
一雪和親耻無復輸金帛
衛霍建高勲張傳成奇畫
馬卿素善病雍容詞賦客
奉檄定西南亦擅安邊策

小詩續集卷五

四

送顧太史秀楚南還即次留別原韻二首

秋風五兩暮煙沈佇送歸舟指舊林
繞箸鱸堪為鱸日開籠鶴有入雲心
一時金紫寧須戀千載文章好獨尋
遙想寒山寺前路路爛紅楓葉照閒吟

梧桐百尺最高枝欲斲成材被斧斯
抱璞還山真自愛見竿吐餌未為遲
清宵古驛燈前酒落日秋原馬上詩
冷澹風光偏耐領不知林下更逢誰

秋夜惠天牧太史寓齋小飲即事

官閒一無事閒客此閒過
獨樹清陰滿空庭秋思多
風塵躡劍佩胡海夢漁簑
不醉先生酒悠悠奈若何

送楊孝廉沛公歸蜀中

時送其同年鄭太史之長蘆別

張范交情世已稀看君白馬送喪歸
懸知萬里橋邊路玉壘浮雲不敢飛

德清閣學索題華山圖

華嶽蒼茫辨有無知公奉使自秦都
靈臺粉本藏纖芥此是携歸第二圖

送家樹宣監司之任楚南

江湘水潤土脉腴一歲再熟田生秋
困瘠填溢供委輸四方散布充舟車
人以沃饒忘勤劬辛苦粒粒盤中珠
吾家曹司千里駒曾佐大農軍國需
簡重慎密含秘樞練達國體魁朝儒
繡衣領節從南趨督察漕輓來京都
應如崔鴟寬嚴俱嘉禾作貢成楨符

小詩續集卷五

五

奉贈孫太常義山先生

南朝孫楚賦金石有遺聲鴻寶猶藏枕
織筵迺叩鑽何期威鳳意宵接候蟲鳴
溫語憐寒士開襟對上卿天高雲盡卷
秋爽氣方清古調重為奏泠泠山水情

送曹秋坪南歸

問余何以留問子何以返北風颺黃塵
一騎青山遠送陳季方南歸

豈有還珠者徵君抱璞歸南鴻方北向
猶道及時飛

同熊皆立沈興之馮夔颺顧玉停夕佳樓小飲即事

撲面黃塵裏金蘭自有羣垂簾生靜氣
據几讀高文壯

志爭青簡浮榮看白雲今宵尊酒意莫遣外人聞

傷吳進士振西

一第成何事平生志未舒臨棺惟老僕寫旌不中書同舍封殘篋羈魂返故廬九泉逢給諫握手共歎歔

謂吳進士

曹進士亮疇招集蔣員外寓齋即事

杏花簇簇柳毵毵携酒池亭試一探笑卷白波忘客裏誤擡醉眼認江南

送未岩殿撰省覲榮歸

蓬萊供奉領羣仙得占螭坳又四年破例陳情蒙特許望雲心逐渡江船

名父歸田意氣殊渥注具見產神駒趨庭膝上安文度

小山詩集卷五

六

可道人言汝勝無

遠遊衣線賴慈親此日宮袍穩稱身盡說永寧今已貴先知却是李夫人

櫻筍江南好物華堂開畫錦進流霞未須更著萊衣舞

風顫猩紅壓帽花

題南溪青蓮如意圖

如意不過頑鐵青蓮亦是空華趺坐靜消諸相湛然月印澄窪

送南溪之柘城

南溪先生本靜者棲遲五十衡門下花香樹影蕩筠簾淪茗清吟意瀟灑博陵訪舊著征衣淹滯三年未得歸

乘興欲瞻宮闕壯一鞭殘日到京畿郭隗臺邊訪陳蹟草淺烟深見空碧颯然風雨腕底來大篇傑句鏗金石名動公卿求識面朱門倒屣諧歡宴馬周青雲可立致庚杲紅蓮聊自遣柘城勝地古朱襄梁苑為隣憶孝王借問長卿千載後何人詞賦得專場

顧蔗田六十初度

門閭江東舊荀陳盛德俱少時推碩彥中歲覓清娛兄弟無分樹鄉邦有令模靜棲宜十齋吐談出雙珠斑袖為名士金屏滿巨儒鶴觴歡醉後頭黑未須扶

送馮文子明府之任秦中

天下知名士江湖已白頭一官臨小邑萬里入邊州峻

小山詩集卷五

七

仰蓮華峙清看渭水流所期惟不朽窮達總悠悠握手金臺下相思識面初論文方有得為政更何如未雪冬猶暖回陽日轉舒平安涉長道莫使雁翎疎

夜坐感懷呈張莪村太史

落拓天涯客空憐鬢髮華古琴常挂壁老劍已生花博物憑磨洗知音為歎嗟寄言紅蠟淚此夕忽交加吾愛張夫子論交意氣真青松應不落白首願為隣策馬千門坎驅車十丈塵京華擾擾地何意得斯人

疊韻呈黃太史退思

曉看京國路寒色滿霜華高節不宜竹閑情欲種花凌霄雖未見委地亦堪嗟靜待孤妍發應須甘雨加

忽湧波千頃方窺叔度真學將文作囡心與古爲隣扇
却癡蠅隊簾防野馬塵偏迴阮公眼垂眄素衣人

奉和仁和先生新拓書齋做樂天體詩四首並

次原韻

廣厦能遮四海人小栽花竹養天真
辟閑擬香山句座上生茂叔春時值
昇平隨意樂地登華要不嫌貧
山林朝市俱安適大隱看成自在身

辭貴清真指授初浮華應黜玉臺徐升堂老宿趨蓬苑
載酒名流侍燕居翰墨西園方有托管絃束豎可能如
力持大雅開人意風滿林端快一梳

清鑒無私古所難此間公事莫相干許談風月來三徑

小詩續集卷八

八

敢有賓朋乞五官幽韻蕭疎成竹塢閒情銓次到花欄
從容退食釣簾坐鳥語聲聲勸晚餐

遙山入望慰思家靜挹風煙興自加公意寧忘段橋柳

君恩猶靳鑑湖花冰銜已盡掄魁柄沙路將成轉犢

車請向閑牕聊握鏡髭絲渾未點霜華

暮冬新月和博蒼崖韻

寒魄初生一角天朔風弓勁欲張弦空鉤斜下潛魚處
枯樹微明宿鳥邊照夜未深方黯黯待春若到更娟娟
西樓呵凍調青黛學畫眉彎記少年

次韻奉和西田公南書房 賜膳

天府文章蔚彩霞台星一點照銀紗諸儒袖手春風裏

上相題詩淡墨斜盛典適頒珍膳至 殊恩特爲老臣
加高吟大噉公方健傳語蒼生免嘆嗟

家葆光之任邵陽時屬楊子鶴寫山行雪霽圖

丁酉春再任龍巖爲題短古三章以當折柳

百里聊小試作吏同作客風捲征衫紅雪壓遙巖白衝
寒馬足競於以勵冰蘗

昔行嘗楚橘今行啖閩荔何必祇飲水方可稱廉吏東
風正融和春旂看搖曳

從容歷花縣逍遙登粉閣轉眼到臺省無嫌此官微側
聞瀛洲仙嘗斷炊煙飛

題畫

小詩續集卷九

九

野鳬雙立葦汀煙依約江南五月天記得短篙撐艇子

蘋花香處枕蓬眠

磐石菴卽事

藤陰樹色暎疎煙一片清光別有天方外無人知姓氏

禪牀安穩借高眠

京師歸未匝月別內赴閩中文幕

北去三年辭易水南遊千里又閩山征衣有淚君休理
但洗塵埃不洗斑

雪中陪李學使芝麓遊西湖

畫舸衝寒玉屑零魚肥酒醺醉湖亭清茶日暮孤山坐

冰萼光中淡使星

友清軒與王孝廉中安芟治佛桑

佛桑枯死半無陰
翦剔隨君保愛深
他日花開紅似火
何人解識此時心

歲暮示同幕車端平

丹山碧水懶題詩
荔子江珧空自奇
豈有夢中人索筆
校文一載不眠時

題蘆雁圖

高飛已怕遭彈射
俛啄猶虞觸網羅
揀箇水清沙暖處
荻花深覆睡如何

吳興郡丞高梁亭三十初度

傳家勲閭樹旌麾
公子清才獨愛詩
擬看碧瀾堂上月

小詩續集卷十

風流重對杜分司

遙聞攝篆雒州城
蒼雪雙流勢欲爭
掩却南朝何敬叔
若溪上下滿清名

時署知長興縣事

卷畫溪頭樹色斑
金沙泉下水潺湲
嗜茶我亦同桑苧

挂席來尋顧渚山

握手論詩隔五秋
京華回首夢悠悠
羨君三十能為政
直上台階定黑頭

春雪

律換春方淺雲凝雪
又深草遲青萬里花
早白千林暖
晝旋融玉良宵更值金
暎來慵細讀撥處起
高吟南國
休誇瑞東君別有心
征西憐凍甲陽轉未
消陰

寄愚千并示玉停

書來已經年欲報無一語
涇東菜甲枯夜夜聽春雨
愚千次韻枉答再寄

近有包山人來作包山語
期我橘林中高隱坐秋雨

愚千再疊韻枉寄仍依韻答之

來詩云君非山中人葉作山中語長風吹地雲霖雨

君作青雲人那知白雲語
白雲淡如煙孤飛不成雨

愚千連疊韻枉答四疊韻卻寄

莫言同一雲為君分別語
山中有此雲山中無此雨

愚千聞南閣信後五疊韻見寄并示諸同學余

連疊韻答之并示北閣獲雋諸君

小詩續集卷十

士

車笠盟雖存高下難同語
一作凌空雲一為墜地雨

長江限南北相望不得語
煙波愁我心颯颯楓林雨

七疊韻寄愚千并示孫臣用雨雙栗習之

君逢失意人替儂傳一語
易水寒蕭蕭歸來釣煙雨

八疊韻寄愚千并示嗣宗行表

兩度竹林人相隨竹林語
慣作五鳳飛雙鷗臥沙雨

南閣余與愚千表連大韻嗣宗與文叔韻且傳相與表各韻開義今未得者猶示與嗣宗而已丁酉北閣余與愚千及胡裝參姚行表沈芝岡姜賦山沈子大相與偕房聯片先密今未得者七人中獨余與行表而已

九疊韻追悼陳思洛姚鐵華

飄零閭嶠行幽憤誰告語
心傷兩孤魂闌干淚如雨

丁酉丁酉知已分飛思洛客死子荆湘鐵華自裁于途旅余崎嶇聞橋常抱劉楨之疾幸猶在此而兩君之墓宿草矣為之涕零

將赴中州文幕留別東江先生

第一低頭拜平生是我師豈徒鄉鄰敬直受歲寒知貧賤依人際冰霜就道時含辛辭馬帳子影照清伊三載瞻宮闕無成衆共嗤游梁才既盡入洛意何爲故舊憐家食艱難與客宜獨懷知己感惻悵不能辭

題徐太僕泰旌先生遺像

際運方衰候排璫正燄時前將軍竟死南太僕堪危勢與文姚竝名同楊左垂肅瞻遺像處袍笏儼深思

題九峰三逸圖爲雲川太史作

三逸者雲川及僧天鈞道士洞泉也

常過九峰下不知三逸誰近聞雲川子遺榮與世辭禪老碧卽杖仙人青玉卮遙遙結深契望望空相思

小詩續集卷五

主

陳州陪蔣學使省菴遊蘇園

車騎雍容盡日迴非貪春賞細銜孟州人盡說三年旱却愛泉從竹裏來

次韻酬項雪邨

野夫懶散是樗材豈有清陰布八垓多謝高情比貞柏人將蒿柱倚爲臺

雙柏行

南陽學署作

我來南陽見雙柏階前竦對如嚴客植者何時不記年黛色霜皮一千尺稜稜直幹排煙靑凜凜高枝障日赤夜月靜照陰森沈時聞竿籟飄清音忽從蒼翠露枯禿嗟呀拆裂空中心鳳鸞不棲羣雀噪使我涕淚紛霑襟

指捫手抱口稱善劍苔剝鮮誰能見蜀相祠前祇浩歌漢皇臺上無高宴吁嗟乎樗櫟擁腫猶可薪此木偃蹇徒千春安得颯然風雨助拔地雙龍躡雲去

次韻酬莊麗農見懷之作

首夏辭大梁入蔡漸徂暑裊裊宛洛間風吹葉如雨會合歷三時復睹同心侶贈我四十珠絡以黃金縷

雪邨用麗農韻賦旅懷見示依韻和之

霜肅天已寒火然心更暑病客自多愁不待聞風雨非無良宴會非無好儕侶入夜一燈殘髮吐冰蠶縷

客中題畫梅

馬家山下香如海鄧尉峰頭雪作林身是江南愛花客

小詩續集卷五

主

何能不起故鄉心

將赴懷州同諸友與雪邨話別

梁園多勝友相對黯離襟客判行兼住交方淺到深一燈風雨夜四海弟兄心早識分携後清愁祇獨吟

次韻酬雪邨見贈之作

浮雲四飛揚從之安可得何況田中泥上與層霄隔所以欲閉門尋求古人跡又苦時代遠無由濯肝膈尚湖雪邨子聞聲在疇昔相思不相見夙懷空委積竭來大梁遊乃遇直諒益貌古蒼蒼松氣肅嚴巖石靜如菊香欽清比蘭露滴並觀優絀分返鑑潛自惕蕭然共羈旅密爾同硯席雖有得朋慶而苦爲物役各懷塵鹿恆避

喧恒就寂幽吟滌煩襟高論擴淺識支離道路間深荷
慰藉力彌年締金蘭一夕離思迫情以還鄉順境緣揮
手逆車轉草芽青棹沂江光碧到家啓塵筭點檢舊經
籍道充豈憂飢皓首兩勿斁

贈白門友人

匣繡銀鋸未試銛酒杯愛向月中拈神情開朗腸如雪
俠氣時看拂紫髯

舊業羞稱覓舉才自言不到郭生臺誰知上下千年事
長向瀾翻舌底來

鍾王已遠誰能繼楷法時賢結體疎健似秋鷹筋入骨
銀箋小字率更書

小詩續集卷三

古

擬學君平卜肆閑蕭蕭匹馬汴京還門前一片秦淮碧
冷浸芙蓉建業山

和麗農別諸友韻二首

直幹松稱叟虛心竹號君千秋期努力一載共論文寒
盡桃花見春深杜宇聞還鄉各惆悵說與舊同羣

殘燭深宵坐悠悠付一炬雄雞斷尾日腐鼠嚇人時鄉
國雲遮遠關河馬去遲回看大梁地公子正堪思

麗農雪邨登前韻枉贈酬之

風流逢二老引我作三君贈別頻投句相知豈在文潤
松寒不落皐鶴遠能聞何意眠沙鷺冲雲得附羣

物變嗟春晚無心把別卮開殘百花後留剩片香時底

事遊梁倦偏同去魯遲景光須共愛莫漫苦相思

歸舟再登前韻示麗農

日夕生悵望依稀似鄂君停舟對山縣殘雨滴波文野
樹和雲暗邨歌隔岸聞前汀棲宿好吾羨白鷗羣
風物當新夏天涯斷酒卮櫻桃初見日楊柳過花時去
去歸程杳厭厭行路遲隣船相借問何以慰憂思

孫子逸依韻見贈三疊韻酬之

絕藝推前輩今來定數君烏絲臨綠字碧石勒朱文昨
歲方親見當時已蚤聞蕭條同乞米愛看寫飛羣
竝泛仍分處無由共舉卮打篷聽雨夜泊櫂候關時心
比虛舟觸身隨斷梗遲長淮洗塵土高唱發清思

小詩續集卷三

古

庠水謠

五月無雨雲尚作六月無雨惟吹風晝懸紅輪夜皎魄
遙天一碧磨青銅田中圻裂苗盡死日日農夫猶戽水
海枯潮信不通河車聲但碾飛塵起明知戽水是空勤
農夫切莫辭苦辛官家待輓東南粟要飽萬里西征人

題仇十洲畫馬

集晚清軒作

虎脊龍顧骨相全銀蹄花鬣玉尻圓遙思柳谷圖形處
一點房星照墨船

千里驂騑一日程戰場未試莫相輕漢文明主獻不受
何異長沙老賈生

玉花拂拂氣如雲牽向天閑待建勳若遇南朝齊太祖

龍驤定得號將軍

蹴踏天山萬騎多
閒居小幅共摩挲
座中有客來西極
慷慨高吟天馬歌

杜望子新
自雲山歸

重題長句

少陵先生論畫馬
但貴畫骨非公言
亦如評書貴瘦硬
好以飛燕凌玉環
仇生此馬兼畫肉
神駿不減何軒軒
兩權協月瞳夾鏡
三花高聳飄連錢
垂梢窄地中結束
汗溝微滴紅珠妍
觀其體勢豈常產
追風躡影非所難
春郊細草青芊綿
方解玉勒除金鞍
圍人執鞭爲前導
神閒態逸天應全
吾聞老驥志千里
空啖棗脯亦可憐
聖皇神武開雄邊
購駿足垂十年欲
踏萬古不到

出詩續集卷三

去

處秦漢僅歷門庭
前天誅何爲尚稽緩
郅支之頭久未懸
通靈妙畫能變化
真龍躍出飛翩翩
朝秣東吳暮西極
辟易萬馬居其先
蹴平兩幕成功返
形隨上將圖凌煙

估狢小女歌爲杜房芝賦

雪深六月西番部
估狢女兒年十五
搖曳蠻煙白草中
蓮花亭亭一枝吐
江南書記身姓杜
萬里從戎搏雕虎
相逢不覺眼波迴
勾留微笑輕千戶
支機石邊十日語
心孔璫瓏渾未許
戒體須堅郎自持
兒家不是摩登女
贈郎輪珠勸郎轉
東方快樂西方苦
郎馬東行莫更來
西去脩羅箭如雨

池魚歎 集淵堂書
接軒作

吾兄高樓水竹居
雙池夾岸垂綠榆
平時尊酒置池上
落花浮面觀游魚
去年一旱池水涸
廣羅鐵鍤重穿疏
淺波魚苗動宛宛
正賴甘雨流春酥
豈知今年旱益甚
天青日赤和雲無
池形深窈底半圻
寶愛滴水猶真珠
大魚已盡小魚困
鬻垂尾禿相煦濡
微腥瑣瑣懶久棄
時見張爪眈狸奴
朝來阿咸感物命
邀我繞看生嗟吁
萬事反覆未可定
林鳥且共聽提壺
安知尺水無神物
風雷歟忽騰天衢

題沈白漫先生全唐詩選

沈公材大世不用
白首萬卷空紛綸
自製金爐鎔古器

出詩續集卷三

去

更携玉尺量前人
唐家取士重辭賦
全詩一代百寶陳
太宗龍飛尚英武
往往落筆驚羣臣
何況奇才如甫白
多以文米遭遭屯
江河羈旅發精氣
雄篇傑句光璘霖
後來繼者子韓子
橫空排冪兼輪囷
古淡藻飾有別種
險怪寒瘦恒殊倫
要其佳處未可廢
巴歌亦與風雅隣
鳥鳴蟲響雜瑣細
一竅或入元音淳
十年巨眼坐木榻
放斥淫豔收清真
蠅頭小書四十帙
欲使後學知通津
惜乏金錢付雕刻
散布萬本垂無垠
歲當龍蛇文星隕
局鐫竹筭猶奇珍
金閨名彥啓令嗣
展觀手澤招窮賓
他日詞林推作者
長江萬里由峨岷

望雨

早久萬物悴水縮千流竭歡心逐雲消憂思隨境發脩脩嫌清風皎皎畏明月

喜雨

斜飛聽鶉鳴直下看簷雷甘澤一以沛秋田行可救倚倚豆苗長藹藹黍華秀

秋日過朱大端揆齋小集即事

凌晨赴佳約入戶琅玕青幽軒啓文閣高窗瞰疎櫺涼雲閣微雨秋葉零空庭重以素心愛對酒誰能醒

題倪高士漁莊秋色

秋入江山靜漁家氣味深寥寥人境外中有子陵心

涇東草堂觀老桂作歌

小詩續集卷三

六

我昔夢上青雲端月中有樹高圍圍癡夢當關不放入淚珠和露飛曉寒醒來身隨茆堂裏一畝荒園自鋤理可憐老桂禿無花枯幹嗟呀半生死乞來玉斧從吳剛閒修不覺日月長青枝翠葉瓏瓏影忽見黃雪堆濃香笈中破書無所用好換東隣新酒甕呼得平時舊酒徒瓦盆且向花前送瀛洲仙人何處來高歌一曲雲徘徊袖携天香相比竝勸我重去尋瑤臺碧空沈沈廣寒遠老矣卻說曉歲晚淮南小隱足盤桓北指燕山宜急返

暮冬獨步東園有懷

羣動役歲晏靜者依林麓獨來非花時憑欄對寒木落日鐘魚音佛火明僧屋緬焉起遙思西眺腸迴歎

冬日過桂軒太史

寥落歲寒心棲遲日暮思聊爾獨行國荒城任所至忽復詣君家君家誠易記匪以桂枝芳愛此凌冬翠

題邵四履九濯足圖小照

酒中有仙人赤脚弄江水應思變醍醐盡瀉金罍裏東華香土霏輕雲看君健步凌紫氛衣船不上醉入謁須防蹴踏高將軍

送維揚張太史良御南還

北辭金馬門南指滄江路得意搖吟鞭掉頭留不住浮雲萬變空復空好景揚州今古同水部梅花紫微月涼秋剛遇李鷹風

小詩續集卷三

九

漫成四絕示王進士隆川

平津座上集羣才愛重如登郭隗臺今日秋風看拂檻更無魏勃掃門來

七載重遊到玉京何人車笠記前盟尋盟便是寒盟日香火慵教附姓名

束髮思聯漆共膠誓言生死莫相拋年華意氣空消盡不敢逢人說定交

結密由來貴結心蘭交心可斷兼金世人盡賞銀筍曲誰信朱絙是古音

題儲五記雲金陵雜咏後二絕

江山靈氣發詩篇莫道風流久不傳紅豆漁洋高唱後

畫溪新句壓前賢

聞君弔古橫蘭橈
豔曲庭花怨未消
解帶石坪松下歇
斜陽一瞥似南朝

題汜雲浮青水榭圖

佳景盡收水榭新
詩應替換川雪中
牽棹已晚好趁如
畫涼天

杜牧之水榭詩云他年雪棹陽羨訪五虛
時余與汜雲同客都門方相訂旋里故云

次韻酬繆桐邨

游戲人間世
王城稱隱君
試看天際影
原是岫中雲
東海未歸釣北山
應有文相携終共往
沮溺可爲羣

次桐邨又題韻絕句

不遣清襟染世氛
素衣猶帶故山雲
門前滾滾黃塵客

出詩續葉卷三

遍數閒人我共君

莫道名心更待持
逃名猶自怕人知
依稀審雨堂中過
可是虛綸夢覺時

十四夜月

已下二首和
朱稼翁韻

葉脫生瀟照
茫然空遠思
一輪猶缺夜萬戶已涼
時鵲繞終無定蛙鳴
祇爲私且來清景坐
隔樹漸成規

十六夜月

樹色朧朧晚依然
傍客明光從今夕
減愁逐後時生及
醉始嫌飲逢虧方見盈
何戡歌怨曲淒絕下階行

是夜聞解

黃洲歌聲

別澄觀相公

公方謝台鼎
況我一青衫
古道鳴征鐸
清江下峭帆
就荒餘舊徑
托命有長鑱
多感相留意
含情歸碧巖

別晚清太史

本是江湖士
安能久馬鞭
欲行君輒阻
應妒我先歸
朝宁多榮辱
林泉無是非
臨岐相借問
胡不直金扉

次韻答桂軒太史

題書學士翦秋梧
一縷高情雲外孤
容易片言商出處
聞君能老故鄉無

盟壇誰復是
齊桓情似秋雲重
一官賸有陵陽舊
時淚更無人處自偷彈

寄穎山姪用前韻

小山詩續葉卷三

五

不生竹窻
不生梧鳳
德衰時影亦孤
借問故園香稻粒
飛來鸚鵡啄殘無

誰公疑謗
不逢桓摩詰
琵琶祇換官好語
竹林狂醉者古琴無處向人彈

喜逢許二子遜

句句清新字字奇
十年丁卯夢中詩
風塵屢誤南歸計
只待浮萍會合時

小山詩續葉卷三

男景



小山詩續卷四

晏東王時翔抱翼

鐵簫歌

為米字
跋賦

紫竹易裂碧玉脆精鐵百鍊成
茲簫爛斑古繡苔隱隱
勾圓疎孔星寥寥朱公孫手持黑
竈向我言此物淪棄
久不貴變琴獄劔同沈寃長懸
閣閑客莫顧渾音澹泊
含雲門朱公孫迫窘詰屈困羈
旅摩抄鐵簫與君語吹
來空作鳳皇聲俗耳誰聽淚如
雨

君携鐵簫何所用夜深獨抱常
飢凍人前耻作乞食吹
人去鳴鳴潛自弄長安親故開
如煙涼風凜烈衣未綿
祇將鐵簫閒撫翫愛客傾囊無
酒錢朱公孫君家插架

小山詩續卷四

一

三萬軸胡不歸家擁書讀湖沙
十畝可躬耕青菱細雨
驅黃犢扣角何妨月下歌鐵簫
蘆笛紛相逐

朝歌鐵簫意慷慨暮歌鐵簫語
悽惻君長八尺聲洪鐘
腹有詩書壯顏色相公之裔太
史孫高步青雲應易得
胡為學富身逾窘逆旅棲棲困
衣食僕也欽歎潦倒人
相逢灑淚金臺側即今時下求
賢詔塌翼風塵無氣力
鐵簫兮鐵簫爾能吹開萬里之
浮雲白日照耀臺分
明堂清廟奏韶護徽纘一聲聞
聖君

登觀公和詩慰留疊前韻

漸老花枯管知無柳染衫一詩
開暖谷百計緩秋帆寫
恨桓伊笛謀生杜甫鏡東園絲
竹地終侍謝公嚴

酬黃石牧太史枉贈四絕句次原韻

賈鄭周官毛鄭詩寒窗屈首不
求知偶携微帚燕然
元宴先生許左思

交態浮雲逐日生花開花落幾
枯榮常逢二到不相識
劉峻猶懷任昉情

會稽老守今詞伯玉雪襟期冰
雪文一自桂林迴棹後
澄波千頃說逢君

會稽老守
謂家永菴

隱侯家學更誰雙一寸筵將萬
石撞祇以少時鄉曲愛

欲通勺水滙長江

隱侯謂
沈敬亭

酬姚魯思太史枉題中州所製
青絳樂府四絕

句次原韻

小山詩續卷四

二

廣寒無路鵲無枝散誕浮踪只
自痴驅馬孝王園外過
凌雲氣盡少雄詞

郵亭落葉旅情多浣壁頻遭候
吏訶那曉仙班競傳看

濁河原不隔天河

北宋詞高未極工渡江白石啓
江東汴京遺蹟開題徧

調落吳興一卷中

中原逐鹿古今爭七子徒留鄴
下名慷慨吟成聲激越

洛波風起嶽雲生

贈王忠安選鈞

官邸時尋訴客踪深談猶見故
情濃昔隨閩嶠同昆弟
今上燕臺判蠖龍九萬遙程君
忽到三千弱水我何從

征車欲發施金柅未許南還作老農

後遊仙絕句示薌林雲堦行表漢忠

水木煙霞未盡非重來仙犬吠人衣玉真休怪難尋覓
自是劉郎不合歸

桃花迷路不如初時斷仙邨桑竹居可是高人劉子驥
窮源偏遜武陵漁

不見耕煙舊日龍朱霞碧靄鏤重重瑤花一霎風吹盡
高處青葱長瓦松

石臺方罽草爲茵袖手旁窺局勢新落子未停西日趁
暗憐身是爛柯人

次原韻酬陳大樹滋枉贈古詩五首

小詩續集卷四

三

陸離窺寶肆光燄啓文府卓卓陳子昂高唱誰爲伍恍
獲千明珠那羨五色組我將霧隱豹君以風從虎徘徊
岐路間灑翰寫肝腑

寸心四海通何必定相識及其相識時歡愛自逾格淡
泊有同音苑枯無異色觀此君子交萬慮一時釋前戢

崇明德沒齒庶勿斁

敦槃杳無會邾莒相侵分漁洋一以歿誰能襲遺芬憑
高試展眺泰岱橫長雲携手叩幽宮側耳庶有聞相與

棄俗尚母爲異志紛

少愛山水音常伴林間鹿適性以自藏寤歌在邁軸一
出成小草塵埃空眯目逝將捨茲去行矣何妨獨日誦

清風篇儼隨賢者躅

裊裊空中雲萬變亦何常吾兄士林愛半與身淪亾荷
蒙金石交宿草銜悲傷東流少還波西墜無迴陽感我
骨月痛滴淚申此章

再贈王忠安選鈞兼示姚魯思姜賦山俞尹思

三太史

落拓京華白髮侵青雲不改歲寒心武陵薦友常携賦
伯玉逢人漫碎琴愁重五更難伏枕感多三歎易沾襟
玉河咫尺金門啓碧宇層層未抵深

宮庶李芝麓先生和余侵字韻詩枉贈登韻東

謝

小詩續集卷四

四

道未中充外幕侵故山空養十年心却因聖主方懸
鐸擬對高賢更鼓琴開處每憐逢惡夢靜中猶喜挹清
襟荷公忘分相酬贈寸綆難量大海深

鷓鴣次汜雲韻

錦翼離襟甚羈孤怨客携楚煙香處夢朔雪冷邊迷花
隔黃陵喚喚驚猜紫禁棲都官定流品聲價可甘低
驚此南禽瘦輪他塞雁肥趁人求片粒曝羽臥斜暉湘
水空前影蘭皋穩後依縱然行不得風雨也應歸

見子遜詩有江山無太白寥落一千年之句愛其豪興不減青蓮足成一律贈之

江山無太白寥落一千年不謂於今世猶能逢此賢氣

雄輕紱冕才逸吐雲煙淡蕩求同調滄洲興

示沈進士芝岡用鼉補之廖正一贈答詩

京國何人開笑口懷家夜夜看珠斗千門如市一門關
擬趁秋風挂席還身羈薊北黃埃裏心在江南紅樹間
飛飛野鶴排雲上鶴背飄飄暗矜賞執袂已荷相公情
故人至自長沙城欲留半死枯松樹再伴三春桃李榮
金殿臚聲論國士琅琅三策無如子眼常遭白我方窮
矚乍添黃君有喜自分羸才遇合難囊琴塵滿不須彈
鄉路千盤容易到天門一步何由攀明年四月櫻桃熟
簾閣新陰守故山

贈明史館胡大襲參一百三十韻

小詩續集

五

明祖起濠上仗劍臨八荒一揮元命訖再揮羣雄亡真
人固天助亦由得士昌劉公侍帷幄神算猶子房青巖
與金華文學何鏘鏘虎將況麻列冠之以徐常捷伐吳
楚寇其易如剗羊武定師懸素坐治開明堂禮樂叔孫
制律邁蕭何章誅夷或稍過國勢益以張惜哉青宮天
太孫繼垂裳仁懦弗克荷乃削諸侯王鼉錯豈無見似
不同齊黃事敗禍歸君奔竄思逃藏所嗟方景鐵滅族
夸一鄉燕邸洵龍種被迫心恐惶坐中紫袂裝奮臂起
贊襄白帽手親奉黃瓦徵其祥張李忠且壯桓桓復洗
洗與誠宿將一敗萬卒僵景隆乳臭兒瑟縮焉能當
白帶大殺師遂致金川降冕旒化灰燼或云易僧裝遜

國實疑牘靖難開靈長瘡痍待煦嫗相業來三楊本固
雄心生拓地西北方幕南竟空庭天低草茫茫於榆
木川車載殊輜涼威德既遠播奕世貽謀臧仁宣蒙故
業昇平頌洋洋不異漢文景民氣何樂康英宗循祖制
巡邊越巖疆宵小豈足倚乃致土木殃龍章遭挫辱神
器幾皺黻烈烈于少保忠智定搶攘吾國已有君謀宋
策果良公之輔景帝師古非自創金繒敵計沮車駕還
上皇錮宮非不爭事秘語不彰七載得無恙幸公握其
綱天意在復辟大物未淪喪奪門亦何功讒夫肆披猖
朝衣赴東市沈寃至今傷憲宗嗣大寶庸暗須扶匡乃
更寵奄豎潰壞如决防泰陵實英主勤政親縹緲文治

小詩續集

六

翼嘉運羣儒何煒煌茶陵執魁柄著述兼宋唐何李起
拔幟駁足齊高驤文摩屈宋壘詩壓韓杜壙厥後相俎
豆得失未足詳治久伏禍亂國事如劇場天子稱將軍
魚服戒已忘佞倖逞奸膽忠直輪烈腸予杖百七人遠
謫同夜郎侃侃汪泗州尻股血尚瘡徵女進陋婦入宮
授蠶桑親藩蓄異志雄臂非猶螳伯安扼其衝幸獲此
保障縛賊反見誚彬寧何愚狂邇酒供御膳野花沾異
香淫縱絕皇嗣主鼎將誰望新都定大策支流續天潢
世廟本聰睿偏任無助勦當時議大禮紛紛沸蜩蟬往
事觀漢宋於禮未盡妨稱帝竝七廟列宗相抗行永嘉
巧迎合踰制寔始倡獲罪在萬世應難托歐陽流禍及

祀典經師半摧殘刻啓大慙台座登虎狼分宜虐朝
士忠良血滂滂陽合而陰枝文貞伺其旁一言誅孽子
餓死無餘糧時方號中興兩姦為棟梁詎免盛治累孰
云帝道光穆宗衍其脉歲時頗豐穰未克稱幹蠱聊可
承蒸嘗定陵英武姿側席開天閣冲齡仰元輔意在高
翱翔江陵擅才器而性或稍剛中樞吳尚書外間寄南
塘功在中外安如馬能服箱縱無調良德千里殊昂昂
奪情誠大節培擊何雷破身毀其巢公道虧嚴廊致
傷任事氣才臣淚浪浪遂釀養癰疾頽廢成膏肓吾家
太傅公入告多拜颺是時爭國本伏蒲陳御床山陰去
則已公疏盈一囊秘如溫室樹久韞不暫揚耿耿留此

小山詩集卷七

七

心默默對彼蒼光宗堯舜主德音何琅琅意長日月促
四海泣嗶嗶手提藐藐孤付托心仿徨甫節結聖姚權
勢歸昭璫毒流於播紳忠臣盡銀鑄人亡邦國殄有識
戒履霜挺挺莊烈帝投袂起慨慷遽梓奸奄首獨斷非
衆商清琴奏時雍曲終淚縱橫內賊雖已除流寇日益
強梟戮我人民瓜裂我金湯朝堂但朋黨將帥多鼠麀
悠悠復泄泄闕下羅旗槍抱憤殉社稷委身懸海棠勳
戚有劉登侍臣如范汪恩養三百年聊以一死償彼哉
復何人拜賊頭低搶三綱既淪歟大運城復隍我清
行弔伐乃命尚父姜王師震雷霆刃殲賊肱拯民出
水火御寓朝未央江左暨閩閩餘閩不自量區區史瞿

輩不救嬰兒殤國滅史不滅橫雲啓書會風疾
聖祖命排纂何遑遑辛勤四十載書成髮蒼蒼
聖心特慎重再敕加端相虎觀足燕許麟臺集瑤琤
筆共濡染彪炳相頡頏吾友劒在匣芙蓉初試鉞脫身
賢書中凌跨乘仙航柱下有此士選木得大棠史才寔
所難截玉宜截肪决裂編年體班馬為濫觴矧彼穢雜
書於道猶糝糠來者恐難難誣後生舌如簧獲麟希聖作
子其可不發

題楊三笠乘江天一笠圖次韻

江雲漠漠江樹紅蘭漿劃波如劃空好是建康山影裏
玉龍噓起打魚風

小山詩集卷八

八

再次韻題疊紅吟卷後

百篇新句盡吟紅千古詩才服底空繙到夜深愁燭盡
一痕殘焰手遮風

題姚四心求米尊圖

少年身落湖山中兩點洞庭煙水通阿儂時泛如梭艇
親煮尊羹延釣翁

為桐城方十九引除題載書圖

引除為密之先生之孫北素先生之子

忠以明臣心孝以盡子職孝復繼孝後畫裏孤舟色載
父之書侍父同千秋祖德父書中誰將片紙傳三世烏
鳥還哀臨血紅

題金粟道人玉山名勝集

遣文開掩客燈前賓主風流四百年今夜玉山歸夢
寒鳥無樹繞平田

古詩三首答子遜

肅肅雁羽霜莽莽馬尾塵金臺挂寒月照骨淒我神引
領瞻故鄉曰歸當及辰欲發屢自止待我心所親所親
未相識跡疎道為隣十年懷密款一見意已申握手各
驚歎俱是蒼顏人齒髮向衰老文章空賤賈已矣莫復
道志士多苦辛

昔我有阿兄登朝涉清班五十始通籍深知遇合艱風
塵觀才彥愛敬重於山脫裘換美酒留賓常閉關一長
劇推獎時置口頰間況君天下士吟唱日往還服膺固

小山詩續書卷

九

所宜寄書命追攀見君兄已歿新月十二彎雲霄有要
路突兀無由扳窮塵話疇昔酸辛涕潺湲
荷君激勸意與君慷慨歌賤子少年日盛氣羞婢嬰張
眸視八極高嘯遺世羅酌援北斗柄醉弄天孫梭意謂
帝鄉近攀飄桂婆娑安流光忽荏苒壯志竟蹉跎垂暮兩
之京望闕空巍我塵埃感徒步同學盡鳴珂開世味已
少還鄉興偏多水雪淨我腸委懷在岩阿榮名縱堪娛
奈彼白雲何

寄孫雲舍

孫郎雄才壓羣彥長句天矯凌韓蘇江河浩浩來萬里
素心銀鈞書我初見之心已折逢人歎詫驚座隅

自開小篋看殘稿徑欲付火藏虛無況子高文儼秦漢
上追賈董懷良圖 天門誅蕩引豪俊乃胡為者猶泥
塗風吹塵霾障眼暗白晝不觀光明珠間鐘誤投蕭寺
飯當開羞謁蒼頭奴南宮先生識寶氣為施鐵網收珊
瑚牢扃玉匣重拂拭榮光夜夜騰天衢席上珪璋應特
達一策歸釣有潛夫

題涼曝圖二首

并引

家檢討秋涯相國西田公之猶子也綜練而淡於官清高而博於
時務跌宕而寓於天性致南通籍而遠寄華亭長休而猶侍圖
其蓋館選於壬辰授職於癸巳而甲午即歸乙未以編纂春秋
至自此棲遲京邸逮及十年所履者非出非處之地所謀者亦家
國之間若其孜孜嗜古固情之所鍾亦亦有所托非余所能盡知矣
壬寅夏日公退朝之暇暇書畫於庭秋涯從旁展視若將有所
者公隨以范文穆朱子趙承旨墨蹟外之秋涯有勃顏色進而思
其事乃屬徐子來若用餘長公詩意繪澤圖於前而蒙眾家

小山詩續書卷

十

之書於後一日余請觀之秋涯以謂語見屬余惟古者兄弟之
與伯父叔父直稱父子蓋天屬之至親若秋涯少孤公愛憐之特
甚當乙未之再入都也公甚欲其留而久以其抱然榮利之外未可
以此意數數言也而秋涯遂毅然現之而不忍去昔漢疏傳之婦有兄
子受隨之以歸其妻謂余之樂其言也公少出有兄子元隨之以出其
成破敵之功今公致政而未得時時秋涯謝職已公處欲去而重
傷公意猶依於此較之疏氏之受謝氏之元所處為尤不可及
非孝弟根心焉能仰體公之神明之際若是哉余孤愚碌庸少習
於秋涯而兼承公之知因觀此卷而書其
父子之慈愛順承者如此而系之以詩

玉堂仙客罷然慕滯跡京華憶舊樓海外畢繼辭禁樹
雨中良馬惜障泥煙霞癖待他時了翰墨綠從宿習締
誰解十年羈旅意問紅空擬榜花溪
上台明處侍文星兩阮於今總典型未置故鄉疏傳酒
尚留玉樹謝公庭蕭蕭開偶爾貽三帖鄭重何殊授一經
涼曝圖中無限意好傳佳話在丹青

送秋涯檢討南還四絕

五十飄飄此賤身孤雲無意入風塵別君幾度書驢券
今日翻爲送別人

十年君已擲瑤簪去住低徊兩不堪明日片帆揚子渡
杏花春雨認江南

報國填荒兩地同荷戈持糗各從戎春明門外傷心淚
公子牽裾夕照中

上二詩謂君歸國後
討出關門者誠無兄弟也

人看君面歸應喜我識君心去欲埋茅店一燈迴首夜
白頭東閣不眠時

次韻和陸香林看花絕句

松花寂歷不禁憐常在寒雲冷澗邊惟有金臺三月柳

小山詩集卷六

士

颺空狂絮撲春煙

草色青青曉露輕天公枉作一春晴北枝寒重無梅信
賸有啁啾翠羽聲

爭賞驚然日及花玉壺春酒萬人賒不知涼照秋風裏
誰爲霜林晚駐車

翦綵爲花樹樹新莫分誰假更誰真依稀暗裏幽蘭氣
草草重經一度春

題畫梅

雪綻冰華度春暉紅綻和鹽樹樹肥只有一枝如靜女
玉龍吹斷不曾飛

經香像菴遺址弔烈尼鳳姑

綠楊絲軟絳桃殘有美如雲興未闌書局春風游冶處
何人知拜鳳姑棺

桂軒太史服闕還朝意欲索余文以爲贈憐

余病不能作屬題二十字小詩勉賦以應之

大事君無憾抒忠又一時莫耽文苑傳但草侍臣詞

雨窗雜書示穎山素威兩姪

擬賒隣店新篘酒閒向西窗好論詩秋雨秋風太無賴

小樓銀杏葉黃時

瓶中白菊殘枝瘦几上黃團帶葉肥縱使粟空炊欲斷

煮茶猶有碧煙飛

暗憐白恰車塵滿回首青雲雁足疎獨有高人寄相憶

小山詩集卷六

士

包山長句笠峰書

桂軒書倚蘭操一篇見贈作詩報之

澄波浸巉巖巖鄙性清以峭出攬天下士誰歟是同調惟

子貴不驕自處十年少屈身謬相推肝膽白雲照念我

雨中飢古意發潛耀龍蛇走混茫落墨何精妙寫贈猗

蘭篇于以慰屠釣

幽蘭無人採揚揚復猗猗祗塵蕭艾懼豈作紉佩思國

香苟不改遲暮其何悲空谷長已矣當門子宜知榮榮

陵茗華長裊高樹枝驚飈一以起弱蔓已先萎固窮在

自守綠物者多危

壽西田公八十

首春始七日厥惟生人祥是日號靈辰篤生多俊良我
公自嶽降適運時運昌童牙紛鳳彩五色備文章一鳴
百鳥廢蓬山恣迴翔玉立美風度和聲叶宮商安恬罕
超競撫謙戒飛揚洊歷六官長優游贊嚴廊率屬勤以
慎供職精而詳崇深符蓄蘊遂膺蒼生望卜占金甌吉
車碾沙堤香十年作元老密勿資助勤為德在不見但
見調陰陽遐舉慕黃綺世美同表楊顧家計則短報國
心甚長丹忱積炯炯白髮深蒼蒼知臣莫若君烈日明
秋霜迴瞻 景陵松攬涕增徬徨勢替道逾隆身隱名
益彰勿云春秋高礪溪方釣璜

永菴太守八十壽

小山詩續書卷

五

功名唾薄朱翁子典籍紛綸井大春冰雪襟期達此世
東南風雅寄斯人白鬚紅頰菁華滿傍菊依松氣味真
三老蒲輪應致養門生載酒醉江濱

哭族孫仲齡

棘刺常滿眼松柏不必老天心竟難知萬事有顛倒以
子淑粹姿辭世一何早子生於世間紈綺習盡掃幼得
父母懽孝友自襁褓玩弄百不愛娉修以為寶律身儉
且恭遇事默探討出口或期期在心恒了了聰穎含渾
厚相法宜壽考憶昔象勺年從余共昏曉端坐誦墳典
學文如學道竊愧章句儒無能進深窈別子就四方十
載髮皓皓憐余窮且衰頻來慰枯槁觀子神色間慘沮

出中抱豈意衰者存而子忽云殀痛淚綠曉流悲
迴繞閉門謝少年一尺庭中草

寄園文謙得十

設醴芳園碧樹深繁音消歇奏清琴一聲好鳥相求意
千載名山共此心莫以文章誇藝苑須留經術在儒林
慚子寂寞漳濱臥豈有雲亭誤爾尋

寄懷格菴禪師

一樹青梅未熟天新陰簾閣思悠然逆風不隔香方異
離舌能嘗味始全無本愛吟搜險句維摩多病悅幽禪
擬過蕭寺同休夏佛火珠籠了靜緣

秋影軒觀荷得五

小山詩續書卷

五

清池菡萏映朝暉屢滿郊園入徑微潔到禪心敷作座
閒供騷客糞為衣游魚戲影驚風沒水鳥穿香帶雨飛
醉看紛紅兼駭綠晚涼晴月照人歸

秋影軒即景

消暑快風梳骨拌窗驟雨翻泉池上倚晴幽密林中抱
濕吟蟬

感題二首

一年蝸舍息勞形昔夢多消貝葉經偶檢玉京酬贈句
文星落到第三星

謂是後陳秋田詩部淮上王
陳州義興縣記雲南進士也

二老風流嘆已亡典刑終自在吾鄉試看古桂殘花盡
猶作空庭十日香

謂東坡詩與
宋永菴太守

包山人携見懷詩過訪次韻酬之

深掩園扉木葉零蕭蕭華髮對秋庭已甘文采冷空齋
不惜年光似迅霆斜日甌香炊玉粒微風窗靜展金經
相思賸有湖山客淨履新篇過草亭

小樓晚眺

硯北勞勞百未成閑中凭檻適幽情淡雲時露暮天碧
孤鳥忽棲秋樹明

贈鍊師中隱子

中隱何妨蹈市塵飄然高岫紫荷巾未須石室金庭查
一寸珠光守谷神

朝開珠笈暮琅函家有修真杏子衫莫與樊娘輕試術

小山詩集卷四

五

金盤紅鯉獺能銜

雲邊高臥月邊鋤子亦人間暫謫居常欲笈天無處寄
青藤煩爾作朱書

乞來佳句袖中隨索我羚羊挂角時底事西華藥書滿
紫雲猶誦俗人詩

秋日漫成

移竹夜聞雨罨窗秋見花蕭閒諸境寂虛曠一心還爐
息無繁篆樽空祗對茶猶嫌麗識字吟諷作生涯

寄外弟山中

老樹邨中紅葉斑白鷗磯畔蓼花殷扁舟未得汎湖去
七十二峰朝暮閒

次韻寄答笠峰山人

澄湖洗眼淨高雲盪胸寬棲山景物曠伸眉何絲撥秋
晚歲功畢井稅輸已安酣歌邨社酒寧知行路難吾友
洵夷憚余亦終泥蟠結葉可爲衣刷蔬可爲餐生死同
晝夜萬事焉足歎

秋涯檢討齋觀崑山石歌

蓬瀛仙人秋涯子拋却蓬瀛反鄉里空齋無事亦無言
終日支頤憑淨几誰贈崑邱一片雲靈奇縹緲移於此
陂陀宛轉巖巖峻鬼斧無痕斲天髓菖蒲不老生九節
高下丰茸青猗靡素覽白圓如滿月浸以澄波山在水
秋涯子對之心劇喜忽然好事同少年置酒延賓張厭

小山詩集卷四

六

美在此位者宜爲辭酒酣有客高歌起秋涯子君胡爲
兮賦歸來漱石枕流良有以海屋青紅頃刻銷山翠彩
翠須臾委一泓清淺鎮悠悠一拳峻嶒長齒齒已焉哉
塵中何處著神仙蓬島瀛洲此間是噫吁噫吾知之矣

次韻寄桂軒太史

自與東陽別論交向古尋青雲遮曉夢黃葉冷秋心近
學蓮華偈兼無梁甫吟故人有高唱知我一何深

疊韻寄懷陳大樹滋

我憶陳夫子清容合眼尋高空雲比跡太古雪爲心可
有吳山夢聊添洛下吟何時重握手殘燭話宵深

疊韻寄懷許二子遜

許子今人傑喬柯一萬尋十年推義膽百折鍊雄心文
擬龍門筆詩齊太白吟丈夫期不朽責世未須深

疊韻寄懷繆文子武子兩編修

二繆郊初侶窮交每過尋屢沽燕市酒皆有鮑生心秉
筆同鑒直鳴珂竝轡吟應思荷蓑者蘆葦釣船深

代中隱子轉索愚千贈句

蕙帶先生名進士破屋忍飢危坐時何許道人不解華
打門風雨乞題詩

秋圃言懷

涇東小圃繞半畝環呂寒潭清瀏瀏冬青子熟雀銜時
烏柏葉丹鴉宿後疎疎桑竹映籬門藹藹桂桐當戶牖

小山詩集卷之六

七

黃垂瓜蔓斷猶餘紫挂豆花開獨久水晶簪卓尖者葱
書帶草鋪肥是韭秋茄蒂苦懸未摘晚松甲脆挑還有
先生燒硯鎮常閒日日繞畦千匝走東偏銀杏道家誰
南隣紅柿園丁某偶生幽興思佳會好事難成但低首
重陽已近風雨晴早晚香須釀酒苔階綠錢豈蛱母
荔牆古字惟蝌蚪笑板山妻頭上釵買秫可能盈一斗

雜書六言十二絕

懶任塵昏匣鏡近來老至不知偶然清溪濯足照見雙
鬢新絲

乍說東隣拆屋又聞西舍鬻田儂家別無故業有文那
值一錢

犬瘦酬功乏食貓飢欲去無魚主人一月斷酒吻渴不
觀漢書

全家衣穿履破轉眼露冷霜繁賒得隣機匹布商量與
誰作禪

左氏女初學繡於陵婦正辟繡獨我灌園餘暇北窗高
枕爲娛

一夜颶風驟起海田又被秋潮莫道干卿甚事墻陰吹
折芭蕉

悄悄蟋蟀啼月悽悽蟋蟀吟風晚立枸櫞樹底清歌攪
入秋蟲

斷上碧簪銜稻網中黃雀披綿休問水鄉風物寒蔬嚼

小山詩集卷之六

八

響清圓

黃面禪僧索偈青袍道士求詩更有山居弟子報言綠
橘甜時

落葉晚風颯颯敲簷曉雨淙淙自檢簾中故紙新寒補
却西窗

有客來談北事先生隱几無言蛺蝶隨風高下花香多
處翩翻

天外飛來長劒眼中截去空華好把柴扉掩上呼兒拾
葉煎茶

摘豆

籬豆長蔓竹尾何倚然涉園親試手扳摘斜暉前涼

葉紛冉冉幽花墮翩翩夜窗對兒女明燈方未眠

古意

庭前雙桂樹一花一不花有花人盡賞無花目誰加無花枝葉全有花攀折多有花與無花得失竟如何

秋日過愚千齋觀文石取揀存數枚以歸賦謝

三十韻

君子吾石交自幼至衰老雖已分龍豬而不異枯槁秋令方刻削金天司太皞敝緼當涼風敗屨踐衰草東開偶過之談諧展襟抱忽覩几案間五色燦文藻盆盎羅衆石清泉浸汪浩或明如摩尼或鮮如瑪瑙或綠如貓睛或碧如魚腦圓者若畫卵隋者若仙棗合美若婚媾

山詩續集卷四

九

鬪豔若嫉媚陸離傍芸帙光燄射蘭橑云從閩豫遊撥拾親滌澡秘惜無時離歷囊隨遠道歸來閉門坐對此忘昏早拔尤比得賢收穀還棄蓀席珍固已多韞積尚不少昔余獲燕石兩三恒自保祇足供胡盧詎堪樹旗幟匪敢奪所愛分餘竊心禱遂命出大壑銅盤試傾倒磊磊復磴磴落落兼皓皓廉取懷其八手捧返蓬葆啓窗細摩挲頑樸含淳顯參置宿所留妍醜勿深討聃非可同傳牛驥宜共阜萬物美惡殊一一出洪造美者物之病見美意應埽惟其無可悅適以成至寶再拜謝君子識之永爲好

重陽日候雙栗開步

九月九日天半晴期君携手作閒行有時疎雨一兩點高送遠鐘三五聲何處黃花綻籬落誰家紅樹陰茶鐺須將逸興酬佳節覲首徒思後代名

論貓三十韻

家乏倉箱儲得粟貯餅金雖鼠其奈何穿屋復窺牖叢殘架上書嚙裂作淵藪所以畜汝貓貯汝爲防守裏鹽以償值麤飯聊相誘微功固足錄薄酬未能厚主人食無魚烹葵啖乾糗安得市上鮮止汝饑涎割意嫌主人貧遷怒乃及狗主人方食時側目坐於右瞰索無腥臊高叫昂其首狗亦綠飢來尾若搖風柳汝輒張牙牙直前欲驅走此狗頗有知念汝是儕偶楊腹明退讓帖耳

山詩續集卷四

辛

忍暴吼矮欄一母雞啄蟲升土阜望此或生卵庶可配以韭差爲近肉味當用進白酒何汝乃飼隙伸爪攫其後毛稀半脫落背壳如壳更畏汝常伏窠骨細嬰兒拇汝處雞狗間曲直吾自剖汝性剛且貪戒汝將無狙大地同一飢無食者十九側聞簪纓胃又或著作手二鬴且不給旦暮糴升斗區區汝微生而思飲厭口主人誤儒冠卷軸棄已久一子不教讀待令治田畝破書任鼠銜於汝亦何有

花下醉吟

濁酒一杯花一株涼蟾如玉露如珠爲問幾人能白髮奈爾飛騰金翅鳥

無隱林桂下小飲用前韻

無隱林中四十株疎疎密密黃螺珠清綰小語隨莽蒼
一醉月明啼夜鳥

題式玉詩卷

馬冀諸郎第一流人如叔寶善言愁秋風一笛梅花怨
吹亂禪心散未收

過吳氏溪亭觀木芙蓉

散人無定踪來坐閒亭子涼翠抱幽林朱霞冒秋水

南溪憶舊

四月紫藤垂六月紅藕花春梅與秋桂時飲南溪家
十年別南溪偶過問鄰里此屋易姓多不知今誰氏

南園憶舊

南園多芙蓉疑是芙蓉城曾訂桃源約於此祀淵明諸
公紛游宦游宦半已返不見芙蓉主低回夕陽晚

暮秋偕雙栗散步東城作

閒居罕人事高秋白雲歛爰携同懷子野步辭拘檢道
遙東城阿哇疏紛荏苒紫菊笑疎籬綠雲暎低廣清溪
漾文波芙蓉發涼燄時逢植杖翁兼坐殘僧簞境因幽
輒留心以空自貶盤桓義馭傾言歸聚星點

過香濤弟潭影軒觀東莊作畫

微陰淡照雨兼晴閑探幽人午夢輕黃葉一林溪舍冷
捲簾畫裏看雲生

竹杪斜陽冉冉徂忘機靜對侶冰壺慄然陡覺秋太薄

正寫寒峰雪霽圖

蒼巖磽砢潤煙霏摹搨山樵已入微何處匠心猶未愜
任儂笑卷衷携歸

園林既擅蕭疎景賓主還逢曠逸人留我閒吟伴皴染
菊花新釀恰清醇

題愚千顧烈婦詩後

袁江流繼廬江作鼎峙茲篇後定無莫怪士衡驚輟筆
左思先已賦三都

示少川禪師

千尺垂絲向碧潭離釣三寸任君叅淮雲寺畔蕭蕭木

山詩續集

圭

何似深林鐁隱菴

少川枉酬四偈依數重題却寄

靈苗養就摩耶腹桂樹曇華次第探刻草一經初祖地
橫挑日月下江南

曹溪四葉到雲巖滴滴泉香可療饒重見洞山行獨木

寶珠光露石人衫

北禪上剎繼元燈聚石生公講座興解道闡提皆佛性
背經僧是識經僧

道吾偶過鶴林寺一笑婆心引夾山我學淨名方默坐
法雲何意落柴關

師卓錫淮雲意在接引海
寧至公故有夾山之句

為甘泉員外題蒼山紫塞及杏花時節在江南

兩畫冊 用玉

伴韻

奉使東行異粵裝亂山圍塞儘蒼涼袖中祇有當歸草
不染三桮五葉香

九重親敕理歸裝拜覲椿庭白髮涼二月今年寒未退
杏梢紅萼尚含香

次原韻奉酬西田公枉招北上之作

白雲未補衲衣裝東閣飛書到石牀
棠指卻說明月路優曇華欲桂枝香

暮冬即事

書卷非恒業年荒值歲闌凍鷗盤樹杪飢雀啣簷端
拾葉供朝饔春糠作晚餐放歌聊一寫不學乞人寒

小山詩集卷一

壬

冉冉空衰老硜硜守固窮清吟猶自愛高卧亦稱雄
但似黔婁餓何須主父功由來天下士多在布衣中

男景



小山詩餘目錄

卷一

香濤集

十六字令

浪淘沙

豆葉黃

浣溪沙

菩薩蠻

采桑子

眉峰碧

卜算子

清平樂

梁州令

南柯子

虞美人

踏莎行

更漏子

一絡索

蝶戀花

小山詩餘目錄

天仙子

一斛珠

臨江仙

漁家傲

釵頭鳳

風入松

蘇幕遮

芭蕉雨

感皇恩

青玉案

行香子

水調歌頭

齊天樂

真珠簾

倦尋芳

暗香

蝶戀花

采桑子

南柯子

臨江仙

憶王孫

海棠春

眼兒嬌	鵲鵲天
蝶戀花	行香子
臨江仙 <small>三闋</small>	
卷二	
紺寒集	
荷葉杯 <small>二闋</small>	南柯子
生查子	巫山一段雲 <small>二闋</small>
海棠春	減字木蘭花
南柯子 <small>三闋</small>	破陣子
少年游	蝶戀花
虞美人 <small>三闋</small>	鵲橋仙
小山詩餘目錄	土
相見歡	惜雙雙令
散餘霞	雨中花
河滿子	清波引
法曲獻仙音	陌上花
勸金船	天香
桂枝香	五綵結同心
雨霖鈴	秋霽
漢宮春	西湖月
一萼紅	瑤花
一寸金	燕臺春
南浦	鳳皇閣

芭蕉雨	露華
宴清都	三姝媚
蕙蘭芳引	薄倖
惜餘春慢	曲遊春
綠意	轉轡金井
泛清波摘遍	望海潮
荷葉杯 <small>四闋</small>	踏莎行 <small>二闋</small>
賣花聲 <small>二闋</small>	更漏子
卷三	
青綃樂府	
惜餘春慢	醉蓬萊
小山詩餘目錄	王
塞翁吟	安平樂慢
鳳皇臺上憶吹簫	南鄉子
八歸	應天長
酹江月	壺中天慢
水龍吟	甘州
百字令	怨王孫
塞孤	小重山
負也樂	長亭怨慢
雪獅兒	南柯子
菩薩蠻	喝火令
於中好	玉京秋

小山詩餘卷一

太倉王時翔抱翼

香濤集

十六字令

行紅葉階前響屨聲無人見涼月照殘更

浪淘沙

寒入小樓昏月色三分棗花簾子水沈熏一樣繡針金
翦地位置偏文

豆葉黃

朱樓西畔夕陽黃乳燕飛飛宿畫梁茉莉花開小簾涼
好思量一箇閒庭六扇窗

小山詩餘卷一

浣溪沙

消減惟應鵲鏡知壓眉濃綠髮鬟欹病容扶起淡黃時
碧院無人春寂寂畫樓有燕雨絲絲藥煙影裏過相

思

又

小蕊猩紅落孤犀綠陰門巷有鶯啼半障羅扇眼波低
影似風前荷瀉露情如雨後絮黏泥慙慙斜日度花

西

菩薩蠻

銀塘演漾飛鷓鴣矮紅闌畔綃裙立一路藕絲風水亭
殘雨中心照溪羅裏淡色妬芙蓉豔新霽嫩涼天月和

團扇圓

又

曉妝纔罷呵纖手熏爐半擁芙蓉袖壓髻蠟梅香紅綿
映淡黃拂殘羞映絮別欲題新句硯凍墨花乾人憐
玉指寒

又

翠翹偏側瑤釵溜春蔥低剔鞦韆尖瘦扶影下蒼苔閒愁
何處來畫眉元小鳥却愛名兒好欲比佳雕籠鎖郎
香閣中

采桑子

梨花小院東風謝無主殘春燕子尋人巷口斜陽記不

小山詩餘卷一

真個儂背面羅窗下粉淚偷勻立到黃昏淡月微風

上繡裙

又九日

涼波倒浸層樓影疎柳寒塘簾裏重陽一朵秋花點髮
黃無端惹起離人恨不住迴腸約略新糴曾記茱萸
酒數行

眉峰碧

盡菊殘還未月影搖窗碎戲學藏鉤賭酒杯得勝處矜
明慧秀靨紅潮起曼睩生微淚一棧陪郎十棧乾算
來不合儂先醉

卜算子

病入薄游中人落西風際一髮秋蘭記昔年小閣偎偎
醉 今夜客窗清月照蛩音細也不思量把酒杯況有
心情睡

清平樂

盈頭花草又見雙文了說道今朝天氣好斜倚畫闌濃
笑 多情誰似東風飄然直度簾櫳吹出幾重衫影淡
黃輕綠殷紅

梁州令

紅樹青山曲一帶野花風颭拘歸供作鏡臺秋有人細
與評濃淡 紙窗入夜銀燈閃寫影明於染借成幽賞
拚坐深更邨酒香而醺

小山詩餘卷一

三

南柯子

石湖
即日

雁宿蘆叢冷魚牽荇帶長西風送我過橫塘六幅銀帆
飛破石湖光 山脚輕煙碧波心夕照黃行春橋上畫
衣香獨樹桃花八月斷人腸

又

疊巘雲光接濃陰樹色連木蘭艇子綠波灣風影輕翻
紅袖拂低闌 照水愁蛾歛看山笑靨圓沈吟半刻顰
香肩應有春遊詩句寫吳淦

又

鏤管拈沈綠春裙翦淡黃描花隱約寄柔腸要繡紅蓮
雙朵蓋鴛鴦 倦起憑雕檻閒行轉曲廊櫻桃欲謝惜

年芳獨立無人深院看斜陽

虞美人

賭書笑覆龍團椀更握青湘管斜陽半射水晶簾分得
玉臺新體試同拈 晚庭風弄蕭蕭竹閒步攜纖玉雙
肩戎削顰鬢鵲階下沒鞋紅葉扣秋花

踏莎行

嫩嫩煙絲輕輕風絮絳旗斜颭秋千處花枝照得畫樓
空薄情燕子和人去 冷落閒千淒清院宇夕陽西下
明殘雨一雙紅豆寄相思遠帆點點春江路

更漏子

碎萍青圓荇碧舒翅蜻蜓斜立梧葉雨藕花風水窗三

小山詩餘卷一

四

面通 是何人當檻倚隨意淡妝偏麗衫白紵鬢烏絲
紅榴短短枝

一絡索

青粉牆頭榆莢更交梧葉湖山石後小房櫳見背影珠
裙褶 知是怎生纖頰但閒輕屨茸茸芳草暮煙深亂
撲著雙黃蝶

蝶戀花

南園
秋暮

瀟灑園亭湖石好客未來時只有茶煙裊山桂落殘風
自掃黃衣蝶抱秋棠老 檢校生涯閒不了眼色無端
飛上疎林表一曲清溪人獨釣打頭紅葉樓鵲開

又

次漢舒
韻二闕

拈酒熏香都不耐，鉤起湘簾晚色。初堪愛、微月小，開黃一派白棠花下。沈吟拜。拆去秋千幽徑，改斑竹、單屏隔著深深態。手攬畫裙，雙鳳帶夜寒，繚把東風怪。

又

涼透西風秋欲暮，記起當年清照。消魂句、人病不窺簾外路。黃花自瘦，無人處。苦茗一甌香一炷。疊編銀箋，懶把秋詞做。昵語已遭歸燕絮。嫩晴天更闌珊雨。

天仙子

舟行即景

江上蕭騷楓幾樹，一羣冷雁飛蘆渚。澹黃雲影落篷窗。疎疎雨，斜斜去。又被晚風輕約住。

一斛珠

小山詩餘卷五

五

夜來聞雨羅幃越，覺孤眠苦。玉人微病深深處。一點紅燈燕子寒相語。可惜春光留不住。知他薄倖，今何許。卜花曉起添愁緒。纔捲珠簾，却又飛香絮。

臨江仙

柳徑低迷畫閣深，池倒映紅闌。石榴一朵照香鬟。眼波生細，纈眉月鎖輕彎。展卷乍臨烏几，拂塵旋試麝丸。戲寒蕉葉代魚牋。玉纖書格，美雪脫釧光寒。

又

不斷柔情春水似，迢迢那計西東。午眠初起玉釵鬆。畫屏離思遠，羅袖淚痕濃。雲水黏天樓外路，捲簾試認狂蹤。一雙燕子夕陽中。莫銜殘鬢影，吹向落花風。

又次漢舒韻

一段旅情無處著，閒眠中酒平分。燕歸窗黑又黃昏。燈微屏背影，淚暗枕留痕。夢入怨花傷柳地，分明有個人人。壓簾香氣倚輕裙。小園風雨後，扶病問殘春。

漁家傲

采蓮曲

銷夏灣頭荷十丈，娃兒十五清歌響。素足紅裙風蕩漾。能弄漿，身輕舟小迎流上。花裏逢人羞欲障。憐郎隔葉還偷望。笑指鴛鴦飛兩兩。君自想，東邊蓮子西邊浪。

釵頭鳳

瓊窗口，雕闌右，輕煙半幕梨花瘦。燕兒尾，鶯兒嘴，都來勾引酒情春。思醉醉，醉醉醉。銀燈後，蛾眉皺，皺知他一樣孤。

小山詩餘卷六

六

眠否分離意，相思味。裙量繡帶袖彈紅。淚寄寄寄。

風入松

海濱即目

一峰晴翠暝煙重，游冶趁殘春。玉人笑語朱闌畔，依稀似放誕文君。短簿祠前相見，武當山後愁分。錦鴛雙履躡輕雲，出沒豔綃裙。分明衆裏重迴首，情多處，依戀斜曛。應恨蘭舟催發，整釵一照波紋。

蘇幕遮

次乾初韻

不須留儂去，罷纔轉身時，又作愁人話。腸斷春風楊柳下。落日看看，早月兒來也。兩眉低雙袖，把直恁情多，怎忍輕拋捨。一笑重回離恨卸，竝坐紅窗，且再過今夜。

芭蕉雨

牆脚水仙初發玉人拋繡綫潛來折纖指半擎清絕最
愛紅袖垂垂香肩無骨疎櫺眼尾乍接怎赤了雙頰
不是敢輕狂相唐突須記取小年時那夜闌角微風簾
衣新月

感皇恩

寒色亂昏鴉小窗人醉袖捧金釵擁衣睡幾條涼月閒
共碧籠煙細醒時眠不得還重起舊夢已遙後歡難
繼一點真誠感郎意倚屏無語殘燈落施紅碎只將鴛
錦帶揩雙淚

又

小閣倦澄灣水窗低挂團扇紗裙坐良夜荷風消暑葉

小山謠寄秦少章

七

葉清香無價月明星影淡銀河瀉玉體易涼冰肌生
粟的皦真珠露流乍蘭房深靚背辟燭花將謝被輕珍
簾滑金鈎下

青玉案

暗飄玉笛高樓暮更誰管人羈旅早睡何曾央夢去殘
燈挂壁破窗鳴紙一枕相思雨起來欲寫相思句惱
斷愁腸心不聚須待與伊當面訴安排茶枕畫屏深處
鎮日低低語

行香子

水簾

錦額煙絲銀蒜香絲畫簷深花影來遲湘痕帶淚映箇
人兒便蝶兒黏蜂兒打燕兒窺翠鬢光微紅履尖微

總因他露出相思怯春小倚柳絮慵吹任月中開風中
押雨中垂

水調歌頭

春院百花競樺燭夜筵燒海棠一樹凝豔的的向人嬌
揭起深沈簾幙擁出吳姬十六吹裂紫瓊簫酒醒在何
處別恨壓輕舠四天青孤月白曉星高宿鷗驚舞煙
際露滴綠楊條獨自此情誰展回首玉樓天遠清淚灑
江潮翻羨紅綾束常抱美人腰

齊天樂

陰陰木葉遮深院珠簾半鉤梅雨潤入琴絲滴開蕉卷
金獸水沈低炷兩枝瓊樹趁小閣幽閒凭肩私語細淪

小山謠寄秦少章

八

清泉紫甌浮雪漾花乳為歡誰道畫永濕雲看漸散
斜照微吐淡月黃昏低閣薄袖倚皺一痕金縷畫譙聞
鼓更窗下分燈競標新句繡被濃熏霧籠雙彩羽

真珠簾

清陰疎柳聽鸝院醉惜騰細品龍團盈椀綿樣玉蕊遮
與雪花輕濺低問餘醒醒也未且穩坐漫吟詩卷猶倦
有玉簾橫鋪翠屏斜展林杪已挂殘陽風簾半揭棋
經對按一抹暮煙生早月圓如面携手相將清話久把
綠粉闌干憑煖重看愛茉莉香鬟晚粧新換

倦尋芳

立夏

畫梁乳燕飛下銀屏偷說春去曉起餘寒猶捲一簾殘

絮倚桐陰簪杏子簇盤櫻筍初嘗處早思量整輕綉月
扇單綃煙縷被東皇栽花翦柳惹得人兒消瘦如許
暗祝薰風吹展雨蛾愁聚嫩綠新遮芳草陌落紅淨洗
香林雨又生憎畫厭厭繡針慵度

暗香 食蟹

晚窗孤守正滿城風雨重陽時候多謝雙螯八跪能消
客中酒玉膾金齏漫數曾得似無腸公否算風味瀟灑
冠他水族也非謬回首暗眉皺記小閣鉤簾勸人醉
後微揷羅袖轉過曲廊下階走月裏自尋菊盞只道是
拘花同餽悄地箇摘嫩葉與僂搯手

蝶戀花

小山詩餘卷一

九

曉揭風簾猶帶倦獨下瑤階繡履輕展展采采香蘭釵
上顫苔衣露滑纖腰軟花事闌珊飛絮滿庭角殘枝
幽鳥啼紅怨多病藥爐煙未斷檻邊莫信春寒淺

采桑子

榴花

連朝梅雨端陽近阿措花開深院閑階烏啄猩紅下翠
苔綠窗記得傾蒲酒曾有人陪斜點金釵襯出香符
綵勝來

南柯子

蕙帳人無賴銀屏恨不禁曉來新夢恁關心髣髴玉壺
親自與君斟插髻花枝安鈞簾草色深別時直望到
如今歸路紛雲香雨做春陰

臨江仙

燈火闌珊清漏急夜深著體輕寒箇人背立畫屏間舊
紅衫袖薄新繡縷鞋鮮一寸橫波千丈恨魂消似削
雙肩便蒙憐惜也徒然桂堂東畔路彈淚已三年

憶王孫

灞陵攀柳恨綿綿會意驕驕不肯前疊疊青山杳杳天
向誰邊舊夢空餘滿抱煙

海棠春

東風駘蕩楊花舞怎忽地把春催去人意已闌珊又是
蕭蕭雨玉卮不耐斟香醕自起撥水沈煙縷和影訴
年華梁燕聞私語

小山詩餘卷一

十

眼兒嬌

碧藕飛絲寸腸柔誰與割閑愁開簾待燕倚闌迎月憶
在紅樓玉驄嘶出惟叢去蕭瑟冷如秋雲光黯黯雨
花片片風葉颼颼

鷓鴣天

錦字書成夢不成半憐消瘦半牽情依依病柳涼逾弱
怯怯秋棠晚更清煙淡薄月分明珠簾微度綵雲輕
焚香繡被孤眠夜腸斷花闌下鏤聲

蝶戀花

碧樹蕭疎斜日漏雪藕調冰已過炎蒸候幾許西風吹
薄袖畫闌人似秋光瘦綵線慵拈誰耐繡玉骨支離

莫使新涼透露下蟲聲添憊倦月明珍重分携後

行香子

玉刻香鈿山翠雲稠論蘭閣定占千秋花階躡影繡箔
迴頭但聆嬌音窺笑靨接清眸莫莫休休有願難酬
未須諧鰈枕鵲綢疎簾小檻月澹風柔待近隨肩輕把
袂細言愁

臨江仙

紫棟飄香新竹粉小樓樹色情悵一簾絲雨好閒吟龍
唇硯近素袖墨痕侵鮮美銀鱗江上到簇盤盧橘如
金藏鈎得勝稱儂心玉壺清酒自起爲君斟

又

小山詩餘卷一

士

桂楫銀帆移畫艇春塘小泊清槐錦隄花印縷金鞦香
含葢寇未上九雛釵年少兒郎空玉雪爭窺未愜幽
懷就中倦客久風埃酒情詩思猶惹眼波迴

又

紅板橋頭濃綠布人家一帶高槐鵲斑簾底逗弓鞋絲
符欵側斜映水晶釵佳麗靚妝疑見畫杆牽孤客情
懷筍輿迎去剩香埃碧雲芳草誰念首千迴

小山詩餘卷一

男景元校刊

小山詩餘卷二

太倉王時翔抱翼填原字

紺寒集

荷葉杯

花浦翠煙香雨吳女聽吹簫細蛾攢綠倚輕梁閒想背
紅橋

拍水綵鴛驚起花裏見歡時兩舟相並弄溪碧風逆得
歸遲

南柯子

題桃花畫扇

碎綺裁春色明霞暈玉容小樓人醉倚東風記得軟楊
絲裏一枝紅

小山詩餘卷二

一

生查子

苔堦長綠痕蕙盤生紅夢捲起水精簾人在朱闌角
深院開魚鑰微步鬟花落春去尚餘寒莫被風吹著

巫山一段雲

山中漫興

雲氣青山背人家綠樹中晴川煙草晚濛濛野艇趁樵
風石岸蹄聲聲磬月下誰敲牛角一犁花雨愛春耕
飄泊悔平生

又

燒筍雲邊寺收茶雨後山逢人笑指隔溪煙家在白鷗
灣一稜秧針已綠春漲拍堤初足襍襪鷺鴨亂青茭
散步過斜橋

海棠春

輕風吹落殘紅片却誤怪穿花雙燕背立把青枝淡影
斜陽院 窗蕉葉葉當心卷欲寄恨題詩又嬾暮色漸
昏黃隔箔聞微嘆

減字木蘭花

翠鬟粉頸露坐裙襦明月映雪樣輕紗雨點紅餘繡履
花 深堂風軟六尺含漪湘簾展好放銀鉤隔帳荷香
夜更幽

南柯子

錦軸閑常卷朱絃靜不張西風簾下自然涼況是怯秋
人起獨眠床 語別雙歸燕啼愁幾暮蟄小庭梧竹間

小山詩餘卷三

二

青黃一帶淡煙新月接殘陽

又

碧柳春檐雨青梧夜閣風箇人香夢恰朦朧又是和衣
熟睡小屏中 薄髻傾濃綠清燈暈小紅玉爐薰被半
牀空一縷水沈煙裊繡芙蓉

又

麗影收青鏡香雲綰碧螺盈盈一笑整裙拖今日薄綿
初脫換單羅 撲蝶懷輕扇聽鶯步淺莎柳陰垂處懶
重過怕見畫橋流水落紅多

破陣子

小院霏霏雨過新梧葉葉陰清宿蝶倒棲猶未穩雛燕

低飄便覺輕午闌天半晴 六扇紅紗深掩斜陽一角

微明不道送春歸去後更有閒愁約略生倦眠金粟屏

少年游

石榴深院背花眠細雨熟梅天霎時驚起遠林鳩喚霽
色斷虹邊 江帆片片隨雲去何處問歸船記得年時
鳳園盧橘共對一爐煙

蝶戀花

武陵偶見

古驛秋槐疎葉隕倦客無膠脉斜暉盡幾曲闌干憑
不穩亂鴉啼處西風緊 賣酒橋邊青旆引一朵芙蓉
秀靨紅生暈說與家鄉山隱隱何煩笑向壚頭問

虞美人

小山詩餘卷三

三

雨多五月輕綿在獨客愁如海清吟未穩凭危闌一點
歸心飛入暮雲寒 綠陰不隔藏嬌院隱隱疎簾捲繞
腸已是怕思家更見玉人頭上鼻榴花

又

太湖舟中二闕

白蘋風急衝煙去只怕鷺鷥絲絲細雨濕輕帆臥看
亂山潑翠水按藍 愛他縹緲峰尤好一帶濃雲繞欲
尋野客結清遊身作橙黃橘綠畫中秋

又

漁帆漾漾西風小漸泊沙邊島將魚換酒不論錢生怕
蘆花深處水雲寒 憐余未逐鴟夷艇心折闌中景秋
山紅樹夕陽邨好種湖田十畝老柴門

鵲橋仙 乞巧

新蟾影裏靈星光下纖手冰爪涼怯綃裙窄地悄臨階
把蟠子偷藏玉合 絲抽五彩鍼拈七孔香口致辭稠
疊蕭郎潛聽未分明奈絳緯齊鳴豆葉

相見歡

漱芳居梅花下送吳思緒

巡簷却皺眉頭亂鄉愁勸酒瓊妃相送玉京遊 溪邊
月枝邊雪思悠悠好載一船詩興過揚州

惜雙雙令

天外斷虹收宿雨殘夢醒蕭郎何處心折歸舟路雁沙
細認屏山譜 落梧庭院西風度愁病在懨懨微步自
繞黃花暮淡煙翠入秋衫縷

小山詩餘卷三

四

散餘霞

用手東堂韻

雕籠照曉 鴉啼覺畫樓更靜開鏡低挽雲絲換犀簪
未定 闌邊粉郎醉凭看兩蛾殘暈微顰髮畔花香治

三分酒病

雨中花

夢花

點點江霞染濕宛宛柔絲欲緝似借垂楊千尺線密綴
珊瑚粒 素葦青蘋應不及只可惜繫船風急最好是
碎紅斜照裏亂糝秋漁笠

河滿子

留別吳興郡丞高東亭

一路溪蘋浮碧四山木葉飄黃畫銀帆斜弄影順風
送我輕航燒燭衙齋夜話新詩觸手生光 杯泛烏程

酒醺醺煎顧渚茶香醉立彎環斜月底猶餘小杜清狂
莫遣水嬉娛客鬢絲已點秋霜

清波引

帆影借玉停賦

曉寒初犯半懸處驚汀放纜岸花墮豔游魚陰鳴唼一
霎翦江快却逐朝陽開掩誰移片葉行雲障波底碧天
淡 離愁默感想凝望多少被賺軟鋪輕離倩飛破菱
鑑高樓柳陰外幅幅暝煙低閃應有翠袖憑闌玉纖遙
點

法曲獻仙音

贈碧仙

鳳閣依山珠胎映月少倚渭陽宮監刷翠纖眉垂瑞玉
朶養護清姿閒淡更生性多聰慧官商細尋勘 故鄉

小山詩餘卷三

五

念整鞭絲紫騮歸探對花月芳時緩歌淒黯小拍按紅

牙聽輕圓時落珠點淨洗凡音縱春鶯啼處應厭這來
從天上那曉世間偷占

陌上花

贈小倩

羊車絕妙年時照眼玉明花秀弱態珊珊戍削柳枝風
揉羅巾掩抑吹蘭語淺笑橫波低溜悵殘陽銀杏晚鴉
歸處喚人分手 喜登場再見瓊瑜輕蹴畫燭交光如
晝一縷雲凝宛轉唱殘紅豆聞歌觀影消魂死不憶風
裙驚袖仕春風十里珠簾高揭懶重回首

勸金船

用雨以詩招飲諸其意為長短句

落梧庭院秋如洗瑣瑣空樵悴青錢三百堪供醉趁風

日清麗蟹買湖鄉新壓小槽浮蟻況是壁橙霧曉
香起 尊前身世俱忘矣漫說悠悠事何妨小飲仍文
字只良友三四夜半丁然為樂更陳壺矢點點燭花敲
盡休問歸未

天香

秋溪擬計得海南女兒香數枝其秘重之既以校經成命北上
先一日罕舟沙水鎮分贈北溪陳子屬行其意為填此詞

涎豈龍噓班非鷓鴣珠娘借與芳號荔子紅邊佛桑花
外幾片異香傳到金閨名彥高臥愛江南春曉挂壁風
琴添脆透帳霧絲輕泉 天上芸編催校待重來御爐
煙繞持贈荀郎且向江鄉牽棹別後青綾縱煖也應憶
匡牀素簾好一縷餘情何時斷了

桂枝香

寄嘯
古

小山詩餘卷三

六

孤舟凍月記握手路岐無限淒咽彈指和風暑雨又逢
秋節清江百里蘋香路冷濛濛荻花如雪暮霏斜景城
樓獨上黯黯愁絕 奈望裏天低雁沒有關室書窗羈
榻曾設六載貧交管鮑那禁疎濶茶煙小舫尋山去更
何人醉歌同發約君須待金英紫蟹舊遊重說

五綵結同心

秋夜感賦
示谷真

清溪遠舍密篠編籬恰稱灌園人住燈火新涼節愛偕
隱相對翻書癖半簾秋影梧桐老聽月底寒蟲細語
君休羨星珈霞帔飛去高居玉宇 曾從桂梯尋路向
庭花宮閣杏花邨塢贏得三年裏斜陽下閑看江山一
度青瓊翠袖如重認有舊日陵陽淚汗文窗外碧霄雲

葉逗破幾聲疎雨

雨霖鈴

點閱漢舒香堂
詞覺感題卷末

一編香雪別寒燈坐滴淚翻閱風流詞客安在却愁閒
殺世間花月勝有酒蘊凝叔對麗製淒咽賞心處團扇
標題已矣郴江句應絕 前塵影事分明說是夕陽小
院生周折紫蘭香徑孤塚費盡了夢花鵲血零落青衫
更没人知便冷吟骨算祇賴紅袖憐才地下相携挈
所遇平原君有落花小院夕陽黃之句漢舒時時
對人吟之平原君已後漢舒填詞多悽緊數十閱

秋霽

早秋集
薄影軒

有屋臨溪恰乍上簾鉤蕩漾寒碧紫萼蘭香翠房荷氣
一時并難分得水禽格格帶波飛破斜陽色最可惜楊

小山詩餘卷三

七

柳病秋眉眼似無力 何事對景暗拍雕闌悄思當年
曾列歌席幸而今冰瓜玉藕相招猶是愛吟客貪坐夜
涼新露積正起愁處多謝竹院隣僧醒人清磬喚人橫
笛

漢宮春

題沈子大西
山觀梅詩後

春閣懸燈見玉寒冰潔橫滿疎枝元來却是一卷撥雪
清詩空山老樹鎖無人湖水偷窺猶幸得愛香吟客年
年不負花期 西指翠巖深處有面溪雲屋曾傍瓊姿
黃昏幾番月色醉裏閑題板條嚼蕊恁風懷孤鶴應知
君莫把林逋好句生挑水部相思

西湖月

送王傳
遊西湖

春江一棹橫飛越，荻筍初尖鴨波如。穀此行真爲
覺翠兩湖明綠繁華南渡事，騰萬柳搓金梅綻玉却還
見處士山前珠殿壓雲高。當年落葉西風記瘦杖
纔停短篙爭逐酒邊樓閣茶邊亭榭眼中猶熟僧廊殘
句在試細撥籠烟尋舊竹好追取鐵笛風流更添新曲

一夢紅寄韻梁汾先生

記年時愛銀牋細字佳客賭填詞花影移簾月痕過砌
敲句曾費閒思偏尋取名流樂府抄彈指小本枕中携
豔合紅牙豪參鐵板風調雙宜每到九龍山畔向文
星光裏暗認幽棲心挂雲峰路迷煙樹孤艇東下依依
幸剛遇江頭春鯉附巴吟寄與郢師知乞得圓明數顆

小山詩餘卷三

五色摩尼

先生贈言曾有君所爲詞與其論詞最當今作者之上僕老矣然即未老亦須讓君出一頭地數語贅情過重未敢負荷也

瑤花

集拙園宮磨
延興閣觀雪

瓊樓高矗剛對西山是神仙新築黃雲凝布飄冷絮失
却遙嵐蒼綠疎樨齊展試憑眺花生雙目正萬家凍合
魚鱗阻斷畫輪朱轂開尊滿座貂檐有敝裘羈客同
瀉醺醺深宵倚檻貪勝賞微月流光交燭不禁寒重更
借煖熏爐紅玉趁醉眠夢到江南梅下小窗茶熟

一寸金

庚子暮秋與包山友人夜話

玉宇瓊梯待瞰秋光又推墮恰石公山外白雲飄至陶
家籬畔黃花留坐殘葉生文火茶煙裏竹扉半鎖蕭閒
甚一縷清言似醉初醒夢初破轉悔當時三年京國

青衫輭塵浣算五湖浩蕩何妨遠泛奇峰縹緲儘容高
臥霜橋新紅磨幽林下矮亭結箇君歸也打了包兒便
隨乘釣舸

燕臺春送王傳甘泉入都

柳絮飄殘櫻桃熟後東風開老將離香杏燕關三年鵬
息應飛聯翩佳友分携點江干颿影鞭絲荻蘆留我郊
居獨賦西笑難期青雲有客白社無人芳隣枉卜樂
事猶遲殘書幾卷小車花下方移素北張南擬過從斜
對柴扉却誰知有夕陽一片做出相思

南浦題香濤園中小舫

幽築畫中無恁林園靚秀亭榭清敞管領屬閑人支頤

小山詩餘卷三

九

坐鎮日安排新賞銀塘幾曲滌洄抱宅涵春漲住慣花
天和月地添箇蘭舟水上不須更覓高師有雪兒移
棹紅兒弄槳長畫載茶煙無人處好試蓮歌菱唱柳邊
斜繫夜闌只許鴛鴦傍多少他家桃葉怨森森一江風
浪

鳳皇閣秋桐洗桐書室分賦

記朱炎時候涼陰布幄一聲秋到井幹遠閑向空階拾
葉好句應續悵人遠詩情未屬淒清滿耳色微娟娟
翠竹夕陽滿照晚風觸半墜衰黃只賸幾枝殘綠怎穩
得雙鸞竝宿

芭蕉雨

芭蕉

密與桐陰翠接小庭三兩本清炎熱可怕隱疾彈切惟
稱禪老書牋詩翁畫雪 美人何處怨別絨信幾番拆
應最苦不眠秋時節總只向綠窗紗偏是繡被新涼風
搖破葉

露華 玉簪花

牆根一簇漸碧葉抽苗淡潔如玉不費礪磨名入鏡臺
奩錄悄倚月夜莎階粉綻半含香粟幽韻冷同時紫瓊
已自嫌俗 纖纖可許偷握正雪樣橫枝斜給濃綠誤
向倦眠孤館除下敲竹聲髴隨折搔頭人去漢宮難續
清露底空思箇儂妝束

宴清都 藕

小山詩餘卷三

十

乍踏金塘軟文波動欹紅殘翠零亂瑤姬素手細衣細
褪井華親浣金刀切作團圓愛碧月層堆玉盃飛絲起
色比湘裙低回未忍輕斷 瓊瓏一片甘香齒如裁雪
聲與漿滿仙郎渴病都應盡解漸稀茶殘蘭房瞥見餘
枝倚粉壁橫眠似懶恍朝來偷揭涼幮半舒皓腕

三姝媚 桐花

林園風不定翠瓊瓏一樹細花幽靚簇簇參差正露涼
朝閣越添清景漫惜因循偏誤了好春芳令應是江南
待鳳棲香彩翎雙映 寄遠柳枝休倩只垂在簾前折
來堪贈轉憶佳人薄袖拂銀床戲牽金井驚落瓊裝擡
粉壓檀痕微凝鸞閣羅羅新子紅桂乳影

蕙蘭芳引 喻髮通雲

晚樹斜橋珍珍映碧流如玉恰歌發陽阿快絕頭輕新
沐竹牀自展殘照裏時梳時握風弄飄蕭影柳線荷絲
相撲 一笑牽腸雲鬟同夢幾闌分韻奈憔悴潘郎先
有雪花點綠鳳樓人倚陡驚入日向鏡臺深處把蒼華
祝

薄倖 楊花漫影

謝橋春晚記夢踰詩魂未嬾問向日青驄嘶處一去悠
揚誰見竟何堪愛近榆錢漫空不受東風管任繡幕遮
留纖蔥捉取難得輕狂心轉 聽暮地瀟瀟雨應打落
荒溝斷嘶縱丁寧紫燕重來銜起粉香已被塵泥染淡

小山詩餘卷三

士

珠千點倩清江化作浮萍也怕漂流遠收身有路惟在
枯禪靜院

惜餘春慢 櫻桃讀本辭

細葉多陰丹萍早熟誰贈滿籠珍果嘗齊玉版弄鬪金
丸勻圓寫來愁破遞取花外中仙佳夢同傳麗詞相和
任華林芳景瑛盤繁宴故應無我 春院靜小坼瓊芽
輕流星耀鶯嘴隔枝銜墮多情溫尉應憶曩遊斗帳紅
珠雙顆勻染胭脂鏡中一點猩唇微微芳唾更香絲挽
就自折階前花朵

曲遊春 新柳毛詩

嫋嫋春來路看嫩煙微霽勻染無迹一線眉兒解含愁

先有翠波偷識嫌怕輕寒勒情立向凝粧樓側愛畫橋
淺淡鶯黃低襯水閣深赤漫擲章臺新色漸勾引青
驄嘶上芳陌宛轉難持記羊家靜婉小腰初覲幾日東
風力便挽起離情千尺此後燕剪鶯梳怎生惜得

綠意新綠風雨
舊分賦

采香乍定被夜來風雨芳林洗淨嫩葉柔柯漸覺森沈
裝點更饒幽景煙絲微潤蒙茸碧恰小院薜痕交映一
年此最佳時忘却落花淒冷休道尋春較晚趁初霽
步屨閑園支徑幾樹榆槐幾本蕉桐依約翠雲千頃紅
樓已怕珠簾隔況又是陰陰欲暝怎奈他不斷鶯聲礙
了倚闌人影

小山詩餘卷三

主

轆轤金井枇杷東山
齋分賦

糝空梅雨釀瓊漿萬顆炎精金鑄重麗低枝燦黃珠如
許上林誰注號盧橘幾人遺悞旁拂高臨清詞最愛謝
瞻之賦毛公舊壇西路似永安禪舍渺在何處花下
橋邊閉門人又去年年摘取也應厭故園長住磊落京
都何時恣剝華林四樹

泛清波摘徧瓶荷畫松
堂分賦

靚粧乘霧却扇凌波移自小紅橋畔路繡銅如膽斜曳
亭亭彩雲駐愁飛去螺屏影裏晶箔光中纔著冷飈輕
欲舉永晝端相靜挹幽芳暗消暑悄延佇搖颺一莖
斷絲牽惹故情千縷待問雙鴛舊盟又憐無語渺前浦

三十六陂月明蒼苔盡迷煙雨且展桃笙寬睡領微香
度

望海潮盆魚志
堂分賦

苔階蕭寂花瓷平淺圓波一鏡分明銀釐小張錦鱗低
躍居然羣戲清冷西日傍簾旌漾玉鈎斜影也被閑鶯
庭樹飄英幾番吞吐似無情三千莫問前程向監河
倩貸斗水爲生文采自憐供人狎玩區區瓊碎微腥浩
蕩羨滄溟有丹砂作尾神鯉飛騰但免鯢帆罨纜風捲
雪濤聲

荷葉杯觀蓮
即景

天半砰雷激電龍見黑雲中打蓬疎雨送涼到又早火

小山詩餘卷三

主

輪紅

舟橫白蓮塘裏一醉碧甯香夕陽斜繫柳陰下飄灑水
風涼涼
涼愜兩珠風葉香騰碧綃未竝棲鷓鴣各偷眼驚散又
雙飛
轉棹晚風殘照歸好趁新涼折來花朵兒蓋剛載一
船香

踏莎行

楊葉樓中棗花簾下盈盈有箇人如畫瓊瓏心地解憐
人嫣然一笑千愁卸蘭漿催舟金鞭拂馬迢迢換了
天涯也杜郎禪榻髻絲風今生甘守淒涼夜

又

玉鏡臺前絳羅窗下修蛾彩筆曾親畫下階雙笑握纖纖步搖替整瓊釵卸地認藍橋琴疑司馬狂言觸撥生嗔也驚心端坐誦三絨焚香乞懺無人夜

賣花聲

晚鏡倦臨粧只坐熏香是誰蝶夢遠回廊窺見露寒花有恨玉淚盈眶何似淡相忘不要思量針兒難透線兒長渺渺茫茫天一角隔了疎窗

又

却立看梳粧暗惹衣香下樓攜手坐西廊良會乍圓先怕別袖掩啼眶是處最難忘那不思量路兒爭比意

小山詩餘卷二

四

兒長判把慙懃心一片拋與瑤窗

更漏子

紫鸞雙青鳳兩縹緲碧城雲上蘭氣近玉光分同披綠字勾蓬萊路三千阻留下清風一樹天似水月如霜人間奈夜長

小山詩餘卷二

男景



小山詩餘卷三

太倉王時翔抱翼



青綃樂府

梁故詞賦地也家小山先生少以詩文名間倚聲填詞清綺婉約原本溫韋而推波助瀾入南宋名家之室向有香濤詞數卷久膾炙人口今佐中州文幕跡徧兩河得詞若干首題曰青綃樂府蓋取白香山詩中語也予偶客梁出此編以見示諷咏之餘縹緲蕙情洵如嵩雲之半卷矣標舉擬似雅善自評覺半山之憑弔金陵東坡之寄懷赤壁猶未免一往豪上茲編也寓激昂於蘊藉發沈鬱於

小山詩餘卷三

一

遙深可以挹白石之袂拍夢窗之肩雖曰詩餘殆與枚馬諸賢後先輝映轉愧予亦游梁而不能出片語以嗣響也康熙壬寅春正再姪恪拜手謹書

惜餘春慢

梁苑

碾瓦成沙填波架屋無復昔王亭檻疎煙淡抹小雨微濛野花向人低糝休問枚叔鄒生七發徒存一書空感便雪臺賦冷鳴皋歌歇盡增淒黯還記起西蜀才人文園病客曾也曳裾觀覽淹留未遇著就雄篇忽動茂陵追念而我來游自憐零落棲遲蕭然琴劍仗東風有力吹斷青衫淚點

醉蓬萊

良嶽

緬繁華仙苑構造精奇道君曾駐玉洞瑤林待靈真相
語一夜金風萬花齊落枉採江南樹巧匠鑿瓏斷殘山
骨天虧難補 五 城邊借羊爲石認雪成花幾多愁
苦歸夢無憑悵東風虛度回首神京似圍弱水渺蓬萊
何處劫後惟留殘陽一抹蒼煙千縷

塞翁吟

信陵君墓

此最佳公子何事但繡平原敬愛客御夷門竟刎頸酬
恩臨風一送秦軍退毛薛又進良言魏既重趙終存柱
半壁乾坤 英魂經千古寒蕪冷樹應化作煙光兩痕
更待向何門跋履感君意縹馬荒郊旋馬空墩賣漿遺
老好約齊來一醉松根

小山詩集卷五

五

安平樂慢

登蘇子由讀書堂

誰遣先生飄然謫宦如舟學舍中來非防氣屈終恨頭
低岩堯自築高臺萬事悠悠付一灣流水隔住黃埃別
駕語詠諧須知含諷含哀 念天末佳人鋤蘭佩艾石
城燄壓奇才料理故書堆楚騷多怨忍頻開江左王郎
閒登眺繫馬林隈晴波點柳花如雪袖携落日方回

鳳皇臺上憶吹簫

青陵臺

猶未高飛暮教分頸北山其奈張羅念韓郎安在忍負
前歌腸斷登臺眺望一霎珠卸風荷精靈聚雙鴛並
宿連理交柯 如何恁情薄也看敗節偷生自古偏多
笑息嬌無語淚眼空波況是龍興亡國巢換鳳酬答聲

和青陵後重聞墜樓金谷香娥

南鄉子

博浪沙

六合帝秦時第一英雄博浪椎心在報韓他未計誰知
賸有寒沙卷眼飛 論古莫矜奇蘇子何言此擊非縱
使副車成誤中依稀豫讓酬恩斬趙衣

八歸

白雲山

閒行驛鞍鞭梢徐舉遙指翠嶽峯傳聞靄碧霞紅處
曾有帝師遺世就中潛匿鳥盡弓藏人不悟漸漢法與
秦同密好自保一片蒼寒携筇採芝術 從此高飛已
矣隙駒相喻更入野鷄羅單赤松安在引來商皓淒斷
威姬鳴瑟想山中定是鶴怨猿驚怪重出徘徊晚半鉤

小山詩集卷五

五

殘月隱隱星光濃雲深似漆

應天長

金堤

黃河遠瀉高浪駕天中原幾許盤折無數名城腴壤時
時被衝齧奔流駛何處世況更是濁沙難刷賴千里屹
起堅堤今古如鐵 憂旱禱桑林一滴甘泉方比眼中
血那曉怒濤秋漲翻飛半空雪長虹遭暗揭看浩渺化
蛟龍穴水收後頽屋荒邱祇剩鳴咽

醉江月

平淮西碑

元和天子命裴公秉錢蔡州重復從事爲辭持大體君
相同心實錄雪夜微勤何須婦女含淚深宮瀆眞堪一
噓竟將石換和璞 猶賴陳守遙臨鐫韓削段洗去前

朝俗千載文章多定論不比興亡翻覆拭殘碑摩挲
往跡雨蝕苔痕綠題詩未敢玉溪高唱難續

壺中天慢

劉伶墓

宿醒微倦又鞭絲低拂草頭晞露牛背邛童相借問云
是劉伶之墓一頌空傳長埋終此落葉飄乾土酒難重
到錦囊消受奇句應是遺恨生前銜杯未足冷荒墩
誰訴寄語閨人休苦諫我亦醉中尋趣風物東吳黃柑
紫蟹缸面清香度玉驄歸近糟牀及早勤注

水龍吟

比陽城

真人特起春陵昆陽自古稱雄戰一丸顏堡三千弱卒
驚雷掣電尋邑區區浪稱大敵弄兵百萬看回風虎豹

小山藏書室

四

燒成灰燼雖天意終人算帝業幾番更換眺東都盛
蕪玉殿天陰月黑不妨經此鬼燐紅散隴上耕夫扶犁
閒說久無沈箭更何人猶托炎精龍種時時稱漢

甘州

博望驛

記乘槎有客建奇謀一劍竟孤遊致葡萄天馬來從萬
里換取封侯漢骨如霜山積安用月支頭直待輪臺詔
金甲初收博望舊城何處只三間頽扉改作官郵笑
郎當過客懷古悵悠悠步躊躇空庭蕭寂任哀蟬吟占
綠槐秋摩雙眼夕陽低處忽入邊愁

百字令

臥龍岡

危岡立馬是草廬遺址臥龍曾伏魚水君臣三顧處雄

略數言而足瑩雪瑯戈摩天巨刃計讓綸巾獨吞吳滅
魏惜哉此志空蓄還更展眺低回斜陽秋草引我臨
風哭梁父誰吟聞短笛賸有邛兒來收拂袖風塵携鋤
煙雨待作高眠熟五湖東指碧雲深鎖菲屋

怨王孫

望夫石

別去萬里獨生寧死魂斷黃沙影依白水化作一片貞
珉盼征人綠苔如髮涼風颭秋容淡清露啼珠點漢
皇此恨應識莫逞雄才棄朱崖

塞孤

病中過二蘇墓

汝南山色好峨嵋底蘆蘆佳城雙峙聞道二蘇天下士
容不得人間世剛纔忤半山公旋又遇潭州鬼竟飄零

小山藏書室

五

骨埋異鄉地展笑問兩翁旅病今深矣可許相從於
此還顧良朋頻屬委君試聽吾其死好為種一科蓬聊
且定千秋計冷松風撼撼吹起

時余病劇囑虞山頂雪軒云我死乞埋於二蘇墓側

小重山

元魯山琴臺

秀立孤峰一點煙萬臺當落日草芊綿平原碑壞不知
年翻前志于蕩事猶傳景物暮蕭然飛鴻雲外墮啄
空田戍笳羌笛總驚眠携風袖誰更拂清絃

負也樂

餘小亭

公未遇家何處龍門山前鑿龕住口張鵬走如蛇拾得
道旁無主天遺瓜玉鞭飛馬承恩宴政府三嘗御廚
膳朝山青暮山青今我來時不見饅瓜亭

長亭怨慢 雨中度伊關

是誰劈雙峰中斷夾束伊流素濤飛練直下龍門鯉魚
騰躍趁風便雨霏雲鏤疑恍惚陰陽變石滑馬凌兢望
渡口蜻蛉如箭莫歎任長途人困索把小車停玩平
生快絕定應數此游爲冠又那怕露透征衫待臨去回
頭重看借禿管餘花分取靈奇一段

雪獅兒 香山寺

當年白傅晚節閒身角巾時訪九老何人夢得微之已
往滿公禪杖指點出空無相消盡了西湖翠黛武邱
花舫而我塵容羞抗攬征衣下馬靈山相向賤不成
名曾感琵琶惆悵旗亭聞唱更結習綺言難忘高僧捧

小山詩餘卷五

六

乞懺多生魔障

南柯子 飯白馬寺

東漢開禪教西方購梵書神駒貝葉現明珠照徧千江
祇是一丸孤法宇傳來久塵心到此無清涼臺上景
蕭疎半世燒沙纔得飽香廚

菩薩蠻 達磨洞

神僧不受蕭梁佞折蘆自渡江波瑩九載坐嵩山西飛
蔥嶺間興亡經百代古洞依然在風急擺浮雲驅車
入暮塵

喝火令 魏野杜堂

古陝傳高士東郊問草堂紅泉綠樹好襄羊曾掩松扉

雙扇不肯見君王勝地留陳迹征輪繞別腸樊鄆涇

口小柴莊也有梅花也有碧簪簪也有清溪斜抱明月
在迴廊 近余卜築涇口堂在樊鄆涇口

於中好 韓陵石

當年賀六渾來麼猛揮戈爾未摧破子昇碑下徐郎過
漫嗟賞無能和南陳北魏如旋磨但一片兩片缺臥
草間磊磊苔衣裏沒字石留人坐

玉京秋 銅雀臺

漳水咽千秋遶臺址翠波如縵阿瞞總帳當時徒設疑
塚都非葬地問西陵何處藏骨哀歌徹幾多香淚滴殘
空穴若果髯孫雄傑約劉郎連兵撤換破鄴城登臺

小山詩餘卷五

七

一醉方成弘烈癡絕爭荆楚遂致吳蜀前盟虛結兩分

裂銅雀高樓漢月

璣龍四犯 蘇門山

天外層螺乍瞥見蘇門嵐翠飄緲舊有高人峰頂結廬
深宵除却乞雨醫龍總只守半空清峭管領他月壑風
巖時作鳳鸞長嘯養生中散空聞教伴三年未諳至
道火光不用全光法坐鍛火光偏耀可奈燄烈身危燒
絕廣陵琴調向碧雲飛處無限意如風掃

金縷曲 七賢

狂藥非佳味問當時七賢因甚但思沈醉曹馬遠興皆
亂賊魏晉何君可事算惟有酒杯堪對枕翅舖糟張白

眼看俗流羣奉玉昭帝伴作達豈無意 甘心埋照應
非易笑山王尚留遺憾始同終異守志五君長不變稽
阮向劉而已仗一節儘能傳世光祿詩篇高詠罷度紅
酣斜日霜林裏清憂玉竹風起

蘇武慢 韓文公詞

直氣批鱗精誠驅鯉默禱衡山雲捲峻峻大節烈烈忠
肝威懷叛藩心轉還有雄文任他籍湜追趙空驚流汗
縱柳州聯轡薔薇芳露欲披先浣 是甚時設座西清
眾仙齊拜香火天邊不斷空聞盛事何路羞顏未許野
人偷展老大羈孤河陽行役無聊荒祠倚徧儘遲回閉
拭塵扉神鴉噪晚 今翰林院中設公衆主祀爲主神

小山詩餘卷三

八

西江月慢 烹茶館

輕絲細縷風翦翦翠煙低掠疑是玉川生依稀猶在月
團親淪傍午牕七椀澆喉渴塵空淨未消芒角漫攪來
清夜無眠靈府欠烏鎗 恨桂底蝦蟇憑碧落寓討逆
奇篇手削天晴終然難救護竟慘櫻鋒鏑算不似別墅
閒身枯枝活火守茶鑪脚盡日裏長抱添丁花下著

霜天曉角 江海

江郎已去留下消魂路當日景純何意將彩筆夢中與
一篇兒別賦一篇兒恨賦滴盡有情人淚多應是被

伊悞

千秋歲 茶園

雨寒風峭策馬蒙城道穿革鞢欹茸帽雄心依火雪生
計無鉤釣來往地茫茫不值先生笑 自愛卑棲好休
把高飛校九萬里何須到負天鵬背重控地鳩身小歸
去也南華一卷東窗傲

附錄

浣溪沙 又六月十七日早行

曉起貪涼夢未圓輕車細馬各爭前滿膝禾黍淡香傳
斜月猶明初魄夜遠山已瘦乍秋天一襟離思散疎

煙

初旭銅鈺挂影圓筍輿斜駐柳莊前郵亭卯酒一杯傳
清露凝珠芳草陌碧雲鋪縠嫩晴天人家茅屋未炊

小山詩餘卷三

九

煙

又 出舞陽城示同行諸子

老未成名歲月空依劉賴與素心同高談清嘯意何窮
愧我挾書成腐豎愛他屠狗是英雄閒搔短髮向秋

風

又 洛陽道中

感歎驅車古道旁周都漢室已淪亡千年一閃墮殘陽
清洛水聲流碎白古原柳色帶深黃早冬天更做荒

涼

又 成皋道中

客裏愁深與病兼成臯曉發渡巉巖北來九月氣先嚴

簾
初日翳沙如月淡薄霜侵面似刀銛籃輿空護一重

南柯子

圓轂如腸轉香膏與淚深已涼天氣客初禁凭枕怯眠
人靜暗沈吟澹月微窺幌疎風半入林渡江鄉夢一
帆陰纔到江南驚斷楚天石南陽古

又 汴城秋思
寄示小蓓

策策商飈動淒淒古意深金梁橋上月難禁不唱憲王
樂府試狂吟薄笑依銀杏清歌憶錦林紅牙拍斷桂
堂陰只有荒雞遙接暮邨砧

祝英臺近
過雁和胡員輻

小山詩餘卷三

十

驟添寒剛向暮風送雁行度清悄閒庭有客倚闌數念
伊萬里呼羣年年爲旅也耐盡月悽霜苦且須住囑
汝飛過江南傳箇信兒去認著湘簾斜映素梅樹爲言
青子酸時準尋歸路好候我綠陰深處

又 吳興友人對雪懷家填
詞寄眼諸其意以調之

曉衾孤殘夢破簷外雪微隨瘦損東陽猶抱影兒臥呼
童半拓窗櫺擁衣欹坐亂飄入玉花冰朶可知麼一
點鄉思隨風冷趁渡江舸飛向房櫳相對撥爐火其如
水渺山重怯寒無那枉憶著謝娘酬和

南浦
被薦家召入都留別楓江
諸同學時嘉平望後一日也

雪霰冷芸齋正悠揚半空渾似飛絮那酒注盈觴澆不

了堆腸萬千離緒黯然魂斷未分早作臨分語不知解
纜張帆日怎忍聽歌南浦回思二載書窗共展卷燒
燈吟風坐兩臭味已如蘭交情重更指青松相許王程
漸迫姓名悔入招賢譜異時縱有鵷鷺伴誰是今時儔
侶

高陽臺

全填南浦留別諸同學既義不勝情而自山定之
賦翠樓吟至爲薄遠別語酸楚復持此調酬之

老矣孤踪賢哉二妙談經高鏢雲關不道清時搜材直
到深山論交有道兼情好奈霎時分散無端最傷心忽
捲詩書一棹江灣吟戔自寫辛酸挑起和歌淒咽迭
奏八彈觸撥離襟令余衰淚潛潛鸞皇豈是樊雞鳥趁
未飛振刷翎翰但相期指日扶搖並列仙班

小山詩餘卷三

士

小山詩餘卷三

男景元校刊

小山詩餘卷四

太倉王時翔抱翼填原字阜漢

初禪綺語

浣溪沙三十

一東

彩扇輕遮畫燭紅捲簾微步玉丁東眼波低翦篆絲風
梅額有香人澹澹梨雲無夢月朧朧暗驚雕刻費春

工

二冬

半是含嬌半是慵寶釵欲隨翠鬟鬆錦窩情態爲誰濃
春淺花新招蛺蝶夜寒香燼繡芙蓉一彎愁思駐螺

小山詩餘卷四

一

峰

三江

覓蕩尋蓮好涉江明星雖爛有驚麗爐煙消盡撥銀缸
夢裏吹蘭閒繡枕月邊和影竝紅牕不應猶道未雙

雙

四支

小閣芳蘭供一枝黃昏燒燭看幽姿素屏纖影對移時
巫峽休猜成楚夢湘草惟借入騷辭國香長繫美人

思

五微

秀色由來可療飢忘餐相對復相依無端杜宇喚春歸

暉
圓怕珠光多不定輕愁花片易教飛赤闌干畔凭斜

六魚

一寸柔腸萬里紆好天良夜悵離居獨揩清淚五更餘
情重何妨添病重形疎祇恐是心疎西樓斜月竟何

如

七虞

繡帳輕褰起欲扶翠尖如揭曉山圖綺牕花笑一塵無
路近藍田多美玉夢經滄海盡明珠人間猶有阮郎

孤

八齊

小山詩餘卷四

二

楊柳梧桐翠色齊小鸞么鳳鎮雙棲夢中仙路有丹梯
玉簫分明花氣重瑣窗蕭淡月痕低惺忪那易到如

泥

九佳

小院秋光似畫佳海棠紅映綠莎階幾番閒立寫風懷
錦瑟怨時知意忤玉琴調處識心諧可能親遞鳳皇

釵

十灰

繡榻凝塵畫燭灰四垂簾幕映蒼苔怯春人臥燕飛回
花信不隨風信發愁絲偏接雨絲來冷清清地自驚

猜

十一真

流水桃花一段春移舟洞口祇逡巡路迷惆悵在風塵
俗客自傷難換骨仙源誰許易通津始知薄福是漁人

十二文

誰把雕籠翡翠分相思兩地不相聞繡簾遮斷雙金裙
新恨多於春後草幽期變似夏來雲楊花時節倚西照

十三元

細雨尖風欲斷魂落紅庭院又黃昏麝煙金鴨被微溫
無計可令春睡穩空言亦是玉人恩分明曾許拭啼痕

小山詩餘卷四

三

痕

十四寒

香玉初消不耐看誰憐弱骨更珊珊一聲歸也淚偷彈
跡似燕來逢雁去心同蓮苦帶梅酸枕頭欹側五更寒

十五刪

短閣清燈照影閒碧雲香霧隔銀灣蕭蕭暮雨灑花關
燕語呢喃飄枕角蝶魂離合向屏山依稀記捧玉纖彎

一先

十二紅樓鎖碧烟飛瓊萼綠自嬋娟駸駸駕鶴戲芝田

隔箔異香霏作霧隋懷明月遠於天玉簫聲歇夜如年

二蕭

髮輕垂壓紫綃薔薇露浣玉葱嬌倦容初起勾魂銷
日射粉梨光似頰風搓絲柳細於腰小闌斜倚恁苗條

三肴

畫閣深沈燭影交鏡臺拈韻互推敲夜闌斜月在花梢
皓齒半含窺淺笑紅霞微漲被輕嘲鴛鴦何事不同巢

四豪

小山詩餘卷四

四

撥翠山光浸碧濤琳宮移步鳳尖勞暮歸紅燭照吟毫
畫舫春遊人更懶繡幃濃睡日常高隔簾休把綺琴操

五歌

玉藕絲長未上梭文鴛欲織又蹉跎最無聊處看橫波
人到淡黃方豔極天交新綠得春多薄衾涼簟奈愁何

六麻

一翦輕風一片霞玉鉤新月畫簾斜柳條纖軟不勝鴉
暝褪錦衾微見雪香霏綃幔欲籠花可憐春夢落天涯

七陽

標格寒梅韻海棠全身當得翠紅鄉更饒一種是纖長
畫檻風絲飄瘦影繡裙煙縷立斜陽珠簾八尺限蕭
郎

八庚

珍重疎梅一樹明晚煙漠漠月枝橫對花吟更繞花行
清影似嫌銀燭爛斷魂應逐素雲輕嗅香敲句過今
生

九青

半倚雕闌半倚庭五更斜月五更星幾多沈醉幾多醒
若有思兮雲冉冉最銷魂處影亭亭枉拋心力向銀

小山詩餘卷四

五

屏

十蒸

縹緲飛樓第一層藍珠仙子夢同登琅函玉笈紫霞綾
燭暗紅粧容半倚月明朱檻避雙憑似生憐又似生
憎

十一尤

玉豔凌風颯颯秋彩雲飛去悵難留暮烟新月下簾鉤
繁氏定情空有夢江郎賦別只牽愁綠波春草在心
頭

十二侵

閨苑清虛碧海深玉柯瓊榦樹惜惜風裳雲帔稱人心

尋

新月半墻仙鳳杳朝陽一角彩霞沈去來長是費思

十三覃

一鏡香雲綰玉簪雨灣秋水帶秋嵐海中明月夢中探
修竹多依花燄燄古梅偏傍柳參參牽絲千尺老春
蠶

十四鹽

海燕雙歸宿畫簷玉樓人遠暮寒添夕陽紅盡暗疎簾
悄悄心期辜眼底沈沈消息壓眉尖錦衾空有淚珠
淹

十五咸

小山詩餘卷四

六

離思紛紛那可芟消魂橋畔挂輕帆柳花憎殺點征衫
遠樹重重還隱隱亂山矗矗更巉巖癡心猶是望泥
絨

禪之意如夢中獨醒禪之景如雪後獨行禪之心
如么荷尚屈而香性已透禪之學如妖狐拜月磨
磚作鏡不得不休禪之色白衆采悉後起之數禪
之聲希羣籟皆因感而鳴是以世間智士參禪不
如庸夫緇流參禪不如美女富貴參禪不如貧子
身貧非禪心貧為禪心貧非禪官貧為禪官而能
貧則在武用菩薩法以治軍在文普雪山行以臨
民觀夫簿書鞅掌即三乘金經也衙吏唱導即四

種威儀也催科撫字即種獲福田也枷鎖解脫即
拔度地獄也陳翁公云人不知禪生老病死四關
誰能透過古人泛舟入五湖杖屨入青城山他年
未必不死直是不見末後一段醜境耳髮僧又問
久已識破此關故非道非釋亦道亦釋前歲事賢
曾參涇東座下乞與証明涇東笑而不答日來魚
鴻相問開書得浣溪沙三十首自一束至十五咸
題曰初禪綺語嘻嘻涇東不綺語人也然味其婉嫵
娉婷恍若卷幔見衛芳魂妍態恍若覆翠覓鄂愁
紅怨綠吹蘭語影則又若抱煙冢門碎枕洛水舉
不能盡其綺矣異哉涇東豈有心於綺哉世人有

小山詩餘卷四

七

目而迷色則垢生焉故不綺有耳而溺聲則竅塞
焉又不綺以至鼻之臭舌之味身意之觸法而皆
有所引焉有所陷焉亦復不綺焉能如涇東灑灑
落落根塵明淨如是其綺焉哉且綺更有二義漆
蘭滴勺臨春月殿極聲色之殊致古今之所謂綺
也泰定天發杜幾地文收澄明之覺性吾涇東之
所自綺也玉茗先生為長孺兄弟填篋題詞云學
佛人作綺語當入無間獄慧業人作綺語應生大
羅天涇東前身殆天上人歟直為一大事來作好
官耳今即以涇東綺語為旦氣箴為訂頑注亦何
不可酣堂髮僧李光堧又閉合十和南敬跋

旗亭夢藝

謁金門

人似玉斜坐小屏山曲病顛歌聲花氣促更誰教飲竹
各向眾中稱獨欲買千金未足一點文人心感觸養
明珠百斛

清平樂

水闌斜靠細看描花巧墨點朱唇含淺笑竝向綠波低
照金丸忽散鴛鴦可憐未盡柔腸半日清茶相對不
知幾許猜詳

蕃女怨

碧桃花下相送後知是誰瘦錦牋書羅帶淚兩邊難寄

小山詩餘卷四

八

懨懨心地立東風暮寒中

荷葉杯

曾記綠楊庭院一見方寸結丁香變變眉黛眼長長閒
裏細思量

欲問新來消息難得怨句在無題夜來愁緒對紅梨斜
月過花西

烏夜啼

斜月斜風庭院輕寒輕暖時光閒行踟躕空階鮮暗憶
杜秋娘一霎吹蘭低語柳金梨雪花房乳鶯啼破東
關夢儘勾換淒涼

浣溪沙

意外逢歡把玉纖夕陽羅袖傍疎簾黃花紫蟹正相兼
飄蕩風塵歌更怨瓊瓏心地語猶尖夜深銀蠟醉教
添

虞美人

柳陰陰下絲絲雨白傳堤邊路翠峰雲鎖映春流應似
玉人眉黛鏡中愁 遙思分手南園地滿徑楊花墜數
聲橫笛畫船中喚起一襟離恨散東風

減字木蘭花

玉蘭

廣庭清絕幾樹辛夷開白雪看到深更一色惟應待月
生 衣裳淡素却立風前香暗度悄憶前歡如玉人人
也喚蘭

小山詩餘卷四

九

南柯子

握藕香沾雪垂珠淚滴紅分襟地是桂堂東一徑斜斜
鑄就寸心中 夢易驚兒喚書難燕子通晴絲輕裊暮
魂風小醉清愁無日不朦朧

又

客裏新涼淺閣中舊恨深杜蘭香遠思難禁小扇蠶書
偷展自微吟 錦瑟塵懸壁瓊簫響散林石榴裙曝柳
邊陰怎忍寒衣獨上少君砧

訴衷情近

晚香庭院簾卷西風人瘦驚看真比黃花痛惜惟持翠
袖無限向時深意欲語都慵咽淚頻低首 鴛盟久幾

載人前難就怨歌重唱尚有芳心逗依然又夜涼衣薄
秋燈影裏坐醒殘酒明月空如晝

侍香金童

湖石苔青携手牆陰滑記細檢垂絲簪膩髮別了匆匆
春欲歇花信薔薇單衣三月 料南園一架紅酣應亂
發負繡閣佳期須罰風月慊慊支病骨倚醉孤眠夢尋
羅襪

惜黃花

吹花開樹驚花落樹是春風是秋風總無憑據憐也不
成憐妒也何須妬更禁得滿空飛雨 一時歡緒一生
愁緒要相逢不相逢那人何處若說待來生已被今生

小山詩餘卷四

十

誤且分付斷魂歸去

醉落魄

團冰握雪天公幻箇人孤潔最憐誤向風塵撇貌似春
花命似欲凋葉 歌邊一見曾相悅重逢草草悲生別
新來真箇音書絕歡似浮雲愁似乍生月

花犯

古金昌蘼蕪小巷斜斜帶疎柳狂朋攜手認拂面青帘
憑檻紅袖畫船移近山塘口清歌連夕酒燭影裏細評
花朵香蘭何處有 眼前夢後暗思量淒清獨自歎雙
眉還皺曾記得怯秋微病人消瘦疎簾下一燈愁話從
去了知他無恙否又怎忍別尋歡笑深盟忘却舊

西江月慢

珠簾夢醒閑院宇霧絲煙縷浮浪惜春殘癡魂搖漾柳
花如雪縱徧尋巷陌蘼蕪細車路滿也成愁結念繡裙
曾送回廊半醉怨輕別歎綵筆知音今世絕只俊眼
能憐英傑破袖郎當紉綺內怎這般情熱自別後錦翼
難憑當時真悔離杯漫吸更甚日細把斷腸心事說

玉漏遲

嫩樹山塘路一篙水漲買舟春渚佳約今朝昨夜數完
更鼓憎煞天公惡劇忽驚斷碎風零雨愁如許綠波春
嫩怕成虛負記起故里狂游有小閣蘭香尚沾衣縷
別後柔情暗繞煙江東注憑仗訪花沾酒略能把此心

小山詩餘卷四

士

分取今更阻登樓看雲無語

解語花

桃扉舊笑芸館新愁裁書已成還毀幾度江頭問行船
杳渺煙波天際楊花亂糝拘不定心情渾似何處忽傳
芳信到黯黯消魂死平生黃卷誤我燈火十年贏得
恁憔悴不道真娘世知稀猶借青衫名字評花偶爾翠
袖紅巾空染淚國士更誰能識得肯繡平原未

採芳信

碧紗靜又脉脉離愁懨懨酒病記小園重見幽蘭一枝
冷吳閨枉作看花夢香色何曾領要歸時紅燭明心青
禽傳信休負此清景趁溪閣秋涼月簾宵永誰道今

番佳約杳難定閒中多少癡心意欲說無人聽空階
移盡斜陽樹影

夏雲峰

抱觀堂
納涼

淡晴天雲峰裏一霎細雨斜穿招動碧梧風影葉葉清
圓小衫團扇湖石下靜聽幽蟬暮景入斜陽盡處紅近
池蓮憶昔雲藕歌筵有人向水窗雲檻留連今日枕
把花冷文字通綠品詩選竹和勝友好句新鐫露坐久
杯傾重碧月隔疎煙

又

結寒閣夜
坐用前韻

晚涼天疎簾挂簪髻茉莉初穿同坐枕溪閣子壁月光
圓竹風梧露幽絕處時曳吟蟬玉簫冷膽瓶澹碧斜倚

小山詩餘卷四

士

瓊蓮隔宵文酒盤筵又今夜綠窗茶譙相連誰話渡
江桃葉記起情緣合歡紉素殘句在一寸心鐫悄倚檻
新愁似海昔夢如煙

春草碧

梅花書
屋雨夜

竹聲打合梧桐葉夜雨泣離情聽蕭颼獨自却繞行廊
拍檻哀歌淚交睫和倦倒牀眠難安帖憶著細細青
眉圓圓紅頰別來定何如愁千疊密意猶未相傳傷心
已判鶯花牒殘夢半模糊驚魂怯

滿路花

玩芳閣晚赤松
山人譚龍

空山風雨夜離思渺如年故人憐寂寞撥哀絃嘈嘈切
切彷彿落珠盤聽到酸心處起立簷前勸君不要重彈

小花深院那日遇嬋娟玉纖曾一弄怨歌傳青衫濕
後餘韻咽流泉觸起愁千疊燈火淒然此宵休望能眠

最高樓

午日感賦

龍舟渡疊鼓開中流兒女盡嬉游玉人良會虛蒲酒金
釵偏見點葵榴看花心圖醉意一齊休 奈雨裏丁香
空挽結奈萬轉柔腸無處說情脉脉恨悠悠旗亭怨句
高吟罷清江落日滿離愁萬心癡疑汝在轉凝眸

憶舊游

出旗市餘響乞西齋書食鶴汀和篇

記箇人初見對著東風把袖言愁特喚起江郎恨事爲
拈賦筆竟不能休題殘百紙淒怨暄景變清秋儘收拾
新篇裝成小本待寄紅樓 笑書生寒乞欠碧玉黃金

小山詩餘卷

主

此是纏頭簽題須鄭重有風流一老能作銀鈎毛公近
推長句憑仗壓江州文字倘傳留濡毫拂硯吾所求

南浦

書秋槎爲蘭生代答詩後

銀瓶綆絕看沈沈金井一何深重憶海棠天氣雙燕舞
春林花底分飛無奈有曉風暮雨伴孤吟似清猿獨喚
斷鴻高喚誰肯和哀音 多謝何顥好佛掩金經忽起
化身心約略調鉛吮粉拂袖寫離襟若是玉臺眞作較
情深意不在同衾算不如相見泥他簾下訴瑤琴

夢玉人引

桃花渡記

古城灣向樹簇簇水潺潺訪幽居破苔輕叩花關扶
病迎人有淚痕腮尾侵寒欲笑又顰歎相見眞難 背

人低語道別後塵鏡不窺顏知是君來今朝一理香鬟
孤幌空勞夢天涯何處山寸心恨兩眉愁都不曾閒

一絡索

雙扇題詩愁別意碧筠新製幾年風雨泣湘江染盡了
斑斑淚 誤納佳人袖裏怕添憔悴索還未許但須藏
慎莫展相思字

選冠子

過澄影軒日蘭生所寫墨菊一枝懷然有作

蕩日晶簾熏香螺几依舊畫長人靜屏間按曲燭下傳
杯腸斷早春芳景空約佳期流水桃花參差難定況心
盟斷絕鏡鸞分舞已成愁病 猶記得小疊銀箋斜灑
淡墨自寫幽姿傲性人能耐雲花亦經霜傲弄滿天淒

小山詩餘卷

南

冷檢向晴窗仔細重看風標暗省待九秋涼月試挾淡
妝孤影

陌上花

皮絕詞三闋

誰知重得逢君却在荒江茅屋注眼相看惜殺憔悴
玉旗亭百首淒涼句空寫愁腸萬曲竟何堪惹起風狂
雨橫摧蘭殺菊 故知來決絕有情無語鳴咽啼珠簌
簌拆斷連環天也妬人心足好風明月羞重對此去前
途未卜這情懷分付殘春杜宇一年年哭

齊天樂

桃花扇底歌聲在淒清竟甘如許嫩菊分秧新篁倚粉
料理閒中心緒萍踪偶遇只杯酒留連春前一度便託

深情紫騮不繫閉門處 須知非忍薄倖兩人同一恨
相對難吐章句酸才琵琶小技沒殺奇男俠女此離最
苦更莫望佳期與諧駕侶咽淚歸來渡頭風送雨

一萼紅

憶前盟爲共憐薄命不是世間春健士青衫幽安紅袖
天意教作愁人一番見論心繾綣兩番見生別淚盈中
我亦男兒卿尤奇女未信終分 漫道風波可畏倘風
波不隔不顯情真月莫重圓花休再放判却兩地傷神
又還笑清談有分何曾向夢裏覓行雲但得同心天涯
總是相親

小山詩餘卷四

五

小山詩餘卷四

男景元校刊

小山文稿目錄

卷一

恭擬壽考作人頌并序 諫官論

八書疑問 蒙說

二葉生字說 憂釋

送楊孺子序 贈相士蕭日昂序

送蔣工部視學滇南序 送沈子大非遊序

送沈子還都序 贈沈敬亭之官閩中序

送別潘子敦序 送別寶仙谷序

卷二

山陰戴南枝先生八十序

小山文稿目錄

一

李長明三十初度序

家兄雙溪先生暨嫂氏陸太君七十雙壽序

甘泉給諫六十初度序 湯卿謀詩選序

張懋齋與烏衣羅錦宣唱和詩序

沈氏園脩禪詩序 楊夫子談經錄後序

日課錄序 古香堂文讌詩小序

顧雙粟時文序 琴道人詩序

莫荆琰詞序 姚行表時文序

棲霞文集序 秋影軒詞序

別花人語序 毛襄山侍御詩集序

綠蔭齋詩鈔序 鄭有章詩文小序

卷三

萬空詞引

日餘游藝初集題辭

日餘游藝二集題辭

日餘游藝三集題辭

程自山試卷題辭

書新城先生選古詩後

再書新城先生選古詩後

書精華錄後

書歐陽公議濮安懿王典禮劄子後

跋楊忠愍公年譜

跋曹杲亭瀚雲溪莊稿

跋鶴汀詞

程尊一憶梅詩跋

小山詞自跋

跋松叔登華記

跋吉坦如詩稿

小山文集目錄

二

卷四

笑竹軒記

泛舟石湖記

遊沈氏園記

西湖遊記

愛閒堂記

東和摘篆記

割股紀事

祛狐紀異

異僧錄

南勝墟諸大姓紀畧

上花王書

復西田相公書

與程逸園書

卷五

陳烈婦傳

鍊師顧棲霞傳

顧太君節孝傳

恭惠程先生傳

孝義謝先生家傳

黃母吳太夫人小傳

夏山人響亭墓誌銘

吾師唐吏部東江先生事略

秋涯先生傳誌補

祭胡正菴文

祭西田相國文

祭家孝廉候贈監察御史耕石先生文

姪峻哀辭

卷六

上史制臺稟摺

上制憲高公撫憲劉公稟摺

上撫憲趙公稟摺

上驛鹽道楊公稟摺

小山文集目錄

三

上臬憲劉公稟摺

上制臺郝公撫憲趙公稟摺

上各憲稟摺

上學臺楊公稟摺

上大中丞碩公密摺

卷七

老子註序

莊子集解序

徐氏宗譜序

郡司馬丁君六十初度序

周少逸石帆集序

太倉州守王林巖壽序

贈嵩陽耿允平序

于忠肅公文集序

李勤襄公疏稿序

卷八

家永慈太守八十壽序

黃母吳太夫人九十壽序

張翼庭詩序

重脩朱子祠堂記

天章書院碑記

跋開野羅公紀略

敕贈奉政大夫提督河南學政按察使司僉事加

二級吳君神道碑

待贈通奉大夫原任四川潼川州鹽亭縣知縣趙

君墓表

祭族祖母顧太孺人文

祭楊大宗伯凝齋先生文

小山文稿目錄

四

小山文稿目錄終

小山文稿卷一

太倉王時翔

恭擬壽考作人頌

并序

康熙五十有二年為

皇帝第六袞

聖誕敷仁布愷覃及萬方羣工黎庶暨於煦濡蠕動草

木無知之物靡不沾被尤

念膠庠孝秀之士沐浴

文教久矣蒸蒸遂遂咸為俊髦鄉會設科雖屢經廣額

猶慮野有遺賢

特命秩宗議於癸巳春二月舉行

小山文稿卷一

萬壽鄉科秋八月舉行

萬壽會科嗣後十年一舉定為成式廣羅賢才永培

國祚欣逢殊數士林踴躍臣嘗讀詩至大雅棫樸之篇

知周家卜曆綿長雖后稷公劉太王王季歷世積功累

仁所致而文王作人之化為多故其詩曰芄芄棫樸薪

之楨之濟濟辟王左右趣之卜氏序曰文王能官人也

漢儒毛萇傳曰山木盛茂萬民得而薪之猶賢人眾多

國家得用蕃興此以見賢才之有益於國也其四章曰

周王壽考遐不作人漢儒鄭元箋曰文王是時九十餘

矣故云壽考而宋儒朱熹則曰作人變化鼓舞之也夫

變化鼓舞莫如多收賢才而登用之文王之時疏附先

後奔奏禦侮之臣所以咸備而周家受命之固亦基於此今

皇帝上承

太祖

太宗

世祖列聖之緒以天縱之姿法乾行之健兢兢業業無逸作所俾天下又安人民樂育猶於虹流電繞之辰加意人才所以變化而鼓舞之者如此則與文王壽考作人之化詎不比隆與臣少覽篇章今獲伏覲斯美謹拜手稽首而為之頌其辭曰

大清受命亦既克鞏於萬斯年

小山文集卷二

一人端拱穆穆在上濟濟在廷

君聖臣良萬國咸寧

皇帝曰咨朕膺大寶弗敢怠荒維民是保伊彼賢士克佐養民有一弗庸如遺風麟昔朕沖幼踐祚伊始憂勤至斯五十餘祀閭閻樂康易朕髮齒歷年幾何週一甲子倚嗟臣工亦克助理今茲在野豈乏良士其廣羅之以備任使譬彼作室廣搜名材譬彼致遠預畜龍媒羣臣拜手贊

帝之德樹人立政維聖作則降此休命允矣永國乃特開科取士設棘蟾窟瀛洲一歲并得我我髦士孰弗云來有道而賤實惟匪才箕頰矯厲消光推排耻其高尚

遂空草萊十載一行

聖壽是式

天子萬年永與無極

諫官論

乾隆七年

天子以諫官論事煩瑣無關國之大計思得通達治體之人襄贊

廟謨

命內外大臣網羅遺佚有克勝糾繩之任者即各以

聞又舉唐馬周陽城以為準

聖主求言之心亦綦切矣或問於翔曰馬周陽城何如

小山文集卷三

三

人今之為諫官者於二子宜何師翔應之曰二子者不同道今之諫官若不揆時勢而襲其迹均必戾於道或問何謂也翔曰馬周才有餘之人也陽城節有餘之人也周天資曠邁不拘細謹客汴至為浚儀令崔賢所辱發憤游長安代中郎將常何條陳二十餘事皆當世切務太宗擢拜監察御史遂由此顯名中懷感激多所建白凡敷奏動中事會裁處周密史許為王佐才雖似過當而其抱負洵不凡矣故曰才有餘城素寒窘既登第去隱中條山以卓行著聞觀察使李泌薦諸朝以著作佐郎召稱病不起及泌為相言於德宗召拜右諫議大夫不得已強起受職居位八年惟與客劇飲無所表著

迨裴延齡誣逐賢相陸贄等城乃與王仲舒守延英閣上疏極論延齡罪申直贄等帝大怒召宰相抵城罪至皇太子爲開赦方得免時帝欲遂相延齡城曰延齡爲相吾當取白麻壞之毀於廷帝終不能相延齡城之勳節如此故曰節有餘雖然馬周遇太宗開創之主諸所經營巨細悉資謀畫虛衷傾信故周能盡其才陽城遇德宗昏暗之朝諫者苛細帝方厭苦故城八年劇飲必俟關係重大之事切諫以伸其節所遭之時勢不同故其道亦不同若今日之時勢與二子之所值則又異矣本朝

列聖相傳歷年久章程美備守成殊於開創事當由舊

小山文稿卷一

四

不當紛更懷馬周之才而日思軀建可乎今

天子大聖遠邁太宗何論德宗既勤求直言諫官當隨事納規不當玩時愒日抱陽城之節而八年不言可乎然則如之何而可曰有馬周陽城之才之節而師其意不襲其迹亦庶幾乎其可矣

八書疑問

翔久汨於詞章之學病不得其本也已丑以來從事經疏抄摘諸經箋注凡數百萬言而疑信參半無從折衷癸巳秋謁唐先生之門而是正之先生曰學以經與史爲歸而經尤難昔之人白首一經有不能卒業者矣欲以一身而窮諸經之義如浮一葉於大海之中有漂溺

已耳安望其有所歸哉無已則進之以史乎昔翔讀書赤松山中蓋嘗取馬班范三家之史而誦誦之且嘗妄立議論作三史摭言矣吾友惠太史仲儒曰讀史非紀傳之難而書志之難也茲聆先生學史之誨退而出其向所作三史摭言觀之皆論興亡勝敗之陳跡而已無足爲問難之端也謹先即龍門八書誤爲疑問一則以請質焉小司馬曰史記十篇有錄無書禮樂二書元成之間褚少孫所補禮書多荀子成文樂書多樂記成文楊升菴以爲出於褚筆無疑按少孫他所補武帝紀及增滑稽傳龜策傳等篇筆極萎蘭武帝紀直錄封禪書一篇滑稽所載全無滑稽意龜策傳蕪累鄙俗覆而索

小山文稿卷一

五

之雖盲瞽皆能辨也今禮樂二書前敘歷紀源流有倫有要而樂書敘載汲黯數語尤爲言直指隱似非太史公不能爲也或譏禮書不采三禮而采荀卿之書且前後皆禮論而中雜以議兵篇最爲無當按儒林傳云禮自孔子時而其經不具及至秦焚書書散亡益多於今獨有士禮蓋其時三禮猶未盡出而荀卿戰國大儒其書足采則采之可也其引議兵篇王文恪所謂出禮入刑之意其言曰由其道則行不由其道則廢意者武帝誅伐過甚而特寓意以托諷與樂書之采樂記意者以古樂盡亡獨此篇爲得古樂之遺與又樂記爲公孫尼子所作觀樂書升降先後之次與記原本雖有不同而

條理秩然楊循吉曰列三問樂於後而文之升降反整於經似子長次之非少孫筆也其言毋乃近是與惟末引師消師曠事殊不倫此或出於少孫所增與漢書音義云律書缺有錄無書亦疑為褚補然先儒謂太史公論文帝寢兵息民天下和樂為得論律本意固可無疑若其敘六律十母文氣古質史而經矣雖以荆川之無所不知猶思與通律呂者講求之今其義可得盡明與索隱云兵書亡不補略述律而言兵遂分述曆以次之升菴謂曆與月氣寔應乎律非分述曆而次之也然與否與或云堯舜禹以天之曆數相告戒此謂帝王相繼之次序猶歲時氣節之先後耳史遷直以為造曆之事

小山文編卷

六

非也按曆書云堯復遂重黎之後不忘舊者使復典之而立羲和之官是固論曆而非論世次也至引天之曆數語乃行文傳會之辭或亦未可深求與太史公學天官於唐都又所世掌故天官書最詳鹿門謂八書中惟天官書為最今觀其書皆占驗語頗類方術家言且其敘五官四方星辰位次文體方而不圓愚意錯綜盡變者其封禪平準二書乎鹿門尤愛天官書意其好談兵之故與升菴云天官書甘石二家之遺意此言為尤允與封禪書先儒論之備矣或者謂少君樂大公孫卿越人勇之儔其言怪妄無關於祠祀者不當叢雜附見豈未知訊武帝以垂戒之意與抑亦別有所見與河渠書

利害竝陳贊中水之為利害一語槩括全書可謂得要顧水利為國家大計而太史公兢兢言之若害多於利者毋乃沮後人任事之氣與抑興利之事固亦有難言者與七書皆自唐虞三代歷敘以至於漢惟平準書直從漢始至贊語乃追補禹湯武齊魏秦諸事明儒皆以為文之變化而柯公維騏獨謂截首為書末之贊乃後人亂之非原文如此豈楊茅諸儒之言盡非與愚意禮樂律曆天官封禪河渠皆始於古而平準之法實始於漢太史公欲譏武帝君臣好貨之病以戒後世故用特筆從漢興始或亦愚者之一得與抑別有義例與翔讀書無識疏其大略以質諸先生幸明教之若夫句櫛字

小山文編卷

七

蒙說

比詞章之末固未敢以煩先生也謹問

蒙之為卦貞坎悔艮艮為山為止坎為水為險山下有險遇險而止莫知所之故為蒙卦之六爻二上陽也初三四五陰也凡陰皆蒙凡陽皆有發蒙之任而陰以應陽近陽為貴五與二應童蒙與順為蒙之最吉者初則尤為昏蒙至用刑以治之然而用刑者正以脫其昏蒙之桎梏也初惟近二故然若三之蒙則如女之見金夫而不有躬者甚矣其不可教誨矣然與上應故其辭曰勿用取女勿用取者謂上勿取之也既已應之而又勿取之者絕之所以教之猶得與於君子不屑之教焉獨

四處而陰之間而無陽以應之為獨遠於陽故孔子以遠實明其致困與吝之由而王輔嗣亦曰困於蒙昧不能比賢以發其志亦以鄙矣是故讀蒙而不知比賢以自發其志者不善學易者也古之學者皆有師傳往往越千里以求之而今之人恥居於蒙雖有名師儒近在跬步弗能下也母乃為蒙之四歟母乃為輔嗣所識不能比賢以發其志而鄙者歟翔生三十有九年而蒙未有發之者俚俚乎莫知所之作蒙說一篇以見意蓋紫陽之註蒙四於正義之外別補一義曰能求剛明之德而親近之則免於吝其能無深望也哉

二葉生字說

小山文集卷一

八

二葉生從予學者三年矣而請字焉予曰字以尊名童子烏用取之二生曰為夫俗之所襲也而莫之為稱也固請遂字其名翼高者曰虞儀名仰高者曰向山而為之說曰鳳有翼山為高鳳之儀也以舜山之仰也以孔子夫聖人之在上者莫盛於舜聖人之在下者莫盛於孔子其有取於此者一望其為瑞於聖人之時一望其向往於聖人之道也則夫子之望於二生者不既夸矣乎雖然二生勉之矣夫翼則能飛積學以豐其羽安知其不為虞之鳳也山則可登奮力而端其向安知其高之不能至也

憂釋

倅侗子學於太湖之濱病而有憂色客過而問之曰吾子何憂也子曰唯唯客又曰吾子何憂也子曰唯唯客忿然作色曰吾聞君子不戚戚於貧賤子豈以貧賤為憂耶何諱之深也倅侗子矍然避席而對客曰噫子何相測之淺也以為憂貧耶未聞仲尼有陶朱猗頓之貲也而吾何憂乎以為憂賤耶則桀紂幽厲皆天子也而吾何憂乎且吾嘗思之矣彼夫歛金章紆紫綬居則畫堂辱豁繡闥深窈出則車如流水馬如游龍身未至而供億之隸已偃僂而待言未出而使令之役已蒲伏而前睢睢焉盱盱焉其翕赫之勢非不尊顯也然而其天喪矣君子以為侈大而惡之脫欲以彼易我則我弗欲

小山文集卷一

九

也若夫逐錐刀爭錙銖獵利漁貨以獲厚實室拉王侯田連阡陌裁錦割繡以裹其體享羊豕豕以充其腹施施然日馳逐閭里間以誇耀于市徂屠僧非不安適也然而其事鄙矣君子以為齷齪而羞之脫欲以彼易我則我尤弗欲也是彼之所謂富且貴者皆吾所不欲也而豈以貧賤為憂哉客曰聞子之居家也家之人羣弗以為善也以為拙於治生也出而隣里鄉黨親戚朋友羣弗以為善也以為拙於應世也是故竭誠盡能以待人而覆以為怨者憎子之慙直也謹身寡過以求免而適以致侮者惡子之涼踣也子之憂在是乎子曰否非也我無其寔而人毀我我則以為憂我無其寔而人譽

我我則以為喜乎客曰然則子之憂果何憂也子愀然久之曰子可與言吾之憂乎哉子可與言吾之憂乎哉吾聞諸荀子曰鄉也混然塗之人也俄而竝乎堯禹豈不賤而貴矣哉鄉也胥靡之人俄而治天下之大器舉在此豈不貧而富矣哉是故君子貴學楊子曰多聞則守之以約多見則守之以卓寡聞則無約也寡見則無卓也翔也少失學僮僮乎其無聞也俶倻乎其無見也則已恐恐乎憂其學之弗及也而又以守身之不謹常致霜露之疾以妨之將必不免于小人之歸也而能無憂乎客曰子之憂誠是也雖然憂焉所以疾也子於是適爾而笑曰謹受教

小山文集卷一

十

送楊孺子序

君子化民成俗必由學學必以道故曰雖有至道弗學不知其善學之必於道即教之必於道可知也古之教人也蓋詳家黨術國咸有學而立之師教之一年三年五年七年而後小成九年而後大成其教之之法禁於未發之謂豫當其可之謂時不陵節而施之謂孫相觀而善之謂摩有不帥教則移左移右以至屏之遠方終身不齒其秀士則升之為選士俊士造士進士而官之爵之祿之凡其所以棄與用以道之成與否也然則師之責不綦重歟古學既廢而教非所教故學非所學天下無師而道止矣吾友楊君孺子居於今而學古之道

蓋其涵濡於其家之教也高曾以下四世同道莊簡公之道行於朝端孝先生之道行於鄉忠文先生之道著於忠吾師易亭先生之道著於節孺子之道亦必將有所發焉甲申冬鍾吾別駕鄧公肅將書幣越千里延孺子為義學之師聞之其徒幾百人皆冠且壯以上半已遊於泮宮者而孺子年始三十非有道其何以任此歟意者天姑以孺子之道試之於為師歟孺子其以學之於家者為教於茲邦也哉於其行述古之教人者以為贈

贈相士蕭日昂序

術之有相也舊矣吾嘗瀏覽方言雜說得相物者三曰

小山文集卷一

士

相貝經曰相鶴經曰相馬經獨未親相人之專書夫物相不變而人則可改福緣善果之說雖君子之所不道而昔之人往往於儀容俯仰間觀之以禮而斷其吉凶則固非有一定者乃欲察之於官骸不靈之器而決其窮通天壽之素定於天者其亦近於誣而不足信矣乎諺曰上山斫檀挈榼先殫蓋惟取其似而已矣烏能識卿相於風塵之士乎哉山右蕭日昂以善相著嘗於吳閭闌闔置說之地辨予兄弟予市狙駟僧中獨指為文士且許其皆將以科名顯也今予兄垂老始登金閨之籍而予終賤貧如故將蕭之術獨驗於予兄耶已丑秋吾鄉吳氏兄弟大合里中能文之士二十二人於一堂

之上商訂風雅繼厥祖考梅邨西齋兩先生之遺緒而
是日蕭適至徧相之至十一人而暮予則其舊識其未
及相者十人不知何若而十一人者大約皆許以科名
顯聞者吉吉然笑之而蕭方張日厲聲自詫曰吾於吳
門一朝而得九翰林今七人入詞館矣古者姑布子卿
唐舉許負之流有言必驗使蕭果工其術其言亦將驗
不惟十一人有連茹之慶而餘可類而知矣此吾黨之
盛也其能無望于斯歟序以贈蕭以俟異日之驗焉

送蔣工部視學滇南序

康熙五十四年冬工部蔣先生以名郎視學滇南謹按
滇屬禹貢梁州南界歷三代未通中國楚莊蹻略定滇

小山文集卷一

五

池王其地國號滇漢武帝朝彩雲見南中故又名雲南
元封二年司馬相如拜中郎將建節至此土人盛覽張
叔從相如受經文教始開夫滇以西南外徼自漢以後
漸得爲聲名文物之邦相如之功也然則彩雲之見其
瑞應與今逢崇學右文之朝滇南去京師萬里遙擇學
使

天子尤加意焉而先生被

特簡奉

命以行竊觀先生之爲郎官也持已潔清臨政勤敏而
又弘獎風流苟遇能文章之士雖風塵牢落必折節下
之以是而爲滇人師必有以稱

天子之命而副滇人之望者矣夫相如文學雖優缺於
行義尚能開文教於千載之上況先生之文行兩全者
與漢興承戰國暴秦之餘荒徼巔蒙尚有盛覽張叔傳
相如之學況

聖朝聲教四訖漸摩陶淑士風丕變之時豈無十倍於
盛張之輩者起而傳先生之學與先生行矣試於入境
之先佇望碧雞金馬之鄉有蓬勃鬱鬱而冉冉以起者
其彩雲之重見也與

送沈子大北遊序

宋邢氏疏孝經第五章引古傳云通古今辨然不然謂
之士然則能知古今者不愧爲士亦即可不悖於孝吾

小山文集卷一

五

友沈子子大天姿超邁有學有識觀其所著歷代史略
能得所以治亂興亡之大可謂知古矣又嘗兩至京師
一之西江一入楚數年之間以遊歷爲練習熟諳經世
之務抑亦可謂之知今昔矣朱晦翁嘗譏葉正則知古而
不知今陳同甫知今而不知古子大庶幾其兼之已亥
冬子大困於貧復將北轅而尊甫白淩先生年高深以
不獲侍側爲憾余爲引邢氏孝經疏以廣之邢氏又云
士始升公朝離親入仕宜割恩從義今子大雖未入仕
而以遠遊爲負米計有方之遊亦何悖於孝乎子大可
以行矣

送沈子還都序

沈子將北征其友王生送之曰僕聞之任大者思遠思遠者忘近子將有斯世之責於身而可以近者累其心哉是故室家離別親朋聚散之感不以累也僕從行索車馬芻糧之弗備不以累也寓廬迫狹俸少而物貴事薄而事煩不以累也惟人人之所憂者一不以累其心則子之所思者必遠矣僕窮且老岌岌乎將轉於溝壑之中嘗以爲子憂故於子之行而報以言亦以見僕之所憂者且不在乎窮與老也子行矣僕方荷耒於涇東之圃不遑作南浦之遊其弗以趨走爲恭矣

贈沈敬亭之官閩中序

閩屬禹貢揚州之域而僻在東南瀕海去中原五千餘

小山文稿卷

五

里介乎勾吳荆楚之外其爲俗於古爲陋自漢樓船將軍破閩越入版圖唐初人未知學自常袞爲觀察使興學校正風俗延名士歐陽詹領袖諸士而人文始興及宋理學昌明號極盛而擅收養斯民之責者亦類多醇儒與魁壘奇傑之士故能化民成俗盡變其前之陋習蓋彬彬乎六七百年于茲矣曩余嘗徧歷其境觀山川之奇秀人民之丰昌物產之殊麗以爲與浙之東西江之左右殆莫之低昂也歲丁未吾友沈子敬亭由吏部驗封員外郎奉

天子命出守於閩而未定爲何郡也使道還鄉里過余而問閩事余曰閩之產則有江珧荔子焉甘以脆也閩

之水自大海而外則有建溪之奇險焉閩之山截業而瓌璋者不知凡幾而武夷之三十六峰爲之冠而閩之人又皆佩服詩書秀外而惠中者也子其奚問沈子曰願有進也余曰閩理學之邦也宋自楊中立得伊洛之傳而道南於是羅豫章李延平繼之而朱子之學興焉蔡季通黃直卿諸賢又從而昌之至於今不廢若其以一身繫社稷之安危而爲一代偉人者則又有若李忠定其人焉斯固人物之極隆也子豈有意乎沈子曰否吾將有守土之責於斯而懼隕越也余默然久之沈子曰以某之辱交於子也久幸卒賜之教余乃竦然拱手而正告之曰愚聞上有謙仁慈愛之主崇清淨無爲之

小山文稿卷

五

治則一時受安靜之福而及其敝也事或至叢脞而廢弛故其民氣失之情上有英明果斷之君尚奇偉非常之略則一時蒙振興之利而及其敝也下或至凜慄而驚疑故其民氣易於動今

天子以英明果斷之才運謙仁慈愛之德固萬萬無弊而一一大吏與郡邑之長所以奉行者或未盡得其方蓋聞閩之民其氣亦稍動矣爲之上者慎毋更擾爲也沈子曰然則奚以稱

天子之使命余曰

上以閩之長吏未稱職赫然將盡取而易之豈有他哉欲以安斯民也子以母擾民者安之其報稱孰大焉且

吾所謂毋擾者豈謂安坐而待治歟亦謂因民之俗順民之情行所無事焉耳夫調琴瑟者久不更張則虞其絃之將絕而好爲更張則往往彈之而不和子求其所以弗絕者而已矣勿使彈之而不和也沈子方俯而思仰而歎若有契於余之言而又未敢以爲然者余乃更端而進曰草野之鄙人所知者鼓建溪之棹淪武夷之茶嘗江珧荔子之味交秀外惠中之人而已理學忠義之未知安知其所以治民者乎雖然閩之賢守古則有之矣若唐陸長源之於建州若宋蔡君謨之於福州朱子之於漳州真西山之於泉州皆有惠愛於民者其治行班班可稽也子其往而師之於戲是在吾友矣

小室稿卷七

去

送別潘子敦序

溫陵潘子敦先生余蒞晉時老友也具古性情有真詩文足跡半天下交游遍海內而竟窮以老余自晉之政之甌二載之間三易地先生念弗釋辛亥冬千里命駕就余余見之喜留宿署內先生出其途中所作詩歌一帙余燒燈讀之高古奇崛不屑作唐人以後語蓋其命筆之超素所然也未幾余以編查保甲歷四鄉先生曰此間去武夷二百里而近不可不一游余以天方涸寒先生年且高恐不宜往而先生奮然掉臂行余公務且竣旋署坐未定輒問曰潘先生來乎知其未至也翹首旬日而先生始還袖携詩文又數萬言得雲山之助語

益奇先生自言吾以七十老翁登武夷飛行絕跡疑有仙靈挾之矣時已逼除留之卒歲第余開正三日便當有會城之行先生遂將別余而歸余雖宰三邑室無長物無可贈先生而先生掀髯笑曰再持此詩文二帙歸說故鄉諸好友亦足以豪矣他復何患余亦爲之莞爾曰多文以爲富先生蓋不貧於是跋數語於遊稿以送之

送別寶仙谷序

梁谿寶仙谷先生蘊蓄宏深風裁高峻識超慮遠雖靜處一室而神遊八極之表上自國家大計下至閭閻隱情一一皆洞燭無遺誠曠世之異才也乃十年不字懷

小室稿卷七

七

玉守貞第出其緒餘以佐秉臬及郡縣之治所至輒奏平反之績蓋神明所鑒察及秋毫要歸於中正和平之域故物無遁情而不失之苛其陰受先生之福而不知誰爲之者非一地矣壬子夏五余方待罪西甌敬延共事獲親晨夕先生所以開其愚蒙而誘掖之者甚至偶亦取其一得而許爲水乳雖聚首未及期年而朋友之義昆弟之好殆已兼之癸丑春先生以年過四十未有令嗣將棄而歸余固留不得時余有量移漳州郡丞之信嘗謂先生曰先生歸志已決豈惟愚一人之不幸亦漳人之不幸也先生未嘗不惻然憐之而急於啓後之謀竟弗能止然余謂先生無慮此也昔于公爲廷尉以

治獄多所平反自知于門之必大今先生雖未臨民而平反積獄豈減于公吾他日遂初旋里扁舟相訪於第二泉邊將見先生鳳麟盈座芝蘭滿階始信余言之有徵也先生行有日矣索詩為別余以簿書鞅掌久廢吟詠重違先生之命略疏數語於前而系以一絕言雖簡而情則長先生其謂我何詩曰論交一載情何似千尺桃花水未深試到江南認楊柳枝枝葉葉是離心

小山文稿卷一

太

小山文稿卷一

男景元校刊

小山文稿卷二

太倉王時翔抱翼著

原字
舉謨

山陰戴南枝先生八十序

昔者趙宋之亡也有謝臯羽翺唐玉潛珏者節義士也謝故文丞相客會丞相被執殉國難謝登西臺北向舉酒以竹如意擊石為朱鳥之歌歌竟竹石俱碎哭失聲唐則以元浮圖楊璉真伽利宋璣宮金玉為妖言惑主將發諸陵唐懷痛甚乃貨家具行資造石函收貯思陵以下諸遺骸瘞之蘭亭山後種冬青樹識之於戲當時如留夢炎為宋狀元宰相一旦降元視去宋如脫屣誰復計諸陵一塊骨者而文丞相之死又寔出夢炎手以視彼二子者何如哉今之世有南枝戴先生者亦節義士合臯羽玉潛而為一人者也先生產於前明之季痛明之亡獨留古衣冠沈伏草莽嘗浮七里瀨登嚴光釣臺賦詩三千首字字淚痕血印也晚客吳門與明孝廉徐侯齋交侯齋既沒先生賣字葬之夫臯羽西臺之歌悲其故人也而先生釣臺之詩悲其故君也玉潛之瘞諸凌念其故君也而先生之葬侯齋念其故人也其事每相類而又往往不同也然臯羽之悲故人寔悲夫能死故君者而先生之葬故人寔葬夫不忘故君者也先生能葬不忘故君之人豈反不能為玉潛事乎賴聖朝寬大前明之諸陵無恙無以用先生而先生乃出

其力以為故人用則固先生所甚幸是其事雖不同而其心又往往合也但彼二子者各為其一而先生兼之故曰合臯羽玉潛而為一人者也先生故籍山陰有六子去之不受其養獨携一子一蒼頭及殘書數百卷自隨為吳寓公日坐空巖著黍離麥秀之什自歌自泣或累日不得食採野蕨以充突煙操瓢貯澗水坐長松古石間飲之曳杖四眺泊如也而吾竊又有慨焉嘗攷臯羽尚有浦陽江方鳳可依永康吳思齊輩又能相與悲之而玉潛則有汴人表俊者給以田宅而先生顧獨如此是先生所與之人更孤而先生所處之境更窮也悲夫先生之子六人豈不能養而先生以滄桑之故至不

小山文集卷五

二

忍有其家於戲先生之志益可悲也已歲庚辰先生年八十矣予不敢泛為祝嘏之辭謹以臯羽玉潛為先生壽併以追壽臯羽玉潛可也

李長明三十初度序

歲在闕逢涒灘律中無射之月為李君長明三十初度其友太原王時翔贈之以言曰人有貴知足者有貴不知足者貴知足者凡以養吾身者是也貴不知足者凡以養吾心者是也兼珍之味重采之飾雕題之館奉身甚侈而其心止焉者其人可鄙也疏糲之食懸鵲之衣環堵之室奉身甚約而其心存焉者其人可仰也今君紹前人之餘業田可耕園可灌隱居湖山間開軒拂榻

暇坐永日焚香展卷彈琴詠歌覽雲煙之幻態而聽蟲鳥之變聲則所以奉其身者斯不亦既足矣乎而君欽欽若不足者吾知君之不憂其身而憂其心也夫身不足於養恃有其心而心不足於養或亡其身吾甚憂其心而心猶不足於養而人常憂其身也君既不憂其身雖身之有不足猶可也況乎其已足則君之心必可養也而君猶憂之君之所以養其心者亦既知足矣乎雖然君年三十耳由三十以至百年則吾且未知君之身何如又何知君之心何如也老子曰知足之足常足貴知足之謂也曾子曰君子愛日以學及時以行旦就業夕而自省思以歿其身貴不知足之謂也翔也犬馬之齒與君齊敢不與君交勉以為合於古朋友攻錯之旨於是書而存之

小山文集卷五

三

家兄雙溪先生暨嫂氏陸太君七十雙壽序

雍正五年丁未冬十月伯兄雙溪先生壽七十先是八月上浣為嫂氏陸太君七十誕辰於是猶子嵩於九月吉日率家人希韓鞠踞為二親壽蓋移於後者嫂氏之不敢居先移於前者兄之以天道下濟也又吾兄嫂以久不獲侍先公先太夫人弗忍張宴為歡方局戶謝客獨許子姓昆弟一醺飲焉時翔乃捧觴再拜而進曰竊聞萬物之生人之所重天之所輕也人之所輕天之所重也方春融和羣芳弄色爭妍而競秀所以悅世俗之

目而蕩庸人之心者不少矣秋氣刻鏤草木隕黃則蒼然蔚然卓立於冰霜栗烈之天者惟空山之美樅翠柏焉富貴之家巍科甲第蟬聯不已擁陶倚之資享侯王之奉里巷小兒豔稱嘖嘖一旦時移勢去則掉臂而過其門端人賢士潔清自好秉道德而尚仁義往往布衣韋帶而踰於袞繡之榮是在人之擇而取之而已矣吾宗太原王氏久爲江東甲族而高曾以來獨以清脩養素世其家雖一發於伯父總戎公再發於仲兄太史公而儒素之風竝守弗失至吾兄之名德獨行尤爲傑出焉昔先公幼遇滄桑守高蹈之節凜然以風義自持終身不變吾兄續承先志托跡邱園讀書而不求聞達爲

小山集卷五

四

善而不令人知信義式於鄉閭仁愛稱於婦孺門庭孝友愉愉怡怡及闢大義則侃侃直言聽之者靡服諫愧改而後已或遭公憤雖勢位所在必昌言排擊無少留餘今同姓不下數百人吾兄行齒居第一爲通族之長屹然坐鎮莫敢爲非懼吾兄之知之也蓋爲宗黨所嚴憚如此故雖以道自守未嘗干用於世而吾知爲天之所寶貴者在此也嫂氏以平原名族作配儒門孝於舅姑敬事夫子蘋蘩滌瀝罔弗手潔而進之微柔賢淑之稱溢於中外用能佐助吾兄安貧適志終老林泉茲者白頭偕和靜好相娛提携佳兒佳婦觀魚聽鳥時草移花儼如靈真伴侶翱翔乎蓬閣之間奚啻若伯鸞德曜

相莊於白杵之地哉則固知兄嫂之得天者獨厚矣時翔幼蒙兄嫂撫字飲食教誨者十年時望其成立而德薄能鮮弗克振拔所負於兄嫂者多矣又時翔素無生產恃脯脩以給數口略無所以酬德而兄嫂常念其貧每過操杖屨必分甘置酒以慰藉之蓋至今如父母之視其子也人皆一父母時翔獨得二父母焉不亦幸乎自惟平生以文章爲職業不敢以溢美之詞進少敘盛德懿範之一二以告於子姓昆弟而侑一卮焉同懷弟時翔頓首拜祝

甘泉給諫六十初度序

乾隆二年夏家給諫甘泉先生六旬初度時給諫以監

小山集卷五

五

督漕務駐大通橋適余需次在都造祝焉蓋余之追隨於給諫祖父孫三世矣昔余年未弱冠以詩謁給諫之祖汲園公重蒙期許退而見耕石先生頌然宿學也給諫則少余三歲修然玉立侍祖父之側進退都雅竊心豔之余於族屬忝居長而年與給諫相上下交若雁行凡朋儕詩酒敦槃之會必共焉已而給諫奮志游京師橐筆供奉旋雋北闈筮仕西曹奉使船廠還陳奏稱旨晉侍御改諫垣視漕淮上歷巡三輔兩河所至部民安堵屬吏驚服咸以清慎嚴毅著聞後綠河中墩臺事奉

命效力通倉益勵弗懈近因少農塞公薦量移大通蓋

給諫之受知於

聖祖

世宗已二十餘年儲留以備今

天子之任使駁駁大用有日矣余久躋鎖闥垂老荷

先帝鑒

皇上疊加徵辟猥以薄劣弗克振拔棲棲郡縣間而給諫殷勤道故情欸彌決轉憶曩時周旋於其祖父孫三世之間顯顯如昨日事而給諫年已周甲余又過三矣歲月遷流頭顱如許余無足論若給諫之汲汲以報三朝之知遇者必更有在也遂詮次其辭以爲之序六十三叟小山翔拜撰

小山文集卷

六

湯卿謀詩選序

余年十七始學爲詩好奇未知決擇但俗下所云佳者輒鄙之曰平絕愛李長吉效之爬險羅怪搜幽剝冥亦如長吉喜用鬼字死字哭字類或謂余曰此長吉之所以夭也奈何襲之余笑曰長吉到今千載矣子猶知有長吉乎非以其詩乎則余之學長吉也奚怪焉當是時余心余口余手皆長吉也越五載余年二十二春婚而秋喪偶於邑侘傺憂愁幽思乃益肆力於詩所擬長吉樂府凝陰聚寒鬼氣欲出酒酣擊鉢一爲歌之如淒風之薄殘葉也如苦雨之敲窮簷也如寒蛩之夜叫而哀鴻之孤唳也歌訖起舞泣下旣而歎曰人生行樂耳何

自苦乃爾邪茲用棄長吉詩不復窺亦不復效其語是年冬寄食於宗人箴六家盡取全唐及六朝漢魏詩讀之始知長吉乃詩中之別派而非正宗也於是真以長吉詩爲可棄歷茲以來又二年矣中所爲詩雖未抵乎沖淡之域然其聲韻稍和暢矣夫長吉之所以稱鬼者以其有幽陰之氣溢於聲韻間而非僅以其詞句也此或真長吉之所以天乎乃余於長吉之後復見一長吉矣湯子卿謀是也卿謀之學長吉未知與余何如然卿謀二十五而卒卿謀天矣則卿謀之學長吉過於余也明矣嗚呼卿謀天矣卿謀之詩傳矣卿謀何恨雖然卿謀之詩傳矣卿謀之詩長吉矣余猶有恨恨卿謀天耳

小山文集卷

七

倘卿謀而天假以年俾得問津於全唐溯源於六朝漢魏其詩必更有進焉者微特卿謀也雖長吉亦然然則余之不終學長吉也豈畏天哉昔歐陽永叔謂詩能窮人而陳師仲又謂不能窮人蘇子瞻則云人生如朝露意所樂則爲之何暇計議窮達云能窮人者固謬云不能窮人者亦未免於畏窮斯真達言也然則余之不終學長吉也又豈直不畏天而已哉余錄卿謀詩遂發蠹言以質後世

張懋齋與烏衣羅錦宣唱和詩序

余自去年讀書赤松山中得識懋齋張翁懋齋愛吟嗜酒不問家人產得酒輒盡醉即作詩時而握管未下搖

頭不止時而拄頰倚柱目眙不瞬時而聳肩蹙口作秋蚊聲室人見之掩口笑或且詬恚曰若終日塗抹亦何所益而不爲衣食計乎憇齋方秉醉苦吟絕不少動而里之人且傳以爲笑無有異之者也蓋其意致瀟灑如閒雲野鶴苟非其人則莫之知亦莫得而與之交焉余一見即驚以爲異憇齋亦遂折輩行與余交以詩酒相往還者距茲一載矣而憇齋時時爲余言烏衣羅子錦宣非今之人也又稍稍出羅子之詩示余曰其辭工而意超非今之人之詩也而余閱憇齋全稿見其爲羅子招飲之作十凡八九意羅子之知憇齋必有以過於余也庚辰夏五憇齋忽哀其與羅子唱和詩如干首過余

小山文集卷三

八

曰人生稱知己甚難若老朽與烏衣羅錦宣足當之矣其爲我一言余乃得盡讀其唱和諸篇而知其詩大抵皆成於酒也余又聞憇齋言羅子方爲舉子業有聲成均間顧不肖隨時輩角雄文場獨造醇醞招七十老翁若憇齋者相與吟唱於花之晨月之夕信非今之人也則其詩可知也余故樂與憇齋爲詩酒交者聊爲綴此未識憇齋亦以余爲知己否倘憇齋持此示羅子又未識羅子以余爲何如人也

沈氏園脩禊詩序

庚辰上巳之明日友人李長明復招遊沈氏園詣予而歌曰彼澗之清兮可以汎羽觴兮盍援手而同行兮時

張憇齋初從莫釐峰歸聞之布袍藜杖飄然而來長明及余皆狂喜乃遂并呼二范子偕焉二范子操筆懷緒以從曰今日之游不可無作於是遂往而李氏山童短衣角髻累累然肩酒榼已俟於林影竹聲間矣行二里許抵其園圍扉雙闥徹其扃入焉驚其池見水中作潑刺聲波紋蕩漾岸石微激池面浮花散流不定致足樂也惟隔岸海棠落殘無色猶名姬老去衰颯可憐矣稍入數十步見闌中木芍藥豐肌妍態仿悲玉環顧亦所謂繁華損枝者也吾無取焉又入百許步修竹脩然下覆清澗春雨新霽山泉添漲瀆溢而出勢尤洶怒顧而樂之乃列槎竹下拾松枝煖酒班坐無序杯行無巡參

小山文集卷三

九

錯之中野趣斯在少頃余暨二范子起執酒瓷溯流而上斟酒各半瓷置水中順流而下長明繼之於焉作藏鉤戲或手戰負者取飲脫少緩至湍急處瓷覆即以泉易酒循環不已以爲笑樂獨憇齋病脚頗然白髮危坐竹間余與三子時遑勸一卮焉已復移酒榼竟置澗旁憇齋亦蹶而起席地圍坐清言佐觴陶然就醉於時義馭薄山竹樹交影晚寒森森酒悲欲發歌蘇子瞻我本無家更安往故鄉無此好湖山之句而吟興亦浩乎生矣由是以澗石代硯磨墨其上題詩十章長明亦成二章以示憇齋憇齋醉眼生鱗方橫卧石徑亦濡筆於酒和予一章醉墨傾歎難讀如石鼓文以意逆之始得其

樂而究之三人所云無少異凡以著行樂之宜早也雖然樂不可過過樂則荒荒則廢業蟋蟀之詩曰今我不樂日月其除言宜樂也又曰無已太康職思其居好樂無荒言恐其樂之過而荒夫業也維泰清之詩則敘其士女之秉蘭贈芍有流而不反之意此鄭風之淫所以不如唐風之憂深而思遠也夫吾人有意於聖賢之徒鄭不足論矣即唐亦宜有進焉善乎金華宋子之言曰吾黨當追浴沂之風徽法舞雩之咏嘆則情與境適樂與道俱翔願與諸君子共勗之也故歸而弁其言於詩之端

楊夫子談經錄後序

小山文集卷三

十

吾師易亭先生研覃六經折衷異說闡幽探微有得輒書歲久成帙同志及門之士彙而集之爲談經錄時翔謹受卒讀乃作而嘆曰於乎道在是矣夫宣尼既沒聖學日晦狂秦燒書文武道絕賴漢諸儒起而明之然皆小醇而大疵王仲淹韓退之崛起隋唐中說原道發明未竟宋熙寧中王介甫肆焉無忌創爲新義而經學壞南渡之後朱子出焉彙集羣說以爲傳注而經學始明洎明太祖以經義取士成祖命諸儒作五經大全實多闕發然自時厥後家挾一編人無異論腐爛陳言居爲奇貨耳傭目剽勦說雷同而經學又壞是故昔之談經也患其說之異今之談經也患其說之同吾師茲錄挾

前聖之與義開先儒所未言於漢唐宋諸君子之說多所更定若大衍說堯典註日月左旋辨王制田里短長辨諸篇鑿鑿媿媿確確有真詮蓋吾師深明數學若天文地理諸書靡不博覽而詳參之故其立言皆經濟寔學如菽粟之必可以療飢如藥石之必可以伐病豈若世之學無根抵務爲苟同欲以支詞刺語炫世盜名者哉嘗讀朱子之書見其於經義有疑者輒題其下云此義未詳蓋亦有待於後之君子焉爾然苟非其人則固莫敢任焉非吾師其誰與歸門人王時翔百拜謹序

日課錄序

小山文集卷三

士

日課錄者予所作以自課者也三代之世立庠於黨立序於遂立學於國其教士之法甚詳人生七年以上入於其中終身勤勤不廢細自方名象數及於爲人臣爲人子爲人弟之道學之各有其程故爲士者講道習藝恐其日之不足不敢荒其業以嬉也夫人日有所爲則業專業專則氣定氣定則神聚神聚則心斂心斂則志正志正則德進德進則材成材成則可以備上用今觀王制學記諸篇及雅詩所載文王作人之化何其盛也噫至於今異矣彼夫生而俊秀者其能自奮而有所成就且百無一也況如予者耶年踰壯矣逡巡怠忽遂至於斯可悲也夫不知而不學可也知而不學其可乎繼今以後或有所講誦焉或有所誤述焉或有所咨訪焉

期無廢日廢則書之於籍併書所為以驗其善惡邪正焉雖未能以先王之學為學庶幾其有所警歟康熙丁亥仲春王時翔謹書

古香堂文讌詩小序

予山居數歲既携家旋里猶為郡客與故鄉朋好落落然如晨星之不多見也丁亥春適歸自郡題書告故人曰渙求萃萃求益其在斯時乎遂邀同志集予古香堂攻瑕賞瑜期以古朋友交勉之義既極樂各賦詩一章因時觸物即物徵理命題至纖取義或宏斯亦聖教游藝之意也夫磁石引鍼琥珀拾芥物類相感人亦宜然廣同志之求增麗澤之美是在續斯集者而予為之倡

小山文集卷一

主

漫識數語於篇端嗚呼始以此其終也何如哉三月十日王時翔書

顧雙粟時文序

制舉之文以正勝者貴於精醇以奇勝者貴於雄快吾友顧君雙粟與長公玉倬櫛櫛文壇二十年矣玉倬以雄快之文獲解於鄉游京師久王侯公卿竝目以國士而雙粟抱其精醇之作屈首諸生故名猶出長公下而余與二君交最深鄉黨之論未敢有所軒輊也庚子春雙粟以玉倬之招亦將北轅瀕行眎以全稿余受而卒業焉見夫章法蟬聯如蛛絲馬跡理解融徹如冰消的破撰格正而樹義確誠哉可謂精醇者乎以此與雄快

之文竝陳於識者之前其獲賞音也必不後於長公矣余嘗挾敝帚入都三年無所遇而歸今方操畚耜耨種蔬於涇東之園十指如椎何能敘雙粟之文哉聊識數語以展欣慕之志云同學王時翔拜題

琴道人詩序

吾門張子竟成携玉峰琴道人詩一冊示余述道人生平甚悉又為致謬相愛重之意屬余一言以弁首簡余既知道人之為人而讀其詩則益知道人之心乃作而嘆曰道人者今之不得志於時而有托而逃焉者也豈真以神仙為可學而溺於龍虎鉛汞之術哉又況甘以琴自名者哉夫道人素通六籍長於講貫其於孔孟程

小山文集卷一

主

朱之學若數一二而分黑白無不洞然於中而乃易其服為道人又貶其技而約之於琴豈其得已而然耶抑道人有甚不得已於中者而逃於此耶吾詳覽其詩意雖若將超世絕俗離塵垢而躡清虛而抑塞磊落之氣補天浴日之懷時時流露於不及覺嗟乎不知道人者以道人有逍遙之至樂而余獨知道人之心有至悲者焉道人聞余言當謬其說曰此非知我者然余知道人之必心許之且將援琴以寫其湮鬱也

莫荊琰詞序

詞者古樂府之遺也而古樂府又本諸三百篇其子夜歌白紵辭之屬近於鄭衛之風者不及十之一焉詞自

晚唐溫韋主於柔婉五季之末李後主以哀豔之辭倡於上而下皆靡然從之入宋號為極盛然歐陽秦黃諸君子且不免相沿襲周柳之徒無論已獨蘇長公能盤硬語與時異趨而復失之楠南渡後得辛稼軒寄深情於豪宕之中其所製往往蒼涼悲壯在古樂府當與魏武埒斯可語於詩之變雅矣迨姜白石出而後蘊藉深遠前人之作幾可盡廢吾友莫子荆琰學古而多能者也別二十年矣丁未春相見於楓江之上出其詞稿相示讀未終闕如逢古惟曰此吾稼軒也既卒業題數語歸之倘有謂詞必以雕鏤豔冶為工是古樂府惟當存子夜白紵之辭而鄭衛之音可以蔽全詩也

小山文集卷一

西

姚行表時文序

余乙未游都下投行表於西江張太史我邨并問交焉我邨曰桐城姚君行表文行竝美可友也余心識之時行表方佐文幕於山右越明年丙申余讀書蕭寺一日有客岸然枉過曰我姚行表也亦以我邨言知余兩人執手相慰勞如舊相識已而與胡子襲參沈子芝光子大姜子賦山暨家愚千七人者談藝訂交過從甚密未幾襲參愚千賦山雋矣又未幾芝光子大雋矣獨行表與余偃蹇如故自是行表或客京師或仍游山右而余出國門歷佐閩豫文幕而返與行表不相聞者六七年癸卯余復至都見行表於逆旅中兩人顏貌衰悴各嗟

嘆且相與悼我邨之亡而流涕焉然行表出其文讀之益高古蓋行表之為人直方峻潔而其文專取神理遺其渣滓每構一題必洞筋擢髓他人所有膚浮之辭不屑下一字宜世之知之者寡矣應癸卯試又斥至甲辰而行表始雋余賃柴車一輛襟被南下寒燈土炕回憶故交皆在天上意行表久屈當大伸獨余終老滄江為漁樵侶淒惻久之不謂行表旋斥於禮闈丁未冬就廩山一鐸虞與吾婁相去百里而近時時欲牽舟過之又忽忽中止戊申冬與行表相遇於鹿城旅舍見其文稿一編在几上將付雕刻以課廩之諸生家檢討金壇漢階已序之矣索余一言繼其後漢階之言曰文之易者

小山文集卷一

書

遇恒易文之難者遇恒難可謂知言余序行表之文何以易之哉夫以行表之文而難遇若此雖漢階亦然故其言信而有徵然如余之終不遇者又奚敢以文之難自解而昔者我邨之兼取之固不知其何說也同學弟王時翔

棲霞文集序

初禪子與棲霞道人相遇於楓江之上初禪子曰吾舍吾之道而謀於子曰道有同乎道人顧而嘻曰道有不同乎初禪子曰有昔吾孔子以一貫為道老氏則以全真為道佛氏則以真空為道道不一也烏乎同道人曰庸詎知所謂不同者之非同耶庸詎知所謂同者之非

不同耶夫一尺之水或生濤瀾而江湖千里其平若鑑風不風異也水豈有異哉是故函關雪嶺之與杏壇其道一而已矣初禪子懷然而興曰敢問何說也道人曰南華有云視其異者肝胆楚越也視其同者萬物皆一也而又烏乎同而又烏乎不同雖然吾以同者語子則子以爲不同矣子以不同者語我則吾以爲同矣然則子將從我之同乎抑吾將從子之不同乎同不同之見去而後道可幾也則莫如忘言越宿而道人出其著書以示初禪子其致一晰疑論云以澄心寡欲爲體以循理慎言爲用以孝悌忠信爲行初禪子讀竟戰然而笑曰然則子之道與吾同也烏乎異蓋自是道人與初

小山文集

七

禪子靜對三日而別

秋影軒詞序

昔宋玉作高唐神女及登徒三賦梁昭明敘次文選退之卷末樂命之曰情李氏注云情者外染也於是最末故居於癸嘻此正所謂強作解事者也余嘗讀三賦而知王之善於諷諭矣其賦高唐云思萬方憂國害開賢聖輔不逮其賦神女云懷貞亮之潔清兮卒與我乎相難又云順薄怒以自持兮曾不可乎犯干至登徒賦則云日欲其顏心顧其義揚詩守禮終不過差以此諷王與國風之發乎情止乎禮義何異而蕭李抑之是猶譏靖節閒情爲白璧微瑕之故智耳寧足與揚風扞雅而

不悖乎孔氏言詩之教與吾門徐子迥懷年少雋才不隨時尚而慕乎古尤愛填詞余覽其秋影全編半皆風情之作微辭婉約托興遙深矜嚴自持標格清貴少陵云搖落深知宋玉悲風流儒雅亦吾師徐子能以宋玉爲師則其於風流儒雅也不愧矣

別花人語序

康熙壬寅夏吾猶子穎山出所製詩餘一帙曰別花人語是正於余既爲點定謂之曰南宋詞人號極盛然以吳夢窗之奇麗而不免於晦以周草窗之澹逸而或近於平此則兼二窗之美而無其病何乃超詣若是已又自觀其所作則弗如遠甚因思吾妻自前朝泰陵時建

小山文集

七

治藝苑所推張滄洲以下至於今弗絕顧皆以詩古文鳴獨詩餘則雖余洲兄弟及吳祭酒偶一爲之而恒以才大而掩未爲擅場近家漢舒香雪詞逸塵而奔幾欲駕兩宋諸名家而出其上珠光劍氣雖未耀於世二三同學咸知寶愛而藏弄之而吾家之工於詩餘者疊蹻而起穎山之作其工乃遂至是得不以香雪爲河源乎然則就詩餘而言吾妻建治三百年始得一香雪學之久而弗能至者如余是也及穎山始克嗣響以幾於二窗之間蓋茲編之難得如此今時耳食之夫軒古輕今當有河漢余言者而目治之士誠平心而審觀之知非苟爲阿好也穎山年未壯治詩古文亦已成家而好學

弗倦所以追趨古人者於二窗爲尤末矣其可量也哉
涇東叔時翔題

毛襄山侍御詩集序

乾隆丙辰歲余再被徵來京師需次多暇數過故人襄山侍御寓齋襄山每爲余損俸錢沽酒款曲道舊恒及平時與同里數君子往來酬唱之樂則惓然永夕不知其久也遂出其手定所爲詩一編屬題簡末余讀而論之曰吾吳人之工詩者誠多然濡染沿習略有二種或好爲蒼健貌類杜韓則過老而失之獷或趨便競捷跳而之誠齋石湖之間又薄弱而鮮味襄山獨能躍乎二者之外蓋尊甫松園暨其從兄鶴汀兩先生皆以詩名

小山文稿卷

文

而舅氏家太守冰菴素爲藝林職志襄山胚胎家學尤酷似渭陽今覽其全璧自弱冠搢觚薄遊兩湖以至北歷燕秦南經庾嶺咸得江山雲物之助大都辭必芳潤意極縹緲律諧韻遠嫣然而香蘭笑鏘然而玉佩鳴引之不能窮其端倪之不能盡其致方以近代詩人雖何信陽徐昌穀無以過也以是復於襄山竊意能讀襄山之詩者當不以余言爲少矣同學弟王時翔

綠蔭齋詩鈔序

渤海高曉峰鑒昔在京師從余學詩舊弟子也別去二十有二年戊午春正月余以蒲郡司馬權刺沁州事甫竣出就寓舍忽從數千里外得其書致辭殊鄭重且寄

所爲綠蔭齋詩鈔一帙乞點定題簡首蓋曉峰方宦楚刺武昌之興國矣曉峰爲粵東方伯公文孫貴介而好學自少稱詩憶昔乙未丙申間余客家相國邸第每十日曉峰遣蒼頭牽馬邀余往講說少陵詩數十篇學爲五言小律有雋朗之致後各游宦四方久不相聞今曉峰鼓銳勵精樹佳政稱賢牧乃能出餘力游神風雅拔幟藝林斯可畏也已徧觀衆體悉多合格五律超詣蒼健似少陵余尤愛其煙雨樓七言一絕其辭云高檻踈檣暮景收桃花浪暖柳枝柔短航一繫南湖上春雨春烟正滿樓時余量移成都舍猝治裝就蜀道畧疏其槩以復曉峰當必哂余舊學之荒而信古人青藍水水之喻爲不誣矣端午前一日婁東友弟王時翔書

小山文稿卷

文

鄭有章詩文小序

曩余令閩之西甌校甌庠之士而得鄭子有章之文拔冠其曹疑以爲宿儒也及見而年未逾冠悚然異之明年余量移漳州司馬瀕行邑人彙梓所贈詩一帙而有章別題四詩於便面獨韻遠而味長余又以爲甌人之詩莫有章若也越七載余爲成都守有章適覲其父石幢於新繁余喜其來蜀而惜其尚困諸生間急欲索觀近藝以探其所造之淺深有章乃手錄所製詩古文辭及制舉業數百篇請余評之余乘鐃篆得少暇一一取而徧覽焉乃知有章之詩若文皆已進乎作者之堂與

可出而友天下士矣寧僅固於甌之一邑乎哉西江周
力堂先生今之哲匠也視學七閩許有章爲國士遂欲
舉充鴻博之選而有章退然不自足上書固辭而獲免
然則有章之志又寧僅欲爲一世之小乎哉有章過余
而請益余告之曰正而葩者風人之詩也麗以則者君
子之文也子之詩文近是余何能以益子余惟日翹翹
焉望子之以其學鳴焉已爾乾隆五年二月二十有四
日婁東同學友人王時翔題于成都郡署

小山文稿卷二

手

小山文稿卷二

男景



小山文稿卷三

畫空詞引

太倉王時翔抱翼



余自甲辰都門旋里閉關息交獨處一閣三閱月不見
一客忽吾家羣從及里中英彥十餘人共相載酒過草
堂而問字焉私心竊喜雖屢擯於有司而微聲猶在宗
黨間吾徒足樂也是日吾友沈太史敬亭來與斯會劇
談痛飲極歡而罷三年以來諸子時相過從共淬礪爲
古今之學制舉業外其以詩古文辭擅聲譽者亦不下
數人歲丁未余薄游楓江金壇曹太史次辰爲余介紹
得交於程君尊一其令嗣自山與二方子駿功定之及

小山文稿卷三

一

故人莫荆言之子惟寅竝游吾門而北平少宰方僑居
爲寓公亦命公子挹辛受業焉余故客郡而駿功自山
定之雅好花間草堂之作請以正課餘功學之余旣不
能固拒共仿南唐小令百餘闕爲日餘游藝初集夏五
携歸出示草堂諸子吾門素多工於倚聲者亦請余倡
其端余雖赴郡當遙領其局作洛鐘之應瀕行填山花
子一闕和余者僅五人七月歸則見所製成帙又益以
兩人蓋吾門鮮不知詩而於詞有未盡能者或能矣而
散處不及與故數止此然余觀諸作擬諸高華托興深
遠上攀屈宋下指義山非僅如周柳秦黃之徒漫無寄
意作雕蟲小技已也嗚呼歌詠之體不一而要皆宜其

心之所欲言在上之作可以觀政在下之作可以觀風
鳥鳴春而蟲鳴秋蓋有莫知其所以然者余爲點閱一
過并取余題日餘游藝集中畫空之語命之曰畫空詞
是時敬亭方奉

特簡將治劇郡於七閩乘便還鄉余示以日餘游藝二
集五言小詩敬亭雖甚愛而人事錯雜卒卒不暇終卷
憶敬亭爲諸生及詞林家居每作一詩非經余點定則
不敢自信必至三易稿而成今乃紛冗迫促斷其夙好
而余以窮老無用之身得與兩地英賢揚風抗雅謝聲
華於馳逐之場彈古調於寬閑之野未嘗不自慶斯遭
也茲用牽連書之如此涇東散人王時翔

小山文集卷五

二

日餘游藝初集題辭

初禪之者倦游歸老逃於輪珠貝葉間丁未客楓江與
河南氏駿功定之安定氏自山同硯席三子皆極攻苦
宵晝弗輟兩家長者患其過勤也諷止夜坐而三子意
殊不愜欲以日之餘稍事吟咏遂請學詞於初禪初禪
平生多犯綺語戒方思靜讖弗之許三子固請初禪爲
誦蘇長公新詩綺語亦安用相與變滅隨春風之句三
子設難曰旣隨變滅又安事讖初禪無以答也乃於清
和浴佛日始共填小令一闕是後每夕然燈時正課畢
輒選調拈韻任其韻之所觸而畫空焉旣成或復互用
所分韻積二十餘日至月杪凡得詞一百一十有九闕

題曰日餘游藝集三子於詞雖初學多有名句出初禪
上大抵駿功詞如暄風拂柳麗日明花對之殊令人歡
又如玉光溫潤足供摩挲自山詞如天半飛鴻意致縹
緲又如琵琶訴怨悽心傷骨定之詞如高荷滴露疎朗
清圓又如仙子步虛不可窺其踪影而初禪以纏綿婉
約之音寄其抑塞磊落之意亦復自有微長雖然敏手
淫聲大雅弗尚三子終當與初禪共懺也

日餘游藝二集題辭

丁未清和旣狗駿功自山定之之請以正課餘功共仿
南唐小令百餘闕爲日餘游藝初集自五月望後仍以
餘功每夕拈韻爲五言小詩而主人程逸園先生素以

小山文集卷五

三

詩名遂相與提唱於蕉軒梧閣之間或星月皎然閒庭
叉手或風雨如晦啣晤一燈主賓師友相得之歡於斯
極矣自文期或他故不作外積十有八日得詩一百四
首附小令八闕題曰日餘游藝二集七月朔日涇東居
士王時翔書

日餘游藝三集題辭

丁未初夏與駿功自山定之共仿南唐小令一百十九
闕爲日餘游藝初集自五月至六月二十四日復與三
子共作五言絕句一百四首及小令八闕爲二集而自
山之尊甫逸園先生與焉七月後自山定之院試日近
報詩九月初試畢自山得而定之夫而余又嘗東歸草

堂人事參差詩久不作至十月上浣始與三子復聚一堂遂作七言絕句至十二月十日共得一百四十二首方外友棲霞道人附載二首實一百四十首也題曰日餘游藝三集而余爲之各疏其所得焉蓋詩以言志凡所作詩往往類其爲人駿功爲人和平謙謹周詳慎密故其詩春容大雅多惟怡愉悅之音無棘張叫號之習自山爲人高視遠矚若欲凌跨一切故其詩超忽縹緲多離奇之思不屑爲蹈常襲故之語定之年尤少其爲人精銳無前如長沙生不受摧折故其詩於豪俊中時露感憤不平之氣亦復纏綿惻惻得騷人之致若余衰老無成心枯氣盡一矢口皆嘆老嗟卑之言如駑駘負

小山文稿卷五

四

病伏櫪長嘶何能追逐三子於危梯峻阪之間哉歲云暮矣將賦曰歸援筆書之以識歲月并寄棲霞道人終望金丹換骨其或有以廣我也已涇東王時翔題

程自山試卷題辭

丙午秋余由金壇曹太史次辰得交於豫章程先生暨令嗣尊一明年延余賓館命其孫自山執經焉自山年十九矣先是豫章先生喬梓以公事被誣出就質對自山年十七侍祖父於流離患難間服勞執隸事以孝聞然時時挾書卷自隨弗敢廢棄久之當事者以罪獲大譴以去程氏寃稍白而自山乃始從余游自山風裁秀整天姿超卓雅擅風慧而嗜學弗倦幼入紫陽書院爲

敬齋朱先生高第弟子常以大器目之而北平少宰黃公及家檢討秋涯一見輒相咨賞許爲國寶余謬居攻玉之任觀其晨夕勤苦虛懷善學亦嘗謂爲程氏鳳麟也然自山所作制舉之文往往矜尚風格高自位置不屑俯就時趨余心賞其意而慮難售每抑之使少貶焉九月赴鹿城院試篝燈旅舍日課一藝自山乃始甚畫近時行卷數通既試出其文首義與麗而次古淡余決其必售已而果受知於宗匠以第五拔置郡庠爲博士弟子員見其文者莫不驚其弘博而歎爲出羣之雄自山獨心弗愜以首義稍事繁富非古大家清真樸老之境也自山之於文所尚如此則其人可知矣又自山於

小山文稿卷五

五

夏秋間嘗學爲南唐小令及五言詩甫脫稿即傳播藝林吾友荆溪謝皆人標舉納涼作中月遲風未至相照有華星之句爲千古絕調其爲名流所稱許如此而自山弗第欲以文辭見嘗自道其志謂先世以理學忠孝相傳必思所以繼其緒庶或無忝蓋自山爲宋儒文簡公裔孫高王父中翰公殉節南都忠著於國曾王父孝懿先生哭母失明孝著於家王父豫章先生爲善鄉里望重寶筵而尊一同學年始強仕方積學勵行以啓後昆嗟乎自山爲程氏子孫不亦難哉然余知自山之必有以振其家聲而益昌大之也故於梓其試卷而題其端以爲質劑云婁東友人王時翔書

書新城先生選古詩後

漢陽朱彥珍英才嗜古今年春從予問字予退然未敢當也俄以試事侍其叔敬齋太史之京師與諸名流上下其議論切劇詩學獲聞德州田侍郎緒言已而入聞得乙科邑邑不稱意歎段南歸數過予論詩一日携新城先生所選五七言古詩乞予點定聊綴鄙言與新城所撰凡例相參攷焉五古十九首上繼國風鍾仲偉以爲驚心動魄一字千金陸士衡擬之尚失故步何論其次蘇李贈答紆曲悽惋亦宗國風兼擅騷體然予卿沈雄少卿俊朗微分轍跡古樂府數篇詞調俱絕李于鱗輩影響盜竊豈免點金成鐵之譏建安中曹氏父子號

小山文稿卷三

六

爲極盛惟子桓差弱孟德四言尤高其五古苦寒行一篇最佳至子建則骨力聲調上掩父兄仲宣七哀差堪羽翼應劉餘子瞻乎後矣阮嗣宗咏懷諸作篇帙雖繁邊幅似窘嗣後正音衰微迨太康中興陸士衡兄弟效子建潘安仁張茂先張景陽學仲宣左太沖張季鷹法公幹太沖極爲挺拔但士衡景陽恐亦未易議議新城以爲茂先奕休二陸三張概乏風骨其信然耶劉越石郭景純雖清剛豪雋方之太沖猶難並駕東晉陶靖節高情遠韻直超建安而上之宋潛溪所云陶公亮砥不綴鹽醯而至味自存者洵爲古今隱逸之宗何仲默妄謂詩溺於陶蚬蟬撼大樹眞使人笑來也宋謝康樂素

爲稱首然予尤愛鮑明遠世稱鮑謝亦曰陶謝予獨疑康樂詩體彫飾不應與陶鮑並舉齊梁以降格律漸卑謝元暉獨能振之江沈陰何徐庾諸賢互有得失昔人以爲休文拘於聲韻文通過於某擬子堅涉於淺易仲言流於瑣碎孝穆子山近於頽靡然其佳處自在韓退之薦士詩云齊梁及陳隋聚作等蟬噪噀其甚矣隋煬白馬長城二篇氣骨欲追魏武持此才致何難作空梁落燕泥語幾令人歎枉殺薛道衡也唐初人多尊徐庾陳伯玉力矯之曲江太白繼起大雅復作新城以爲感遇古風諸篇可追嗣宗述懷景陽雜詩予謂太白較豪韋柳二家斟酌於陶謝之間中晚以後所僅有者七古

小山文稿卷三

七

自漢以前無論已魏文帝燕歌行陳孔璋飲馬長城窟行二篇音節諧暢可歌六朝如鮑明遠行路難真千古絕調也初唐李嶠宋之問張說王翰四篇間有傑句盛唐王李高岑四家筆力遒勁右丞略萎弱嘉州尤能以篇法出奇至李翰林杜工部之超前軼後人無異言然苟非善學則學李易越矩矱學杜易入粗豪韓昌黎以古文雄視百代詩特其緒餘然其七言高處直可追逐李杜昔人謂杜可無文韓可無詩豈通論乎宋歐陽永叔之文紆徐委婉如人意所欲出其詩亦然然較之杜韓則稍薄矣王介甫學杜有枯硬處未能淋漓盡致蘇子瞻豪放如太白排界如退之寢食於諸大家而能出

之以變化為有宋一代詩人之冠何疑焉汪伯玉劉子威輩蚩蚩謗傷於公何損黃魯直好創新格筆力亦高然較之子瞻相去尚遠要當與永叔介甫及鼂張輩相伯仲而已鼂无咎惟贈戴嗣良歌一篇上攀東坡餘皆可削如唐李義山獨登韓碑一篇可也南渡後陸務觀雖為大家稍近甜俗似入選過多金元二代遺山道園良為卓犖品格在南渡諸家上所附劉靜修數篇甚佳優於無黨吳立夫淵穎集極華瞻然詩家之有淵穎猶詞家之有夢窗也張叔夏謂夢窗詞如七寶樓臺眩人眼目沈伯時謂夢窗用事下語太晦處人不易知合兩家之評觀之則夢窗之詞可知淵穎之詩亦可知矣凡

小山文集卷三

八

吾所言皆彥珩所曉彥珩以新城為之主參以德州取是編熟復而深思之吾能測彥珩之所至哉戊子嘉平月太倉王時翔書

再書新城先生選古詩後

是書予凡三閱癸未秋為柘源方礎臣點次一過戊子冬所點次則為漢陽朱彥珩今年夏以猶子為之請復為點次之第一過用意最疎淺第二過則加詳焉作書後一篇今則又加詳焉與第二過大略多同間有不同者五言如阮嗣宗謝康樂七言如黃魯直於前論有未安不得不更申其說蓋昔嘗以嗣宗為窮於邊幅以康樂為過於雕飾以魯直為遠遜東坡是三言者皆非也

嗣宗處當塗典午之交世路迫窄內蘊神明而外托猖狂其咏懷也往往作為次門松喬呼喻養生之語誠欲避嶮難保身命爾其所處難故其所欲言者若咽焉而不敢以盡出顧議其邊幅之窘可乎且六代豈真無人乃才如江沈亦皆故為艱深繁縟之辭以閱其意旨之所存豈非世為之與故觀於詩不能直吐其胸臆者必亂世之詩無疑也謝公以冠古之才刻劃山水今讀其江中孤嶼石壁石門彭蠡河華子岡諸作鍊意鍊詞雄深超卓無可匹儷而疑其雕飾太過是猶未可以議顏光祿者乃舉以撼謝公何與良由是時予方讀書赤松山中泊然恬然無所競於世日手靖節一編不置謝詩

小山文集卷三

九

凌厲光怪之氣若不可迫視遂因而厭苦之然後知讀書好尚隨人所處而移詩如謝公猶有予向者之惑則凡有作者之不能必後世之好之也明矣山谷詩脫胎於杜而樹格又變東坡以逸勝山谷以勁勝蘇黃相去僅在伯仲間殆皆高出鼂張之上吾友荆溪儲記雲向嘗與予爭之今細讀黃作信然夫十年之間三閱是書而意見亦三變今此其遂謂定論與於噉讀書固如是其難也抑寧獨是書為然乎昔予十五六時愛倚聲為填詞手抄南唐兩宋金源之詞數帙於諸名家中最不喜屯田樂府獨此一節則至今守而未變其餘澄汰之不清去取之失宜者甚眾棄之塵笥偶一覽輒啞然失

笑甫冠學詩手抄騷選古詩紀唐宋以迄昭代篇什尤多得二十冊今觀之亦繁然無當專集如李杜韓白蘇皆手抄謫仙首之次少陵次東坡次昌黎香山最後大約尤先則尤不當意山居時讀馬遷班范之書頗用意作三史據言二十萬言藏於篋已十年不取觀陸士衡所謂覆瓿物耳逾壯以來注意經疏已丑抄葩經是年冬以先夫人之喪輟筆抄三禮繼以孝經喪終竟毛鄭之學繼以爾雅方事周易未果也年近四十目力漸短畏觀細字又省試輒落懷憂負病時廢書清坐忽悟所抄諸經義疏皆獵其浮華非窮經實際古人以經術濟世寧謂是與是五六年之功又皆虛矣於噉讀書固

小山文集卷五

十

如是其難也吾猶子萬甫逾成童作帖括有超軼奔放之勢予語以文章源流與波瀾意度之所以然輒能領悟一試即寥片菲今春作詩百篇皆秀異可喜吾家讀書種子賴以不絕因為評次古詩而追惟舊學之多失俾知無足為法適足為戒云爾癸巳六月八日時翔書

書精華錄後

阮亭先生精華錄十卷其門人盛侍御符升曹司成禾所訂而林進士佶所手書也古體合五七言得四卷今體六卷凡十有餘篇先生之詩海內奉為金科者數十年矣顧人人知其美而未必知其所以美耳食之徒謂先生為詩一稟於唐人之尺度不知先生視其體之所

宜而施之非以唐人為限者也譬之治饌者然舉物之乾者濡者蠶者蕤者肥且瘠者產於山者海者陸者江瑤石華之異蔥蒜醬齊之末莫不咸備然後取而調和之故不必珍錯之物始為美也烹菽茹蔬而未嘗不可以適口何則誠各得其宜也使專取一物而朝於是夕於是雖美亦將厭而棄之矣是故先生博觀古今自漢魏六朝唐宋元明之作兼收而竝採之或今或古視其體與題之所宜而施之令讀者如觀造化之肖形不可端倪倪嗚呼至矣予嘗分而別其異又嘗合而統其同大抵五古樂府則陳王也短篇則孟章也蜀粵歷覽諸作則少陵也七古白紵辭則齊梁也餘則學少陵而登層

小山文集卷五

十一

山劍南之堂者也五律在初盛唐之間七律以少陵為骨而加修飾焉蓋又參之以中晚諸家者也五絕則皆盛唐七絕高者可追龍標供奉而時時闖入於宋元明者也此其所異也要其華而不縛典而不陳樸而不俚騷雅之致淪浹肌膚蘊藉深而托興遠此其所同也學者能於同而別其異於異而會其同始可與讀先生之詩矣間嘗妄論作詩之體五言非唐以前不可七言雖唐以後可也勝國李何王李諸公各擅魁奇與博之才特以持論少偏所為詩文未免以矜氣出之虞山譏評之語即或太甚而後之人亦未敢以虞山之言為謬今觀先生論詩絕句云耳食紛紛說開寶幾人眼見宋元

詩則固非僅守唐人之尺度可知而先生全詩具在尤可取而証明其說也吾宗懷一持是編囑予點閱遂爲論其槩如此懷一深於詩者以予言爲不然其必有以告予哉癸巳季冬朔太倉後學王時翔書

書歐陽公議濮安懿王典禮劄子後

堯舜禹皆軒轅之後舜禹之受禪猶後世以旁支入繼大統也有虞氏郊禘而宗舜則固爲堯後矣未聞舜不以瞽瞍爲父也至夏后氏則并郊禘焉未聞有非之者也且君子不以天下易其親若以天下之故至沒其父母之名孝子豈忍爲之哉濮議斷以歐陽公爲是王馬呂范諸賢固執偏見即程子皇伯父之稱恐亦未允蓋

小山文集卷五

主

伯父叔父伯叔之常稱也與稱皇伯何異正名者孔子所重父也而稱之以伯父又得謂之正名乎胡新安謂歐陽修倡議以誤韓琦韓琦主議以誤天子何其重爲詆也許浩引喪服大記爲人後者爲其父母服降三年爲期語以爲不直謂之父母而謂之其父母其之者外之也嗚呼天下有無父母之人哉而外之乎且既謂之其父母是仍不沒父母之名也而果外之乎余故以爲後世之以藩封入繼如英宗者旣以身承太宗爲人後者固以爲之子矣而於其所生父則稱親如漢宣故事置園主廟於本國使本國子孫世守之庶幾於禮爲順於心可安足爲萬世法若去國號立廟京師誠不免兩

統二父之議也已

跋楊忠愍公年譜

椒山楊忠愍公少邁家難長益貧困連蹇流離中力學攻苦卒成名儒已而排擊巨奸危身奉上精忠冠於古今凡所行事詳在公獄中自著年譜余嘗整襟讀之凜凜然如與公相對及觀被逮杖困於獄吏時事至今二百年猶爲之撫卷歎息也夫諫阻馬市劾分宜相五奸十罪疏公之大節光於日月人所共見而吾更有以知公之深公微時讀書邑寺僧房僧患疫同舍生皆去公曰吾去僧且夕死矣平日與交病而棄之何忍相染而死亦命也遂爲執爨事求醫藥僧愈而公竟無恙公

小山文集卷五

主

之由郎官貶狄道典史也邑令嚴重公不敢煩以事公請於令曰素位者君子之常吾典史也豈有日食祿而不事事者耶由是委公以事一年興利除害莫不具舉夫公不忍負一方外之交況君父乎不敢不盡職於貶謫之小吏況已置身朝廷乎益必以此觀公而後知公之盡忠投命乃安於義分而非激烈要名也此豈不學而能然與則凡天之困公於少時者其諸天之所以成公者與後學王時翔謹書

跋曹杲亭滄雲溪莊稿

陳子秋曰論杲亭之詩引考工記築人爲削欲新而無窮之語以爲出後之方誠可謂工於立言矣雖然趨新

則必遺舊使夏鼎商盤陳於前而不省入一闕之市而脆薄不與之器乃玩焉弗釋可乎夫文章亦貴乎有神而已無新舊一也梓人爲筍簋欲肖獸之形而得其神凡攫網援簋之類必深其爪出其目作其鱗之而深其爪出其目作其鱗之而其匪色必似鳴矣爪不深目不出鱗之而不作其匪色必似不鳴矣余愛皋亭之詩之能新而不止於新亦引考工記以補陳子之論之所未備知言者必不以余之言爲異於陳子也同學弟王時翔

跋鶴汀詞

吾鄉毛先生鶴汀以詩名世三十年矣商工宋公讀其

小山詞稿卷

五

集而慕之幾疑以爲非今之人蓋先生所作詩雄渾精密直與少陵昌黎爭衡故也庫寅辛卯間偶降格爲詞輒擅南宋諸家之勝余嘗贈詩云鶴汀古歌追杜韓又云忽收波瀾入詞卷新豔儼如王碧山謂此也時余與顧孝廉玉停追隨先生倚聲分調先生之作出玉停猶或以奇兵自固而余曳戈遁矣後余與玉停皆遠游而先生杜門家居購唐宋以來諸名家樂府徧覽而精收之薈萃蘊釀久而後發故所製彌工篇篇清綺字字婉約挹其神致大都蘊蘊花外玉田之間而音調諧暢出之自然又能得屯田清真之精而遺其蕋魄必傳於後無疑也已亥秋予倦游歸里先生手定一編曰臥茨

樂府將付開雕屬余一言以濟其端今玉停方以樂律受知索筆禁近取青婉白既有所不暇爲余牢愁抑塞韻情衰減不復能唱渭城獨讓先生於詩集流布之後繼以詞名於世用是三復先生之詞而益不禁慨慕也同學王時翔拜題於涇東書屋

程尊一憶梅詩跋

憶梅詩者程子尊一之所作也程氏家世忠孝而尊一潔清自愛敦風義重然諾工詩文素爲三吳知名之士甲辰乙巳間偶以雀鼠被誣主其柄者以宿嫌致憾欲甘心焉尊一侍父介菴先生出入對簿幾及三載禍且不測然捫心無愧嘯歌自若舊有山園在蟠螭石壁之

小山詞稿卷

五

下地皆梅林不下萬樹尊一平時延賓置酒吟賞處也於是不得往者三度花辰矣未能釋然於懷適吾友竟陵唐太史客吳賦探梅三十律尊一見之一夕盡和其韻易其題曰憶梅雕章琢句逸興橫飛格調之高與是花之寒香疎影相埒而今昔之感不無振觸亦復時爲變聲淒清激越怨而不怒可謂深於風雅者矣丁未春出以示余向之以勢焰相灼者時已獲重戾而程氏之冤大白尊一念是詩爲患難中寫心之作不忘堂臯梓以問世而屬余題其後焉

小山詞自跋

詞莫盛於宋而宋分南北二種向來填詞家多以北宋

為宗迨朱檢討竹垞先生獨謂南宋始稱極盛誠屬翬
見然篤而論之細麗密切無如南宋而格高韻遠以少
勝多北宋諸公往往高拔南宋之上予年十五愛歐文
忠晏小山秦淮海之作摹其豔製得二百餘闕比冠學
詩恐筆弱遂止不為年來里中舉詩社與毛博士鶴汀
顧孝廉玉停倡言以詞叅之二君皆仿南宋予亦強效
之弗能至也合前後共凡四卷姑付開雕以質世之工
於倚聲者癸巳季秋王時翔自題

跋松叔登華記

欲探勝者必歷險華山之勝華山之險成之惟勇可以
攬勝惟懼可以出險吾家松叔登華山作記有云人以

小山文稿卷三

六

入險為懼余以出險為懼又云非勇無以入非懼無以
出有味哉松叔令閱值歲稔民飢穀價湧貴松叔曰官
倉貯穀以為民也待請而後發吾父老子弟轉溝壑矣
遂開糴而徐以文申閱日而市價減半民賴以甦俄以
憂去任穀之未買補者九千餘石後今齟齬之瀕於殆
幸上官悉其愛民之誠任事之勇而代為畫松叔乃得
憑高寫憂而危懼之心未敢一日忘故為之記以微寓
其意此亦勞者之歌耳覽斯文者可等諸尋常登眺嬉
遊之作哉

跋吉坦如詩稿

永樂吉秀才坦如蒲中詩人也示余所著全稿余受而

覽之惟五七古合格者鮮近體五律如一河千里曲三
省兩涯分欲住難為住思歸未可歸七律如嶽含翠
連雷首河帶洪濤下禹門一山劈破分條華兩地衝開
列晉秦此日又傾他席酒何時得見故園花皆雅健可
嗣唐音而七言絕句工者尤多如春游嘉禾寺云細草
茸茸蕭寺間短牆風靜落花閒蒲團暫借松門下坐看
黃河臥看山春街望友云石上殘花帶笑拈珍珍碧柳
挂前簷望君不見東風起搖曳心情似酒帘謝友贈梅
云羅浮仙種隱淪家香透寒風入絳紗從此孤齋多好
夢祇緣得傍美人花題杏花云梅落鶯啼柳挂絲春光
遞入杏花枝丹柎銀萼誰裝點二月東風是畫師邨西

小山文稿卷三

七

即目云隴麥青青映晚霞一灣流水抱邨斜春風到處
多情思郭外無人落杏花音調清婉風人之遺也昔唐
人得一二佳句輒加評賞流布後人今坦如佳作如林
能不標舉之以長其聲價哉乾隆二年冬婁東王時翔
跋

小山文稿卷三

男景元校刊

小山文稿卷四

笑竹軒記

太倉王時翔抱翼著 原字
舉謨

延翠閣之西偏有軒焉僅容膝也而南而北而西三面繚垣東惟板扉雙扇以受二曜之明憑然其中苦其局岸而弗朗豁也因拓其東楹而易扉以窗兼闢窗於西得一小庭地廣數弓有瘦竹四五竿槁然蕪沒於野蒿中鋤之芟之扶而直之晚風徐至玉聲珊珊可愛予取蘇長公竹亦得風天然而笑語頗其軒曰笑竹而爲之說曰天下之可笑者莫如予也少不才無所用於世顧獨負豪氣常思丈夫當立勲萬里外留名百代後拾朱

小山文稿

一

紫如泥土耳乃生二十有五年矣而莫之知匿影空山無人之地與木石鹿豕游而絕不減曩之態也是天下之可笑者莫如予也竹能無笑予乎然而予亦有以笑斯竹矣斯竹也瘦不能任枝葉不堪爲人用而負其異於衆傑峙於野蒿中而不能屈又地僻不爲人所賞蕪沒已久卒不稍變其挺然之質是亦一予也竹而笑予予能無笑竹乎然則予與竹將相笑無已時也書之於軒以資夫覽者之一笑焉

泛舟石湖記

歲戊寅予客金昌八月十有四日適同里諸子曰亦巖氏曰右玉氏曰涵一氏曰向若氏以他事入郡來詣予

且圖遊石湖也坐定有黑雲蓬蓬然從南起雨驟作雷掀電掣簷簷下注如懸泉諸子色沮薄暮雨歇子不欲敗意竟買舟載酒出子胥江慶橫塘而來時雲氣黯黯水煙蒙蒙遠山結愁無開容予出所携東坡詞一帙置几上與諸子扣舷而歌之曰明月幾時有把酒問青天歌竟仰天狂叫雲忽崩壞金波蕩漾微水底舉首東南月來矣須臾抵石湖繫舟行春橋下連袂拾級起覽湖山之勝翠嶺百疊蒼波無際思一登楞伽而積陰復合路黑不能辨少憩山趾就舟命童子煖酒列果蔬燒燭圍坐轟飲酒半酣再起登岸絕無他遊人惟漁父五六負筇筍坐石理釣或持網將散見客復止立中最高年

小山文稿

二

者爲言山中故實媿媿殊可聽右玉呼酒與飲子爲把盞亦巖向若持餅餌啖之咸快樂譁笑罷去度時已丙夜暗風出林宿鳥驚遷木葉颯颯疎雨雜下湖波微激低浪旋起撼子舟觸岸石作窾坎聲舟人促放棹子與諸子殊戀戀旣解維猶數回首望不能已仍理餘杯至酒竭乃止右玉倦隱几涵一頭觸蓬窗便睡向若與子談藝不合張子毅機面發赭雙眸瞬光射人語啗哈不休亦巖時袒子向若不勝輒曰右玉醒當助我右玉實聞而不應也獨涵一竟酣寢鼻息軒然與爭辯之聲相和而俄達旅次東方亦旣白矣諸子謂斯遊良勝當作詩不果右玉許作記亦不果閱五載子尚羈金昌追

記之以寄右玉右玉當持示亦巖向若涵一令諸子毋忘斯遊也

游沈氏園記

赤松山之趾有沈氏園者予已卯入山後時遂娶游之地也越明年庚辰仲春復偕李君長明暨二范子游焉以爲斯游異於他日也迺爲之記園而湖背山庠豁朗朗雖無亭榭樓閣之勝而中多佳石清溪名花珍果足供幽賞是日也予與三子發興來茲軟草新鋪妍葩競拆叩啓松關登石歷水於斯少憩見隔岸海棠瓊瓏欲活如美人當風舞袖將舉遂沿曲塘迤邐至其下盤桓久之忽雷轟濤走洶洶林壑際曰此飛瀑聲也遂聲動

小山文集卷四

三

屢不知其前至則山泉噴薄潑沫濕衣湏洞軒翥人語輒亂掬飲清冷一瀦俗慮予迺橫臥石梁上以額撼空曰予枕流矣夫長明笑指巨石曰能復漱此乎已而白曰西流瀑寒沁骨不能留舍之而起旋登石臺南望太湖波平學鏡漁帆漾漾風小不行羣嵐聳翠列屏橫黛儼成畫圖予用慨然曰彼何人哉居斯園者吾儕顧安得此乎術者言吾三十當貴即驗長安軟紅塵必不久踏當急賦遂初歸結小園於山硯水濫間日與諸公觴眺嘯歌且將與摩詰輞川爭勝斯園蓋不足言矣柳子曰蘭亭也不遇右軍則清湍脩竹無沒於空山矣故曰士苟有道王宮豕牢一也嗚呼地以人重人豈以地而

重哉

西湖游記

武林爲天下名勝之區而西湖爲最勝予吳人隔衣帶水逾壯未至丁亥孟春始抵其郡值陰雨旅次湫隘不能展寸步悒悒晝眠而已越五日牽於同行者將歸思冒雨一至湖上稍酬夙懷是日天忽晴霽晨出錢塘門泛舟四望湖光山色一片空明妍秀開朗莫能狀其所以然蕩槳南行俯視湖波澄澈見底可數游魚而藻荇浮青鷗鷺點白對之矜情盡釋約行三里登岸至柳浪聞鶯處堤柳十餘株色淡黃西南角一樹尤婀娜可愛庭有樹斜倚破垣而出樹身中空以泥實之植小檜爲

小山文集卷四

四

寄生頗有致舟行復少許望雷峰塔有亭曰雷峰夕照恒爲游人所棄予意雷峰南背吳山北面湖東近清波湧金可眺萬家煙火西有南屏松竹之勝決不可棄也促舟子一繫纜果極勝觀亭始扁呼寺僧啓鑰得入亭後借危石爲牆垣旁有紅綠梅數樹花未落庭角小桂非時而花嗅之無香下雷峰轉南數百步觀南屏晚鐘亭入淨慈寺南宋五百阿羅漢堂新被火而大殿建於錢王俶弘敞壯固巋然獨存後山石甚奇高松修竹排列如屏所謂南屏者也俊鶻盤舞衆鳥喧啾幽深之趣無踰此矣出寺轉西過山居數家從桑園中行尋慧日龕誤至三花菴却行數百步乃得龕竹逕曲折滴翠欲

染衣袂內藏一池池中累石可玩俗稱賽西湖以古樹
爲橋空中作石砌龕後亦背南屏有石洞約二丈滴水
作簷雷聲遂寧張公刻詩其上又數步得一石壁壁有
八分書書家人卦年久剥落半不可辨按志乃司馬文
正公遺跡倚石少憩日亭午矣急登舟西北行經花港
觀魚處門扁不得入舟傍蘇堤北行六橋柳色未濃有
細馬蹀躞其下轉憶于忠肅公墓未暇謁爲之悵然東
北至湖心寺長橋壓波紅欄曲曲如畫登三潭印月亭
少頃放舟又東北行湖漸葑合頗減明淨慨然歎蘇子
瞻楊溫甫諸公不可復作約行三四里泊湖心亭登天
然圖畫閣遠眺絕佳旋命從者煖酒列榼飲半酣舟抵

小山文集

五

孤山循岸行至六一泉泉眼已死水濁不能鑑物居僧
猶設惠勤之位轉西度西泠橋行數百步過麴院荷風
亭固扁至岳鄂王墓拜焉日漸薄山不及至兩峰插雲
處惟見南北高峰晴皎無雲登如螺髻轉東至蘇堤
緩步歷三橋有亭曰蘇堤春曉兩湖夾流諸峰環合而
堤間桃蕾綻菰柳芽舒金殘梅輕隔於斜陽中寒香不
斷疑非人間循堤而反至跨虹橋登舟舟入裏湖出孤
山背北面羣山復登深厚可鍾王氣一峰中斷相傳爲
劉誠意所鑿以絕山脉者東行約二里至林君復放鶴
亭謁林墓出登一閣閣累石爲梯殊有巧思北望葛嶺
保俶塔諸勝東望十錦塘柳色微風暮靄蕩漾迷離而

南倚孤山梅花數十樹獨盛開映以竹光璀璨的皪蒙
密靚秀使人神怡坐花下石甚久出謁四賢祠遂放棹
舟中望平湖秋月亭隱隱見其背由斷橋出橋上有亭
曰斷橋殘雪亦不及登復理殘酌滿引數杯而晚色蒼
然遂抵錢塘門矣不忍與湖山遽別低徊久之而去夫
西湖之繫予思也蓋有年矣不得至至可即游矣而遲
之以五日積雨興敗矣天假之緣當勾留於此遍尋勝
境而明日以他事將遂去乃知飛鴻雪爪亦造化者定
之況大於是者其可強求也歟同遊者汪君聖緘二江
子士林士圭葉生彥汪君旣所熟遊而二江子又從父
宦久居此得爲嚮導故茲游尤樂焉太原王時翔記

小山文集

六

愛閒堂記

愛閒先生自名其堂曰愛閒復自著愛閒老人傳論其
所以得閒而愛之者挹其高致蕭然拔俗幾與五柳東
臯埒矣王子聞而慕之嘗試與先生論閒物莫大於天
地而天有四序地有四游日行遲月行速星辰之行有
遲速而要皆不得以閒故夫人之生也或富或貴或貧
或賤不同而其不得閒一也富者操奇贏競錐刀而不
得閒貴者求榮寵患得失而不得閒貧者謀朝夕賤者
供厮役而不得閒豈惟人哉物亦有然鵲鳩搏猛獸吞
噬天將雨鵲登垤云駒得粒米則貿貿而過之草木之
無知也霜雪被之則俯焉而不舒風撓之雨抨之則動

搖而不能以自止其不得閒一也先生烏得而獨閒乎哉先生適爾而笑曰子知閒之難而未知閒之易也夫不閒者境而閒者心吾固嘗論之矣抑又有說焉凡物之在天下不愛者目視之弗能見也惟愛者得焉故閒之在天下不愛者弗能得也予惟愛閒故能得閒予惟得閒故愈知閒之可愛以予之閒處於斯堂也對佳花翫芳草淪清泉而飲之既倦而休嗒焉忘天地萬物之於何終始而富貴貧賤之事又焉足動於予懷耶王子於是憮然自失退而綴其言以為愛閒堂記癸巳仲冬下幹王時翔拜撰

東和摘篆記

小山堂摘篆

七

雍正十年冬十有二月余奉憲檄往摘政和縣篆囊余嘗宰是邑當余之去紳士吏民為余建去思之碑且尸祝焉今余調甌將二載矣復過舊治抵其城心怛怛念吾舊赤子也而紳士吏民數千人忽集縣庭余停輿顧問曰若等紛集何為也父老長跪謹對曰見舊時慈父母心竊喜不覺足之前矣余曰若等來視余固善但余有公務入內署若等勿隨且勿諱乃可眾皆歛步曰公有命不敢事畢余退就館舍父老率其子若弟羅拜涕泣謂自公之去以為不得復見公今方有疾苦幸公留此甦之余曰新令以一二事稍拂於民上憲輒具疏入奏今且去何患無賢父母吾以摘篆來不能留也眾皆

泣及余之行紳士吏民皆出郭執條香候送於迎恩橋外余顧之不禁潛焉出涕矣先是余令泉之晉江以調去瀕行晉之父老子弟奔走相送者數十里不絕咸皆嗚咽流涕余亦為之揮淚今復見之於政矣憶余蒞晉僅七閱月蒞政亦十有一月耳而二邑之民惓惓於余與余之惓惓於二邑之民者歷今不改茲余之蒞甌較久未知他日之民見余之去當何如也嗚呼斯民三代之直信而有徵吾以父母斯民之道待晉之民而晉之民所以待余者既若此吾以待晉之民者待政之民所以待余者又若此吾以待晉政二邑之民者待吾甌之民則吾甌之民之待吾者又豈獨異於晉政

小山堂摘篆

八

二邑之民耶此其故豈求之於民哉亦求之於我耳吾烏知吾之為官於此哉吾知為父母已耳故曰仁可過義不可過況親民之吏以牧養小民為職尤當以仁為先者耶獨姑息養奸則亦不可故曰刑罰當則民不怨此義以成仁之道也庶幾哉可宰百里矣能吏其次也法吏又其次也若夫貪婪苛虐其可為乎嗚呼民猶水也水則載舟水則覆舟加恩則父母施暴則寇讐可畏哉甌寧令王時翔記

作是記之明年余量移漳州司馬甌人聞余將去皇皇然若失所恃士大夫作為詩歌閭巷之民編為謠頌彙刊成帙又勒碑於治會為萬餘人用鼓吹迎置

儀門其遠鄉之後至而不獲與者日携石工鐫名於碑陰之隙既無隙則旁皇徙倚太息而去不得已或自設位而尸祝焉去之日懸綵張樂祖帳郊餞上自紳士下逮氓隸役夫雖隣邑之父老軍營之徒卒咸敬進一觴其跪奉皁韉以留去思者盈於塗車壅不得行者累日勤惓懇款之情較晉政二邑之民殆過之矣余蒞甌視二邑爲差久無佳政可書惟以此心之慈與誠與民相際而已甌人之待余者又竟如此而人猶謂民非三代之民不可以古治治乃以刻深詐僞繩束而愚其民自詡爲能者何也

癸丑秋八月又識

割股紀事

小史稿卷

九

同里顧孝子者家貧竭力事親親意之所欲無弗致也而能使親不知其貧及父病劇孝子百計救弗瘳於是涕泣籲天封臂月以進遂愈其孝感如此愚聞儒者之論謂孝當全歸割股廬墓之事乃後世好名者之所爲斯亦苛矣夫人子之身膚髮皆親有也親旦夕有不可知之痛苟可以救親之生雖以身代可也而身又不能代不得已而殘其身以奉之親甘托於愚夫愚婦以竊冀於萬一之圖此其用心至苦有并不求諒於世人者而繩之以好名將使天下之視父猶路人漠焉若不相聞者反得與於全歸之孝耶此亦抑僞之過而不權其實者也又孝子平時待諸弟極友愛推所有也分所無

也書云惟孝友於兄弟友生於孝也孝子豈以一端自蓋者哉孝子名椿字大年

祛狐紀異

狐善媚年久竊日月之精則能變人形號曰狐仙男女氣弱或與邪志狐輒蠱之辛丑春余佐中州學使蔣公校士宛丘一夕聞隔垣有吏人從夢寐中高喚若被壓者眾秉燭趨視始蘇謂狐仙升床壓之故然越宿官齋之東偏爲眾賓臥室二更許賓方會飲他所一僕入見青衣少婦端坐其中驚出時余皆未之信也五月按許昌厨下一役貌甚寢每夕有婦人來伴宿他役第聞其私語無所賄疑爲狐仙也一日是役執事階下余與諸

小史稿卷

十

同舍呼問之不敢諱曰誠有之述其衣襟狀貌甚悉細察役目睽睽上視有邪氣又若甚畏狐之來恐受害余欲張其膽詭之曰吾有符術能使弗來汝願之乎役叩首請余裂殘卷有朱篆在其上細書心經一卷而畫諾於後束以朱絲命繫髮間是夕狐竟不至越數日叩之則云薄暮然燈時婦人輒來遙望弗敢近色殊怒謂汝在此吾弗能爲汝害出署當了汝後竟亦不來瀕行余索其髮間紙焚之役悒悒恐狐復至然弗敢請也九月余在洛下監門入告云有一夫以其弟困於狐走數百里來請前符治之謂聞之許昌役某也余笑而弗與然知許昌役脫於狐患矣夫官篆頒自朝廷心經來從佛

土其能祛邪理或有然余第盡諾而已而人且以爲能祛狐者余也天下事大都類此冬夜與友人各徵狐事遂書之以紀異

異僧錄

異僧名行清字梵白不知其姓氏鄉里審其音類浙東狀貌常如四五十人究亦莫知其歲年也辛丑冬十月余客河南學使蔣公所詰旦天祁寒忽見一僧裸體擁簪掃廣庭中有童子數輩環視譁笑僧呼喧呶語極不倫衆以爲顛余獨異之與之語多有奇理然往往雜以穢言僧所携白木念珠偶遺地余拾取向僧云師捨我可乎僧連答云捨捨少頃余又向僧云還師念珠我

小山文稿卷四

士

自有念珠在僧以手指余胸懷間微笑云如是如是庭有大罌僧俛首欲倒入余云此中無去處僧躍起西向合手閉目作化去狀午膳至戲之者設一肉一蔬僧南向坐自列二器肉左蔬右舉箸云東方肉西方菜先以箸取肉余云師隨落東方僧云先有東方後有西方食竟自取水滌器輒飲其水忽云菜碗易淨肉碗難潔路人易分妻子難別余益異之請師略講經義僧將小磁盆擲地破碎大聲云來去無常此即經也余以他事入室移時復往窺之則端正莊嚴趺坐牀上不發一言余趨入復叩經義僧爲廣敷法華三乘楞嚴七處徵心及指月錄高僧授受諸公案良久無一雜語余竦立聽之

薄暮僧出廣庭大衆環集則又顛倒穢雜狂舞漫罵不復可辨其意旨之所在矣衆散余適與蔣公之長君雲六語及參學之難僧遽云不難不難余徐云踏破鐵鞋如何不難僧變色云鐵鞋可踏破乎須彌山可推倒乎鐵硯可磨穿乎止要心堅耳余恍然若有所會益知師爲異僧也又聞僧嘗參五臺遂游京師過達官貴人或布施輒與貧人其衣帽常垢敝不完弗肯易僧在京師時曾宿蔣公門左甚久今將南下歷汴相訪但云索費娶妻細叩之則欲賃驢而行也

南勝墟諸大姓紀略

小山文稿卷四

士

樓五六座參以瓦房岡阜盤互相隱蔽地方三四里其東北則義路楊姓聚族三千餘丁大土樓十餘座參以大瓦房背高山而面平疇家多豪富地方五六里其南則法華林姓聚族三千餘丁所見土樓僅四五座參以瓦房然山砧水滙多零星雜處及逕崎嶇不能徧歷地方八九里其西則河倉藍姓聚族五百餘丁土樓三四座餘處林麓間其瓦房一簇則退休之總戎居焉地方二三里自藍姓以西接界而居者則爲層山胡姓聚族二千五百餘丁大土樓八九座參以瓦房巨懸胡棧父子與其房族胡董胡萬等所居土樓占其五後背山前阻水以千丁爲防護其所倚藉以抗官拒捕者多歷年

所矣羣姓效尤皆胡棧倡之又越藍姓而附市墟建一大土樓將格鬪則藏械而聚眾焉地方五六里其北則雲寮陳姓聚族二千五百餘丁大土樓八九座略叅瓦房倚山阻水亦多平疇富庶亞於楊姓地方五六里其寧福礪頭二陳姓與雲寮為疎房而別居者也自陳姓以北接界而居者則為後市林姓與法華林為疎房聚族一千餘丁土樓無幾大半多散處山均路尤險仄有楊姓插居其內楊林二姓之數由此起地方六七里以上諸大姓皆有雜姓附居焉又自胡姓隔嶺為瀨子坑四山環之坑中所居葉姓五六百丁土棍葉楊兄弟父子巢其間蓄謀為匪時有生人相探問其族在洋頭約

小史稿卷五

五

二千餘丁去坑四五里此別約非隸南勝者然南勝諸大姓惡少子弟多為牢籠此最地方之隱憂按閩俗之悍以漳為首漳俗之悍以平和為首和俗之悍以職所彈壓之南勝五寨洋頭坂仔瑄溪山隔三坪透龍翠微黃井十約為首而十約之中又以南勝為首其地素號蠻洞界連交廣山重水複族大丁多既勇哨聚復易逃匿所構土樓或圓或方高聳雲表家有藏械堅利過於軍裝性多兇頑昧禮義而輕犯法喜則人怒則獸嗜利尚勇銖錙小嫌輒奮臂起一呼則千百為羣列械鬪殺死而不厭此其大較也諸餘所犯皆重戾乃又其次矣職蒙題請彈壓雖已逾年而新署未建向居郡署往來

巡查未嘗入處茲以楊林二姓格鬪倉猝赴救假市屋三椽姑為移駐將近匝月日乘有輿出入簞煙蠻瘴間覽其形勢察其風俗始悉其槩以愚管見謂此地去郡治一百三十里有奇去平和縣治亦如之法地遙遠蠻野之俗頑梗之風相沿日久欲為經久之圖當添設新縣建城垣置協鎮統三營將弁屯兵千人方可彈壓今兵衛單弱無重門之固職以六旬衰懦之軀率數疲役浮寄其間羣蠻洶洶有不易視之者乎方今案犯多抗匿不出或出而復奪諸匪潛為煽誘訛言疊起肆然無忌譟張為幻不知所極非芟除新刈草薙而禽獮之不足以為治即不然亦必摘其渠魁而重懲其黨猶可施

小史稿卷五

五

以教然茲事重大或激而成變則為禍首智短力微有扼腕嘆息已耳若夫潔廉貞正以自守寬宏豁達以容人勤倦化誨以坊俗遵先師忠信篤敬之訓佩武侯鞠躬盡瘁之言毀譽榮辱不以搖其心禍福死生不以奪其節所可盡者如是而已至於有濟無濟非所敢知也雍正十二年秋八月漳州府同知王時翔記

上花王書

臣江南餓隸東海釣徒年竝終軍請纆無路狂如欄衝鷄表未飛向居古婁近來吳市名耕硯田類春梁廡壯懷一激望望出門秋風颯爽吹簫過子胥之江朝露晞微振劒所專諸之墓經邁累載弱體加羸茲月以來隱

隱萌悔謂人生才不才在我遇不遇由天用歌杜門之詩謝客獨居厚自歛束不意臣方思避世乃修遭特達之知於吾王也昨者王輕萬乘之尊救遠侍從獨一葉將軍相隨顧臣於草萊之中見臣執手慰勞如布衣交便欲饗臣臣貧不辦敬進盃水王欣然飲之眷臣不已遂宿臣館夜剔油燈北窗對影臣且悉出平日所製詩文爲王讀之悲來增壯聲振簾幕王輒點首臣忽下淚結轡翫航相與達曙今鑾輿雖返恩寵寔留竊念臣生二十四年就試輒擢聞譽不彰攀援無力不知何人欺臣於王之前而王竟信之顧待臣渥洽至此臣本陋劣猥蒙王知靡所報效慚憤內熱飲食寤寐未能晏安以

小山文稿卷

五

謂臣受王特達之知王必有所責之於臣者知非徒慕友匹夫之美名已也使臣默不一言上既負王下亦負身略陳其意如左願王聽之伏惟吾王稟中和之德具龍鳳之姿貴享尊爵富有繡壤應天順時號稱極盛臣復何言然臣以爲王所當留意者有二焉臣聞儉約者昌國之基也奢泰者亡國之道也蓋一人儉約則天下皆以奢泰爲羞一人奢泰則天下皆以儉約爲恥古之聖王菲茨不翦食不兼豆誠懼之也今王設錦幔羅珍奇張樂置酒與桃貴妃李婕妤日飲內庭而宰相捫舌諫官杜口恐天下效之遂成風俗臣所願王留意者一臣又聞薰蕕不同器邪正不立故君子進則小人退

小人進則君子退王之朝所謂君子者臣不得而知之王之朝所謂小人者臣亦不得而知之然以臣觀之王之左右如蕭同父平二人者必小人也蓋自此二人之進而君子之退伏者多矣前御史大夫喬蒼副御史三龍文竝秉貞心咸持勁節今喬旣歸老南山竺亦閒居林下學士梅清翰林阮蘭水曹郎劉仙寄懷高潔撫躬若辱皆一代靈秀所鍾乃或投荒嶺或囚幽谷或放江潭天下聞之驚悸惶惑未喻厥故流涕相告謂諸君子去吾屬無望矣天下向向漸有土崩之勢臣所願王留意者二之二者而無之邪請下有司議臣妄言之罪臣亦不恨之二者而有之邪願王去奢泰反儉約以帥天

小山文稿卷

六

下黜小人用君子以謝天下則王之知臣不爲虛而臣受王特達之知亦庶幾報效萬一也顧王遠欲用臣則又非臣意也向臣之悲憤不平幾流爲豪俠不羈之徒者恨無人知耳豈慕華臚哉今王旣知臣臣雖以布衣老有餘榮矣但臣素貧一身之外別無長物二人劬勞菽水莫供臣所以摧心裂腸仰天而長嘆者也臣恃丑之知敢告以私倘王念臣乞賜太湖中洞庭二山與爲棲息俾共橘奴力耕庶得竭力以事父母暇即讀書學道卒理故業以俟成就圖報涓埃臣冒昧上言無任戰慄維王裁之

戊寅春余授徒金閨程氏之一枝樓客偶貽余牡丹

一枝戲為此文休寧項右咸見而愛之不遠千里命其子來受業歲癸丑余與項君別三十五年矣翻閱殘稿見之少作固無足錄而觸余故人之思是以欲去而仍存之自記

復西田相公書

翔再拜謹復澄觀相公閣下翔自甲辰旋里至今已逾三載跼伏草茅如螻蟻屈蟄不復知人世間更有何事惟脉脉寸心睠懷東閣見有自北而南者輒叩請公安每聞公康強無恙則以手加額為天下蒼生幸益鉅人長德為國之元氣雖不任事隱然為

聖朝柱石撐拄不少此天下之公論非翔一人之私言

小山文集卷七

七

也第恨翔窮賤衰頹不復能自奮發作西笑計負公慙慙盛意且未得再托宇下奉公顏色耳十月間紀綱南返蒙公遙示近稿兼頒長箋後於晚清處續示新篇及手諭一紙兩次長跪捧讀慙慰交并翔樸遯固陋雖嗜吟咏寔未窺作者藩籬而公以燕許手筆勤勤下問諭使加之甲乙此其所慚也公八十元老歷經國恤家艱而所著詩篇弘深肅括高渾清雄足徵精力完固千齡可卜此其所慰也翔細繹公詩雖以晚節頗殊蔗境不無北門憂心之歎而約其指歸鮮不根於忠孝讀至兩朝祇愧恩難報萬事元知死最輕二語雖翔愚頑下士不禁涕泗交頤精誠所感洵可開金石而泣鬼神矣翔

何人斯乃敢妄施評論祇以公度量淵涵虛衷若谷雖無一塵可益泰山之高亦不敢不遵來教所云稍為分別如芝光愚干之例譬猶持燭火以照日月傾蹄涔以通江河終為不自量而已矣謹奉大集轉晚清覓便繳上并題七言律二首呈誨里謗巴歌博公一笑而已翔今年授經楓江學徒皆愛吟事而故鄉羣從及草堂問字諸英彥與吳中遙相唱酬殘篇斷句亦殊不少翔於其間討論聲律揚扈騷雅雖沈淪閭里未嘗不於此得少歡趣也內有程生名鍾者係天游侍御螟蛉女倩年尚未冠詩文竝佳秋間受知學使鄧公有國士之目此吳門後來之秀也既關戚屬且素知愛慕公者聊為

小山文集卷六

六

達姓氏於左右又北平少宰黃公僑居密邇得時相遇從深被知愛近以翔所作新城公精華錄書後一篇遙緘山左囑新城後人刊之集後倘翔得附精華卷末以傳為生平第一榮幸事矣翔素蒙公垂注略陳今況如此他無足為公告者惟望加餐保練為天下珍重翔臨稟不勝瞻依慕戀之至

與程逸園書

向僕衣食於奔走今年過五十息影窮廬衰情廢學弛然若囊弓之不可復張益久矣見擯於藝林矣足下不知其中之無有而猥承下問輒敢點定盆下吟一集足下不以為妄而又示以古文辭僕發帙見所論秦漢上

事心竊喜夜燒燈讀之終卷服足下之才之敏而識之高而虛懷若此益以形僕之不自量也僕昔銳志學古嘗好論古今治亂興亡之迹作三史摭言二十餘萬言自許爲萬論後更歷漸多覺所論合者十不及二三遂匿不以示人視今足下之所論懸殊矣雖然有所見焉不敢以不盡也讀足下蘇論質疑三篇所論樂毅范增留侯事以蘇子爲失當其間益得失參半未敢盡以足下之言爲是也試以質蘇子之疑者質足下之疑焉足下謂樂毅未嘗知仁義而以蘇子謂毅欲以仁義服齊民故不忍急攻爲非此足下之得也又以留侯博浪之椎爲忠臣孝子之苦心而以蘇子譏其出於荊軻聶政

小山文稿卷四

九

之計爲非所關倫紀尤大雖蘇子復生亦必俯首心帖也獨以樂毅爲遠遜田單不必騎劫代將而齊之七十城可復又以范增不死義帝之難爲不忠則僕未敢雷同附和也夫燕昭當王噲子之後破亡敗壞之餘收一樂毅遂能聯五國之師以復齊仇且毅以一身獨下齊七十餘城爲郡縣此其智勇何如哉田單雖忠壯而其所謀如引卒爲神師及令齊則降擄墳諸事皆小黠特可欺庸人使反間不行騎劫不代則齊之存亡未可知也蜀諸葛武侯三代後僅見之人也恒以管樂自比則樂毅之品固不在田單下明矣足下乃謂百毅無如單何母乃過爲軒輊矣乎昔者秦失其鹿天下共逐

之武信君之起兵意在逐秦之鹿耳其心豈知有楚哉懷王孫心之立特借以收人心非真不忘其故國而思樹其後人也武信君既死諸將之心固已屬項王矣范增雖與項王同奉義帝而視義帝爲贅旒不待智者而知之矣僕謂項王之放殺義帝於江中且或出范增計而項王從之耳不得以殉義責范增且雖漢之假以爲名亦豈真爲義帝伸討於楚哉范增之爲楚謀與良平輩之爲漢謀何以異第當惜其擇主之闇耳僕故曰未敢盡以足下之言爲是也僕之云云豈遂謂盡當與中有所疑不敢以不盡以足下之虛而能受也倘足下以爲不然幸卒教之毋吝

小山文稿卷四

十

小山文稿卷四

男景元



小山文穗卷五

陳烈婦傳

太倉王時翔

國朝
太倉
王時翔
字季重
江陰人
明末諸生
入清不仕
有詩集

陳烈婦者吳人去郡治五十里而居其地曰塘邨夫某業圯時出外且久烈婦常閉門績麻不輕與人接語介如也隣某甲者嗜酒而兇窺烈婦美思犯之一日倚酒徑過烈婦家問某郎在否則又曰某郎又出矣他日復來問如初已乃調烈婦曰某郎數出奈若獨處何天乎何予之婦不若若也烈婦怒大罵甲笑而去夫歸烈婦哭而告之故且謀他徙避之夫懦而愚曰將焉避卒以刃授烈婦曰彼來汝殺之烈婦受而藏諸櫥於是其夫適以巧詣郡甲知之易新衣而過其門往覓諸惡少會飲夜二鼓甲乘醉偽為烈婦夫叩門烈婦方抱三歲兒乳未寢聞聲驚疑置其兒兒啼掩兒口以聽甲遂排戶直入犯烈婦烈婦以刃投之力不能傷甲怒奪其刃刃烈婦洞胸而死兒猶以為母寢也索乳號不已至旦隣婦異之入而視則赫然死人反走出告人一郵盡集獨無甲乃知甲所殺方甲之殺烈婦而逸也路輒窮盡夜不能過一里隣邨人執以來夫歸白縣鞠得其狀甲伏誅時康熙某年月日也里有塾師曹叔素老而未娶盡出所蓄金建烈婦祠圖像以祭且訪近地之寡而能守者九人以列於旁

小山文穗卷五

一

王子曰嗚呼烈婦之死烈矣予嘗過其祠拜焉烈婦一婦人生編氓家不聞師氏訓卒能殺身以成其節況士君子學聖人之道者耶然予歷觀史籍更三千餘年其能死事烈烈可傳者可數也嗚呼烈婦其可以無書也哉

鍊師顧棲霞傳

鍊師姓顧氏名陽光字志恒浙之當湖人母夢大星墜其室而生幼好沈默終日不發言閉目輒見道炁常存四字獨心識之實未嘗就傳學也年十四超然懷出世想時已失怙恃告諸叔氏不可越五載其執友修全具教具方外服過其門乃決然從之棲真於禾之冷仙亭

小山文穗卷五

二

後游昇玄觀遇真人指授端坐不食十餘日及出靜朗然開悟平生所未誦經典能了其義信口歌吟及援筆為文咸契道妙莫測其涯涘也自是南游匡廬武尼武當諸勝歷萬少西至華由終南太白北陟太行恒山東暨齊魯望岱而歸足跡幾徧天下所過竊真棲息之所必盤桓登眺遇其人則班荆論道遂益深有所得夜坐蒲團不寢三十年弟子日進多至數百人作同真錄載其姓氏自題宗派考一篇道其淵源甚悉其略云太上玄元老祖以真常大道傳東華帝君東華傳雲房洞雲房傳純陽祖純陽傳重陽祖重陽傳邱劉譚馬郝王孫七祖號七真於是各立宗派俾永相續若儒家授受亦

有可考按家語孔子同南宮敬叔適周問禮於柱下之秘得其傳者爲心齋坐忘之顏子顏子述傳之孟子孟子著書雖譏楊氏爲我之偏而儒者必先成己然後成物使爲我而果能外形骸以理自勝則亦異於世儒之狗名失實逐逐於圭組之榮者矣宋之周程張邵朱諸君得道統之真傳者也按史朱震上易解云陳搏以先天圖傳神放放傳穆脩脩傳李之才之才傳邵雍放以河圖洛書傳李溉溉傳許堅堅傳范諤昌諤昌傳劉牧穆脩以太極圖傳周惇頤惇頤傳程顥程頤而張載講學於二程邵雍之間故載造太和參兩篇雍著皇極經世書牧陳天地五十有五之數惇頤作通書程頤作易

小史補遺

五

傳又按紫陽之學亦華山傳派也龜山楊氏受二程之傳傳於羅仲素仲素傳李愿中愿中傳紫陽而紫陽於真常之道若陰取而陽棄者特恐世之專重於內而遺棄彞倫焉耳然則道與儒豈非殊塗而同歸也哉其立說廣徵博引援儒入道如此所著關世集若干卷秘不輕示人雍正中太倉王時翔棲心禪寂寄以偈曰守爾神葆爾精日向高山頂上行鑢錚斬得春風否直到黃龍位下成師得偈携一蕉團翾然過吳會答偈云勞其神耗其精常向陰山鬼窟行呂師授我無形劍斬却黃龍道始成翺服其兼徹禪宗旨擊道存一笑稱莫逆焉師授翔天根月窟之訣翔序師所著書并贈長歌以別

明年秋復至謂翔曰吾將游心於澹合氣於無不輕作人間遊矣子其爲我作傳翔乃敘其概并撮同真錄序以示世之克修者師得統於龍門爲龍門洞十二傳真派又得南華經真詮時號顧南華又與棲霞邱真人同歲入道號棲霞道人又束髮作雙髻偶適城市兒童聚觀譁笑師徐行自若也故又號雙髻子贊曰游心於淡合氣於無南華一帙至道自腴嗟世之人老於昏衢全真返視爲達者模雍正六年戊申八月下澣初禪之者王時翔拜撰

顧太君節孝傳

小史補遺

四

太君姓韓氏江南太倉州人明萬曆三十一年年十九適同里諸生顧鼎新三載夫亡以死自誓而方懷妊舅姑勸之不得已而止後鞠孤志順及孫曾五世以學顯遂爲名門年至八十苦節六十年乃終初鼎新之疾及舅文圃公病篤太君皆封肱以進人稱爲節孝雍正元年大中丞何公天培學使法公海泰請於朝建坊予祠以旌焉

贊曰太君以節孝著於勝國歷百有餘年迨我世宗朝而始獲旌異哉何其遲也考太君之子若孫及學校之士請於有司者屢矣而屢格焉議禮者殆將以封肱爲過耶夫救其舅與夫之疾至不惜殘其肢體一而至再非明於大義出之以至誠而能然耶世之敝也

骨肉父子之間將靳其毛髮顧於節孝之婦而獨以中道繩之其亦不審於禮之本末而與於俗之甚倫者矣昔余紀顧孝子椿割股療父疾事論之詳茲復言其概云

恭惠程先生傳

先生諱文煥字豫章號介菴吳郡長洲人程氏得姓於周自晉新安守忠佑公元譚始居徽之望墩歷代皆有顯人明季祖心齋公諱遇德以中書舍人官南都順治乙酉五月卒於官邸父孝懿先生諱大儒奉母避難徙吳之楓江漁巷居母喪悲泣過甚兩目失明又寢苦三年沾濕得跛疾遂不起遺老金孝章及山夫輩過訪常

小山文集卷五

五

臥對終日既歿朱侍講敬齋議謚孝懿人以爲允先生秉姿端厚性至孝六歲時爲父舐目背障翳得開宗黨異之弱冠奉父命游成均試授州佐銜時明史館方需才總裁徐大司寇羅入館甫半月聞父病棄之歸侍湯藥者六年不懈父疾劇徒步延醫新安六晝夜走七百里足盡腫後父母先後歿毀瘠幾不勝喪既葬築室廬墓旦夕悲號哀動行路同里蔣太史西原紀其事歎曰孝以繼孝信矣哉先生嘗謂父母在思捧檄以養親親亡矣雖椎牛而祭奚益庶幾爲善鄉里以廣吾親之仁惠乎於是絕意仕進疎財好施修橋梁以利涉建水龍以救災凡茶湯藥劑衣被之屬冬夏不絕施有貧而死

者爲之置余棺以殮之爲之置義塚以埋之而親族中之貧者則更爲之給錢米代婚嫁其尤大者則設粥濟飢捐助就食者回籍之資費廣而惠遠康熙己丑及雍正壬子凡二次所活數千人先生之力竭而心亦殫矣中丞張清恪公郡侯陳恪勤公迨制府高公前後慕義竝爲製匾旌門或云盛世標幟或云高風砥世或云年高德劭其見重當代如此而先生感然曰吾過矣其隣於要譽乎先生居心甚恕而律已甚嚴雖燕處衣冠必肅端坐儼然嘗書伊川先生涵養須用敬進學在致知二語懸之壁間期以不欺暗室不愧先儒教子孫必延名師不少姑息嘗作家戒曰做秀才當爲根柢之學勿

小山文集卷六

六

徒專攻章句若通鑑綱目大學衍義性理大全等書皆當反覆玩味融貫於中庶出而致用不至空疎吾家自高曾以來敦實學傳忠孝汝曹爲程氏子孫可不紹家聲以慰先靈乎若急功競名蹈虛聲之誚非所望也先生慎於擇友而外和道廣不輕絕人後以年高傳輩多盡嘗歎曰歐陽公云善人君子難得易失今知交零落無存如吾衰老其能久耶雍正十三年冬十二月疾既革命焚其券之不能償者而卒年八十有七先生由太學生考授州同知積行著聞爲鄉飲大賓以子簡嘗田議敘封儒林郎卒之日紳士親故服膺弗諼議所以不朽先生者私謚曰恭惠先生子簡孫鍾皆知名

贊曰甚矣先生之為盛德也其行已也恭其及物也惠歿而被之以美名宜哉其或乘風雲枋國政得行其志所欲為則所施者廣矣吾又以歎先生之不逢也君子曰積餘慶以貽之後程氏之益昌也猶信

孝義謝先生家傳

夫孝天之經也地之義也民之行也羊跪乳鳥反哺可以觀異類之至性焉而況於人乎昔子羔子執親之喪泣血三年未嘗見齒而方長不折啓蟄不殺昆蟲草木之不忍傷而有不拯人之危者耶是故孝子必好行其義作孝義先生傳

先生姓謝氏名旭字燕思常之義興人也性至孝居父

小山文稿卷五

七

喪每慟聲一往而無繼血涖涖漬麻衣聞者為之惻愴傷心焉孀母年衰常設榻母旁晨夕侍起居母病革下遺倉皇取嘗之以辨甘辛及臥枕由柩側三年不離既葬大雨雪必伏墓哀號人以此山陽徐仲車所居嘯莊芳田邨瀕大溪溪水阻深冬寒澤凍則舟膠榜師估客多餓死者先生傾身營救若丹陽炭客莊允和丁子祥又百瀆杭姓三人皆垂斃而甦歲飢貧殍流離先生悉力賑之有不足則勸里中計田捐助或請親串之稍有

一本於學由明經應試乙卯已得第一人而終弗售端筴占之自知不逢也別自號義占云所著有四書備考

西堂四子書名物考知非錄一經齋詩文藏於家卒年七十有八學者採輿情以議行稱之曰孝義先生子三長方琦丙子舉於鄉季方璟竝有文行而仲子方連以詩鳴晚益學道著書別有傳

涇東子曰余與仲子交仲子嘗道孝義先生之生平得其概若先生之隱德雖仲子亦莫能詳焉仲子又為余言先生歿母時結想成形宛睹髣髴事甚靈異顧余弗之錄錄其有可徵信者又言母王夫人事姑至孝姑老升堂乳之親為浣裳滌器里中語曰醇德謝母伍青衣作苦於嘯此先生之孝刑於家者也

黃母吳太夫人小傳

小山文稿卷五

八

乾隆四年冬十有二月北平黃母吳太夫人卒按吳氏世居浙之武林自龍章公始遷宛平太夫人之父也太夫人幼端靜有器識女也而士行年十九歸於黃奉王姑君姑以孝名當是時黃門族屬多貴盛儀從服物麗都耀於前難為娣姒矣太夫人過儒素荆布晏如無幾微動於中相夫子為師儒訓士有聞善教子腹出者四咸登甲第為名臣庶一人察孝廉諸子所居官隆替迭更太夫人危隆涇梓雖隣禍患弗擾方其進也戒之曰高位疾債厚味腊毒可懼哉及其退也勉之曰患無德不患無位修德改過以俟之福可再卒如所云雍正元年以子貴封太夫人越十有七年乃終享年九十有二

冢君原吏部侍郎叔琳世推爲北方之學者顯於朝。世宗皇帝嘗親書德問壽母四字以賜焉君子曰母範也考世系紀訓辭昭彤管禮也

夏山人響亭墓誌銘

庚寅秋夏山人響亭卒明年辛卯孟春始見其兄琴山中泣而言曰不幸某之弟死矣某少孤兄弟又寡某與吾弟相賴以生平居一食不共對則翹然以思今天奪之暴已踰三時惘然若在夢寐忽而怦然以驚刺刺然痛於心而不能言也已出其哭奠哀挽之作讀之如聞斷雁哀嘶於淒風冷雨中琴山自起悲吟涕淚直下滴地盡濕不能止嗚呼今之人其於兄弟之倫弗講也

小山文集卷九

九

久矣夫兄弟分形而同氣似易得而其數有限即如夏氏兄弟兩人響亭既沒琴山雖交滿天下賢士更欲求一響亭則萬萬不可得故天屬之親父母而外唯兄弟獨也而世顧以爲燕昵弗逮夫婦意氣弗逮朋友選選視與路人等而不肖者甚以祖父遺業爭競多寡至疾如仇讐於其死也有朝蓋棺而夕嘯歌者矣迺響亭之死能使其兄哭之哀且久如此固其兄之篤於友愛而然而非響亭之賢則亦何以致斯也既別去琴山則又追而泣告曰某兄弟辱先生知吾弟之死也嘗以夢語從弟某曰吾之死山中無弗知獨王先生未之知也意若有所陳請於先生者今將卜地於某所葬吾弟而

無文以誌之是重某之痛也敢請銘昔子讀書山中素知響亭之賢而又以其兄之言之悲也乃爲之誌而銘之山人諱某字某響亭其別字也居吳縣界穹窿之支山少好學處深山無師兄弟相切劘爲文章勃勃有英氣家貧與其兄力耕以養母無僮僕給使兄出則執僕禮以從蓋文行交至之士也卒之前數日以兄命往存外親抵其家而舍無男子不就宿日暮遇暴風雨獨夜宿松林下中寒疾遂以不起嗚呼是亦難矣山人生於某年月日至卒凡幾年未娶無子兄子某嗣銘曰見兄之哀知子之爲世有悌弟藹然其思孤墳三尺而爲鄉人之師

小山文集卷十

十

吾師唐吏部東江先生事略

吾師吏部唐先生諱孫華字實君吳郡太倉州人父丹崖公經術湛深爲復社眉目有五丈夫子先生其仲也母孫太安人懷妊十有一月而生幼稟異質五齡能辨四聲讀書十行俱下執友顧麟士先生稱爲神童年十七補博士弟子員尋食餼文舉方踴起彌自謙約執義者儒朱昭芑爲根柢之學沈酣六經撈籠羣史亦復精研舉業久操選政沾溉遐邇由先生指授獲上第者無算而先生履蹟省闈年逾五十始以明經貢入京師玉峰徐大司寇素聞先生名特見賞重一時爲六館諸生之冠長洲宋文恪公與北門相國明公爭相延致總憲

文端公昆弟實受業焉丁卯舉京兆魁一經戊辰成進士尋歸省覲竭力孝養甲戌就選得陝西之朝邑縣行有日矣會

聖祖仁皇帝咨訪博通實學之士公卿舉先生以閒遂召見

乾清宮西煖閣親試稱

旨內擢禮部儀制司主事仍在翰林院行走乙亥調吏部考功司考功專司處分凡比例輕重開缺遲速胥吏冗蠹莫可究詰先生感激知遇百弊釐剔丙子六月奉命典試浙江精心衡鑒榜發所得皆單寒名俊諸所擯落悉皆感愧多有來謁贊門下者尋以功司處分事註

小山文集

士

誤連染左官先生怡然歸里適屆丹崖公九十之辰綵衣上壽極色養之樂俄丁內外艱服闋癸未

聖祖南巡時文端公以翰林掌院扈從謂先生曰

皇上垂問者再先生獨無意乎先生謝曰非不慕戀

闕廷感戰友誼但年衰齒暮非鞭策之時祿及親亡增風木之痛知我心者勿復奏薦自是杜門燕處垂三十年不復出矣先生天性孝友篤於同氣念諸弟貧或購屋以居之或割產以贍之推食解衣有無與共每遇歲稔則指園分餉施及親族窮交老友緩急叩門未嘗不應推仁錫類與同志創育嬰堂全活嬰兒以百千計乃至修祠廟繕橋梁設粥賑飢諸善事無不倡率攸助若

遇大事關民生休戚恒於公所昌言之分析利弊不嫌切直或交親諍訟輒為排解問左有不得其平者亦時為當事剖白其誣初無責報之念若後進考德問業以詩文是正為之析疑辨誤虛往實歸其有才藻出羣聲名未立不惜齒牙獎引或有因之得路者亦不使其聞知立心端厚類如此云先生雖老居里門不忘民瘼會高安朱公向與先生契厚因條款修書屬其入

告書成方欲郵寄而先生疾作矣彌留時神識清朗吉祥善逝享年九十時雍正元年十一月二十日也先生平居手未嘗釋卷晚年唯以十三經註疏時時繙繹自謂於經學猶有未至雖在桑榆敢辭疲瘁嘗與學者論

小山文集

士

詩古文則以為學問性靈不可缺一但誦習八家剽竊字句不可謂之文也爛熟唐詩摹倣聲調不可謂之詩也必原本經史貫串百家融液變化以我法禦之而不膠成轍斯可以為詩文矣蓋先生之自道所得如此而王會稽水菴序先生之詩謂為文質相宜正變迭奏兼善諸體不名一家壯采絢丹青萬響出金石如昔人所稱杜律韓碑無一字無來歷徐吉士觀卿論先生之文謂為大雅弘達深得古人之體卓然可傳海內竝以為知言先生別自號東江學者稱東江先生所著東江詩鈔十二卷門人陸侍御師請梓行世文稿及他所著書竝藏於家同里受業門人王時翔謹撰

秋涯先生傳誌補

雍正十二年秋八月翰林檢討家秋涯先生卒時翔方承乏於閩十三年秋以病歸仲冬病間始哭先生於殯宮其孤叔子閱鄉令俊受遺命不敢作俗下行述而銜哀濡血私記其略以示平時之知先生者於是吳趨楊太史繩武誌其墓同里今西江觀察沈公起元復為之傳凡先生學行出處之大及居處笑語嗜好之微一一無遺而叔子每相見必哭而請謂時翔與先生交最早居鄉以至游京師客相國西田公邸第恒必偕焉或有得先生於他人聞見之外者無論言之多寡或增一語益一事則當謹藏之以志不忘嗚呼人子之所以思其

小山稿卷五

主

親若是其切亦可哀也已案先生年十三而孤奉寒窶盛貞介先生為師貞介仗節秉道性方嚴從游鮮當意者先生之一坐一立一默一語毋敢苟異日雖跌宕文史而律身矩矱合轍先賢者能凜貞介之教也繼受業於樊邨顧先生樊邨俊偉卓犖擅濟世才地方有司多踵門質利弊先生常從容佐樊邨商畫決其事之成敗可否屢中異日雖高簡潔清而綜練名實熟諳世務者能得樊邨之學也又先生之孤也叔父西田公尤愛憐之先生敦事父之孝事西田公如父當西田公既子告宮端副使兄弟宣力軍臺非先生在側則西田公不安先生自甲午請急不復就職而侍西田公於京邸

者十年雍正二年以省墓暫歸時西田公年逾八十先生已戒行留連不忍發時翔作詩送之其一云人看君面歸應喜我識君心去欲遲郭店一燈迴首處白頭東閣不眠時先生悲吟徹曙嘔血不自勝出彰義門徘徊逆旅三晝夜而後行其篤於天性如此是故不觀先生之所以習於師者不知先生之德之才之所自出不觀先生之所以事叔父者不知先生之孝之所由敦吾何以告叔子於見聞之外哉夫限一人之耳目不能盡先生以叔子求之之切他人必有以告也第舉吾之所知為傳誌所未及者作傳誌補

祭胡正菴文

小山稿卷五

主

嗚呼絲幕黯慘丹旛飄揚伊誰之宮胡君影堂胡氏始著昔由安定澤深蘇湖慶篤子姓桐枝競長俊紹滋盛爰生異人文標武映異人其誰曰惟正菴襟宇外朗神明內含三冬勤學二酉齊探跌宕圖史出入韜鈴旁及藝勇試罔弗堪奪薜蘿截客轡弓射虎投筆有志獻玉知慚桓桓壯敏東南鏤鏘海氛初靖方資英略卑禮羅賢果之入幕抵掌談笑意氣卓犖因事納規相得其樂如食馬蜨積結盡卻壯敏愛君欲授以官一跬之地展驥實難志不可奪撫牀而歎歟沒從事始終交驩風摧大纛將星夜賁有諱於軍眾心春卷微君救解厥亂斯引蛟龍匣返賓僚散盡獨君匍匐千里執紼長號麟塚始

克旋軫泊事昭武如事壯敏明昭武愛士略同英姿
豁達開誠布公寄君腹心優禮益隆時維逆藩構煽興
戎莫辨奮斧墜羿街弓吻張茅鴟翼播桃蟲交馳羽檄
遠接狼烽滇黔暨閩三方告凶

帝命昭武往征閩方昭武忠壯泣誓慨慷援戈所指倚
君勛勤君適讀禮致毀新喪來徵贊畫接教倉皇忠耶
孝耶寸心自商葬而後出兩無所傷昭武偁偁奉
命秉鉞嫖姚龍驤水陸拉發峙焚裹糗牛牟駝圓雷椎
礮寧霓旌披拂

王師壓境兇部虺虺童蒙觸犀灰首倏忽海澄悉復厦
門旋振閩方既平罔事多殺戰血銷洗劍霜清刮昭武

小史稿卷五

五

之勲旂常是紀君實佐之以至於此從軍論功或分高
庫數奇不俟君思歸矣拂太棄職遂返桑梓括其靈囊
爲善鄉里嗚呼蚌蟬耀采蛭蜣轉丸揮罕絕絹君獨超
然既厭物役迺契真筌猿尾覆屋鴻蒼登盤安貧守道
又何怨焉君愛結友信義相敦四方名賢接踵叩門連
牀風雨談笑討論或過後進或遊孤貧起骨生肉送之
青雲施不計報受不忘恩至性純孝竭力奉親雖有兄
弟肩之以身逮繼伯氏敬愛維均任養於已讓產於人
凡諸喪葬弗辭辛勤嬰執內謹莊對如賓侯光爲侶真
缺之倫嚴課令嗣鬱爲鳳麟丈夫子三仲尤出羣文摩
屈賈行類荀陳瑤環瑜珥繩武諸孫登堂嬉戲日以娛

君年逾杖國精氣未耗嬰鑠善飯期頤可到忽憎濁世
岱游是告嗚呼胡君邦家之式賞不酬功位未稱德遂
止於斯行路心惻凡我里鄙悼痛何極到爾羊豕潔爾
黍稷恭詣靈筵音容暗憶蕪詞進侑君其來食哀哉尚
饗

祭西田相國文

嗚呼川嶽降而賢輔出菁英竭而哲人暮瞻台星之隕
耀攀箕尾而莫追蒼生之失望者若天柱之傾折而宗
黨之失庇者猶大樹之披離也今之拊膺而巷哭者雖
在乎一日而後之被德而懷思者將千秋以爲期也於
惟我宗衮西田公秉南斗之精華孕東瀛之霽秀累代

小史稿卷五

五

之祖德既長先公之吉夢方遘適協熊羆之占旋產鳳
麟之囿在襁褓而儀表非常甫髫髻而聰明天授已而
騰聲壇坫流譽官牆升桂殿而登杏苑披金門而上玉
堂從容於細旃廣廈之際優游於圖書翰墨之場操玉
尺於春秋之榜校青衿於人文之鄉歷氷銜而漸躋乎
華要由筮仕而未離乎巖廊徧試六卿之職遂卜三公
之良一德同於古昔十載賴夫助勦此公遭逢之盛福
澤之長而非公之志亦非天下之所懷公而不能忘者
也竊念公歷事

先帝及今

皇上值勳華之相紹感恩幸之加隆日思報效以竭丹

哀雖公事

先帝之日長事

皇上之日淺而未克終而公之心固無先後之有異同惟公事

皇上之日淺故精誠內蘊而天下諒公之意惟公事

先帝之日長故勲勞茂著而天下知公之忠蓋公爲臣

之節洵可以光日月而勒鼎鍾者矣昔公曾大父文肅

公秉政前朝大節書於國史越百有餘年而公又繼美

間嘗論公之作相其風度如唐張文獻公其寬大如宋

王文正公而忠謀譏論則上繩祖武而與文肅公爲倫

比由今觀之益信斯言之非侈嗚呼臣之事君如事天

小史稿卷七

七

公之心惟彼蒼知之惟

先帝與

皇上知之而已若夫文章政事之才孝友睦婣之德全

矣備矣可法可式他人有一推爲極則公其餘事悉數

弗克翔也疎屬非才謬叨知愛屢爲宇下之依濫厠羣

賢之隊稽康之鍛翮雖顏阮公之青睞猶昧辱贈留行

之什當年增涕淚之斑復郵招隱之詩至今作韋絃之

佩轉憶前冬遠惠長牋情真語摯五百餘言以解務養

疴之暇集吟風弄月之篇孔思周情乃上公之著述而

丹黃商確與下士以周旋執謙謙之盛德斯可見於一

端者矣公年逾大耋顏若嬰兒矍鑠健飯方冀期頤何

圖一旦丹旄南移標心灑泣曷禁漣漣而當翔甲辰之辭
公而歸也公與握手而言別念同姓之情渙嗟世譜之
已裂慕范氏之風規慨義田之未設良由宮端副使並
效力於軍臺方輸家以修臣節故有志而未遑徒惓惓
而軫結公之不忘我族之人者如此而族之人能勿痛
公之永訣哉嗚呼邱山華屋今古傷心山頽木壞舉世
悲吟矧我宗族銜哀曷任敬瀝絮酒公其降臨

祭家孝廉侯贈監察御史耕石先生文

嗚呼耆英徂謝碩德淪亡華屋邱山之感北邙難露之
傷達人爲之實涕觀者於焉傍徨矧關門祚之隆替作
模楷於鄉邦者乎於惟我孝廉贈侍御公耕石先生粟

小史稿卷七

七

菁英於大化毓奇秀於東溟唼啼聲於繡祿摩胎頂於
高僧方孩而辨琅瑯之稻在抱而識之無之形泊乎就
傅夙慧天成過目而輒諷於口已珠貫乎六經入耳而
不忘於心又默識於靈明吐鳳皇之高詠與童烏而齊
名斯則先生之驚頭角於長者稱神異於髫齡者也當
其沈酣芸帙博涉縹緗七錄四庫恣其漁獵百家諸子
任其丹黃萬卷破而下筆如神千言成而餘勇方張若
夫制舉之業帖括之文倍深攻苦幾費辛勤雖童年食
餼遠近著聞而省闈屢蹢未遂青雲嗟屠龍之難試慨
數奇於將軍然而推文壇之領袖捧珠槃於明神聲華
益茂品望彌尊則有瀛洲仙客翰苑詞臣借米鏡以鑑

物付玉尺以掄人匠師操斤而良材盡得伯樂執鞍而駿馬空羣斯則先生之消磨壯歲偃蹇風塵者也迨士衡入洛子雲游京聲騰輦轂譽滿公卿豈華閣之是藉乃實至而名生於時先生以老驥而當風侍御甘泉以名駒而隨後何異子瞻之依老泉且同省華之携堯叟三條銀燭竝映風簷七義榮光各冲珠斗藥籠盡貯夫參苓玉府竝登夫瓊玖佳兒名父泥金之信齊傳白首朱顏蘭譜之稱若偶今之盛事古所希有斯則先生之巖運方亨泰祉初受者也鶚薦既膺鵬程待展乃侍御則供奉而留京先生遂拂衣而旋返家門鼎盛而心竟如冰經術紛綸而志存獨善一帆飛揚于之江三徑就

小山文集

九

陶公之館視松菊而猶存問田園而實罕慕古之意則深資生之謀則淺架無重襲之衣庖乏兼蔬之膳然而餅粟雖空不屑向屠沽而就食藏書尚富惟日對南榮而開卷或偕良友以聯吟或對高朋而祀盞何襟期之磊落適嘯歌於清宴斯則先生之高舉遺榮不罹網羅者也既而侍御以積勩優擢筮仕西曹十載纂修既蒙聖祖之隆過一年奉使復受

今皇之顯褒條奏深當乎

聖心進階而許於重霄於是陳情歸省旆指江皋捧榮封之

敕命酬罔極之劬勞羅長筵於堂上奏鈞天之雲璈先

生則慨然而歎蹙然而憂感

君恩之優渥懼報答之無由訓忠蓋以效力勗靖共以宣猷及侍御假滿還朝遂登柏府旋膺直指之任近在京畿之士先生移書戒勉實心裨補惕冰淵之蹉跌忘勢位之華靡斯則先生之履盛而思危固甘而識苦者也蓋先生遠承太傅之德業近守奉嘗之典型繼先公汲園之文章爾雅觀叔父西田之風度忠貞其薰陶濡染有所由成者矣要其游京都則有國士之目居鄉黨則被善人之稱信義著於朋友孝慈見於家庭或陳諤諤之公論或申欵欵之親情洵隨方以合矩非移步而換形如斯名德庶享遐齡何厭世而永棄行路聞而涕

小山文集

十

零翔也分雖疏屬誼同親暱前辱先公說項之知後叨侍御隨肩之密先生則嘗許其已鍛之片翎惜其將枯之朽質而今已矣倘焉若失瞻總帷而操心痛返魂之無術奠椒漿以寫哀盼霜旗之來即嗚呼尚饗

姪峻哀辭

吾猶子峻者仲兄稷亭先生長子也雍容韶秀穎敏而能文已聘矣有隣姬私約為妻嚴命不可將隨任義興一夕與隣姬竝縊書室死春秋一十有八嗚呼峻之生也吾見其生峻之死也吾見其死且其死有不出於天者哀哉然其死也不以君臣父子之大節而以男女之私可謂傷勇矣顧有與之同死者而已不得獨生其勢

然也峻始死于痛焉不能哭之以文既卜地竝瘞有日矣悲其歸土而不可以復作也爰製哀辭以紀其略云夫何昊天之不弔兮降鞠凶於吾家文星掩而無輝兮埋寶樹於泥沙憶蘭蓀之初茁兮揚芬芳而吐秀鳳皇雛於中園兮麒麟產於內廐幼聰慧而靈巧兮出奇語以驚人就外傳而漸長兮屈輩行而獨伸勤藎鹽而攻苦兮擁經史於書閣學既富而未遇兮守寒窗之寂寞有窮巷之幽姿兮稱穠纖與短長慕才子之聲譽兮窺宋玉於東牆聞已聘於左嬌兮願爲星而侍旁忝門第之非偶兮執巾櫛其何傷嗟我輩之鍾情兮折花枝而心醉投畫簫以結懽兮分繡履以相誓倚蘭房而聯吟

小山文稿卷五

圭

今鈎筠簾而校字晨露沾於錦襪兮夕月照於羅袂自早夏以徂秋兮身雖兩而一心奈嚴命之不可轉兮將遠行而分襟量珠又已無策兮恐前盟之難尋苟生離而各方兮寧死合而同衾適叢桂之爛發兮乘高堂之張譙竝攜手而相過兮愁煎迫而憤怨窺虛館之無人兮繫紅絲而不斷親戚見而長號兮疎遠聞而一歎魂遑遑其何歸兮送雙棺於遠郊木葉老而風脫兮草根枯而火燒何二子之盛年兮捐形骸而如逃倘精靈之猶聚兮化雙鳥之交交

小山文稿卷五

男景元校刊

小山文稿卷六

太倉王時期抱翼著 原字

上史制臺稟摺 晉江

竊照卑職一介庸愚謬膺劇邑抵任以來百務紛冗寢食靡寧即理鹽一端亦無刻不以緝私裕課爲念詎總理晉南鹽務王大使輕浮生事恣意誣捏即如洪良一案以店口擔鹽致成大獄今又開出私販王守賴猛尤端王首等四案據云晉令以鹽務不甚切已移案重疊多難審結越稟憲臺致蒙檄行鹽道本府嚴飭到縣在卑職有地方之責不能盡絕鹽案各誠難追但難結情由不得不據實陳明查哨捕一役原籍緝私非可縱其

小山文稿卷六

一

舞弊獨卑縣奸哨將寔在私販公然賣放所稟報者非誣宿怨爲慣集即指一二肩挑爲黨眾甚至擇殷飛噬稍不遂慾硬坐名姓於私案內而該大使毫不加察惟哨捕之言是聽以致濱海窮黎有入人自危之勢被誣遭害者日向縣庭求活卑職豈忍殺人以媚人即如十月十七日審理移送兩件一據哨捕杜讓稟稱伊子杜輕於九月二十三日捉獲王贊私鹽一擔被王高王竈王然黨眾黃標黃集及不識姓名多猛截途人鹽粒搶奪情反覆細鞠係白役杜輕扯住王贊柏油擔盤查竊取担內油錢二百文角口起釁當有鄉老張未淑等公抱不平環庭泣訴一據哨捕張七良等稟稱九月十二

日捉過賴猛賴淡賴香等羣挑私鹽張七等向前搶獲
吳酉賴淡賴香等三擔猛等逃回糾眾賴興賴蔭等將
人鹽竝搶等情審係張七張都於十一夜竊取賴興蔭
據捉獲關毆起釁當有隣証王偶淑等公抱不平環庭
泣訴一日之間所審兩案搶犯重情竊賊事皆風馬然
意謂必需哨捕對質方別真贋屢次開移該大使又徇
庇不發則誣妄顯然矣伏念卑職引見欽奉
聖諭務要實心愛百姓煌煌

天語永矢勿緩卑職承乏茲土豈不知以鹽滯課縮為
憂果係真私何難盡法痛處即稍涉影響亦必再四窮
詰務得確情為安若輕陷平民於法網卑職誓不為此

小山文稿卷六

二

寧引身而退可也除未到各案現在嚴鞫審擬詳報外
仰懇憲臺檄行該大使嚴飭哨捕秉公巡緝如有應質
之處即行移送實則律擬虛必反坐庶若輩不敢逞其
伎倆而小民得安衽席矣更可異者該大使希圖干與
民事欲移帛各鄉約係聽其拘管獨不思約正現在奉
旨挑選舉貢生監於朔望日宣講

上諭非巡緝私鹽之人至保長每鄉止有一人稽查保
甲盜逃匪類及辦理一切公務何暇跟隨哨捕緝私以
受該大使之管束總之該大使儼以上憲自待如移文
內有一件移查事下填寫照得字樣又如移文一件封
面寫移晉江而實移南安縣事理其藐視縣令傲慢疎

忽多此類也卑職自分非材恐不能勝晉邑重任有負
皇上特放之恩然又不敢不自揣量冒昧居此以妨賢
路伏冀憲臺俯垂矜恤俾得歸抱一經課兒種菜以終
餘年則感佩鴻恩於靡既矣須至稟者

上制憲高公撫憲劉公稟摺

政和

卑職一介庸愚自度才短無論晉江衝繁要地即政和
小邑亦恐弗克勝任前叩謁鈴轅蒙憲臺勤倦訓誨兢
兢負荷祇靠一點實心黽勉從事餘非所知也卑職觀
政邑民情愚蒙鄙陋加以省會遼遠狃於山野之習一
時難以理諭其姦黠者喜持官吏短長以便欺凌鄉里
即庠序之間不免多雜未為淳良之俗也然係鼠輩苟

小山文稿卷六

三

地方有司端廉謹飭無可瑕疵便能彈壓此曹無足深
煩慮慮至於催科向因西里東平等處去縣治稍遠間
有遣吏役執戲鄉收者卑職以為雖似便民終恐滋弊
已發示遠近畫一遵奉憲行使百姓自封投櫃矣但八
年額徵緣前任邢令丁憂糧戶未免延欠卑職到後正
值農忙緩則廢職急則妨農因出勸輸單以好言勸誘
完者稍前然終以農忙為辭未能及限其糧米即於本
處支給兵糧向來收米細碎糠粃十居四五卑職稍為
整頓使兵民兩平不敢以朝廷所給兵餉避怨而作市
恩之物也又遍查閭里恐有奸牙抽稅之弊其大者前
令已盡革除惟肩挑鹽販尚有水客每擔抽鹽三五斤

不等每日供縣中食鹽一斤東常市買牛交易尚有牙行代爲估價略取用錢卑職次第發示禁絕矣竊考政邑雖深山僻壤而朱韋齋先生曾作尉於此朱子三代之遺跡存焉有星溪書院去縣治二里許卑職於朔望宣講

聖諭外意欲每月兩次另定日期聚庠序之彥及凡民之秀者會講朱子之學以助

聖朝盛治之萬一此係倡舉合併聲明又卑職在晉時有犯流守備王嚴龍母老丁單留養一案卑職曾細查王嚴龍雖有三子長者已故其次不孝久爲父逐過臺未知存亡至幼者僅十餘歲而其母實已八十七歲遂

小山書卷六

爲出具印結今聞新任王令謂既有次子在臺則王嚴龍雖母老而非丁單卑職應得濫結之罪非久便當降謫以去雖欲仰報

皇上暨憲臺之恩不可得矣尚敢不竭心盡力於此時耶肅稟無任悚惶

上撫憲趙公稟摺 政和

卑職恭惟憲臺以濂洛關閩之巨儒建臬夔稷契之鴻業茲由旬宣奏績開府全閩八郡紳士吏民拭目引領歌舞道途者奚啻數百萬眾誠爲甚盛卑職前係晉江屬吏改調政和憲臺過建緣守土未敢擅離不獲匍伏道左惟遙瞻絳節額手稱慶良由憲臺素不苛人小節

而祇期其盡職易事難說所以事君子之道應爾也卑職轉憶去秋七月將赴晉江任趨謁崇階蒙憲臺勤勤訓誨不僅漸以簿書錢穀俗吏之所爲而進之以古循良之治又進之以古聖賢之道卑職謹守弗忘治晉七月惟以至誠相感化晉人頗信而安之而財賦訟獄幸亦未有隕越觀風大人在泉兩月餘臨行賁以勤慎廉平四字匾額適緣史大人念卑職書生筮仕恐難久任劇邑題奏改調然奏疏中有遇事勤慎潔已有餘八字之褒卑職上蒙

小山書卷六

皇上特授之恩又蒙大憲獎勵之語今雖處深山小邑未嘗敢一刻少懈也但催科祇期無誤課不敢過於急迫以求勝於人聽訟以勸諭爲主不敢擊斷自喜至庠序之士實緣司鐸未得其人向學者少而多求工於訟牒卑職時乘公暇會講儒先理學如周子主靜工夫及君子小人修吉悖凶之理反覆開示又此間文無授受未諳先正理脉卑職親爲點定會課文字區區之衷欲以詩書禮樂之氣化其積習而深虞德涼學淺未足致效也伏冀憲臺頒賜訓言鞭其所不及俾地方士庶實有沾被得於

聖治或可少補萬一增泰山以微塵填滄海之一粟卑職之志願遂矣卑職臨稟無任顙切

上驛鹽道楊公稟摺 政和

卑職東吳下士濫竊微員一試晉江已見鉛刀之鈍深
叨憲臺庇蔭又獲改調政和雖山僻小縣而卑職兢兢
時切蚊負之虞近上計典自註考語云聽訟主於勸諭
既失之柔催科每念艱辛復隣於緩此係確供非敢有
所抵飾也卑職蒞任四五月來稍熟風土惟以安靜息
民為主所幸野無一盜獄無一囚時和年豐政刑彌簡
得以餘閑會諸生於敝廨講學論文又其暇則課兒童
鉏牆陰隙地蒔蔬種菓雖非公儀子拔葵之意而與先
儒咬得菜根斷語頗合一以佐官廚之乏一以當運甓
之勤也卑職少愛吟咏平生所作不下數千首然皆藉
蘆賤士作候蟲時鳥之音非同玉節金聲有當於廟堂

小山集卷六

六

之作久已置之塵篋矣自到晉邑事繁無片晷之暇惟
出署後有答贈諸生潘鼎珪七言古一篇今自八月新
涼偶爾口占五言小詩十餘首腸枯穎亮較曩時益加
俚鄙去秋七月首謁憲堦曾蒙索觀舊作適綠囊無一
字未經錄獻今恭呈近作伏請憲臺誨定昔吳季子觀
樂知政倘憲臺略其鄙拙而察其用意所存亦可悉迂
愚之大槩矣肅請金安兼陳下悃臨稟無任瞻依

上臬憲劉公稟摺

阮寧

卑職自春初赴省晉謁鈴轅重蒙憲恩加禮既挹春風
兼飽盛德蓂蕭有駟未逾斯榮座次恭聆溫誨伏窺憲
容勞瘁鬚有點蒼竊以憲臺歷宦年久焦心於國計民

瘼所致及退而繹之始悟憲心方集蓼而啣隱痛天性
純孝故當壯盛之年而不免於改貌也但憲臺以柱石
之躬著平反之績福及全閩幸惟節勞珍玉以副蒼生
霖雨之望茲接到鈞諭以揚軍廳差屬採買梳木事飭
令稟復卑職性雖愚拙而每事以持平為主況以軍工
重務何敢漠視隣封而縱地棍刁難也無如差員承辦
者所過輒借端滋擾如蘇松道差役官林赴閩採買木
料此係奉文有名之人而隨有一劉柄與之偕來自稱
揚州府清軍廳之姪為真為贗未暇與辨而其在甌邑
辦木二宗皆未免怙勢強壓致生事端一則徐弘太祖
塋有梳二根被伊族徐騰士背賣弘太控縣時值殘冬

小山集卷七

七

暫行封阻卑職查係徐姓公衆之木已經勸諭均分木
價今劉炳趕運擡出大河在案再卑縣民范小有杉木
二十二根環拱祖墳劉炳復強行勒買范小痛先骸驚
險恐難保全屢次哀辭求免此亦見愚賤無知猶有風
才餘悲惻然可念也乃劉炳串同地棍黃某等巧挽
范氏無干之疎族范奇奴為木主盜寫泊批載價銀三
十二兩擅交范奇奴收執而范小絕不與知契內亦竝
無押字本年正月初旬公然斫伐范氏親房族衆因見
蔭木就仆壓傷祖墳痛心慘目遂將斫倒之木自行鋸
折以示兩無所用雖係愚頑亦殊可憫時正值卑職赴
省范小號奔控府批查到縣經卑職審明先將黃鐘家

范奇奴等分別枷責追吐木價原銀給還劉炳而范氏墓木已光此無復可運者也夫卑職忝膺地方之責凡屬境內莫非赤子乃假威射利之徒肆行騷擾使窮山僻壤不能保其祖塋守其墓棘卑職縱不敢以軍工而有阻悞亦豈肯一毫瞻徇令小民失所庇倚耶謹因奉飭具稟陳顯委以達慈照竝請憲安卑職臨稟無任悚惕

上制臺郝公撫臺趙公稟摺 漳州

竊卑職於本月初三日到漳州府舊署上任後業經繕摺稟明外半月間三次發教條差役實貼南勝等

題本有名十處地方詳切曉諭聞彼處耆里民人等

小山義舉

八

有欣喜望見之意然後親往勸諭卑職於本月二十二日捐給從役口糧嚴諭所至地方毋許秋毫擾累是日先至黃井翠微透龍三處二十三日由透龍至三坪山隔二處二十四日由山隔至瑄溪溪深田坂仔三處蓋深田隸坂仔約內雖

奏本未列此名實係強族賴姓所居二十五日由坂仔至洋頭南勝五寨三處二十六日復回瑄溪二十七日由水路回至府城卑職查得南勝瑄溪溪深田山隔地方為大五寨坂仔次之翠微透龍洋頭又次之三坪黃井僅雜姓數百家為最小大約尤大則尤難治蓋漳俗強悍以平和為最而平和自前明正德間王陽明先生撫

南甌時削平山寇始請建邑而南勝等處去縣治遠遠教化未洽人多頑獷又係沃土良田美宅似屬富庶家有蓋藏半築土堡團廬為居其間大姓或千丁或二千丁多至萬餘丁雖非同宅而處而十里五里之間星羅棋峙有犄角之勢未免負隅自固兼在閩粵交界山重水複犯事則易於逃竄此其所以刁蠻難治也然而天良不泯淳頑參半其間亦有讀書為諸生與高年耆碩明白道理之人卑職祇以空言數紙樹之風聲而入其境觀其風知其有可教之機不至令一隅獨外

聖化也卑職復與所至南勝等十餘處地方未至則先有鄉保率童子數人羣執綵旗為前導將至則有生監

小山義舉

九

耆老里民人等一路焚香供花匍伏道左候迎既至館舍則羣請訓誨卑職從容宣講

皇上暨各憲德教遂歷數其地方向來風俗之頑諭令改悔并令傳諭通鄉父教其子兄勸其弟變頑為淳無負

皇上及各憲愛民至意諸人皆長跪聽命云山野小人向失教訓風俗頑鄙不知

聖天子及各上憲愛民如此今既聞教願皆傳諭子弟從此改惡為善良不致終負大德也又所至觀者如堵雖係蚩蚩之氓亦皆屏氣靜立無敢訾訕亂聽者又或孤邨僻壤無可設座三五衿耆牽裾請誨卑職亦遂停

與就樹陰權坐與爲開導諄復數千百言俾得如其願而去數日內所行山徑險窄時時下車徒步又語言過多唇舌焦苦向晚就息地方矜者不無壺殮之饋卑職必峻拒之以存體統惟脫粟一盂寒蔬一箸以自飽不覺其勞瘁澹泊益亦竊幸其民之猶有可教也獨至深田則有賴唱賴感糾眾搶犯一案前蒙憲臺諭帖有設法拏獲善爲料理完案等諭卑職愚見以爲賴氏萬丁聚處向屬強梁斷非差役可拘因發告示切諭賴姓宗族令送出賴唱賴感并原案有名之賴慶其餘附和之輩或可請邀上憲恩寬以免株累及卑職親履其地賴姓房族長及老人數十輩來迎卑職以正言論之以危

小山文集卷十

十

辭休之以哀矜惻怛之意感動之諸老人乃瞿然羣往傳諭賴唱竟自投到綠所搶賴霍賴交係賴唱親房實屬無辜平和彭令以原役之稟欲若跟要賴唱賴感致有糾搶之事則此案以賴唱爲首所以羣令投到也至賴感賴慶據云久已遠颺無獲時卑職尚有南勝五寨坂仔洋頭未到姑著鄉保人等限二日內俟南勝回時將賴感賴慶交出先將賴唱鎖帶凡經行之處勸導之餘即指以爲戒及遍歷諸處回至深田賴姓宗族又送出賴感之十歲子賴茂而賴感賴慶據云實已逃竄非不用命也卑職以深田地方官法久不能施當有以警之適鄉保賴祖玩視不力即其地杖之三十稍振紀綱

姑先帶賴唱賴茂到郡寄收龍溪縣獄其賴感正身及賴慶著令賴姓房族長與鄉保人等再行徧緝卑職此舉雖未能全獲諸犯而首犯自行投到又得賴感之子賴茂將二人牽置與前往來二百餘里莫敢迫視據漳人云此百年來所未有非有畏威懷德之意不至此益信良心人所共有德教隨地可施祇以蠻方赤子僻居山谷耳不聞道德之言目不覩禮義之事而有司以道路曠隔聞見不周或亦爲吏役所構處置未得其方致釀越禮犯分之罪爲民上者因以其罪罪之在犯者固不敢辭而仁人君子所當惻然動念也卑職竊謂蒞事伊始教化初行伏懇憲臺姑開法網從寬就近完結俾

小山文集卷十

十一

深田賴姓萬丁沾恩卑職當瀝膽披心殷勤勸諭不敢稍有厭倦優游漸漬馴而致之使刁頑強梗之俗化爲詩書禮樂之鄉伏惟憲臺裁示遵行至卑職稟詞拖沓有乖體製并祈慈宥卑職時到臨稟無任悚惕須至稟摺者

上各憲稟摺漳州

竊卑職於九十兩月緣學憲按臨代理提調事務不獲往拘深田賴姓前後二案各犯及歲試事竣又恭遇慶賀

萬壽之期迨本月初四日始發硃示先令平和縣李典史前往曉諭隨又連發硃諭差役協同鄉保及賴姓家

長勸諭各犯投到聞有悔悟之意卑職於初九日飛舟親詣瑯溪督催益嚴遂於十一十二兩日內各犯陸續投到前案惟逸犯賴感實已遠颺在先又賴搖一名查無其人其餘供犯賴古城賴亭賴講賴淵及被搶犯人賴霍賴友等六名後案搶犯賴庇賴疊被搶客民陳鋪即賴鋪吳田即賴田等四名二案賴姓犯人共十名俱已到案卑職於十三日親押赴府候審此皆賴

聖化憲威及新署府設法所致平和典史李天係家長生員賴玉瓚竝竭奔走傳諭之勤至卑職非有秋毫力也所有盡獲賴姓二案各犯緣由理合通稟伏候憲察更有稟者十一日晚先有偽犯冒名賴亭賴淵賴鋪等

小山文稿卷

主

投到卑職覺之查訊得實雖非本犯亦係賴姓無賴子弟卑職先將原差責警然後移坐堂簷下飭選精壯皂役將偽犯三名竝予四十重杖幾驚歸屬聲言飛稟上憲請兵勦除深田人來觀者色戰股慄驚竄而去次日各正犯乃相率投誠泥首階下卑職既數其罪旋復反覆開導以好言安之許以不死并許與從前投到陳姓林姓等犯一視同仁不收監禁合竝聲明卑職臨稟無任瞻依感奮之至

上學堂楊公稟摺

漳州

竊卑職於客秋獲侍憲臺講帳沐春風之化者兩月有餘感頌之私與十邑諸生共縈寤寐祇以風塵下吏未

敢瀆薰手板一通記室定蒙慈亮也三月下旬本府高自省旋漳聞憲臺會同撫憲趙公將以不才姓氏列諸薦剄上應鴻博之

詔不禁慚汗交流卑職於少壯之時固嘗有志藝林雖涉獵經史瀏覽詞章而賦姿魯鈍一無所成至四十後衣食於奔走便已拋荒況六年外吏鞅掌簿書不復知風雅為何事今已平頭六十綠所轄南勝地方風俗刁悍旦夕焦憂入春以來益增衰病方思請告歸休田里何敢仰邀憲恩竊與大典用是謹瀝下情伏祈鈞照至憲臺樂育人材採及葑菲之盛意卑職惟有瑯鏤心版沒齒不忘而已卑職臨稟無任感激悚惶之至須至稟

小山文稿卷

主

者

上大中丞項公密摺

成都

卑府時翔伏觀運賑江楚米穀四十萬石一案上慰九重宵旰之勤下拯兩省飢溺之患公忠體國誠古大臣之用心也但川省與楚壤相接且有委員領運江省相去遼遠又無委員領運其辦理之難易可知也川省之下游水寬舟便上游水狹舟稀其辦理之難易又可知也今欲兩省竝舉上下游均辦竊恐將來事必有悞姑就上游之勢觀之檄飭州縣碾辦米石州縣分應為而不敵辭米已碾矣必待舟而運然小河舟少州縣紛然爭僱至相掎擊而終不及十之二三勢必往返陸續

接運至嘉定者猶稍近至瀘州者一千四五百里往則順流返則逆流數往數返必有後期此可憂者一也運必提船上下游均運則上下游提船今船隻久停商賈不通百貨擁滯米薪騰貴即如會城百萬戶日需柴炭何限近聞零星買賣炭一劬須錢八九文柴十劬須錢二三十文貧民何以堪此卑府通融籌畫雖已令成華兩縣各派小船二十隻往運柴炭恐尚不敷萬一有缺變煙不繼人能晏然已乎一物如此各物皆然一方如此各方皆然此可憂者二也每歲川中豐稔商人運米接濟隣省四五月間出峽者不下三百萬此夔關有冊可稽者今因官運十萬而商船不得行則今年商運必

小山文稿卷六

古

少是江楚之米反因官運而少恐彼地飢黎將不以官運爲德而以商運之少爲怨矣此可憂者三也積此三可憂而或竟無悞運楚者至楚運江者至江則大人之心已盡不必更顧其他猶之可也然卑府且募籌計竊以爲運楚或可無悞運江恐終有悞何也運楚者既有委員所派之穀皆在大河卸停現在領運一半已可無虞倘耿丞運到後半亦可及也故曰運楚或可無悞至於運江者彼省既無領運之員而派米多在小河所委督運三員分爲三運先往重慶俟米至允收水寬舟便地方自有先至者其水小舟稀地方轉輾往返未能刻期勢必待米數齊全而後啓行彼此相牽先後不一川

江長江俱極險惡一遇封峽便難放舟能必三運之皆出峽乎故曰運江恐終有悞卑府愚見以爲與其已悞而陳奏不若及今改圖統籌二省則停江而辦楚獨籌江省則止官而通商議者必曰江省之水災甚於楚況大人業已覆奏豈可中輟是殆不然江省水災雖甚彼省德大人原有米已足用之言所以咨覆川省淡然無必需之意今但以川省船隻不足供兩省兼運況官運有妨商運之說再行入

告

聖明定當俞允若待已悞而言則無及矣卑府明知此言出口罪應參處然審觀事勢熱血潰湧不敢默而不

小山文稿卷六

主

言以負大人數年培植之恩耳方今居民商賈船戶人等已嘖有怨言天時又值乾旱夏熟分數恐減如必二省兼運別有可慮揚湯止沸不如抽薪伏乞大人一再籌之倘以籌蕘之言可聽運江之米一停則官民並受其福閭閻歡樂之氣感召天和時雨可得矣用是繕摺密陳恭惟憲鑒卑府時翔臨稟無任戰慄待命之至

小山文稿卷六

男景



小山文稿卷七

太倉王時翔抱翼

老子註序

代黃少宰
莫爾先生

天地有始乎曰無曰無始則奚以有始之名曰吾不見其始以為無始而已矣天地有終乎曰無曰無終則奚以有終之名曰吾不見其終以為無終而已矣天地之始吾不得而見也天地之終吾不得而見也吾所得而見之者其始與終之間乎吾烏乎見之則以其為有而已矣故天下之道有與無而已吾能見其有不能見其無是有者吾之所有也無者吾之所無也將以吾之所為者為道乎抑將以吾之所無者為道乎必曰以吾之

小山文稿卷七

所有者為道矣是故俯仰上下日月星辰山陵川澤草木鳥獸蟲魚樊然而垂於天般於地者皆有也道德仁義之原於性禮樂刑政之彰於教君臣父子夫婦昆弟朋友之為倫易詩書禮春秋之為訓堯舜禹湯文武周公之為治皆有也吾皆得而見之者是故聖人之為教也以吾之所有者為道之所在而已矣老氏者上溯乎天地之始而窺其無猶佛氏之下窮乎天地之終而窺其無者也佛氏之言寂滅也謂物必有終終歸於無故以無為道老氏之言清淨也謂物當返始始原於無故亦以無為道彼二氏者一窺其始一窺其終而不知始終之間之為吾有也譬之虛空者然窮日夜之力

而為之終不得其實而已矣吾門唐子萊囑學聖人之道既有得於中而旁參之於老子而為之註其用力亦勤矣丁未冬問序於余余詰之曰子不足於聖人之道耶奚老氏之孜孜也萊囑謹對曰孔子志在先王立教正而顯老子憂在後世立說微而深其是非不大謬於聖人也余曰奚為其不謬也曰周衰風俗凋敝樸散質漓智欺愚文掩實敗壞而不可救戰國鬪爭攘奪之禍秦人并吞暴橫焚書坑儒之慘已兆老子知之而欲以微言挽之故其說以不爭不矜歸真返樸為宗而以無為用翼以息天下之紛擾所謂三十幅共一轂當其無有車之用者老子之微意也其亦有當於聖人救民水火之心乎余以老氏之學趨於無而唐子能引之以歸於有庶幾不謬於聖人之道矣茲用樂得而書之

小山文稿卷七

二

莊子集解序

代黃少宰
莫爾先生

唐子萊囑既作老子註復撰莊子集解一書以莊子之學出於老子故也然老氏之言約而易覈莊子之書汪洋漫漶恢詭奇變不可方物非薈萃眾說採撮諸家合羣狐之腋聚吉光之羽無以觀其完美此集解之所由作乎余嘗汎覽大全切求指要見其別真贗於淄澠剖精微於溟滓創獨見以釋前疑約異旨以歸至是下逮分章析句訓詁音切亦復兢兢不廢允哉其為漆園之功臣矣而其自序則以莊子之警警孔子後仁義實禮

樂爲侮聖畔道謂當辭而闕之不遺餘力又何齟齬焉立說之不苟也夫仁義禮樂古今聖賢之所以治人教人而天理民彝之不至泯滅者咸在乎是猶日月之經天江河之行地莊子乃欲盡舉而廢之況孔子大聖乃敢恣其猖狂之說以詆誣之使莊子而果若此其罪豈在楊墨下耶顧吾於莊子之書嘗三復而別有會焉蓋其說之猖狂恣肆如前所云者皆見之外篇矣莊子之外篇乃其雜出未定之書而後世好怪之徒又從而說托焉故如是甚也要其所論定之書獨有內篇耳故夫莊子者有意於誦述孔子而未能純出乎正者也意亦聖門諸弟子分教四方而莊子得與被君子之澤者乎

小山書卷七

五

不然何其內篇之所言未甚悖乎孔子之教也今觀七篇之中述孔子之言者九獨長梧子及叔山無趾二章少有拂戾而楚狂之歌與魯論所載無大異餘若人間世德充符大宗師三篇中繁稱數引問答歷然皆以孔子之言爲主雖所云未必果盡合乎聖人而紹述孔子之意亦可謂詳且悉矣且其齊物論篇云春秋經世先王之志聖人議而不論大宗師篇云以禮爲翼以知爲時人間世篇云子之愛親命也不可解於心臣之於君義也無所逃於天地之間其所言皆不悖於先王經世之旨聖人禮義之教奚至如外篇之紛紜錯盡決聖道之藩衛而爲脫銜之馬舍康莊而即於榛莽乎哉

故以莊子之學爲出於老子者非真知莊子者也莊子之學與聞乎孔子之道未能純得其正而旁鶩乎老子之說者也夫吾於莊子之書別而觀之以求其學之所出豈苟爲異也哉亦務得其人之真而已矣唐子取吾說而參之則其爲莊子集解也謂有功於莊子可也即謂有功於聖人之道亦庶幾乎其可矣

徐氏宗譜序

代黃少宰崑圖先生

古者宗法行而尊卑長幼之序燦然明矣使其族之人相保相愛而不至爲塗之人大傳所云同姓從宗合族屬是也是故有百世不遷之宗有五世則遷之宗維其有五世則遷之宗親屬之所以有時盡也維其有百世

小山書卷七

四

不遷之宗仁孝之所以無終窮也夫四世而總五世祖免六世而親屬盡矣祖遷於上宗易於下其得不爲塗之人乎先王憂其如是也而立百世不遷之宗以明一本之親所繫屬無可絕而已矣蓋八道以親親爲重親親故尊祖尊祖故敬宗敬宗故收族宗法行而上治下治之法備焉斯時固無所藉於譜也雖然先王於宗法之外所以睦其族者亦未嘗不兢兢云周禮大宗伯以飲食之禮親宗族兄弟小宗伯掌三族之別以辨親疎而又設小史之官以奠繫世辨昭穆然則小史之奠繫世其即譜牒之源乎特其所以尊祖敬宗而收族者不藉乎此耳自宗法亡而譜系興益以維宗法之窮也宗

法存而族合宗法亡而族散有不至五世而視爲塗之人者矣況其遠焉者乎仁人孝子惻然傷之作爲譜系以存餘年之意曰若者吾百世不遷之宗也若者吾五世而遷之宗也雖未能如宗法之行而其道猶不至漸滅而無餘殆亦有甚不得已於中者矣余觀徐氏宗譜之修而知其代有仁孝也徐氏自伯益之後封於徐世居東海由東海而南州由南州而金陵自宋直學士院學士鉉公以前世系荒略弗可考七傳而爲司理養軒公由金陵而遷黃溪又六傳而爲守戎天受公由黃溪而宦於金州遂家焉而公之六世孫仰山公當世祖皇帝龍興時佐命策勳著於旂常念水木之本原

小史稿卷五

五

推瓜瓞之支蔓修立宗譜以收族人而金州一支近世淺溯而上之誠而求之得黃溪之舊圖乃以司理公爲始祖而立大宗之圖此仰山公倡之於前者也仰山公之弟爲資政大夫蘭谷公蘭谷公之子爲通議大夫陶初公世爲名臣而陶初公之子別駕靜夫以前譜未詳欲重修之而別駕之子廉州守翼蒼成父志由守戎公下五世爲小宗之圖且合舉黃溪以來之族凡勲爵行誼文學以及昏嫁卒葬莫不備載焉又列規於祠以嚴祀事而示尊卑垂勸戒而兼收恤此靜夫翼蒼父子成之於後者也嗚呼世之以塗之人視其族人者多矣以塗之人視其族人以塗之人視其祖先也而可乎

徐氏有仰山公倡之於前靜夫翼蒼繼之於後自是作述相承永世無數所以尊祖敬宗收族之道於是乎在則斯譜之修寔祖小史與繫世之職而即先王宗法之未盡亡也其所關於世教人心者何如哉靜夫與余爲表昆弟屬序其端余盥手書之以告世之爲孝子仁人者

郡司馬丁君六十初度序

代黃少宰
崑州先生

梁溪爲理學末冠之邦兼饒山水名勝產於斯者多得扶輿靈淑之氣而又有師友淵源漸磨陶鑄之益故以道德行誼政事文章發聞於世者類不乏人即以素封起家亦多好學問重躬行恂恂爲儒者愛與四方賢士

小史稿卷五

六

大夫游必思有以顯著於天下而不甘自囿於里黨拘墟之見蓋其風尚然也吾門丁君煥嘗以郡司馬謁選京師名聞

朝宇而丁君意不自得過余請見躬躬然斷斷然氣愉而色恭進退安舒儼若鄒魯秉禮之士余目而異之已而具羔雁執禮於門下昔韓退之喜接後進作師說抗顏爲人師且爲柳州所非況如余者哉又況如丁君之賢其師友淵源固無待於越境而求者哉而丁君年且長余三歲余辭焉丁君前致辭曰煥所重者在可師不以年不以位幸獲與門牆之列則可歸見鄉里公何絕之深也余念其意之誠乃如其請顧余嘗論今之爲師

弟子者與古之為師弟子者異古之時為弟子者必求其有可師者而師之或以道德或以行誼或以政事或以文章苟有一節則師之而其為師者亦必自度其身有一節之可為人師而後當之而不愧後之求師與為師者吾惑焉曰以其年之長幼也以其位之崇卑也弟子以是求於師師亦以是應其弟子夫弟以其年則項橐王通不可以為師矣第以其位則尼山鄒嶧大聖大賢不可以為萬世師矣故吾於丁君所以求師之道所謂不以年不以位之兩言而知丁君之獨異於人若丁君之所以取於余者余固未嘗叩其何說也近余去位來江南客居吳門與梁溪接壤丁君時時牽舟過余逆

少逸集

七

旅蕭然相對慰藉終日情至厚也窺其用意有加於前余益知其昔之兩言不僅見之於口者矣丁未春一日來謁而不去意若有所請而未敢言者余探其意而詢之乃徐謂余曰以煥之執義於門下久矣犬馬齒加長而德不修明年茲已六十矣而無一可為子孫法且重為鄉黨羞惟冀公一言聊用自雄而又弗敢請也則奈何余以其辭之謙而有體也亦既許之矣別去又致書申請且示以家世之詳始知其為宋集賢校理元珍公後元珍公為晉陵人當宋仁宗英宗朝為名臣歐陽文忠公王文公皆與為友兩公有文紀其略越十有一世始移居梁溪故今為梁溪人歷世多有名人而丁君能

續承其緒有聞於時方以詩書長其子孫發於丁君而未盡者將見昌大於後十君雖未得大伸其志而遭逢聖世家具饒益田園山水友朋之樂有以自娛其亦可矣丁君來書有云不喜諛辭增愧余亦非喜諛人者稍述其游吾門之語以見其異於今之人焉是為序

周少逸石帆集序

代黃少宰
崑崙先生

吳門周子少逸裒其詩文二十卷乞序於余余知少逸於未謀面時實詩文作之合知少逸詩文者宜莫如余然余自見少逸而以爲由詩文知少逸猶淺則知少逸不必以詩文見者又莫如余然而後之藉以知少逸者捨詩文無由也此少逸所以不得不留其詩若文以示

少逸集

八

後之人也少逸之詩蒼堅古茂以杜陵為師其五言古尤逼真非徒貌似而已少逸之文如菽粟之可以療飢藥石之可以伐病要期於有用而不屑屑於繁輓之飾其駢體酬應之作非其所貴而叢殘雜說偶激於意氣縱筆所之或亦涉於罵讖笑稍戾於中和而彌見其愷摯而質直讀者當有以諒其遇矣抑余於少逸有感也夫天之生人多矣而才者少天之生才難矣而尤才者益少顧於千百千萬人之中而得一人焉宜必有以用之矣乃往往困厄其身使抱其才以老也可惜也少逸擅曠世之才將老矣而未有所用於世即棲棲羈旅代人謀畫宣洩其一二而卒未得自奮青雲之上有所

大用於世僅以蓬門韋布之身都其生平之著述而思以留俟於後之人斯亦才士之窮也已

太倉州守王林巖壽序

代西田相公

吾太倉自升衛為州向隸蘇郡為屬邑瀕海地下財賦殷繁而堯湯水旱災沓時行雖厚澤漸涵凋殘未起今皇帝御宇之三年念天下州縣之大者踰於古之侯封令牧一人或不及拊循而控理之

特命增設令丞太倉亦割壤為縣曰鎮洋遂升州為直隸轄嘉崇兩舊邑而新設之鎮洋寶山咸為之屬由是太倉之為州不隸於蘇而自為治州之守比於郡伯焉其升州之初蒞斯任者難其人

小山書

九

皇帝乃於縣令中擇其尤賢且才者而畀之由是中州王公適報最於蘇之崑邑得膺是選視事未幾隨奉旨入覲褒賞予賚隆恩稠疊再晉秩以知府銜署州事面受

簡命而行益慕重哉先是公由甲科選青浦令青與州相去稍遠雖風聲所屆而未及詳也迨公之尹於崑則與州壤相接吾州人之過崑及崑人之來州者莫不道公之所以為治二邑之人猶一家崑之治日在州人耳目間其服公之政也久矣方公之始蒞崑也觀崑之俗曰民慢矣不可不有以糾之嚴立章程弗率則置之法崑之人惴惴焉恐罹於罪咸曰公明決人也幸勿以不

肖之軀觸之久之無犯法者民乃欣喜相告曰公慈惠人也公之所以嚴於始者乃其所以寬於終也雖然亦有終畏公之嚴者矣問之則必其人之為惡不悛者也則必其不守公之法度者也亦有始即不知公之嚴者矣問之則必其人之為善自好者也則必其能守公之法度者也然之二者皆里巷之庸人無足據問諸崑之賢士大夫則曰公益因時為治者也實猛相濟之政合於窮變通久之道公之治子產之遺也州人之聞於崑者其詳若此及公之蒞吾州而州之人始亦惴惴公之或嚴於治懷息以待而公寂然鎮之以靜也待之又久而公益藹然煦之以仁也而州之人愈凜凜焉不敢負公而違公之法度或以公之治吾州異於所以治崑者告之崑之人其為惡者曰殆將嚴於後乎其為善者曰吾固謂公非嚴者而賢士大夫則曰二者皆非也公之嚴見於治崑之始州之人固已習聞之公之治州之寬也即以濟治崑之始之嚴也治崑之始之所以嚴者猛以救民之慢也治州之始之所以寬者寬以救民之殘也公誠能因時為治者與崑之人所以論州之治者其詳又若此雍正五年四月清和之辰值公降誕吾州人戴公之德將躋堂而稱兕觥焉以余為州人之尤老者郵公之所以治州并詳崑人之論而乞言於余余無以易崑人之言也故備載之而私於州之人曰今

小山書

十

皇帝振飭綱紀百廢具興皆本於愛百姓之心公於入
觀時蓋已深窺之矣昔之治崑也義近於霸茲之治州
也仁近乎王公能仰承

聖德必深契

聖心吾知公將大用而一州彈丸之地不足羈公之驥
足矣州人其以是爲獻觴之藉當立而俟吾言之驗也
是爲序

贈嵩陽耿允平序

代韓首
卷先生

洛居天下之中得天地之中氣故其地多學者生焉自
宋二程子道脉相承累世不絕今

聖天子崇尚聖學四海從風而中州爲盛如湯尚書潛

嵩陽先生

士

菴耿少詹逸菴冉太史蟬菴與今少司農儀封張公皆
其彪炳朝右者也其隱而不出者亦多有其人嵩陽耿
子允平其一也耿子爲逸菴先生猶子濡染多而信道
篤不惟自治而且能聚其鄉之子弟而教之蓋從之游
者衆矣辛丑季秋余校士洛下有諸生羣來言耿子學
道已久著述甚富請余刊布其書以示來學余索其書
觀之則凡五種曰道統正傳其所論列自堯舜以及程
朱而止漢唐以後如江都昌黎游楊尹謝羅李黃蔡諸
先生咸弗與焉可謂嚴矣曰道學正宗其所稱引自五
經四子歷代史書以及濂洛關閩之言而止諸子百家
之書咸弗與焉抑又嚴矣曰鄉學會語標其教人大旨

學道而不廢制舉之業可謂嚴而通矣曰四書詮註集
解取朱子集註分其脉絡而詮釋之又雜引諸儒之說
於後闡發聖訓而兼有功於制舉之學可不謂詳且切
乎然余以爲諸書若大路然古昔聖賢揭日月以經天
雖盲聵亦能識之矣獨愛其勵行錄一書於學者尤爲
切要蓋是書自爲學以迄經世釐爲十條盡取古經傳
諸大儒之言由三代至

小山文集

士

焉不尤大幸歟顧余聞之禮不妄悅人倘余與耿子繫
加歎譽而無一砥礪參質之語是貢諛而妄悅之也以
此待世俗人猶尚不可而況當學道者之前耶又況余
幼聞家訓長沐
聖教而忝爲師表於此耶用取是書之疑於心者五就
耿子而商確焉夫書之條目次第不可紊也大學之序
脩身以前皆治己事齊家以後皆治人事秩如也今以
正家爲第六而列盡性立命於第七第八條然後以教
人經世終焉將謂正家之時尚未須盡性立命必至教
人經世而後盡性立命歟且謂正家非教人之事而經
世難於正家歟夫盡性立命雖聖學之極功要亦治己

事也今次於正家之後此余之所不能無疑者一也耿子之言曰堯舜至孔子聖聖相傳惟傳此心因以心學歸夫子而傳會志學章以實之夫自古傳道無心學之名堯舜禹相傳以執中非傳心也若心則有人心道心之分非精一之功且無以得其中而執之矣可誤以心為道乎心學之名起於姚江之徒王艮王畿輩發明良知之旨而入於釋氏頓悟之說者也耿子論道統則主程朱而立言則闢入於岐趨此余之所不能無疑者二也耿子論要要有曰五經之道明即十三經之道無不明矣四書之道明即凡書之道無不明矣耿子亦嘗思十三經為何書乎易書詩禮之三禮春秋之三

小書

五

傳孝經論孟爾雅而已是五經已該其九而學庸本屬禮記語孟亦在經中餘惟孝經爾雅已耳孝經言簡而理易明爾雅則諸經之訓詁非有義理可尋也是四子十三經固不得分而二之而耿子既云十三經之道明又云四書之道明豈十三經之道明而四書之道猶未明歟雖四子書久經先儒別為釐定而儒者立言要於無漏雖極微渺之端皆當窮其原本而出之恐未應隨俗波靡而流為學究之邛談也此余之所不能無疑者三也耿子於正家之條為之說曰一家之內尊卑男女長幼參差不一最難齊也故以齊言之齊也者齊其不齊以致其齊也夫大學齊家傳有親愛畏敬哀矜賤惡

教情之不齊第當如其分而止而弗陷於偏而已非可以致齊也如曰齊不齊以致其齊將欲使哀矜賤惡教情者上同於親愛畏敬而後為能齊歟是大亂之道矣耿子乃借儒先註解齊戒之齊字義混釋齊家之齊此余之所不能無疑者四也耿子經世篇有曰行井田以定國賦竊思古者洪荒甫闢人皆茹毛飲血未知耕作之利故可畫田而井之以分授之民歷夏商周不改及秦而大壞戰國時阡陌初開舊跡未湮也故孟子於齊梁滕皆勸行之漢唐以後斷無可復之勢矣雖宋之大儒亦嘗留意於此而朱子謂行之須有機會必經大亂之後天下無人田盡歸官方可給與民亦可知其行之

小書

四

不易矣夫必待天下無人田盡歸官而後行是洪荒再闢也其何日之有朱子固明示人以不能行也唐柳宗元為封建論謂封建必不可復行豈不戾於古而天下後世莫不以為定論若井田可行將封建亦可行歟儒者坐而言可以起而行乃為言行相顧如決不能行者而曉曉焉不已母乃近於腐且迂乎此余之所不能無疑者五也昔朱子作近思錄猶必與南軒東萊兩先生研審久之商定而後出今耿子雖產理學之鄉得少詹之淵源而其著書亦嘗與良友切劘商訂而出之歟耿子學道誠篤或恐深山僻居不及與四方賢士大夫相質証未免自許太過便以為所著之書皆可傳世則亦

固矣余雖不敏敢自托於張呂列五疑以與耿子相參質其所言未當歟則已其所言而或有一當歟幸從而改之且博求天下理學之儒共相磨礪益進於道而後取其心之所得者筆之於書當更有可傳者矣故余不序其書而贈之以言

于忠肅公文集序 代蔣翁菴先生

明少保于忠肅公勲業在天壤忠義在人心三百餘年以來炳耀如一日雖婦孺皆能知之其大節可無論顧余讀公之文而益知公之所以致此者固由天挺奇姿而亦由於積學志古有所慕效而成謹按公年譜十五六時即慕文信國之為人作文丞相贊又留心史學洞

小山文集卷之

五

究古今治亂興亡之故尤喜陸宣公奏疏手錄之慨然有天下已任之志及遭逢景帝倚公如左右手公乃以一身支柱其間扶危定傾爲苞桑磐石之安其忠謨智計往往見之章奏觀安民安邊建置之安其忠謨智計諸疏區畫詳審較宣公奏疏固無後先而公他詩文雖短章斷句亦皆流自肺腑無一言不合於仁義至文丞相贊則有狗國忘身舍生取義之語其激昂與忱與信國正氣歌及零丁洋諸詩何異此公所以攀文友陸於千載以上也又嘗考宣公事唐德宗昏暗之主其所謀畫未能悉用故其言嘗寄剴切於婉曲之中而公言無不聽第據事敷陳而已足若信國值宋室傾頽之餘雖

轉輾百計卒無復振而殺身以成其仁而公當明運未衰雖有土木之變而國已有君便可轉危爲安則公似較易於宣公信國之所處然宣公之言用固有益於天下即不盡用不係唐之存亡而公兼將相之任當危急之秋所籌畫一不中則大事去至錮宮國本則又人情之所難言善哉弇州王公之言曰景帝之信公謂其能禦國非有布衣腹心之素一不合則睽再不合則去而已公能得之景帝乎迨遭徐石之譏竟同於留夢炎之殺信國夫信國之國以身殉其忠易見而公則反被惡名固自知其無可奈何而不一置辨是公之所處又較難於宣公信國也夫景帝用公而明賴以不亡明之幸

小山文集卷之

六

也英宗信讒而殺公公之不幸也然公之言用於景帝之朝而其奏疏與宣公埒公之身殺於英宗之世而公之心無愧於文丞相贊所云然後知公之學識素定言行相符夫豈倉猝取辦一時微倖其成功而卒蹉跌以敗者耶是故讀公之文而公之大節乃益顯當公之被禍也裴監憐公之忠竊其少子廣遠之考城公嘗兩撫河南多惠政於此土廣遠家焉今公之裔孫屬序於余夫公之文如日星之炳何待余言而余讀公之文論公之世慨慕之心油然而生不能自禁其言之長也遂書之簡末以志景仰云

李勤襄公疏稿序 代蔣翁菴先生

天生一代戡亂之主必生一代佐命之臣或入處密勿
受心膂之寄則朝夕左右可以造膝納誨故其言秘或
出專征伐膺股肱之任則上下遠邇必待申章奏請故
其言顯勢則然也漢張留侯之事高祖滅秦破楚定天
下其帷幄之謀所見於紀載者寥寥數言而已宋韓魏
公范文正公經略西夏一隅之地而奏疏不下千萬言
今傳於兩公文稿者何其繁富如此哉其所處之勢異
也我

世祖章皇帝乘明季之亂順天應人行弔伐之師一戎
衣而中原底定惟蜀獻賊餘黨蟠息蠢動叛服不常順
治三年

小山文稿卷七

七

命三韓李勤襄公鎮之繼改巡撫隨兼督秦蜀已又專
督蜀迨

今皇帝即位任益專前後在蜀二十有一年凡所謀畫
皆手疏入告而後行之宜其言之多也康熙六十年辛
丑余視學兩河適公之文孫總戎公建閩南陽與余相
見虎頭燕頤凜然丈夫也及與接雅歌投壺恂然儒將
也輯軍安民嚴慈互濟四野寧謐寇盜不生屹然長城
也知其所秉承者遠矣越明年壬寅春正月總戎以公
疏稿舊本漫漶重梓告成請余序之余惟

國家定鼎燕京

世祖神武天縱削平區寓固當有腹心之臣謀之於內

而蜀地險遠劇寇繁興非有偉人重鎮其間綢繆株固
則一方未靖巴蜀之民尚羅水火終於開闢宏規有未
竟之緒何以慰

元后一夫不獲之懷哉又或得其人矣而弗之任或任
之而不專且久長子率師於前弟子輿尸於後亦卒未
能善始以迄終也今讀公前後諸疏積卷帙至二十有
四之多統計不下數十萬言且什伯於范韓當日奏劄
之數蓋其為時久而所處尤難有不能不如是之多者
而

世祖暨

今皇帝皆信而專任之至二十餘年之久宜其以兵燹

小山文稿卷七

七

凋殘之蜀變而為富庶禮樂之區也嗚呼是可以見君
臣締造之艱與宏業之所由成已若夫益軍增餉勦撫
並施開屯田建學校足食教民諸大政具在疏稿中讀
者可自得之無俟余言惟敘公登遇

聖主以始終其功名一以為公幸一以為蜀之人幸詩
云無念爾祖聿修厥德總戎公念之哉

男景元校刊

小山文稿卷七

小山文稿卷八

太倉王時翔抱翼著原字

家水菴太守八十壽序代西田相公

漢良二千石多以經術飾吏治故能施惠恤災除殘惠興教化使風俗淳慤與古為近唐宋文學之臣出為郡者若韋應物白居易杜牧蘇軾之屬皆好為詩恒以文采風流輝映一時而無傷於政體故其去也亦能留遺愛於民間然漢太守握生殺子奪權甚重即唐之刺史宋之守猶得專制一方上無撓之者其勢固殊焉未若守之上有監司監司之上有撫軍制府層累而加使守惴惴懼獲戾也由是忘乎民之疾苦而媚上以求全其

小山文稿

為守可知已忘乎上之督過而愛民以失職其為守又可知已余舉此為家水菴太守壽曰是可壽矣水菴由名進士起家歷中翰左官國子博士累遷工部主事屯田司員外郎拜戶部郎中出為會稽守吾鄉以經師授學里門者為周懸著先生水菴少從之游治經求濟世之用不屑屑為章句而水菴先大夫學憲公故為文章鉅伯以詩名於時水菴既性嗜吟咏又胚胎前光遂世其學凡為諸生及宦游所至無廢詩及為郡遂一行其所學而化民成俗之方亦時形諸詠歌焉會稽俗健訟難治而時又水旱洊臻民多不聊水菴奮曰是不可不以古治治也於是散粟賑飢平糶以煦嫗之民起骨

而肉矣於是修文廟葺六賢祠設義學以化導之有弗率則懲訟師創拳勇以整齊之俗悉丕變矣於是凝香燕寢與諸文士賦詩而樂之謂庶幾報最於

聖朝而無罪戾矣蓋水菴之為郡如此顧水菴性恬而操潔性恬則無冒進之心操潔則無奉上之具以是多失大吏懼今相國遂寧張公水菴丙辰所受知同考師也適撫浙張故大賢所以保全良吏者數矣而職之者蓄怒於旁伺張之去而遂中以計與奪其位水菴曰吾知有民而已寧惜官乎怡然賦詩而行會稽之民思之者嗷然如失第五倫劉寵焉是時水菴年始五十歷三十年皆處不復仕遂至今八十五云水菴素為長洲宋文

小山文稿

二

恪公所器重桐城張文端公又嘗力薦之於朝竟不獲致大用僅止於治一郡又不獲免而水菴廉靜易退薄田敝廬蕭然守其先大夫之素業惟益肆力於古文辭而尤邃於詩蓋水菴雅好遠游凡歷閩粵燕齊楚豫之境所過名山大川探其奇而攬其秀或奇聞創見得諸耳目之所際蘊釀涵蓄一皆發之於詩居鄉則謝客杜門凝塵滿榻圖史紛如一花一草皆以寄其愛翫詠嘆之情故其為詩不事繁富而自無所不涵不煩洗削而自無所不合性情形其澹逸學力見諸蒼深方之古人各有所似而實無所似傳之於後斷然見為水菴一家之詩曹子桓有言榮樂止乎其身不若文章

之無窮使冰菴爲郡時稍出其情之炎者與世相迎合以其資望聲實當無不躋膺仕而冰菴不爲竟蹉跌而不復振以至於老然使冰菴違其素所學於父師者而貶以從時即歷階至卿相亦復何取況深入仕路榮辱得失關其慮必不能洗滌神明研鍊聲律追逐古詩人於千載以上卓然可傳如今無疑也余與冰菴族屬忝居長而實同歲生少相習也冰菴成進士時僑余寓齋同官京師久跡益密後聞其罷郡則感然弗寧近復來京師年已七十餘與余接席談笑者累月余與大宗伯海昌陳公嘗請其詩刊布之而冰菴退然不自滿弗以畀然冰菴之詩不患無寶愛而傳之者而其爲郡久被

小史稿卷八

五

謠詠或未盡知其循良上可攀漢之深於經術而俯同唐宋諸詩人爲郡者之有遺愛於民也今年正月七日余生辰冰菴以詩十章遙壽余八月下浣爲冰菴誕辰余其能已於言乎故忘其耄老無文而稍次其治行及詩學之所由昌而并紀交契之跡於末以爲之序

黃母吳太夫人九十壽序

代樹園
官序

恭惟黃老年伯母吳太夫人者贈某官某翁先生之配原史侍今東臬某及其弟方伯侍御郡守學博五君之母也雍正二年長公以少宰奉

命撫浙

世宗憲皇帝知其有老母年將八旬寵以

龍章親書德門壽母四大字以

賜以慰使臣來諭之思海內榮之且益知黃氏爲道德之門太夫人爲賢母而享大年也歷十有三年爲皇上乾隆二年太夫人年九十矣時長公方秉憲山左郵書於某屬以一言爲太夫人壽竊念長公爲先君子庚午北闈所得士入與其辛未同譜通門素交互關休戚訂金石吹壘虎者垂五十年則於太夫人九奏設帳之辰當儔猶子之列恭講肅拜祝嘏侑觴其能已於言乎世之稱太夫人者曰生於華閭克遵姆教在閭則孝於親既行則孝於舅姑相夫訓子名成而業就孫曾竹立盡屬優龍而年登上壽服

小史稿卷八

四

三朝之綸狄撫累葉之簪纓美哉盛弗可加也是固然已而某之爲太夫人壽者更有說焉昔宋眉山蘇軾氏幼時母程太夫人親授以書讀東漢范滂傳請曰軾若爲滂母許之否乎母曰汝能爲滂吾獨不能爲滂母耶迨軾以詩案獲罪舉室倉皇而程太夫人已不及見脫令其時軾母猶在必能鎮定安之若素也

世宗朝長公以事獲罪去位諸叔李亦相繼罷官間居而長公獄益急幾殆旁觀且爲寒慄太夫人凝然不擾書寸紙命長公曰雷霆雨露皆

天恩也惟當思省儉尤深自刻責仰冀

聖明垂憫意者天其悔禍與長公跪讀涕泗交頤佩服

弗敢忘而獄漸以解譬猶天地之噫氣一發草木盡靡而貞松勁柏獨挺然於震風凌雨之中不待識者固知其久而弗敝矣今

天子御寓仁孝慈祥錄瑕洗垢離貫索而復班聯者其眾於是少宰侍御竝蒙

召對侍御既以監司往河南而長公隨奉山左之

命聯翩鵲起枋用方新而太夫人則又惕然悚然誠以無忘在莒設以滂母軾母當之其能有過之耶知必歛衽而相讓為禮宗矣某出塞十有六年其久幾與屬國定遠埒今蒙

聖主賜環復職得親睹黃氏之再興而厠身長筵之末

小史補卷八

五

揚解於太夫人之前陳辭媿媿亦六有幸焉太夫人其能勿莞然醕一卮乎又考蘇軾氏自黃州謫後元祐中漸晉翰林承旨又晉禮兵吏三部尚書功施益茂大節炳然而推原驟進之由實受知於熙寧奇才之嘆今長公懲創於前復起於今皆蒙

先帝眷注保留以儲異日之大用由此驟列崇班益展致主澤民之偉抱而侍御諸昆亦當如軾弟轍之上躋政府將復見太夫人舉百齡之觴為閨中人瑞矣故益樂得而書之是為序

張翼庭詩序

代黃少宰
真圖先生

吾師新城先生以詩學倡天下而同時崛興者在吳中

則汪堯峰為巨擘堯峰之言曰吾少好為詩及見新城自知弗及而遷其好於古文辭然堯峰之詩新秀拔俗未嘗不可以名於世第不能與吾師抗行而已甚矣前賢之虛懷也今余客吳欲訪堯峰之流風遺韻而士鮮能言之者豈堯峰之學遂無傳之者耶張子翼庭三吳文學之列眉也挾其所業詩一冊示余叩其所宗則新城也定其詩者為沈子確士亦以新城為宗者也乃知堯峰之學蓋吾師之風有以掩之矣余觀張子之作淳古澹泊大約以吾師所選三昧集為指歸其果善學新城者與顧余嘗聞吾師選詩之緒論矣曰後人之選唐詩不若唐人之選唐詩也於是有十種唐詩之選夫備

小史補卷八

六

列十種者欲極唐人之詩之變且欲極唐人選詩之變也又曰詩視乎體不可一格拘姑舉五七言古詩而例其餘於是有五七言古詩之選五言自漢魏以迄乎唐而七言且至於元者欲極二體之詩之變且欲推類以極諸體之變也然後約其所歸曰詩非才情不可言詩而僅逞其才與情亦不可言詩有絃外之響焉則淳古澹泊之音是已於是有三昧集之選今張乎一蹴而已至乎是宜其桃堯峰而宗新城也可謂有志矣

重修朱子祠堂記

代姜建寧

昔徽國文公子朱子產於尤溪仕於漳僑寄於崇安終老於建陽而幼侍章齋先生於建郡之紫芝坊今猶傳

畫沙成卦處蓋章齋先生樂紫芝之勝築環溪精舍居焉則建爲章齋先生神明之所係屬當亦文公精靈之所憑依也宋寶慶中公季子在與嫡孫鑑建祠於紫霞洲上以祀公從公志也歷元明以迄於今廢興屢矣雍正七年茲祠不戒於火堂及兩廡俱燬焉適某奉

命守是邦顧瞻遺址慨然生修復之思未幾以公務他適逾年始歸而祠之傾圯如故益用憮然顧欲捐俸葺之而力弗勝也大中丞趙公聞而倡捐制府劉公繼之於是某與屬邑之士大夫各量力助猶有未足益之以罰鍰爰召梓匠鳩工庀材經始於九年之某月閱幾月而堂成崇閣墀與視昔有加翼以兩廡緣以周垣飾

小山書卷八

七

以丹堊奐焉輪焉斯具美矣公之裔孫博士君某卜吉於某月某日奉公栗主於其中而以黃劉蔡真四先生配焉由舊制也於是某率所屬之士大夫恂恂翼翼拜於庭郡之父老子弟環觀焉矧如也某升階式瞻周歷堂廡退而謂其父老子弟曰爾民亦知所以亟修是祠之意乎蓋文公生於周程張邵之後而集其成躋於顏曾思孟之列而繼其統雖世之庸愚婦孺莫不聞公之名而肅然敬幾與孔子埒者數百年於茲矣我

聖祖仁皇帝升公位於十哲之右且刊刻全書以頒示天下今

皇上之所以致虔於公者又極其至豈其僅隆崇奉之

虛名已耶殆將以公之道覺斯民也間嘗竊聞文公之學窮理以致其知返躬以踐其實而以居敬爲之主夫窮理致知則物無遁情而周知天下之故返躬實踐則道非浮寄而統備萬善於身修已治人之方盡此矣而尤必主之以敬甚矣敬之一言爲百聖相傳之心法也今爲吾父老子弟淺言之夫人莫患乎有一縱不可挽之氣與一發不能禁之情而其情其氣皆生於肆然無忌憚之心惟戒謹恐懼足以斂之西山先生有云氣之決驟軼於奔駟敬則其銜轡情之橫放甚於潰川敬則其隄防脫吾民騁其奔駟之氣決其潰川之情而無以爲銜轡無以爲隄防將角材競力紛紜擾攘於不自己

小山書卷八

八

有不眩瞶而墜於坑谷汎濫而覆於波濤者乎今瞻公之祠而因以思公之學取敬以爲銜轡而徐行於康莊則鮮傾跌之虞矣取敬以爲隄防而漸及於安瀾則無沈溺之患矣是敬也者非即吾民日用飲食不可須臾離之常道哉公祠之修所以示民敬也某既以其言告吾父老子弟而遂敘其辭以書於麗牲之碑董其事者則建安縣丞劉某建安學教諭黃某甌寧縣訓導施某壽嶺司巡檢署司獄司事許某掌其資以司出納者則建安令李某而襄其成者則甌寧令王時翔也例得附書

天章書院碑記
代刻
制臺

三代之世自辟靡類宮黨庠序以達於閭左莫不立之學焉斯時固未有書院也雖漢唐亦僅循國學鄉學之制洎乎宋室理學興而書院設所以佐乎學之所不逮也然宋元明之書院多建於下大抵羣奉一儒者爲之師自相切劘以爲學上猶或有疑其僞而禁之者而我

朝之書院多建於上凡省會之地往往奉

天子命發公帑以葺成之又爲之購書延師以勸之學焉又畀之膳修膏火以安其心焉此

國家教育人材之盛所以軼三代而上之而士之生於今者何其幸歟粵自漢陸大夫賈下尉佗作新語而文

小山書院

九

運肇其端迨唐宋之際昌黎韓文公刺潮聘天水先生爲之師而人始知學蘇文忠公兄弟流寓海南人皆慕而師之而文學之士滋多及沾

聖朝崇道右文之治益彬彬乎爲聲明文物之區矣雍正七年余奉

命節制滋土首以觀士風爲急務於是示期集近省之士校之不下數千人其在僻遠郡縣則封題飭有司就地考試計共約三萬餘卷一一研校工拙其佳者固亦不乏而學養未遑理脉未精者居十之八九焉余用慨然曰是不得名師啓迪或單寒無力就學使然其可不代爲謀乎余駐節肇慶閩治內舊有天章書院歲久傾

圯顧規模弘敞講堂學舍咸具遂倡捐修整奕然增然肄業有所矣而師儒尚缺典籍未備且今生徒饔飧弗給何由殫心攻苦適余兼任饘務檢校羨餘三千金有奇遂會商撫軍鄂公以建設書院之舉恭達

聖聽而遣力馳往江南購買四庫之書敦延名師開扶風之帳由是擔簦負笈之士遠邇靡至迺令知府劉庶董其事創始經費去其三分之一又以餘金爲之籌畫歲入贏息爲脯脩食用之需而後教可施矣余敬將歷奉訓飭士子

小山書院

十

聖訓恭錄成帙朝望宣講爰進多士而詔之曰士先器識而後文藝凡來學於斯者豈徒求工帖括之文博取科第爲榮身之具而已哉將以身心性命之學修齊治平之道責之於爾多士也爾多士上念

聖天子培養賢才之盛心與夫端先倡爲書院以佐學所不逮之雅意毋怠荒毋作輟虛其心歛其氣講誦大聖大賢之書闡發六經四子之旨旁及子史百家之言

薈萃融洽作爲文章而即以其言見諸行事出爲名臣碩輔處爲正士端人則余此舉爲不虛矣如曰肇郡在唐爲端州有狀頭莫宣卿者實產斯地當勉求嗣美焉是猶僅以科第之榮誘爾多士也豈余之所厚望也哉因次其語爲之記俾鑒諸石以爲多士勗

跋聞野羅公紀略

代黃少宰
崑園先生

明先正羅公聞野以名進士仕穆神二宗朝由縣令至建節畿輔敷歷中外秉正守職皆有成效可稽彪炳史乘而手削紀略尤詳其裔孫星路持以見眎余取其當官出處之大而三復之洵可謂無遺憾者矣而特於其所以繩巨璫者益窺公之所見遠而為慮長也古者奄人竊柄至於亡國蓋自秦漢以下非可更僕數矣而莫甚於明王振汪直劉瑾之徒接跡於前而魏奄窺竊神器毒害朝紳遂致天厭明德而莫之能挽人皆知奄人之禍烈而不知為士大夫之寡廉鮮恥者畏縮推奉馴致其惡以至於斯極也今觀公為少廷尉及同卿時與張司禮爭法司上坐又論御馬監孫璫越俎已具白簡

小山先生集

士

勝而後已其品何如哉然公非僅以直節自矢而已誠有見於奄人之禍之不可測而力持其流勿使之過橫焉耳乃楊左諸公與魏奄爭於既橫之後亦已晚矣使如公之所以待二璫於未橫之先或可逆折其萌而不至釀覆亡之禍其庶幾乎公隆慶辛未進士越二年未而余登第為先後辛未而公之所為卓卓如此余故尤樂得而傳述之

敕贈奉政大夫提督河南學政按察使司僉事

加二級吳君神道碑代西田相公

吾門吳僉事震一余知之最早曩奉

命視浙學按試湖郡謁先師廟在學政例當引高才生

進講經書有偉丈夫歷階而升氣度安雅敷陳條暢聲若洪鐘心甚異之默識其姓氏及校文則於暗中得之拔置第一僉事由是知名歲庚午余典試北闈時僉事已選拔貢入太學得與試余又於暗中得之今由進士起家歷官按察使司僉事視學中州勵志潔廉而能勤於事不負

聖天子任使之意余竊私喜其能得僉事之早也然飲河知源必有其自意其先世當有鉅人長德積蓄以俟而發之於僉事者今年春僉事以秩滿來京過余若有所陳乞而未敢遽也色墨然以退如是者再乃始出其贈公之狀以請曰生不幸少失怙承庭訓未久恐隕越

小山先生集

士

先志以生之無似得傳官於朝非先人垂裕弗克至此而靈輻久露去年由中州還里始得奉安窀穸維是隧道之碑闕焉未樹生辱大賢之門久非吾師寵之以言則無以表彰幽潛為戾滋深敢固以請余既欲詳贈公之為人而又以其孤之請之誠也遂不能辭按狀君諱興或字質生湖州府庠生吳氏自正肅公由宣城僑居德清之新市七世祖佑再遷上管及君又遷於塘西皆不出德清界曾祖曰瀛祖曰兆父曰式咸有隱德君生於前明之末兵燹凶荒之際故雖讀書工文章為名諸生而無意於進取惟以孝友型家儉樸訓俗為善於宗黨而亦間出其經濟以振援不報之人噫弗可及也已

君之父故貧約君終身衣布曰吾不忍有加於前人也
母病嗜食江魚求之弗得後君每見江魚輒流涕處宗
族子姓間怡怡如也有以緩急告者不以貧辭居恒飲
水飯脫粟必欣然以飽率家以儉曰儉非吝也吝則不
可以集事嘗為親故幾陷不測無幾微留憾郡有大役
昌言於在事者得更定令甲釋萬家蕩析之苦遇歲稔
及鄉有小警每設策救之多所濟君之積行種德多此
類倘獲置身朝廷或受一命以上其感化張弛必有大
過人者而竟以諸生老可惜也然身即未遇而卒以食
事之貴得贈如其官使世知為善之必食其報亦可以
勵俗則君之為益於天下也斯已多矣且君得食事以

小山文集

五

高大其門閭固積善餘慶之所必致而食事能竭忠盡
力以事上則又資父事君之道而余得早識食事拔而
取之將所謂以人事君者亦或庶幾焉余故詮次君之
生平既惜之而又為欣躍也君生於某年月日卒於某
年月日享年四十九歲初以

覃恩贈徵仕郎內閣撰文中書舍人再贈奉政大夫提
督河南學政按察使司僉事加二級配俞氏生於某年
月日卒於某年月日享年四十九歲初贈孺人加贈宜
人無所出撫子女曲盡慈愛食事夜讀勤苦心憐之嘗
啖以果餌待課畢然後就寢食事出見客歸必問其應
對揖讓無所失乃喜副室孫氏生於某年月日卒於某

年月日享年四十二歲初贈孺人加贈宜人婉婉順承
奉命宜人極謹教僉事能以義制恩不事姑息子一曰
卜雄震一其字即僉事也庚辰進士累授今職孫出也
娶宋氏誥封宜人女三一適某一適某一字某未嫁孫
男一某國學生孫女一某以康熙某年月日其地在仙
山漾水之原近上管故居從君志不忘先也銘曰
積德於身匪以求效也為善於鄉匪以望報也生則聞
然而歿後則耀也哉哉之封羊牛其勿蹈也永世克類
無替其灑掃也

待贈通奉大夫原任四川潼川州鹽亭縣知縣

趙君墓表

代黃少宰
龔國先生

小山文集

五

雍正五年春聞喜原任鹽亭縣令雪石趙君卒是時其
孤方伯公守廬州廨

上卷

特諭留任守制已而方伯公銜恤陳情乞暫給假治喪
天子推孝治之恩遂獲請於是方伯公將奉君靈輶還
鄉舉襄事以狀及宮贊汪君誌銘來屬余為之表余舊
史官也悉君治行書其略以揭於墓俟後之傳循吏者
有所考焉君諱冬元字仲錫雪石其號也趙氏為晉世
家居曲沃元末始遷於聞喜之行邨歷十一傳後文學
諱桂枝者君之曾祖也以孝友崇祀鄉賢門人私謚孝
義先生明經諱丹心者君之祖也明季值歲飢傾其貲

以活人鄉里賴之以癸卯舉人為湘鄉令諱某者君之
嗣考也以戊戌進士為懷遠令諱某者君之本生考也
二公為政竝有惠愛於士民至今尸祝不忘云君生而
穎異幼擅能文名年十八補博士弟子試輒高等久食
餼而數困省闈至丙子與方伯公竝以一經魁於鄉君
名第四而方伯公居第二宴鹿鳴時令甲以先後序坐
次撫軍某公令君前席以示優異時論榮之後垂暮尚
蹟公車思為絃歌小試以抒素抱遂由四省效力例謁
選得蜀之鹽亭時撫蜀者方崇尚苛暴而君治鹽凡八
年廉而能仁不事擊斷專以德化人鹽在萬山中人未
知學君出所携書數千卷聚邑之孝秀教之親為講貫

小山書卷八

五

諸生皆彬彬與古齊魯之士相頡頏而暇日常秉肩輿
郊行勸民務本敦行與童叟笑語酬答如家人有頌於
庭者第反覆開諭使曲者慚服而止桁楊不設而民以
為辱於鞭笞皆奉法改行樂於為善焉歲壬辰縣忽有
虎白晝食人畜為民患君為文祭之一夕虎大小百餘
咸徙去民以為神蓋君之所以治鹽者不勝書要以愛
人為本昔劉弘農昆政尚寬平虎皆負子渡河去仁風
所扇戾蟲避之以今況古何多讓焉嘗考東漢尤重親
民之官郡邑之吏往往入為宰輔如黃丞相霸卓太傅
茂其最著者使以君之治績聞於

上當蒙超擢躋於公卿間而惜乎為民畢賦籍遠弱蜀

撫之怒以致去位也事詳汪宮贊誌中茲不備載君長
身嶽立望若神明而賦性和雅溫溫可即然有特操所
不可於中者則確守不移平居好讀書隨所至必覓所
未見書以為歡顧不為經生無用之學殆將以見諸行
事而乃竟不獲大展其所蘊以終也悲夫然方伯公自
縣令起家以迄於今能推君之仁惠而益大之所以為
福於蒼生者永未有艾吁其亦可無憾也已君生於某
年月日卒於某年月日年六十有八康熙丙子科舉人
原任四川潼川州鹽亭縣知縣待贈通奉大夫配張孺
人待贈太夫人繼室劉孺人再繼室孫孺人皆前卒子
二長即方伯公向奎也康熙丙子科舉人江蘇等處承

小山書卷八

六

宣布政使司布政使次向極歲貢生孫二人光旭炳旭
孫女一人曾孫一人恭晉曾孫女一人君之兆域在聞
喜縣某鄉之原其地有沙渠涑水遙為環抱而中條山
自蒲坂迤邐而來注脉於此可以寧君之體魄矣抑術
家所云木華於春栗芽於室氣機所應鮮有不合則毓
英孕秀且將見趙氏之日興也是為表

祭族祖母顧太孺人文

代西田相公

嗚呼孀星寶耀娥月淪輝陶歐不再桓孟難期孰作姆
範疇為女師閨閣悼歎里鄙騷咨矧伊族姓能無悵而
江東舊閣顧陸是推曰武陵氏至今繁滋誕斯淑媛作
門之楣於惟孺人稟訓名聞言俞容婉習禮明詩巧工

縫繡勤治麻絲懋懋靜貞自持郝公相攸莫如義
之既占曰吉兆於靈蟻施衿結帨曰嬪於茲昂昂族祖
豁達英安弼中彪外能張弛爰有諮事爰有問奇履
滿於戶酒盈於卮實維孺人中饋是司維我族祖材器
瑰琦文場蹀躞墨陣呼麾豐毛北上鍛羽南飛大昭挂
壁孤豚爲犧繕修田園耗其壯思實維孺人偕隱如飴
族祖純孝竭力庭幃怡顏視膳戚容奉盥生事盡歡死
事盡儀實維孺人婉順襄治族祖友愛和於壠麓鳥急
連錢林庇連枝既翕有歌娣如亦宜迨及猶子栽植無
私有教於家高科巍巍領髻遲摘終達

小山孝稿卷一

十

虎惜哉蕙萼雙丁競秀聯鑣竝馳或新堂構或守園居
倜儻卓犖列爲人眉孫枝高權祥鳴瑞芝實維孺人均
平如鳴嗟我族祖中道捐遺孩嬰在祿恤緯爲廢晝爰
哀矣夜課勤斯維時冢婦嬈嫩姜姬繼矢柏舟竝歷艱
危外侮內訐左梧右楮卜牛封焉秋嘗春祠葵祭由禮
婚嫁以時粟不填廩衣不懸櫛或待以暖或待以炊宗
親睦澤僅僕懷慈昔所既就遵而弗違昔所未就成而
弗隳可以息肩惕惕祇口甘蔬食體適補衣自笄而
字逮逾古稀夙興夜寐老不知疲蓄儲管蒯擗搗鹽醢
檢視筐箔扁鐺瓶甌勞逸著訓敬姜同歸賢嗣克孝整
潔槃匱白華善養綵服娛嬰孺人康彊福履方綏天賜

難老庶幾期頤忽辭濁世遂返瑤池憶昔族祖談經絳
帷課我少弟實余師資爲文見稿有疑必諮青瑩燈火
周旋切劘譬諸鞞轅大鼓是隨余倖獲第傳官
禁闈南北既判幽明遂睽墓木成拱宿草迷離落月在
梁不可追惟登聞凶訃潛焉涕洟嗚呼孺人邈矣貽此
芳徽生無遺憾其又奚悲凡我同姓飯黍羹葵遙瞻靈
几侑以蕪詞尚饗

祭楊大宗伯凝齋先生文

代拙園
宮信

嗚呼惟人稟五行之殊氣超萬物而獨靈五性具而蘊
之於身爲大德五倫備而敷之於世爲大經必能還天
之所畀而有以復其始庶克全人之所受而無所愧於

小山孝稿卷一

十

形故其生也爲賢哲而其沒也爲日星則惟我公平足
以爲百代之典型公之少也甫當角巾之童年即以聖
賢爲可倣既坐立之必端亦視瞻之無傲先於行而後
於文出則悌而入則孝公之長也勤學而不窺董子之
園成名而不懷顯孫之想器識益期於遠大襟度日進
於高廣公之自壯而老也居家以迄於登朝釋褐而洎
乎建叢雖窮通得喪之不一而造次顛沛之不離乎道
公之事君也身歷

三朝之恩遇心同一日之忠勤在翰苑則校華林七錄
之書升講幄則進丹宸六箴之文課士則明倫勸學而
不苟煩細撫軍則休養生息而無事糾紛晉司喉舌而

愈以謙謙自抑統制滇黔而弗以赫赫爲勲矢精白於
匪懈齊順逆而不分公之事親也盡色養於愛日期孺
慕以終身深窺神明之際致樂天倫之真非徒晨昏定
省粗迹之是蹈豈獨存歿祭常禮之是遵方自謂有
虧爲子之職而不知已造乎孝之純蓋公忠孝之大節
出諸性而學問之深醇盡乎人公之爲學也本仁而達

之於恕主敬而守之以愍深入乎洛閩之興力探乎孔
顏之卓含咀道德之華游泳性天之樂洵可謂追先緒

於既往開後賢之罔覺者矣茲年高而德劭慶

聖主之遭逢抒九德以教胥典三禮於秩宗藉耆謀之
益壯佐上理於奮庸固將垂功名於竹素勒姓氏於鼎

小山文稿卷八

九

鐘乃以何而身騎箕尾歲丁蛇龍遂失望於四海且震

悼乎

九重雖

恩恤之稠疊已杳乎莫睹公之儀容憶昔隨肩忝居同
譜常申兄事之敬實托師資之宇晚而南北分轍近乃
班聯接武歡然一笑者曾幾何時噉然一哭者遽成千
古嗚呼已矣我心滋苦薦絮酒以陳辭淚淋浪而如雨
哀哉尚饗

小山文稿卷八終

男景元校刊

婁東

婁東詩地而王氏多詩人州之未
建東南詩社萃於玉山名勝雅集
兩編所載崑產皆婁也王履安道
爲崑高弘治以還前後七子名動
天下前之昌穀寔過北地後之弇
州夏勝應城而昌穀生婁鳳里弇
州昆弟茅連蟬接与荆和二石下
還澹生緱山輩人々有集他姓莫
及論者謂烏衣馬糞淮水之祥移
於婁曲

國朝梅邨祭酒高樹標幟海內爭
趨承其流而播其風者有婁東十
子而王氏居其六自是婁東之詩
冠四郡藝林領袖輒推唐王而嘲

弄風月排比聲律東江恒自嘆不
如冰菴也初汲園於十子中寂少
後稱老宿則品第里中名俊得廿
家彙其詩曰積薪而小山以弱冠
之年與其列夫婁東既詩地而王
氏復多詩人又況有得於天之獨
異者耶小山長余三歲來從田間

璣

二

十四始就塾余初定交其去結髮
識字亦三歲耳每會文少年十餘
輩余二人劇談古今恒至日下春
始涉筆成二義就正里中名師壓
卷率不出二人然小山益不屑謂
余曰時藝不足工也盍為詩古文
詞乎余用是始事吟諷師小山而

小山固無師小山以詩名四十
晚迺膺薦起家由縣令訖典名郡
不收功於文學侍從顧以循卓顯
天固欲以見其所受之全而參互
徵之也當小山之時吾曾數、讌
集計亦不下十人或以後十子目
之而未有定小山間謂人玉停肆

璣

三

力於古文吾當避其鋒吾詩精邃
不如愚千詞雄雋不如漢舒然小
山於三者實兼有而深詣之矣而
言若此乃自抑也小山仲兄稷亭
太史詩格清峻猶子穎山醇於學
而工於詩冰菴之嗣集虛受業小
山益以振其家學今小山之令似

善長亦已能詩刊小山集竣屬余綴語其後余思集中之詩古文詞皆小山無師之所得而余夙以為師者也其敢分竒據勝与小山爭雄長者詩則長留詞則香雪皆太原睂目而小山之門內前有稷亭後有潁山善長洵乎婁之地靈鍾於王之人傑聚於族而天之降才於小山乎歟厚且異也掩卷穆然吾思曷能已々

乾隆丙寅長夏同學彌甥抱桐子顧陳埽敬跋



小山全稿二十卷

江蘇周厚堉家藏本

國朝王時翔撰時翔字皋謨一字抱翼號小山鎮洋人雍正戊申由諸生薦舉授晉江縣知縣官至成都府知府是集凡詩稿八卷詩餘四卷文稿八卷詩稿分初續後三稿詩餘分五集曰香濤曰紺棠曰青綃樂府曰初禪綺詩曰旗亭夢囈

春及堂詩集四十三卷

〔清〕倪國璉撰

四川省圖書館藏清乾隆刻本

附《四庫全書總目·春及堂詩

集四十三卷》提要

序

少宗伯敬堂倪公奉其先公穉疇給諫前輩詩藁哀緒成帙謂綸侍前輩教有年宜預名排校且屬爲導言以詔後進既發函盟頌訖作而曰前輩顏堂曰春及采陶語也夫采陶之語景陶之人幾陶之詩凡集之所登一足當穎濱質而實綺靡而實腴之日綸復何容導以言竊獨疑陶公生晉宋間由彭澤歸畊下瀝跼蹙不踰隴畔若前輩以文學遭際

聖時起翰林著作之選敷歷臺垣憲條峻肅泊乎典試演中視學楚南繡服絳帷風裁最爲士林畏愛尋奉

春及堂詩集序

特簡充安徽鳳陽泗等處宣諭化導使而中路遽捐行館罕完厥施卽其未遇時東南詞塲項背交推足跡所之如天台仙霞洞庭彭蠡一切奇偉荒忽之觀崇情勝引竝寓諸詩至今副在行卷人知去陶公之境不啻逕庭然歸熙甫有言讀陶集者平澹沖和悠然勢分之外推其道可以進乎孔氏之門而怪論者徒以元熙紀年指爲大節而不究其樂天知命之實因斯以譚歸子可稱知陶而綸得推明前輩之於陶境不同而詩同非臆決也前輩性儻蕩書畫具得元解惟不耐爲促迫應酬尤善絲桐每索居抄懽時亦邈然孤往將出使嘗持所

纂康濟錄贈綸鄭重爲別蓋天懷醇厚固其詩法所恃
源敬堂又爲述庭訓云迺漢魏六朝迄唐宋元明已來
作者代興其間若爲才人之詩若爲學人之詩若爲有
道之詩具眼人須自領悟繹前輩詩者挹其丰規無雕
幾塗附之習渣滓去而清虛存信乎有道之歸而瞻學
闕才要莫出其鎔範彼詹詹擬陶和陶毋乃物而未化
哉他年家刻成如獲訪倪公於武林升春及之堂問遺
琴無恙當共拈集中句比弦而樂之

乾隆三十七年壬辰清和月武進後學劉綸拜譔

春及堂詩集

序

二

春及堂詩集目錄

卷一

竹立園草二十七首

卷二

南隱山房小草三十三首

卷三

橘山遊草四十三首

卷四

橘山遊草三十八首

卷五

春及堂詩集

目錄

文杏館集四十六首

卷六

浮湍集二十九首

卷七

浮湍集三十六首

卷八

楓花草二十八首

卷九

松鱗書屋唱和詩十七首

卷十

庚子詩草三十一首

卷十一

剡東遊草二十九首

卷十二

廬江遊草三十二首

卷十三

廬江遊草二十五首

卷十四

西江遊草三十九首

卷十五

春及堂詩集

目錄

西江遊草六十一首

卷十六

西江遊草二十一首

卷十七

南遊草十九首

卷十八

南遊草十五首

卷十九

湖南吟稿二十三首

卷二十

湖南吟稿三十六首

卷二十一

燕雲集三十六首

卷二十二

竹窻集三十四首

卷二十三

竹窻集三十七首

卷二十四

竹窻集二十三首

卷二十五

春及堂詩集

目錄

竹窻集四十三首

卷二十六

滇行集二十五首

卷二十七

滇行集二十九首

卷二十八

滇行集二十五首

卷二十九

滇行集二十首

卷三十

滇行集十五首

卷三十一

滇行集二十七首

卷三十二

滇行集四十三首

卷三十三

滇行集四十六首

卷三十四

春闈詩十一首

卷三十五

春及堂詩集

目錄

星沙奉使集四十八首

卷三十六

星沙奉使集三十一首

卷三十七

潞河吟三十七首

卷三十八

庚申南行集三十九首

卷三十九

庚申南行集四十五首

卷四十

四

庚申南行集二十六首

卷四十一

嘉蔭書堂稿二十五首

卷四十二

嘉蔭書堂稿二十三首

卷四十三

嘉蔭書堂稿三十三首

春及堂詩集

目錄

五

春及堂詩集目錄

春及堂詩集卷一

錢唐 倪國璉 穉疇

竹立園草

春日詠懷

東書就精舍丹壑回妍姿雨露濡既足百卉皆華滋間
關聞好鳥徘徊惜芳時閒窻弄柔翰問子何人斯矻矻
理章句恐爲達者嗤

春陰闕竹屋鳴琴理滯憂素絲附枯木宮商旣和柔焚
香霽空虛指下幽泉流古音違俗耳澹泊吾何求悠悠
冥鴻去天際窮雙眸

春及堂詩集卷一

竹立園草

一

種菜詩同厲太鴻分賦得尹字

長貧鮮負郭藝蔬愁易盡請學爲老圃不受寒餓窘平
生鴉鶩鋤心閒手亦敏土膏始播種坼甲兆無睽好雨
一沾灑怒生若朝菌紫芥初改塍青葵已連畛芋熟宜
夜長薤白喜霜隕抱甕比桔槔辛苦能自忍匪爭菜傭
利寧辭肉食晒馬逸憂方深羊踏夢豈準餘波及蒲匏
寸壤奪螻蛄老屋三兩間插槿作欄楯我友冒雨尋翦
韭觴再引草具欲同茅盤飧已誇閔是物飽吾徒何用
謝蔬筍疎勻種滿稜稠疊束成捆灌園吾分足食力天
心允辟繡妻亦勤求魚兒自蠡登俎三十品長謝楚令

尹

吳立峯先生宅觀漢印歌

所藏銅印大小凡三千餘枚

我生嗜古成癖鳥跡龍文探金石神禹曾甬治水碑
暴秦解刻連城壁後來文字鮮升堂分隸流傳篆法亡
漢家摹印獨工妙大小一一皆成章歐陽集古稱好事
官印私符未羅致鮮少仍嗟魯殿畱散遺終等湯盤棄
立峯主人文中豪熟讀萬卷翻雲濤書擬蔡邕創飛白
賦比唐勒追離騷高懷直邁魏晉上集印三千足清賞
不惜千金惜古人肯教零落歸墟莽方圓子母光陸離
辟邪金錯兼蟠螭土花斑剝發丹翠似入海藏窺珍奇

春及堂詩集卷一

竹立園草

二

想見當時懸肘後赫奕英名託斯籀京兆初因鼎刻傳
伏波自惜偏旁謬人間流播幾何年寂寞昆刀不再鐫
玉簪深局供秘玩砂牀重訂憶前賢東臯處士親題譜
考論雄文追往古漏洩將毋泣鬼神追摹未敢辭風雨
老眼摩挲日幾回雲牋百疊綺霞開元亭更許參奇字
三徑花明載酒來

天目擷雲篇

先祖鄰天公嘗偕伯祖征旭公讀書天目山中
山多雲每以巨槥掩取寄歸先閉窻戶然後發
之氤氲一室變態萬狀忽穿隙而出則頃刻浮

於太清矣幼聞長者言心竊識之因作此篇書

其事

天目撐天八千仞重霄列宿手可捫嬰兒山半忽啼乳
其下雷雨喧傾盆開雲滿谷時吐吞隨風變黳如車屯
山靈麾旄布銀海羣峯山沒浮青鴛我祖讀書吹篪埴
倚巖精舍雲爲藩紛紛白衣每來集欲與細帙爭飛翻
松愈一爲發奇典並啟山楹藏雲痕輕如無有密封識
長鬚遠擔歸江村闔室來看掩蓬戶開緘一片騰春溫
或驚矯矯孤鶴影或指澹澹梅花魂如綿可擁伴寒士
似縷可織貽天孫飛棟猶堪閣晚雨冒簾尙欲翳朝暉
春及堂詩集卷一 竹立園草 三

贈陸孟洲

陸生健筆如秋鷹興來一掃十丈繪骨氣開爽心精能
瘦鶴交影驚猿騰吁嗟乎陸生得名三十年能書自號
書中仙如何一室如磬懸破硯礪確燕石田我曾聞生
臨池樂生言有膽腕不弱楷則還當法古書筆精墨良

亦不惡自惜長貧少毫楮春蚓秋蛇終莽鹵每憶平生
得筆時頓挫蔚跂公孫舞昨入市中見筆跡索直殊高
不輕易眼前書者翻奇窮一笑毛錐堪棄擲我前致詞
生勿疑丈夫小技偶爲之盛名坎壈生自致請生爲我
書側釐

雪中太鴻見訪畱飲分賦二首

幽人不可致乘興踏瑤華迷徑淺深屐凍毫先後花天
低連矮屋樹白點昏鴉此日呼紅友真成冷淡家

風雅終成冷淡家

醉墨斜飛白何煩理素琴相將歲寒意已見古人心環

春及堂詩集卷一

竹立園草

四

藥明遮眼冰花冷撲襟與君遊物外煙火斷空林

題王石谷爲顧峒東寫修竹水村圖

雅淡高人宅蕭疎君子鄉先生卧不出夢與白雲長水
木真吾願圖書有底忙卻煩黃鶴叟老筆寫瀟湘

題金繪貞江聲集後

日日探驪去清江是近鄰海門常湧月澤國易爲春嘯
詠沙墟靜鎚造化真深情託禪悅曾否憶前身

懷朱蔗田

良友三江隔天涯泛短蓬詩瓢畱壑衲藥裹送衰翁身
世萍難合關山夢易通昔年茅屋底風雪一尊同

甲午歲暮題南池草堂兼贈鄭麗叔及諸從游

二首

倦翮秋風後微辭自解嘲數奇空射虎歲晚已迎貓世
味真冰炭交情擬漆膠君行重入蜀誰結海棠巢

目斷雙魚杳心同紫閣僧雨餘尋茗社雪夜暗碁燈未

減愁三尺空甯墨數升清江渺如許何處挂寒帟時麗叔川

信不
至

歲暮

蠟梅枝上問流光日日風吹黃雪香天許長貧使我嬾
人爭徂歲爲誰忙顏公乞米曾傳帖杜老留錢只看囊

春及堂詩集

卷一

竹立園草

五

莫道先生了無事預裁青竹記春王

徐著園偕過竹軒精舍僧出詩畫見示因題長句

兼贈老僧自瞻

鐘沉寺廢法幢開尚有高人水竹間收拾禪心吟夜月
放開色相寫春山香華微注消塵劫茗葉深烹訂往還
最愛遠公頭白盡六時清梵徹松關

山村感興

幾家煙火隔漁津身在桃源物外春柳下養神喧社鼓
花間行儘迂歸人石橋初斷桑畦改茅店重來酒幔新
我醉渾忘滄海事卻逢野老話松筠

與鄭伯觀四川輿圖因憶尊人宦游潼川燈前

分賦

指點蠶叢半壁天宦游踪跡在蠻煙我嚼雪盡春江滿
巫峽雲歸夜雨懸八百盤中愁過鳥六千里外隔啼鵲
相看燈檠還凝紫早晚雙魚出劍川

過友人山居

水雲無盡是幽棲十里空山叫竹雞愛向高齋談夜雨
早拌雙屐踏春泥鄰翁新釀香醪熟處士家園碧薤齊
他日支筇君訪我并攜孤鶴過橋西

厲道士院洋菜詩和太鴻韻

春及堂詩集

卷一

竹立園草

六

進羅菜甲品非常應遣元修識異香魚鼈暫浮宜淺種
蟹帆遙致莫輕嘗三冬言蓄殊風土萬里孤根帶海霜
他日仙翁如拔宅紫畦遙在白雲鄉

江樓

信有文章屬化工焚香默坐契鴻濛澄江夜永星河濕
曲岸花明鷗鷺通豈好樓居招羽士卻疑釣隱狎漁翁
東來海氣兼春氣百尺銀濤萬里風

屏跡荒寺繪甫屢過口占以贈

偶占生公說法臺花幢影動故人來不愁泥滑行荒徑
恰趁春陰訪落梅高樹乳鴉應識客上方孤鶴亦憐才

欸君祇有西山色十二芙蓉天際開

吳山有青芙蓉峯見薩天錫詩

題竹

修筠千个靜當扉日日清陰護道衣自酌癭瓢餐白水
從君學瘦息癡肥

夜行船詞

玉河星影落澄潭小婦操舟明月簪雙槳不迷春水濶
載君殘夢過江南

贈王去瑕

染練時帶斷釵文嬾作奴書學石軍試看酒闌歌斫地
王郎十指出煙雲

春及堂詩集

卷一

竹立園草

七

不記章臺與滿橋秋風折盡幾長條詩人老去鍾情在

腸斷姜家有玉船

書畫船歸泊鏡湖廿年清夢剩霜鬚西江山色龍沙月
得入荆關粉本無

一榻維摩病叟禪鬢絲輕颺藥爐煙青鞵布韞登臨健
樺燭三條說少年

登韜光菴

久與山靈約何妨雨撲襟但看千箇竹已慙十年心憩
石聞疎磬沿溪聽晚禽泉源欲窮處小閣構飛岑

偕金繪貞汪積山自湖入城汪雲尺昆季復邀至

湖亭口占奉贈

乍出雲蘿徑還尋汗漫游好奇稱二妙孤櫂復中流晚
磬南隈寺青帘北岸樓澄湖不可極隨意泊芳洲

春及堂詩集

卷一

竹立園草

八

春及堂詩集卷一

春及堂詩集卷二

錢唐 倪國璉 稔疇

南隱山房小草

奉和徐著園雨中見訪原韻

紫閣香華落紫微
避人聊愛俗塵稀
曾因黃耳窺書札
竟溼青鞵到洞扉
雲樹千章僧磬出
山天一握古城圍
春深煮茗還相待
來看巖前百卉菲

山樓聞鐘

最是山樓上
清鐘動晚吟
一聲初破寂
衆壑自生陰
遠響滌煩慮
圓音發妙心
好從諸界淨
譜入古雷琴

春及堂詩集卷二

南隱山房小草

一

和太鴻齋中水仙二首

五銖新翦怯臨窻
翠袖天寒雪未降
若探明珠歸洛浦
佩瑤先結一雙雙

黃冠低照溼春痕
靜影亭亭玉女盆
我鼓湘江雲水曲
花神應自解離魂

謁梅雪坪先生于金氏園亭

仙吏逢梅福
超然賦遂初
飽嘗千樹橘
深憶五湖魚
山近遊心劇
春深白髮疏
我來牀下拜
但問課農書

水名非世所稱五湖

風雅斯人在滄浪
幾許心名言驚長老
變態鼓元音石

角嶮嶢瘦花源爛漫深謹嚴推巨手一字費千吟歐公稱梅

都官自爲童子出語驚其長老又云英華雅正變態百出

雪翁寓園密邇山館晨夕相見得聞前輩論詩大

要因呈四斷句

來往危灘複嶺間
抽簪歸去愛投閒
蒼蒼萬壑隨行李
粉本先添是栢山

先生敘法妙絕今古

半畝池亭烟寺南
先生偶住爲林嵐
聽鵬時節倚喬樹
賸擘永嘉三寸柑

先生官泰順爲永嘉屬縣地多柑橘故云

論詩圖上幾人存
旅興惟堪倒酒尊
不廢清吟把官燭
玉蘭如雪照黃昏

論詩圖先生與漁洋愚山諸前輩作也今皆已下世先生近詠玉蘭有云

春及堂詩集卷二

南隱山房小草

二

出牆人早見入夜雪偏明

酒社詩場次第開
亂紅吹滿讀書臺
祇緣明鏡無疲照
萬絲叢中叩戶來

過施景萊藤陰書屋同賦朱藤六韻

百尺牽柔蔓
千枝散紫氛
春深香自釀
露重藥初纓
帶諸天絡繹
蟠醉素文錦
棚綃霧滿繡
帷罽燕刺眼
垂紅纈畱芬
辟古芸蒼虬
欲飛去先吐
一堦雲

許若愚招陪雪翁讌牡丹花下時有日者在坐

年年看花三月暮
此度東風勝前度
才人快聚牡丹時
日醉吳山山下路
都官解印辭塵韉
有花有酒邀客嘗

壁間題句戒和韻尚恐束縛愁春陽芍村踵事瑯筵張
我亦來登君子堂梅郎謂孔不官傲花王一杯先爲澆
新妝昨日晴簾捲花色今日雨絲飛似織玉妃帶酒雙
暈紅困倚朱欄扶不得座有高談豁胸臆許負相逢卽
相識我生不解辨窮通開眼看花真墨壘墨壘字本說
范晉平公道
神曠丈夫遇合自有期衰榮無定日安之尊前有花卽
富貴問君不飲須何時

再飲金聖章宅得三肴賦呈雪翁

累舉芳時酌重尋竹下交仙才逢不易良會幸無拋尚
及朱闌倚何煩羯鼓敲蟻蜂纔放藥池露半垂苞淺暈
春及堂詩集卷二 南隱山房小章 三

酣螺盞流芬入蕙肴玉樓仍舊號羅薦賞前茅蕩水風
搖影寒帷日映梢天開蔚藍色人坐海棠巢照鬢年頻
換忘形容載嗽叨陪歡讌洽豈慮品題淆插帽思終曲
煎酥擬代庖傾城回一笑綰裂莫輕教

新夏雪翁招飲寓園卽席賦呈

送盡東風碧樹圓蔭薇露滴擁詩仙比鄰易結花前會
永日偏多藥裏緣時先生以微病却
飲而連亦抱小恙千里鄉心鱸入饌
一生高致酒盈船醉中莫忘歸烟寺屐滑紅泥細雨天
爲雪翁書漫與集

願學羅陽絕妙詞研光藤紙界烏絲率更舊體描釵腳

彭澤新吟愛酒卮薇露浣餘當筍候玉麤熏徹過鶯時
等身更有全編在歛手薑芽恨筆遲

立夏留餘堂讌會醉中贈王使君楚白

蒼龍已逝炎威赫風滿南軒試絺綌昨日送春醒未解
洗杯更喜留嘉客天邊酒星光奕奕照我山堂展瑤席
翦莢初嘗蠶豆新堆盤又見櫻桃赤人逢知己須快飲
王宰神明欣欣莫逆接離何必讓山公散髮可能容阮籍
狂生酣舞君莫嗔要及佳時傾玉液虹吸鯨吞豈偶然
清歌緩送燈垂碧詰朝別去雙橈急此夕追歡莫輕擲
鄉思遙憐卷畫溪客情且醉吳山驛
春及堂詩集卷二 南隱山房小章 四

雪翁以酒酌花戲呈一絕

輕衣軟履步春華扶醉真忘是習家嬾向督郵干五斗
折腰偏爲檻前花

送綸占遊湖南

盛年才調守鄉關初向風塵試旅顏帆挂欲隨鷗泛泛
詩成擬刻竹斑斑文章奇氣登臨日綰紵深情聚散間
雲海盪胸呼吸近看君彩筆助江山
客路行吟不厭賒蘭臺染翰共清華廬峯瀑瀉銀河水
粵嶺香深青桂花便有風謠傳澤國好憑舟楫到天涯
懷鄉魚市應沽酒目斷荆門萬樹遮時龔川居
先生同往

柳暗湖堤賦遠遊別情先憶楚江秋浮湘棹轉兼葭岸
弔屈書沉杜若洲二西秘函勞探討九疑雲物足淹留
我思岫嶠山尖字鳥篆煩君策杖求

花發將離意黯然江鄉懸隔五湖天記同此日嘗新茗
更與何人論舊篇古寺半龕窺佛藏山城一角滯書顛
臨期怕說經年別千里烟波欲放船

苦雨有懷繪甫江行卽簡宣城梅孔虔

霪雨不可已山閣閤陰寒鳴雞晝如晦憂來豈無端故
人溯江流念此行路難塞默短篷裏停篙守危灘如彼
中林鳩漂搖詎能安憶昨未云別折簡逢都官行攜過

春及堂詩集卷二 南隱山房小草 五

巷曲鵲啼追清歡竹裏任疎放花間日盤桓今茲歎索
處更值霖潦繁遠既晤言隔近亦握手慳險燈偶側足
泥滑愁蹒跚靜思風人肯坐令衣帶寬咫尺沙河漢悵
望迷烟巒

雨中懷諸同學

太鴻瘦如鶴卓爾塵埃中弱毫引微緒一洗凡豔空詩
成寄山寺念余住深松松枝日以長松花復蒙茸溼雲
暮沉沉相隔雲幾重夫君抱奇骨列宿羅心胸泥塗斷
車轍引領思何窮

南州有兩士作詩同其苦茗園疎吟肩精鶩遊六字椒

麓亦窮搜冥心入文府二難既齊驅東鄰敢爭嫵平生
切劇意把臂盟肺腑淫淫江雨深名言憶揮塵瀾望荷
阜間青竹亂無主

曉山真吾師奇文珍琪璧高齋集羣賢良會憶疇昔燈
火明夜幌太乙下瑤席冉冉歲華逝改卜幽人宅柳邊
茅數椽水曲通行跡淨几絕點塵肅穆對琴冊霽色何
時開尋君有雙屐

奉荅吳蘋洲山樓見訪之作蘋洲名斯洛

古徑盤紆到寺樓望中沙鳥對沉浮江波落日晴還碧
山靄籠花午未收茶熟快逢高客話詩成要與故人酬

春及堂詩集卷二 南隱山房小草 六

君歸記寫窻前景樹暗魚村草滿洲

詠畫荷菊送孔虔歸宛陵

馬乳垂垂引蔓長薰風六月滿瑤漿憑誰釀作當筵酒
一段離愁醉裏忘

寫得驪珠送客還旅窻風物照心顏難忘架底觴行處

尚有白雲凝碧山孔虔寓館有荷菊一株時雪翁尚留吳山

送雪翁還宣城兼寄孔虔以訂後晤

昨日看潮立釣磯飛湍吹雪上絺衣沙頭浪盡客歸去
望斷越山橫翠微

先秋一日峭帆開好趁鱸魚佐酒杯垂釣京江學漁隱

乘潮憶上子陵臺

改菴鼓楫去如鴻
龕楮奇觀恨不同
九月浪花殊未減
一尊期對鯉魚風

與吳蘋洲登吳山眺望

幾處閒雲出翠巖
綠陰含雨溼輕衫
與君身在風濤外
數盡清江百幅帆

題清暉樓壁

山水清暉鳴禽款
客歸回頭望高寺
鐘起法雲圍

春及堂詩集卷二

南隱山房小草

七

春及堂詩集卷二

春及堂詩集卷三

錢唐 倪國璉 穠曙

橘山遊草上

將至睦州畱別諸同學

經春蕭寺學棲禪
淪茗重尋十九泉
憶別詩吟青嶂裏
孤征心繫白雲邊
卻煩沙鳥迎蘭櫂
好趁蘋花送釣船
瀟瀟樓前增旅思
秋聲齊入遠遊篇

驅我飢來出蕙叢
濛濛波浪睦州通
海槎自合經牛女
鄉信何因託雁鴻
依岸乍分秋水席
溯流欲趁晚潮風
江城知已如相憶
只在烏龍山色中

烏龍山在郡城後

春及堂詩集卷三

橘山遊草上

一

與葉宇明話別

吾師既北驅嗟爾
悵無適從學志何
虛竹齋展良覲匝
月坐忘著摘疑相
與析伊予更遠遊
使子復岑寂吾親
垂白年得養如捧
檄孤篷自茲往朋
好怨離逃素心踐
夙諾握別轉慙慙
人生爲食謀但令
明信汨

舟泊進龍浦待潮偕劉閣齋

我欲乘流上同君
守釣灣亂帆天際
樹孤墻雨中山江
色陰晴裏鄉心去
住間恰聞幽澗水
先作小潺湲
解維至梵村值雷雨

水驛東邊咫尺逃
礮車雲壓晚潮低
江神解與雷霆鬪

江雨無端化彩霓

乘潮歌

朝乘潮暮乘潮雪浪浮天泛次寥舟輕柁穩疾如駛蒲
帆更飽東來颶前途日已近去程日已遙借問潮來今
幾度茫茫不見錢塘樹

曉過春江第一樓寄太鴻

百雉平涵萬頃秋鹿山斜抱曉嵐浮詩人若鼓南行櫂
莫忘春江第一樓

竿溪

白鷺作前導雙飛引輕舸綠淨明溪光篷窗展書坐攢

春及堂詩集

卷三

橋山遊草上

二

峯盡秋晏森削幾千朵漁子泛波瀾居人自煙火吾生
乃形役何時釋擔荷棲隱如盤中垂綸計非左

桐君山

塔影蕩空碧林煙淡成暮山中古仙人綠髮逸難遇何
當陟雲崖重尋采藥路

桐廬驛憶分水向明府

蒼山古堠水云沍一派清江此處分何日論文依向秀
玉華樓上攬卿雲

嚴陵道中

嶺複溪回引客程空林何處畫眉聲煙開草木都成繡

波靜魚龍自不驚高釣人猶存廟食片帆我始樂江行
移棹七里溪光內無數雲巒潑眼明

與劉閣齋登釣臺

雙臺聳清標翠嶺久無主咄哉羊裘翁把釣陟崇岵高
風追巢由羞與馮鄧伍江魚足朝饌泥塗薄簪組斯人
邈已往片石乃千古我來景遺躅積鐵澗青乳祠荒路
盤回探奇勇可賈亭闕松陰寒去天已尺五輕心出鴻
濛俯視窄寰宇羣峯互奔峭拱揖媚漁父空明影倒落
雲根自撐拄江風蕭然來山日翳漸吐蒲帆送遠舟薺
樹迷前浦素淵有潛龍不肯挾雷雨

春及堂詩集

卷三

橋山遊草上

三

胥口

奢尚旣被禍貞也獨不至英雄遁跡深青林猶可識潛
行渡江曲獨夜友山魅望楚心懔悽行行入吳地三年
復隱忍嗚咽聞簫吹安知父讐復終受鴟夷賜忠孝各
有倫慘死乃不義

至睦州

布帆安穩鵲溪頭南北峯高正早秋四百里間無雁過
老親猶自憶孤舟

館舍初定

竹館依城闕初通草一蹊居人偵遠客稚子問新題橋

寶雙峯秀梅花千雉低鄉音勞驛使日日望郊西嚴城獨

尖削名梅花城驛路由
西門過烏龍嶺至杭

中秋讌劉閣齋席上作

渺渺澄波濯寒魄柳陰東頭沙漸白將軍清讌會羣公
折簡頻催展瑤席叢桂香深開小榭笑語不讓南樓夜
歌傳蓮幕喜時清花滿琴堂知政暇薛侯文章爲國華
張侯八分燦筆花陳侯瀟灑具衆妙亭亭天半橫朱霞
愧予握管無妍辭虛譽新邀越石知使君薄醉盡三雅
小儒細咏拈雙髭憶昔西湖刺蘭漿湖水無煙浮決滂
露滴殘荷一鏡飛琉璃萬頃平如掌忽載琴書到睦州
春及堂詩集卷三 橋山遊草上 四

張遇王邀飲時已被酒不赴詩以謝之

玉杯瑤瑟發清謳菱葉西風拂水樓此夜宋家湖畔月
輪君占斷睦州秋城中有宋家湖蓋中丞宋某舊宅遇王就居於此

夜還館舍得三斷句

我問有情月照人能幾何持杯惜光彩應是旅人多
彈琴按徽音徹明月華冷幾點白雲來還疑塞鴻影
桂樹生高寒託根無寸土只有羽衣人婆娑終夜舞

晨出登城眺覽

晨興喜晴旭駕言適層城俯瞰江流長靜觀沙鳥輕高
旻正爽豁萬象同秋清隔岸一塔湧環以衆樹平我懷
七級上雲際開飛甍茫茫水天外馳眎結遙情

此夜

此夜秋聲起天邊何處風鄉心剛一月客況類孤桐翦
燭憐花放書愁恨紙窮隔窗清露冷淒斷絡絲蟲

接家書及徐茗園見懷詩

水冷雙魚上清秋慰客思數行慈父信五字故人詩入
篋還重看開緘已怨遲祇應懷袖裏常伴佩蘭枝

春及堂詩集卷三

橋山遊草上

五

偶感

風高落葉無定露冷蟲鳴漸稀莫聽他家夜杵九秋未
授寒衣

九月一日 先慈忌辰

見背已三十年

只有清江水盤迴似客腸寄將今夕淚流得到錢塘遠
喉鐘催月疎林鳥叫霜梧捲三十載口澤況淒涼

送王爾玉入閩

雅樂知者稀惟君愛清琴時攜三尺桐竹下來相尋香
焚瀉月瀨風起鳴秋林天機互酬荅山雲淡無心昨夕
冰絃上激楚迴商音知將暫分手閩嶺霞氣深政府重

戎畧嫖姚馬駿驤君隨嚴父駕旆指榕城陰大將建旗
鼓左右凌高城閩城有旗鼓二山歸期定初冬霜柑已懸金怡
怡客中顏柳杯且頻斟當觀海濤湧繼響成連吟

東湖

龍巖飛瀑千尋落東匯江城浪幾重秀比鑑湖分一曲
清同聖水照雙峯波搖畫閣菱香滿岸隱魚骨柳色濃
我欲輕橈蕩煙去更於沙際插芙蓉

與何拜石夜話

熒熒竹屋燈照子秋白髮四十無成名長飢探薇蕨讀
書豈辭貧悲歌念明發願言豁煩憂共結登山屨

春及堂詩集卷三

橋山遊草上

六

東建德劉丞

初下碧山寺還乘上瀨船秋潮三百里送客到天邊竹
冊依鈴閣霜毫老硯田憑君如過訪紅葉是門前

九日偕同學諸子登北峯崇最閣

絕巘峙北郭仰止期攀援嘉時倏已至結侶攜山尊興
極不止險參井遂可捫燃松煮白石望橋尋靈源僧廚
聊借炊淺酌臨前軒牖啟閑雲入萬壑勢已吞江分劃
地脈峯危斲天根人煙起一隅繡陌環千村悠悠陟岵
思望窮嶼色昏片帆在中流飄搖盪羈魂羨彼沙際鳥
羽翮能飛翻

題塔上

手扳飛鳥出江煙此日身遊忉利天眼界即今超十地
塵沙何處數三千

爲閻齋題畫冊十二首

穀紋細浸煙絲碧十丈軟紅沉翠陌金牛湖畔三月春
癡絕虎頭移短冊青帝欲歸歸未得樹裏數聲啼蜀魄
卧游何處桃花潭釣竿近拂天隨宅
清閨殘膏誰復擬側筆焦皺秋幾里冲天鹿角排遠空
鳴箭沙頭澹煙水潑墨崢嶸畱畫史雕題不異雲藍紙
辰韓再拜瞻精廬濯濯雙梧今不死

春及堂詩集卷三

橋山遊草上

七

涼雨颯颯環山根羣流濺珠爭泉門濕雲不飛曳敗絮
畱於幽壑靈虬吞炎官火傘張可怕黃埃吹滿城南舍
松煤濃潑玉斗寬古樹陰森失朱夏
何人有墨兼有筆潯渾浮嵐似摩詰十日五日眞跡畱
一尺春藤神彩溢古嶽風旗煙外斜裊裊細路莓苔花
柳陰繫艇湖之涯樵青不肯持魚叉
青女染霞霞色冷一夜霜華烘霽景蓬蓬野火燒陸渾
燭龍銜照蒼崖炳雲裏人家絕塵慮不比銅溝題字處
殘紅片片逐潺湲采藥山翁自歸去
越江屈曲刀環流越山嫵媚蛾眉修布帆破浪正安穩

波面驚起閒雙鷗披圖憶上沙棠舟茫茫百端增離憂
水亭孤負好風景玉鱸細斫鱸魚秋

膈膊荒雞啼矮屋顛倒征人着衣服霜寒日短路盤回
崦嵫又向山中宿深林策蹇行倉皇石澗潺潺水樹香
暝煙一逕逃歸客咫尺鄉心阻太行

鼠鬚細灑金盞汁冷露團光村樹濕桑泥路軟野花香
側身可向千峯入孤塔日紅開遠霽板屋參差遮薜荔
乳鳩啼午不開門此中別有人間世

仙山日月相蔽虧琅玕浙浙天風吹石壁皺剝苔紋滋
巨靈掌擎今幾時幽人誅茅結屋廬星壇月高開步虛
春及堂詩集卷三 橋山遊草上 八

方壺員嶠渺青海安得遠駕乘颶車

朱明云海揚山靈乾坤混茫入無形決背蕩胸俱杳冥
千尋木杪浮如萍巖扉不啟玉洞藏昌黎雄文封綠章
霧蒸五里門如市不若援毫尋漫仕

竹里詩人玉徽按寒泉咽石流復斷三千鳳峙寂不鳴
襍綈翠羽垂煙館成連絕調憂海岸不若瀟湘水雲亂
雲迴水合非凡音天舒冷眼來相看

火井已滅溫泉冰玉山連天沙倒崩依巖老樹僵欲死
覓句何人埋展齒怪來詩思入骨清馮夷剖蚌珠光盈
朝曦更放雪中眼驢背朗吟看乍晴

春及堂詩集卷三

橋山遊草上

九

春及堂詩集卷三

春及堂詩集卷四

錢塘 倪國璉 穉嚳

橘山遊草下

寄厲太鴻即用見懷原韻

客心未許同高釣愁壘何因號受降蟲語三秋鳴旅枕
灘聲七里落寒江空階踏葉冰紋砌小閣懷人雪竇窻
最憶清吟共山寺暮烟無際一鐘撞

江行寄二三知己二首

來往獨行役離人又斷蓬槎浮還泛鷁水宿遠隨鴻鄉
國迷天末交親語夢中所嗟秋樹變不獨是丹楓

春及堂詩集卷四

橘山遊草下

一

三日淹孤櫂寒暄坐裏消舟人齊戒夜鄰舫約乘潮水
落灘爭響天清集正凋別倚詩滿卷相與共飄蕭

寄題太鴻西溪卜居圖

秦亭山後碧溪斜君住林嵐第幾家他日問津迷處所
繞門三百樹梅花

湖橋

石欄人影落寒汀衆壑巉峴入眼青一片夕陽渾立盡
東湖橋上憶西泠

鄰家

隣舍不相問莓垣喜及肩竹陰青可借橘實晚猶懸芳

鬚同朝課分明聽夜弦時時雙白鳥飛入隔林烟

補和太鴻見懷讀書山寺原韻

頗愛山居除結習心如古鏡漸磨揩香燈況味尋禪喜
蔬筍因緣近佛齋送客嬾能親過澗看雲常自獨臨階
綠天菴裏逢同調破費芭蕉學斷釵寺僧聖公能書余贈詩有銅龍灑香

灘聲

江城夜靜響游浹欲寄遙情湍瀨間流過錦沙三百里
便同寒月到鄉關

喜沈奕昌至

春及堂詩集卷四

橘山遊草下

二

霜紅一徑葦門開虛負高軒破碧苔短褐客先秋鴈至
片帆君爲故人來遄鳴冷月潮猶汛龍蟄蒼江夜更雷
只有嚴陵堪物色隱侯歸路足詩材

聽箏

冰弦十四鳴爐熏銀甲雙擲隔竹聞一夜女龍珠淚灑
天風吹落溼河雲調名溼河龍泣

子陵魚

細小生沙際嚴灘五月初千頭齊入網三百未成魚瓦
釜吹烟後筠籠焙雪餘羊裘懷往事垂釣意何如

繪自自湖南歸手書至嚴感而有作

李郭同舟日臨岐望若仙鑪峯三疊水湘曲九疑烟御
史清詞麗藩侯藻思妍賡酬羣彥集敏妙故人先玉版
行當貴青瑤擬並鐫片言開素筵千里念寒甕榴轉丹
楓後書來白鴈邊激昂懷古處搖落感雲天捧牘微言
契如蘭密意宣名區深向往結習尚拘牽憶別南池路
曾參北寺禪僧廊安竹榻佛火照芸編直道從時棄浮
名任俗傳松根閒得句蕉葉漫題箋詩叟逢梅福諸生
困伏虔牙籤拙欲亂藤籬坐頻遷闕黨誰將命西河更
撤弦既無方朔米囊剩阮孚錢入口真爲累孤篷風有
緣祇因求菽肯從此越山川伍相祠前樹嚴光廟下泉
春及堂詩集卷四 橋山遊草下 三

宮春潮白湧建德月空圓思范誠退矣依劉豈偶然徘徊探舊跡舒嘯託新篇秋華施金鑣神駒受玉鞭巡荒門是樹齋小竹爲椽豈是甘漂泊將毋樂靜便魚來時問鯉鳥語便疑鵲一諾前期在雙峯後約專涉波思渺渺指栢意拳拳久約貧爲病長飢硯作田未能紓小信豈敢惜孤鶩芳芷懷江佩輕橈繫越船此情惟鮑子堪與話纏綿

題田居先生楚粵吟後

波漲黃魚五月秋誰能同上李膺舟江帆集後江聲集一半谿山是舊遊

詩題帝子過南昌不爲千金使粵裝聞道鴈同人更遠鷓鴣啼雨又三湘

伏波勳業剩殘碑曾薦江離到古祠伐鼓撻金新曲奏神來風欲滿靈旗

主客長沙接醉哦楚吟應較粵吟多雙檠燭照芙蓉冷墨樹亭前奈別何

題金壽門香花供養齋圖

誅茅辟地引沙泉一畝精廬萬樹烟集古神甯衆香國臥碑身在散花天子雲奇字傳西蜀摩詰新詩繪輞川肯許忘言參墨妙願因卜築住東偏

春及堂詩集卷四

橋山遊草下

四

周氏水亭

平涵空碧敞虛堂而面窻閒水荇香畫裏烟嵐橫黛色鏡中樓閣蕩晴光鯽鱖露處晨持釣楊柳陰時夜納涼疑自洞庭浮一葉短簫橫笛發滄浪

四月二十日雨中解維順流歸省

一春恒雨夏亦頻城邊桑路通江津束裝歸去霑我茵放船恐犯蛟龍噴雲嵐俄已失富春清流泯泯村無人麥禾沉浸愁黎民臥疴吾方念老親川途三百一日臻迷離鄉樹疑非真

題江郎祠

在江郎山下傳自風雨中移至正見三石分界處碑載有禱雨禳虎事

丹樓風雨移正見靈石界我無米公癖引領亦三拜
叱雨活稿苗驅魃入仙非如何俎豆蕪殘碑臥烟冷
天風捲霧慢仙凡亦咫尺參差碧空裏誰仲復誰伯
同心證仙道化石何辜律真形偶合離靈根自歸一

謝項向榮惠米

太倉陳因足紅朽臣飢欲死誰能知一簞未得顏氏樂
三句每詠陶公詩老親垂白食少肉癡兒索飯孱無肌
糟糠少婦日蓬首不厭空釜頻爲炊硯中元粟那可飽
不耕而餒固所宜今年夏雨侵農犁高田尚保嘉禾滋
斗米百錢亦中稔腐儒粗糲仍攢眉感君念我生事拙
春及堂詩集卷四 橋山遊草下 五

深秋晚黍能相貽義同與秉獨周急惠等指困真好施
遠人謀食歎羈旅拆書拜賜當軒墀及今致身值清時
報君願學君所爲東臯有稻千萬斛廣給寒士充晨糜
春初借募壽門漢隸韻釋書竟歸之因題簡端

漢隸古碑三百餘稽時總少西京書石經未立體不一
肥瘦尚具秦人初唐賢巧麗變古法至今結習誰能祛
壽門鈎摹得善本花時爲我開鑲魚會聞寒夜手自寫
攤設舊刻供吹漁凍毫書禿漏點盡集成滿帙真南車
一字異形備衆妙四聲次第皆璠璣靈龜菌蠢尾自曳
獐龍屈盤身未舒鶴低鼓翅應急節雁歸伸頸銜長蘆

前人變幻總淳樸鼎彝斑剝今焉如伊余願學攜旅篋
晨興響榻臨前除健筆終思繼落翮多肉祇愁成墨豬
元精在腕始迺逸天涯灑翰深躊躇殘冬冉冉水赴壑
片帆吹客歸林廬不叩堂裏問奇字雪中甌酒仍相於
與詹叔同遊寶華洲蘭若

小洲四無依中湧蓮花界浮梁隔滄波呼艇入蒲稗宛
在水一方僧老守禪戒放生有遺鑄往昔萃鱗介經閣
俯明漪諸天掛魚唄鼠異匪堦除龍護見光怪香沉古
佛龕烏散孤雲寨杳杳絕塵蹤落落破世械清修吾所
慕微義君共解晚磬時一鳴悠然行真派

春及堂詩集卷四

橋山遊草下

六

秋蟲吟

羣蟲亦何知啁啾競涼節爭鳴亂終宵發微自將夕嚶
嚶警墜露唧唧訴破月細吟出草根幽啼傍蘿壁此息
彼更譁一唱和者百或以股雙動或以翼齊擊或連引
長喙或偶發孤呖或若激楚悲或若哽咽悽或若獨
歎紛或若噉說轉輪或嘔啞縲絲或絡繹雨溼道上鈴
風落弦外鏘捷乃嗇夫口絮真彼婦舌聒耳總難辨驚
心動如刺可奈衆喧囂轉益夜岑寂飛螢獨無聲穿箔
弄寒碧

自嘲

服田皆有秋吾硯寧獨燕啡禮而種義逢年與世殊一笑顧妻子甕有脫粟無

秋風

簾外秋風不可聽蕭蕭萬籟一燈青悲秋人在嚴灘住吹落高槐又滿庭

憶礪西舊遊

隔斷塵喧萬慮清日沉憶坐礪西橋牽蘿人語空山響策杖僧歸細路遙竹榭祇應雲共宿花宮惟有月堪招如何竟爽三秋約布襪青鞵尚寂寥

秋深

春及堂詩集卷四

崑山遊草下

七

雁行風急正復斜斜霜時節騎天涯酒懷獨醒還獨醉詩債半償仍半賒鏡中初鑷白鬚髮巖下再培青桂花挑燈耐可展書讀夜寒不受鳴蟲譁

贈文安

未能直北散遊韉且共南征問雪堂賦就一篇投屈子秭歸城外月如霜

過方干舊居

在鷓鴣巖對岸山塢內

百尺鷓鴣水不渾詩人舊隱抱巖根千吟莫補脣間缺一第空憐死後魂臺畔客星同廟祀山中茶市長兒孫臨風欲展元英集落葉紛紛打薜門

晨過西臺弔謝臯羽

黃冠恨不賦歸來一慟真令萬壑哀我本無愁欲晞髮朝陽猶未照西臺

馬鞍山

馬鞍山下幾鳴榔松檜森森倚夕陽霸業銷沉坏土在白雲深處話孫郎

渡江遇風

越險已夙戒涉波復新懦詎知馮夷怒葉舟忽掀簸中流浪洶欵咫尺不得過飄飄萍斷梗旋旋蟻團磨我生值屯蹇那堪更折挫清吟滿藤篋豈解江魚餓命祇比

春及堂詩集卷四

崑山遊草下

八

毛輕心已折敵破其守桅櫓立獨抱忠信臥須臾洪濤平白鷗浮一箇

述舊

蒲帆六尺往來頻曾見瀧中幾度春烟堠霜寒催早發晚灘潮長忽迷津興亡舊迹皆流水風月清江屬主人屢涉波濤吾不恨好山都是董源皴

山城斗大歎淹留多半閒吟是客愁五畝未成歸養計三年空愧致書郵富春驛口烏啼暮風露樓邊葉戰秋贏得錦峯爲粉本臥遊圖上傲滄洲

春及堂詩集卷四

春及堂詩集卷五

錢唐 倪國璉 穉嚀

文杏館集

桐州見梅

林空早見一枝斜
映色江煙澹著花
幾處開門閉春晝
更無人與惜鉛華

上灘謠

兩岸山開已出磯
遠天斜日薄雲烘
南風五兩長年喜
烏石灘頭正順風

馮夷送我葉舟輕
六尺蒲帆上水行
倚櫂那能忘往事
春及堂詩集卷五

倒牽百丈與灘爭

題吳立峯先生讀騷圖四首

我伯雄於酒先生愛讀騷
曾聞同暮醉孰復捲春濤
香草儲情潔糟醕託興高
達人真面目不在頰邊毫
少小懷奇服相逢眼獨青
倘容隨痛飲那惜共沉冥
楚調還同嗜松風不厭聽
寥寥向天問紉佩襲蘭馨
老愛修名立臨風蔥帶垂
清澄聊獨酌遲暮更何悲
注欲同劉杳吟應繼景差
南音如可鼓季子願觀詩
種蕙已盈畝滋蘭更滿畦
幽思雖異屈放達久同稽
讀罷書沉水斟餘酒到臍
玉英和沆瀣日月信堪齊

蘆雁行贈吳興卞生

斷葦寒葭秋色暮
西風瑟瑟瀟湘路
天邊吹斷雁幾行
整整斜斜不知數
憑君灑翰滄洲濁
宿食飛鳴盡如活
興來千頃掃蘆花
并點殘陽幾片霞
徐熙崔白稱能事
要得空江閒靜意
雁來豈爲稻粱謀
雁去飽嘗行李愁
我有三尺枯桐枝
能使驚寒在素絲
細猱一寸飛還定
月底分明咬葉時
張君之畫彈我琴
虛堂此際有遺音
是琴是畫都休問
水碧沙清子細尋

得繪古書

春山動離索
况復春雪稠
淒寒日兀坐
馳念何時休
川春及堂詩集卷五

文杏館集

二

途三百里
千峯鎖煩憂
詩人挂帆來
良友書遠投
衝泥叩華館
拜捧如琳璆
新詩寄五字
名言滌凡眸
紛糅冰藥飛
及此清輝不
拙劣謬獎許
愧歎不能酬
謀食違所親
羈棲復寡儔
平生道義交
欲見恨未由
永懷他山石
歸思凌滄洲

寄懷繪古

紫閣香華論
夙心韶光彈
指一年深荒寒
逆旅縈孤夢
落拓平生多
苦音水壯龍
濤流日夜春
催江樹變晴陰
睦州城外啼
鶯亂重檢雲箋
七字吟

繪古去年至新安
有春鶯啼過睦州

句城

南峯寺眺望

馬目橫雲起南峯鎖翠隈臨江孤髻露而郭一屏開磴
路羊腸上花宮鳥翼迴寺真超色界塔更湧崔嵬插秀
雄全踞撐空俯八垓青蒼春在樹隱見霧沉臺二水明
如練孤舟泛似杯碧沙無盡處遙指鶴歸來

懷章仁豔先生二首

惜別柳毵花開憶共談典型家學在文獻老成諸塞
座書頻著傾壺酒半酣那堪愁脫粟髮短不勝簪
持身知定力濟物有初心世事從時輩風人自古音一
春花易老三徑草初深誰與同清嘯頻調百衲琴

春及堂詩集卷五

文杏館集

三

讀總戎費公廵海紀勝詩因成四首

樓船秋汎出黃華保障東甌十萬家洋口漚深帆側卸
島門風急鼓回樞浮漚天地疑蕉鹿跋扈么麼笑并蛙
此際浩歌頻擊楫混茫元氣正無涯黃華關名
會聞黑浪大如山人在驚濤洶欵間針定一盤浮滌沔
鏡窺千里辨神姦天妃夜降騰珠火龍女春游湧翠鬟
幾度乘槎仗忠信射鼉且向貝宮還
夷險分明燭駭犀指揮直欲掃長鯨亂礁深淺潮痕白
別島陰沉颶母低籌國且憑三寸管靖邊何假一丸泥
佇看橫海登壇日生割靈鼉建鼓聲

滾滾洪流赴沃焦吞舟網漏海氛消六番子弟通商舶
萬里辰韓款

聖朝髮紉幾看鱗甲動銅盤自注水天遙時清預定安
濶策漫擬乘桴汎汶寥髮紉詳有化龍事銅盤山名

題扇上畫扶桑花

賜谷靈根長嫩枝芳香應自散丹池雙成擬作迴鸞舞
彈落雲翹自不知

紫棋曾問服可仙染來花勝碧瑤鑄無臯更望千尋上
一片青霞近日邊

盆中紅梅

春及堂詩集卷五

文杏館集

四

古質標豔姿先春啟花籬映盎何亭亭照眼已灼灼主
人念寂寥移來就東閣寒勒久含苞暖至漸舒萼雖疑
炫文采猶未損風格孤根瘦何年厥狀類錢削磊砢山
芳華偏強受束縛餘芬冷几案清影靜簾箔有酒滿紅
螺相對且斟酌

懷梅雪翁

一官移疾愛投閒栗里巾車不可攀老與參苓應有分
詩歸風雅更難刪披雲最憶花前語掃雪空懷鏡裏顏
觸眼春暉增夢思天邊何處敬亭山
杖履翛然見性情冰壺徹底是真清久傾前輩承家學

肯與時流逐浪名撫足獨吟三徑雨挂冠初濯十年纓
吳山花事紛如昔誰向朱闌續舊盟

憶文常孔虔兄弟兼懷程君偕柳

江左機雲舊主壇謝家芳砌有芝蘭曾於花底驚三絕
重向春風憶二難彩筆續尋常日社青氈同守昔年寒
風華誰更如張緒掩映都官白玉闌

閨齋以詩囊見貽作仄體報之

好吟亦復嬾成性從茲檢拾真無難恐負神針刺純素
那有警句雕腎肝開緘不納古錢澀作佩儼同蒼琰寒
相攜或至五岳頂眼前盡括諸峯巒

春及堂詩集卷五

文杏館集

五

讀元祐黨籍碑宋之黨君子與有責焉至于立碑禍始極然宋亦歸以預人之云亡邦國殄瘁信哉繪甫自白歸得揭本分示同人爲詩者不一余亦率賦長句意在諷

京不復贊賢哲也

豐碑大書元祐黨內外諸臣遭一網借名紹述悖與京
三百九人逢此枉國家元氣剝無餘北轅已兆宗社墟
彗星西掃悔禍晚夜半黃門滅石書姓名首列標司馬
安民不刻胡爲者天憂君子名不傳故遣元奸親手寫
尙有遺文在粵西巖荒龍隱草煙迷故人揭得隨行李
贈與朋儔共品題伊余張壁日摩挲再拜焚香讀數過
忠良一一燦可指有若列星明絳河吁嗟爾京心誤用

此身既敗兼敗宋細看爾書鈎磔點畫亦有古人風如
何自彰穢迹垂無窮

遊大福禪林

問渡尋金地春光滿化城鐘清山雨霽幡動谷風生倚
閣雙杉立當門一嶂橫隔溪看不見但聽木魚聲

杏花

門前春樹看皆好文杏開時眼更新香在曉霞吹不散
煙霏紅錦碎尤真那須羯鼓催宮宴莫入銅街惹市塵
此度芳華誰復問匣花酣詠日千巡

閨齋游蘆茨巖歸道其勝因爲紀之

春及堂詩集卷五

文杏館集

六

聞說清溪可洗沙蘆茨巖畔有桃花板橋紅引東西岸
竹屋春藏三兩家林下不雲時墮雨洞中無路但蒸霞
何當自刺沙棠楫相逐漁人問水涯

題枯木寒鴉圖

太息寒鴉反哺慈空林暝色得歸遲若添一鵲搏霜翮
無佳還聞飛去時無佳釋師論

八九雛生繞樹棲在原不逐雁行低幾時化作金壺墨
來與清琴共夜啼琴中有鳥

幾片寒雲古木梢幽棲無意更遷喬卽看楊柳堪藏影
不管春絲千萬條

簡徐茗園

時以梅花詩見示

賤貧常依人別子腸百結行逢驛上梅折寄空念切瀧
水迴千峯望眼恨遮截自從到山齋雙腕被愁掣幾翻
拆家書但告生事拙兀然同土木廢卷慙不悅鏡裏素
絲新壯心欲摧折昨日得君詩精神復澡雪披吟達宵
旦芳馥紛可擷巾章思所報歛手避高潔嗟君在吾黨
卓爾數雄傑迅筆掃餘子錚錚豈凡鐵半生大缺陷宇
宙一身子天方示磨礪當顯固窮節三復瑤華章超然
兩清絕

送潘次王還里

春及堂詩集

卷五

文杏館集

七

重借輕風過百崖睦州花事冷江霜踏青我負湖邊路
不得同君試筭鞋
畫眉破曉啼隔竹踟躕笑春紅過谿百里桐江載殘墨
乳香巖畔定閒題

重寄繪古

獨傷淹滯卧荆扉尺素空隨雁北歸客舍不堪逢冷食
江鄉渾未試春衣青芙蓉畔花爭發紫瑪瑙邊雲自飛
曾記碧山君訪我袞腰草色雨中肥

苦雨

漏天難可補判盡一春花潦集鳴蛙路池深白鷺家濕

頻蒸硯匣雲易暝窻紗爲問羲和馭何時駕日車

送朗川天佩昆仲還都

難弟初歸聞嶺賢兄尙待嚴江北望橫雲千里正見歸
鴻一雙

濁酒便同斟酌清詞偶付弦歌春曷歸乎暮矣君當別
分奈何

腸與江迴三折人同花滯一春若過西泠水曲平安爲
報衰親

白舫一篙破浪紫驪雙騎探花客路短長亭外薰風先
到京華

春及堂詩集

卷五

文杏館集

八

送桐廬張明府

挂帆先後來富春水碧客處欣結鄰宇望咫尺步
屣邀清歡往往笑談劇狂呼小天地杯酒竟良夕眼看
雨中花能紅復能白

最憶南山遊隔溪風景美蘆茨巖畔春千尺桃花水相
將浴沂心開襟滌塵滓浮生此日閒竹舍尋禪喜清賞
詎易忘觴咏記終始

篆籀生八分古字劍峯斷使君奮逸藻碑版辨秦漢下
士復何知高軒枉芸館殷勤好古心鸞鶴兩迴腕俗書
逞姿媚卑陋何足算

權轉匪云疾朱雀耀前旗明德信無愆盤錯方在茲歸
去吳山下積翠來軒墀我亦念遄返江雲空久羈寄語
諸儕好潮落深遐思

燕來

江燕巢新定紅泥帶渚沙但知花是路竟以客爲家似
識卑棲好休驚笑語諱知幾吾羨爾輕度衡簾斜

偶占

門外飛花踏作泥柳陰一帶接桃溪風吹苦棟無人見
日暮唯聞百舌啼

春及堂詩集

卷五

文舍館集

九

春及堂詩集卷五

春及堂詩集卷六

錢唐 倪國璉 穉疇

浮湍集上

題繪尚始遊集後

清才焉肯束如蠶放脚平行萬里堪祇恐詩魂重留滯
湘灘水北桂山南

銅陵丹井未躋攀開帙真如咫尺間何似謝公絕險入
令人叫絕好江山

苦竹叢深頻弔古鷓鴣聲急重懷人從來瘴癘悲遊宦
風物猶堪涉筆新

春及堂詩集

卷六

浮湍集上

一

我亦同君賦始遊烏龍山下住經秋碧天月照朱陵洞
夜夜流輝到睦州

五日雨中訪王漁邨先生二鄉壽門不期而集漁

邨詩先成因共和韻

飲罷菖蒲散鬱陶求羊徑裏屐聲高清談共喜尋王令
絕唱誰能繼水曹山脚雨昏迷百草渡頭波急漲三篙
先生止酒多餘暇細字書殘幾瓦毫

時案上手
鈔甚夥

過夏潛齋畱飲擷芳亭

新闢芳園少俗情重來投轄話平生池空一鑑寒魚影
竹養千竿送雨聲世事只如棋變換詩情要使墨縱橫

玉船更瀉銀河色不學劉伶博酒名

瑟瑟風吹古桂枝燈前莫憶舊題詩樓高易得青山色
壁壘新畱黃絹辭茂樹午陰閒品石萬花春靜夜調絲
負君十日平原飲却悔嚴灘罷釣時

睦城四月八日五月三日江水入城者再余至睦

水已退因託風謠以道居民之厄

江雨日霏霏江流日漫漫流波安可及漸失東西岸睦
城水之衝比屋聞悲歎城頭立老兵深淺候昏旦但見
浮雲凝空望朝日曠二麥不成秋穗黑株根爛樵人負
擔歸不博升米換哀哀此窮黎幾戶炊已斷復此洪濤

春及堂詩集卷六

浮滿集上

二

驚桑田作河漢

南望溢蘭渚西瞻漲歙州嚴陵如峽束潦積水橫流魚
龍入城市湏洞不肯收初驚沒夏屋漸欲漂岑樓千門
聞號呼爭上漁師舟雞犬處懷棟欄雜沉浮垣頽徹
夜響桴泛依落稠樹杪躍輕儵喋呼來閒鷗燕雀失其
宇翻空鳴啾啾

雨歇水漸衰路穢不可治徙者日以還入室徒三咽庭
除積潦腥花竹不復蒔茅齋幸見存謂是天所賜東館
一墟落所見惟荒地郭外千頃苗萍葉但浮翠高坊識
水痕仰視尚心悸賦役愁丁男胥戾切衰穉夢裏聞喧

彫徬徨不能寐

舟行同劉開齋費學三

高人祠下薦江離更羨雙臺鐵色奇記取秋風住篷艇
白雲千尺看垂絲時學三欲上釣臺不果西臺舊有亭顏曰垂綸千尺今廢

寓樓

高飭棲鴉近俯蟬香茅初葢竹三椽城低不礙山歸檻
屋小偏疑柳插天半卷易消聞猛雨一爐烟起待飛仙
寄居直欲過秋去飽看雲帆落雁邊

食石輪作四首

形如蛙黑色善跳取之者張網明燈以茅竿掠草躍出丈許乃入網可多食中性涼不

春及堂詩集卷六

浮滿集上

三

聞聲掠巖際燐影照葦枝嗟爾善騰踴翻入漁師網
蹣跚大如蛙黝然一拳石若非玉肪鮮何以供魚炙
一鱗足一肘蒼皮亦可茹何異採月窟割取銀蟾蜍
美服難久被異味非恒餐芳椒雜辛桂稍減肉芝寒

還城南館舍

四壁新泥地再除蛇龍去後賦爰居重扶修竹招山鳥
多採靈芸辟蠹魚人徒東鄰猶未返必侵南畝不堪鋤
布衣尚少蒼生責六月松棚好著書

晚鐘

驚起摩霄鶴一羣清鐘杳杳暮烟分不知隔水來何寺

但見遙空結片雲百轉法華流梵唄十方圓覺悟真聞
天風欲往餘音在消得山齋柏子熏

印色

薤葉雕章側龍文小篆傍一圭紅雪水半合紫泥香入
紙濃于染標縑久更芳珊瑚浮寶氣火齊耀珠光出礦
砂曾覓頻年艾久藏丰茸畱累黍滓穢汰微茫備物旋
搜篋凝膏已凍牀搗應求月杵暴敢失秋陽宜貯縹甕
器終登白玉堂功成歸組綬文采不虛彰

晚愈獨酌

候蟲吟不斷秋髮欲成絲暑退扇初謝涼生簟早知
春及堂詩集

卷六

浮滿集上

四

房當夕斂焦葉與風期且自揮杯勸今非獨醒時

食犬

舊鄉饒水產秋浦白生珠蚌剖無虛腹雞胎未化雛益
能同薏苡味欲甲菰蒲采采西風起扁舟憶鏡湖

秋窻雜咏

涼颼動地起浩浩來西原卷彼沙上蓬喧我松間門少
皞肅秋氣颯香異春溫誰能守寂默與月同不言由來
觀化理得共靜者論

大星既芒角小星亦揚輝分躔有常次乾度詎可違
野見牛女西杓望璇璣垂象聖所則運行測其微吾儕

占斗斛所冀稍梁肥仰瞻天市垣庶免終歲饑斗五星
斛四星
在天市垣帝座
前平則天下豐

今日晴景好駕言北郭遊一徑雲自淡百圍山已秋搜
奇得寺古陟險窮巖幽峯嶺識路阻杖策登崇邱俯仰
肆遐矚澄江如不流微聞蘇門嘯吹下蒼山頭
泛泛漁竿客悠悠涉清江渺渺歌不聞潑潑魚得雙換
酒醉卽休安眠下驚漚却笑任公子大言徒自哢至道
在知足萬頃橫孤艘

蒙龍碧巖下止水何潭潭神物所窟宅一窪萬丈涵胡
不遊絳霄抱珠眠正酣存身事深蟄潛處固所甘噓吸

春及堂詩集

卷六

浮滿集上

五

雲混潏鬱爲朝暮嵐

昔別槿初榮今來菊垂纈極目平沙際雙鸞飛輕雪芳
蘭遠莫致輶轡懸絕百物淒露零況此五情熱事遊
詎可追心勞不能輟滔滔東逝波到鄉亦百折

鼓瑟誰爲聽作歌莫余和有客餉斗酒痛飲洗塵泥
底忽怒生膽力狂無那掃壁學題鷺拓帶一丈大壯夫
躍馬立健隼橫雲過醒看祇自驚不似就新懦
密蔭羅幽窻閑禽嘯其侶薄暮斂翮歸烟中坐相語還
聞警露旦翩翾渺何許棲棲羈旅人微物亦吾與一枝
同借託深林共延佇

春及堂詩集卷七

錢唐 倪國璉 穉疇

浮湍集下

山水吟寄茗園

吾家雲林好山水瘦如黃鵠閒如鷺畫成不擬將與人
自把名香供朝暮徐君好畫骨亦清每看潑墨天機生
嵐光深淺兼雨晴老樹偃卧修眉橫南樓有深趣窻開
對千峯畫勢得平遠渲染不復濃我今羈棲富春縣山
水清如故人而愧無家法寫春藤繡嶺嶢峢空復見

讀靖節先生集

春及堂詩集卷七

浮湍集下

一

遠與西山續瓣香幽居南岳卧羲皇義熙甲子堪題卷
不署元嘉著作郎

小病

桂熱畏秋陽西風不作涼幽樓聊避客小病易思鄉伏
枕開魚素支爐事藥王異書存肘後未有療愁方

曉

宵長不易曙衾冷乍醒時眩眼猶歸夢關心只舊詩清
笳吹喚急寒柝報衙遲喚起窻前鳥爲余啼竹枝

臨帖寄陳楞山

十年把筆無增長但愧良朋遠乞書今日嚴江揮醉墨

春及堂詩集

卷六

浮湍集上

六

春及堂詩集卷六

餘膏賸餉子陵魚

中秋夜偕閨齋至東湖橋望月

雨過月來人病起今宵佳興復如何倚橋吟帶幾分醉
臨水光憐一倍多桂樹婆娑應已斫玉盤圓湛豈須磨
更思擊節空明裏呼出驪龍舞素波

寄汪積山

碧華流照思紛紛未許清暉隔斷雲半夜潮來應獨聽
九天樂奏恰同聞硯門墨瀋鈔書剩觴底詩籌刻燭分
此日吟情爲君盡露庭踢碎紫苔紋

十六夜山後見月

春及堂詩集

卷七

浮海集下

二

不減初圓夜連宵帶露看片雲虛點綴六宇較清寒水
影湛羣木金波委急灘一天涼雨氣化作露華薄

懷西湖南山諸勝

江水不如湖水澄南峯涼冷時堪登入雲但問採樵客
踏葉偶隨歸寺僧一掬泉因瘦蛟活滿山桂與青霞蒸
白波淼淼難可越空倚葛坡三尺藤

贈沈奕昌

時鎮府費公屬沈書嚴
陵子陵先生祠堂記

先生舊住西水西千金書價聞題驚興來把筆若把槩
揮霍萬紙流蒼霓雙瞳點漆神明王追摹松雪兼迺宕
忽驚幽鳥踏花枝更擬新霞催月上石阡太守以書名

甥如其身舅似甥寫經道士籠鶯待愛客賢王虛左迎

飛牋如雪墨如雨使者徵求時劣午幾日長安暫息勞

反悔學書徒自苦名播京華二十年翩然歸卧石塘烟

偶攜梁苑鄒枚筆來賦嚴江十九泉泉香石古松如蓋

雙臺倒影涵清瀨客星已比日月高帝量亦包天地外

開府清漸揆藻雄登臨欲使舊碑崇深知抗節非周黨

卻歎傳心有范公煩君滌視灘頭水兀傲形容藏字裏

本持風義酬故人不是辭榮薄天子今君亦爲友朋來

軍門長揖笑銜杯腐儒秋館正蕭寂幸蒙折簡相追陪

霜花冷逼文犀館澤中欲試羊裘暖與君歸櫂趁歸潮

春及堂詩集

卷七

浮海集下

三

青箬篷窓談款款

宋孝廉蒼嶼投詩見贈奉酬四首

鹵莽謀生拙依劉到此邦江聲環几席嵐翠落軒窓書

每逢人借愁曾賴酒降虛勞推健筆百斛那能扛

幾重楓樹裏小築有荒齋獨語惟鴉共清吟與鶴儕露

涼添白衿山近試青嶼不及悲秋客風流邁景差

握手憐同調新知似舊交非嵇虛過阮對郭愧稱茅瑰

意寧求舉雄文足解嘲韶鈞聞壘奏何以繼絃匏

屢枉高人駕迎門只葛衫自知同水乳與俗異酸鹹客

興澄江釣吟情暮雨帆何當搖落候一一啟瓊函

九日椒園攜觴出郭較射爲竟日之歡

與君昨飲龍山傍滿頭已插山菊黃日未成旬更載酒
共憑高閣臨滄浪沙田已熟沙路長傾尊笑拆茱萸囊
茱萸味辛不可食座中我獨懷故鄉鄉心不及冥鴻翔
脫帽且須飛百觴衆賓袒鞵弓矢張弦鳴的破娛清狂
試墮醉眼望江光西南數峯猶夕陽

過柴錦川齋頭觀所藏百衲古琴

桐枯聲更清雅樂碎可整別材邀晉曠巧斲微楚郢看
如壞色衣補綴發奇警冷冷冰弦張黯黯漆光冷寶器
非襲御裳盛還襲我來窺文窓霜日初回問挂壁羨

春及堂詩集卷七

浮端集下

四

瑤珍啟秘對澄景拂拭耀明徹撇擽倚修頸良工採衆
妙所慮在咽哽逸響指午騰徐聞趣方永真與金石諧
應使匏竹屏豈必求孫枝梯伐到崇嶺浮沼聞魚驗掠
雲過鴻影清弄雖未終醇音已深領何當及高秋明月
浩千頃手寫成連吟息喧待夜丙抱此彈古曲一奏百
慮靜願君抒妍詞有若韓贈穎

題繪由太鴻唐元宗泰山摩崖碑詩後

親題玉檢不求仙尙憶開元全盛年此刻轉貽遷蜀恨
此詩堪擬監殷篇一

聲鼓漁陽悔莫追勒名青嶂竟何爲萬夫牽挽勞民力

差勝秦皇沒字碑

泰山紀言沒字碑石色如玉非本山石而致之絕頂當時之用民力可知

繪由將入都爲詩話別

遊興還餘七澤波重開帝里賦鳴珂途經泰岱瞻雲
遠路入幽燕積雪多半夜雞聲催野店極天鴻影斷渾
河獨憐歲晚驚沙路倚著吟鞍得得歌

雅淡情懷冰雪文清材每歎思氛氲一生詎可無知己
千里終當獨出羣貢禹棲遲依舊侶馬周容易動人君
長門有賦休輕售綵筆須簪鳳沼雲

讀梅雪翁錢荒荒菜荒詩題後

聞道柴桑里錢荒復菜荒閒居愁廢圃清宦剩空囊虛
春及堂詩集卷七

浮端集下

五

遣行持襲寧論夢繞牀作詩存諷諫林壑未能忘

舟中卽事贈戴屏侯兼懷劉尉

時劉在海昌督塘事

便逐輕鷗去復還眼中不厭舊江山霜清和子明千樹
水冷漁家泊一灣行處漸於亭堠熟坐來翻覺客舟閒
憑君得問劉公幹海雨荒荒洗醉顏

湘江灘

十一月初四日至湘江灘水淺舟膠上下數百艘不得前坐灘上者再宿易小舟方得至

嚴陵

灘涸元冬沙淺路澀重舟山膠千櫓雲集客子坐愁筇

師儻立

桐江漁舟竹枝詞

全家生事在青篷來往原隨朝暮風莫道泊舟無定所
釣臺西上窄溪東

鷓鴣雙眠不肯飛與郎相守舊苔磯空潭無底寒漪碧
照妾梳頭澣妾衣

對對鷓鴣羽不乾銜魚深入碧濤寒鷺鷥不受人馴養
雪影一雙飛下灘

月裏斜撐白版船波心魚動水紋圓輕條躍入綠何事
兩岸無聲獨扣舷

許嫁漁郎隔水灣風波莫遣損紅顏朝來雲髻尋新樣
龍裏山多十八鬟

春及堂詩集

卷七

浮滿集下

六

自愛溪山錦不如浮家隨處是安居醉來欲就巖前宿
有客煙中喚買魚

樵徑

青壁無緣上煙蘿有徑通猿騰不到處一綫入雲中悻
膽山君跡欺人木魅風天寒峯色暮愁殺白頭翁

與詹東麓乞茗詩

從來茗性獨與閒寂宜況我有此癖淪泉無已時嚴
陵徵土物厥產首列之五都亦中品味真無他奇近聞
龍山頂有僧結茆茨其間種一區白毫作槍旗而我苦
不值何以慰渴思更知卿雲山春嵐發華滋銀釵薄採

摘幽叢篁屢攜雨足長綠雲衣食皆在茲今君住山中
收焙應稔知豈無最高品清芬貯秋瓷願得拜嘉惠藉
以充朝飢名泉理茶具活火烹所貽一酌風生腋再啜
心神怡當知山澤癯遠勝食肉肥

一首

嚴江周不菴先生跋友人曹井三蟻衣集後賦謝

繡口驚傳化死灰破除根識出塵埃于今有客稱同調
當世何人重異才孤憤轉應文采誤別離偏令友朋哀
天涯行脚歸來早霽月還臨說法臺

先生有三生石期
晤之語故末語及

春及堂詩集

卷七

浮滿集下

七

雪中卧病蒙椒圃屢過荒齋詩感二首

絮裏蒙頭卧高朋屢造門良方試秋石款語挹春溫冷
借烏薪熱愁逢蠟炬昏竹窻岑寂事隱几更深論
佛鬱偏侵耳真知病客心涼須冰作藥寒以鐵爲食飲
剩懲狂醉思多戒苦吟砌邊連璐滿屐齒往來深

爲詹次馮臨古帖冊子題後

欲去重爲翰墨緣凍毫瀟灑送殘年硯頭餘瀋還多少
勝寫寒江霽雪天

雪中過釣臺

昔愛釣臺春今見釣臺雪霽日明瑤崖玉乳迸青鐵刻

露聳雙秀森寒轉夏絕松頂露餘冰千尺碎環玦石缺
陰泉凝險磴人踪滅一葦惜輕過回眸望高潔

春及堂詩集

卷七

清滿集下

八

春及堂詩集卷七

春及堂詩集卷八

錢唐 倪國璉 稊嚙

楓香草

既至嚴陵復有楓嶺之行仍卽解維

遊子無定跡揚舲復何之如彼浦上雲南北隨風吹滅
裝復就道灘行恐舟遲深念有方訓載賡陟岵詞躊躇
別朋好丁寧告還期風波既阻隔況越千山陞雙魚如
寄我傳之聖水湄

過大洋灘

石勢臨江削棱棱激巨波陰崖橫數里如傍翠屏過野

春及堂詩集

卷八

楓香草

一

綠春迷樹空青雨滴衰晚來帆未卸奈別好峯何

蘭谿餞春

芳渚送春春可憐晴波搖蕩綠蕪烟去家直欲拚千里
載酒誰能滿一船孤塔影標山堞外雙谿流合縣門前
醉來好共覓鷺宿岸芷青青手自攀

龍游

山靈幻神奇天矯露崖脚儼若蒼龍來驤首赴巨壑有
塔鎮其巔秃爪猶奮攫雨洗殊崢嶸石角淬青鏘嗟爾
擅變化不飛亦不躍日俯大江飲困屈同尺蠖或欲居
幽潛待時起寥廓此理吾未解去去指烟郭

水碓

巧借潺湲力飛輪獨自翻利仍因杵臼機不滯朝昏水
長春還急晚來聲更喧推篷看白浪汨汨過泉門

樟樹灘

耿變時官軍伏千人樹下隱不見賊過乃
逆吮其背得功因請封列祀典一傳明太
祖伏兵其下封
爲護國將軍

水畔靈樟隱戰旗至今村社拜壇壝牧兒飲犢來沙渚
不致祠前手折枝

舟至清湖鎮始就陸道中卽事述懷

湖江已窮源陟山始穿嶂言登竹輿去嶺道下復上所
欣朝霧卷而得快瞻望時和正孟夏草木盡敷暢羣巒
春及堂詩集卷八 二

楓香草

二

互倚伏平野極清曠水塍夾路左活活泉脈旺居人抱
犢耕田婦遠饁餉我耽謝公癖巖壑乘微尚探奇志在
夙遠遊事誠翔林鳥如依人松風忽來颺每因墩亭歇
一和樵牧唱

江郎山

山頂何年霞氣赤兄弟丹成示靈迹突兀奇峯三片開
白雲界破青天坼豈由仙術躡身化或借巨靈親手擘
左右雄排紫翠屏中間夾起蒼龍脊行人引領初疑望
但見崔巍如合璧須臾伯仲漸分行離合真疑無定格
昔時曾落金蓮瓣今日聞吹古香柏願言策杖恣幽討

上捫烟蘿幾千尺丹梯縱不凌縹緲崖若猶堪漱芳液
援枹一擊石鼓鳴峽裏雲旗捲空碧

江郎旅次口占贈汪鑒淦

頻年客舍迎新夏此度開關更浪遊水宿厭聞灘雨急
山行驚望嶺雲稠松亭路轉逢陰翳野店烟深薄暮投
可惜故鄉櫻筍會一燈相照話離愁

讀壁間梅耑長先生題句

碧落三花散紫烟江郎卷霧見詩仙雄奇屢遣人回脰
標格誰同石比肩破壁墨經蟬蛻跡旅窻題記甲申年
挂冠梅尉成長往坐對靈峯意惘然

春及堂詩集卷八

楓香草

三

峽口渡

結筏代浮梁石淺清湍怒行人已迷津不堪重問渡
水出萬重山猶能到三折何以成廣川涓涓流不絕

仙霞嶺

聞說霞關不易登今於嶺上繫行旛徑危屢顧肩書僕
道渴欣逢淪茗僧青削兩崖通一綫翠橫孤嶂出千層
昔時梗塞旋開闢天險從來未可憑

天一亭

在仙霞嶺
天雨巷後

石泉如瀉珠迸落青巖際冷光開一鑑日映錦鱗細有
亭何翼然到此足幽憩高居千仞上陰霞起庭砌曠望

窮地軸噓吸近天帝俯瞰所來路叢竹互虧蔽山腰人
若蠟嶺脚樹如薺真源在絕頂吾心有微契

過嶺口占

一嶺復一嶺蒼蒼衆壑深輕裝猶側足越險幾驚心叢
樹幽難測朝嵐溼易侵惟宜最高處俯視萬峯陰

鑒滄與秋岳並宅而居因賦贈之

閒道幽棲好比鄰有華生一杯閒共對五字喜同庚園
圃連花竹兒童亦弟兄常時工繪事足慰白頭情秋岳常以畫詩

水亭二首

春及堂詩集卷八

楓香草

四

曲引清流到石池方圭圓璧共漣漪忘機盡日憑花檻

莫遣游魚避釣絲

小樹陰沉茂樹間窻開面而看烟鬟雨如潑墨晴如黛

我愛簷前浮蓋山

山勝

高下千塋好潺湲灌綠陂兵民原雜處戶戶把耕犁早
魑難爲瘴山都自有祠每看驅犢返水碓罷舂時

楓地冷而多雨客窻偶成

一從芒屨度巖關鎮日衙齋只共閒夏冷却疑乖節候
曉晴何似破天慳坐看嵐氣迷高樹臥聽泉聲響衆山

誰解吟情拋不得海榴紅綻鬢成斑

偶占

一身千里適他鄉嶺路崎嶇川路長何處好山稱巨擘
釣臺行過數江郎

懷諸友

劔鐙山隔萬重嵐朋好何人接塵談却憶蔡君行更遠
荔支時節海雲南時曉山之南安

相亭寺竹圃

山深誰與語愛此雲木靜趺坐白石根翠撲衣裳冷清
風有無閒疎簾蕩空影

春及堂詩集卷八

楓香草

五

拈花室

開士契微旨妙處拈花片意豈同枯禪寂滅無所見我
來學打叅優曇發僧院且卷青蓮舌懼呵秀鐵面

別姜叢成姜善琴

千里幸識面相將綠綺琴碧山閒好調空谷有知音遠
擬孤鴻引清如一澗深可增離緒斷會續古交吟

別金文英

自愛山居好雲嵐結契同貧唯支鶴俸靜有課兒功濁
酒餘三雅高文暢八風誰爲賦招隱青桂已成叢

還次峽口鎮見蔡曉山題壁句

道遠僕夫瘁暫向松門息髣髴素壁間是我故人跡詩
好不署名字畫差可識佳侶擊節和遄征寫胸臆海縣
渺何處嶺路此初卽紅旂炊旅飯細雨送寒食當時尚
鹿裘於今已絺綌嗟君遠行邁我復從茲役未踰梨嶺
高已越霞峯碧兩月臥山隈千里馳歸魄躡履奮言旋
良亦倦登陟峽口雙溪長人南水流北不知君渡時曾
否賦白石

歸舟晚次太末

篋裏新詩卷頻開坐短篷尚諳當日路未定此時風鷺
避江波熱魚跳夕照紅柯山烟冥冥應有採樵翁

春及堂詩集

卷八

極香草

六

春及堂詩集卷八

春及堂詩集卷九

錢唐 倪國璉 樾嶠

松鱗書屋唱和詩

冬夜寓齋卽事呈念山先生

雪霽寒宵樺燭明松齋影接玉堂清客心悲喜兼離合
往事升沉幾醉醒已忘榮名隨野性獨餘情話度嚴更
買山貲藉何人贈飲谷棲邱足一生

論文二首

阡陌常驚十丈塵停橈何處問迷津金針定不隨時樣
只許相逢具眼人

春及堂詩集卷九

松鱗書屋唱和詩

一

生死徒爲老蠹魚塵氛俗豔未全除誰從理窟探微妙
陽羨山中飽看書

霰

已結嚴陰色先驚客子心苦寒非一日急陣打空林灑
閣玉皆碎臨淵珠易沉獨憐高臥者早爲閉門深

破悶偶題

俳諧偶得此體悲喜一決於書獻嘲好事難免雕蟲習
氣未除

何曾舉箸不下劉伶荷鍤卽埋處士竟欲止酒太常何
時破齋

寒爐宿火半活風簾淚蠟斜銷茗戰槍旗齊展吟成競病俱調

寓齋三詠

低枝或垂雪勁節俱連根凍雷胡不發我欲見慈孫慈孫竹
陰含白雲潤秀點蒼苔綠咄哉石丈人能直不能曲石
凌寒葉不彫性自秉炎德纍纍珊瑚垂鳳來斯可食南

過思范亭

范公昔守睦江鄉播仁政祀嚴澆風革崇儒文采振小
試尚如斯況乃操魁柄功同韓相國屢抑西夏橫立志
春及堂詩集卷九 松鱗書屋唱和詩 二

在先愛建白果莫並鬱鬱烏龍傍遺亭表餘敬我來欲
薦蘋澗冷冰雪凝俯仰懷古思慷慨和清詠卓哉康世
才庶幾聖之任

送別念山先生

日共清吟吟已止此夕重賡黯然矣燭光暈冷觴不行
相對那如相見喜公歸上溯清溪灘我還下指寒湖水
瓣香欲問十三經烟樹愁看六百里先生本是蓬瀛客
遊戲人間偶然耳且自高歌發孤興且向濁醪尋妙理
鳳皇何必棲枳棘蘭杜還須接芳芷甘分一味初抱孫
書積五車堪付子明年聞欲黃山住擷取青芝友園綺

策筇欲上軒轅臺好向白雲傳片紙

贈仙溪釣隱聞汝藩住桐廬聞苑
洞口善寫生

洞裏仙源不可求聞君家住水西樓自甘耕釣爲田舍
不覺丹青已白頭道子清思雷殿壁忽先狂態狎王侯
他時乞寫于思貌六尺長竿一葉舟

又懷閬苑

桐江東去綠谿灣只有漁翁獨往還白石洞中流碧水
幾家村落抱潺湲

九里洲看梅

九里梅花幾萬株江洲如雪一人無白沙邨遠迷山店
春及堂詩集卷九 松鱗書屋唱和詩 三


青箬舟輕載酒壺折寄不逢郵使便探春誰及老漁孤
塞驢願繞寒隄去斜背詩囊作畫圖

庚子春偕江聲訪太鴻不值遂開步良山門

枳籬門徑菜花初最愛城東水竹居人立板橋吟興遠
隔林何處響縑車

詩人高隱斷幽蹊菜圃三叉路欲迷看竹平生緣不淺
叩門隨處踏春泥

春及堂詩集卷九



春及堂詩集卷十

錢唐 倪國璉 穉疇

庚子詩草

塘棲

身竟爲名役同儕別恨新人違南國雁路入帝鄉春雪
意低雲絮溪容逼晚真絕憐衣在笥從此浣緇塵

曉發璉市

殘月凌霜曙離家第二宵寒溪千尺水送我作蓬飄

鶯脰湖贈厲太鴻同年

澤國蒼茫進艇遲畫眉橋畔溇游宜何人有筆開平遠

春及堂詩集卷十

庚子詩草

一

客緒無端戀碧漪暮色暗來明野火斷蘆深處宿漁師

扣舷我欲驚鳬鴨水調歌君絕妙辭太鴻最善長短句

又和太鴻一首

川途景漸闌延日異恒吟窈窕開明燄煙光渺無盡柔
櫓忽雙鳴短篷還獨引須臾萬頃過欲去情未忍宛在
伊何人結廬此通隱勞勞我胡爲擊楫翻自哂

過太湖

東南本水鄉茲澤尤震蕩想見汎濫時洪波極沆漭大
哉神禹功底定得安壤今來駕一葉百里平似掌蛟螭
蟄寒淵馮夷息浮響修眉兩洞庭淡抹清鏡上名峯七

十二一動遐想探奇信有緣面失殊惘惘但看遠去

颿鳬驚共來往濯濯依岸蘆疎疎曬簷網雪壓雲四垂
佇見春瀾長發興自次寥浩歌寄烏榜

獨遊虎邱

廿九日繫艇山塘太鴻入城訪友余因獨步至可中亭遊人寂然頗愜幽興

劍池寒影沁詩腸葉盡高柯見上方屏卻冶遊絃管沸

風鈴滿院鴿迴翔

短簿祠前草不刪生公臺畔廣場閑平疇繡陌煙開處

更卷疎簾看後山

行篋中檢得李長蘅書蓮居碑拓本聯句

白藤戒行笈金石文合併璉一鋪檀園碑莊嚴微有頂

春及堂詩集卷十

庚子詩草

二

瘦若彼淨梵餐柏露修脰璉記則虞司勳名淳奇澀

不可調鶚臨風一再展豁眼塵土醒璉因思故園東佛

舍傍疎叮鶚城隅木葉脫香燈與煙冥璉殘臘聽止觀

定水碎光炯鶚清行渺難企百年去鼎鼎璉太息連雨

酸梁谿進孤艇鶚

梁谿阻風和太鴻

數天剛二九風色帶蘭橈舊雨思前路寒谿淹此宵渚
蘆晴折幹岸麥凍垂苗只合船窗閉爐香一瓣燒

是夕晚見新月

殘年翻得見新輝風定林鴉已漸歸恰憶閨中小兒女

拜他寒影出重幃

舟過惠山有懷秦園之勝

碧樹孤岑未忍拋名園況是俯平郊吾生合作茶星老
第二泉邊小結茅

渡江

向晚江天一葦橫江間波浪幾時平濫觴于此纔歸宿
霸業由來在必爭迴望甕城知地坼約看明月待潮生
金焦水面真何似萬古常浮兩點萍

懷朱蔗田

蔗田以己丑九月病歸華亭云欲令此
身不留一物躍入江心有王孫僕葬之
意訖今竟無音耗悲
江巾之不勝感歎

春及堂詩集

卷一

庚子詩草

三

詞客漂零劇可哀擬將身葬浪花堆竟無錦鯉將書至
卻望文魚拾翠來繡佛豈能蘇病骨水仙應亦愛詩才
江帆暮雨思遺句浮玉山前首重回

新豐

漸盡江南路低篷十日勞水因冬旱涸岸近北山高炙
硯聊揮翰鳴琴不繫舫古人經此市應亦酌村醪

夜宿瓜州

潮退冰聲乍急沙寒雁夢同清莫話五更愁事北風第

一江城

寓宿七芙蓉閣感懷和太鴻

濯濯雙梧覆井餘客程暫借一枝安予懷滄蕩驛樓易
此俗浮夸風刺難酒盞晚寒惟覓醉瑟高古調不成彈
鄉書卻寄南飛翼但說逢人青眼看

維揚客夜書懷和太鴻

病柳垂疎烟鴉飛如葉墜客窻無好懷未飲心已醉竹
爐火不溫鄉夢託短睡夜半聞天風凜冽起寒吹遙遙
南望情惻惻北來意更剔殘燈明照君題壁字

酬江研瀾見贈原韻

初試征軺澤腹冰未忘山閣曉同登海棠屏下秋何恨
纓絡柏前青幾層客酒盞寒衣未典官梅索笑月堪乘

春及堂詩集

卷十

庚子詩草

四

何時卻放西湖櫂看盡斜陽柳外昏

舟過壁射湖太鴻憶舊句成詩因和其韻

曾聞歸櫂逐春鳧病裏詩成句絕殊過客于今衝朔雪
居人依舊枕平湖書傳胥浦囊猶澀酒近清淮盞不枯
只有別情嗟更遠寸腸消得九迴無

寶應舟中見月同太鴻作

霜華欲滿一帆蒲淮海茫茫夜弄珠爲與行人照容鬢
冷煙吹盡射陽湖

千里鏡聯句

時在清
淮舟中

異鏡傳孤島規箒削老冰微窺天欲盡遠鑑水同澄

連在握舒三尺當眸透幾層測星真有術縮地詎無憑
碧巖堆螺岫青來錯繡滕長汀明坐釣細路識行僧
杏靄城疑到蒼茫閣想登毫端排冷雁豆點
瞥秋鷹寸樹楓枿辨遙管鰕鯉微似塵瞻賈市若
夢數邱陵齊列煙檣影呈雪塔枝迢迢原上轍
閃閃驛邊燈枕畔游堪卧壺中趣足矜製應通慧
眼攜定自奇肱徹視離朱失窮搜罔象能新磨看
合璧一隙引如繩大塊皆圓照空觀亦小乘憑高
堪極目客意總飛騰

渡河

春及堂詩集

卷十

庚子詩草

五

南戒河流斷方舟一葦橫未冰連泗上屢徙迫淮城遠
浪兼天黑殘沙帶雪傾不知疏導後曾得幾回清

涉沂水

昨領沂水味今涉沂水波冰滑草橋斷載重焉能過解
我當轅駒十夫已肩摩扶輪勝推轂橫索青蚨多天寒
去程遠日落西山阿徘徊沙中路誰聞勞者歌

過傾蓋亭

鄰子城非舊程生跡可尋當時道何語能愜聖人心亭
下寒暄短門前古轍深誰爲復傾蓋輕轡過車音

崑崙山

一抹低岑翠黛浮天孫垂帶引河流當年誰作東蒙主
十里蛾眉拜小侯崑山爲泰山餘氣漢書有崑崙侯

蒙陰餘雪

歷砌穿林日又斜東蒙餘雪絢晴霞分明畫幃開車左
粉本荆關墨未加

望岱

青帝幹元化一派分崑崙盤鬱齊魯間生氣含春溫巖
巖作方鎮肅若三公尊崑崙列羣岫誰爲斲靈根日觀
面溟渤夜半看朝曦中原煙幾點屈曲河流奔膏雨出
膚寸可以蘇黎元于今歲苦旱誰爲籲天孫真形我曾

春及堂詩集

卷十

庚子詩草

六

佩游興欲飛鸞澄澄玉女池何時探仙源會尋孔顏躅
匹練瞻吳門

苦寒書罄陽店壁

朔風森森萬樹僵曉行難忍削肌涼添衣已歎征裘盡
覓酒偏逢野店荒冰滿亂溪吹更老日當亭午淡無光
舉帷耐可舒寒眼半壁嶢嵬似舊鄉

羊流店拜叔子祠

三公折臂竟無兒千古風流緩帶垂祠樹暮鴉啼不住
行人下馬讀殘碑

車行出山歷憶中途艱阻之況成十六韻題旅壁

今晨喜出險在山越五宿轉思涉歷艱驚心過谿谷初
行尙坦迤旋駭車折軸樸屬求輪人深更猶秉燭渡汶
幸瞻岱引領豁愁目偏聞魯苦飢剽劫礙行躅戴星戒
宵征整駕待高旭既轉陶山陽石徑更犂硯丁寧告僕
天莫遣鞭策速野店風中餐麥飯半未熟沙塵吹七箸
強咽聊果腹京華路猶緬豈得停雙轂中夜投逆旅乾
羣代茵褥輾轉不成眠拳衾等鷺縮鄉思逼殘年歸夢
忽斷續荒雞爾何知未曉叫茅屋

趙北口

燕南猶未苦風沙水碧煙輕石岸斜便是江南小平遠

春及堂詩集

卷十

庚子詩草

七

將春楊柳半藏鴉

春及堂詩集卷十

春及堂詩集卷十一

錢唐 倪國璉 穉疇

刺東遊草

渡江

東望朝嵐冒越峯截江一葦水溶溶中流帆穩篙師健
閒卻西興渡口鐘

樵風湮

湮口橋邊憶鄭公白鷗波與若耶通我來願結山樵侶
好趁朝南暮北風

刺谿

春及堂詩集

卷十一

刺東遊草

一

九曲溪流長云自祖龍鑿王氣洩澄淵秀色鍾幽壑廻
巒若屏開複嶂如綺錯初疑窮而深忽復寥且廓途窮
去無津山轉仍墟落禽鳥占空林人煙散蘭薄舟行獨
無侶但聞潛鱗躍舵移沙尾遲繚上石稜弱絕岸垂青
猿孤灘下癭鶴忘機悉吾與物象紛酬酢夷猶發權歌
樵漁踐芳約滄溟有同調釀川日相酌

畫圖山二首

松頂高盤鳥道青石根雲氣晝冥冥臨溪影落空明裏
似整螺鬟照鏡屏

一角好峯真馬遠隔溪連嶂似王蒙短篷卧看開雙幘

六法天然近化工

晚泊嵎縣

溪盡見山郭啼鴉已夕陽
筏行灘面穩船泊水心涼
蟹火攢星暗魚梁接岸長
明朝趨嶺道一宿寄滄浪

班竹嶺晚宿

遶谷石橋三渡傍溪茅店孤
尋山花紅入女鬢蘿月碧
侵客襟吟罷佛鐘杳杳夢回
仙路深深誰知避俗雞犬
只在參差竹陰

沃洲山懷支道林

密篠遮風磴支公此結菴
鶴翎秋自長塵尾晚誰參
元

春及堂詩集

卷十一

刻東遊草

二

度稱都講深源接妙談
法雲吹不散曾與護花龕

寓褚溪精舍

即信行菴在城西門外

性本愛閒靜寄跡青蓮宇
溪流散廻風吹落霞幾縷開
牖望台岑煙外遙可數
把卷時一吟簾端碧雲吐

贈紫巒

木杪風多暑氣清
晚來支枕向檐楹
飽餐僧飯孤鐘冷
閒聽溪春兩杵鳴
戎馬故山牽遠夢
時有臺灣之警奉
勅調杭旗兵
助鎮香燈此地憶
前生明朝且遂登
臨約古佛龕前慰
客情

赤城山

觸熱游復佳結侶信多暇
僧房構巖棲孤策窮上下
紫雲垂萬古穿漏日光射
青乳漚滴滴涼冷足消夏
通蔽亦有時玉京隱仙榭
然鼎丹芽萌汲井輦擅謝
靈蹤覓層巔踏破雙不借

國清寺

國清於衆刹如士得名雋
五峯環秀粵沿溪深百轉
僧寮劫火餘古徑榛不翦
獨有倚霄塔卓爾鎮連嶽
我煮飛錫泉禪味差可辨
豐公肯饒舌示余山路緬
入台證初地兩足拚重繭

豐干橋

春及堂詩集

卷十一

刻東遊草

三

橋外梵鐘清橋下溪聲古
閒僧拄杖過幾陣松花雨

寒拾竈

化身兩開士倚肩發仙鬚
紛紛木葉飛五字清吟斷

高明寺

雨花叅祖庭古桂挺蒼幹
香泥戒壇淨說法究止觀
仄徑窺幽谿石脈流復斷
捫蘿到崖陰洞口雲作幔
百尋受記松吹靄落天半
靜憇生妙悟貝葉翻經案
僧雛掃殘籜夜煮白石爛

般若臺

潭心坐盤石性與水觀通
注經此何時山靄青濛濛

圓通洞

云何得圓通瓊瓏透青壁入此不二門空虛見端的

看雲臺

山半臺孤懸放眼雲洗瀼道心無去來出岫忽千狀

華頂峯

鳥道盤翠微衣濕嵐氣重言尋智公臺翛然冷風送樹
短山高寒四顧天宇空諸峯盡雲仍抗手誰伯仲是身
如淩虛一破塵土夢泉香龍爪潭花覆黃經洞何當候
樽桑日出海波動

題善興寺壁

春及堂詩集卷十一

剡東遊草

四

入台已似旋青螺又擬蓮心頂上過培塿羣山一漚海
左招泰華右岷峨

茅篷

萬山頂上最高寒風雪關門欲斷餐餐取冰泉敲石火
自煨黃獨一燈殘

祇應彌勒與同龕十笏幽居隱碧嵐面壁幾年都不記
穉松枝長欲遮菴

石梁

石梁天下奇蓋竹樹蔥蒨
蓋竹洞名兩崖合飛湍一壑挂銀
練怒流千巖奔吐沫萬珠濺白日轟雷霆翠雨忽吹面

澄潭窺無底神物起渦漩梵響林樾清茗供曇花見應
真此隔凡晶簾幾舒卷

萬年寺

巨杉列如幢蟲雲護幽境石牛卧崖巔佛日照青影八
峯靈所鍾名藍開百頃吾逢老辨才不闕箭鋒警微言
丈室清寂坐衆慮屏上方吼華鯨催月出高嶺枕底雙
湖泉瀉作山雨冷

欲遊桃源瓊臺不果寄題二首

九曲圍青嶂桃花不斷紅石門春窈窕仙幔水瓊瓏肌
想芙蓉瘦樓疑疊畫空谿邊最惆悵瑤草付荒蕪
時以桃源

春及堂詩集卷十一

剡東遊草

五

草深不住
惆悵溪名

雙闕中天峙幽蹊斷老樵青鞵愁屢滑黃鶴迴堪招骨
節煙霞換衣裳塵土消幾時乘素月一上玉臺遙

鹿銜草

仙草原無種功應勝黨薇山家春共採野鹿晚猶尋紫
碧瓊厓暖葳蕤玉洞深漬來顏色好杯酒豁煩襟

歸次關嶺

仙路人難到岩巖閱一關展穿知幾緡磴滑又重攀蒼
厓時窺寨靈禽不出山筍輿吟興好帶得藥苗還

題吳山下劉氏石壁泉

我自清溪還自謂飽邱壑今觀劉氏壁空誇兩芒屨入
門見蒼崖疑是太古鑿劃如一線開深已十丈削寒泉
澹不流文鱗殊自樂俯鑒神骨冷靜對歎蒸卻吳山信
多奇幽異在半勺讀書卧巖根何當借山閣

春及堂詩集

卷十一

剡東遊草

六

春及堂詩集卷十一

春及堂詩集卷十二

錢唐 倪國璉 嵇嘯

廬江遊草上

將偕繪占往廬州趙恭千宸垣昆季於桂樹下設
酌餞別二首

中歲看花眼涼秋惜別心倚樓香自滿拂帽色猶深清
蔭偏宜坐離筵且共吟卻思歸櫂日寒樹已蕭森
近得庭前賞那須湖上探晚陰催薄醉花氣接深談偃
蹇如橫月龍從宛在巖西風此招隱便作小淮南

平望道中同繪占賦

春及堂詩集

卷十二

廬江遊草上

一

如畫江南景扁舟曠望同水邨低返照煙浦極秋空菱
葉雙枝櫓蘆花一畝宮依稀高柳外吹過釣絲風

雨中過錫山

秋路迢迢濕牽舟破曉程雨逃孤塔迴雲幕九峯平寺
憶煎茶水園空噴瀑聲佳遊吾未遂太息此勞生

毘陵早發

殘月入舟隙影照客子衾衾寒不能寐起坐成清吟晨
征榜人急西風何蕭森岸蟲鳴惻惻感我千里心辭家
幾旦暮不知秋已深且吸南徐水一啜開煩襟

京口阻風

避風聊繫纜高岸且閒遊人物今江左山川古潤州登
臨餘霸氣搖落感深秋仰望橋烏外飛鴻下秋洲

食蟹和繪占

郭索登盤早他鄉酒共持買來因晚市嘗得慰秋思稻
熟膏逾美薑辛冷亦宜隔江煙水濶淮海味先知

遊北固山何將軍園林

將軍借勝結園林移取花名近碧岑甘露寺邊書閣迴
鳳皇池左射堂深蒼崖滴雨新添翠古樹撐霄舊自陰
天假此緣逢好客停橈翻得愜幽尋

題甘露寺壁

春及堂詩集卷十二 臨江遊草上 二

古寺憑虛望沆寥大江雲勢暗秋潮鼙鳴夜徹風廊靜
蜃氣晴連鐵塔遙舊苑落鷗猶點點新洲寒荻轉蕭蕭
可知六代興亡恨不逐東流逝水消

江行卽目

一髮青山隔岸蘆柳橋低接水邨孤行逢好景思名筆
要寫鑿江秋泛圖

真州晚泊

溯江風利到真州水郭漁邨四望幽憶舊不堪江上雨
晚風吹過白沙洲

程友聲佳饌真以暮不及訪

青山

江岫劇堪憐連娟媚遠天碧環胥浦樹青送秣陵船入
畫秋容澹堆螺曉色妍沿緣千礀曲又憶剡溪邊

金陵偶成

往事秦淮怨綺羅南都王氣總烟波可憐燕子箋成後
能得宮中幾夜歌

東望鍾山翠幾層當時輦路變荒塍須知 聖代嚴防
護不遣樵人上孝陵

燕子磯

百尺危磯立江水有似滄波飛燕子側翅遙看拂浪低
翻身竟欲衝天起層巔上聳石亭高俯看萬里來岷濤
春及堂詩集卷十二 臨江遊草上 三

六代英雄去不返但聞日落鼉鼙號我來一葉磯邊過
飽帆恰趁東風大妙景天涯歎枉逢朗吟篷底仍枯卧
有客曾從湘水還爲言湘岸曲如環丹崖翠壁多如此
煙暝猿愁不易攀

時繪占言湘中諸山如磯者不少但路險不可登耳

乘風自三山渡江

長風不斷水潺湲一葉橫飛笑等閒天外舉頭呼李白
低昂船尾看三山

白浪中間飽挂帆打愈飛沫濕征衫行人漫與驚天塹
如此江山信不凡

天門山

龍門中擘河流奔龍窟對峙海浪吞今來又見二梁險
江波橫鎖開天門岷濤東來正浩浩萬里一碧浮乾坤
鯨鱗怒張東天塹驚湍洄湫盤山根西連牛渚九流注
下有秘怪乘船龍陰沉水府畏犀照朱衣赤幘難具論
謫仙負奇夜撥櫂月廳宮錦持金尊放歌西望楚江豁
孤帆一片蒼煙昏縱橫巨筆銘山石无德匪親誠至言
峯頭但看石城廢豈有戰氣畱荒屯我借詩叟溯流上
乘風忽過如飛鷺去家千里一回眺沙清樹碧飄心魂

經華陽山下

礬頭清峭拂煙宜水樹陰陰飛鷺絲忘卻江南與江北

春及堂詩集卷十二 廬江遊草上

四

華陽山下午晴時

槐樹廟晚望 在果縣同 繪向聯句

柳岸斜陽暝 槐陰野廟低湖通平楚外 山豁大江

西斷靄沉空翠 餘霞幻彩霓破煙羣鷺集 爭樹亂

鴉啼紅葉層層燒 輕舟點點驚客程淹水宿 隱操

慕巢棲典與高秋遠 愁因極望逃梵鐘何處起 知

隔蓼花谿

巢湖

何年石獸點朱殷古堞平沉碧浪間豈有黃金生漢代
但聞春水壯吳關西連淮甸峯千朵東下濡須月一灣

想得高人親洗耳至今鷗鷺最蕭閒

舟中買魚

漁父招呼慣輕舟隔浦磨鮮新初出水潑刺乍離骨晚
飯饒湖味金刀映客燈偏疑食龍子鱗甲欲飛騰 傳昔
魚浮至民爭食之 乃龍子也城遂陷

晚舟聯句

秋光無際遠天浮 清鏡微風盪晚舟 四百里湖煙

水濶 一篙容與在中流

贈雁

露宿風餐與爾同幾聲嘹唳過煙空一緘好寄南飛翼

春及堂詩集卷十二 廬江遊草上

五

湖水瀾天路未窮

曉過鳳渚登姥廟澄瀾閣

水仙亦樓居飛閣凌洲渚擊鼓揚翠旗神靈渺何許朝
翳忽明晦清景恍煙雨一塔鎮中流衆帆歸極浦清景
何寂寥沙禽自相語

九日登鎮淮樓 在廬郡 治東

登臨約已惜蹉跎鴻爪纔因九日過自昔何人窮望眼
於今倚檻獨長哦霜清蜀岫飛寒雁雨壯淝流盪晚波
欲寄歸心問籬菊故山良會竟如何

初春遊香花墩謁包孝肅祠

東風初放柳條新步屢聊爲出郭尋
薺麥欲生邨路碧
藻蘋堪薦古祠春
暫容小約通孤嶼
偶出長竿釣細鱗
倚岸摩挲千尺樹
綠陰把卷憶前人
祠卽包公讀書處
池產鮮鯽

題畫雞

茸茸淺草綠煙平
細啄沙蟲偶一鳴
莊叟漫言真似木
不知畫裏更無爭

隔膊聲中客路迷
月寒茅店走輪蹄
豈如飽飯豐年穀
驚鳴池邊日杖藜

枕底應能警客眠
文章點染羽衣全
仙源圖裏添風物
五畝牆陰最宛然

春及堂詩集卷十二 廬江遊草上

六

贈棗香村卜者楊生

昔人種棗高十尋
今人望棗生隱心
花時香氣入茅屋
冥冥絳霧熏千林
楊生善卜嗟已老
楊生老矣如此棗
當時問卜人幾輩
有如落葉隨風掃
吁嗟楊生奈老何
棗香贈句何其多
不如剝棗卧棗下
百錢買酒長清哦

又贈一首

季主名成賣卜餘
烏占風角有傳書
花時路好迷芳屐
樹底簾開識隱居
玩易果堪忘甲子
端蓍竟自老林廬
肯將奇術干佳士
博得詩篇錦不如

春及堂詩集卷十二

春及堂詩集卷十三

錢唐 倪國璉 穉疇

廬江遊草下

和浦口登江樓韻

縹緲危樓上登臨
趁暮晴江雲六代變
天塹百年平春鯉
皆乘浪沙鷗不避
生月中潮自長先
過石頭城

堦前芍藥

曾聞東武七千朶
何必揚州十萬枝
金帶圍開原有數
玉盤盂好自名時
常階累萼翻清露
拂檻重樓結綺思
自過牡丹重舉盞
盡繞闌吟遍大蘇詩

春及堂詩集卷十三 廬江遊草下

一

觀棗香園懷耦長先生

十畝清陰一徑香
都官曾爲寫村莊
分明矮屋垂簾處
潑墨烟雲近蜀岡

卷裏高吟憶故人
宣城詩格最清真
當時薄宦應曾卜
瘦馬歸來恰稱貧
先生以泰順令竟賦遂初

蕭家塘觀荷席間口占二首

闌地看花眼倍明
行廚步障愜幽情
酒香荷氣都無別
併作林塘一味清

碧盤耐可承風露
素豔尤宜在暝烟
湖上芟衣徒記取
跳珠不見已三年

和孫晴湖晚登江樓韻

時壬寅正月

江月今何夕樓前玉練橫春燈方競耀水檻自孤明古意靜中得峭寒高處生流輝應不隔千里寄遙情

江濤菴別駕餘閒齋二首

稻香樓側古河灣細雨焚香對蜀山金石三千題欲遍使君何以得餘閒

隸法親從谷口傳剡藤栗尾送華年何當腕底看盤搜別寫文通賦幾篇

冬夜孫蓉占以文見示慨然有贈

江淮之間風夜鳴官街過鼓傳寒更相酬清話遣客緒春及堂詩集卷十三 廬江遊草下 二

熒熒冷燭明孤檠與君天涯守殘歲此夕願爲談平生撐腸拄腹但文字自笑結習爭蝸名小言破道豈足述如君乃有真玫瑰當時亦聞刻肝腎超越流輩蜚英聲如今同學多不賤卞和泣玉誰所令我讀君文三歎息奇語豈顧凡夫驚收取羣材待結構匠巧獨出勞經營淮陰善將多益妙百萬指畫皆雄兵有如郃鈞奏清廟擊拊磬石何碎匄又如尊俎抗高論雍容正笏明良賡沉思碧潭出潛鯉努力紫海驅長鯨劍光乍拭土華細錦段初濯江波明其間變格更幽絕似歷崑閬登層城青琅風戛作微響玉霞光燦金芝英紅埃下士豈夢見

一讀灑然神骨清如斯巨筆尚厄塞所值坎壈嗟難平人間升沉竟何定吾道偶困終當亨螭蟠蛟屈有時奮至詣敢與元樞爭且持杯酒共欣賞興到莫惜筐篋傾明朝深雪覆竹屋映卷皎潔臨前楹

送蓉占還里二首

旅食誠非計銷沉幾壯心爲人交道苦與子別情深飛雨移香隴低雲戀故岑正宜濡彩筆遊藝入春林客意俱寥寂歸航恨不同江流五月大鄉路一帆通將毋離愁慰呼朋逸興雄碧簫湖上飲莫負藕花紅

陳誕江先生屬題陸叔平杏花春燕圖

春及堂詩集卷十三 廬江遊草下 三

辛夷已過鶯啼老紫蝶低飛迷遠草忽驚畫裏燕翩翩仙杏一枝紅更好徐黃纖跡妙手誰陸君餘技點輕脂包山兀傲砥清節沒骨偏稱老畫師天機偶到纖毫展幾片霞蒸露華泣上林嫩蕊催未融午橋繁縷開猶淺想得江南二月天物色生態宛可憐花開好鳥不歸去斜日微烘春正妍先生曾擷天邊杏曲江飽噉紅綾餅卽今桃李遍成陰猶記長安蹴花影玉座春風吹未殘烟霏雨潤秀堪餐那須碎錦坊前覓捲起珠簾盡日看張梅川司馬招集蕭家塘賞白荷劇飲歌以紀之愛花偶卜林塘幽城南五月涼如秋新芙出水去雕飾

嫣然東素凌滄洲司馬行廚戒信宿伊人宛在波光沐
衆香國土延清飈吹去俗塵三百斛自來此地遊人稀
蜻蜓下上沙禽飛翻杯一澆草木潤引滿遙呼萬玉妃
花間諧笑雜吟賦城闕明霞漸催暮近玩方知真有情
要看明妝濯珠露清音忽起歌江南輕橈破暝碧月涵
水仙欲卸瓊瑤簪翠旗半舉搖風潭共歎流光激如電
秉燭池頭未知倦後來好事更何人碧筩快吸開芳宴
我輩皎潔花前身肝腸冰雪氣味真竹牀石枕湘水簾
願與此花長結鄰

張梅菴招飲憶別蓉占并訂後晤

春及堂詩集卷十三 應江遊草下

四

前夕陳離觴風沙黯邨路浪白姥山沉良友應未渡新
知願結歡寂寞旅寓頗蒙雞黍招思極風雅趣觸落
恨躑躅況凜三爵懼使君善閉關高春歌獨寤竹好會
借看雲碧有時聚緘懷待良緣鳴弦吸清露

題友人小照

籬落疎花未著霜碧梧陰裏鬢絲涼揮弦欲鼓秋風曲
却憶西湖茗甲香

自巢湖入合肥湖流冬涸以六牛曳船而行如壘

舟平地也詩以紀之

但聞人曳繯今見牛曳灘湖口沙淺澀載重舟行難一

牛獨當輓五牛引其端好語衆牛伴藉爾牛力殫餘糧
在陸地欲如在波瀾牛喘舟愈重沙遠人增寒始知盪
舟者絕力不可干

和孫晴湖渡江過大風韻

癸卯春
正作

聞道乘江雪朝來犯白波挂帆風尾折拂帽浪花過險
語謀詩捷驚魂感夢多新篇紀安穩畱作權人歌

送瑞菴北行誌別

天桃爭發杏花先搖曳鞭絲近日邊判袂欲遺湘浦佩
聯吟憶上洞庭船春餘芳草烟芊芊若天際歸鴻字宛然
他日相尋湖水曲繞門十里看風蓮

春及堂詩集卷十三 應江遊草下

五

題長松銷夏圖

十日五日真跡好生枝枯枝倒影涼漱齒俯愛澗泉碧
息心坐嘯天風長炎官火繖化冰雪蛟龍溼霧生衣裳
忽憶題詩入剡曲石橋清湧烟蒼茫

白溝河和章太韻

羸蹄日日踟躕冰鏡裏塵容每自憎進退道惟存故我
西南占已得良朋旅行早結三年約客暑徒逢一線增
拂拭舊題看薛壁詩成刻燭子猶能時逢長至逆旅壁上有庚子與太韻
亦和句

管輅里

自出京至西江途中有詩三十餘首
以未錄出而忘之存者僅此三首

管生善易不言易舊里誰爲問卜來我正驅車迷客路
銅仁驛畔立風埃

望瀛山

瀛山山頂未全分朝是青霞暮白雲中有幽人忘朝暮
一爐香氣與氤氲

龍眠山谿行

一谿一谿復一谿碧谿無盡路還迷人行畧約馬涉水
驚起谿禽啼復啼

曉行

晨曦欲出海蒸霞背却西風席帽斜馬上膏騰三十里
春及堂詩集卷十三
廬江遊草下
六
露香微辨水蒹花

春及堂詩集卷十三

春及堂詩集卷十四

錢唐 倪國璉 穉嚳

西江遊草

癸卯下第後將遊西江畱別諸同人

時就西江文
幕明年甲辰

春間竟不得與
故詩中及之

歲晚去京國飛鴻有斷音欲歸翻遠客長往負初心彭
澤浮寒浪匡山隱碧岑登臨無限意懷古獨情深
飄泊辭良友衰頽念老親難憑秋後夢無定客中身裴
敞行逢雪塗長漸得春他時論舊雨應憶倦遊人

琵琶亭二首

春及堂詩集卷十四

西江遊草上

一

亭前寒月生亭下水聲古此夕更何人送客臨江潯
血色羅裙憶盛年新聲翻得妙當筵蘇華過眼都成恨
淚濕何曾爲四絃

自九江入匡廬至東林宿

我不知匡廬拔地幾千仞但見秀削無與齊連峯帶雪
翳冷翠石頭路滑無從梯山暉爲我來晚照玉屏九疊
開幽蹊香爐煙華接香冥五老項背難端倪空曲唯聞
瀑泉落磻戶定有高禪棲我投東林日已暝仙麝歸宿
蒼猿啼且然青竹引邨徑遠隨疎磬尋招提雲嵐漸濕
客衣重一宵寒夢淩冰谿

曉過虎溪橋望東西二林

灩灩虎溪水石罅清且駛我來溪上立曉色籠雙寺參
差古木叢糾碧法王地老僧謝世緣松門冷長闔山君
莫駭客橋畔生寒吹鈴語遙可辨似說司馬季從來入
社人不妨容半醉停驂恨未游雪塔引餘思

次回馬嶺

雪瀑寒嵐過幾重回看天際玉芙蓉雁門僧老渾無事
拄杖時來擲筆峯

烏石門

兩山削翠崖一碧通行路危欄望中流願權孤舟去

春及堂詩集

卷十四

西江遊草上

二

沙井卽事

淨洗征塵日沙墟敞竹堂西山青可挹章水味初嘗
勢傾尊滿驅馳憶路長文星今夜朗的的照南昌

章江晚望

鱗鱗水面暮霞蒸隔岸飛樓想共登十里鐘微江欲暝
一帆風順晚猶乘蛟宮靜長沉沙鐵漁舍寒依帶雪簷
自昔雄才盛南國蒼嵐幾處露峻嶒

滕王閣

山環水會古洪州傑閣依然俯碧流曠望不辭斜日暮
登臨難撥片雲愁時清樓櫓閒高岸歲晚檣帆集上游

沙渚有誰知客意疎簾相對是寒鷗

花朝譙庭前海棠花下卽席分賦

青堦靄春暉次第秀嘉樹梅柳旣紛紛披海棠亦齊吐絲
絲垂勁幹灼灼濯初露愛玩及良辰佳旨已夙具開樽
倚簷檻舉酌愜幽懷花開逢客賞卉木亦欣遇枝閒鳥
自馴不用鈴索護醺顏映芳蕤人醉花欲妬窈窕靜無
語旖旎獨延趣深宵睡已足得補詩翁賦

題澹初先生使蜀吟後

遠踰飛棧入蠶叢使節崎嶇叱馭同去冒秋霖歸帶雪
吟篇三百付詩筒

春及堂詩集

卷十四

西江遊草上

三

空山是處聽啼鵲西去南迴上碧天自有異才銘劍閣
巴人爭識玉堂仙

冰懷真不愧峨嵋萬仞清寒雪鬪奇來往一琴還一鶴

隴雲堆裏日題詩

錦城風物錦綈藏細字鸞迴雪版光開帙朗吟清見底
夜深薰透玉蕤香

南昌歲除賦贈章太顒

三千里路聯吟到瀟灑衙齋送歲除洗竹畱看大蘇筆
翦蕉待學小王書夢分吳越關山隔客慣江湖骨肉疎
此夕杯深君莫惜好酬心力注蟲魚

咏紅梅同車倫高

官閣梅何早相探步履偕格如吟客瘦豔入酒人懷日
薄春橫檻霞烘晚照堦嫩寒邀勒住花思正無涯

神功泉酒山建昌麻姑山

神功一勺水乃在飛瀑傍誰釀白玉流澆我冰雪腸一
酌神骨輕再飲吟興長陶然醉太古夢與松風涼

蕉竹吟與章太頤同詠

客齋無雜植惟有竹與蕉蕉葉雨江綠竹節秋凌霄最

宜碧月映偶得輕風搖旅思或岑寂微響俱蕭蕭與君
同此佳覽玩消昏朝勞勞出門去念此情無聊五月更

春及堂詩集卷十四西江遊草上

四

歸看滿堦青影饒初欣龍孫長旋覺鳳尾翹恰如兩佳
士玉立揚清標茲晨涼氣爽還來息煩囂翦蕉太密葉
去竹叢生條一醒風塵目便使情韻超有心能細展有
筠能不彫豈必誇妍姿如彼天與喬翠靄閑靜畫秀色
參蘭若合之乃雙美願與成久要

臨江試院新秋早起

初日生高樹新涼襲葛衣秋驚隨客到夢憶越江飛鐸
白花羞對研朱露欲晞恰宜看閣阜黛色滿雙扉

同清溪登宜春臺

牽蘿同入白雲隈放眼剛逢曉色開繞郡好山宗大仰

一灣秋水抱春臺澗槩遙識袁京隱洲渚還思盧肇才
華袁州人宿夢與君先到此他時期爲翦蒿萊

自袁江還南昌舟中偶成四首

行役元非慣滄江數往來陰晴關客緒烟樹是詩媒取
醉蘆花岸攤書雪浪堆秋岑青欲滴歷歷送人回
萍踪來楚尾不覺近長沙漸簟初辭暑湘蘭尚作花斷
崖龍母宅深竹榜人家隨意盟鷗鷺年年共水涯

翠削鐘山峽嵐光亂入船灘清流更急秋淺樹猶妍妙
景難傳畫孤懷欲證仙舊游差可擬嚴瀨碧潺湲

八面輕帆轉東西路莫知衝波同楚客狎浪讓漁師雨

春及堂詩集卷十四西江遊草上

五

後溪春急人歸晚渡遲眼前孤閣破江店颭青旗

鷺

水鷺身何潔西風吹頂絲畏人飛復下照影立多時天
許閒如此秋來瘦更宜沙邊停短櫂與爾若爲期

和清溪遊北蘭寺韻

寺有八大山人畫壁及宋綢津詩屋

面山常見夕陽停詩畫當年信有靈竹裏吟魂畱小樹
壁間雲氣出虛亭青鞵偶憩沙邨靜白舫遙看草樹冥
聞道閑僧能款客題名誰爲寫秋屏

漁火

網集還乘夜魚跳總就明照波如燧舉掠水似星行泉

客知應避鮫人望欲驚卻看畱數點依岸到深更

至廣信呈滑初先生

自昔忠賢地頽風隻手扶白雲深鹿洞皎月映鷺湖使
節今誰並名言世共模試看周七郡一一鼓洪鑪
淡泊存真性攀躋總莫追未忘花照座或遣酒盈卮清
豈爲人累嚴惟凜獨知驅馳王路日滿篋富新詩

咏芙蓉和太韻

江渚如逢翠珮仙獨於霜底露清妍朝霞弄影誰相賞
秋水流香空自憐倚醉亂欹沙店路折枝聊伴旅人船
何當更倩崔徐畫睡鴨雙棲冒碧煙

春及堂詩集卷十四

西江遊草上

六

芝城書院雙柏

貞心古所尚嘉植今得兩託體近文明毓秀異墟莽客
來住衙齋感物歌慨慷摩挲百年樹次第事幽賞靈根
憶始基元泉久培養扶持信有神拔地遂尋丈晚翠冬
逾妍津氣春自益高柯謝斤斧卓爲羣木長荏苒歷冰
雪特立在天壤孤標誰復知勁質俱可仰一枝已中空
邃穴疑容蟒一株已半死低亞還映幌枝幹各爭奇比
擬得名象龍僵伸秃爪虬怒破鐵網倒撒劍客纓斜曳
詩人篋兀傲如畸士磊砢肖吾師鬱鬱徒自媚直節寧
肯枉鴉鵲亂喧聒本性存疇曩凜冽朔吹生澹寂霜月

朗中庭弄清影天半瀉餘響抱香心不滅材大豈虛獎
慎保歲寒姿丹壑慰遐想

芝山寺

寺古雲深鎖翠隈山僧延客掃莓苔范王好句誰傳得
只有松聲拂檻來

浮洲伴鷗亭

四望皆煙水閒亭可息機通人唯釣艇避世有禪扉澹
靄浮空碧遙波接翠微鳬翁似相識拍拍往來飛

自饒州至九江風阻鄱湖七日

月波門外波溶溶雙帆只望乘長風水程屈指過三日

春及堂詩集卷十四

西江遊草上

七

江州便得攜山筇左蠡已渡忽淹滯發夜吼聲何雄
篙師束手困巨浪百丈逆挽終無功危磯懼觸舵樓碎
驚濤洄洑相撞衝陽侯一怒水倒立滕六漸飛花滿空
揚舲已犯蛟鱷忌繫纜敢避鼉鼉官低篷相對數良友
強作諧笑容嗟同濁醪偶酌醉復醒殘棋屢覆勝亦慵
鄉心易與孤夢并局促寢食成牢籠閒情豈復事憑弔
朱陳戰血今猶紅冰堅澤腹勢未艾端著叩卜神明通
占惟上弦日在丙飛舸定逐沙邊鴻篷窗暫開一凝矚
撲面玉屑吹迷濛大孤蒼茫隔咫尺素鸞白鳳紛相從
雲中五老乍隱見皓潔正與傳清容盡除陰翳豁晴霽

此事回幹由天公且須堅卧待詰旦湖東旭日光曠曠

江州尊經閣雪後對廬山

好山宜抱閣何況是匡廬秀色剛逢雪寒輝迴映書盤
回青未了橫側勢何如欲往尋雙鹿雲中問隱居

登江州城樓

荆吳上下鎖雄關百雉連雲水自環此郡戰爭原自昔
于今杞棘未全刪絃聲瑟瑟鳴商舶雪意沉沉壓楚山
極目寒江成坐嘯片帆誰趁好風還

題吳城望湖亭

千里伸眉望浹寥虛亭湖面聳孤標勢連吳楚滄波大
春及堂詩集卷十四 西江遊草上 八

浪蹴星辰接水遙客路一身如雁寄異鄉終歲尙蓬飄
塵纓且向中流濯渺渺寒沙雪半銷

謁張令公祠

蠡水瀾天浩氣通鬚眉儼在憶英雄波濤未洗千年恨
廟食難酬百戰功高下帆檣攢雪嶼往來簫鼓乞靈風
飛龍馭側南雷侍想像湖光慘淡中

春及堂詩集卷十四

春及堂詩集卷十五

錢唐 倪國璉 秘嚙

西江遊草中

乙巳正月四日百花洲探春

探春深惜早梅天遊展能煩幾緲穿碧水狎人鷗泛泛
芳洲藉客草芊芊遠憐蔬圃通僧舍恰喜紅亭似釣船
注眼隔城山色好數峯殘雪照新年

澹臺墓

昔賢不可作南遊跡未湮再拜讀殘碣綠蕪回古春緬
維守貞諒龍伯亦爲馴自非言夫子誰能得斯人

春及堂詩集卷十五 西江遊草中

孺子亭

水亭表南州可望不可越高節邈千古世難免覆蹶龍
德真能潛幽貞信無闕湖光如鏡磨清映漢時月

蘇圃

雲卿隱灌園不與世網撓嚮蔬不二價混跡寄高情再
訪已龍遁虛室人徒偵菜甲今尙滋食之懷潔清

憩雲菴訪心壁上人不值和太顓

山中老禪客水次結精廬觀月得真性與雲還舊居瀑
泉應濺座花雨待飄除它日容元度清吟聽法餘

瓶中桃花

枝嫩真堪供花繡絕可憐客中誰顧面窻裏自參禪露
色依人媚春風入座妍卻銷幽獨恨未負豔陽天

野花二首

躑躅不斷紅點此春山碧未有杜鵑啼先開可憐色
爲愛桐花繡未夕早收枕清灘晴雪中且學釣翁坐

又桐花一絕句

一色桐花白似銀遍遮山脚散芳春客舟似傍梨雲住
夢裏分明縞袂新

上十八灘

危灘阻川塗欲上情凜慄初聞轆轤雷忽已凌飛雪神

春及堂詩集

卷十五

西江遊草中

二

龍窟宅近致祭靈可乞翦紙再拜虔安穩願無失發權
自黃公船底始磨髮信宿亂灘間所歷心愈怵鏹削本
山根蕩瀉爲水骨崢嶸狀各殊隱見險不一風蟲羣飲
河龍鬣爭瀑日森列武庫兵未鎔大冶鐵排沙陣參錯
斷江鎖橫截嗟此石巉巖將不由造物媧皇煉補天何
年墮水穴秦人驅到海半道竟中輟抑塞壯士懷磊塊
不可撥翻覆世人情崎嶇或堪埒滄波本無心至此忽
奔突曲防勢逾憤快瀉怒方決百丈十夫挽寄命此毫
髮躋攀上分寸登頓更屢歇灘師虛有名點篙智已竭
焉得長風生張帆過箭疾兀坐推篷門岸景殊可悅岡

巒青委宛竹樹翠蒙密奧若嚴陵幽曲肖剡溪折熙春
靄深山小鳥弄簧舌野花能白紅隨意點凹凸晨煙亘
堠亭夕暉含確室險盡達潯潭眼界渺空濶蒼崖構神
宇摩娑讀殘碣司灘各有主一一名號列古人經此地
題句幾悲咽坡公揮老淚信國厲堅節我輩亦何爲飄
泊到天末使者迫王程朋儔遠載筆豈忘臨深戒入險
幸已出平生倚忠信利涉或可必南天少歸鴻遄征已
近粵路不逾大庾氣欲跨溟渤章貢水悠悠浩歌一騷
屑

雨中望鬱孤臺同太顓作

春及堂詩集

卷十五

西江遊草中

三

短垣日望高臺好今日臺沉江雨中半露畫欄喬木暗
斜連古堞野雲籠模糊似有人孤往虛寂惟應鳥自通
一幅米家真潑墨爲將題句續坡翁

珍珠蘭

風簾避日綠煙敷魚子黃生幾串珠梭縷繫枝煩小史
翠翹簪髻稱名姝染成紅粉香逾妙熏透茶芽味絕殊
長日花開通鼻觀那須重撥水沉鑪

清溪畫點陽飛雲洞長幅見贈賦謝

谿研石勢開蒼嵐雲中卻湧蓮花龕詩人昔游已如夢
勝境彷彿思黔南洞口煙光朝暮合飛泉下注風飄颻

人間好畫恨空傳天涯客展誰重蠟我憶天台山入雲
赤城華頂青嵐身曾到處皆堪繪老筆荆關那及君

八境臺

倚城百尺俯江湖章貢東西此合流極目易生游子恨
朗吟初豁古人愁煙中積翠堆晴檻雨後清灘送晚舟
卻羨禪家畱半榻木魚經卷坐飛樓

滕王閣納涼四首

時白贛州同
泊舟閣下

勝地還因避熱來葛衫樓履共徘徊得觀五月滄波大
正自雙江險處回倚檻長風生浦淑卷簾白水浸樓臺
且攤湘簟容高臥嬾與詩人鬪麗才

尋及堂詩集

卷十五 西江遊草中

四

水雲沙鳥若爲鄰夏木漁莊浦浦新歌舞地仍供笑傲
東西客自苦風塵捐除冠佩無苛禮畧識江山似故人
一榻清涼天暫假不知誰主復誰賓

酒徒散髮便爲家長日登臨攬物華忽訝斷鴻沈劍浦
更疑飛雨灑龍沙捫殘詩壁苔花落踏遍風廊鳥跡賒
帝子何年此消夏彩牋邀客共浮瓜

繫舟每傍柳毵毵芷岸蘭汀路漸諳境與古人爭末席
山爲我輩放晴嵐鄉心黃鵠隨千里客況青萍寄一函
莫惜雄談消永晝汲江煎茗聚朋簪

臨川右軍墨池

一勺澄泓涵古色香畱淪廢波翻黑茂漪持肘淚凝紅

豈識功深乃相逼書破山陰九萬牋殘毫滿簾硯欲穿
當時揮灑得神悟紅鸞迴頸清池邊臨川舊宅餘文采
芹藻生春復千載羣龍每挾墨濤飛化作滿空雲鬢變

羊角洞天

雲護仙扃久不開人間無路陟丹臺玉書更款千年後
只望青城使者來

麻姑壇記石刻近已亡去詩以惜之

薦福已雷轟仙壇復磨滅滄桑幾度見揚塵何況區區
一殘碣神仙荒忽不復稽長松落影風迴溪香花旣供

春及堂詩集

卷十五 西江遊草中

五

設靈旗化虹霓魯公妙筆百世師小楷記事鐫屨屨平
生大碑盡古硬未若此刻三絕奇我曾得一紙乃是宋
楊蟬翅無缺遺撫之百日難彷彿棄置筆墨增嗟咨今
來仙山隔咫尺此壇尙存亡此石追攝無因遣六丁竟
使丹崖碧嶂俱蕭索我入麻姑山玉螺生古田酣然一
醉神功泉夢持寶刻穿蘿煙

從姑山

一髻堆雲照碧流珠駢鶴馭好追遊城南不隔通仙路
爛漫花開翠黛幽

紫薇花

建昌試院與
太巔同詠

客到剛逢錦纈含
漸看霞彩變紅酣
光飛小座人忘暑
影弄清池鳥欲探
香綬迎秋風冉冉
紫茸垂露曉氈氈
揮毫便擬同華省
醉裏彈冠且共簪

石榴

火齊低垂翠幄稠
當階紅重照雙眸
獨持正色開朱夏
賸結明珠耐素秋
海外移根疑傍石
客中釀酒易澆愁
我來百市長吟贈
每到餘霞射晚樓

秋日寄積山

浪跡龍沙外三年
思不窮吹竽羞作客
引鏡訝成翁槁木
心全拙空花眼暗籠
素交頻入夢愁絕五
湖東

春及堂詩集

卷十五

西江遊草中

六

離索嗟難聚音書怪
不來宿雲懷杏館舊
雨憶蘭陔世共嗟
子嬾天惟老子才
短繁窮述作幾照鎖
魚關

夙昔春游興湖邊問
竹亭酒人孤似鶴詩
侶散如星鏡而波
方濶褰腰草復青何
時題寺處松雨更同
聽

森森江波去堂堂歲
月迨一琴隨泛梗雙
鯉寄新秋官舍疏蟬
靜仙壇古樹幽明年
歸計遂已上木蘭舟

時在
野江

近麻
姑山

夙昔頻夢君行寄繪貞

夙昔頻夢君夢君瘦
聳吟詩肩花意冥冥
碧山暮飛觴刻燭春
階前夙昔頻夢君夢
君攜手到河干風生
船尾

泊不得葦岸無窮秋
水寒夙昔頻夢君夢
君與我連轡行柳林
麴塵細如霧橫鞭共
聽黃鸝聲江路悠悠
通夢魂君爲龍躍我
爲雲三秋夢斷蕉窗
雨悵望天邊過雁羣

懷徐茗園

兀坐江雨繁離思紛
如草秋雪想吟鬢清
冰瑩孤抱將與閒僧
居或同癡鶴老焚香
竹室中何日共幽討

寄太鴻同年

薊樓每自恨離羣雁
隔重雲杳不聞最憶
南池風雪裏一樽清
詠我同君

春及堂詩集

卷十五

西江遊草中

七

花氣熏人柳拂船思
君幾度泛湖天青螺
搖動波紋淺譜得新
詞叩兩舷

題畫松

古心不可攀古形差
可狀屈曲蟠飢蛟落
落赤霄上雲嵐互叅
錯天風一回宕奇材
儼得地孤高更誰讓
永堅白石盟宜廣紫
芝唱

送惕齋先生還海昌

橫浦同舟上龍城分
權還論交深惜別爲
客強開顏舊隱沙塘
外新堂秋水間過歸
娛白髮尊酒話江山

送澂齋

未得隨君返河干侍老親附書常計日會面早期春月
迴秋蟾冷潮來越練新到家知得句好寄遠游人

送楊春祺孝廉還貴陽

歸興濃於酒離情黯似秋關心雙白髮愛客兩青眸清
浪經重險飛雲續舊游西風吹獵獵不用賦登樓

望五老峯

匡山無主峯闢奇五老卻當山盡處排空突兀似駢肩
攬擷星辰沐雲霧峯前老松皆十圍松頂紅鶴翩翹飛
紛紛瀑水自天下迴風觸石成珠璣我日望之隔翠微
欲游之念如朝饑石梁招手誰相識杯中玉醴桃花色
春及堂詩集卷十五 西江遊草中 八

紫白豆花

白花相映紫花妍嫋嫋風前翠蔓牽我憶閒棚頻貰酒
新涼時節白雲天

野人門徑識秋光鹿眼籬邊引興長設色莫嫌脂粉淡

山家何必更濃妝

中秋夜澹初學士偕諸同人登南康城觀鄱湖月
色

湖天露洗無纖塵月輪出水來照人此湖此月不易得
而況佳節相鮮新主客欣逢今夕暇步履相邀永清夜
城邊萬頃淨琉璃貝闕珠宮冷光射圓靈不動冰在壺

百怪匿影羣龍趨金精水氣融上下素華窈窕凝虛無
客愁盡豁秋襟爽一望悠悠窮泝沅不見明星落石潭
卻聞孤艇鳴蘭漿香爐峯高不可攀羽人颺馭憑虛還
逍遙水界濯寒魄數聲鶴唳滄溟間此湖此月閱人代
謫仙坡仙渺何在且與豪吟盡百觴醉卧高城吸清瀟

游白鹿書院

名山多釋老此地歸吾儒紫陽垂道脈澗阿集生徒聽
泉復仰山仁智悟同區言尋麝鹿跡有志託風雩

三峽橋

石勢擬挾束水流激成湍平橋俯百尺凜然神骨寒漱
春及堂詩集卷十五 西江遊草中 九

滌自太古滿壑露噴吼溯源望絕巘隱見青雲端

玉淵潭

碧潭杳無底信與江湖通一派衆流垂首飲玉虹泛
灩旣神契渟渟亦心融晚雨定增白豈必朝曦紅

棲賢寺

南唐李渤
藏書處

萬卷渺何所突兀梵宇高當堦古桂花舒芬待吾曹彈
指見千載逸氣生吟毫僧房願借眠脫然忘天陟

題納涼圖

質管細生香芙蓉新出沐詎知炎曦赫但覺清涼足塵
埃斷紛囂冠帶謝羈束灑然物外遊微風襲冰縠

將抵瑞洪晚過湖口

湖尾揚舲涉素波茫茫晚色奈愁何浮生合共漁爲伴
倦客還同雁屢過獨照水燈依渚遠半沈葭岸積煙多
向來泊處成逃誤只憶清篇帶月哦

漁筏

泛泛漁師筏輕浮竹幾枝相攜但蓑笠並載有鷓鴣灘
水隨篙滑寒魚上綱遲風波終日穩未遣世人知

水碓

精鑿非人力卽春借碧流翻波輪自轉盡日杵無休草
舍香杭白清溪晚韻幽塵寰尙機事莫與漢陰謀

春及堂詩集

卷十五

西江遊草中

十

弋陽道中後紅葉詩

候遲天暖似春谿紫豔今年較未齊白雁橫沙卽色曉
翠煙猶帶小橋迷

題葉鄉園記屢會西風高下總霞蒸六年不到紅于閣

孤負能詩白足僧

紅于閣在
靈隱寺後

憶菊

夙昔有微尚藝蘭兼蒔菊燒土培自肥疏泉灌尤足累
勤到花時清賞坐茅屋初霜冒圓藥細雨散寒馥古人
情不遠澹致慰幽獨竭來走風塵蕭艾嗟滿目芳叢久
荒棄遙懷結心曲秋來指歸期蕪會當斷佳種乞舊

鄰陳根問空谷寄興短籬間南山返初服

湖魚

湖魚白如銀舟行屈陳簋旅飯常不甘此味充鮮美比
來閒鼓柁三經彭蠡水所見多漁人網罟爲生耳取魚
非一術盡日風濤裏大督或坐守長綸亦輕起且浮漾
波面鐵重沉沙底深潭烏鬼沒急溜青竿倚聚艘儼成
行曳繩竟踰里燈明潑刺跳餌散驗嚼喜細不遺鯢鮪
巨豈逃鱸鮓嗟哉此愚氓鮮食殊艱矣但求鮭菜飽豈
識蛟鼉徙吾生偶彈鋏混迹同泥滓志雖不在魚釣具
隨行李且作信天翁秋水方瀾瀾

春及堂詩集

卷十五

西江遊草中

十一

大庾縣

客到梅花國春衣早卸縣楚江分庾嶺粵貨下章川夾
水雙城小排雲百嶂連可堪青草瘴偏發豔陽天

登南安郡樓

一郡深藏萬壑間雙城夾水聽潺湲休論文物同邊徼
且喜登臨得暫閒洗藥人來尋玉枕送春我欲過梅關
憑欄不厭風兼雨更爲嫦娥濯翠鬟

再至饒州偶成二首

我有芝山約重來望翠微開帆已隔歲收纜又斜暉岸
柳寒猶綠河魚凍更肥伴鷗亭畔路煙水認苔磯

住處依雙柏支離百尺強奇觀延客賞古色與年長鳥
路盤枯幹雲根結妙香兩番霜雪裏見爾鬱蒼蒼

寄夏惺齋

魚書經歲若爲通懷袖三年思未窮一夜春風吹舊夢
聯牀燈火桂堂東

行藏曾與乞仙靈誰向東華叩秘局天繪亭前雙柏樹
廿年無改舊青青

望小姑山

面而臨妝鏡湖波湧綠鬟綵花縹緲外拾翠有無間塢
卓晴雲迴祠荒石徑閒風帆來往數冰雪未窺顏

春及堂詩集

卷十五

西江遊草中

三

江州曾經閣望廬山雪霽

風掃寒雲曙色開書窗正對白崔嵬欲攀高潔疑無路
卻望峻嶒絕點埃野鶴斷糧依翠竹老僧畱客看殘梅
眼明遙辨東林社猶帶鐘聲入郭來

題澹初先生遊黃岳圖詩後

一月半月擔簋入千峯萬峯矗雲立人間絕境理所無
客裏佳遊興誰及松奇石古雲盪胸詩囊酒榼隨短筇
恍惚峯頭遇軒帝金幢玉節騎飛龍一景一圖畱勝賞
幽異傳來毫楮上妙筆親題絕點塵煙霞透骨撼靈想
今來廬岳重尋詩五老峯頭早識之昔年千里曾昂首

正是清秋月滿時

春及堂詩集

卷十五

西江遊草中

三

春及堂詩集卷十五

春及堂詩集卷十六

錢唐 倪國璉 穉疇

西江遊草下

丙午二月自九江過郡湖還南昌作

汨汨春水生湖寬森無岸捩舵犯洪波望洋一興歎快
逢北風利舟行疾如翰昨辭大孤南今泊龍沙畔片帆
截潮來信宿出險難憶昔八月還星渚事可憚黑風壓

巨浪驟決百川灌一葉隨簸揚龍伯恣慄悍生死介毫
髮正襟懼神亂同舟各咨嗟寢夢猶駭汗此湖自鴻濛
浩蕩不可玩拍天五百里彌望魂欲斷況多不測風忽

春及堂詩集

卷十六

西江遊草下

一

掩蒼山半年年舸艦覆赤子幾魚爛側聞數君子獻策

取

宸斷議避中流險別道通江漢曲繞匡廬西鑿山事樵

煨籌費百萬繕計日功可按雄哉此巨舉禹跡欲潛換

但疑事非常重役興一旦竭帑與勞民得失殊未判圖

終在慎始毋使

憂宵肝紫陽守南康伐石築堅埠稍戢陽侯怒拯溺非

汗漫我嘗川途惡臨流頻扼腕小儒守井幹未窮海若

觀拭目望連檣安穩凌滄瀚時中丞裴公奉旨度地欲開支港由吳城鎮出

德化通大江以達糧艘尋以費重及巨廬山石脉乃不果行

昭明太子祠瑞州

帝子龍樓迴名流藻翰新搜羅橫八代炳赫麗三辰藝
苑璆琳萃騷壇俎豆陳熟精方得解典策儼同遯古業
蕭梁際遺祠錦水濱雲輝籠閣影竹翠拂簾塵服盛皇
儲貴香凝玉貌真端居思澹泊靜息想慈仁田鼓頻喧
社巫歌早賽春靈風來舂蠶餘澤遍儒紳轉憶臺城變
終令血食溷鳳苞徒翩翩麟趾惜振振文采難存國元
良自檢身草蕪埋恨遠波逝歎時屯秘殿宜開篋虛筵
欲薦蘋只疑聞朗咏碧月淡秋旻

臨江晤王甫田因贈長句并寄巖築

春及堂詩集

卷十六

西江遊草下

二

蕭灘四月清有餘秧針出水桐花初乘閒暫得此良晤

江鄉吏隱君何如憶昔西湖同雙屈君家伯子才奇崛

佃漁百代擁琅函圖史縱橫古光鬱虎臥龍跳擅令名

藝林難弟復難兄王家書畫有傳述落筆那顧羣兒驚

我時塗鴉雜真行繭紙往復相酬賡花間一笑辨工拙

品目謬推神骨清此後分馳若轉蓬浮名牽客勞西東

京華策蹇偶相遇但言歸思隨南鴻紬書秘省還從政

寶應湖邊有賢令一室鳴絃致樂康五花判字畱蒼硬

惟君結綬來此邦官舍數椽書半牀秩卑柳下爲貧仕

日對吟峯歌激昂嗟余落拓身久羈風塵載筆徒爾爲

焚膏自煎計良左蕭騷短鬢催成絲壯年白日過如電
知交雲散希逢面清嘯堂中已碎琴貫虹齋裏誰磨硯
爲我殷勤報大蘇龍沙飄泊似秋鳬何時玉斗揮餘瀝
同醉長淮酒百壺

臨江試院牆角古桂

桂樹宜生廣寒窟不然或在巖之幽古牆欲頽荆棘滿
位置非地將誰尤我問桂樹桂不言雙枝挺特翠葉緜
官衙幸得少翦伐清陰自覆天香根客來恨不逢花時
雨籠閣阜凝秋思含芬不發自有待露涼月滿西風遲
當日曾邀清醕賞此後誰看藥珠長人世衰榮豈有常
春及堂詩集卷十六 西江遊草下 三
直幹凌空終不枉

甫田惠贈尊人野航集賦謝二首

手錄知君永孝思鑄成更快讀全詩中書才調清如此
不信平生竟數奇前過臨江甫田手抄中書君詩百餘
首呈學士公因得捧讀尚以未見諸
大篇爲憾乃今寶
應君全鑄無缺失

結交伯仲但論書老輩吟壇見面疎夜合花開香拂檻
問奇空識子雲居

咏珍珠泉

在袁州城南流出灌田數十頃
從池底上泛沫圓如珠不斷

大仰靈鍾幾丈淵方池的的散珠圓似逢鰈泣浮波面
定有龍潛在砌邊玉乳上蒸春不斷蚌胎輕泛晚相鮮

漑成香粒盈千畝較勝清光媚一川

廬山迴文

峯老五雲迷近遠好秋晴日一支筇松邊澗發潺潺水
寺後山傳杳杳鐘龍化斷橋蒼壁對字鐫奇石古苔封
重圍翠巘仙廬小勝友詩緣快此逢

三至臨川而同舟諸友將別偶成四首

弱纜頻牽上水船衝波艇子笑年年驚如相識來深浦
鷗不忘機拍遠天漁舍網添新漲後酒家旗颭晚風前
江行慣看陰晴變一任浮雲過碧川

玉石雙臺鎖急流沙邨水竹又新稠浪痕深淺思前度
春及堂詩集卷十六 西江遊草下 四

古迹荒涼感舊遊羊角草迷仙戶寂金柅花冷藕堂秋
客心只憶黃鸝好晴日鈎輈響樹頭

右軍墨沼雨增波未許遊人覓展過松下酒曾傾雪釀
柳邊詩已近驪歌天門鳳闕窺毫楮碧澗紅泉叩薜蘿

我亦本同邱壑性青山卜宅竟如何

同來澤國似浮家到處寒星伴客槎貝闕嬾然犀作火
柁樓微辨鼓回撾隨身釣具臨烟水逐日棋枰送歲華
此夜文昌橋畔月清光記照白蘋花

懷金長孺同年

賤貧疎畏友乖隔傷遠道饑驅不自主東西詎能料長

孺卓犖人器深才復妙軒舉青冥鴻健捷霜天鶴排風
運六翻萬里會遠到京華兩厄塞委運靜不躁但謀養
老親辛苦淩粵嶠獨憐我與同飛杜遠相勞溫言密如
晤厚意愧難報懷君在不樂陽朔插天峭紅泉蒼澗發
苦霧尖峯冒客心愁瘴癘客容詎能少持衡慎評隲刻
琢削凡調九方別良駿神骨皆宛肖場來修三年芳譽
已遠謫湘潭明月生西江亦流照兩情詎相違孤影還
獨弔茲從汝水還師門傳美耗知君策高足北上隨羽
蘇僻已離蠻鄉近得赴明詔年來數同人靜計魂屢
掉嬰裹馳復蹶號咷不先笑萍蓬聚仍散觸忤翻成懊
春及堂詩集卷十六 西江遊草下 五

嗟我江湖人精疲力徒耗疑信待犬書殷憂託琴操夢
驚顏色悴晨起衣裳倒回思在鄉國詞場互吟嘯賢昆
作鯨鏗難弟亦玉耀弋想重雲增引意深淵釣乍聞金
撞春忽復花窈窕此樂殊不再迅疾走兩曜何時舊儔
侶咸歸從所好璇樞善回斡神力仰大造杯酒集春星
此願日延眺

題歸舟圖先寄吳誠齋

六六駕鸞狎水鳧五湖歸思夢明湖好風一夕生南浦
吹動輕帆幾幅蒲

鼓枻人還背水邨澄江高閣景堪存相逢他日開圖看

一抹西山指翠痕

贈吳浣陵同年

漲痕新落虎頭洲三見江城碧樹幽客豈採風虛載筆
君惟飲水借前籌師門恰奏絃歌化古郡宜爲翰墨遊
得聞鳴琴清暇日謝公高詠孰爲酬

懷陸香林

京華老述作贈別愛新詩客裏珍懷袖天邊結夢思歸
心尊味切禪悅馨聲遲想見吳淞水烟波漾釣絲

懷蕉田

我友遺編在因君寄夙心鶴聲非久駐劍影不空沉要

春及堂詩集卷十六

西江遊草下

六

約三年雨流傳五字吟未忘盟息壤期與訪秋林

送太師還浙

清琴高張碧梧側酒一再行歌掩抑三年聚首照肝膈
此日離情動顏色我生不能事耕稼西江頻浣天涯墨
客鬢都驚白髮新韶華暗與鳥丸蝕聯牀寒暑真無間
有似旅鴻同食息水冷芙蓉沙岸遙烟樓不及雙鸕鷀
川路紆迴日沿汴朝夕風濤信難測吾道惟期似砥平
君心自信如弦直撥愁偶共吟長短江鳥江花隨翦刻
直窮章貢誌險怪畧識匡廬信奇特手中一片光明錦
夜夜機絲爲誰織東西浪迹過如夢斷續鄉心亂填臆

故山青桂香初發君到藥官攀合得高堂有母粲玉顏
棄置母爲薄雞肋淪漣汝水送將歸崢嶸越岫秋相憶
潮頭看掣捷旗紅羊角輕扶海天翼

紫薇花歌呈學士公兼申別緒

新涼餘暑勢未分素枝碧葉蒸春雲清華品格更耐久
世間卉木徒紛紛豫章初來見此樹寒庭遍覆青氤氳
摩挲老幹百年物霜雨濯濯蒼皮皴自從學士巡行出
使轍東西客載筆十三名都遠看花穠李天桃爭秀茁
臨江古桂賴城蘭偶觸吟懷題一一豈無歸櫂指南昌
花謝人來屢相失去年憶在盱江上試院紫薇秋始王
春及堂詩集卷十六 西江遊草下 七

臨池萬點照明漪倚闌干枝開甲帳同人快詠官綬加
獨客深憐藥珠放遙思此事成寂寞掩冉風前欲誰向
于今事暇襟帶寬人欲別花花正繁梧桐子落甘蕉結
初炫晨妝光滿闌仙人翠帔簪星冠紫綃中單赭玉顏
灑灑火鳳刷苞羽來玩月華清露溥此花正性原無埒
百日猶看堆絳雪迴出簷牙建錦標低侵簾額含芳纈
豈容野鳥恣銜啄那有閑人忍攀折似沐清光態轉濃
有意撼英伴高節北海尊罍本不空丰茸影落酒波融
匆匆離思總相感眼前莫負花枝紅江湖栽植今已遍
珍樹還思掖垣見槐堦晉履羨從容一片緋霞籠曉殿

送清溪歸赴省試

雨晴雲卷蔚藍天喜送歸人早著鞭秋信已催開藥榜
江行先爲敞瓊筵三年客共寒暄席一水裝分上下船
好及南山青桂發舊鄉相賞月華圓

春及堂詩集卷十六

西江遊草下

八

春及堂詩集卷十六

春及堂詩集卷十七

錢唐 倪國璉 穉疇

南遊草上

南遊

浮雲總無定日繞吳山峯遊子何不常支離屢移蹤憶
自去年歸菽水得稍供戀戀舊鄉思聊以慰龍鍾人事
會參錯時運不我從良友意切切家人語囑囑雖違骨
肉歡且幸知己逢感激衝中懷離緒鬱在胸清宵耿不
寐聽此涼階蛩書篋兒檢點征衣女手縫凌晨我當發
庭花露濃濃長沙隱軫宿正照熊渠封山川變騷音吟

春及堂詩集

卷十七

南遊草上

一

繹風所宗行當佩芳潔澤國寒芙蓉揚舲二千里何時
豁幽棕願言登岳麓騁望攜山笻

進龍浦渡潮

客舟行有待潮至早聞喧不爽秋風信全開碧海門浦
迴高浪減沙齧逆流渾出險還相慶低昂一葉存

嚴灘夜泊

此地恰停櫂雙臺入眼青竿垂還獨釣篷臥且孤醒夜
靜灘聲咽星懸水氣冥昔年題字處松杪憶危亭

過睦陵有懷諸舊好

清灘猶作昔時鳴十載知交異死生花遠尚通攜宦徑

柳殘還認射鵰營危樓避水書籤亂高寺吟秋塔影橫
欲卸片帆尋舊迹笛聲淒斷起江城

同年嚴嵩瞻以詩屬呈中丞公

西江讀子臨川集客裏深知感慨多千里故人驚聚散
兩年秋艇倦風波憶鄉共作挑燈話失路誰憐叩角歌
只有師門重刮目雄才看瀉碧天河

舟至三衢吟贈同年胡竹巖

汨汨三衢水重來又早秋信天常自訝有友復何求小
泊因風駛清談對雨酬可堪同負米迢遞問湘流

常山舟次遇琴友馬御穆將遊鄱陽卽事書贈

春及堂詩集

卷十七

南遊草上

二

星嶽遠俗調枯桐無豔聲世間知者希君胡抱此行自
聞彈清散六年夢秋館梧葉下琮琤一夜閒堦滿君行
定何之我遇若有期臨流爲古弄願君勿復辭玉絃何
泠泠船窗澄慮聽如云蠡水濶復見楚山青

望靈山謠

竹輿初從玉溪度靈山遠插碧天暮輕舟百折下弋陽
靈山遮斷來時路朝暮見靈山行人不厭看欽崎千萬
狀變現浮雲端我夢登之望舊鄉富春蘭水秋蒼茫薜
蘿幽深山鳥寂空谷惟聞清嘯長

象山

突兀起中野，厖然象王尊。捲鼻冒秋霧，決齒迎朝暉。其中
有苞孕雲開，見松邨但容山。民住豈無隱者存，遙遙
青壁峙，陡絕愁攀援。真宰氣磅礴，幻此石輪囷。我聞上
清地，龍蟠而虎蹲。何當擷霞藥，再款璧魯門。

自瑞虹渡湖尾

水廟祈神齊，翦紙東風正。來舟子喜連帆鼓，柁衝波行
瞬息，截湖四十里。趙家滙口客子船，十日停橈不敢前。
打頭白浪風正顛，吁嗟利鈍亦偶然。湖尾纔過慶安穩，
不見湖心水拍天。

滕王閣懷諸同學

春及堂詩集 卷十七 南遊草上

三

登閣恍如昨，重來已隔年。故人皆遠矣，暮雨一淒然。沙
嶼欹殘柳，漁莊繫舊筌。北來帆正飽，羨爾溯江船。

舟泊黃牛洲，偶遊僧院見古碑。載許旌陽斬蛟事，

甚悉因歌以紀之

燿燿駭電雲，晝昏巨濤山。立沙崩奔仙官驅蛟蛟欲吞，
腥涎四射慘不溫。儼有鱗介從騰騫，赤鯀金蟆白背鼉。
甲神丁祗策戰，轅戈頽斧缺血海。翻社令捧檄助蟲喧，
驅精役魅鬼鏃繁。老蛟遁跡潛沙村，神鏡引照赫陽暉。
斂戢牙爪爲獸蹲，立窮怪變燭禍源。礪角與鬪紅帕幡，
玉虹萬里一劍痕。橫空飛截禳螭魂，斷壺削瓜盡株根。

柱鎮遺孽深，井存白礫岔。浦接雉垣蒼黎幸，免魚頭冤。
江洲滌穢報帝闕，客景仙烈尋祇園。古碣深刻非誕言，
解舍半欹柳半髡。日落倒影潭心渾，靈蹤詭狀莫具論。
牧兒短笛呼鳥健。

過樟樹鎮 王文成誓師處

武宗失馭濠不臣，一時忠藎皆浙人。孫公烈節自慷慨，
文成戰績何嶙峋。贛江南來繞樟樹，誓師急繕三軍怒。
飛檄真令羣鼠驚，擣虛能遣貪狼顧。南昌逆擊賊勢奔，
赤手縛濠如縛豚。六師南來竟何濟，將軍空貶天王尊。
吁嗟功高宜不賞，奇勳要自垂天壤。昨過廬山見勒銘，

春及堂詩集 卷十七 南遊草上

四

磨崖亦作浯溪想，大藤峽裏蠻血腥。田州未斂鴟張形，
當年若非走一舸。皇輿擾擾何時寧，丈夫恨不成名耳。
理學空談休挂齒，古來戡亂有幾人。悠悠試問西江水，

臨江道中

閣阜連雲暗，江分去國遙。龍埋猶可識，鷗泛迴難招。斷
岸蘿交翠，平林橘離去。條一竿聊自把，波面散魚苗。

新喻懷澹初先生

縣僻江逾秀，城開抱水隈。浮梁度樵牧，喬樹隱樓臺。岸
近青陰合，檣移細雨來。聯吟思瘦沈，端合試清才。

舟夜

客醉易爲醒中夜成寤歎起坐聽荒江月黑啼蜚亂

溪行

石壁高臨湍漸茅齋半掩楓栢但宜此處清隱莫問誰家碧潭

昔見吟翁倚閣今逢漁子維舟欲問入山幽徑俯看百里清秋

昌山洪

石如鐵波心立舟子點篙面土色石如鋸灘水怒客子掀篷駭和顧石巉巖休張帆繫牽竹纜度重巖石齒齒齧船底暗伏劍鋒行且止誰言灘石不可鑿昔有李侯

春及堂詩集

卷十七

南遊草上

五

除石崖鑿石出血侯不疑巨椎烈燄泣老螭今日逢灘尚如虎當日破舟寧可數灘頭龍伯司灘主澆酒磔雞呼阿姥

春及堂詩集卷十七

春及堂詩集卷十八

錢唐 倪國璉 穉疇

南遊草下

丁未八月三日入宜春界途景清寂同年胡竹巖偕行頗有鄉思口占慰之

一櫂夷猶水竹間溪行清景靜于山草根忽聽啼蜚急喚起鄉思老客顏

客路秋光此夕逢華星纖月照青篷燈前良友皆鄉語只算行遊是越中

袁州晚泊

春及堂詩集

卷十八

南遊草下

一

山鄉水郭石橋通碧浪澄澄晚照紅城下帆依高岸卸天涯酒喜故人同俗傳楚調催歌版潭浸秋星伴釣筒欲向宜春窮曉望露涼已有北來鴻

大袁山

古境不在遠好山面城曲簷窻攬空翠竹色紛映目露洗石髮潤娟然列蒼玉展書臥幽巖誰繼高人躅

袁溪口孤石

俗名張擔石

露骨三面寒衝波千竇溼只宜把釣絲風雨此獨立

抵瀘溪

碧溪行已盡倚櫂問山程安穩舟人喜殷勤驛吏迎野

籬垂紫豆村市耀紅杭且得尋幽去灘頭畧釣橫

行瀘溪山市盡處得一泉甚清冽

石壁低垂古桂枝冷冷一掬泛清池在山尚得存真味
恰慰行人路渴時

雨行過萍鄉縣晚至湘東鎮

水行畏風濤陸行苦泥雨悵望百里程沮洳戒徒侶斜
侵溼竹輿山風亦予侮荒嶺既再越石立每疑虎吳楚
儼分疆峯勢亂無主溪流漸通川短櫂立漁父雲陰忽
盤回下籠城郭古縣堂藏一壑野店或三戶此徑何人
開仄峭如已阻我不踵楊朱岐路亦愁迕前林霽色動
春及堂詩集卷十八 南遊草下 二

棲鳥樂相語半壁豁南天衡湘何處所

遊湘東土城山叢石下

舊有城屯兵以拒吳逆

待侶艤征櫂挈朋成薄遊躋攀在咫尺遂得林石幽巖
登牛下飲厥象皆可求徙倚復坐憩歷數沙中鷗屈曲
指去路蒼葦迷遠洲回看土城山戰氣留荒陬吳氛昔
淨掃堞廢今空畱壁立百餘仞下俯千里流樓櫓杳無
跡但見橫漁舟居人不知兵客子復何愁浩歌白雲際
吹落滄江頭

淥口懷田居先生及繪甫

淥江遠與湘川合百里寒流一碧痕茅屋倚巖顏楚廟

枳籬排岸隱漁邨但饒香杜希人跡每聽清猿斷客魂
我友賦曾追屈賈流傳今有幾篇存繪甫遊湘中時詩最富

夜下湘潭

沿流處處藕花香好放輕舟趁夜涼岸火潭烟兩清寂
低篷吟憶孟襄陽

湘岸

湘岸依依綠湘波渺渺愁昔人情未往我輩偶同遊木
落蘅皋遠烟生蘭渚秋片帆歛暮雨不爲鷓鴣畱

將至長沙水次二石如援道宵

縱爾不騰山連臂欲飲水疑有夜啼聲送客扁舟裏
春及堂詩集卷十八 南遊草下 三

望岳麓山

精舍標崇岡深松護秋谷幽人此中居一編涼曉讀仙
餐擷芝華白雲來塞屋靜業息紛營淡泊亦云足

竹巖補作太學石鼓詩因和其韻

夙抱稽古志兩瞻

帝王都願及同文盛仰窺廊廟漢觚棧露本性犖確背
時趨太學內石鼓傳自周宣初欲觀竟未得策蹇趣歸
途隨身白藤笈飄蕩仍江湖今年更浪走馬瘠僕亦痛
東行陟會稽南遊拂匡廬言棲嶽麓下嵯峨當門閭是
皆有古刻秘跡畱山嶠字畫未盡湮巖根莽榛蕪裹足

不一探索懷何由據竹巖本同調泛梗借秋鳧客窻富
述作架筆青珊瑚吟成石鼓篇光吐明堂珠突欲過前
詰浩歌夏起余憶昔少壯日百氏供仙漁撫羅金石遺
汲汲抱寸愚尊彝別款識文省體不殊禹碑奇莫識秦
碣質有餘孔壁喪絲竹汲冢穿鼃鼃心耽欲終老嗜癖
安知劬冥搜冒風雨旁參集朋徒有友手一帙索句來
相於其文爲石鼓云此近所無薄揭類蟬翅過半已模
糊可識約堪數雲龍露牙鬚四百有六十神全骨則癯
乃嗤時俗傳太肥成墨豬試玩鐫勒妙犀兕立可屠精
意寓淳朴圭角總良瑜籀擅作者名斯邈所追摹臨寫

春及堂詩集

卷十八

南遊草下

四

禿千穎或能宵皮膚積疑視訛缺停管發嗟吁髣髴求
所似隔霧貌彼姝于意或已得于心終不愉願覲希世
寶十年耿區區學士東海公遇我西江隅其官本司業
暇日得咨諏云石鼓有十幸在聖人居位置信得所天
半蔭松株既免樵牧損豈受泥沙汙古色碧黯黹羅羅
若斗樞九完一則凹其全亦岌岌乎字刻環四圍由頂以
至跌但恐拓者衆敲鏗甚其瘡以今視李唐更缺幾戈
爰我聞再太息創作想規模軍行將執銳踴躍効前驅
宣王克勵精張皇復舊輿蒐狩教戰伐詎爲從獸娛載
歌岐陽下從臣非獻諛于六義爲賦其音覃且訐赫赫

揚王靈幡幡聘田車若雷霆驚西戎及淮徐惟鼓象
可則斲削煩昆吾比鐘示來葉非金免銷鑠宗周旣禾
黍歛忽代已逾晦塞漢晉問蔓纏隱豐狐一朝陳倉野
喧傳獲璠璣別苦椎且墨登登響荒墟好事爭搆取片
紙百碑磔終鮮慨能裏虛誇金屑塗宋賢自西致元人
乃北輪是鼓所遷播儼與世運徂九鼎不踰泗重寶淪
須臾祖龍惡文字此獨遠焚如曰惟有歷年歸然靈光
俱磊砢三尺身翻覆如轉轡茲逢

春及堂詩集

卷十八

南遊草下

五

衆說禮樂詩書或矇而奏公雜琴瑟笙竽樞門鼓成列
貴等球與圖雖不在房序亦感聖意孚潤色文藝苑點
綴仁義衢宮牆闕美富屬目萬士夫緬想中興日孰謂
王道迂況自
聖朝來文治久涵濡薦紳際太平古物勤爬梳竹垞志
日下爲攷經史腴源流謹考辨宏博信非誣錄正趙氏
誤記指歐公疎摩挲景玉篆碎匄叩銅魚予初入長安
塞默爲詩道風塵倦干謁卷懷不再沽弔屈來湘潭竹
深聞鷓鴣感此託物吟南天遠躊躇鶩精役萬象匪云
轢韓蘇與石期不泯逸韻傳巴歛高議排羣疑追琢纖

瑕除十鼓儼手捫既捫復繪諸逢逢鼙音發我亦援黃
桴孰爲魯爲薛節奏方圓符雷鼓敢輕擊郢唱庶不孤
莊生出卮言惠子仍據梧旅處疊酬和毋使杯觴枯俯
仰橫古今清酒斟百壺

春及堂詩集 卷十八 南遊草下

六

春及堂詩集卷十八

春及堂詩集卷十九

錢唐 倪國璉 穉疇

湖南吟葉上

聞雁

西風動涼秋木葉漸蕭瑟候禽何處來遐征帶霜白驚
寒度重雲嘹唳感羈客憑闌正憶遠日送杳無迹援琴
寫遺聲髮髯迴羽翮緜緜湖水寬悠悠楚天碧

聽雨同竹巖作

清秋羈思已無涯暮雨驚聞入竹斜匝地岳雲龍未蟄
拍天湘水雁無家低窓颯沓侵燈燄永夜潺湲感鬢華

春及堂詩集 卷十九 湖南吟葉上

一

幸與故人同薄醉連牀不覺語成譚

竹巖對月懷鄉因有同歎

根觸鄉心遠洞庭亭亭霜月下疎櫺十年情事堪重憶
千里風濶更飽經虛擬落紅飄錦席劇憐短綆汲銀瓶
吹燈且作刀環夢吳越諸峯入眼青

秋憲卽事贈高丹泉

搖落何關昨夜風井鴉啼老碧梧桐花生彩翰虛成夢
霜染吟髭欲作翁投足莫嫌當路晚畫眉肯闕及時工
天涯撫事空騷首我亦隨陽侶雁鴻

賦得玉壺冰二首

抱潔初凝座含輝迴在壺空明原獨貯清潤合相須有
象非雕琢無瑕託瑾瑜節堅寒更皎心朗月同孤塵滓
何緣入澄懷自不渝正宜懸藻鑑永作玉堂模

好待凌人薦先澄白玉壺色同清徹底光合瑩如無水
鏡全輪滿銀丸一片孤凍痕騰寶氣天質肖良瑜表裏
神俱朗圭璋德共孚孕靈猶在璞皎潔抱區區

鶴鳴

久狎塵寰骨自奇不禁清唳好秋時碧天空濶長風起
脩竹離離暗露垂引吭似人多激越翦翎與我共支離
沉沉崑閩無消息啄盡苔苔願步遲

春及堂詩集

卷十九

湖南吟葉上

二

聞鐘有感

窻紙猶看墜月明隔林風遞曉鐘聲敲殘客夢驚孤枕
催動霜寒滿一城南土偶來同幻住中年欲過感浮生
山禽似我清無寐樸樸枯條又早鳴

竹屋

如椽楚竹截湘烟小築衙齋愛靜便良夜素琴宜獨坐
清秋孤榻借高眠經營好作千竿計去住寧論十稔緣
投老閉門稱抱節可能移向舊江邊

雁來

朔漠霜寒日夜催南翔與客共徘徊正期書至聯翩下

忽共琴鳴次第來接影遠橫雲母嶂遺音直過楚王臺
天涯儔侶還相慰細啄清湘兩岸苔

咏劍二首

寶氣能上騰奇光不可覩是非博物者孰採華陰土
似水欲瀉地出匣蛟龍驚利器輕未試戛然中夜鳴

濠梁觀魚和竹巖

巨魚掉尾翻波紅細鱗逐隊如遊空客來清濠擬莊惠
人影倒漾明漪中鮮鱗潑潑非所羨與物忘機隨隱見
東海收綸嬾釣菴江鄉自足尊鱸饌微吟獨往興轉豪
寓目一洗風塵勞碧潭溶溶春藻嫩此樂庶足同吾曹

春及堂詩集

卷十九

湖南吟葉上

三

我憶經過淮水上席帽絺衣秋正爽跋浪何曾挾雨飛
潛淵且共臨流賞

蘆花簾

絮冷成團露未晞纖簾誰遣上秋機低垂便擬銀蟾照
乍捲曾教玉燕飛寒影半鉤高士奕素華一桁美人衣
白鷗信我同盟意千頃烟光護竹扉

寓齋有菊數叢秋深花發感賦四首

裛露昔遊彭澤徑餐英今到楚江濱花應笑容仍飄泊
秋解於人慰賤貧細雨過籬尋勝友晚香插帽結比鄰
白衣此際能擔酒斟酌何須漉葛巾

欲制顏齡髮已華忘言相對復天涯且判竹葉傾蕉葉
得賦黃花映白花好種定和秋士瘦疎枝如爲隱君斜
明年仍作長沙客闢地三弓養舊芽

亂抽圓纈散芳埃牆角還同著意栽傲節豈能隨草萎
孤叢今始殿秋開愁中寂寂清霜冒夢裏蘧蘧冷蝶來
我佩瑤華羈澤國南山不見亦悠哉

鵲翎金鈿秀堪餐邂逅涼堦白露溥九月向來隨地賞
百年於此撥愁看舒華到底如人淡耐久猶能及歲寒
岸幘西風吟興健爲君終日凭闌干

後菊花詩

春及堂詩集

卷十九

湖南吟藁上

四

客居一載又遇黃花索處三秋重看白雁鬢邊
霜點不免金英笑人籬畔露垂尚愛晚香開徑
沉宿根分植積晨夕之微勤而圓藥齊舒歷嚴
凝而彌秀雖種非殊異而致各幽妍感彼貞心
抒予旅緒棲遲南國若杜老之再逢寄傲西風
續陶家之舊詠二三同志屬而和之亦以存節
概於風塵托比興於景物云爾

楚澤荃蘅幾品題羈情今復對芳畦種從雨後親分得
花待人歸始放齊隱几醉餘纖月冷繞籬吟遍夕禽啼
生平此愛空殊衆舊徑三三草欲迷

黃金爲質玉爲胎爛漫西風又此回繁葉不刪隨意緒
疎香何限散莓苔蕭蕭葉落高人過淡淡霜凝故友來
相賞但期存本性一尊新秫爲君開

籬落蕭疎送九秋數叢真自解忘憂肯將標格從時尚
却抱芳馨到晚幽酒客漫容歸白社詩翁誰遣入黃州
幾思插帽招尋日細雨閒園領勝遊

陳根依舊吐氛氲耐徹清寒已十分經歲元功收異地
一年花事絢秋雲開當石徑蕪應翦移對松窻酒易醺
欲寄所思偏莫致落英時候感離羣

十月一日天氣和煦諸公共遊東亭余以微疴不

春及堂詩集

卷十九

湖南吟藁上

五

往竹巖有詩因和其韻

花馥寒籬蝶舞酣初冬風物似春三客逢遊覽寧辭倦
病怯朋從獨負慚步緩想尋芳徑北望遙應遍楚江南
繚垣山入斜暉好却讓清吟對紫嵐

春及堂詩集卷十九

春及堂詩集卷二十

錢唐 倪國璉 穉疇

湖南吟葉下

望嶽麓山

衡齊日有看山緣西峙晴峯壓檻前潯池自通衡岳氣
翠微猶隔楚江烟禹碑字漫春蘿長講院人遐古樹妍
杖策欲尋麋鹿徑好攜詩思白雲邊

山中觀桃

昔來樹底嘗秋實今見新枝爛漫紅二月芳華銷客恨
一天微雨助春工如含宿露稍初重似浸流波葉易融
春及堂詩集卷二十 湖南吟葉下 一

題畫

記取湖南盛花事綠曾相對晚迷濛

黛色斜拖樹欲春鏡湖一曲淨無塵版船載酒輕搖櫓
疑是風流賀季真

賦得林花著雨胭脂溼

豔陽催放最繁枝好雨無私亦有私雷濕獨看紅錦重
鮮妍不受碧烟欺斜臨露井開春面橫倚莓垣點薄脂
何似曲江初泣影冷香飛入杜陵詩

春歸二首和韻

客窗怕聽雨潺潺況是春深草色閒縱酒正宜嵇與阮

工詩何必謝勝顏柳眠柳起鶯聲老簾卷簾垂燕影還
一自弱毫隨泛梗舊鄉孤負幾青山

援琴自寫水潺潺坐對爐熏心手閒靜念那堪追斷夢
曠懷聊可駐芳顏楚天歸雁行行杳晚岫浮雲片片還
九十風光易流轉臥遊畱得卷中山

又二首

竹爐湯沸響潺潺著工夫頗未閒紅蠟宜看花外影
白氈休問鏡中顏夢餘蝶翅飛無定波面鳧雛倦亦還
試倩好風開霧幔楚山何必讓吳山

湘流日夜聽潺潺不及浮鷗去住閒蘭砌挑燈思課讀
春及堂詩集卷二十 湖南吟葉下 二

椿庭奉酌憶承顏魚沉碧水書難到鳥嘯殘春客未還
強欲登高舒望眼愁腸忍割劍鉞山

詠棋三首

松陰寂無人欣然聞落子誰云雪堂叟生平未解此
橘香方對局鶴髮風蕭騷以我玉麟隨賭彼青霞膏
皚皚雪覆屋婦姑中夜談仙機隱餘巧一劫畱東南

常德江口喜雨二首

甘澍洶沱正及時滄江霓化不成雌潛蛟頭角初無異
一雨能令萬物滋

江聲不及雨潺潺潤澤枯焦莫更慳誰借洞庭三尺浪

好從馬首落雲間

洞庭玩月三首

大湖烟淨月流空，貝闕龍堂可耐風。吹動碧瀾三萬頃，爛銀盤裏火初紅。

水國珍奇鬪玉盤，驪珠光皎蚌珠寒。天邊影落還搖漾，未許魚龍正眼看。

湖波片片濯銀蟾，不定浮光繞畫船。千億化身君識否，舉頭一鏡靜當天。

舟往常德過天心湖

沅湘浩浩碧流通，六月西行每候風。楚客目隨湖水闊，

春及堂詩集

卷二十

湖南吟藁下

三

榜人歌似屈騷工，揚舠遲度蛟龍宅。牽纜深穿蒲稗叢，恰憶詞翁獨銷夏。北窻吟臥對雙桐。

往岳州

錦囊多好句，今向洞庭收。萬頃烟波上，遙看結蜃樓。

重陽前一日

守風江渚晚風靜，水明霞明日已陵。道當杯有菊花客，裏度佳節詩豪復酒豪。待看誰落帽，能似孟嘉高。

泛洞庭湖

湖波未落雁初來，桂楫蘭舟向曉開。天闕靈區鍾九水，客饒古思引三杯。商歌豈必驚魚聽，朗月還看吐蚌胎。

南望長沙星一點，好風爲我寄詩回。

鼓舵真如泛海行，四圍惟有空明飄搖身。在乾坤外浩蕩情隨鷗鷺生，狎浪浮沈篷艇小。分風來往席帆輕，如何消得君山恨。霧鎖烟籠翠黛橫。

日日風濤撼岳陽，魚天似墨斷人腸。孤臣香草何淒冷，帝子靈旗亦冥茫。野鶴飛回初顧影，暮鴉啼徹正懷鄉。頻年湖海悲搖落，不及篷窻此夜長。

高樓已廢古城隅，仙客來沽事有無。自昔雄文傳勝概，從來奇險號名都。襟連江漢分三楚，帶引衡湘長五湖。

木落天遙波浪濶，秋風難畫老漁圖。

春及堂詩集

卷二十

湖南吟藁下

四

巴陵雨泊二首

千里秋陰暗楚臺，水天何處撥愁開。篷窻十日無歸夢，夜夜驚濤撼枕來。

江湖搖落十年心，細雨斜風冷不禁。欲遣漁翁吹鐵笛，浩歌齊和水龍吟。

阻風

西風三日滯歸船，雪浪爭飛白鷺天。渺渺予懷愁薄暮，冥冥雁影入秋烟。沮洳沙岸饒鰕菜，軒簸篷窻廢食眠。何似老漁生計穩，綠蓑青笠住年年。

瑞菴貽紅梅一枝賦謝

有客同幽好看花每恨遲能將古豔質贈我寂寥時春
色融疎蘂霞光孕一枝隔簾風正勁相對愜吟思

得積山所寄水蓮吟藁

連宵夢故人乃得故人詩展卷數回讀天涯歲晚時微
雪灑竹色歸雲冒松枝此時遊子心惟有故人知

贈朱半塘名介圭字亦韓吳人雍正初曾上封事六條中丞某公因詔舉賢良薦之於朝

一諾酬知重江湖泛雪來詩題賈傅宅劍拂楚王臺似

有班荆舊驚看草檄才萬言陳政治曾侯

帝閣開

春及堂詩集卷二十 湖南吟葉下

五

比屋終年住相知何間然奇光懷白璧直道擬朱弦鳴
鶴音相和飛鴻信屢傳老親瞻望眼應策祖生鞭

未吐虹霓志其如少壯何心隨湘水遠目極楚雲多執
射名徒博彈棋妙孰過堂堂春又晚白擊唾壺歌

入世經綸手逢人冰雪腸澄輝須照膽斂鏑是干將萍
聚滄波澗蘿牽翠栢長惟君重交誼容我醉言狂

別曹巖湄

友朋各異尚合志無不可三年見精勤而能作余情昔
時偕來人惟留君與我今我復言旋如花剩孤朵惟君
善清吟塞座書冊夥展玩豁羈愁于計或非左推案偶

乘暇臨撫興亦頗渴驥與怒猊迥健歸帖妥咄嗟人間

事明者若觀火龍螭竟何常毋使客眉鎖掀髯呼小阮

引厄澆磊砢岳麓松翠齊清湘蓮子墮汎梗縱隨風有

約期信果願壁洞庭柑柔櫓同輕舸

重泊南昌聞鐘有感

昔於城裏聽鐘聲使院蕉窗臥月明今夜沙洲停客櫂

隔江餘響若爲情

卽事偶成

高賢初至我將歸槐葉新陰燕子飛偶坼家書徒意亂

欲驅梅潤恨香微忘機共識鷗心遠多病難教鶴骨肥

春及堂詩集卷二十 湖南吟葉下

六

却喜幽窗開畫卷一株松翠護烟霏

春及堂詩集卷二十



春及堂詩集卷二十一

錢唐 倪國璉 穉疇

燕雲集

露筋祠

蕭蕭榆葉古祠秋正有南風送客舟遙望短垣平浸水
白蘋紅蓼總清幽

東阿曉行

趁月征蹄發霜華滿客衣垂鞭行得得敲笳影微微城
遠荒雞唱鈴喧宿鳥飛漸看東旭動柳外數星稀

沙河站題壁

春及堂詩集卷二十一 燕雲集

晚息行程遠非關道路難雁南人自北霜白月初寒踽
踽從時笑勞勞強自寬征禽收倦翼聊寄一枝安

任邱遇風

計程常畏雨策蹇怯當風退鷁身翻後羝羊路欲窮衣
緇人面改沙捲夕暉紅我僕行尤澀趑趄背似弓

趙北口

雁齒紅闌十二橋荷翻翠扇柳垂條扁舟刺櫂歸何處
唱斷菱歌煙水遙

白溝河

一帶河流峯萬朵碧琉璃外畫屏開長途忽醒塵沙眼

不斷嵐光馬首來

抵長新店

已喜天衢近幾忘秋路賒好松低引路流水曲當車旅
食辭塵飯吟情斷馬撾此宵安客枕晨起看朝霞

晤同年沈載歐編修承示甲辰在禮閣受卷憶及
長孺并余以遠館不得與試有西粵西江英雄

頭白之句感賦二章奉謝

落拓驅馳總爲貧十年空自走緇塵何當館閣紬書彥
遠憶江湖載酒人春去堂堂慚老大髮餘種種負交親
天家恩澤今如海可柰虞生骨相屯

春及堂詩集卷二十一 燕雲集

金君信是出羣雄卓犖才多氣吐虹一自粵中勤負米

可堪蠡左共飄蓬鯨翻海浪推難弟鳳翽梧岡羨數公
盛事昔年同研席凜存堂裏桂初紅載歐長孺皆與徐
浩軒蒙宰凜存堂

文課今同會諸公成進士者已過
半矣長孺有弟雨叔亦舉孝廉

九日朱鹿田水部招飲時將往天津卽席賦別

佳日聚京國盛筵遲莫觴昨夕雨泥塗今流素月光良
晤愜所期持螯君子堂階前菊露垂秋燭明孤芳津門
引寒樹鴻書遠攜將春琴續賞音十載情難忘辛丑到
都鹿田

嘗邀予
彈琴

自笑

自笑閒關道路賒故山偶住復天涯揚舠正冒西江暑
策蹇頻衝北地沙蛾影未工描黛綠雞皮強欲鬪鉛華
獨憐詩卷隨行李無限朝暉與暮霞

荅沈藥城

燕市行吟酒不賒茫茫塵海復天涯孤情只憶鶯啼樹
旅跡都如雁在沙老去著元藏錦宇雪中飛白寄瑤華
隱侯吟力平生健好待春風結綺霞

題李蓴川獨釣小照

靈和春柳絕堪憐不及蘆花淺水邊想得蓴川清夢穩
一竿明月老漁船

春及堂詩集

卷二十一

燕雲集

三

我從湘浦廻蘭漿君自津門感昔游猶記楚天秋一片
晚來鳴雁逐扁舟

一室

時下榻童
葵園宅

一室似舟中三楹次第通書船同米老畫舫擬歐公茶
響如乘浪弦鳴且御風江湖有餘夢安穩夜燈紅
三年羈楚水小住復漁舟風月虛中座琴書置兩頭
寒日暖隱几夜香畱莫負陳蕃榻清吟與細酬

贈陸勉之

借余館
津門

幸有高軒過羈人不獨吟情諧標遠韻調合異凡音雪
柏心何古雲蘿翠自深沿流通剡曲興到卽幽尋

故里緣偏隔論交實舊知靈蛇乘變化翮鳳久棲遲
伐木秋林響他山暮雨思彩毫期共浣沽水未冰時

鐵雀

一簪分羅氏盤飧念細微羽輕偏號鐵脂滿卻低飛
沙市欺魚賤津門敵蟹肥未如書案雀朝暮總忘機

十月三日雪

掩戶青燈冷開門翠竹斜豐年初見白北地早成花
書借寒暄映堦疑月色加數株沙樹外忍凍有棲鴉

冬夜觀童葵園所藏書畫諸名跡

得意都忘有管城流傳妙跡豈虛名漫容我輩勞題品

春及堂詩集

卷二十一

燕雲集

四

如見前賢古性情舊搦墨畱蟬翼薄斷縑竹見粉痕生
追摹幸慰平生想此夕銀花吐短檠

鹽

津河北岸積鹽八百萬斤官私不敢動名曰
鹽祖不知所自起或云以鎮地脈今尙增高
不已設役守之

名尊鹽祖積河灣日日千艘繞雪山調鼎何人施巨手
薄將醇味散人間

贈王亦爲同學

王爲中翰亦打先生次子寶應令
嚴策之弟精於醫寓津二十餘年

令嗣亦

善屬文

清詩一卷伴吟裝畱得中書妙墨香爲想野航同釣隱
荻蘆深住水雲鄉

中書君詩
名野航集

西江夜湧龍沙月淮水秋平寶應湖我有遙懷通伯仲

雁行書信得傳無君弟在臨江府吏隱鹽倉

天涯同里最情親況接容顏似故人聞道花林能濟物

三津吹遍鏡湖春

漸消青鬢到中年共笑看花似隔烟乞與菖蒲餐綠髮

應勝句漏吸紅泉

和葵園樓中望雪元韻

隨風靄靄復浮浮著地都如柳絮柔屏卻俗塵看素豔

高吟人在喜春樓喜春樓葵園所居余爲八分書題額

聲如碎玉想清幽鶴鵲焚香似竹樓更上一層舒望眼

春及堂詩集卷二十一燕雲集

五

瓊田真已遍神州

游海光寺贈芸暉上人

昨日曾窺海今朝見海光蓮宗開水殿佛土借漁梁花

落孤龕雨寒銷丈室香深公能款客四大且爲牀

贈童葵園

文章事與性命通人間雕績徒誇工豈知浮華鮮實理

坐見銷落隨飄風我友津門稱作者浩蕩詞源玉河瀉

儘多妙語鉤幽元天質全非金粉假自言疇昔曾微叅

掩關三月力已殫豁然身心忽開朗春融冰釋非虛談

以茲本性全明覺珠已含胎玉藏璞山川隨處露光輝

自有妍詞不須斲我聞徹悟人灌頂醍醐醇烟雲與草

木觸手皆成春笑我癡頑枉蠹書鑽研古紙習難除何

當一切屏鉛槧息心靜卧花中廬

墨菊吟贈張甫直

張山西人善書其筆皆自製硯皆自斲所書擘窠大字尤佳

淡不入世人眼瘦不飽俗士腸惟與隱君肖清節疏枝

圓蘂含微霜有墨烟近遠有筆蛟屈伸腕底攝素女幻

出花精神君攜畫卷長安道長安珠屣迎爭倒鼠鬚力

勁玉蝓寬十丈鴛溪驚電掃西風吹老菊森森遊懷萬

里生秋露退穎如山硯成白誰識與花同苦心

游香林道院

在天津河干門外可望海

春及堂詩集卷二十一燕雲集

六

兀坐了無得掩卷思延趣詩翁雅善遊近指元關路香

林叢翠靄只隔土津渡遂從漁父櫂一憩仙人樹曲檻

初鳴茶長廊漫畱句喬柯葉始疏蒼蒼不知數倒影入

寒池還垂碧蘿護緬思玉笈叟高致猶可遇座中山水

彈弦寂鑪未炷弟子抱遺響守默還太素階前蒼麝鳴

胎禽亦振羽雲木細籟生悅耳如逢故天機靜中發欲

借松軒住吾性有大還苦爲塵緣誤出門向海若九水

看同注東溟日夜深浩淼歸何處

遊海光寺

積氣滂浮空大地亦水載城南本滄波忽湧青蓮界良

曉遶寺門平遠江南概規模尙宏整荒寂殊可慨昔聞
湘上人徹悟脫世械灑翰卽禪理遊戲仍自在高名感
先皇方外頻召對崢嶸闢覺場珠殿

宸章賚何知勝緣空彈指分顯晦天童一錫飛潦水頻
年匪昔時莊嚴地旋看就荒穢鯨音寂不鳴魚網腥屢
曬虛廊剩孤僧試與談興廢幢危朔吹搖閣閉寒雲暖
水月想清修曾見虛空碎瓣香紹祖庭孰行南能派

雪夜懷沈樂城俞帝簡

暮冷襲重帷蕭蕭灑庭霰初進杯中醪未盡燈前卷隔
城念故人對咏呵冰硯天涯感寒宵夢繞梅花徧獨鶴
春及堂詩集卷二十一 燕雲集 七

鳴一聲吹落香幾片

樂城見和疊韻再柬

竹屋本無譁碎玉時聞霰開函獲連璧寸楮破萬卷花
生新削穎雲集古凹硯素壁發奇光輝映琴書徧氤氲
小博山亦吐春一片

樂城再和又次韻奉酬

初陽已潛回寒花不成霞偏來東野吟冰雪驚滿卷美
人愛清鏡文士寶佳硯癖嗜恒於斯口咏當萬遍試燕
海南香何似梅檀片

春及堂詩集卷二十一

春及堂詩集卷二十二

錢唐 倪國璉 穉嚳

竹窻集一

送朱鶴峯還西湖 庚戌發榜前一日

竹窻晨夕共惜別景悽然月井溥清露琴心滴暗泉升
沈知有定遇合信多緣歸日追遊典殷勤寄錦箋

殿試後在鹿田水部寓齋同王雪子雨中作

精誠

聖主齋清禁車牛龍興殿角雲獻策昨曾翻墨浪閉門
今且對波紋雨宜瑞麥如珠落詩有名香帶溼熏積水
春及堂詩集卷二十二 竹窻集一 一

空庭堪一笑盈盈宛在我同君

爲霖莫作漏天憂快慰農人禱祀求擁鼻聯吟無過客
添衣孤坐似涼秋

仁恩解澤原同渥

法駕龍驤且共畱細檢玉杯傳竹冊昌言能繼董生不
雨足郊原分外甘客壻如治亦汪涵似移茶具臨江檻
忽訝窻櫺入鏡函曲水亭前依石坐洞庭船尾接烟譚
衰鴛濫許攀雲路健翻樓遲重我慚

和朱鶴峯昆季春遊不遂原韻

伯仲遊春展虛教蠟幾雙風花過令節筆硯共深窻未

駟紫絲騎須傾紅玉缸醉吟英妙句自笑老眉龐

爲同年林晴江編修題玩梅圖

梭梭風格玉槎枒繞樹吟看碧月斜半夜夢應通庾嶺
一枝春早屬林家白衣望重烟何濬翠被寒生鳥不譁
畱取古香高韻在無言直欲屏鉛華

題焚硯圖

玉案文窻幾許心十年研覽待知音才人底事思焚硯
我亦臨堦欲碎琴

竟界炎官竭墨河石生無力挽蹉跎但疑虛熾陰陽炭
青鐵銘成更可磨

春及堂詩集卷二十二

竹窓集

二

讀積山五兄新著詩文率賦呈教并命兒子

承寬

搗篇就正

百鍊詩文亦得仙刻藤栗尾送華年湖山覓展吟懷淡
風雨挑燈書味傳柿葉徧題開古帙雪花初釀映新篇
憐予有子方求益許效侯芭拜榻前

爲孫介亭題照

幽鳥有時到俗塵無路通數枝香雪裏吟坐見詩翁杯
蘸蕭疎影牋飛撲簌紅竹聞孤鳳嘯吹出石林風

題厲樊榭同年湖船錄

十年飄泊歎勞人浪大如山幾問津那得穩從天上坐

與君同汎錦湖春

天上坐
船名

花發沿堤柳挂絲輕舸如葉蕩晴漪却思白石流傳句
搖動青蘆一兩枝

竹枝譜就錄船名總爲明湖到底清他日常筵歌小令
夕陽今古不勝情

寄王爾玉同學

振翮仍爲斂翼歸白雲徒繞舊廬飛螭坳墨淺邀恩
切馬鬣封高恨力微葛屨驚心霜草冷枳籬迴眼菊花
肥如蘭幸得朋儕聚甘雨應隨玉屑飛

題冬心齋古硯銘後畱別金壽門

春及堂詩集卷二十二

竹窓集一

三

博稽樊榭湖船錄酷愛冬心古硯銘我欲青篷借處士
蘸池臨寫換鵝經

硯別名
石處士

久客暫歸翻似客良朋聚散抵萍輕篋中一片羅紋石
又伴春風賦別情

和積山見贈句

天涯歷歷問迷津只有良朋知我貧總與光陰同是客
可堪少壯不如人雪中梅蘂蕭疎憤風裏蘆花聚散頻
孤負冷泉亭下水未能重爲洗詩神

題蘇畔餘學師愛吾廬集

知我等生我伊我眉山師教思罔不被鑄人若有私樗

材受郢削拂雲參高枝轉憶守蓬樓才劣非數奇夫子
獨刮目不以迂拙遺年饑釜庾惠歲寒膏火資我或幸
得名夫子快軒肩我或偶蒙謫夫子力置辭芬言辱獎
借推挽欲並施道合露真性義高越恒規大鏞隨叩鳴
明鏡忘照疲太和有獨厚不但春風披嗟我運方蹇虛
喜得深悲棘人痛咏夢何以副遠期但感廿年來寸心
強自持小人抱耿介謬爲長者知人情異冰炭白首猶
相疑買絲繡平原肝膽復向誰頌德難爲工不如陳質
詞明堂鐘鼓奏亦開竹與絲

同江聲撰著

辛亥四月
二十六日

春及堂詩集

卷二十二

竹窓集

四

旅況如懸旌稽疑此情同夙約待休沐齋心叩鴻濛拂
拭古阜囊筆硯位爐東焚香齋虛窻盟水煩奚童再拜
禮則虔執策神明通推行互主客各致虛靜衷旣慎掛
扈儀參伍徹始終恪立無敢惰斜日移房櫳泰筮明告
我奇古發焦翁我得麟鳳祥君有濟川功惟君念高堂
碧萱茂春風我方事先塋小松插荒叢回望鄉國遙獨
寐憂忡忡至理闡神蘊玩詞等發蒙如響倚幽贊三復
慚微躬

九日獨遊城南次符葑林看荷原韻奉東

清秋雨洗長安埃白雁已逐黃花來沙塵步履發孤興

尚及南郭殘荷開忽如拔身塵塹外便得放眼蒼嵐堆
魚梁欲作濠上想水樹儼學江南栽平泉有景果誰賞
輞川得句何人陪此地如移近旅寓一日豈厭行十回
垂條翠引石氏幃碧簫香瀉陶家杯林間僧磬正破寂
譙樓戍角休吹哀君之詩境予亦往詩腸晚共車輪迴
明年花時約同玩板橋人影雙低徊

遊陶然亭

時九月二
十八日

流緇盈九衢忽覩烟水冷搖蕩雪蘆中不知秋幾頃幽
亭接梵舍憑高延衆景開軒爽氣生隱几塵緣屏雲木
鬱扶疎郊壇閤嚴靜尤宜拄笏看積翠亘西嶺瀟灑吾
春及堂詩集

卷二十二

竹窓集

五

詩儔佳處各有領想見夕暉斜林塘下紅影地僻物自
閒慮淡趣彌永迢然發孤嘯沙鳥相與警

江聲葑林皆
有九日遊陶
然亭詩

謝周浚明畫墨菊

乞畫得墨菊兩幅各分奇一以墨勾瓣淡淡霜初施一
將墨染花團團烟中欲移君愛蓮意幻此幽人姿重陽
我無菊對畫宜銜卮有如燈寫影素壁香離離因憶故
山徑細雨橫幾枝末由採盈把且復寄遙思

詠烘豆和符葑林

采菽存古風落其想高致火焙本吳中千里遠封寄有

如茗甲新亦慰秋尊思開緘挹清芬盛杵發蒸翠含咀
覺蕭爽饜飫壓肥膩綠光珠點圓脆響齒鋒利瓜當豈
能侶笋脯庶堪次筠籠勞女手纖纖逼炎熾應候輕一
捻味全色亦異鄉物人所甘詩翁癖尤嗜朝飢偶細嘗
夜永或煩試請煮雲門茶幽窓成白醉

送同年王雪子赴陝西幕

西藩有大賢名士遠羅致杪歲達瓊函方春秣征騎人
生感知已爲攬千里轡君才無不可球壁從位置豈無
離別懷未勝慷慨志邊陲尚籌策幕府待諮議盾鼻不
足磨大檄淋漓字顧我藉同心京華慰願頓今君向秦
春及堂詩集卷二十二 竹意集 六

再送雪子以坐惜故人去爲韻

離緒鬱難平蕭齋成兀坐草痕記初生征輪雙碾破
昨夜燈前譚今朝烟樹隔西山一抹青別去寧無惜
遠遊亦夙因久客爲貧故願君行康莊一騁驂驛步
海內孰相士寰中大有入藉手玉井水灑潤敷威秦

春雲見孤飛黃鵠還雙去到時春幾何鞭拂河橋絮

寄荅雪子

君初西入關細草萌遠情今君寄書至綠樹陰初成開
緘五字詩宛轉離恨生終南佳氣中遙筆思縱橫幕府
豈寡歡談笑掛名卿奇標嶽蓮聳藻潤河渭傾有酒慨
洪量宜對秦川平不鄙同心言願結介石誠薰風被原
野奕奕聞令名流光若颺馳離合春池萍相期翦燈語
逸韻還重賡

江聲五十初度

雲龍孚以氣友朋合以神潏然形迹外始見情性真惟
春及堂詩集卷二十二 竹意集 七

君品邃穆不拒躁率人惟君學浩博而與淺陋親觀摩
日有益弱羅託高筠吾貧走四方噓枯一何頻傷離篤
交誼贈言篋中新吳楚天一隅結思猶比鄰今來同
帝里慶君五十辰少壯憶當年相逐湖水濱君顏不加
老進德彌溫醇鳳閣灑柔翰文采實致身廟廊方側席
從容侍

丹宸祝君引卮酒古義許重陳南屏石嵯峨翠栢無冬
春君子不易節任運隨屈伸何時得初願吟嘯在河滸
涼風動烟艇共采長絲蓴

汪謹堂前輩見余所撫嶧山碑復以素頁屬書因

題其後

平生雕蟲技癖嗜乃忘疲古文非世用索處時復爲春
餘摹石鼓鬱律走蛟螭八體擅作述前篇後則斯太山
覓秦篆風雨剝蝕之有如姑射仙霧籠冰雪肌茲碑紀
登嶧深刻隱屢屢臣斯臣去疾敬頌功德辭滅六一天
下戎臣不經時銷兵救黔首永無爭戰危詎識攻守異
矧無仁義施徒誇銘山筆不禁揭竿旗荒忽二十年歷
劫已莫知誰於野火後鐫勒求其遺二百二十字字字
光陸離刪繁神慮精霜隼瘦愈奇釵頭與鼎脚髣髴存
舊規秋憲把筠管腕弱遑難追聊云具點畫那復論妍
春及堂詩集卷二十二 竹窗集一 八

媼先生信好古一見生歎咨示我瘦金法素帙來相貽
手畫烏絲闌寬以日月期畫馬貴肖骨縮龍恨無師覲
視尋斧柯局促效顰眉舞蕉一已甚再試徒爲嗤聞說
詛楚文令我坐臥思乞靈盟亞駝字體妙參差何當挹
古香敢缺借書紙

輓陸勉之同年

天涯識君晚友文亦友德良朋忽徂謝魂驚心痛盡食
祿未及期忽報光華熄溫醇金玉姿彼蒼不扶植五十
得名遲未償稽古力憶同君訂交津門寒已逼一見如
夙好呵凍馳翰墨長鬚日傳篇慘淡意匠極君爲摘瑕

疵我亦肆狂直所期敦古懷引滿無虛弋同車指春期
已決戰必克高鳴振翮羽拔尤邀

睿識枋底快伸眉鷗鷺附鴻翼期君入玉堂乃效司農
職名增粉廊重品亦鷁行式我痛親喪歸君爲歎顛踣
方春再相見紆紉徵顏色子來病忽嬰室至愁共卽積
瘁成隱憂一朝聞疾革脂車欲趨 朝玉折在頃刻君
能步星躔胡不早推測君能決筮卜胡不先掛勑含意
無一言嘔血遂塞默案頭有君文展讀長太息大寶發
光怪奇才露英特斯人豈宜忘潤色足華國詎知造物
者彼豐此乃嗇醇懿當無窮金蘭誼空憶涕揮冰雪中
春及堂詩集卷二十二 竹窗集一 九

黯結寒雲黑商畧聞元言依稀夢中得

題鏡湖載書圖

扁舟渺何許玉笈攜滿牀雅好豈云癖行遊未能忘此
中如載酒獨酌共評量更或載孤鶴引吭同激昂眼前
雲嵐翠開帙延清光玻瓈千頃明鑑此萬古腸涼風動
蘋末蒲帆正堪揚人生仕宦情何如鷗鷺鄉

題魏孝子北海亭呈鹿太公百韻詩後

蔬畦生古香濯木發悲嘯俠氣在孤亭碧血夜相照
逆豎殲三良旻天畱一綫纏綿千字詩已繪高人傳
忠孝氣不泯高義亦鼎峙乾坤無斯人擔荷者誰子

孝子死成仁隱君危且岌幽幽北海亭惻惻南陔什

春及堂詩集

卷二十二

竹窻集一

十

春及堂詩集卷二十二

春及堂詩集卷二十三

錢唐 倪國璉 穉疇

竹窻集二

送海昌相國予告歸里

耆年際昌期端揆綏六宇盛猷據巖廊高懷遂林圃吾
師天下望況復同鄉土陶甄在春風沾溉仰霖雨拜餞
清秋時金天月華吐海國歸豈遙湖山欣有主開堂野
初綠闢地橋名午吟情洛社健墨妙華亭嫵豈惟令名
完更快天倫聚濟美瀛洲彥侍養磨
殊數

春及堂詩集

卷二十三

竹窻集二

一

恩深杖履賜秀衍芝蘭譜廻瞻魏闕高鶴髮飄幾縷

題顧子喻石礪橫琴小照

枯桐響餘潤雅樂非世歆惟君古貌者耽此淡泊音一
彈天風來再彈春礪深瑤草紛以碧石室冷崎嶇高意
定何寄曠然玉山岑我欲傳妙指希聲何可尋

贈王寅直舍人

勁松凌冬寒秀色含貞綠不爭衆芳妍獨友巖下竹君
子挺孤標古意越流俗同心只二三味淡意彌篤惟君
住京華我亦共鄰曲晨夕每過從入室蘭自馥問花好
雨時索酒新篳熟相對偶銜杯亦以道義勗形忘爾我

間跡脫主賓肅年年西風高寄興到籬菊君歌我頻和
此意迥然足一官任升沉委運肆遐矚宰相自識賢逢
時匪干祿君才能濟物君貌豈常伏蟠鬱胸中奇吐照
光煜煜精神似方壯未信甲周六我年始逾艾引鏡秋
鬢禿切胸恃良朋閒過庶遠辱清琴爲君彈三疊仙音
續置身醇樸中高意領含蓄

癸丑元旦早朝

正旦霞明綵仗間呼嵩初得與清班鞭鳴玉陛聞雷動
表奏彤墀仰

聖顏近侍茶香頒乳酪遠臣衣製舞編爛鼎煙不散清
春及堂詩集卷二十三 竹憲集中 二

鐘奏遙望雲中扇影還

八月十四日坐月

同年裴洽曉編修限韻索和歲成二首

明河星淡不聞簫欲滿蟾光豈更駛謝賦才思誇警敏
庾樓談興愛清洮修藤旖旎搖珠幔翠竹陰森建羽幃
露下玉堂涼沁骨結袍添繫紫絲條

浙水原通楚水潯夜吟應和草蟲暗林端風露光全濕
鏡裏山河影半欽清賞君能過乙丙睽離我憶隔辛壬
從來玉斧工修斲月戶三千擬獻琛

九日同人小集寓齋率成四首

雁影頻過著眼看秋容三度醉長安風蘇病骨登臨健

友得同心禮數寬客裏逢時驅筆墨酒中隨意列杯盤
向來真率堅盟約不獨黃花耐晚寒

短砌疏籬景物移畫廊相對竹簾垂分來珍果嘗堪共
買得幽花賞亦宜歸興虛同秋興遠琴心惟許素心知
中庭碧月明如昔爲照年年插帽時

引鏡都非少壯顏憑高暫得客愁刪青蒼煙靄林間葉
深淺雲嵐郭外山良會尙看豪氣在虛名祇益鬢毛斑
澹香古豔聊持贈只恐高人笑等閒

雖未成句已著花縱橫吟興爲君賒關心往事驚風雨
過眼浮雲感歲華紫蟹共持聊應候紅萸遍插漫思家
春及堂詩集卷二十三 竹憲集中 三

十千取酒黃墟近爛醉何妨鼓再撾

上朱高安夫子

物望歸元老

天心重我公 紫宸新

眷密黃閣舊

恩崇明道寬容物橫渠禮飭躬大儒居宰輔六宇太和
中

浙水敷文日中丞講席高松陰羅弟子桂馥盛英髦化
洽蒼山雨文廻碧海濤至今歌壽考萬類入鈞陶

障海金隄固管田玉粒成仁心敷遠畧儒術濟羣生天

運廻人事宏猷本至誠

廟堂方一德奕葉慶昇平

伊洛淵源接師門矩步隨緒言聞實踐典禮示成規正學毫釐辨清名慎敬持雕蟲慙末技徒荷昔年知

送錢蔗山宗伯予告南歸

容臺夙夜凜惟寅誓許閒身養性真保傅

錫銜榮畫錦朋僚供帳著

溫綸引年道合邱園貴高會詩傳洛社春他日潞公仍召拜駕湖草綠映蒲輪

聞江聲葑林偕遊陶然亭雪子同年鹿田水部同

春及堂詩集卷二十三 竹窻集二

四

登琉璃廠小岡

勝遊何似在江南萬里清秋踏翠嵐突兀山如圖放幘澄鮮水似鏡開函孤亭返景逢同調仄徑危岡憶舊諳滿把黃金對塵爵淵明獨爲麴生慙

琉璃廠高阜向與江聲同遊之地

贈鹿田水部

香浮康爵菊猶黃圓月宵澄玉漏長郎署十年清望著

冬官一代典型詳分來秋米誇方朔賦得新篇奉汝陽

風雅搜羅勞哲匠佇移臺閣細評量

時方選輯國朝諸名公詩

鹿田出守澤州以書箴贈行率成六絕句

水曹清譽孰爲儔特簡還臨古晉州萬軸書多行李少

公餘吟嘯最風流

十年往事託知音樺燭春盤理素琴粲字詩成追險韻卽今難譜別離心

墨灑松林與蜀箋清吟投贈盡堪傳書成不愛籠鵝去一笏名香且細研

詩人病榻似維摩秋雪吟成嬾自哦忽喜眉間黃色映長貧已療況微疴

蜀山危棧剡溪雲繪入詩篇妙十分添得唐風應更好郡中義叟最能文

青檉紫萼結靈根妙藥時須定客魂緘寄遠煩珍重意

春及堂詩集卷二十三 竹窻集二

五

伴君錦鯉到蓬門

送同年高雲亭檢討侍母歸諸城

玉署推同調如君洵罕儔石麟初應瑞雙鶚並橫秋福備基先德名成感昔遊獨披新賜錦照耀海東頭

奉母遄歸去秋風畫錦行安車親捧轂迂道緩爲程戚

友瓊筵侍兒童繡襦迎

君恩方側席莫帶故園情

送嚴十區檢討同年暫歸西湖

軾轍肩齊譽早揚胸羅列宿錦爲腸花驪暫輟瀛洲步好及芳年覲北堂

舊遊歸路快經過十日平原飲未多得向長淮問新柳
已辭殘雪蘸春波

好事相尋念索居寂寥門巷駐軒車君歸慰我羈孤意
借與牀頭幾卷書

賦得輦過百花中甲寅二月內閣傳
考 圖明園作

游豫春方洽歡娛興自同輅臨花吐豔入過鳥啼紅轉
軸穿香徑扶輪入綺叢枝迎邀日映藥拂向烟籠碾藉
芳茵軟迴瞻綺陌通寧帷憐麗質緩策攬輕風並在濡
涵內均歸雨露中更看移

法駕南畝重農功時方
耕藉

春及堂詩集卷二十三 竹園集二

六

賦得柳橋晴有絮

柳及芳時最有情碧條輕縷畫橋橫日長細落隨風絮
葉暗深藏坐樹鶯綺陌蹋花千騎緩紅闌吹雪一波晴
春暉卻照分明度窓檻經過點點迎

賀梁薌林同年續卷

十二金屏裊篆烟玉堂彩筆鏡臺前吟成春月初圓處
更喜人圓勝月圓

雨窓奉懷良齋前輩

陰晴無定薄雲天梅雨江鄉境宛然小徑泥深頻滑馬
綠槐涼透不鳴蟬簾垂奕妙機先著几淨琴調潤後弦

卻羨先生坐清夜獨吹薰火校芸編

重晤葵園於琳光精舍

彈指重來入梵天花龕燈火有因緣升沈擬以空華幻
去住常看碧月圓綠雪數甌禪榻外紅葵一丈午窓前
相逢恰慰相思願聽徹鶯啼又早蟬

新秋又簡良齋

愛聽涼棚猛雨加漸看庭砌長秋花連朝潤發臨書硯
卓午香生醒睡茶簟冷水紋忘剩暑天開晚景散餘霞
西隣近喜經過便問字從教到日斜

為馮質宏同年題照

春及堂詩集卷二十三 竹園集二

七

匹馬雲程去今看繡轡同貯嬌諸宿願得意踏春風
攬天衢近顏開仙杏紅他時多快遇更騎五花驄

贈華亭顧子喻顧善醫且工棋
以考醫得官

隔垣神識洞無疑濟物功成結

主知輦路屢馳紅燕足春風頻拂紫髯絲靜涵和趣調
清瑟靈觸生機妙奕棋三尺雪深煨炭坐不忘翦燭夜
談時

和符葑林延清齋秋蘭元韻

藥接春君長花迎雁候涼一枝邀好夢九畹讓名香有
韻靜逾領無言空自芳菱裳秋更潔紉佩在騷堂

春及堂詩集卷二十四

錢唐 倪國璉 穠疇

竹窻集三

九日獨遊城南歸得蓉洲手書

秋風吹我帝城南
蘆葦彌天帶碧嵐
于野未曾逢酒擔
懷人恰喜坼書函
煩勞幕府才逾健
索寞蕭齋味早諳
那得與公金石賦
共吟佳節定無慚

爲晴湖三弟題照

淺淡春妝照碧漪
臨風吹徹玉參差
殷勤曲意惟君解
折得楊枝更柳枝

春及堂詩集卷二十四

竹窻集三

一

曾共調笙訂兩心
未應單作鳳凰吟
芙蓉肌肉春雲髻
可許桃源路再尋

吾宗雲洲姪精於醫
客居酬接之暇種花自娛
余見其吟懷瀟灑有超然出塵之趣
詩以贈之

客居難負養花天
整頓疎籬漱石泉
初發最宜當雨後
盛開常得對尊前
影移窻紙看成畫
香拂吟牋句欲仙
知我更分好種米
囊和露最清妍

送俞香樹夫子予告南歸

歸去名山太璞完

三朝恩似海天寬
墨池化雨霑南國
文苑清華歷地官

春及堂詩集

卷二十三

竹窻集二

八

春及堂詩集卷二十三

藥榜昔年邀賞識巍科有子繼鸛鸞秋來腰脚誇強健
故國登臨縱目看

南華先生以詩招飲走筆謝之

買得黃花手自栽衡門肯爲故人開病如中酒逢秋解
詩爲常逋任雨催客興曉看明月淡歸情夜聽早鴻來
涼天正有持螯約盡日東籬覆幾杯

隔巷招邀似近鄰菊枝遙識淡如人賣文自信貧爲活
落筆驚看畫入神老去樂天齋易破興來元亮醉尤真
玉杯相對敲燈處勝逐銅街十丈塵

奉題馬文毅公彙草辨疑後

春及堂詩集

卷二十四

竹窻集三

二

節堅心定自從容土室猶能究筆蹤細蝕烏丸和碧血
古藤繆結歲寒松

細析毫釐草法傳丹衷一點寄雲烟傍看小字橫釵脚
鐵石梅花兩自妍

和夏惺齋見寄原韻

天空且自斂輕翰海舶何如湖舫安秋牡丹經霜雨冷
木芙蓉隔水雲寬人知美玉求沽少我惜長才致用難
白雁尺書容易達每相思處一開看

擺脫雲羅縱雪翰危機不蹈寸心安紅牙按譜春塵落
翠管臨書墨瀟寬石閣仙機參秘奧松軒奇賞晰疑難

當年風雨聯吟卷未識何時共展看

題同年吳冠山歸櫂圖

君如從長江歸長江歸櫂雁初飛曉風振舵過京口暮
雨低帆掠燕磯君如從浙江返浙江歸櫂潮聲遠獨上
雙臺古樹秋徐牽百丈清灘晚試憶君來何如大阮小
阮同計車馬蹄碎蹴霜晨月驢背輕馱竹笈書却羨君
歸正好花暖庭開親未老白岳珠簾足勝遊黃山雲海
開奇抱君轉櫂來瀛洲閣中蔡火仍青幽頻聞雙鵲鳴
丹禁坐致三公趁黑頭權歌發君歸矣滿卷新詩伴行
李晝夜思君十二時蒼茫放艇三千里

春及堂詩集

卷二十四

竹窻集三

三

題潛陽徐氏書日後

玉軸牙籤連屋梁銀魚走避芸葉香百城未足抵萬卷
傳家有此稱墨莊徐君雅尚富鄴架縹緲紛綸盈客舍
手書排目遺後賢秘府琅函豈論價自北攜歸應汗牛
日晴都市還相求豪家子弟未能守多君不惜兼金收
朱門鼎鼎厭梁肉惟君願飽書中粟詒謀志在力自強
汲古心殷日不足我來長安每借看松窓夜雨青燈寒
知君愛護淨卷束倦來不向牀頭攤一瓶愧未相酬報
藝林遊目驚奇奧他日與君結近鄰樹根把讀從吾好

邱愚谷以太湖水剡僉判引

見來都喜晤奉贈

稜稜冰裏車輪寒高朋遠觀來長安故鄉惜別忽五載
相見各驚鬚鬢斑今春挂帆松江水覓君不遇緣何怪
今來題輿綰新綬喜君仍作吳中官奇才自足任康濟
利器已曾經錯盤當年應 詔始簪仕千夫舂鉅勤河
干繼鞭巨石東捍海百丈無與同堅完爲公竟已破生
產但博芳譽留清湍一從鳴琴理南匯仁風漸革愚民
頑士逢知己乃脫穎三吳水利稱久嫻名卿薦列愜公
論對揚

玉陞勞問關

春及堂詩集

卷二十四

竹窓集三

四

聖主勵精振百廢力求底定廼民艱白茅黃浦事濬導
注江入海分洪瀾近稽治績夏與呂永樂時夏公元吉
嘉靖時呂公光弼
具區澄碧鷗波閒政成乃不廢高詠水仙一曲朱絲彈
衙齋初構俯鴛鴦過客亦可留盤桓青蘆映門荷滿渚
侶漁許我持脩竿他時勝事約同訓眼前離思含餘酸
吳山舊雨幾星散如君逸翰誰能攀生平萬事且撥置
冰雪皎潔存肺肝朔雲低壓雁行暮松憲促坐言如蘭
好憑素抱懷澤國暖融愛日迎歸鞍

送陳毅亭之任永康

君之共祖幾兄弟同時爲政者七八華簪繼美有治譜

羣吏畏服民稱仁今君筮仕更卓犖蓮花出匣鋒嶙峋
天階奏對

聖人喜

主知特達超常倫改銓分符到鄉土榮比畫錦誠
殊恩願君豈弟作父母務以盛德孚愚民昔云疲難今
易治琴堂坐嘯春風春我聞金華好山水永康巖岫連
緡雲荆榛盡除猛虎化麥穗岐山雞馴三年異績報
殿最不負世德稱名臣我昔十年爲主賓更沐師誼成
通門贈君有頌有規切菲葑不棄情彌親同心之言足
可佩期君敬慎兼清勤時蓉洲兄有浙中事宜數
十條所言皆深切著明客廚

春及堂詩集

卷二十四

竹窓集三

五

無肴酒亦薄惟有別緒牽離魂煨爐促坐翦燈語此景
異日堪重論脂車辭 闕向南去嘹嘹朔雁隨雙輪歸
途卽是赴官路岱宗冰雪皆怡神寄聲青岳樹嘉績游
刃劇郡銛逾新賢名交馳五百里騏驥並軌輝諸昆

聽呂含暉典簿彈琴

龍脣三尺瀉寒泉謾謾松風韻玉弦枯木幸逢奇士賞
古音端藉雅人傳竹窻晝靜生幽韻石鼎根深裊細烟
此際聽君憑拂軫遠鴻何處過天邊

題照

一枝新截碧琅玕吹徹春風玉座寒按譜欲成招鳳曲

先聞鳥語報紅闌

蘭茝春深笑語香雅音宜聽玉鏗鏘江南穀雨花時節
解籀龍孫箇箇長

送任芳洲之任浙中

官柳蟬嘶客路涼好攜琴鶴到江鄉引鼈珠餌絲千尺
薦士霜葭水一方秋入海門潮湧白月明驚嶺桂飛香
政閒訪我題詩處應到湖西舊竹堂

再晤葵園於真武道院

昔歸那忍卜今見是餘生濡滯浮名誤羈棲舊雨情高
吟傳小檻寶繪論深更得意諸郎俊頻移樺燭明

春及堂詩集

卷二十四

竹窓集三

六

梵舍花空幻元關戶可扇含毫思畫理煮雪驗茶經客
感風生樹鄉心月下櫺應憐華髮早虛負阮眸青

題張鷟洲庶常河渚探梅圖

古幹新花發幾叢河灣清淺若爲通一枝隔竹春初亞
萬樹臨流雪半融露鎖玉霞藏曲折香迷翠羽誤西東
詩人最憶名園賞得句山尊夜月中

好春消息墨華生淡點橫斜最眼明破萼曉風無限思
照妝烟水不勝情墊橋賸踏寒驢雪溪閣端爲老鶴晴
我亦夢尋湖外路打波雙槳葉舟輕

春及堂詩集卷二十四

春及堂詩集卷二十五

錢唐 倪國璉、穉嘯

竹窓集四

周浚明茂才寫雪松見贈詩以報之

周生畫松何偏奇筆所欲到天機隨古根鐵幹勢千尺
雲龍攫拏露之而今來贈我得意筆模糊雪底垂青枝
歲寒不改此顏色挺立豈屑求人知自古奇才任梁棟
往往埋沒空支離深山大澤歷年代結苓偃蓋天風吹
我知周生意有寄抑塞磊落聊爾爲宅時振鱗伸爪破
空去定聞怒吼臨清漪

春及堂詩集

卷二十五

竹窓集四

一

贈琴友袁作山

雅樂從君好桐音不易知泠泠泉帶澀杳杳羽廻遲茗
色浮雙藥沈煙引一絲惟君稱有道心與昔人期

雲氣生松壁花光款竹扉此時聞半曲偏覺會心微古
調墻陰得奇材爨下稀應將製作理一一叩霄威
蜀雷威皆唐時善製琴者

謝周浚明贈畫蘭扇

在握煩持贈芬芳懷袖中墨痕抽露葉毫素點深叢白
石瘦逾媚王孫老更工同心惟此好領意到春風

題耦耕圖

飲谷棲邱至願荷鋤秉耒閒情一笑邨農隊裏不妨難
弟難兄

卜宅宜居栗里置身合在桃源坡老誓如江水知公不
負斯言

雜錄古今詩二十首詩各有畫字各一體寄徐茗

園兼書三絕於後

何必前身定畫師經營意象斷吟髭流傳妙語天機到
便擬通靈顧愷之

墨浣春池綠始波中山穎禿未成戈卻憐物色兼生態
不獨儲王句裏多

春及堂詩集卷二十五 竹憲集四

二

一湖煙水兩峯雲淡染微吟總屬君寄我但須西閣句
繪將秋色慰離羣

林烈女輓詩

蕙穆茗榮正氣存未迎雙雁斷貞魂心堅自駐芙蓉色
血碧新霑翡翠痕矢志早驚成烈燄柔腸難割是親恩
他時曾識墳頭樹連理枝生百丈原

百丈原埋
玉處也

贈草亭老人

西溪梅老竹成叢尙憶茅菴住遠公受記小松寒翠轉
澄心明月寶雲籠水流息息綿真性鐘韻微微度晚風
見說盧溝春樹發錫飛南指鶴鳴空

送雪子再入關中

策馬西行尙稱春燈筵惜別酒杯親同舟望擬登龍客
驚座談如捫虱人詩續南山凌老杜名題太華小咸秦
相期更取長安醉嫩柳依然蘸麴塵

涼棚

不羨桐陰卓午涼密遮簷際避驕陽卷舒似解隨時妙
坐卧眞令伏暑忘淨掃苔階湘簟滑偶攤書帙茗杯香
客來共話疏簾外一片停雲清晝長

臨嶧山碑題後

野火何時炳落暉巖巖銷盡祖龍威銀鉤竟與桐枝混
春及堂詩集卷二十五 竹憲集四

三

玉筍徒傳聚木肥尙力并兼終易覆刪繁制作未全非
征輪每過名山弔虛擬龜趺隱翠微

岱宗秦篆餘無幾此刻形模歎獨全泰古書惟軒頤並

親軺文擅漢唐前鄒原舊壁峯陰落蔡邑東門蔓跡纏
賴有徐公能好事垂金屈玉爲重鐫

古碑已爲野火所焚今鄒縣嶧陰堂有模本又上蔡東門亦有一刻余所臨上蔡本也借之於江蘇大兄南唐徐鉉會模刻在長安見說鄒叙頭屈玉鼎脚垂金贊斯篆語也

題畫蘭

花葉多承雨露勻不妨蕭艾與爲鄰天公自識眞香在
許放丹心占早春

戲題趙伯駒畫四首

骨立肌消未息肩，隨身童孺總相牽。
傍人或借推移力，只有妻孥不汝憐。

杜陵難免百憂集，昌黎亦被啼號驅。
蕭閒不耐孤山叟，梅鶴中間吟凍鬚。

道眼須同一例看，塵勞袞袞更誰安。
垂頭老驥登危阪，白髮長年曳淺灘。

人間太息此勞身，誰遣泥塗自在行。
我有扁舟能共載，隨風吹比白鷗輕。

送邱愚谷任太湖同知

春及堂詩集卷二十五 竹意集四

四

青芙水底出雲根，米老衙齋石丈尊。
鄉近舟輕但來往，那須重載鬱林孫。

湖波泛綠識春回，鄱尉山中梅正開。
迎取詩人作官長，銅坑雪蘂暗相催。

具區鷗浪碧煙消，一綫微生江上潮。
記聽吳娘歌水調，片帆頻卸畫眉橋。

管領東西兩洞庭，隔塵仙戶敢深扃。
韋公五字詩成後，遍檢琅函注水經。

夏惺齋寫兩照並爲一幀，一具冠服一禿頂作圓相走筆題之。

惺齋秀骨何嶙峋，瘦如矯鶴橫秋旻。
朗音辨口吐洪妙，雙眸點漆能含真。

誰爲畫作宰官相，又幻出世維摩身。
世緣變現本無定，空中寶華大轉輪。

惟君與我締交久，知君兩圖皆有因。
古人捧檄非慕祿，藉以冠服娛老親。

但嗟過去境殊惡，妻子露電隨前塵。
化爲頭陀證苦行，大自在者誰與倫。

我從西歸叙契濶，覲面各訝霜華新。
廿年往事那可憶，接座並喜吟芳春。

圖中之影旣兩肖，披對風味如飲醇。
祝君不隱亦不仕，且宜禿頂加冠巾。

題看鶴圖

豈學支公好難忘，白傳情偏踴躍三疊舞。
清迴九臯鳴飛春及堂詩集卷二十五 竹意集四

五

瀑淵邊注淡雲松頂平，何當有來客試放。
繞江城題臨江汪太守黃山讀書圖

昔我游黃岳，丹泉出自雲披圖。
認巖壑把卷欲同君石古曉嵐濕秋清木葉聞，真成山水興。

閑阜竹符分乙卯四月寓齋槐花落滿階除。
今日逢奇景，槐花細雨來隨風打窗紙。

飛綠覆書臺，蹴瓦初疑霰盈階。
忽聚苔惟當披鶴筆，點點拂香埃。

題潘銘三壯心千里小照
妙手圖君壯盛時，今看秋鬢點霜絲。
龍媒老去追風健，逸足猶堪永埒馳。

甍甍柳碧草新抽坐看飛黃未絡頭竹耳風蹄不輕試
人間空自羨驊驪

題孫遠峯滌硯圖小照

蒼蒼五鬣虬枝低矯矯獨鶴翎齊人間細塵飛不到
有客尋詩坐碧溪新題未肯濡殘墨臨流滌硯樵青識
魚腹能吞逸翰香清溪不改冰壺色此時巖際生長風
寒濤畫捲鳴秋空先生傾耳得靜趣邈與太古參鴻濛
胎禽意許棲仙嶠總避茶烟頭轉掉我識揮殘栗尾時
天邊定發蘇門嘯

十一月望隨

春及堂詩集

卷二十五

竹窗集四

六

駕謁

泰陵畱題趙氏森月書堂

昨日宿僧舍鐘磬何荒涼今來借屋居南廂納朝陽堦
庭既爽塏高樹羅四旁室中靜無塵翰墨畱餘香霍茗
瀹泉煮凍酒挑燈嘗須臾東月上林際懸清光瓊瓏露
圓照妙畫開昏黃西塔疎孤峭北峯遠蒼蒼誰家草閣
裏晚笛復悠揚吾輩偶停驂適意隨山鄉畱詠記今日
勝跡期無忘

送金質孚南歸

人生逐浮名本爲雙老怡丹梯陟雲路堂上聞娛嬉所

以初捧檄毛公色孜孜惟君策高足博學兼鴻詞中丞
列名薦脂車到京師未給上方札先歌鳴鹿詩櫻桃若
有待苜蓿詎所期羅羅明通榜登網珊瑚枝一笑且南
歸將母及此時寬也偕君遊幸一引手爲魯鈍切磨及
瑕疵砥礪施多聞與直諒三益信兼之嵩蓬夾修竹挺
立風前吹明年桂花發待君駕雙驪吾友拭老眼望子
戰捷旗鬱鬱青霞氣化爲龍與彪

程氏守節姬

參昂孤明命不猶堅貞截指主恩酬青燐冷月成甘節
不似傷心燕子樓

春及堂詩集

卷二十五

竹窗集四

七

抱節風前秋竹竿飽經霜雪不知寒細枝嫋嫋含餘翠
便與長松一例看

題畫

繞郭幾重青嶂平塘十里桃花卻許尋春野老筇輿緩
度緋霞

煙外誰牽篷艇陂邊小住漁家此境日容來往吟到西
林日斜

寄壽柴南屏先生八十

玉勒青驄遠塞歸幾年書冊掩荆扉一封諫草臣心在
七字清吟

主契微霜信獨留寒菊淡雪花深護藥苗肥優游偕隱
明湖上眼見文孫又繡衣

次山前輩招飲卽席賦呈

歲杪春回公事稀招邀喜饌凍魚肥酒憐欲別紅螺引
詩送隨陽白雁飛文字飲中遺俗累酸鹹味外得元微
寒更願與消棋局多少人間未息機

時送陳黃中之天津

九日邀穎菴同年及次山南華兩前輩小飲賞菊
三年圓藥隔京華歷歷雲山憶使車相賞正如逢舊雨
爲歡端不負黃花秋來瘦骨餐應健老去頽齡笑有涯
更對一枝畱上客燭猶未跋月初斜

春及堂詩集卷二十五

竹窻集四

八

病怯西風雁影涼河干歸後漫思鄉酒懷曠遠俱同阮
游興逍遙或類莊棋局戰深稀黑白畫圖秋老炫丹黃
花逢此夕成良會詩與前逋取次償

送同年薛尺菴侍御外遷南韶觀察

詞苑追高步蘭臺並得鄰直辭凡幾疏炎海借斯人味
識荔枝好花看茉莉新嶺梅如可折應寄一枝春

題同年諸襄七編修秋曉展書坐圖

晨曦發中林漱露息煩想此時一卷書古意同蕭爽六
宇在襟抱千載一俯仰游心問鴻濛真樂或非妄平生
三萬軸百城差可仿焚香觀衆妙遠翠撲秋幌研覃精

思通寂默靈悟長舉頭蒼巖高峻嶒入清賞

春及堂詩集卷二十五

竹窻集四

九

春及堂詩集卷二十五

春及堂詩集卷二十六

錢唐 倪國璉 稔疇

滇行集一

奉

命典試滇南乙卯閏四月十九日

帝恩特簡重文衡敢憚馳驅萬里行驛路直通滇國遠
使星雙入井垣明關前碧鳳鳴秋至天際卿雲應瑞呈
一片昆明池上水遙懷先與寄澄清

二十八日起程出都門書懷

平生好遠遊未展萬里足茲行奉

春及堂詩集卷二十六

滇行集一

一

簡書十日官限促額俊

君命殷臣心敢不速卷我日翻書閉我新移屋清琴寄
賞音妙畫藏廢簾驢行良友意箴勉明師勗不復念妻
孥偏煩戒童僕滇中在西南稽程橫地軸雲嶺幾萬重
丹翠接天盡歷燕魏楚黔關河屢迴複首途尙清和中
道暑方酷迢迢碧雞關何時撲眉綠道遠別正長任重
恩載沐使節慎自持得朋免覆餗時同行者爲前輩張南華先生豈敢
薄邊方惟懼失良玉策鞭就王程風清麥初熟

琉璃河

瑟瑟古河水征人幾度過鞭絲搖細柳帽影落澄波漁

漢飛雙蓋虹橋策兩羸宣房存保障青鐵未消磨

安定曉行和張南華前輩韻

柳外星光雨氣凝頻添蠟炬走宵燈懜懜不省荒村路
猶夢螭階帶月升

安肅口占

土膏滋潤菜羹香此味應須此地嘗準擬歸程容飽啜
不妨夢踏大官羊

續吟羊字韻二首

咬春曾識玉蔬香細剝蕉心取次嘗至味作羹堪並配
祇應寒北覓黃羊

春及堂詩集卷二十六

滇行集一

二

使星雙去墨流香異味雞羹合共嘗翦韭他時及春雨
款門或得似求羊

保陽雨行二首

我行至保陽清雨灑周道過征苦泥濘觀景得清妙夏
樹遠凝碧山泉聚成瀑孤村望冥迷一塔聳岑峭緩行
勝悶坐王程濕初冒丁寧僕夫瘁聊以試行屨
瞻望豁清景忽復雨氣連潦深已沒蹠高下行麥田溝
盈有怒蛙樹濕無鳴蟬載轉陘陽驛竹輿行不前且復
村店投暫宿息衆肩聯吟得詩侶慰藉酬佳篇

過慶都懷王良齋前輩

堯母城邊見水田方畦短稻碧芊芊詩人曾發江南思
事隔三年景宛然

雨甚留阜城半日

山雨如梅雨簷前瀉未停馬愁泥路滑人望遠天青逆
旅虛畱款奚童難睡醒無因破孤悶小酌暫沈冥

聞南華前輩先發幾厄於水

君馬衝泥去吾輿涉水來但期朝雨霽不管僕夫催飽
飯還支枕高吟且進杯前途聞驟漲河上幾徘徊

至真定寓龍興寺大悲閣下禪房

傑閣凌霄壯銅身聳法王井藏千手眼地放白毫光寺
後

春及堂詩集卷二十六 滇行集一 三

八角古井有碑記掘井得銅疏磬傳經梵清鐘出道場

雙碑何嶺業煥燭仰

天章開前有御書碑二極高大

一室雙槐蔭真成清淨居香華凝不散塵境復焉如晚
飯微鐘歇諸天暮雨餘此宵幽夢寂佛火夜窻虛

過潯沱河和南華前輩韻

古河新雨後濁浪異尋常北望真雄險東流更渺茫渡
分燕地澗麥自漢時香利涉須舟楫同心道豈忘

趙州曉行

早行舒望眼杲日遠騰鮮釀雨在一角蒸霞忽滿天間

津迷野水覓路破村煙蹊蹊看從騎輕搖柳外鞭

柏林寺看吳道子畫水

吳生擅長世無比古寺虛廊惟寫水右爲武水左爲文
客來再拜歎觀止武水奔騰駭洄洑文水瀾漫浩千里
乃知筆墨信有神老手精心隨腕底試看筆勢與墨痕
幻作波瀾妙難擬層疊如聞澎湃聲海若真移梵宮裏
我行萬里偶停足欲借淵泓洗塵滓但恐魚龍變化生
飛騰破壁驚雷起

遊柏林寺晤僧玉鉉

六年前識使臣容駐錫名藍喜再逢萬里客行公莫笑

春及堂詩集卷二十六 滇行集一 四

一心禪定栢香濃

玉堂前輩擅清華健筆能開頃刻花約我柏林看水興

一杯來試趙州茶

涉沙河迂道行村廛中口占二絕句

踏浪衝波積雨餘沙河三涉苦沮洳野人尙有尊官意
不受官錢舁竹輿

村徑行看土物滋兒童飽飯足娛嬉石輪黃犢鞭驅速
正是家家播麥時

過邯鄲行囊水濕因畱一日和仲方明府致饌畱

旬報謝兼期後晤

路入邯鄲滯客車深泥滑馬水霑書卻煩良宰移精饌
一慰征人歎索居時南華檢處處柳成棠蔭遠家家麥

逾潁水

中田沙積石橋摧時山水暴漲斷橋清潁滔滔繞郭回七聖盡
迷吾獨識名山指點具茨來

磁州道中恭瞻

聖祖射柳處

先皇神武擅穿楊豐碣猶傳古道旁誰識塞垣親格虎
金鉞雷陽左賢王

春及堂詩集卷二十六

漢行集一

五

聖祖仁皇帝親歷十八家有虎夜當
道手射殺之雷陽以賜諸王

次新鄭贈南華前輩

喜見遙天豁蔚藍況逢新鄭鬱蒼嵐淺波正好褰裳涉
幽壑皆從信步探暑雨兼旬愁旅次關河萬里慶朋簪
採風一路吟懷足鐘呂看君獨吐含

春及堂詩集卷二十六

春及堂詩集卷二十七

錢唐 倪國璉 穉嚀

漢行集二

自禹州抵襄城

客辭禹都晨霞烘竹輿昇我迎清風半陰半晴暑全失
某水某邱遊並同近南景物愛蔥蒨附岳巖岫瞻龍從
高春更度石梁去襄城欲暮山雲籠

過葉縣值風雨和韻二首

能致真龍亦是仙鳧飛向闕兩翩然當時若更騎龍去
網得之而化濕烟

春及堂詩集卷二十七

漢行集二

一

崢嶸頭角畫中真每憶張公筆有神風雨漫教生破壁
長途正有策鞭人

過昆陽和韻

菜圃瓜疇間藕池柳邊雨過碧參差昇平時節無遺壘
古廟靈風滿畫旗

次裕州和前輩鄒太和學使見贈原韻

河陽停使節旅次集仙班欲問滇黔路先瞻嵩少山川
原連楚鄧風俗逼荆蠻好寄平安信將因公子還

新楚曉行十二韻贈南華前輩

中夜戒騶僕侵曉策雙羸月照竹輿影款款行山阿清

颺削肌涼露香聞菱荷道旁有鳴蛩未秋啼烟蘿自從
離國門路歷三千多既越南陽城頻涉白水波與君冒
暑雨感君抱微疴客餐稍自節未曾廢吟哦昨訪諸葛
廬古碣獨摩挲丈夫慷慨志激昂回春和先生能勉行
我心快如何

過白河

我行白河濱河水白如銀沙淨映曉月更如橫玉津迴
流自曲折淺處石粼粼昨已一再涉今朝三涉頻呼奴
汲白河浣我衣上座南陽古都會從來多搢紳是水所
潏澗秀淑鍾偉人前有中興主後出名世臣真人應符

春及堂詩集

卷二十七

真行集一

二

命卧龍濟時屯逝波去不息古意難重陳

襄陽道中

自山襄陽郭沿江看畫圖空明山近遠烟雨樹模糊依
岸千塍熟中流一櫂孤宜城有美酒今夕入杯無

宜城客舍觀荷同南華前輩作

澤國看菱荷畧如觀擺穉乃逢久不雨水涸斷港汊宜
城有深濠菡萏環客舍花紅淨如拭葉碧密無罅急報
吟翁知來賞乘幽暇沙塘鳬獨眠水曲鷺雙下雲開露
斜暉霞彩忽相射含蘂嬌欲言明妝晚將卸一枝聊把
玩娟娟似初嫁夢裏采珠人凌波涼月夜

抵麗陽驛見其山勢廻環可設城郭詩以紀之

入楚自荆門麗陽亦名驛昔時過此者特筆記荒僻今
我奉

簡書馳驅越阡陌岡嵐頗清勝田疇甚開闢新店水可
灌墾場上非瘠何曾草徑丈亦少茅三春民居烟火稠
負山復臨澤儼然成井里可以展區畫

聖朝重養民此地毋輕擲古事既莫徵往牒亦難據讀
書戒盡信親歷始爲益誰能勤入告分縣因土脈雖非
瑋鄆郢必可等虞虢作歌寄遙懷非徒慰行役

建陽驛路書所見

春及堂詩集

卷二十七

真行集一

三

男笠白草編女笠青布圍夫妻共戽水兒女亦相依戽
終日不滿畦水竭夫妻色慄慄蒼天蒼天更不雨一家
都作溝中泥

建陽客寓有燕向余飛鳴不已感而有作

有燕在巢臨客之榻啾啾而語客胡爲來張帷設几使
我窺戶不敢飛入簾不敢舞客告燕兮汝無驚且疑客
寄一宿而何傷汝爲燕雙棲客獨宿飛蚊繞帳鼠穿屋
殘燈照客夢翻覆天將明燕有聲客何不起趁汝程門
前有客先汝行

客寓見石榴偶賦

行役幾忘六月中海榴刺眼挂餘紅不知石几嘗秋實
誰剝明珠對曉風

渡漢江

微風旭日挂帆過雙槳齊開打白波回望江陵古城郭
幾多興廢付漁歌

六月四日渡江聞有苗梗同南華前輩賦

我前渡豫河輕帆送南岸今茲涉荆江雙槳搖平旦大
川既屢越朋儔一笑粲向來鼓柁遊江湖幾震憚風濤
忽掀簾寢夢猶駭汗此行奉

簡書安穩凌浩瀚神力相扶持天鑒一誠貫觸暑走萬
春及堂詩集卷二十七 寅行集二

四

里計程已及半乃聞黔陽苗反側路中斷

國恩勤撫綏用兵非汗漫么麼雖跳梁守穴無遠算楚
粵集精銳預防狐豕竄書生昧戎兵亦思備驚鶴諸公
多老謀越俎敢輕贊與君磨

寵命但使文明煥衡才有定期滇池渺天漢篋箠鬱鬱
氛通塞事難判先生日端著易畫細古玩口余得震坤
豫萃有明彖建侯復行師升賢理可斷聞戒古所識軍
旅行共杆中流擊楫歌豈等臨淵歎

屏陵驛

屏陵多水田客行香稻中曲折無正途沿溪忽西東入

眼見新竹解籜搖清風雜樹遠蒙密獨愛楓香紅他鄉
正苦旱此地樂郊同地卑有陂池但勞輸灌功踏車盡
終日鳴鼓喧兒童我將作田歌高吟和村翁

清化驛舍館頗佳南華前輩畱詩並作圖於壁因
走筆和之

此夕有佳寓正在澧水傍高樓倚石岸推窗見垂楊沙
路何逶迤平林復青蒼中流泊輕舸蕩槳即可航好風
若有期亭午生微涼先生心骨清搖筆成吟章詩成繼
以圖雙絕傳芬芳人生等逆旅豈論暫與常適意且爲
樂圖書攤滿牀今我沽澧酒願與君共嘗更看揮醉墨
春及堂詩集卷二十七 寅行集二

五

烟霧飛茅堂

大龍驛

楚樹鮮不材楚草競芳烈曉露潤高松迎與香不絕蒼
嶺帶雲度翠岫儼屏列方愛密林攢忽見幽壑別百里
山塗中多有靈秀結大龍何蜿蜒橫天亘帶嶠卽思穿
嶠去又憚行觸熱竹樹倚巖開偶憇亦可悅磬聲鳴玉
琴石色冷青鐵汲泉得清甘且遣塵煩雪

武陵客寓南華前輩信筆成佳畫知 心羨割愛

以贈因題句報之

墨彩流烟輝觸手擅靈妙幽境畧約通高樹低遠嶠分

明引漁客溪柳垂窈窕此中容卜居日倚青竿釣

春及堂詩集

卷二十七

滇行集二

六

春及堂詩集卷二十七

春及堂詩集卷二十八

錢唐 倪國璉 穉疇

滇行集三

自常德改途由江路至辰州舟中偶吟四首

本擬穿山驛何知問水程事皆非意料路且信天行擁
衛煩軍旅艱虞共友生晚來看皓月歷歷楚峯明
昔曾窺枉渚今得探仙源豈有桃花引難尋漁父言山
川猶晉代雞犬尚秦村莫惜成迷誤親當叩洞門
船小疎簾下篷低斗帳開歔歔安可避儔侶幸齊來弱
絳緣溪轉輕帆依岸回碧流親白煮茗色試甕杯

春及堂詩集卷二十八

滇行集三

一

戎馬關河事旌旗繞四圍

主恩思

國體儒術藉兵威隊合魚麗進舟輕鷁首飛戒心存寢
夢未敢說忘機

南華前輩和章妙極自然再次言字韻

遊懷逢妙境詩思溶靈源釣具臨流坐篷窗隔水言雲
陰迷碧岫雨過識遙村今夜乘明月期敲竹下門

常德舟中次南華前輩韻四章

七年未訪仙源境此日重牽上水船虛擬辰關排碧嶂
漫論蜀道比青天羽書日夜飛滇海客路迂迴歷楚邊

倘到碧雞攄賦手定看逸翰動當筵

漸近西風秋水生溯波行李一篙輕漫驚腕底生珠玉
要識胸中有甲兵咫尺未通千里信往來難定半年程
盤回但出黔中險王路於今悉蕩平

每逢六月愛棲遲今日衝波伏暑時軍衛却勞貔虎肅
使星還應舳艫移篷窻對景堪論畫杯酒臨風欲賦詩
一曲漁歌吹楚調風前森森若爲期

客裏齋廚幾日清蒼生霖雨動關情泥封蜥蜴方憂旱
星動機槍未息兵著策竟難推易象戎行端爲送書生
與君王尺同評校盡擷奇英荅

春及堂詩集卷二十八 漢行集三

二

聖明

晚泊桃源縣

雨後江城挂斷虹清溪何路與仙通綠蘿福地堪畱句
只在雲山合沓中

舟中書所見

鷓鴣對對立青筵柔櫓輕搖綠水中飽食魚蝦載兒女
我生不及一漁翁

密樹低岑愛武陵風清水淨解炎蒸眼看網起鮮鱗躍
隔岸漁翁喚不應

沅江舟中立秋卽事言懷三十四韻與南華前輩

同賦

舍車浮楚澤牽纜溯沅流客路全過暑王程已及秋金
飈涼始至江霧曉初收浩蕩魚龍窟芬芳蘭杜洲繚爭
灘水激篙點石棱愁進艇艱分寸停橈惜滯留那知爲
此役翻幸定茲謀不率苗難格徂征策屢籌蔓延連粵
嶠蹂躪逼思州問道才通檄軍營悉建矛元戎偏隔絕
小醜正尋仇使者銜

恩命臣哉到遠陬

聖心垂曲體密札下飛郵蓮幕精兵集油幢健卒稠弓
刀煩擁護糧糗倚綢繆總爲文衡重眞勞武備脩荷戈

春及堂詩集卷二十八 漢行集三

三

連水陸露中懽豪酋令肅村無擾人和志必酬潯霞明
羽旄曜日耀兜鍪小隊帆檣集前鋒旌旆悠行鉦催盡
鷄夜柝警眠鷗泰運亨方叶師中吉自求兩泮風不
定萬里筆寧投自守書生分寧忘兵事愛求賢期報
國濟險藉同舟繚繞黔山外馳驅洱海頭異才邊徼得
奇士蔚蘿搜鑒朗銀河映心澄碧月俾殷勤登寶璞子
細辨驂騑定可光儒術行當贊治猷三年精物色六宇
盡懷柔豹變卿雲藹蛇蟠戰氣浮烟波隨森漫浦澈且
夷猶一曲滄浪寄高天豁遠眸

沅江道中二首

看山入辰溪岸景勝平陸初見金花蒙小岫翠森矗盤
回如進瀧錦繡互起伏前行路疑窮徑轉復林麓米顛
點更蒼王蒙皴屢歷岡巒各有主奇詭儼分族應接實
不暇足飽烟霞目方思繪圖妙翻訝緯行速亦有野人
家臨溪結茅屋但願卜幽棲此中容小築

不厭川途長而愛衆山妙大山或昂藏小山悉奔峭縱
橫比物象龍虎各騰跳指擬問舟師倚篙頭屢掉終古
無名稱未鑿混沌竅不知住山民何故縱原燎燿燿陸
渾火焦灼遂連嶠有若同坐人妍媸別老少楚雨颯然
來爲我洗窈窕烟雲變幻中更足適吟眺

春及堂詩集

卷三十八

續行集三

四

穿石

石勢參天石腹穿中流萬古激湍湲閒僧却在石間住
佛火經龕竹數椽

上甕口灘

兩山如峽引孤篷甕口灘頭遇好風貪看奇峯抽碧筍
不知身在浪花中

谿灣書所見

人家幾簇住峯陰古木喬松生隱心幽鳥一聲啼忽斷
望中惟見白雲深

磯邊漁者

累石編薪據綠津獨持烏網待游鱗信天翁是能肥者
莫笑溪頭靜守人

灘聲

嚴陵五載客星懸賴石三秋百丈牽此夜灘聲重入耳
廿年心付楚江船

清浪灘口占

劍鏢中間逆上舟崢嶸灘石鎖清流躋攀分寸難如此
辛苦何心賦遠遊

時所造

白沙灘石壁間山樓懸空結構有十餘處不知何

春及堂詩集

卷三十八

續行集三

五

天梯石棧路難求結構何緣在上頭欲問巢居古君子
幾年烟火斷仙樓

辰州

山谿衆灘盡高城壓水隈塔簪雙岫列寺冠五峯開控
扼連苗境綏懷藉上才猶傳馬希範銅柱立崔嵬

宿瀘溪城下

壘嶂牽舟入縣門秋水寬避風先泊岸過雨更觀瀾汀
遠漁燈隱天涼晚角殘短篷今夜穩不似宿諸灘

丹山寺

在辰溪縣南門外時與南華
暨周熊兩同年共登各有詩

碧水浮鯨背丹山結蜃樓佛龕風洞冷仙草石巖幽城

郭容高瞰辰沅始合流同登出塵地談笑狹滄洲

春及堂詩集卷二十八 滇行集三

六

春及堂詩集卷二十八

春及堂詩集卷二十九

錢唐 倪國璉 穉疇

滇行集四

換舟 六月二十五日在辰溪換舟
陽小舟以行共七十二艘

換舟入辰溪似避江流大舟載兩三人入艙但容卧青
篷幣兩愈特設使者座蕭然詩篋隨茶具亦兼荷煮泉
日攤書未缺此清課舟行若羣鳧依次浮筒箇平波蕩
槳去急漚刺篙過前茅與後勁中權亦無憎居然一旅
師吹角戍樓和惟期彼岸登便擬露布賀

將至麻陽望一山濃綠可愛問舟人皆不知名詩

春及堂詩集卷二十九 滇行集四

以誌之

山色真如染石藍晚天橫插碧瑤簪結茅願與山當面
攬取蛾眉入鏡函

石馬溪

連山翠森削其下環鳴灘舟若魚貫進篙如雨點攢手
足齊致力上灘敢辭難惟聞響亂石忽已越驚湍船頭
汗頻灑船尾色初歡停橈更飽飯客亦弄漁竿借問銅
仁路尚隔山幾盤舟子前致詞愚言啟尊官水來齊天
江遙從白雲端夷險本無定惟有寸心安

銅槽

山逼水逾急，篙師技徒窮。健夫誰所令，尙賴地主功。立足驚湍裏，扶舟鐵峽中。屈曲向背岸，草交低篷前。舟杳不見後，舟阻難通。森森正愁予，青壁花垂紅。一綫望樵徑，盤回入深叢。數峯苦尖削，觸目驚磨礪。稍喜秋風涼，開襟袞西風。白髭添幾莖，更以詢吟翁。

又一絕句

石罅才容進小舸，客行無酒酌銅槽。當時定有神功鑿，放出銀濶一丈高。

太乙灘

小樹幽巖秀可餐，碧潭無底鏡羣巒。卻逢雨洗蒼苔字，春及堂詩集卷二十九 續行集四 二

石上明題太乙灘

銅仁縣江心一石，陡立數十仞。上有高樹石闌南，

華前輩與周熊兩同年坐覽其上。余于舟中望見之而不及遊。

異石如孤島，波心突兀圓。綠陰開頂上，二客坐風前。我自舟中望，人疑世外仙。攀遊惜未得，鏡吹發清川。

銅仁舟中得四絕句

削成青嶂插天排，卻有山氓水樹佳。十畝桐杉足生事，居然古樸近無懷。

路迷難記碧溪灣，千疊黔山鎖翠鬟。霧起雲蒸看墨妙，

南宮不似似房山

莫笑機深非古民，灘頭甕水石粼粼。山田盡日無人管，自汲溪流轉竹輪。

水碧沙明錦石圓，石紋如繪妙天然。玉盤他日供清玩，記取蘭橈點瘴烟。

船中見岸上甲卒百餘列隊以行，乃自銅仁營來迎衛者。

船尾未旂，照水明卻勞虎旅。更山行前驅，總不驚林鳥。但見兒童笑口迎。

夜雨

連宵夜雨驚溪夢，夢醒溪聲雜雨聲。判得無眠看清曉，娟然亭沐四山明。

七月朔日舟中晨起看山有感書事

舟人譚山勢銳削，指到黔曉起一掀。篷霧雨方廉，纖喬樹或半隱高岫。更深潛好風，忽吹拂綠鬟梳。添行灘路苦澀，看山情不厭。牧兒歌紙笠，樵子插刀鎌。牛官但樹棘，蝸廬惟覆苦。適彼野處性，苗風頗可覘。蟲沙本微細，狐鼠奚足殲。狡焉肆蠢動，狂惑由羣僉。

天戈所指揮，剿撫隨寬嚴。燎火撲則已，豈必崑岡炎。過釀土司有山壁立層疊兩峯夾峙甚似嚴陵釣

臺蓋卽施溪司舊地也

鐵色重崖似釣臺豁然堂與更天開畫眉聲裏千灘過
只少蒲帆一片來

旣過銅仁灘益多而且高因備誌其上灘之險

船頭冒灘去船尾上灘橫其巧在善借而得淺處行前
篙旣健捷後篙獨牢撈其妙在相救而能力與爭小艇
逆衝波命比鴻毛輕況復山雨急水石助喧轟童僕亦
買勇青竹學篙擎雖未濟尺寸庶幾免危傾上灘復搖
槳一泓如鏡平迥然發歌嘯更與前灘迎險矣魂夢悸
快哉心神瑩龍節方在握未能竟忘情

春及堂詩集卷二十九

詩行集四

四

蒙南華前輩和章更拈二十韻

舟行若攻堅灘勢儼爭霸齊力聞叫呼硬挽鐵弓弋凝
眸在碧瀾覆首以白帕楚師馳兩廣晉乘卻三舍入蜀
險未鑿伐號途不借衆橋道一軌莫敢逞譎詐進步利
尺寸彎環竭腰膀大灘怒未已小灘復逢乍長年賈餘
勇牽纜兼笑嚇波平意暫釋巨獄忽蒙赦客子歷洵歎
紅顏坐凋謝岸景幸可觀密樹雜檀栢其材任懷棟其
陰足銷夏懸崖締構牢神宇結飛榭經過悉禱賽明馨
奠雞炙屈指到辰關葉舟凡幾駕遠遊本無心從兵更
堪訝獵獵西風旗嚴整異棘瀾欲速旣不能作詩聊慰

藉四船夜無聲先生更翦樺栗尾書已訛繭紙玉仍研
和歌戛金石豪興付杯竿他時叶楚調拾翠人未嫁願
劉衆灘平蛟龍莫驚詫

九龍潭

眞探蛟宮來竟抵龍潭住玉淵不可尋雲暗山欲暮我
聞雷電合飛空甘雨澍頃刻弄珠還酣睡不官寤翠巖
石谿訝似爲神物護木葉不敢墜況乃鐵脾忤舟前挂
彩虹半壁龍光露仰觀氣象殊瑟縮窘歸步夜闌風乍
鳴猛雨如箭注屏息起披衣毋乃撓龍怒

宿八盤頭

春及堂詩集卷二十九

詩行集四

五

屈曲灘流阻鳬鷺亦惆悵況此舟中人思越雲外嶂日
行不滿站怕聽水聲壯中流絕攀援退鷁逐飛浪舟人
棄篙櫓徒手功亦剏推舟上石棱奇欲比界澗篷底坐
難安作字如蚓狀努力飽新秬藤篋幸無恙夜來潺潺
雨谿狹愁暴漲丁寧戒僕夫酣卧險莫忘燈照漏痕乾
跼蹐捲碧帳懼觸潛螭怒坐待山雞唱明發到江口登
陸神始王置身千仞巔萬壑一回望

偶占

矛頭浙米劍頭炊險語虛傳未足奇最是么麼方蠢動
偏于谿路見旌旗

春及堂詩集卷三十

錢唐 倪國璉 穉疇

滇行集五

由省溪循山歷提溪塘頭諸處轉西入遵義出修
文至貴陽凡行十八日所經皆高坡深箐徑狹
不容騎往往策杖徒行時秋日頗烈諸兵衛或
有煩言抵塘頭遣之還他汛兵乃遞接送深山
中遇村寨觀者如堵墻縣令皆遣人治具迎候
然旅店極偏仄日與牛宮豕柵爲鄰竟夕不得
寐蓋從來主試驛程所未經也

春及堂詩集

卷三十

滇行集五

一

天恩深厚命繞道以遠苗疆途雖甚險而心則安恬
聖主之遠恤小臣洵周且至矣謹述繞道篇六十韻以
紀之

銅仁達黔中有途本自舊崎嶇復迂遠但覺榛菅茂駢
駢兩征夫跋履萬山透卒伍從之來非戰乃防寇旌旗
雜行李擁護或先後驚彼深山氓竊觀扶老幼屬縣煩
供帳陳肴備糧糗涉歷竟踰旬辛苦生太瘦肩輿曳兩
絳狀若乘風鸞攀援上層巔又如接臂猱我僕已前蹶
彼馬復後仆下臨萬丈崖一失百不救輾轉危途中勞
勞閱昏晝炎日秋更烈山雨午常驟熱濕相蒸熏蚊蠅

春及堂詩集

卷二十九

滇行集四

六

春及堂詩集卷二十九

復羣喉屏兵未知義荷戈竊詛祝揮手使之去勞以卹
中耐士卒乃成行爲我被甲胄行當最高處放眼看衆
斂劍楯匝千圍森削列青岫怪石總疑人荒叢或藏獸
山雲我獨親變態實奇觀鋪海白於綿噓吸出巖竇縹
緲仙界中一覽輕宇宙亦或幽箐投蒙密茗華富好鳥
不斷鳴雜花粲如繡曲磴幾千年石滑古苔覆潺湲
水聲竹深源莫究路渴逢青谿下車亦煩漱仙瓢能辨
毒試酌解煩膺雖知遠郡邑時亦遇斥堠埜店何荒涼
茅屋天光漏客子一軒渠僕夫屢偃憊達旦雖不眠新
詩亦頻就道左紫薇開纖纖柳垂又樓欄招新涼楓香

春及堂詩集

卷三十

滇行集五

二

散清吳嗟此蠻方僻何曾殊物候有時窺洞府幽人青
乳溜石牀置仙書綠字秘雲籀座凡畏觸犯旣別屢回
脰翹首百里間一隅方力闕誰實階此厲赤子遭躪蹂
道逢傷殘民額蹙憂心疚筠籬覆兒女竄伏等鼯鼯
足走空山乞錢但哀叩撫卹不得所飢烏誰哺穀
皇心正惻怛亟思靖紛綵重臣手詔責大將鈇鉞授誰
爲國分憂斯民獲耕耨書生本儒懦征行敢遲逗越險
惟帶星擷彼遠方秀

聖朝久儲育械機可薪標固惟操履堅亦恐評衡謬康
莊驥足騁枳棘鸞羽筵文武相維持桓糾實左右濟此

千里艱梁棟期肯構旣陳于羽舞復廣英雄殼前旌抵
貴筑入魯已逢邨滇南路尙遙新闢車並輳耿耿使星
明仰映文昌宿

省溪旅寓

孤石如懸月環廬統衆星綠陰森半壁空翠落中庭秣
馬除銜轡提壺問醪醑詰朝趨嶺道幽險記初經

白水崖

白水潺潺下碧川遠看山足似兜綿珠簾十二垂還捲
翡翠屏中化玉烟

溪陰橋

春及堂詩集

卷三十

滇行集五

三

橋外奇峯亂笏抽橋陰蒼澗吼羣流竹輿欲渡橋西去
忍別橋東萬壑秋

提谿司

終日盤危徑川原聚百家平田成貢賦小市簇官衙供
客春香稻防苗守木父晚天霞綉綵偏照印山花

塘頭

翠黛蓮花嶂瑤沙碧玉溪佳醪傳一市香稻得千畦柳
夕蟬猶噪林昏鴉未棲山天可城郭誰爲闢荒堅

魚箭溝

人家深竹裏到處碧蕭蕭秀石環池冷流泉入碓遙秋

新山暑退雨過晚涼招一宿幽情愜青林傍澗橋

葛藤簪

雜花遠蒙茸密篠細如霧祇覺入山深不辨出山路入
耳聞流泉漱漱不知處猿猴忽驚人一嘯聚無數青厓
莫可攀但有碧雲度

雲月

塔下雲陰亂醉眸仰看片月帶雲流玉梭飛度青天外
織得明河亘素秋

雲海行和南華前輩

我初入山山雨歇殘雲照我光流月此後見雲亦尋常

春及堂詩集

卷三十

滇行集五

四

或冒山頂或在傍入山深處與雲近豈知縹緲生衣裳
昨日興行最高嶺旭光初射東峯影下至山脚雲轉迷
困眼懜懜忽驚醒那知先生從上觀浩然如海鋪銀瀾
樹頭滅沒翠萍動山風澹蕩搖諸巒頃刻寒波馳白馬
又堆軟絮橫平野塵世茫茫浩劫空素鸞翔集何爲者
回頭忽憶黃山雲盪胸豁眼青氤氲作歌兩寫白雲態
山中奇景世罕聞我言仙山入靈妙軒轅玉女姿窈窕
巒山荒穢雲偶然前海後海詎易肖何時支杖與君同
去作黃山採藥翁雲師呼喻通洪濛雪濤半捲朝曦紅
道左野花甚多命輿人採之盈把然皆不知其名

也

嫣紅嫩碧可憐生露穗烟苗若有情折得芳馨轉惆悵
似逢佳麗不知名

上坡難

上坡難蛇行陡折路百盤曳前兩緯如溯灘登頓屢歇
力已殫坡頭尚在浮雲端前踵後頂策疲鞍與夫叫呼
咽苦乾萬峯森削堆層瀾且揩倦眼一縱看

下坡難

下坡難石稜犖确步蹣跚危巖側足膚粟寒馬驚欲仆
鳴嘶酸千丈一跌不可完我亦手支九節竿草露濕衣

春及堂詩集

卷三十

滇行集五

五

荆棘攢乍履平地心神寬前坡又聳天邊巒

七星關石洞

七星關前巖洞奇洞門盡開青雲披一泓水湛碧玻璃
山館閒靜烟火遲我思秘府通逶迤赤文仙錄定可窺
匆匆俗客塵事羈秉炬直入知何時

題楓巖客居

我愛楓香樹臨崖散古芬村人齊掃葉一室妙氤氲石
井泉如乳空山暮宿雲客來畱墨跡不爲換鴛羣

春及堂詩集卷三十

春及堂詩集卷三十一

錢唐 倪國璉 穉疇

滇行集六

省溪道中和南華前輩韻

纔途何爲來應期起麟鳳臣身鴻羽輕

君命玉衡重苗疆叱馭前虎節鳴騶奉本期文旆同今

乃武車共雲巖畫鼓傳曲磴飛龍控尹長手版迎成卒

荷戈送何心擬衛霍且與偕講誦和歌有同調歌枕清

旅夢傑作既頻酬高韻足環飄磨天巨刃揚脫手神九

弄我輩非逸遊赤子正愁痛干羽 玉陛陳聲敬苗頑

春及堂詩集卷三十一

滇行集六

一

聖域張如鬼射蟻鬪等牛閤特險徒速誅滔天豈輕縱

幸此徑路僻民氣靜不動睹彼士女喧瞻我弓刀從一

宿寄茆店千里歷蠻洞勞勞玉堂仙遠擷球琳貢異寶

耀金碧名材任棖棟英賢爲 國華頗勝王褒頌

紫薇

刺眼薇花曉露催金粧紅綬出牆來秋清中禁霞千纈

吹落蠻方幾樹開

垂柳

垂柳情多夜帶烟風前斜曳獨嘶蟬西湖第一橋邊樹

不見長條又六年

樓欄

團扇遮陰造化工樓欄碧葉自搖空行人正苦逢秋暑

愛爾能招素女風

螺堰

傍堰成墟里螺峯翠黛橫溪田常得潤茆店有餘清倦

枕欹山晚疎櫺放月明鄰家千箇竹夜靜起秋聲

養龍站

高坡經曲折崖谷有人家戶飽紅秬飯籬垂紫豆花吟

秋頻側帽避雨早停車一半殘虹外猶看日脚斜

錫坪

春及堂詩集卷三十一

滇行集六

二

出嶺山逾峻人行兩界中雨迷官道失戍斷古原空幸

遠兵戈境真穿豺虎叢荒坪聊寄宿愁鬢怯西風

龍場驛懷古

孤臣萬里到龍場口作吳吟似故鄉能使羈愁忘僮僕

不將軟語媚君王

清嶠橋

澄潭秀木俗塵消喜得吟秋過石橋峭壁分明有題字

古苔一半蝕青瑤

和南華前輩遵義館舍題壁句

露滴閒堦響亂蛩燭光斜映墨華濃昨宵雨後團團月

猶爲行人駐曉峯

貴平竹枝

山雲欲斂又旋生曉日將明尚未明一路拙鳩啼不住
不知是雨是天晴

清鎮縣

清鎮佳山展畫屏周圍蒼翠各分形左如聚點羣峯小
右聳礬頭半壁青

水橋望觀音山諸峯

羣山一路草豐茸水墅南頭見好峯天際白雲遮不住
劍鋒齊插碧芙蓉

春及堂詩集

卷三十一

續行集六

三

羅德坡

羅德坡前石玲瓏山月盈今宵下弦影何似洞中明
暫定晚行

黔山不斷黑如墨欲雨更看元霧蒸得借晚陰行十里
一鞭隨意數峻嶒

宿普定

列嶂如環衛高原峙石城要衝嚴鎖鑰熊虎肅軍營錫
命

君恩重懷邦將畧成中宵看戰氣雨洗玉河橫

蕎麥花

輕輿曉覺客衣單爲愛羣巒捲幔看怪底西風欺短鬢
蕎花如雪照人寒

望水亭觀瀑

我昔遊天台石梁飛瀑鳴風雷我昔遊廬山玉淵清瀉
神骨寒兼此二妙景殊絕白河水傾千尺雪河流始下
安莊坡淙淙三尺橫素波淅淅于此忽懸落明簾一片
垂巖阿我立小亭遙騁望迴風觸石奇千狀上似玻璃
裂鏡紋下如白霧施綉帳中間變幻總天然水傾雨灑
仍吹烟萬條銀綫連還斷百琲明珠碎復圓斜看似衍
天河派澄潭消納成清潏神物深潛幾歲年巨寶時時

春及堂詩集

卷三十一

續行集六

四

見光怪左邊鐵色蒼崖開擁護玉龍堆翠苔寺門正對
此泉立管煮山茶待客來我思月下同坐此淨滌塵心
清俗耳泉聲不斷松風生寫入七弦通妙理匆匆此日
立斜陽應被山靈笑客忙歸途細品名泉味再借僧廚
一酌嘗

石龍關

直欲騎龍背真存避虎心峯腰青更好關路莽何深下
見雲蒸晚回看雨作陰山垠方冷鐵鑪火在空林

宿蘆荻哨同南華前輩並屋而居

旅寓今宵喜隔鄰夜吟燈火亦相親荒堦拳石堪畱句

野店醇醪解醉人難緩句中雙使節最遙天末兩征輪
雞鳴並起披衣坐僮僕還聞叱馭頻

亦資孔驛至南華前輩寓館夜談

冒雨來邊驛黔山已徧經幸無中道阻竟得使星輶翦
燭杯浮白論詩眼對青同心期共濟敢說恃忘形

河口小亭待南華前輩未至留詩呈和

殷勤地主設行杯道左虛亭在翠隈竹石致佳邀客過
江山如此待君來洪流滾滾經頻渡河水黃色即車洪河也已三渡之矣
嵩岫陰陰祇半開欄檻秋花還索句詩成莫被雨相催
度打鐵關

春及堂詩集卷三十一 五行集六 五

直下雄關百里餘磴危頻欲倒甕與鳥聲寂靜人聲屏
帷聽幽泉落澗虛

竟日波長路欲迷石橋頻度復迴溪夕陽已隱前峯背
又露餘輝照馬蹄

過斗狼箐

昨從鐵關望斗箐陰森半壁遮西南今晨飽餐戒騶僕
賈勇策足穿重嵐屢盤曲磴已喘汗況躋絕頂恣幽探
雨飛颯沓石苔滑輿夫顛躓愁再三茲山陡削復奇秀
羣木悉與蒼雲參名難盡識畧可辨杞梓增栢兼楓枿
栝株子立或橫臥藤纏荔綰青氍毹更多細篠補其罅

碧苔團結烟接藍猿猱狎人自騰擲一肅千百緣飛巖
客非浪遊造靈境王路新闢與兜籃馬瘠僕痛甚矣憊
險絕亦饜烟巒食峯回一亭據其勝山僧獨供香花龕
趙州茶杯解塵渴前坡老樹仍驅驂後有老樹作歌聊坡亦慈禱
爲記幽蹟後來經此吟須酣

白水驛山行

四圍山色翠微天百里輕輿未息肩怪底西風侵袂冷
滇中原不斷衣棉

晤晴湖三弟

雁翼分難聚真違萬里天相思頻寄札相見各欣然翦
春及堂詩集卷三十一 五行集六 太

燭詢羣友銜杯話昔年南中聯棣萼談笑破蠻烟

和南華前輩

文章餘技亦通神逆旅揮毫浣客塵八法講餘求六法
別將吟句鬪清新

廿年音裏悟焦桐不滯聲聞不墮空一派泠泠澗中水
與君弦外聽松風

春及堂詩集卷三十一



春及堂詩集卷三十二

錢唐 倪國璉 遂時

滇行集七

衡鑑堂丹桂 用蘭言開
雙桂原韻

種從月窟下秋雲雜巖深簾許共聞老幹十年看獨立
丹心一點早平分飄香欲與成金地鬪豔何妨織翠裙
清露夜懸芬藥榜絳紗先得映高文

高枝早欲捧紅雲細發天香玉座聞花映庚開偏四出
色憑秋染勝三分幾勞仙斧修瓊樹應近霓裳散舞裙
曾記月中琴數朶靈娥心許贈能文

春及堂詩集卷三十二 滇行集七

試院雜題六首

鎖院深巖樹色奇十圍紫柏挺青墀半腰風雨才過盡
涼月森森挂倒枝

三枝桂樹一枝丹移入深簾且共看金粟吹殘還再發
西風著意過闌干

黃菊都從秋半開淡香移近桂宮栽出簾卻恐花開過
傳取園官更送來

普洱茶團細細煎嫩香時啜薄涼天轆轤急轉苔階近
得試城頭十丈泉 試院居城北隅地最高
而有深井可以淪茗

畫壁蒼龍帶子飛雲中天矯露之而驚看左側尤爭勢

浪湧濤翻別出奇

百結丁香錦作堆妖紅經月伴人開奇文賞後乘餘暇
得共花前醉綠醅

次制府尹元長先生同遊近華浦原韻四首

選勝初期冒雨游墨雲吹散放晴秋綠楊影裏飛華蓋
曲水中間並鷁舟

太華峯色接平湖目送輕帆過綠蒲百里雲山都繞座
一林烟雨淡如無

萬里同車定夙因夢中詩好記來真飛花吹入雲端去
我亦行春得句人

春及堂詩集卷三十二 滇行集七

卓犖羣公聚會難佳游盡日酒杯寬名山倘得探奇奧
不負當筵挂額看

制府尹公以名茶四種見貽走筆書謝即敘前遊
雲門日鑄香滿甌六安梅片春藥浮武夷閩嶺綠珠稠

西湖龍井烟霞幽竹鑪薺碗仙芽甯生平癖嗜潤詩喉
忽持使節來南陬尙書知我絕品投兼以佳什兩唱酬

菁莪棧賡新標撞金戛玉記佳游牽纜幸同郭李舟
西風吹晴日和柔柳邊高蓋飛悠悠今年豐稔阜財求

我公出游農助休魚鳧新獻發野謳趨趨童叟環道周
撫今追昔情夷猶太華影落空明秋清藍亭榭淩滄洲

雲嵐百疊一覽收水檻相與狎白鷗酒闌更上斜陽樓
歸來團月引醉眸羣僚迎候鳴行騶豈知鈴閣敷鴻猷
登臨久忘爲運籌黔中壯士脫兜鍪我公始釋轡方憂
榮名顯爵皆浮漚曠觀逸氣橫九州雨前石罅槍旗抽
且與品茶臨碧流風生兩腋清颼颼塵心淨滌歌音遁

立冬日元長先生枉過卽事二首

賡咏重陽後迎賓朔易初菊枝猶繞座蘭馥忽盈廬管
豹畱殘句秋蛇縮抽書豈堪塵鑒賞但博笑眉舒

苦徑殷勤掃軒車次第來時同年吳穎菴學使同至談高欽妙用謀

定服雄才密箐餘氛淨荒陬舊壘開公忠心一片蠻觸

春及堂詩集卷三十一 續行集七 三

定能廻

贈方伯陳育齋先生

桂嶺峙奇秀雄藩得名臣抒忠本實學惠此邊園民我
來謬持衡得觀嘉績新古之強仕年維公富精神殷勤
育黎庶澤更周儒紳吾儕所得士皆公素陶甄門前桃
李枝化雨敷陽春茲將別公去握手情彌親秋月照華
筵珠履集仙賓柏臺仰前規未如入座春一見默相契
醉德如飲醇同心室豈遠萬里猶比鄰

穎菴學使署齋咏花二首

花徑衙齋闢雞冠喜隔籬霞明堆五色雲捲簇千絲彩

炫江邊錦吟成雨後詩故鄉貽好種萬里慰秋思

最愛丁香結春妍似海棠寒枝猶放蕊豔質更吹芳桃
面宜嫣然松心耐久長南天有嘉植欲寄水雲鄉

佛手柑二首書謝大中丞張時齋先生

深秋碩果始登盤黃色黃光現指端似聽祇林親說法
拈花影裏散桺檀

昨見花開貝多樹今看果結光明拳昆池竟可成香國
雞足原來近佛天

遊近華浦和韻十六首呈吳穎菴學使

宿鶯眠鷗斷客蹊一湖秋水浸城西居然微澹晴光好

春及堂詩集卷三十一 續行集七 四

只少蘇堤與白堤

華峯飛翠落空明朝雨還看霽景清波面彩舟鳬翼引

風前高蓋柳枝迎

露積村村足稻田使君行樂看豐年獻來野鷺斑斕好

更有游鱗潑刺鮮

峭風吹得水雲飛澤國暄寒頃刻非半曳紅氍淩碧浪

恐輸釣叟芰荷衣

白叟黃童出短壚望仙何似李膺船飛榆忽向秋空擲

拾得還疑子母錢時父老迎船者衆尹公散錢資之

遠望湖流半浸山分明曉鏡照烟鬟白雲深鎖棲禪處

策杖何時更一攀

梵舍珠林翠靄迎羣公款客有深情得看水國蒼茫趣
更聽滄洲欸乃聲

佳游令我憶湖山島嶼滌澗水一灣
騁目卻無靈鷲嶺望中惟有碧雞關

得借昆明洗玉觥無窮吟興酒邊生
從來迂叟情蕭遠只愛疏林隔水橫

曲院長廊處處幽未妨斗室小如舟
八窗洞啓湘簾捲萬頃烟波一白鷗

拂鏡霜花照鬢新當筵泥酒暫沉冥
情騰醉裏擡雙眼春及堂詩集卷三十二
通行集七

繞座雲山八面屏

蓮花鏡現荻蘆洲更喜烟嵐聚一樓
果是大觀無衆妙錦囊詩料儘堪收

滇南卉木四時宜秋盡春花已綴枝
我識老松親愛記歲寒畱得碧雲垂

閒庭高敞更飛觴近水風多酒易涼
芝蓋漫勞遮綺席山雲先與澹斜陽

閒鷗坐對兩機忘牽纜歸來月滿航
到岸華燈齊照路烟中猶聽響漁榔

舊雨同心宵刮眸殷勤齊賦木蘭舟
何時共理明湖楫

得與滇池續盛遊

疊前韻酬穎菴學使贈別之句

最愛藏書室頻過插菊籬深杯浮綠蟻
佳句滿烏絲幕繪巡行蹟流傳公讌詩
何當敦古誼惜別更抽思

南國軒車遍青陰樹樹棠陶甄歸大冶
採擷萃羣芳棣萼聯輝近著我戴澤長
聽鶯期後會攜手五雲鄉

雪蘭

含嫣束素淨無瑕結珮應憐第一花
昨夜夢回湘水上玉釵相並落瑤沙

優曇花

春花最好丁香結佛樹難逢優鉢羅
爲我一枝開近閣檀心香發鳥來多

仙人掌

仙人碧掌出墻東片片高承玉露中
疑是肉芝成別種綠膚容易長秋風

時齋中丞署中望月

官衙奇樹倚雲栽三陟危梯到月臺
正見銀蟾生海嶠清輝萬里忽飛來

圓通寺

白衣開士悟真空能取蛟宮結梵宮
攝盡腥涎無別法

但從水觀得圓通

春及堂詩集

卷三十二

滇行集七

七

春及堂詩集卷三十二

春及堂詩集卷三十三

錢唐 倪國璉 穉疇

滇行集八

板橋曉發

來日秋風颭柳條
今看寒旭上林梢
出滇爲記初程路
馬踏清霜過板橋

秀嵩山

秀嵩山色淡拖藍
烟靄初收雨半含
十里詩成看不足
柳林疏處幾停驂

海湖寺

春及堂詩集

卷三十三

滇行集八

一

嶺石爭奇萬樹幽
嶺頭精舍面湖流
天風吹動凝瀾響
碧海何人駕葉舟

嵩明湖

忽訝湖山似故鄉
東來蒼嶺接波光
分明魚網收花港
隱約疏鐘送夕陽

南溪橋

庚戌橋邊水卽南溪橋
淙淙碧玉流
偶經堪漱滌
盡日足追游
不雨峯峯潤
凌寒事事幽
更無塵土氣
絕似冷泉秋

題南溪村舍

盤回新闢路
好景在峻嶒
崖谷候偏暖
霜林紅欲蒸
蒸橋

橫溪曲曲田抱水層層三五農家住依稀似武陵

松桂菴

細篠環門綠一菴松桂中流雲逃向背野水任西東峯
繞孤亭小禽鳴返照紅巖樓讓山衲車馬笑匆匆

宿鐘子室

人家最高處此夕住烟巒圓月輝偏近長松影獨看倦
吟還進茗欲臥勉加餐明日過狼箐梯雲路正難

再過斗狼箐書曉景

前來過上等疏雨兼斜暝今歸再陟險衆峯方出雲禽
喧曉光發一片青氣氤樹色互隱現烟際無崖垠如觀

春及堂詩集卷三十三 通行集八

二

入妙畫層疊差可分飄飄天風來爲我開重氛

西林晚渡

再問西林路橫波渡小艘十尋開窳口百里到盤江晚
泊漁偏早眠沙鳥自雙行人立斜日極目送驚瀧

上打鐵關

關路盤回上關雲黯淡飛半空橫鐵色萬樹變霜威望
遠詩盈目風高冷襲衣攀援難到頂駐馬立朝暉

石龍關眺望

關頭石路亘長虹翠壑丹林一覽中更向雲嵐低處望
萬重峯外夕陽紅

坡黃驛

一水灌千頃千家聚一坡往來俱向夕燈火再經過田
刈知農樂蟲鳴識候和殷勤勞驛吏手版出烟蘿

再過望水亭觀瀑

垂瀑冬無減觀瀾客再來常傾九天雪不斷一潭雷絕
壑仙堪隱陰崖雨忽催尋源思獨往雙屐濕莓苔

游飛雲洞

湧地成飛勢靈巖作畫看盤空垂石乳滿耳聽清湍晏
坐瑤華覆旁窺玉竇寒澗風吹紫竹搖動白雲端

夜抵黃平

是晚僕入襖被忽爲苗人竊去

春及堂詩集卷三十三 通行集八

三

雨滑黃平路危崖俯斷谿草深苗境逼夜黑使車迷行
李倉皇失轡帷造次棲絕憐癡僕睡忍凍似霜雞

宿施秉

聞逆苗圍城邑侯蔡君名謹上元人督民死守凡五十餘戰以少擊衆無不勝者苗

乃引去

聞道偏橋卒忘軀阻逆蠻孤城三汊水半壁百尋山鈴
鐸仍周夜弓刀總抱關蔡侯真健者苦戰血袍斑

過鎮遠

鐵壁通盤道黔關此最雄兩山如峽裏一水界城中蹂
躪餘兵氣瘡痍論戰功苗氛何日淨籌策仗羣公

鷓鴣灘

滾滾灘頭水長年倒放船堅留初凜若急下忽翩然行
且憑雙槳歌惟叩兩舷回看逆流者百丈正斜牽

泊大魚塘

漸已離黔境行看入楚疆日斜盤碧嶂風利到魚塘此
地兵氛遠今宵客夢長清灘鳴不住漁唱起滄浪

宿水便驛

山驛仍臨水津頭晚渡稀人家薪共積漁戶鴨能肥煙
亘平林影寒侵旅客衣夜來風較緊泊近釣魚磯

過沅州

水到城逾闊虹橋百丈開浮居江店接互市熟苗來扼
春及堂詩集卷三十三 續行集八 四

險增營隊防邊倚將才諸軍曾擁護共識使船廻沅州為苗

變時告急提督率兵至安沅今駐防湖
南兵百餘人入省溪內一半兵也

曉發沅江

夜半驚風打客船起來微雪淡江天樹枝半帶冰棱瘦
峯面初施粉黛妍酒店風旗迎曉曙人家園草度殘年
輕橈直下沅流去看盡諸灘洞壑懸

曉起看雪

江行逢快雪起看萬峯明景正如人澹詩應入骨清烟
銷村徑寂冰重樹交橫鶴氅披還冷玉塵吹又生

寄題明月菴

老衲高居近碧天香花不散定中烟山崖陡絕無人到
孤月來參石室禪

花鳴

丹頰青翎白羽毛江洲花鴨任遊翔芙蓉已老汀蘭歇
映爾銀河與碧濤

下灘十首

輕輪駿馬疾揚鞭不及雙橈下水船忽過清灘如驟雨
回頭已隔綠蘿烟

蕭蕭紅葉弄霜晴碧水青崖兩送迎順著船頭下灘去
好山開處一谿清

春及堂詩集卷三十三 續行集八 五

葉落低枝綴雪斑荏桐萬樹亂峯間始知子久饔頭法
爲寫荆南百疊山

米載低篷逆溯波蒲帆幾片忽輕過我因水順君風便
齊唱清江欸乃歌

險中奇景數辰灘兩岸危峯夾碧瀾但惜青黃過眼疾
每于佳處未停看

水當平處碧潭深夾岸青巖秀晚林蘭藥不操舟自往
坐隨雙鷁出波心

輕舸箇箇坐漁師一丈青篙帶網施怪底鷓鴣呼不起
共銜魚鱗出淪漪

寒灘不比夏灘高，
激激淙流少怒濤。
清浪穩過三十里，
伏波祠下薦溪毛。

路過甕口衆灘平，
穩櫓蘭舟趁夜晴。
仰看疏星低映水，
參旗斜展月三更。

莫待風生浪打船，
武陵急櫓晚晴天。
沙清水濶蒼山好，
櫓人來隔半年。

石橋驛題壁

石橋引睇望江天，
漢廣斜拖白練烟。
四百里間舟幾點，
楚山欲雪暮蒼然。

襄陽道中

春及堂詩集

卷三十三

真行集八

六

烟靄凝寒沒樹腰，
峴山東望漢江遙。
碑前曾墮羊公淚，
今古愁痕總不銷。

羊太傅祠

雄險襄陽郡，
風流太傅祠。
山川俱不泯，
名德冠當時。
淚爲殘碑墮，
裘看緩帶垂。
漢江波滾滾，
未盡邑民思。

江湄有習家池碑，
而習家實不在此。
題以寄意。

一從若芋醉山池，
此後何人倒接羅。
曾是山公騎馬過，
未妨題與後來知。

訪孟亭不得其處

摩詰真能畫，
山亭寫孟公。
清輝無處所，
烟水漢陽空。

宜城感舊

細叅空色綠濛濛，
邊荷葉荷花憶舊緣。
一洗明妝化清淨，
碧琉璃湛冷雲天。

塘坊烟樹剩寒枝，
鶯鴨依然泳碧池。
去日迎秋歸釀雪，
宜城酒味客深知。

南華前輩寫碧雞關圖，
因以詩乞之。亦猶松陵集。

迎研詩之意也

醉寫碧雞關醉墨，
何淋漓關右接太華。
關前面昆池叢青樹，
蔭密繚白雲度遲岡。
成自怡悅，我見固請之幸同。

春及堂詩集

卷三十三

真行集八

七

流波既往誰復知，
茲關峙巖岬跡古足標奇。
爲圖記使轍遠歷西南，
陳他時焚香看懷舊酒盈卮。
神飛兩翅間咫尺，
地軸移先生莞然笑一諾。
勿復辭爲我，更渲染嵐壑增妍姿。
無忘萬里投可副百篇詩。

先生有真南雜咏百首

雲南制府尹公入覲賦贈二首

駿駿萬里歷秋原，
玉殿親承

帝語溫江表，
十年專節鉞。
南中一柱靖邊垣，
鯉庭趨對勞瞻帖。
錦瑟重調賦采蘋，
從此沙堤看接武。
韋平濟美

拜

新恩

迢遞雲山憶使車地多賢主樂無涯紅香初識優曇樹
綠雪頻煎洱海茶歲遇有年成富庶才歸樂育萃英華
公餘好句煩酬贈樺燭清宵燦筆花

春及堂詩集

卷三十三

通行集八

八

春及堂詩集卷三十三

春及堂詩集卷三十四

錢唐 倪國璉 樾疇

春闈詩

丙辰試院春暮

鎖闌成小住簾額斷緇塵淑景剛三月花時賸幾句詩
清能療俗交舊恰如新近喜邀雙屐同吟婪尾春

勵衣園少司寇以詩餉酒卽次原韻

養花天氣半陰晴爲遣微疴藥後行文入彀中須賞識
棋於局外最分明柳塘清曉聽鶯與杏苑春風走馬情
得藉玉壺攜法醞敢賒吟思度餘更

春及堂詩集

卷三十四

春闈詩

一

和衣園春日病起再疊前韻

病夫難負是春晴強起閒階步屨行金水綠楊思上已
藥欄紅雨記清明甕頭麴蘖虛求醉籠內參苓舊有情
支枕故應頻索句臙燒官燭到深更

和衣園登明遠樓韻

梯雲何處豁雙眸此地人文萃九州瑞雪半融初霽日
東風齊上最高樓舉頭天近存寅畏造士

恩深起頌謳恰喜賓賢逢極盛杏花春接桂花秋
去年使節得詩儔賡唱幾忘萬里游執簡更來陪法曜
簪毫重與蘸螭頭參差樹色披圖對遠近山光倚檻收

轉憶五華峯頂坐昆明池水淡橫秋

奉題周心國祠部南遊集後卽用前韻

仙才本是玉堂儔奉簡持衡快楚遊
丹闕遙瞻青漢外白雲常戀碧山頭
烟消水驛搖鞭過雨散江關信筆收
應憶洞庭波浪闊青螺一點靜涵秋

填榜前一日疊韻

廉纖雨暗復吹晴正見游鯢駕浪行
食葉春蠶眠乍起抽絲獨繭錦初明
櫻桃宴啓羅羣彥雁塔名題續勝情
此夜短檠光徹曉青衫人待錦衣更

贈友三首

春及堂詩集

卷三十四 春開詩

二

雙屐能頻過招邀似近鄰
造門惟二仲扁戶竟二句同
病慚春艸多才愛故人投箋聯日夕
交比向來親
好句吟逾健真同李杜羣
詞源傳脈脈鐙藥謝紛紛
神斂從新好心清滌舊聞
看花時節近聚散感春雲
瀛海分餘瀋珊瑚拂玉塵
得心忘永日觀妙喜連旬
丹筆風規正銀毫楷則新
羣公高唱在如橐萬花春

揭曉日

大雅書升日冰壺絕點塵
榜花添滿百蓂葉恰成旬
釋褐

君恩重彈冠士氣新
容臺敷

聖澤柳汁灑深春

春及堂詩集

卷三十四

春開詩

三

春及堂詩集卷三十四

春及堂詩集卷三十五

錢唐 倪國璉 穉疇

星沙奉使集上

丙辰五月十七日奉

命典試湖南恭紀

鳳翽生才地

龍飛籲俊時秋英求澤國文教洽南陲慎簡欽

恩命推揚泰素知大庭重較藝

三殿屢登擢竹聽宮壺漏齊瞻 御仗儀記名

天語藹奉 詔使車移蒲綠熏風長葵紅曉露滋遶湖

春及堂詩集 卷三十五 星沙奉使集上

新驛路作客舊題詩岳麓開蒼霧湘流湛碧漪遊仍三

楚廷宮立十年還暑雨逢行邁關河入夢思星沙明一

點照我玉衡持時為乾隆元年恩科特命大臣保舉典試之人三月十七日保和殿考

定等第引見養心殿記名以試差用璉為錢塘徐公所保考列一等十四名五月十七日恩命典試

湖南憶自丁未秋迄已西夏客長沙者三年茲奉使而

往實為稽古之榮且此地人文昔畧識其槩于持衡之

定見云

以兩琴寄袁作山齋中

迢遞王程復楚遊冰弦雙寄艸堂幽知君憶我閒調軫

彈出瀟湘雲水秋

分寸躋攀看緩綽別情齊付玉琴操賞音相對宜雙鼓

素壁松風起夜濤時同寓重光吳君雅善吳操

過許州許由挂瓢處

讓德唐堯本至公先生洗耳逐高風須知事業光天下

只在仙瓢一勺中

頽水洄波想逸民三千年外柳條春誰家黃犢無拘束

自飲清泉不避人

過臨潁懷沈端恪閣齋先生

六月二十日過臨潁縣吾鄉閣齋沈端恪公舊

治也公初任此治民仁而治盜嚴勤于為政每

夜輒巡行至明盜賊屏跡百廢具舉今過其邑

春及堂詩集 卷三十五 星沙奉使集上

禾黍被野城郭完整慨然想見先生之治蹟因

題短行以誌懷仰

寒夜僧房語於今十七年法星光早隕舊治景依然澗

野波流地垂陰柳接天賢聲昭史冊不獨口碑傳

書徐茗園候蟲吟詩集後

誰遣君詩如此清斯飢季女百憂生可知原憲蓬廬內

繞戶惟聞金石聲

好句流傳世上多能詩東野奈貧何思君卻泛清湘水

千里西風卷白荷

明港驛立秋獨酌一首

匝月黃塵裏馳驅豈自由支離常善病容易及新秋涼
氣侵晨爽炎蒸過午收引杯孤驛晚得酒且忘憂

自明港驛抵信陽

卽周封中伯地

今日見山更聞水抱水環山稻田美竹與始覺迎秋風
唧唧蟲鳴草露中中州地最近荆楚王程大半經炎暑
高下峯藏申伯城河干杳靄逃烟雨

晤荑山大姪

時爲信陽州佐

兩度輜軒出滇南復楚南吾宗多吏隱喜接阿戎談渡
湖逃沙渚城低繞翠嵐殷勤道左意鄉味得分甘

時饋笋片

瓜當皆故鄉佳味

春及堂詩集卷三十五

星沙奉使集上

三

渾河

淺波鳴白沙禿柳臨斷岸涉此無橫流且免臨流歎
時最不易渡

雙河渡

此皆淮水上流

清沙水交至馬驚人語譁歸淮復幾日浩蕩方無涯

雙河店聞多虎

小山草蒙茸客行愛蔥蒨豈知伏於廐居人淚如霰

恨這關

青壁峰峰對危坡步步高關前易緘恨伏暑行人勞

平靖關

青山劃兩界南汝臨北楚王道本平夷擅勝不耀武

雲夢旅館聽雨

電激雷轟風怒號簷泉不住急秋濤但教一夜中田滿
明日低棚罷桔槔

使車豈有隨車雨到處如移雨腳來賓館不妨頻避漏
夜深翦燭坐風雷

德安踏車竹枝詞

喧喧鑼鼓柳陰多半是迎龍半唱歌唱歌自解踏車苦
迎龍只望雨滂沱

過觀音坡一首

春及堂詩集卷三十五

星沙奉使集上

四

觀音坡上百株松樹樹青蒼欲化龍過盡天風龍吼罷
微聞菴底一聲鐘

江夏驛路以水漲不得行因乘小舟行六十里

浪沒湖堤路未通卸鞍仍駕片帆風荷邊鷺渚西風緊
柳外漁村返照紅輕槳自隨烟水曲低篷忽入荻蘆叢
舟師不怕舟行晚爲指圓闌月出東

夜至東湖驛

浪打湖心急檣搖收船月正照平橋村人肯爲客沽酒
小徑松門夜半敲

山坡驛曉行

昨日淒迷怕秋雨今朝涼爽快秋風一林松靄環溪綠
無數槿花垂露紅

引路松自東湖驛起至咸寧蒲圻二縣皆有引路松云是明熊芝岡所植松皆合抱尙有三株百餘

沿湖山徑僻喬松引路頻冰雪剩老幹風霜剝蒼鱗亭
亭列雲表知歷幾冬春當時種者誰芝岡跡未湮意在
蔭雲路夾道如篁筠後來斤斧加名材委泥塵今存尙
三百守護若有神長颺起天半吹簫感幽人孤標瘦逾
直秀色古彌真征夫疾驅過廻脰意轉親何當抱琴至
白石澗之濱清夜鼓明月相與懷隱淪

春及堂詩集卷三十五星沙奉使集上 五

觀音菴

使轍衝炎歷武關今朝已出百圍山疾雷忽捲千峯雨
人到花宮心暫閒

過孝感喜晤金長孺同年賦贈一首

歷歷行南國依依見故人艱難同負米悽惻感重茵木
落愛寒日時豐欣小春知君敷雅化江漢俗還淳

寄題黃鶴樓

長江清漢日悠悠橫渡惟憑兩檣舟我有豪吟託黃鶴
願同仙客一登樓

過蒲圻贈耐菴明府

我愛蒲城古湖東關井疆川原鍾秀色風物似吾鄉歲
稔民皆樂秋清雨作涼恰逢仙吏到瀟灑坐琴堂

禮聞春宴後奉檄遂之官相送期良晤相逢續舊歡馳
驅雙節過豐阜七弦彈指日團圓慶西風助碧瀾時耐菴母夫人舟未至故有末句

官塘驛贈趙丞亦浙人

清勝官塘驛門開面面山放衙青嶂裏款客綠陰間池
水秋涵碧籬花露洗斑多君能吏隱弄筆有餘閒
小廨延西爽兼招竹下風畱題客並妙得句主先工適
館諸鄉味開軒坐翠叢停車遲後晤有信託歸鴻

春及堂詩集卷三十五星沙奉使集上

六

官塘驛夜雨

此宵猛雨挾狂颺銀箭斜飛幾萬條簷前橫捲天河水
湖口平移大海潮起看漏痕苔壁冷坐闌更點蠟烟銷
疾雷更轉千巖裏催起潛蚪潤槁苗

山坡驛夜夢徐若園向余吟冰魂的的消之句醒

後成一絕

詩魂清已似冰魂何處消來豈易論的的妙回山驛路
楚天寒月淡無痕

武昌制府署中三詠

石池

方池已久涸公來濬其源碧瀾涵紅鱗樂意在不言豈
惟物得所俯矚天機存

岸湖舫

虛白生左右篷窻忽在陸如堪載酒行偏宜展書讀何
必問張融非舟亦非屋

桂花廳

金粟開滿庭數楹宜小住置身衆香國誰栽月中樹我
思天竺吟亦憶淮南賦

晚登黃鶴樓

城聳孤標臨絕岸樓環八面敞虛窻武都地險雄荆楚
春及堂詩集卷三十五 星沙奉使集上 七

大別雲橫滙漢江遠渚落鴻低一一中流急槩大雙雙
我來目送晴川晚何處清鐘對月撞

題朱子手書易繫太極篇呈史鐵崖尙書

蔡九峯先生摹刻

尙書座右古碑紙誰其書者子朱子易繫微言太極篇
聖作明述成兩美此篇實包全易妙此書亦通造化理
峭石蒼藤洞壑冥雷奔電合龍蛇起世傳公書學魏武
霸氣粗豪安足擬試看此書殊古穆道德之華詩書旨
我昔曾遊白鹿洞健筆峻嶒類如此仁智風雪標澗泉
松陰落翠莓苔紫

由雲溪驛往岳陽途中望見洞庭感舊

一色琉璃接混茫碧山高處見湖光圓靈鏡影秋無際
少女分風客獨航幾簇荻蘆蒼雪冷數羣鳬雁白蘋香
昔年曾借漁舟宿彷彿歌畱水調長 戊申會宿岳城下
十日今屈指九年矣

立湖堤斷處待渡口占

一曲湖灣碧于玉雪白鷺鸞紅藕花行人望渡不得渡
且依垂柳坐枯查

石橋舊址水深涵隔岸漁舟喚再三青篙一丈不見底
莫惹潛螭出碧潭

春及堂詩集卷三十五

星沙奉使集上

八

青岡驛四首

經行幾驛住衙齋未若停驂此處佳竹裏窻開青嶂合
芭蕉雨過一開懷

雞冠參差石砌滿鳳仙開落小庭閒蟲聲唧唧感秋氣
遠客思鄉殊相關

西窻正愁赤日至南山忽聽殷雷鳴隨風疏雨灑復灑
此夜吟情分外清

青岡驛外青山好但倚牆頭蒼翠來誰家籬護竹萬个
白版雙扉畫不開

湘陰道中見荷花

君子遺塵獨立美人凌波欲來秋渚千枝露濯曉風半畝煙開

讀聽天樓制藝題後

神仙濯靈府剔抉造化根杳渺屏萬慮飛精驚天門又如聞妙香一室寂無言孤花露幽影哀絲息煩喧秋竿瘦且勁水玉栗而溫三霄吸清瀦肌盡雪羽存我能喻斯旨疑見夢篆香絕詣廻顏波豈藉名山尊

恩波橋在湘陰城中

漫漫湖水斷行人自有虹橋識去津何似吾鄉夾明鏡桃花楊柳不勝春

春及堂詩集卷三十五

星沙奉使集上

九

春及堂詩集卷三十五

春及堂詩集卷三十六

錢唐 倪國璉 穉疇

星沙奉使集下

再續菊花詩有序

三湘七澤舊識寒英鼓瑟承筐新尋香草勤鑒別于露蘂霜叢之側定品題於蘭青芷白之餘餐以三旬賞仍重九蒼涼野徑已無不擷之菁英爛漫疎籬幸有同心之愛玩挹高秋之爽氣玩晚秀于芳蕤前此客牕半經青眼今茲使轍不負黃花爰寄託于荃蘅用常存其芬馥云爾

春及堂詩集卷三十六

星沙奉使集下

一

爲擷羣芳問楚潭湘中佳色舊曾諳普天瑞露金英綻到處秋光碧蘂含採得一枝邀共賞摘來盈把願分簪
淡香本是神仙種好與同心子細探

瘦格清標正及時官教凡卉占東籬心乎愛矣餐非晚若有人兮遇獨遲瑟瑟西風成兀傲森森涼月乍參差
芝華競秀蘭苕苗一例移將上玉墀

老圃千枝簇錦雲繞闌吟遍卻平分幽閒獨抱原無偶素絢齊開總拔羣燭翦離離清影照簾垂細細妙香聞金疊宴舉逢重九不負山家灌藝勤

耐久芳華孰占先石潭無底助秋妍叢開舊雨看如夢

藥帶清霜佩欲仙雲母白甯青嶂色鬱金黃近御爐烟
數畦尚有餘芬在好護元根待隔年

使館落葉滿階感悼槐堂中丞夫子

西風吹古槐落葉下蕭槭憶昔住槐陰三年爲楚客今
來槐已枯虛署人屢易言尋讀書處烟草紛以積人生
感知已況乃生死隔芳蘭雜蕭艾餘芬空歎惜悲生鵬
鳥賦清映汨羅澤有淚若秋霖遍灑湘筠碧

青岡驛曉行

晨曦出還翳清霜寒未遣松枝冒餘烟引路迷近遠悠
悠楚山思行邁一何緬穿嶺竹輿輕披風鹿裘輒感此
春及堂詩集卷三十六 星沙奉使集下 二
歲將晏涉彼溪流淺使還頻帶星不及南鴻緩

青岡驛到岳州徑從湖中行近十餘里

去時沿湖路屈曲我歸徑截湖中行人踏軟沙不愁陷
馬馳曠土方喜平向來鱗介渺何處舊日波瀾空復驚
烟開西望岳陽近何限古人憂樂情

賦得山雞舞鏡限山字

錦禽毛自異寶鏡翳全刪獨照羣光麗齊飛舞態閒綵
拖翎試展霞爛翼低還乍似翻紅袖頻疑彈翠鬢憶儔
鸞得偶應節鶴同嫺文彩原無別差池儼就班石邊矜
眴睒花外屢回環奮距穿林藥騰身蹴薜斑雄雌雙意

合內外兩情關比德儀青鳳能馴勝白鵬思依仙苑裏
擬託上林問顧影鳴堪聽清音滿碧山

還至平靖關

行行入武關山逼徑漸窄陰崖森短樹幽磳疊危石陟
坡升層雲躋巔望輾轉連峯蒼靄黯黯如欲夕吁嗟
鼃塞扼自昔疆宇畫披榛蹠虎踪攬葛上龍脊峴沓朔
吹寒感我久于役千五百里餘回看楚天碧

信陽道中

縈紆路繞小山行草樹全凋鳥不鳴惟有寒流清且淺
耳邊猶作玉琴聲
春及堂詩集卷三十六 星沙奉使集下 三
長台河

柳外長河玉帶斜板橋嫋嫋貼平沙西風似爲催人渡
吹過春雲幾陣鴉

確山縣

迢迢泥路歎閒關風捲寒雲濕不還橫著使車開妙畫
雨一一半朗陵山

涉淮

今年淮水溢沉浸六百里鄆城當其衝麥漂隨流駛我
過路沮洳踏破艱尺咫窮黎望中田灑泣再舉耜言歸
復涉淮高岸望渺瀰晚渡趁夕陽白舫載行李詢俗更

苦旱秋禾半空糝幸值

聖明時蠲賑徧遐邇嗟此瀕水氓兩災良憊矣撫綏藉
公等寒餓爲之起

渡河

頃刻踰河趁好風兩帆如翼艦如鴻不施尾後重矛力
直恐乘流到海東

由新鄉至衛輝

風定喜初旭人行破早霜過河寒較甚越汴路非長野
陌凋棉梗中田長麥秧使程逢曉霽得得馬蹄忙

自新鄉縣山城去年官道多水乃由太行隄上行
春及堂詩集卷三十六 星沙奉使集下 四

六十里隄左右皆村落遠望雲水渺瀰近睇烟

樹絲連其堡舍高低阡陌參錯樵牧老幼以及
雞犬牛羊無不歷歷如畫昔人所以遊複道登

崇臺以騁觀覽者其樂不過如是余前與南華
前輩並興行望太行聯吟得詩數首皆不記今

夏入楚復登此隄前景宛然因又有句然不錄
亦并忘之及冬還不復行隄上至衛郡乃吟二

絕以補之

去年隄上行堪憶左右田家畫不如況有太行青眼在
欽崎斜帶晚霞舒

更憶南華共望山山雲不辨鬱屏顏吟成雲散山如櫛
露出天邊翡翠鬟

涉漳河

濁漳寒已落遠涉有行人欲立獨懷古舉袂更問津沙
禽鳴凍曉岸樹戛風晨欲訪銅臺迹霜天捲幔頻

道傍柳

官柳成陰已十年迢迢一望綠垂烟
先皇愛物恩常在直到神京樹接連

過邯鄲二首

兩年四走邯鄲道鹿鹿何如夢境閒炊熟黃梁眠正穩
春及堂詩集卷三十六 星沙奉使集下 五

午雞啼過竹籬間

一場春夢最分明賸有新詩夢裏成吟罷爽然真大覺
客牕支枕月三更

涉洪水

頻經衛邑聽潺潺沙際平涵碧玉環十六橋門寒溜急
水鷗如解送人還

先賢端木夫子祠

眞能知聖邁由求誰及三年宿墓頭我過及肩墻下拜
一灣寒月下宜溝

畫水

趙州畫水法聞道自吳生高浪儼成勢驚濤疑有聲鷺
邊依岸涌鯉尾挾風行海立尋常事滔滔素壁橫

滹沱河

積葦成橋勝踏冰曉寒策馬渡淩兢燎衣圖上空茅店
麥飯於今熟未曾

正定西望羣山如畫

寒山惟露頂歷歷在車西霽色遠方淡烟光午尙迷界
分京邑秀勢逐太行低更照依微樹應畱北苑題

清風店喜雪

爲兆豐年雪應時清風鎮上馬行遲野鋪銀海全無路
春及堂詩集卷三十六 星沙奉使集下 六

樹變瑤林半壓枝催曉不須雞幘報怕寒更覓鹿裘披
凍髭撚斷頻吟望茅店遙憐殿酒旗

同年阮裴園檢討移居作詩索和余自湖南回方
移居正陽門因走筆奉酬

移居玉軸載盈車喜有清陰覆竹廬位置藤牀攤卷坐
九衢塵味頓消除

漠漠雲低釀雪天小牕呵凍涌言泉新吟只爲幽居好
點筆喬林古石邊

我亦新遷書笈輕芳隣那得弟兼兄玉堂草制雙歸夜
得見金蓮次第明

呂評事審南招飲紫藤花下

呂君宅裏藤始花千枝萬枝垂紫霞橫空飛香滿庭院
十尋高架蟠龍蛇招邀深荷主人意有約隔年期必至
有詩應向花前吟有酒正宜花下醉新知舊友氣如雲
玉堂雙筆吹蘭芬青驄御史才何健水部仙郎秀且文
我來花間彈古調已遇鍾期頭轉掉冷冷七弦魚解聽
忽度微風花亦笑多君兩阮能好賢年年花裏稱神仙
餐花玉顏自常駐賞花不惜酒如泉我欲重尋看花路
棚底金鈴煩好護攜琴月夜坐藤陰飛花拂軫延幽趣

春及堂詩集卷三十六

星沙奉使集下

七

春及堂詩集卷三十六

春及堂詩集卷三十七

錢唐 倪國璉 穉嚀

潞河吟

丁巳四月自通州入京奏事因謁澹初夫子蒙畱

宿款語竟夕兼賜以詩依韻五首

偶借高齋住吾廬卽是真鄉音忘旅處雅酌集交親雨
後吟三復花前酒百巡

紫宸新召對銀管更生春

十五年中事相逢總率真新衙人共羨舊雨話偏親史

院晨先入詩廊晚獨巡此宵頻翦燭藹藹座中春

春及堂詩集卷三十七

潞河吟

一

矩步超流輩青年葆性真幸邀陶鑄久不獨笑言親僧

閣思同馳郵同遊屢巡宛如隨杖履小憩峽山春庚戌十月

峽山

薦剡平生感魚珠恐混真俸錢貧展貯書卷老彌親楚

尾三年待河干一葉巡升沈竟何定且買玉壺春

髮白銷何易蕉陰夢豈真鶯花頻歲隔僅僕異鄉親菊

徑臨秋闌梅簷趁曉巡驚鷗盟早定應憶鏡湖春

通惠河卽事三首

輕橈何似泛湖船浮鷁衝波導我前好是朱關張翠幔

綠楊隄上一驢牽

蘆葉蕭蕭夾岸生西風引雨畫船迎輕雷已過青山晚

又聽隣船簫鼓聲

誰家綠樹繞虛亭鹿眼籬邊酒幔青醉臥濃陰呼不起

水邊歌櫂夢中聽

自通州放船巡視漕務抵津門而止

我行隨安流雙舟信所泊巡行職當勉趨事敢弗恪糧
艘遠自南眼望潞城郭烟中一塔峙卸重如釋縛沙澀

官爲疏立使川途拓更防吏索錢爲爾舟子虐使者載

龍旌亦遣蛟螭卻雷雨從我舟灑潤人共樂中宵洲渚

靜幾部蛙閣閣

春及堂詩集卷三十七

潞河吟

二

張灣

屈曲盤沙水疲勞挽重船力窮途尙遠行滯日如年戌

卒催持艇河夫例給錢張灣紛起剝百貨滿輜駟

題塞曉邨侍郎所作明泰妾杜氏紀略詩後泰官協領

以罪遣戍妾杜氏步
行從之八年遇赦還

靡他矢志逐行塵十指縫回絕塞春感動王孫吟五字

一時傳誦遍儒紳

九死能拚竟兩生八年壚畔酒痕清人閒苦節成甘節

不獨須眉有子卿

同里曹勉仁於便面畫著色山因題二絕

八年未省識家山孤負春雲疊曉鬟開筵忍看濃翠撲
與君曳杖欲俱還

往歲滇南復楚南使車飽看萬重嵐惜無妙手摹邱壑
好處烟凝復雨含

刮板行

刮板用以起沙疏淺狀如犁而鐵口平闊二尺
側入水版上鑿數孔使漏沙又直設木架繫大
繩二兩人立牀上又一人扶之一人插版入淺
處用廿餘人共曳之疏十餘次水即通流重艘
可過然隨刮隨淤後舟至必再刮乃通其用頗
春及堂詩集卷三十七 詩河吟 三

輕便而於溜沙爲宜亦製之最巧者也因作歌
以誌之

潞河沙澀水不流南來載重舟人愁智者憫之妙緒抽
引版刮淺巧孰儔以犁起土聲颼颼又復漏沙使不留
廿夫前曳致力適兩夫踏牀載沈浮若挽重車扶其輻
疏淺導滯如爬搜泥沙頃刻通清瀏今年飄風多石尤
經春少雨波浪收況逢淺阻川途修開濬實關
廊廟憂我思利用爲借籌以牛代人其力作六版曳以
十二牛晨夕濟運守河洲絕勝百夫聚勾兜開淺亦有
用法者
每一舟具兜十餘聚舟得百餘兜亦頃刻可通又
有一舵工仿刮版作兜法只以二人引之亦便利空官

無補成道謀柳條插標浪悠悠淺夫索錢集如鳩巡河
使者且逗遛作詩不付西河謳自對熏風吟柁樓

標夫

標夫插淺怕沙橫赤腳河干學鸞行貫汝鞭笞休浪插
柳枝高下一波平

河西務

到津程已半晨起望河灘小市沙頭聚空城水後殘漁
人適淺渚稅吏出廻瀾何處能謳者琵琶續續彈

題沈澄齋春江垂釣圖

江水平涵碧年光正轉蘋作舟推此客垂釣有伊人雪
春及堂詩集卷三十七 詩河吟 四

湖乘流慣芳潭散餌頻一竿紅浪暖萬里白鷗馴連引
掩鼻首輕鉤鯉躍鱗柳邊烟似織沙際草如茵盡日花
盈笑隨風絮滿綸春波方浩蕩咫尺是通津

復至津門憶舊

九年前記問津途攬轡河西柳半枯良友致書魚未達
驕人襖被馬新瘡秋冰夜合篴兒港野雪晴迷丁字沽
爲憶衰親頻悵望鬢邊贏得白髭須已酉九月余以符
館時在重陽後
二日河已冰

前已酉秋館於天津童葵園爲余下榻一室儼然
舟中也因有東尤韻詩二首今閱九年以奉

命查漕事至津與同事圖給諫各一舫余止攜
兩僕篋書以隨筆牀茶具又儼然一室也遂磨
前韻續吟二律

昔以單車到今因一水通悠悠真漫叟袞袞謝諸公契
闊懷松蔭芬芳憶蕙風幾宵寒漏永同撥竹鑑紅

作楫平生志

君恩與汎舟清流徒漱齒白髮竟盈頭沙渚頻浴溯河
干畏滯留未容尋舊侶好句得雙酬

蒲溝

水沒青篙一丈強東瀛咫尺接汪洋津門月湧潮初上
春及堂詩集卷三十七 蒲河吟 五

一夜蒲溝集萬橋

還經楊村感舊

水曲村居密喧聲聚估船亂燈明晚市過雨潯林烟插
淺知沙積傳更覺岸懸獨吟沽酒店廻憶十年前

自津門還至河西卽事書呈堯峯給諫

水平沙澀挽舟難沿汴經旬泊未安豈爲尋詩愛容與
只應把酒送波瀾臨風歌嘯舷頻扣竟日圍棋局幾殘
卻至河西堪北望西山隱隱見烟巒

打魚庄晚泊

泊舟烟渚晚岸景清可悅輕霞帶華星映此玉沙潔延

步登修堤川途見曲折歸禽逐前侶投叢影明滅此夕
持一杯聊用洗煩熱

板營口

揚舲再過板營口未見漁師網巨魚我有玉弦彈水調
輕條引隊雨來初

和合站

川路紆廻東復西香河界口草烟迷紫霞明處
神京近只認青山一髮低

喜雨

半年未聽連縣雨此夕真聞轉轂雷膏澤徧施風漸軟
春及堂詩集卷三十七 蒲河吟 六

蛟龍還擁壘雲回

蒲河行呈塞劉兩侍郎

潞源山霧靈東去入瀛海中挾渾與榆流波青浼浼暴
決本尋常沙澀頗亦每糧艘轉津門逆挽誰敢怠淺深
逢其時遲留實爲罪載重自南來妻孥一家在終歲涉
川途忽忽老壯改今年烈風多高檣斷魁壘況聞過橫
淺挑剝費尤倍丁勞

帝所恤丁困

恩屢逮萬物齊得所無私比真宰所以君子心當局惟
樂愷疏導宜先籌胥吏防索賄湛然若此河同寅藉寮

采天庾慎顆粒憂時拯飢餒流潤膏軍屯頌聲聞欸乃
舟楫利濟洪霖雨蒼生待

舟中苦熱

舟居無計避歎蒸只想垂陰虛閣登八尺簾紋橫似水
六銖綃帳薄於冰

買魚

沿流最愛買鮮鱗潑刺艖中白似銀漁子浩歌閒勝我
得錢沽酒不知貧

糧船竹枝

下水頻看倒放船南人歸去樂輕便年來只有軍家好

春及堂詩集

卷三十七

潞河吟

七

運到官糧不欠錢

泥沙屢向重舟移更遣河灘插柳枝爲語頭工勤採水

十三淺上最稽遲

南來花樹壓船艙水次買花人自忙爲是風波同歷險

一枝畱得夜來香

白髮軍妻能看舵十三小兒學打犁前帶不進風排浪

後帮不到水拖泥

避風謠

片刻驚風烈吹河使倒流飄搖江海上容易學操舟
頭纜繫已牢尾纜帶須早中閒更纜桅顛風庶可保

七里海間

海波通已近一開放運滴於此安瀾日寧忘橫決時堤
眞爭尺寸民不苦蛟螭濟運

天書在神靈護巨碑

副有書

潞流濟運四字聖祖御

春及堂詩集

卷三十七

潞河吟

八

春及堂詩集卷三十七

春及堂詩集卷三十八

錢唐 倪國璉 穉疇

庚申南行集上

承

命視學楚南前輩鄒太和手書聯句張南華以石琴及
妙畫見貽賦謝兼以畱別

邀榮

簡命復南游使轍周巡蘭杜洲到處芳馨堪折寄一聲
黃鶴楚天秋

身在冰壺徹骨清巴邱夜月續前盟願同太史燃犀照
春及堂詩集卷三十八 庚申南行集上

水底驪珠處處明

世間何事可深耽日日含毫染翠嵐天許衡湘畱粉本
萬川煙雨墨沈酣

薌簫似聽鳳鳴和石斲名琴冷韻多并入通靈圖畫裏

岫雲迴合水增波

西山詩和申南蘋

列岫排空暮靄騰層層梵剎欲燒燈誰從踏葉秋林際
畫出聞鐘歸寺僧

縈青綠白意飛騰放眼真看無盡燈略識巉巖真面目
住山或似定中僧

春橫天下豈虛名入畫新詩證宿因粉本不須吳道子
也知摩詰有前身

好山八面總宜詩策馬迎看信所之淨拭青眸無點翳
待看紫蓋衡嶽峯名出雲時

木棉花

弱翰不盈尺含花春露滋恰逢成絮日正是欲寒時皎
潔盈中野丰茸綴嫩枝村氓偕婦子採摘莫教遲

途間蕎麥初熟稽榦皆紅色甚可觀口占一首

蕎麥成朱草車前亦陸離鮮因秋露染醉向夕陽宜赤
羽行行插丹泉脈脈滋客顏凋欲盡感此奇吟思

春及堂詩集卷三十八 庚申南行集上

沙河開雁

嘹唳雁初過隨車破曉嵐我行猶在北爾去已先南結
侶聲相應齊飛路久諳衡陽回極浦好待客停驂

沙河細柳叢生似竹非竹爲吟一絕句

細葉長條拂曉雲湖州筆意宛難分水清沙瘦癡肥盡
便得蕭蕭似此君

題贈邯鄲宰方宏禮一首

驅車昔向滇南游王程五月涼如秋邯鄲夜半報水至
使館實抱其魚憂次年銜命復往楚扶病過征正炎暑
殷勤診視得醫來旅次匆匆感賢主今來重走邯鄲道

官柳蕭疏秋已老樂郊民物慶豐收行李快逢風日好
看君能作神明宰慈惠斯民心不懈仙吏仙鄉兩不虛
仁政仁聲久常在勞勞使轍頻經此握手深談良有以
鳬鳥雙飛覲紫宸月明願與同千里

未至遂平十五里見修竹一林喜而賦之

南來虛過淇園路未對幽篁插萬竿今日沙明水清淺
隔橋瞥見一林寒

修竹相逢似故人蕭蕭如此瘦堪親南中多少清標在
雨葉風枝總出塵

豫省石榴甚佳偶賦一絕

春及堂詩集卷三十八 庚申南行集上

三

火珠百琲醴仙漿路渴行人取次嘗世上懷奇儘如此
秋風誰與拆丹房

確山道中

好山看接輅不覺泥人深遠樹秀平野秋屏生翠陰豐
年農最樂小市日初沈又近荆南路搖鞭試楚吟

信陽道中口占

高低路入信陽來禾黍盈疇傍水隈大好羣山橫放軫
翠微深處一城開

幾處霜林引路紅使車終日逐西風重陽欲近逢晴日
忽有香來野菊叢

過平靖關

百轉隨山路欲迷翠煙芳草夾幽溪山花灼灼迎車外
山犬寥寥隔澗西

列岫連峯入望多立雲奇石復嵯峨但愁登陟勞人力
似此佳山不厭過

十月既望將往岳州循江岸行六十里抵橋頭驛
途中口占

雨歇行旌動沿湘望若何漁營收冷渚帆影沒遙波熱
路雲嵐變新晴人意和初程投驛早歷歷問巖阿

喜晤鄉友朱紹魯上舍

春及堂詩集卷三十八 庚申南行集上

四

山驛賢星隱嘉賓亦妙才素心同蕙草餘墨散蘭陔骨
挺春生竹神清月映梅明年看健翮風力早能培

洞庭漁歌

傷着蘋花下釣筒東西惟信一帆風無魚有句投詩客
名姓誰知鶴髮翁

青篷窄窄載全家早識洪濤泊淺沙昨夜湖心傾巨舶
顛風吹不到蘆花

夜來收網放輕船正是湖平八月天趁着蚌行三百里
珠光月色兩相鮮

湘江霽雪

湘流屈曲寒逾妙況是雪殘明月中一曲冰絃彈不盡
雁聲低掠水煙空

七十二峯淡若無浮槎客似坐冰壺憑他好手仇唐輩
難畫清湘霽雪圖

漁歌後三首

迎風急漿髮蓬鬆儂唱漁歌兩岸膺恐惹二妃清淚迸
一聲低曳過黃陵

船頭青笠弄漁叉船尾青裙兩鬢鴟一自飛來兵氣淨
汀洲賸採捲旗花

誰道東湖欲渡難西湖日月洗雙丸儂欲渡湖無遠近

春及堂詩集

卷三十八

庚申南行集上

五

一生秋水白雲寒

洞庭雪泛次韻

冒雪離岳城揚舲指銅渚我欲挂輕帆湘靈殊未許漁
子或刺篙買船齊息櫂天馬蹙冰花亂落如翦楮風斜
玉練橫勢盛春蜨舞船窻獨騁望波掀舟仰俯舟人各
避險散處不成旅素野見驂鸞銀沙堪掘鼠凍龍咽不
鳴潛鱗僵未圉寂寂埋舊磯森森冷新簾寒威惟酒降
密友因詩聚鬪巧射分棚角勝飾金距豈異裴王才正
得韓孟侶骨惟堅兀傲語不涉酸楚拈髭慰羈魂扣鉢
洗凡緒澹泊稱臣心謹呶洽賓序好句鐫名樓奇篇鎮

水府高卧暫擬袁乘興猶類庾霧綃旣齊織夜光亦同
吐明發破浪行聽擊回撾鼓

疊前韻

詩腸溶靈源如湍下洲渚劼敵排鸛鷺巨手匹燕許正
逢吟絮時吹花滿檣櫓重賡申伯章再展蔡侯楮彌空
玉龍戰繞指瘦蛟舞梁園賦競工白傅頭肯俯乾坤同
渺茫天地一逆旅苛禁戒題鶴勁筆過判鼠珪璧紛階
庭晶鹽混疆圉仙踪逃鹿柴獵火冷兔鑊興不同山陰
會亦擬星聚出奇夜銜枚賈勇日超距銷寒慶得朋破
寂真有侶翰灑吞全湖材徵壓三楚和寡信高曲律嚴
春及堂詩集 卷三十八 庚申南行集上 六

三疊前韻

賦料羅湖天吟懷發湘渚觸景歸鑑鍾默會兩心許澄
澄千里波一枝裊柔櫓研君烏玉玦拂我魚苔楮管城
奏功勳滕六恣翔舞林迷旣同白竹壓乃三俯得朋初
玩坤小吉仍占旅淪茗鄙羶羊嚼冰詫仙鼠神駿不受
羈摧秣思良園方將貢素麟次第入丹籙吾儕凍手呵
帝子愁眉聚飢禽遺遠音癯鶴印修距漏洩造化機刻

劃萍蓬侶附庸小國邾雄風大王楚元音削凡調純錦
杼妙緒瓊瓌落皎珠皎潔排鷺序氣干翼軫墟光燭洞
陰府銀鱗嘗水珍玉粒分天庾月來萍穢除雪映肝膈
吐靜息葆微陽春回萬物鼓

讀申蔡兩君過洞庭倡和之作因綴二絕句

洞庭放艇興彌高險韻賡酬兩自豪湘女雲中識忠信
一帆安穩送吾曹

曾入湘波幾度來帆行入而信奇哉廿年水月無增減
舊日魚龍莫浪猜戊申中秋舟泊岳陽城下看月有天之句

春及堂詩集卷三十八 庚申南行集上 七

過鰻魚潭逢收魚稅日邑宰饋魚供饌

湘潭無底碧漣漪出網鮮鱗斫鱠宜我過恰分漁子利
玉盤初薦雪寒時

江晚紅日次韻

恰看欲落未落已歷高春下春餘暉東崦西崦返照千
峯萬峯

曉望朱亭次韻

隱隱皆漁村炊煙出茅屋九曲剡中行一灣湘水綠始
知柳子詩應付倪迂讀

春及堂詩集卷三十八

春及堂詩集卷三十九

庚申南行集中

錢唐 倪國璉 穉疇

舟中聞讀書聲四首

盡蟄魚龍興不孤中流欸乃閒吟吾可堪嬾惰銷寒日
偃卧蓬窗獨老夫

平生書味濃於酒藤笈隨身欲展看兩岸玉山休笑客
白頭底事舌翻瀾

霽雪江山鼓柁回此中朗誦信悠哉蕭齋靜夜雞窓曉
何似清湘圖畫開

春及堂詩集卷三十九 庚申南行集中 一

岳雲凍合渚雲迷喜聽朋儕展卷齊漁父何心欲招隱
數聲寒笛起巖西

贈倉觀察

繞闌花竹羨才如祿養趨庭樂有餘九畹芳蘭公子珮
一林奇石丈人居閒調畫筆看春鳥靜理琴聲出沼魚
更羨戟門清似水比隣常得接華裾

題種桂圖

展卷天香共墨香先生親種發奇祥頻攜稚子琴書繞
早課奚童灌溉忙池影一泓搖曲岸鶴聲雙引出幽篁
原從月窟分靈異會見枝橫白玉堂

題放鶴圖

胎禽具仙骨逸翮誰能馴先生遺世才愛玩適性真縱
爾任高翔舞態烟華新參差展奇翼可望不可親招之
曰歸來結我松閒隣一聲鳴露曉澗壑同芳春

又題一絕句

琴心幾疊舞蹁躑何似雙飛向碧天清瀟飽餐霞骨換
定看棲息在瓊田

煮君山茶

不負君山一點青細烹茗甲酒初醒攜來綠綺輕如葉
彈得寒蛟舞洞庭

春及堂詩集

卷三十九 庚申南行集中

二

自岳州回星沙

輕搖一葉過湖來波上蒲帆片片開帝子揚靈風力健
雪殘岳麓照行杯

衡州嚴使君送蟹口占三首

甲士胸包琥珀黃畏寒先與搗紅薑兼逢地主擔衡酒
此夕真須拜岳陽

論肥今已及橙黃那用紅酸雜桂薑我自拍浮同鶴夢
一聲仙笛過純陽

金膏玉液泛流黃直得當筵不撤薑飽食水鄉鱗介味
南來已學雁隨陽

題謝觀察奉母督運圖

楚南秔稻鄉理儲有專差泛舟十萬斛好風吹渡淮先
生奉此職乃奉慈母偕愛日不暫離庶慰白雲懷利涉
張飽帆潏潏蕩漾無涯湘君爲揚靈渺渺飛龍排前導拾
翠羽後從搖珠釵天吳息其怒蛟螭亦斂靈起居太夫
人有如坐衙齋豈惟魚饌美兼觀景物佳私恩旣得伸
公事無不諧迺知人倫缺補救在吾儕拙哉溫太真絕
裾天紀乖純孝視此圖至性培根荄

船頭玩月

大湖連雨動經旬此夕船頭月色新澄浦有蘭真可佩

春及堂詩集

卷三十九 庚申南行集中

三

與君同擲露中春

次韻送春詩四首

芳草天涯望裏賒杜鵑林外寂無譁送春情緒惟呼酒
忘老襟懷且灌花新霽游絲深院靜夕陽飛燕小簾斜
日長只欲瞢騰睡江水頻煎雪色茶

陌頭何處不吹棉柳色藏鶯弄翠烟夢裏管絃聞日日
常郡院署後牆皆隣客中鉛槧笑年年雲陰楚岫迷珠
近居民時有演劇者市雨足春犁種玉田我愛金霞山色好白描猶得做龍
眠

舊游湖畔幾招尋勝友分牋卽景吟流斷脂紅春樹老

染成蛾綠曉嵐深樓頭客醉留遺珮湖上人歸拾墜簪
此事廿年重記省饒芳何地不惜情

白頭翻學有情癡筇竹花前挂一枝爲惜落紅仍斷掃
忽聞猛雨便敲詩寄愁自鼓湘靈瑟求醉惟傾荷葉卮
度索客行何所贈板橋親折綠楊絲

再疊前韻

春去堂堂客興賒酒觴棋局轉成譁金鸞未歇鈎輈舌
木筆猶餘雅淡花小檻橫竿山雨急幽窗細字暮雲斜
薔薇露浣名香燕消得隣園日注茶

抽毫詩思喜連綿一縷心香疊篆烟駐景何堪追往日

春及堂詩集

卷三十九

庚申南行集中

四

流光如此惜芳年銜泥乳燕低花逕解籜新竿立竹田
轉向薰風問消息羲皇已約北窗眠

花信催齊夢嬾尋寄情聊托短長吟棠梨落後鄉心遠
桑柘陰時別路深冉冉流光真激箭星星短髮可勝簪
攜來綠綺調清徵不覺冰弦入晚情

書畫因緣欲買癡一春湘管費枝枝人如陶令惟求醉
客似匡生善說詩排闥山青堪挂笏開尊酒綠且盈卮
卅年前憶聲華盛賸有中郎擅色絲

上界首雨泊卽景畫於便面并系以詩

野泊誠非計牽舟待役夫灘經清浪大路入九溪紆雨

氣連朝暮雲山混有無篷窗聊共適得句一胡盧

自武陵挂帆入桃源

恬波一葉枕書眠那用長年百丈牽天許仙源重問路
滿帆風送逆流船

綠蘿深處有人家花逕逃離入竹斜何必空山問雞犬
依然晉代見桑麻

百曲清溪萬樹紅分明一脈碧流通仙家祕迹知多少
只許雲山入望中

重過桃源

曾權扁舟過仙山不厭看羣巒如舊識一水漲新灘峽

春及堂詩集

卷三十九

庚申南行集中

五

裏尋源近花間覓路難漁人與邨叟髣髴古衣冠

清溪灘伏波祠迎神送神辭

水潺湲兮石嵯峨神宇懸構兮巖之阿溪毛薦兮牽翠
蘿望文螭兮侯所駕格予誠兮歛來下雲凝兮霜冷椒
馨兮蕭炳侯之來兮不來鸞飛兮引領

右迎神

侯將歸兮風蕭蕭霓旌擁兮雲旗蠱飲清醑兮侯所福
灘路長兮滔滔咸利涉兮千艘邀神貺兮出飛濤侯之
靈兮萬古威有苗兮播銅鼓贊皇猷兮庇中土

右送神

怡望溪

怡望溪頭望轉怡衆峯湧翠石爭奇一灣春水和烟暝

兩岸輕舟帶雨移

穿石

石脇誰鑿透瓊瓏立江心月來成祖印風過發長吟

水心寨

翠嶺塵蹤斷精廬絕頂開老僧趺坐處唯有水雲來

贈別申南蘋南歸

良朋借我來秋風出京華今爲求名去沅水浮輕槎江

湖浣彩筆長吟每思家行將拜高堂得意走鋒車璫瑜

在奇抱富貴何足誇君子執亮節琢玉期無瑕昔我游

西江負米浪容嗟驚心八百灘醉墨任欹斜爲君數歸

春及堂詩集卷三十九 庚申南行集中 六

途一一堆龍沙裁戕翦澄波灑翰標初霞既磨仙入斧

且斫月中花引領捷書至西窻成笑譁

永順道中

山深雨合便滂沱雲氣濃蒸失翠螺何處好風開晚霽

亭亭斜日照巖阿

春歸猶自有鳴禽竹裏閒關動客心正向故山飄遠夢

醒來人在萬峯深

舟中

遙望東南合沓山萬重雲外露孱顏平生枉自耽幽壑

難畫陰晴紫翠閒

一條寒玉界幽谿百折千盤路欲逃上擬青天下淵井

翠蘿牽斷鳥驚啼

永順院署

淨掃蠻天瘴霧開青山四月使車來苗生操管榮逾分

白馬青衫看榜回

穿簾雙燕羽差池細語巢中報客知客住衙齋剛五日

我將雛去隔多時

歸舟

一葉舟輕三槳划低篷眠食似漁家雷驚雪湧眞飛渡

送我清琴出浪花

春及堂詩集卷三十九 庚申南行集中 七

懷化驛雨甚溪漲不得行

山雨暮方今天河欲驟傾潺潺喧客枕不斷似泉聲曉

色千巖隱溪流一丈盈使車徒自迫今日滯王程

宿陳氏書堂

新構書堂好雙棲燕在梁花光輝客座藻影鑑方塘展

帙銀魚亂開圖翠鳳長主人能愛日護草正舒黃

芷江袁同年守定以瓶插白蓮見貽賦謝

新看出水芙蓉麗又見移來素萼敷正是雨餘涼氣入

瑩人肝膽貯冰壺

玉立亭亭態不同使君池上領清風水晶簾冷湘筠滑

夢到月明香霧中

春及堂詩集

三十九

庚申南行集中

八

春及堂詩集卷三十九

春及堂詩集卷四十

錢唐 倪國璉 穉疇

庚申南行集下

磨石嶺微雨次韻

陟嶺逢奇景雲濤帶曉霏只愁炎日午卻喜雨花飛瘦
竹支危險清吟出翠微相期待巖月未許掩柴扉

楓門嶺接壤綏寧城步開高岫千尋危巒百轉上

下幾三十里自靖州達寶慶中途一大登陟也

僕於辛酉六月十七日使轍過此憶去年此時

粵苗與楚苗結連爲逆正在此地從行役夫等

春及堂詩集

卷四十

庚申南行集下

一

爲指其劫殺及被勦戮處皆歷歷在目因嶺行
吟此一篇歎蠡苗之無知見地險之難恃而我
因兵事既竣得以安驅過之亦大幸也爲并識
之

昔聞嶺路險今識嶺路長盤回上青天一綫繞羊腸躋
攀阻前趾顛蹶戒後行磴仄凌陰崖石滑踐危梁臨深
怯旁睨憑虛欲軒翔馳驅敢辭瘁豈復念垂堂指顧白
雲生巖壑互低昂嶺頭賸孤楓子立尤老蒼健夫翼我
輿環衛惟恐傷左右牽兩繩蝦鬚引服箱既下益可畏
直落萬丈強徒手尙驚心況復荷餼糧此地新戰鬪腥

血染黃桑

城步營名 碩苗兒猷熾

神武天威張福曜麗軫野迅疾掃機槍耳中暗泉咽猶似說巖疆磨石百里閒突兀遙相望高處天風多襲我絺衣涼

江口早行

落月銜山缺遄征趁早涼溪聲猶引夢禾穗已生香窄岸峰爭曉熹微路向陽白雲剛布海光映使車旁

喜雨

快雨新秋得絺衣早作涼竹陰羣鳥靜梧葉一蟬藏拂軫音含潤攤書味覺長簾紋橫此夕安穩夢虛堂

春及堂詩集

卷四十 庚申南行集下

二

七夕次前韻

七夕星河澹樓臺到處涼蛛因穿線結鵲爲駕橋藏隔水相望切經年別恨長如何朋友聚快飲共秋堂

夜坐感秋

雲容淡如此天意入新秋靜院蟲吟壁空階月上樓竹深涼氣滿蓮卸露華流誰識中宵坐長吟爲白頭

曉發湘江卽景次韻三首

昨宵山雨洗秋容曠望應教詩思濃賸有濕雲消不盡半銜曉日半遮峰

涼曉征衫怯薄羅村烟斜帶水烟拖背看衡岳分明見

七十二峰堆翠螺

稻黃連畛似雲鋪嬾看閒花闌白朱不負豚蹄田父祝滿筐如玉復如珠

道途見野花和韻

素娥若意點巖阿涼露何心獨染他欲畫無名滿秋扇嫣紅宜上越江羅

山行遇雨

行邁猶殘暑秋程樹幾重雲陰當午密雨勢近山濃輿借茅菴避裏須簪帽籠田豐高枕卧吾不及村農

題觀察侯同年湘水送行圖

春及堂詩集

卷四十 庚申南行集下

三

我從湘水回君自湘陰至相逢共喜慰逢窻叙離思是時雪初晴兩岸迢寒翠宦迹山水緣岳尊清川媚觀察靖邊閑逸才此初試我方謬持衡使同職則異良朋到天南砥礪金蘭義開裴出妙畫爲說長安寄琳琅積名篇欲續深自愧但書長晤詞不作送別意北望徒殷遙楚澤荃蘭地待君抒大猷同尋禹碑字

題觀察侯同年納涼圖

梁谿六月舊池塘紅藕花齊柳帶長位置于斯足清絕不須幽夢憶江鄉

幾度螭坳蘸筆回素心高寄淨無埃水亭四面開虛敞

只許荷風陣陣來

贈雙湖菴僧用吳宗伯原韻

花木秋餘瘦溪聲雨後喧
眞常無所住公案幾重翻
橋影成雙渡香華荅四恩
西江曾吸盡一錫駐松門
林疏偏覺爽氣靜不知喧
眞得蓮花淨會看貝葉翻
題傳逸翰香飯憶前恩
兩度秋光裏緣慳到法門

讀中南蘋時文因題其後

巖花豔冷浮潭曲
柏子香清讀異書
幾點雲英生石罅
未容人跡到仙廬

杉江船謠

春及堂詩集卷四十 庚申南行集下 四

船窄篷低爾許長
急灘撐上一篙忙
木棉載入南中去
換得荔支下水襄

屈曲灘高西復東
雙舟齊使一驅風
船頭穩坐渾無事
看盡兩山秋葉紅

十一月二十五日自杉陽回舟過飛龍洞同人皆

往遊余未偕行因所述戲作一篇

飛龍洞本龍之宮
有龍抱珠眠洞中
一朝驚雷破石罅
百丈決起遊蒼穹
想見當時碧淵浸
珍珠傘底龍光炳
陵谷遷移水窟枯
石牀雲冷苔花淨
神龍已去游人來
山僧引入高崔嵬
瓊瓏青乳結巖竇
燃火直欲窺鱗腮

猶存一脈通元氣
嵐蒸霧靄回春意
應使潛蚪癡睡多

夢騰碧海迴波戲
紛紛獅象雄爪牙
左右助龍龍攫拏
透天一穴青窈窕
蜿蜒直上誰能遮
洞門瑤草翠堪拾
江岸無人山雨濕
腥涎已盡佛香凝
一掬寒泉老僧汲

熊羆嶺 在祁陽縣北三十里

過行兼水陸言
臻泉陵境 祁陽古泉陵 方辭蛟龍窟復上熊

羆嶺嶺路夫如何
盤回碧峰影前坦
後則削陡折墮淵
井磴危騎卒下沙
滑僕夫警偏逢奇
樹多色秀柯葉整
傷壑轉清幽呀峪
含夕景亦有巖棲
人結茆塵事屏汨

汨聞寒泉流出白
雲冷四山叢青林
初榮若禾穎 地多種小

春及堂詩集卷四十 庚申南行集下 五

樹成林其種 自西江來 客行圖畫中
憂喜變俄頃無虛攀
陟勞幸少荆榛梗
同思磨石險 磨石嶺在綏寧城近苗疆 欲避猛虎阱
戒心難革頑跼步
歎靡騁豈如茲嶺
佳登覽忘路永長
謠發竹輿既度還
引領

遊浯溪 有序

辛酉十二月二十一日按試永州事竣還長沙

舟過祁陽因得拜顏元祠下讀磨崖碑登臺暢

覽是日夕霞初淡江風不寒得恣游眺亦一勝

緣也

子陵有釣臺高踪渺難求
次山有浯溪清風何時休
搜

剔山水妙結亭銘其幽我來度香橋賓從亦捨舟寒泉
石齒齒落木風颼颼披榛古祠肅放眼羣嵐稠繞以白
雲幃貫之碧玉梳窪尊酌天漿鏡石凝青眸迢然發長
嘯可以抒煩憂平生愛斯圖親至願始酬仙翁亦降跡
況我文墨儔有呂仙翁題詩字亦刻在石上捫讀中興頌詞古字復
適磨崖得雙絕巨筆垂千秋旁鐫歎剝傾千百或一畱
山僧解募揭捧出如琳瑯屬以具紙墨再至當兼收古
人善貽後作銘以貽後人匪獨耽宴游瘡痍既以起餘
事及林邱標名聞靈異物色仍雕鏤杜陵信非阿綮綮
元道州

春及堂詩集卷四十 庚申南行集下

六

賦得欸乃一聲山水綠

平生愛詠湘中曲及到湘中更恍然漁艇輕搖依岸石
櫓聲低曳下潭烟蒼巖沐雨寒逾翠碧水澄沙晚自鮮
可信柳公詩入妙永陽林壑締深緣

岸景

亦有橋通處俱成石抱村疏林含雪意密竹帶烟痕清
絕如看畫幽奇欲探源谿山如得買洗眼住巖根

下灘

急流放艇逐廻沙險絕頻看石腳斜莫問灘師水深淺
一篙輕點度哈呀

除夕立春衡山舟中卽事

千里沿洄轉權遲歲除此夕感羈思路長虛說椒花頌
春早先看綠萼姿倚竹傍沙同繫纜得魚沽酒共傾卮
衡湘本是芬芳地且賞東風第一枝時得早梅一枝

春及堂詩集卷四十 庚申南行集下

七

春及堂詩集卷四十

春及堂詩集卷四十一

錢唐 倪國璉 穉疇

嘉蔭書堂稿上

聖駕南苑大閱禮成恭紀

耀德恢

神武敷文極治平我

皇思講事南苑此觀兵律應陽回子光生月在庚雪先

呈瑞白霜正麗冬晴

釐路瑤沙接

宮門玉樹迎日華承

春及堂詩集卷四十一

嘉蔭書堂稿上

翠蓋風色靜

龍旌廣陌環千帳崇臺俯列營悠悠瞻羽繭肅肅聽金

鉦鐵騎雲霞蔚凋弓霹靂鳴熊羆七萃勁鶩鶴五花成

似火車徒銳如霆技擊精方圓徵合變奇正互縱橫本

以

觀揚切因稽節制明錚和齊衆志鼓賊洽羣情嚴翼欽

元老糾桓識俊英軍容惟示禮

廟算總推誠紫塞應銷燧滄波自息鯨來庭原不戰服

遠更無爭振旅昭戎略回

鑾溢頌聲

璇樞輝

北極獵碣邁西京解網寬三面歌風被八紘

宸章煥珠斗

恩賚勵干城喜溢寒郊暖威宣海宇清小臣簪筆侍周

雅願同賡

邱侍御寓齋琴觴奉餞謹齋傳少京兆卽席賦九

言一章以贈

我從碧鷄金馬求賢才乃見滇山萬疊之崔嵬蜿蜒磅

礴建水偉人出列星飛墜築野巖重開初來青藜照讀

入琳館旋看色絲補袞登蘭臺丈夫開口便當持正論

春及堂詩集卷四十一

嘉蔭書堂稿上

況逢

聖主虛衷大度羅羣材朝陽一鳴孰敢道隻字隱隱筆

底雨露隨風雷直詞再進正氣不少屈據忠執簡意感

天心回我昔狂言獲譴久扃戶僮僕告去妻子顏摧頽

君來慰我揮絃坐竹屋妙指抑按勝致推于思感君秋

堂清夜發奇夢鶴鶴敢望鵬翼高風培于今君膺

特簡出異數可知欲倚舟楫兼鹽梅邱君寂寞亦動遠

游興兩賢得侶膠漆何殊哉我攜焦桐爲覓賞音客君

亦相尋躡屐軒然來黃壚取酒並坐叙離索七絃初鼓

已帶清商哀憑君轉軫更作秋杵弄西風落葉瑟瑟鳴

相催窺簾片月恰與映椒點一盃一曲舞影同徘徊我
思出關寒冽異內地他時相憶惟月能追陪同官藉有
延陵二公在經綸共展前挽後亦推鼓鐘辟雍文治日
敷布且宜樂土舉讎魚熊能眼前冰霜載途別豈易玉
卮滿引樺燭垂金煤君今得句莫惜向南寄雲邊白雁
接翅過方纔

送孫晴湖觀察赴關四首

懷寶名何晚據奇運始逢推揚臣職盡特簡

聖恩濃膏雨敷秦甸春雲藹華峯策車芳礪路西望紫
嵐重

春及堂詩集卷四十一

嘉蔭書堂稿上

三

燕市狂歌日嵩山惜別秋違離經幾度會合復從頭宦
轍原無定王程豈自由興公推賦手宜向渭川游
老去難爲別春殘嬾賦詩彩毫兩粉署嘉績播西陲白
壁操何潔蒼生望莫辭漸橋新柳色迎馬拂煙絲
經過綠室邇風雨亦臨門灑翰霑餘馥閒襟聞至言時
花先後賞客緒短長論自此求朋好山川間夢魂

乞竹詩東程驥超都諫

爲乞琅玕秋數莖好看寫影上疏櫺斯時須帶蒼龍角
分得眞如雛鳳青月底飾金幽處認風前戛玉靜來聽
此君此月還逢醉不覺移根過小庭

賦得春蠶作繭

食葉三眠起成絲百簇咸宛如珠綴網儼似雪堆巖一
綫含光細千盤吐縷纖竟能忘束縛自解出封函混沌
杼天巧綢繆勝密絨經綸從此布滓穢自茲芟待煮蘭
湯試休將玉翦錢元黃宜黼黻不獨豔春衫

七夕招同柳明經潔夫吳孝廉履平待月口占

當年七夕笑牽牛此夕牽牛笑我儔同上平臺望河漢
月痕斜挂碧雲流

何處寒芒拂斗牛文光劍氣動高秋燈前正好敲棋子
百萬雄心一戰收

春及堂詩集卷四十一

嘉蔭書堂稿上

四

露痕深翠染牽牛快得良朋笑語稠卻憶去年行役共
月明送客下湘流
故鄉休共說金牛鍼線誰家倚畫樓瓜果具陳蛛網結
五更河鼓已敲秋

賦得微雲淡河漢

七月新涼後秋雲點絳河輕隨金爽發斜拂玉繩過滓
穢消疑盡霏微散已多含輝原不掩瀉影若相摩素女
施輕帳天孫浣薄羅蔚藍天遠映皎潔月投梭高引情
無定孤飛意若何文明還獻瑞煥爛入堯歌

其二

河鼓雲芽發遙看浸玉波有無同碧漢明滅映喬柯目
極秋宵迴襟清露氣和那須求鶴跡早已出巖阿嫩藥
含星象餘輝漏薜蘿扶槎隨逸客駕鵲渡靈娥妙處無
心合飛來得月多仙裳非關麗何用錦爲窠

賦得疎雨滴梧桐

秋雨生涼夜疎聲落井桐飄蕭如浥露點滴白隨風靜
微瓊牕裏遙傳玉漏中敲寒鳴鐵馬啼濕動階蟲洗榦
都成碧催燈已墜紅葉垂低掩映月暗響瓊瓏宿鳥回
幽夢吟蟬咽素衷不須問水石韶韻叶天功

其二

春及堂詩集卷四十一

嘉蔭書堂稿上

五

碧樹含疎雨吹來何處風斜飛偏破寂乍灑忽流空影
濕清陰裏聲傳落葉中片時從聚散幾點任西東蕭瑟
鳴秋警琤琤擲石同蕉牕聞滴破竹閣想輕籠醒酒涼
颺入催詩露氣通何當收逸響細譜叶絲桐

金門晚過寓齋留共小飲卽席口占

新秋雨霽嘉客適來欣然攜手共嘯平臺
平臺朗曠西環青嶂濕雲方歸明月獨上
長河匿影大星斂芒索我楚吟啓彼筠箱
舊懽旣續新談方劇浮白庭中天宇澄碧
新秋雨霽登平臺遠眺和金門原韻

萬里澄秋片月孤星垣樞軸近堪扶高臨入境舒瞻眺
迴立雲霄發嘯呼小酌暫令塵抱豁微吟未洗研田蕪
二年彈指流光擲一笑虛留南嶽圖

行篋中帶
衡山圖歸

夜來香

露白涼生花氣來玉簪初卸獨徘徊分明照出秋階影
十二闌干月上纔

夾竹桃二首

叢翠復舒紅秋花兩擅工勁如貞士節豔有美人風倚
袖清標似欲墻玉而同月中金影碎露下粉痕融剛不
妨柔致華仍帶樸衷娟娟堪耐久灼灼自搖空勝暑招

春及堂詩集卷四十一

嘉蔭書堂稿上

六

棲鳳幽春待旅鴻何曾邀客看定得與仙通

異種兼清麗妍華發蘊隆勁枝香白媚直榦藥初融春
色有餘豔秋花無限紅搖青芳露醉堆碧嫩霞籠不作
瀟瀟響偏開瑟瑟風垂絲還挺拔倚瘦復丰茸漁子驚
初見王猷歎未逢紫薇堪結侶移影入簾櫳

來竹桃口占二首後戲謂當不犯前韻再成第三

首因賦卽贈潔夫應蔣少宰之招

友直眞爲益花開徹性功昔有見桃開而大悟者迎炎張火繼浥
露倚筠籠不謝鉛華飾無慚大雅躬借春臨檻外拂翠
立牆東綠髮垂秦女丹顏駐少翁湘川青不改杏苑影

先豐脂點逢仙路霞蒸步月宮知君文采麗躍浪竹香中

春及堂詩集

卷四十一

嘉蔭書堂稿上

七

春及堂詩集卷四十一

春及堂詩集卷四十二

錢唐 倪國璉 穉疇

嘉蔭書堂稿中

秋日懸清光 得江字

爽豁秋無際離明照萬邦清輝看朗徹浮翳已消除
駟輪當午陽烏珥抱雙麗天流玉宇映水射驚瀧竹立
青垂戶花明影在牕晴落移晷測晝漏聽鐘撞瑞靄生
珠閣祥雲護石幢定知成五色濯錦動文江

壽錢唐徐相國六十

浙水鍾名德 熙朝有世臣墨頭勤弼亮滿腹富精神

春及堂詩集

卷四十二

嘉蔭書堂稿中

一

報 國文章麗傳家事業新江阜邀樾蔭閭里頌長春
奕葉聯台衮堪簪贊大猷協恭真匪懈錫子每從優片
語廻

天聽丹誠洽

廟謀秋成經燮理萬寶慶豐收

憶得窺文藻華堂屢集賢耆英宗白傅雅會勝平泉醉

吸涼蟾影吟成古桂篇卅年重載筆更喜賦瑤筵

蘭譜麟振共師門玉潤同平生推分切此日仰階崇瑞

露擎天碧卿雲捧日紅介眉蒙

主春十賚出瑤宮

題柳潔夫楚游紀略後

游子天涯恨詩人遠道愁江山埋古迹風雪送孤舟宿
渚常隨雁浴波且狎鷗續騷近屈宋亦足散離憂

題觀海圖

清時邊界靜夷險總如一屹然峙雄關東隅勢律翠先
生策車來公事快已畢復臨海岸坐放眼曠無匹壺蟠
有無開洪濶盪朝日胷中鬱積除筆底浩氣溢超越擬
飛仙極目情轉逸平生康濟懷萬里寄洄瀾望洋欲興
歎頃洞津涯失鵬翼博風高鯨蜃刺天出橫葦祇自了
乘桴亦非實我知達士懷觀水自有術仁智本真性所
春及堂詩集卷四十二嘉慶書堂稿中
樂隨其質泱泱涵太虛孰謂鮫人室

題南嶽圖

頻游南楚未陟衡峯虛仰止於天門漫馳驅於
塵路山靈笑我徒爲雲外之人畫筆擅長宛作
湘中之客繪之尺幅以當臥游綴以長言願同
雅詠

虛從岳麓頻來往未見雲開紫蓋低突兀畫圖嗟老去
青蒼嶺道寄遙題天雞叫夜晨光發玉竦橫湘雪望逃
他日支筇腰脚健朱張游處待攀躋

木瓜

別有幽芬勝麝蘭好憑投贈得堆盤悟來禪悅香無著
讀罷風詩報已難酒味莫侵誰解惜秋容欲老更堪餐
清吟最憶宣城叟雅淡精神耐久看近惟梅耦長先生
木瓜二詩爲漁洋

前題戲用蘇集中刁景純席上作韻

正味何妨醉玉壺佳名除濕未應疎色雷本性方堪久
木瓜形每狹粉痕
香在無言此大都圓橢形宜盛汝定長而便側放
黃欲倩崔徐道人鶴骨能輕健欹脚常教伴瘦軀長歷
閨瘦軀東
坡詩也

和周石帆太史移居詩

春及堂詩集卷四十二嘉慶書堂稿中
延得春風到玉堂雨侵簾額自生涼琴牀乍設蘿當戶
書檐兼攜花滿簾拈筆新題招沈謝叩門佳客過求羊
卅年舊譜稱同調隣並時聞樂翰香
小住無須背郭堂葦芽新喜北牕涼比隣問字推壇坫
兩世論交倒篋筐靜捲疎簾通野馬退思小榭賦羔羊
頻來紫燕新投主銜得飛花繞棟香
米市東偏做竹堂文星輕挹夏雲涼裝書到處堪圖畫
載酒何人奉篋筐客寓原同遵渚雁俸錢應抵束脩羊
先生靜檢瑤編後種得盈階蕙草香
再用題南岳圖韻奉酬江聲

始游自粵還經楚江聲於乙未游回雁峯前雁影低旅
迹總如追昔夢名山恰待有新題聯吟石鼎仙非遠煨
芋寒鑪夜不逃指點翠微樓閣上龐眉二老願同躋中

輓廷尉熊悔亭

執法暗星垣錦水失耆碩月白客齋秋西風鳴撼撼先
生筠州彥真性直如柏由來孝子門忠心砥金石實懷
弼亮姿豈特文章伯奮跡寒簷下遂矯摩雲翮巨卿得
公文吟賞三歎息位置出羣儕詞館聲赫奕我曾同使
車南楚秉衡尺得窺公祕蘊異彩炳瑤席思幽絕端倪

春及堂詩集

卷四十二

嘉慶書堂稿中

四

筆妍轉婉媚九霄吸清露咳唾散珠液仙壇發妙香凌
虛振金策誰下塵墟表獨紉天衣襲下士徒卻顧同調
推巨擘謂我能解音挑燈論方劇既拔三湘英衡岳無
畱碧歸朝結

主知九列晉華鳥廷尉方持平爲國肅常辟如何忽
乘箕浩氣空鬱結我見公平生嗜寒勝茹檠將毋屏參
苓竟致損腸膈蒼冥不可問大雅遂蕭索遺編有難弟
傳後珍珙璧嗟余洞庭櫂遲還失三益清醪酌松牕抵
掌夢疇昔

春來

春來客舍課花勤九陌塵喧了不聞幽處早知生細草
靜中真得破迷雲數莖髮縷經時櫛一片心香只自熏
昨日暖融牕紙上硯池無復見冰紋王戊冬京師大冷
立春後始稍解

題金江聲觀察松雲聽梵圖

人在松雲中梵徹松雲外于此得圓通耳根有天籟
山亭翠靄深鳴鶴思舊林唄音破空寂默坐堪洗心
幽境覓清響仙風振珠網松密靜無喧雲凝吹未往
何處一聲鐘蒼嵐開萬重人閒花雨落夢入董源峯

水仙同江聲作

黃瓷舊圭角白石小嶙峋言從冰雪後獲此瑤華春並
春及堂詩集

卷四十二

嘉慶書堂稿中

五

頭釵鈿冷雙垂珠珮勻人無一物染花亦斷纖塵我友
樊榭君拜花花精神似乘三素雲鍊形朝玉眞始始不
待飾潔潔誰與隣凌波欲微步芬馥是前身

恭和

御製紙鷺元韻

奇翼高飛薄似繪碧空雲路莫相兢霜消尚見鷹孤擊
春晚猶來雁一繩片楮遠勞思婦盼長絲斜曳小兒肱
翱翔九萬原無限風起天池正化鵬
正藉憑夷送弱繪操持一線意兢兢退飛遠近如過鷁
決起高低總繫繩迴影日邊虛望眼置身天際倚良肱

凌霄祇自乘春氣不爲扶搖學海鵬

微颺吹起白於繪細雨兒童意頗旋輕舉便疑仙拂袖
正容亦擬木從繩倒牽晚日宜回脰仰看浮雲免曲肱
印破碧天畱隸跡居然落翮效飛鵬

水仙同胡稚威作

釵橫素輝冷杯側金英黃亭亭裴几間畱此世外芳上
界鍊形女珠珮翠爲裳微步塵不起呈顏春始長我聞
彝齋趙弱毫生妙香吟魂斷瀛海曉夢凌清湘描摹得
花神變態恣低昂參差若相語綽約垂明璫彼美潔無
疵伊人水一方誰爲擷幽妍貢之白玉堂

春及堂詩集

卷四十二

嘉蔭書堂稿中

六

和張鶴齋舍人寒齋卽事聽琴原韻

殘雪尙盈轍車輪響凍街撥鑑香未燼呵筆墨初諧琴
調宜三疊書情避五乖見孫過庭書論他時知有興乘月過蕭齋

春及堂詩集卷四十二

春及堂詩集卷四十三

錢唐 倪國璉 穉嚳

嘉蔭書堂稿下

偶得一琴名秋濤內刻赤城朱致遠製卽非真者
亦高手所斲也因以貽鶴齋并疊前韻

會聞青玉案忽落軟紅街伊我能相賞惟君獨與諧稀
微尋漆斷子細辨絃乖尙有泠泠響風清透竹齋

咏紅梨花

暫改山家雅淡妝霞綃輕襲雪衣涼色由天染詩增麗
花得春濃夢亦香脂點薄融風料峭酒痕斜映月昏黃

春及堂詩集

卷四十三

嘉蔭書堂稿下

一

丹顏定具神仙骨帶露宜蒸琥珀漿

又一首和江聲韻

大谷春林似此稀略加塗抹鬬芳菲曾餐絳雪有餘豔
比似緋桃卻較肥暈褪仍通雙玉翦丹成先化五銖衣
游蜂欲採驚疑甚直得詩人插帽歸時張宮詹呂評事各折數朵歸

題文衡山畫

林表微生綠浮嵐曉色新何人親策蹇來看萬山春
偕同人法源寺看海棠值大風卽返

西府名花尙滿枝花開待我已多時紅稀綠嫩休惆悵
此日畱春似有期

風振珠林花雨飛殘花不著道人衣色空香未全拋得
柏子攜將滿袖歸

又疊韻八首

古樹當門鵲噪枝禪關三扣午鐘時盛開早爲傳花信
結伴來看已後期

乍減春暉片片飛峭風原爲妒紅衣衆香國土階前錦
可任游人踐踏歸

垂絲貼梗總凡枝婀娜含嬌尙及時匝樹頻來無半里
不須先與已公期

聞說香花逸典飛卸綿初試暮春衣樹頭開謝皆天趣
春及堂詩集卷四十三

嘉陰書堂稿下

二

我自吟風弄月歸

眼見新花發舊枝又逢嬌藥殿花時丁香結破辛夷老
莫道春工不汝期

彩毫能化彩雲飛宮錦眞看布地衣風裏一鞭矜得意
杏花曾信馬蹄歸

花開最喜是連枝同巷鴛鴦又及時閉戶高歌發金石
古音知必遇鍾期

合璧欣看彩翰飛客中誰爲賦緇衣江鄉情思聊排遣
逢著花開擬醉歸

題秋堂聽雨圖

我愛秋雨喧復愛秋雨寂颯然涼氣生喧寂了無覓秋
堂有客夜不眠欲寫此聲歸玉絃瓦溝急集鐵弩鏃石
角亂逆蛟龍涎須臾風靜雨亦止羣賢或坐亦或起膠
膠雞鳴君且喜天淨霜空秋萬里

紅梨謝後復開一叢共七藥明麗較豔于前江聲
來看爲再賦一首賞之因重和其韻

嫩葉成陰素綯稀最高枝上報重非百年古樹客還少
半畝閒園土正肥晚點薄妝留玉面朝酣香汗試羅衣
綠袍初醉紅綾宴司馬曾簪一朶歸

送衡山茶懷素帖與胡鏡舫承惠詩印和韻奉答
春及堂詩集卷四十三

嘉陰書堂稿下

三

湘水三年輕轉襪法書香薜自通門攜來楚雨新春味
畱得名僧舊墨痕寶研臨池呵凍學竹鑪煮雪帶寒吞
殘年略可銷鄉思只當稽山與北園

天津張同年惠冰魚鮮蟹走筆寄謝

嘉魚沽水美雪色本天然手鑿寒冰碎羹調翠釜懸細
鱗清似玉纖尾直如弦促坐烹鮮日重思十載前
不是橙香候猶嘗琥珀黃宜傾碧玉醕合佐紫芽薑田
父畱秋味漁家足凍糧監州饒有此每憶到琴堂

金小樹同年來看小園梓花吟示四章如數奉答
文梓何時此結根平泉嘉植歸然存百年老本生機在

紅雨霏霏點舊痕

藤纏蔓東古牆隈
刈具須待我來直
爲柳絲催別緒
故移花信殿春開

得樹池臺已盡荒
繁開獨自豔春陽
璫瓏石畔紅蕖落
轉憶當年文酒場

白髮心情倚暮霞
一春孤寂送韶華
清吟藉有朋簪聚
賦過紅梨賦梓花

又紅梨花荅金赤泉祠部

瘦盡重雲花信稀
風前明豔見餘非
暈融丹液鉛華嫩
紅點衣襟燕子肥
墜露研朱揮彩翰
餘霞散綺映斑衣

春及堂詩集卷四十三
嘉慶書堂稿下
四

絕憐小圃幽春駐
啼老鶯聲未遽歸

唐山先生舍晤于槐堂師座中今隔十餘年猶記

余前贈拙作因疊韻奉呈

龍方試後起危疑
妙手能令異域知
浮翳除來春破霧
神光定後夜分絲
得從淨几頻揮管
穩坐疎簾好看棋
教服菖蒲尋九節
十年前憶雪寒時

承胡祠部鏡舫惠端州雅硯依韻誌謝并呈鄙懷

禿毫虛擅中書名
白頭歲月徒崢嶸
墨已磨人刻藤泥
硯池那復蛟龍驚
昔聞廣石水巖好
紫雲脈絡璫瓏撐
山精孕奇亦寶祕
人力偏與造化爭
百天挽絕籌火入

宋已不易尋舊坑
君能好事傾旅橐
數片獨擷瓊華英

黃龍宛宛鵝眼活
舒蕉敷翠底而平
得春之時石芒利
如玉之潤靜且貞
經時在匣不枯燥
漆光黯黯蓄晶瑩

特將贈我感君意
千金欲與鴻毛輕
我無真手愧真硯
五指固強八法生
又無佳詩足揮灑
搜索但使空腸鳴

還君蘭草大典制
石田甘雨字琴情

鏡舫贈硯辭不獲命復賦此致謝

感君惠意隆本非爲硯計
況有名篇授如以兼金致酒
香雖不飲亦已享微意
佳石久爲侶豈忍中道棄美人
與壯士所愛倘無異
歲晚宜薦酒芬芳維椒桂斯硯守
春及堂詩集卷四十三
五

官常淋漓領詔制
錦出玉扉新花發
春臺麗只書典禮

章不寫法律字
我方握丹管對硯寧無愧
昔詫有三兼

今且備其四
硃砂綴殷紅玉面點脂膩
磨歌如琳琅與

硯同不傲

壬戌之冬江聲以母老辭職歸養

聖主嘉其治績欲畱之而復從其請廣錫類之

恩也今春將南旋由素貞屬余作漁浦歸耕圖余非能

圖者而重違良友臨岐之意因勉寫之并系詩

以誌別

沙土生肥春雨舍江流幾曲匯漁潭
高人一舸夷由處

花外扶犁興早耽

榮祿頻年奉老親又從田父結比隣太平只願年豐熟
鼓腹嬉遊江浦春

半狎山農半狎漁經綸巨手意何如同頭一笑沙墟近
野竹修修是舊廬

江魚自足潔晨餐力穡兼收烟水寬他日耦耕容結伴
從君先學把漁竿

少宰薌林先生昆弟舊居城南奇孝巷在鳳山之

足前有桃林後倚松嶺地不過畝許而致極清
勝面南松楸三間前臨方池池上有關外周以

春及堂詩集卷四十三

六

短垣東有碧梧翠竹秀整可愛西爲石徑通往

來旁有紅梅一株倚垣橫蔥花時最爲清豔蓋
鳳山之麓蜿蜒翔舞而下鍾秀於此也先生奉

庭訓與兄設林讀書其間余以同里又同受經
塾師故常得游從熟悉其概戲圖之且系以詩

高梧翠竹映清漪靜對嵐光玩四時自是鳳巢真得地
一雙飛起向天池

半畝方塘負郭居庭闈親課樂三餘 賜園今擅池亭
勝未忘松齋夜讀書

春及堂詩集卷四十三

春及堂詩集四十三卷

太常寺卿倪承寬家藏本

國朝倪國璉撰國璉有康濟錄已著錄是集乃乾隆

壬辰其子承寬所刊凡竹立園集一卷南隱山房

小草一卷橘山游草二卷文杏館集一卷浮湍集

一卷楓花草一卷松鱗書屋唱和詩一卷庚子詩

草一卷剡東游草一卷廬江游草二卷西江游草

三卷南游草二卷湖南吟稿二卷燕雲集一卷竹

窻集三卷滇行集八卷春闈詩一卷星沙奉使集

二卷潞河吟一卷庚申南行集三卷嘉蔭書屋集

三卷皆國璉嚴自刪汰惟存其得意之作故每卷

多者不過四十餘首少者或十餘首云

四焉齋詩集六卷附梯仙閣
餘課一卷拂珠樓偶鈔二
卷

〔清〕曹一士撰 梯仙閣餘課 〔清〕

陸鳳池撰 拂珠樓偶鈔 〔清〕

曹錫珪撰

中央民族大學圖書館藏清乾隆刻本

附《四庫全書總目·四焉齋詩
集六卷附梯仙閣餘課一卷拂
珠樓偶鈔二卷》提要

龍門日爛恒毓秀於偉人鶴渚風騫率鍾奇於辭伯考
勾吳之季子夙擅風華邇南國之言偃向稱淹雅兼之
平原樂府著其清嘉太冲賦都徵其瑰麗誕靈自昔仰
止於今濟寰先生譽著青年經傳黃石補天有手披月
多才句就八义堪力追夫正始吟成七步真不愧其家
風爾其銀管鏤詞霜毫琢字山川風月盡羅長吉之胸
冰雪煙霞都入孫登之賦七言則追踪沈宋五言則步
武李蘇秀削筆峰春山為骨瀾翻學海秋水傳神舉世
所難惟公特絕當 龍德右文之世正雞壇振羽之年
走馬花街春風得意鳴騶 御苑霜月盟心或賦長言
或陳短什擣龍鸞之藻采氣欲凌雲擷蘭蕙之芳香姿
堪比玉午門退食花籠學士之磚天祿校書藜借眞人
之火固已汗流籍湜直教蒲伏王儲蓮也身被遺風心
維曩哲賈舍人千門弱柳羣瞻金闕風華杜工部五夜
漏聲人識玉堂仙品言言錦繡字字珠璣豐城獄中光
昭星漢波斯藏內目眩琳琅卓哉一世之英偉矣千秋
之業若其白簡飛霜青蒲奏草性情動關君國憂樂輒
係人天他日自有史冊之書原非小子管窺所測竊願
奉為楷式詩擬鄭公是用附以短篇人慚玄晏云爾後
學黃文蓮敬題

四焉齋詩集 黃序

上海縣志名臣傳

曹一士字諤廷號濟寰負異稟於書無所不窺爲名諸生三十餘年中雍正庚戌進士入翰林乙卯擢御史尋轉工科給事中慷慨敢言爲諫官期年所陳多切時要如言開墾有名無實十年之後既已成賦州縣不敢懸欠督撫不敢開除將爲民患又言姦人挾仇告訐指摘詩文字句誣爲大逆株連羅織宜悉禁絕又言兩浙之場課宜捐帶徵之漕米宜免又言督撫保舉專用能員大抵趨走便利應對捷給則登薦剋而惻怛愛人與民休息則謂無能概從廢罷請另舉賢員以敦吏治皆見

本傳

一

嘉納會審劾要臣某微窺者飛語聞 上部議降調特旨留任十一月卒於官年五十九蒙 恩歸葬扶柩入城一士文章名海內居詞垣充纂修官撰述甚富壬子充順天同考推得人第一所著四馬齋集十六卷子錫端等梓以行世

四馬齋詩集目錄

卷一

五言古二十三首

七言古十八首

卷二

五言律七十三首

卷三

七言律七十一首

卷四

七言律六十四首

四馬齋詩集目錄

一

卷五

五言排律十四首

七言排律一首

卷六

五言絕句十首

七言絕句一百三十五首

附

梯仙閣餘課

目錄畢

四馬齋詩集卷一

男 錫端菽衣

海上曹一士濟寰著 婿葉 承子敬同較

姪 錫黼誕文

五言古

古意

夙昔愛瓊艸乃在前山溪採之不盈手零落隨風飛君心春夜月妾意春蠶絲月盈還復虧絲牽無斷時

四馬齋宴集

良辰集舊侶曰以慰相思新知復可樂意氣各自持行

四馬齋詩集卷一

二

行上層臺嘉木何紛披春光忽已改綠葉拂我衣感此難久留攜手且言歸新詩一揮灑清風動簾幃為樂方未央仰視日景移呼童進清醕賤子前致辭嘉會良獨難莫放杯行遲諸君幸努力遇合自有時立身須不朽富貴亦何為吁嗟萬世後當知今有誰

擬古三首

山中有嘉樹偃卧疑虬龍結根自白壤修幹摩青霄露既泥泥太陽方曛曛成此梁棟姿乃是造化功垂條陰萬畝抽枝延四封鬱鬱棲鸞鳳不棲蟬與蜂曠野張異樂非宮亦非商在谷常滿谷在阮亦盈阮元

氣裹六極太音彌八荒不顧世上耳安能主故常聽者惑且駭棄置無何鄉焉得萬里風吹送天帝旁一奏四時理再奏百族康

皎皎中天鏡孤影照清絕本體無盈虧光彩有圓缺普現萬水心衆魚互出沒游泳忘貪廉煦濡非冷熱云何摩尼珠遭彼泥淖汨一翳忽墜花千偈同話月再拜海若前從君乞溟渤

出門行

七歲誦書史十一能綴文十五隸博士二十縻天囷言將青玉案持獻黃金門作詩續雅頌紀言追典墳煌煌

四馬齋詩集卷一

二

虞周業金石垂千春竭來二十年此志徒辛勤何不去鄉邑叩關排 帝閭依依止堂樹明發棲白雲故人天祿客尺素馳雙鱗開緘再三讀厚意何諄諄明年 聖天子萬壽稱堯鑄山岳磐地固雲漢經天新滄海搜夜光郊數羅麒麟子不以此出忍負席上珍上堂白老親此自 皇家恩兒行父母單勸駕何紛紛老親含笑語行矣無遠巡生汝復教汝期汝為國賓季出仲尚處勿用憂晨昏再拜佩親訓捫懷更酸辛三月治行囊拮据布與緡匣中釵釧盡薄田售無因所親念我拙偕我至淮濱資我車一輛為我擇良辰八月日建巳再拜辭雙

紆展轉不成寐紅日余山巔

酬焦丈廣期送別

美人處邁軸閒卧生蓬蒿強之不肯出心與孤雲高賤
子拜牀下一笑忘年交埭口見破屋當窗種紅桃每至
輒倒屣徘徊竟長宵文字究終始羣言摘訛淆但可質
千載豈曰永今朝昨余既命駕離魂黯黯然銷言別不得
面秋江淼波濤出處似異趣叩友方見招忽枉瑤華篇
爛然金錯刀獎許殊逾分孤憤匪宜驕九鼎鑄魑魅兩
觀誅弁髦大書著王法長言當風謠古者進以正維鵜
來談嘲隨波詎一日砥柱期我曹少本愛名節壯未忘

市朝在泥或不滓處衆可息置持此報知己終然媿高
標何當揮手去相從狎漁樵

嶧縣散步

凌晨趨嶧縣陟涯聊徜徉斷岸見河曲穹碑誌輿梁地
勢漸已墳平原卧牛羊居人刈豆萁採豆歸山莊青苗
吐白雪蕎麥花初香孤桐不可見四山兀蒼蒼還舟愧
塵纓此地空滄浪

過廣川書院

我行廣川道愛此風日美薄霜不成寒秋艸根未死仰
視天宇澄灝氣彌萬里前經董相祠欲下馬不止遙憶

帷中人冠笏儼如此牧羊關內侯布被公孫子匡時各
有適經術安足泥閣哉老師傳辛苦春秋旨惟餘天人
策光照漢家史

獻縣懷古

漢道盛文景渤海隣齊魯賢王此受封從容置樽俎詩
禮購灰燼玉帛猶糞土開館延羣英從者如風雨王來
遊其間揖讓觀訓詁豈知南面尊乃與博士伍悵望日
華宮荆榛迷處所

自涿州至良鄉縣道中作

九月天氣暄車馬相駢闐無風自揚塵非炊何處煙脫

帽黃衫兒霜毛忽盈顛迴看人盡爾知余亦復然遙思
故園日抱琴秋晝眠散髮弄菊影緩步迎涼天人生有
勞逸豈得長悠閒且喜都邑近故人行晤言

冬至後一日壽韓城張司空師

培塿仰泰山小草蔭松柏公昔攜如椽校士來南國
瓦礫煩甄陶駑駘幸拂拭遺音出疏越生面開奇特

公評上
賦卷五
此語慙負公十年還服軛聖朝起勞臣時論歸舊

德歡顏動寒士鼓舞到草澤誰言三千里一夕生羽翼

樞衣趨絳帷溫語訊旅食終蒙國士遇庶執都講役一

陽前夜回君子生顏色冬官公所司復與懸弧直年隨

四馬齋詩集卷一

五

日景添雪與梅花白開尊聞有作鳳管諧金石

公時作青
梅花詩

袍舊諸生堦前撰履舄歲歲此壽公長作龍門客

咏史四首

積學當對策積金當輸邊下式牧山澤董生閉家園肥

羊或千頭繁露纔數篇業成敢自愛獻之天子前詔下

嘉樸忠舉首美褒然列侯位既貴王傳道亦尊各適盛

朝用俱爲青史傳

石剖露奇璞嬰餘鳴孤桐雲龍有會合天意匪人功退

之固豪傑敬輿亦宗工始醜終見妍修姱詎改容嗟哉

陳伯玉碎琴都市中

宋代文體弊浮華類雕蟲類波注東海吾懷六一公鎖
闥黜險怪勒帛眠薦紅經術追本始虎帥敢不從竭來
軋茁徒一旦誇登龍乃知君子心量才貴虛中幾名倘
不易欣賞將無同

桃李艷朝日松柏凌嚴霜當其灼灼時虬枝黯無光貞

心結千古誓不隨衆芳風雲一朝變天地爲蒼蒼有明

盛壇坫七子互騰驤牛耳執王李才高氣愈揚仰視但

秦漢俯窺藐宋唐指揮籍湜輩匍匐邾莒行無敢背約

永何況相低昂震川老舉子茅屋荒江旁言招故生徒

講學稱先王作文雖不多自謂同子長勢焰固不敵名

四馬齋詩集卷一

六

聲詎相當云何百世下中天吐寒芒古今幾作者身晦

道乃昌祧祔有定論翕赫安可常

訪雍門村

落日彭城上秋原多古人有懷孟嘗客言訪雍門村颯

颯風動樹悠悠樵負薪焉知墓中骨氣壓東西秦無絃

發哀彈千載聲如聞寄謝彈鋏子三窟徒紛紜

立秋前三日陳滄洲師池亭讌集

曠然心眼開方塘淨如拭中有紅芙蓉亭亭表孤植君

子塵外賞命酒延履舄涼飈池上來煩襟澹以滌高蟬

發清吟獨鶴舞倦翩槐陰晷飛虹竹翠滴瑤席何年翼

相園遺此林泉跡先秋暑氣闌入夜波光白意適忘勸
酬談諧謝拘迫我公望雲漢日晏嘗未食及此休沐餘
猶聞念稼穡自今淮流清宣房免沉璧長陪飛蓋游庶
用歌明德

贈南匯欽明府

黃浦畫東西百里新圖版 帝念瀕海疆良牧實親簡
英英吳興公經術煩龜勉榛莽闢堂皇斥鹵開沃衍置
倉途適中疏渠漕易轉流泉與隰原方位公自選去歲
苦霖潦紅腐或不免百縣憚官符沒牒相牽輓公曰緩
其征束濕吾不忍逾冬及首春蓋藏民共謹日出始完

四馬齋詩集卷一

七

官園箱一夕滿課最竟何如彼哉徒蠢蠢良苗既懷新
稂莠亦是翦荏苒獲渠魁狐鼠走小腆桴鼓復誰驚姓
名懸可算富教此具興禮樂肯姑緩巍巍聖人居奕奕
橋門扁子衿式新宮芹藻美初產卓哉文翁化治道識
大本翳此隣境民延頸如在旱襦袴幾成謠竹馬果暫
展時公兼攝上海單騎上河來百錢招渡返自朝不遑食在席寧
暇緩勤劬到竹木偃息逮雞犬公如受代還孰恤役車
幘時當復卦旋競抱蹄堂款百壺介春釀兩邑同燕衍
士也守蓬華辱公拭青眼志乘述作兼鄭重命編刻美
政方洋洋次第爲公纂

題林晴江同年早春探梅圖

梅花何處尋霏霏入煙霧樹老無醜枝春寒始半吐越
客矜孤山吳人詫玄墓遊賞何紛紛腥臊愁觸忤鬚翁
冰雪姿不學邯鄲步一泉一石間三株兩株樹誰寫探
梅圖幽香落毫素鐵幹倚長身脩然物外趣乃知古性
情不在橫斜句我有半涇園枯梅互檣柱試問故園人
今年花蚤暮

題何履上學正戊申得子賀詩卷後

我年四十九得子勝得官丙午余始在京聞家郵狂喜走
欲顯君較十年長生遲更二年我來復三暮觀子如雛

四馬齋詩集卷一

八

鵲緣遲翻相賀相賀還相憐憶初未舉子憂心劇如煎
既生欲其可頗怪淵明云近乃稍稍覺私願潛相因仲
謀非所望景升亦無然季良不可學伯高聊勉旃何用
致卿相但須災難捐無咎亦無譽讀書仍力田敝廬蔽
風雨儉歲供粥饘雞豚會里社賦稅輸國門長蒙堯舜
澤安枕羲皇前下以詒孫子上無忝厥先我願此已足
我子豈能賢持以祝君兒君願或未全傳經搭青紫佇
見乘華軒

題撫琴圖

空亭擁梧竹雅韻徹天際誰與理瑤琴淡泊太古味有

美家龍眠山清復水麗放眼窮縹緗曠懷寫高寄花磚
春日永甥館秋雨細一唱而三歎蕭然負清氣老人脫
朝衫褰散坐里第何不抱琴來共此圖中意

和黃郁汀同門九日黑龍潭登高遂邀諸君小飲

用陳迦陵太史登高原韻之作

入秋苦炎蒸銀河迷朱黥束書月逾兩補腦功虧九花
霧乍離披煙雲俄雜糅金銳刮無因珠簾垂已久何心
記重陽豈暇登高阜不謂玉山筵招自同門友紫螭潭
黃羊晚松勝早韭青眸拭暫明短鬢吹何有壯哉龍潭
遊肯落騁陳後劇談任客喧止飲憑君糾踏月先迴車

四馬齋詩集卷二

九

出戶還被肘諸君各盛年意未忘老醜凌晨示新詩冷
香復滿手高韻踵昔賢豪情矜夙負徵師捷輸攻堅壁
聊墨守仰聽金石聲俯慙牛馬走當今 聖明時麟鳳
在郊藪竊祿石渠間對君頗覺厚如何索筆餘賈勇猶
抖擻郭門作四六詞雅詩甚多怪客久不報微詞旁及其某請作解嘲唯
唯仍否否側聞功名士文字同芻狗戲馬何人臺風流
歸速朽且宜簿書勤勿逞筆力陡滿貯一囊錢牢學三
緘口我目幸未盲還來嘗菊酒

七言古

五日感懷寄稽文高

年年五日春申浦舟挾蛟龍鬪旗鼓與君攜手弔前賢
君賦招魂我漁父今年五日君不歸江頭落日空徘徊
豈無年少相徵逐笑我衣馬非輕肥世間若箇能長樂
況余心事尤搖落嗚呼吾祖七十餘飄然辭世歸寥廓
騎鯨一去不復還殷勤撫首恍猶昨更憐舅氏當盛年
一朝捐館相後先王孫門巷悲芳草才子詩篇泣杜鵑
噫吁嘻念此不覺涕泗漣雖逢佳節亦淒然此時隔江
君不來君來同上最高臺我痛哭君狂歌搔首問天天
如何茫茫古人不可住蕭管依然喧野渡勗哉人生當
立名古人雖死猶如生我今閉戶擁百城君即乘風上

四馬齋詩集卷一

十

玉京君無笑我業不就甘依南畝學躬耕

徐烈婦行

徐烈婦農家女十六嫁作農家妻從夫十八載朝耕夕
織常忍飢去年夫疫死無子無棺并無衣烈婦仰天號
三日不食不寢守夫屍里中遺錢弗肯受妾夫人殯將
何辭顧視諸弱女未言先歔歔次女賣作萬家婦但得
送死甘生離妾身暫偷生不然夫祀誰奉女誰依妾志
早自誓縱使烏頭變白終不移誰與豪者悅婦容儀婦
有阿母利豪金謂兒無托宜三思烈婦長跪告阿母兒
恐辱母反參差佯諾召豪使豪使來蚩蚩舉杖揮之使

驚走水勿再來汚門楣誰知使怒母亦怒為言後事我
主之有女奔告婦婦言兒勿疑我母此言聊謝客寧忍
骨肉委路岐須臾女去婦閉戶寸心如擣不敢啼吁嗟
夫祀誰奉女誰依決知此義難兩全矢志從夫不可欺
解帶自雉經浩然得所歸噫嘻乎悲哉烈婦全節亦全
孝一死始全母氏慈此身不惜填溝壑那計身歿聲名
施近來洙涇魯烈婦煌煌廟祀崇豐碑吾鄉復見徐烈
婦芳名並向千秋垂如何正氣盡閨閨念此轉令吾心
悲男兒讀書識忠孝往往臨事多依違平居展轉較利
害安望生死大節能無虧我今作歌質且直要使兒童

四馬齋詩集卷一

二

婦女縉紳士庶咸思惟

毘陵即事分韻得發字

花發江城春二月倉庚呼侶鳴不歇金碧樓臺草艸登
一路青山隨眼瞥毘陵郭外車馬喧僦居却媿因人熟
故人招我遊名園決起健若橫秋鶻入門喬木龍蛇蟠
仰面空青天宇豁綠楊繞屋雲作帷山茶一樹霞橫抹
悄然坐我孤亭中方池積水濃醅潑園丁解事進茗椀
談言味道忘飢渴白壑丹邱自我輩金羈玉勒知何物
酒懷未辦十千錢鄉心且寄八行札回憶城西萬樹桃
無端拋擲霏紅屑歸來美睡忘夕食結伴重遊待明發

春浦叔行樂圖歌

叔自題十絕有云守株幾見
平原更好向天山學射鵰

大阮咏懷愁不寐寓辭終日應沉醉丹青好手今張公
獨得平生飛動意不須感歎肉生髀男兒但負錦囊矢
礮礮鳴弓餓鴟落盤旋快馬遊龍駛仰天大笑一據鞍
颯然耳後雄風起耶美揚州作貴人帷車新婦徒為爾
梁曹景宗云來揚州作貴人
人置車中如三日新婦 吾聞 乘輿冬狩翔原隰羽林扈從
傳呼急車騎輻輳掣電喧囊駝騰踏流星熠長白山前
雨獸盈居庸關外吹笳入窈窕胡姬絕世無當壚翠蓋
如雲集却笑當年揚子雲長揚羽獵徒紛紜執戟為郎
亦尙補不如去射南山虎

四馬齋詩集卷一

十一

徐家口遇風

東風和雨吹帆檣榜人倚棹何相羊蒼茫樹底踏豐邑
咫尺波頭凌濟鄉素女低眉河伯怒姮娥迴車箕簸揚
四更感發起蘋末平明謫號張土囊初疑鐵甲自天下
長鎗大戟爭礮礮又如海波決起數百丈三山汨沒魚
龍忙大樹作鼓小作鉦一聲天地為低昂舟子蜩縮色
如墨緋纒野店爭傍徨披衣徐起入破廟攤書洛誦喧
兒郎迴舟風色稍已霽土人牽纜殊倉皇雲行不行遠
山黑日落未落平河蒼薄寒中人變暄景水程將盡山
程長吁嗟人事有翻覆朝賢暮佞多請張況此陰晴異

寒燠天公幻態那可量
痛飲高眠俟其定
婆婆若木迴扶桑

月夜聞鶴

何處奇音戛球玉
夜半碧霄風裂竹
露重天寒月色高
蓬萊羽客鳴相招
幽人獨坐山堂裏
廣庭寂歷涼如水
一聲兩聲墮白雲
人間萬慮清如洗
緱嶺孤山去不迴
華亭遺響空徘徊
麻姑有約看東海
朝罷玉皇歸去來

秋風引

青蘋一夕商飈起
天末土囊篩不已
淅淅初疑細雨來
颼颼轉覺飛泉駛
蕭疎楊柳颼明月
澹蕩芙蓉泣秋水

四馬齋詩集卷一

十三

孤燈幽慢夜如何
蟋蟀西堂鳴復止
江上鱸魚客未歸
山中桂樹人空倚
茅齋想見據梧眠
古調無因落世間
聞道昨宵彈別鶴
開門黃葉滿空山

友清軒海棠畫筵為陸勉之題

去年四月婪尾空
海棠晚晚難為容
今年五月花背面
紅影翻從扇頭見
鄒生貌花工貌態
一枝欲笑還微睜
虎頭譜出畫中詩
贈與陸郎供妙對
我來惆悵後諸君
為說當筵睡臉新
少陵得句久不出
唐突西子愁生
嗔謂唐先生畫手詩人別
花去予亦將歸聊
小住明春花發
定開尊煩君一寄
花前句

貞女行

君不見江之渚
斑斑竹葉淚如雨
又不見山之嶼
亭亭獨石臨風佇
石身不爛竹不枯
千載仍聞祝貞女
萬蘿早施松柏枝
一諾閨中心已許
堅冰未泮旭日昏
北風吹散鴛鴦侶
紅粉罷弗施青蛾
黥無語郎為陌上
塵妾似機中縷
願從泉下問藁砧
羞向人間操玉杵
長號別母但呼天
歸哉一尺查家土
塚前雙樹號相思
月下孤魂啼杜宇
吁嗟乎絕粒毀形
何太自苦豈知貞
心乃獲死所死可
緩義當取乾坤只
賴綱常拄誰云薄
命等鴻毛香名琬
琰垂千古年逾笄
歲在午貞女歌老夫譜

四馬齋詩集卷一

十四

汪母朱太夫人八十壽

虞山一抹蛾眉碧
琴川淡沱新醅色
此中靈秀偉人多
彤管猶堪輝史策
賢哉汪母閨範敦
茹荼集蓼常辛勤
小姑信信側室傲
臯藐終須感鳳麟
長君純孝孝且弟
涕泣時聞動閭里
食餼世載貢成均
出門幾處歌彼此
白雲爛漫正思親
東閣招邀作上賓
名公倒屣刺漫漶
詞場奪席才輪困
流連又過天中節
堂上老人踰八袞
看兒奪取錦標歸
老着斑衣娛永日

贈陳明府

江南宿逋十餘年
文書堆案同徽牽
勾稽有法民帖然

得閒且飲中冷泉此泉天下名第一能向人間去煩熱
海門六月火雲繁一甌頓覺生冰雪誰其酌者陳太邱
雙鳬偶下長江頭籠頭有帽擲不收坐嘯意欲凌滄洲
會携泉水報明主徧灑茅簷作甘雨

贈范生充光入泮

范生樞衣登我堂峻峻瘦骨何清揚思深氣肅書下筆
精采煥發詞生芒老眼咨嗟歎殊絕衆中見此孤鳳凰
文章自古有定論區分雅俗殊并疆俗如箏笛互嘈雜
雅為瑟琴諧宮商聞音識曲知者寡令我撫卷增徬徨
竭來海陵復試士東昌學士今文宗激賞生文標第一

四馬齋詩集卷一

十五

品題佳士將無同為言此州少敵手胡獨臯邑稱文雄
少年努力幸自愛弱軀要使神明充公之憐才入骨髓
此言銘座還倚衡更願范生志古學俗學盈耳且勿聽
源流曲折各有以伊人喜復鄰宮墻胸中歷歷向誰道
子荀閑暇時來旁高科大官是常事此外有事宜平章
做秀才時任天下君家自有前人芳

射雉詞

大夫賈姓名未詳昂昂七尺身材強形貌寢天所付
中藏絕技難為量竭來娶得如花女掩面三年無笑語
自憐生世何不諧魚網鴻離悵非侶陽春三月御如臯

麥穗漸漸籠輦驕大夫停車顧盼壯霍然一發紛奇毛
娉姿繡頸車前委車上佳人開玉齒訝道兒家夫婿殊
紛紛白面誰能爾乃知相士如相馬倜儻奔蹏無不可
以貌取人未足憑君不見郤克眇兮良夫跛

吳懸水閣學七十壽

九華山勢疑蓮華峯峰初日明朝霞終南女几失奇秀
盤薄靈氣垂仙葩青陽學士人中蓮中通外直何亭然
鳳將九雛叶山瑞九華舊名九子帝勅蓬瀛領衆仙賜詩中語廟堂制
作出公手九重動色稱希有二典三謨氣渾噩四始
六義辭溫厚卿雲輝輝芝草專描乾繪坤須聖徒二三

四馬齋詩集卷一

十六

元老酌元氣公隨其間相灌輸只今矍鑠年七十鸞鳳
頻看腕下集主恩深重敢言歸寫罷山經堆滿篋高
文典冊老無匹壯歲詞華供佔畢如公再入少年場奪
取錦標還第一十七年前同舍生誰知登第亦同庚先生會榜年五十三與余遇台之年相似他時倘與耆英會更聽淇園綠竹聲

題吳荊山少宰匡廬觀瀑圖

為海寧師作

飛泉千尺聲淙淙銀河倒掛雙玉龍冷然天地變寒暑
此身已入匡廬中五老兩姑落几席橋迴三峽聞玲瓏
何人亭中此危坐玉堂文伯今詩翁西江桃李看未足
獨來巖畔尋雙虹傾盆裂帛蛇赴壑噴珠濺玉風入松

茶甌粥鉢兩清供開先晚頃連晨鐘徘徊潭影照紺碧
此心早與雲煙空廿年俯仰歎陳跡馬頭袞袞縑塵紅
炎天展卷念書史想像冰雪傳幽蹤老夫借看未終幅
頓覺煩熱蠲心胸何時蓮社訪惠遠與君再踏香爐峰
銀州大雪圖為郝雪海中丞謫戍時賦卷作

六月虛堂生凜冽怪底瓊瑤舞天末梨花千樹爛漫開
攜來一卷銀州雪銀州雪片大於掌橫空撒作鵝毛響
謫居御史夜深歸燈檠閃爍臨書幌雪晴更上龍首山
燕山萬疊蒼茫間平明城門獵騎出東風搖漾紅旗翻
應憶川南草檄時登陴督戰羽交馳蔡州未入元濟在
雪夜何人赴賊師賦成却為蒼生喜鬱屈龍蛇蟠故紙
表公千載欠英雄三尺堆門僵不起

四馬齋詩集卷二

七

題吳少宰松篁坐嘯圖

為海寧師作

小滄浪中一杯雪小滄浪上松篁列開府風流數宋公
滿堂賓從皆人傑就中作者誰最賢雍容季重方盛年
一編靜寄絲竹外斗酒酣回水石間何來畫手稱絕技
貌取當年懸榻意燕寢蕭疎別洞天青袍淡宕真名士
雲龍變化三十載昔日書生今少宰獨坐藤廳感舊遊
綿津詩格依然在余亦藤花舊主人披圖那羨習池賓
不嫌衰朽曾前導更畫香山社裏身

題顧小厓同年鏡容冊

小厓少時何昂昂頽然白晢清而揚同邦隔浦不相見
相逢憶在崑山陽通門前輩潮牛耳隨肩小弟仍雁行
名場鞭弭三十載才力雖健頭鬢蒼十上徒然循計吏
一讀空復塵經箱去年京師共邸舍臨闌索筆增徬徨
左牽右挽始一入鳥飛鹿驟魚深藏薦為雄無人客遊倦
還家講學陳先王胸懷坦率行誼古時遭口語相講張
君心嗜義如嗜炙意所不可無姑將吾聞釋氏示圓相
廓然無物空邊旁又聞寰中有真宰因非因是歸蒙莊
君非其倫意豈屑何為寫真如坐忘咄哉此老寓興旨

四馬齋詩集卷二

六

七日來復當中央天根月窟儼湧現桃仁穀種俱拙芒

四馬齋詩集卷一

四馬齋詩集卷二

男 錫端菽衣

海上曹一士濟寰著 婿葉 承子敬同較

姪 錫黼誕文

五言律

張安道過舍即事二首

有客來何暮殷勤啓敝廬小窗暮局後斜日塵談餘斗
酒消殘臘雙龍燭太虛歲寒盟已訂欲別轉躊躇
寒光何凜冽攜手更同行慘淡乾坤意蕭疎爾我情荒
郊圍暝色僻徑繞風聲良會知非遠梅林卜曉晴

四馬齋詩集卷二

懷任戒浮

戒浮居蕭縣與余同庚以世誼稱兄弟癸酉七
月晤於句曲蕭寺抵金陵而余病握別之際甚
難為情迄今二載餘矣音書莫達良會無期寒
夜濡毫言不盡意

肅肅南來鴈中宵又北征不堪人遠近猶有夢分明斗
酒思公子鳴雞憶友生黃河一片月千里照離情

贈朱丈晴菴

塵世青山在先生白髮長老逾堅傲骨貧不典詩囊種
藥花齊檻烹茶月到廊慚予空問道未許識羲皇

祝巢南叔四十

最愛閒園裏秋深徧菊花座喧金谷酒庭沸玉川茶看
畫眠終日論詩聚一家阿咸初病起好共餌丹砂

乙酉春迎 駕恭進八首

聖德侔高厚神功冠古今星雲四海麗雨露九州深川
岳皆呈瑞梯航畢獻琛太平耕鑿久共抱向陽心
樂歲租仍免清時獄更平三千開法網百萬付蒼生
詔下人胥慶春來物向榮 盛朝寬大意浩蕩總難名
徽號卑唐室登封陋漢王蕩平 皇建極弗祿世咸康
甘露盈庭降祥鸞近閣翔河清看協應寶祚萬年昌

四馬齋詩集卷二

二

垂裳天下治 帝更念其咨無復歌鴻雁還勞奠澤陂
薰風晴引扇靈雨細飄旗夾道歡聲動 天顏似舊時
宵旰心無逸雲霓望不虛 溫言存父老 清問及苗
畬艸木新披拂閭閻舊掃除江南真福地六度駐 鸞
輿

節儉歸 仁主巡方履日長自領天府幣不費大官糧
鳳舸圖書富瓊筵筆墨香卷阿方伴奭周召肅趨蹌
制作融三代文章綜百家片言通造化尺幅走龍蛇訪
道頻前席求賢置後車高深何以贊瞻仰日光華
多士煩 宸慮宮牆 天語尊道源洙泗接大義典謨

存馬鄭供箋注鄒枚互討論書銘曾自勵才拙媿輶軒

送趙扶上之吳

送爾吳閭去春風黠別魂心情齊贅壻丰格趙王孫世
事成金注生涯有憤禪相期黎閣夜經術外家論

春興次葉二邵南韻

尚餘今日我已減少時狂心到春難死省因醉暫揚燕
尋何處壘花作去年香風物清明近君詩與斷腸

邵南疊韻見示再和

應有江郎恨休猜謝客狂五湖人遠近子夜曲飄揚錦
字懷中艷青衫別後香多情催鬢改千古畏柔腸

四馬齋詩集卷二

三

題淮上依綠園

料峭西風裏名園暫理裝到門淮水合薄暮客衣涼疎
柳斜通徑欹荷曲抱塘獨憐招隱地叢桂不能香

謁仲夫子廟

仲氏遺邨古祠堂濟水陰結纓千載志負米一生心斜
日聊捫碣清甍乍拂鐔車裘非我有此義到于今

東平州

回首汶上縣青山東北隅明裡追太皞遺俗問中都野
婦騎驢度邨童拾橡趨經過屢憑弔文馬坐荒蕪

賦得開徑望三益次陳丹書韻

寂寞揚雄宅來遊得幾人室中裘屐會門外馬蹄春共
惜鶯花晚誰憐意氣新隔溪相望處今已未兼旬

恭賦 御製沙柳暗藏橋二首

夾岸靈和柳當春滿 御園帶煙斜渡口飛絮暖雲根
葉上黃鸝語欄邊白鳥翻羽林莫輕折縷縷繫 君思

披拂沙堤淨參差閣道晴映山省黛含蘸日浪痕平雨
過黿鼉失風來蟬蛩明 翠華吟賞處處綠波盈

放鶴亭

楚漢紛陳跡雲龍卧客星數椽依亂石雙鶴下空庭碧
落情無極青山夜不扃祇應林處士一代兩孤亭

四馬齋詩集卷二

四

新綠二首

老樹發新綠萋萋映舊林逢時顏色換去日露華深密
葉遽如許垂條方自今驚蘿爾何物攀附亦成陰

美蔭何年植茅齋為汝開棲鸞心尚在覆鹿夢初迴穠
艷辭青女扶疎到不材煙雲看滿眼一任鸞鳩猜

秋日半涇卽事

偈仄幽人徑週遭老桂陰成林今日事招隱昔賢心泉
石猶縈帶雲霞想醉吟年年攜襖被餘韻此追尋

給諫駁初趙公觴吟地
後歸先君重加修葺

奉和滄洲師湘中偶懷原韻二十首

石邨 原序云卜居此五世舊名池子頭

聞說羅含宅湘中自一邨池頭遺老屋山脚見柴門耕
鑿昇平力攀區伏臘敦難忘名隱處灑掃到玄孫

濤谷 原序云在石邨西谷中多松先王父構室顏之曰濤谷又曰萬松書屋

石邨西畔路一徑入松濤自與幽人別從知物役勞虬
龍中夜舞鸛鶴九秋高太息陶弘景浮名爾獨逃

二陟樓 原序云先大夫所築詰勅御書皆在焉

百尺樓中客頻年侍直廬夢迴金馬夜身到碧山居美
蔭千竿竹詒謀萬卷書天章輝映極瞻望莫嗟余

漪園 原序云池水四面環之渡板橋以入兩岸植桃柳雜花木萬株

四馬齋詩集卷二

五

面動瀾漪經過舊不迷桃花紅夾岸春水綠沿堤略
約通茅屋輕舸渡小溪故園斗酒會盡日聽鶯啼

嶽堂蘭若 原序云麓前有石可結數十跏趺坐春時茶肆家佳

歷歷嶽堂境悠悠世上名松根一僧定花雨六時晴磐
石容敷坐清齋不入城何當參玉版茗話總忘情

云閣 原序云漢水曲抱先大夫擬構閣之曰云而未逮也

宛在中央地菱歌接岸聞高懷託流水餘興寄青雲寂
寞釣臺更差池漁父羣秋來迷處所葭莩日紛紛

十松書屋 原序云地名望屋舖岡阜隆起有松十株蒼髯林立先大夫擬構草堂曰十松書屋

精廬何處是歲晚見青松以此丈夫氣對公喬嶽容勢

高堪結蓋身遠得辭封夜夜望星鋪哦詩策短筇

水東 原序云先大夫先恭人卜兆於此有句鳥馴虎之異

佳城氣鬱蔥負土憶徂東惻愴三春日徘徊滿樹風山
林奇瑞叶飛走孝思同往日豐碑上淋漓表贈翁

烏石寨 原序云高士里宋元末故壘猶存先父舅石桐翁先生機塢山房在其下

部婁看羅列茲峰孰與儔芙蓉天半聳河漢夜中流紅
樹映深塢青燐餘古邱遙憐石上月曾照謝公遊

石溪 原序云一水溪二山之間岸壁斗絕無徑可緣溪中石布如棋勢多宕洞不可名狀

窈窕一溪陰仙源擬獨尋泉飛枰落子壁立石成林樵
徑臨花失漁歌入洞深笑他東海上宮闕是黃金

四馬齋詩集卷二

六

白雲精舍 原序云距鳴山十餘里唐開元中洞山僧良价至隱山見溪中菰葉流出乃沿溪入見老衲危坐叩之不答尋入問題詩壁間邀和傳後居於此窮山深寂虎豹時往來門外不啻人有龍女祠老衲在山時龍女每出獻花云

住處嫌人問飄然去不迴萬山行脚香一鉢打包來門
外馴饑虎池中起蟄雷雲歸無定所莫更造樓臺

碧泉 原序云泉從唐天寶間於石鑿湧出繼構十畝投以瓦石綴幾各名胡文忠公謂石於此作春秋傳旁有廉吏高竹川祠

石竇泉源伏何年劈巨靈一泓寬十畝倒影漾危亭絕
筆自今古清流幾醉醒前賢應取爾五采煥遺經

東露山 原序云山頂有石泉清冷先世隱居

舊隱東山頂清泉一勺分滄桑迷棟宇瓜瓞問仍雲
路環溪轉雞聲卓午聞義門諸父老猶記帶經耘

東岑禪院

原序云在東霧山麓先世捨宅地也余往往於此結夏讀書其面對有青萊峰形過肖

夫子讀書處禪關對碧岑
槐根逢古衲水際結香林
罷每微步梵餘還獨吟
東華一回首清絕思難禁

石禾場

原序云一石橫亘百丈大溪水三面環之居民於此曬納禾稼當雪月交映舟過者一登亦奇境也

霜降黃雲溼湘江
白雁秋滌場唯片石遺
秉在中洲泥飲誰賓主
邨歌自唱酬更聞明月夜一泊子猷舟

石潭山

原序云下臨湘水水經注載山有仙人洞多藏書卷帳及石榻基址具又相傳此洞可通太湖林屋洞天

遠傳石潭麓速挹洞庭青
吳楚穴潛達神仙跡暫經連
雲岩洞暝過雨大江腥
欲訪藏書室捫蘿一騎停

昭陽觀

原序云在昭山上故有周昭王廟相傳其下昭潭即楚人騰舟處

四馬齋詩集卷二

七

南征跡何處雲水共蒼茫
楚俗猶祠廟王靈渺漢湘
野人蘋藻美山鬼薜蘿香
杜宇年年叫春風繞繡裳

朱亭

原序云相傳朱子與張南軒先生停舟會講故曰朱亭亦曰朱亭江上有仙人濯足石約巖收江亭諸勝何氏園林在焉

高會傳江許孤亭俯岸沙
行歌空孺子把釣騰漁家
竹裏名園出橋邊去鳥斜
前修誰繼躅徙倚對蒼霞

洧水

原序云源出南岳山麓白餘里入湘江赴岳舟行可直抵山其旁有潘文獻公湖濱魚之利頗饒余家弟兄別庄也

洧水逶迤入陂塘處處幽
偶攜捕魚具一上採蓮舟
賈誼宅邊雨祝融峰頂秋
沿洄輞口棹應向白雲留

半邨

原序云在城東里許與余城居者潘翁潘翁先生別業也

對類南樓客名憐廡下傭
鄭鄉今仰止馬帳昔相從
卜

宅鄰秋水題詩寄遠峰
公歸知未得江漢正朝宗

白露前一夕偶興四首

一雨秋將半深堂愛掃除
乍能消暑熱況復是公餘
門雀聲來數堦蘭色漸舒
似聞江外信計日待潘輿
官舍容閒敞琴書得靜張
雨餘添竹色波淨覺荷香
必待深秋夜能延明月光
輶車方首路版築盼河梁
水患連河沁頻煩肝食憂
輓輸遲萬艘昏墊及三州
愧乏防川策徒爲借箸謀
簡書嚴夙駕白露早凝秋
苦旱逾秋夏甘霖遍未曾
且搖蕎麥浪已近木樨蒸
北闕書頻下南樓興可乘
蒼茫無限事華髮對清燈

四馬齋詩集卷三

八

江上店夢先慈

慘慘寢門夜依依母氏顏
別家無十日歸路忽千山
語及艱難際心懸藥餌間
那知江口夢重著舞衣斑

三月二十九日山行

山路始攀躋邨村雨一犁
畦喧高下水樹亞短長隄
春向客中盡鳥從何處啼
白華開自好對汝轉含悽

仙霞嶺

到嶺越山盡登臨履更攜
亂峰盤一徑急水沸千谿
杉檜亭上煙霞面面低
遊仙非我事北望白雲迷

四月初六夜復夢先慈

山色沉沉雨江聲隱隱波強顏為客晚因夢見親多驚
喜招魂夜夢歸留後重生淒涼陟屺歌曙鐘何太蚤推枕淚滂沱

夏日集詩禮堂即事

詩禮前修在為堂歲月道門容五馬入座喜一瓊留丹
獲重輝映青箱足唱酬更看樓閣迥山翠落牆頭

半涇即目

何處堪垂釣荒園俛半涇石顏藤與杖屋老桂為屏掃
徑斷人跡綠溪聞水腥秋風颯然至吹破一池萍

半涇雜咏四首

吾亭風物古重葺自今年缺處牽蘿補危來倚石堅窗

四馬齋詩集卷三

九

閒桂花落池定月光圓應笑鷓鴣拙無心學艸玄

雜作同傭保經旬不到家傍山移枸杞除園待梅花暫

避催租吏終辭泛海槎尚嫌居近市城角夜鳴笳

竟日坐還卧有時嘯且哦白頭心未已青史事如何聘

却弦歌宰書從亥豕訛

時向滙飲公
贈修止志

吾衰無述作慚負此巖

阿

朝飲木蓮露夕傾黃菊杯應憐人欲別誰惜汝還開霜
後色如醉風前首更回二三朋舊在歲暮倘重來

代挽 怡親王四首

麟趾鍾祥遠桐圭錫瑞長丹心拱 聖主青史讓 賢

王 帝室尊模範朝端倚棟梁太平功業就天上報
先皇

密勿經綸大邦家贊畫周匪躬常寒寒布政每優優福

為蒼生造勲辭鐘鼎酬 九重符一德霖雨徧神州

八字褒無忝千秋痛寢愆凌煙客似昨造膝語難聞力

疾猶籌國忘身畢致 君明禮從 列祖靈爽肅蒿蒸

玉座停朝日金枝隆葉年神隨丹旆迥心與素旗懸陰

德普天戴哀音匝地傳老臣慙作誄淚灑殯宮前

送王瞻綠還吳門即次留別韻三首

肝膽如君少頻年赴密親

客海鹽公所
前後九載

風雲 陵寢地雨雪

四馬齋詩集卷二

十

薊門人七尺酬知己千金恥為身劇憐湖海伴歸去

烏巾

歲事江南美魚蝦震澤東隔年餘秫稅歸棹趁尊風桃

葉能迎汝

有二妾故
戲及之

青氈且送窮平津高閣在官使狎漁

翁

置酒一言別迢遙數驛程燕臺三月暮吳苑百花明以

子田園興添余兒女情舊遊如見訊僕被謁王生

姚祿崢六十壽

浮山奇秀處却杖日閒行羣季多名士高門重老成身

依叢桂隱酒泛月波明即境如蓬島何須學養生

紅梅次張赤垂韻

懶向雪中花，頽姿物外賒。雨餘紅粉薄，風過茜裙斜。艷質自宜笑，春心總不譁。寄言桃李伴，天半有明霞。

送顧小厓同年乞假歸里卽題其易說卷後四首

一卷韋編語，千秋得失林。商量剝復際，斟酌孔顏心。我道介如石，蘭言利斷金。不須重問卜，朝右有知音。

生先

聖代方招隱，青門獨送君。海濱一區宅，魏闕萬重雲。

梁案能相敬，童烏善屬文。謂小厓歸時方待行與慎眠食，雨雪正

紛紛

四馬齋詩集卷二

士

五載 皇家傳飄然，許遂初不因多疾病。那便憶樵漁

栗里勤收芋，文園罷著書。報恩身健在，早晚赴徵車。

今夕一尊別，故園情話長。弟兄俱老大，田里各荒涼。南

浦音書闊，東風薺麥香。行藏心豈異，讀易一相望。

四馬齋詩集卷二

四馬齋詩集卷三

男 錫端菽衣

海上曹一士，濟寰著壻葉。承子敬同較

姪 錫黼誕文

七言律

來鶴樓坐兩次韻贈陸希杜兄弟

五月輕寒衣尚重，小樓登眺且從容。不須白眼人俱傲，縱少青尊興亦濃。池上舊山憑雨洗，巖前古木倩苔封。

只今騷雅將誰屬，二陸文章世所宗。

贈陸景房

四馬齋詩集卷三

二

傳經早作魯諸生，年少能令一座傾。名姓雲間真國士，文章洛下舊家聲。曾從夜月看新柳，更向晨風聽好鶯。

文章洛下舊家聲，曾從夜月看新柳。更向晨風聽好鶯，指日賦成驚五色。定攜彩筆入承明。

重過來鶴樓分韻得八庚

此日園林喜暫晴，重來高閣聽啼鶯。願從吾黨微言志，羞向人間浪得名。天際浮雲徒出沒，山中怪石獨崢嶸。

何堪張翰明朝去，閑艸閑花總別情。時安道將歸

過朱丈晴菴話舊有感

司馬青衫絕可憐，秦淮別後重淒然。飄零故國成遺老，跌宕詞壇憶往年。

先生少遊金陵詩社

陋巷風清堪自樂，名山詩好

跌宕詞壇憶往年

待誰傳不才若補高人傳請為先生次第編

贈顧丈環瀛二首

綠鬢酡顏五十秋豪情自許傲丹邱閒來揮塵風生腋
貧去逃名月滿樓使酒灌夫常罵座感時王粲暫依劉
壁間墨妙渾遊戲却被人稱顧虎頭

當年臺榭半淒涼誰窺繁華憶露香顧氏園名桃李芳蹊春試

馬芙蓉小院夜飛觴青山絲竹來安石寒暖車魚仰孟
嘗歌舞飄零賓客散芟衣藤杖問滄浪

寄任石田戒浮兄弟金陵省試三首

相逢曾記古茅州藉艸論文共唱酬百尺松陰僧舍冷

四馬齋詩集卷三

二

一龕燈影寺門秋看山不惜登高屐弄月何須秉燭遊
慚愧不才徒自許對君真合讓風流

自憐病肺壯心違旅館淒清獨掩扉涼月窺簾人影瘦
秋風吹夢客心歸勿勿別恨長千里草艸行囊燕子磯

一卧江城今幾載故交應恠素書稀

三年踪跡寄蒿萊又見芳蘭幾度開有客再探龍虎窟

阿誰同眺鳳凰臺篋中漫著相如賦江上先鞭士雅才

借問香山山頂鶴何時飛過九峰來

秋夕感懷

一片秋光淡欲凝南樓今夕共誰登病翻難却惟詩酒

閒輒相思是友朋滿地蟲聲喧碧砌半天星影落銀燈
秦淮明月空依舊可許重遊捐彥昇指任戒浮

南樓雅集分韻得聲字

無限山頭落葉聲坐凭高閣論縱橫花前逸事憑君記
雪後新詩許我評皎月半窗初命酒雄風四壁好談兵
不知今夜占星處可有光芒射 帝京

鸚鵡二首

家畜鸚鵡者十餘年矣戲為贈答二首并邀諸

君子和之

飄零綠羽向秋陰風雨時能惠好音老去詩篇多錯落

四馬齋詩集卷三

三

閒來佛偈費沉吟十年廬下高人跡萬里秦山故國心
惆悵雲霄空有志病軀擬共息長林

戢翼窮年傍翠微南來舊侶見何稀文章悞我經籠終
詩句勞君訂是非此舌尚存羞學佞浮名才喚蚤知機

花間樓閣堪終隱關隴崎嶇不願歸

戲咏西瓜燈步春浦叔韻

仙家絳實久馳名光落人間徹夜明若使鎮心徒益熱
倘教懸市即傾城冰姿已逐金刀苑冷焰還從玉燭生
畢竟舊時泥土穩於今老圃更須盟

張安道以書見訊寄此代東

好友書來一破顏
鄙人久矣掩柴關
若教招隱翻多事
并廢求仙始是閒
小徑竹枝留鳥宿
曲池蘋葉護魚還
幽居亦有鍾情處
綺語何須一概刪

閑居

樓外輕風落葉乾
一行雁影度闌干
葛衣未疊防秋熱
布被新添護曉寒
寄遠詩成常懶寫
借人書在幾閒看
病軀贏得安閑法
訪菊東籬和酒餐

送秋

病骨逢秋已自悲
況當秋盡負心期
芙蓉江上傷遲暮
黃菊尊前怨別離
香稻薄收村社後
敝裘初試朔風時

四馬齋詩集卷三

四

蕭條若比春歸日
白露丹楓更可思

晴菴朱丈以雪詩索和明登鳳樓造訪率酬二首

蓬窗剪燭坐寒宵
天半同雲正寂寥
柳灑絮來愁易積
蝶吹粉去夢難消
南枝夜月思梅嶺
驢背晨風憶灞橋
欲問袁公高卧處
竹牀襟被一蕭條

不辭蠟屐到林邱
乘興還登江畔樓
天女鬢邊塵是玉
道人身上羽爲裘
數聲鶴唳千竿竹
兩岸蘆花一葉舟
君老賦才能自愛
笑他梁苑野煙浮

除夕

竹折梅枯淚未乾
百年祖像畫中看
栽松舊識墳三尺

帶月新封土一丸
禪榻孤燈窺杖屨
寢門殘雪照衣冠
夢迴忽記含飴日
椒酒辛盤話歲寒

澄江病歸留別同寓諸君

客舍悲秋酒共傾
文園此日浪遊情
醉宜起舞諸公在
病逐牢愁一夜生
歸去白雲仍故我
飄來紅葉是浮名
不知淚向何人灑
只憶江頭暮雨聲

哭朱丈晴菴二首

肘後囊中妙入神
風情灑落骨嶙峋
驚人句好名終晦
起死功高室更貧
詩卷蠶殘饑鼠穴
丹方蝕盡蠹魚痕
此生轍軻公無悔
一笑歸看東海塵

四馬齋詩集卷三

五

比鄰猶恨不連牆
杖履追隨未行謬
許知音成小友
凋零遺老剩靈光
再尋茅屋惟流水
重對何人話夕陽
有道碑銘吾未敢
世間應有蔡中郎

新年紀興步巢南叔韻四首

麴米香聞一舉觴
尊前舞袖笑郎當
顰難媚世寧甘拙
熱不因人恰坐狂
移得雲根成石友
借將鶯語砭詩腸
酒徒詞客招尋處
竟短何妨亞鶴長

連宵風雨對牀論
樂事衡門有弟兄
昆造次雞豚成里社
依微煙樹帶江邛
功名蝸角憑蠻觸
身世虛舟任怨恩
差喜一編無恙在
十年燈火伴吟魂

駿馬油幢處處宜管絃聲徹放燈時珠簾影薄搖雙艷
碧月光斜漾九枝燭滅留髡香入座夜深窺玉醉投詩
豪華閱徧歡場事遮莫泥塗曳尾龜

女牆低亞碧樓重侵曉霜華拂檻濃傍水梅橫香漠漠
隔林梵唱鼓瑟瑟漁舸網密連三泖艾帳媒驕近五茸
莫笑灌園徒抱甕漢陰機息更從容

卽事呈滄洲師四首

百折孤忠奉至尊黃楊閏後厄還存臣心似水甘分
謗天語如雷敢負恩直恐漢廷成黨禍重教楚澤有
冤魂三吳父老頻遮道聖世何煩叫九閭

四馬齋詩集卷三

六

芻牧艱難罪不辭煙消日出秣陵時再生頂踵皆君
賜三黜功名是數奇歸夢千山驚虎豹家園入口寄耘
耔國恩未報身馬往鷓鴣鳴殘鬢欲絲

清時執政盡和衷一青寧將罪掩功治郡舊曾容汲黯
薦賢今豈累山公中丞會有封章入相國遙聞獻納忠
自比劉陶肝膽在不堪雪涕話途窮

開嶠孤雲入望遙白頭羈客定魂銷歸田擬借三間屋
浮海誰遺五石瓢方喜濟時多稷契不妨遜世有漁樵
使君亦向長沙老離下何人問寂寥

時家君羈
未回

重慶堂伎宴東劉丈固齋卽次其元旦詩韻

十日春風早泮冰簷端雨霽月微凝翠蛾紅袖能娛客
枯木寒巖漫類僧阿大中郎狂未減合尊促坐醉還曾
歸來却憶劉夫子閉閣吟殘太乙燈

連夕屢有酒失作此解嘲兼柬同社疊前韻

灑灑芳醪不受冰昨宵紅燭淚珠凝春愁正值題襟友
酒戒難依受具僧豪氣未除吾復爾醉人當恕世何曾
閉關遮莫蓬蒿長風雨誰來共一燈

范志堂宴集卽事呈固齋丈再疊前韻

翻盆雨驟不成冰坐覺高軒暮靄凝棋畔黑甜剛一局
詩中白戰掃千僧東塗西抹先生老冷炙殘盃後輩曾

四馬齋詩集卷三

七

范志堂博石倉伯以戊午集固齋以庚午集而
華張凌駕於乙酉戊子為述近日遊士之況莫問京華舊遊事更生
有子足傳燈

送凌榆山孝廉三疊前韻

孝廉丰度玉壺冰聽唱驪歌別思凝千里仍為負米客
一瓢且學打色僧薦賢格外今誰是相士囊中古亦曾
遙想庾樓風月夜清吟念我對孤燈

送固齋丈官長洲學博

龍尾才名二十年先生庚
午後勅吳中重見故家瓊數椽新築談
經屋五畝仍餘種秫田出郭巾車煩弟子滿門蘋菜餽
先賢冷官似此堪忘世況有滄浪到眼前

送劉專來之吳

辨似懸河氣食年年來藉爾豁雙眸不因擊劍逃句踐
乍為談禪到石頭紅雨三春花下別綠波終日鏡中游
阿蒙他日逢吳下把臂還登百尺樓

葉靄園招飲牡丹下

低檻疎簾不受塵一庭紅艷恰宜人祇應殊色歸名士
賸有深杯餞好春穀雨酒懷偏浩蕩香山詩格並清真
檀奴宸憶花前句暗覺吳霜入鬢新

登前韻和陳木陵

客懷怕逐馬蹄塵喜聽高吟有故人花底昨宵曾半醉

四馬齋詩集卷三

八

木陵先一日至燈前此夕是殘春共憐失意同司馬未敢留題到
太真重遣清詞如羯鼓錦帷風色倍鮮新

春盡書懷再登前韻

忍見流蘇網暗塵蕭條襖被浪遊人烏啼月落三更夢
地老天荒一刻春隨意嘯歌俱是憶逢場醉醒了非真
邨堪拋却着間案縑素無端故易新

留別陸二淳川

蒲帆五日下午淮流黃葉洲邊更小留梧竹夜寒羈客夢
雲霞秋迴獨行舟琴書稠疊成何事僕馬艱難仗子謀
旦晚燕臺還執手莫教風雪犯貂裘

寄陸大錫山

劉伶臺畔酒徒稀一夜鄉心與雁飛明發白雲何處望
故山黃菊幾人歸生逢知己堪名隱悟到無言剩昨非
堂上兩家俱白首那能苦戀薜蘿衣

渡河過雙開

御書亭近不驚波兩槳晴搖萬頃河缺岸幾看黃犢出
隔堤遙指白楊多喧逐雙闌奔雷下邪許中流退鷁過
喜聽南風吹五兩坐來不覺扣舷歌

宿遷縣

西渡黃河又向西無邊衰艸接荒堤城臨下相看收秫

四馬齋詩集卷三

九

驛近鍾吾喚賣雞亡國大夫終繫楚縣有伍員里拔山全力却
輸齊寒壑不曉千秋事故傍扁舟日夜啼

舟中九日

數家茅屋老河濱郊子遺墟欲問津千里更逢重九節
一舟況是五方人難尋野菊如仙侶遙借秋山作比鄰
丹鳳樓西斗酒會故園今日授衣新

贈同舟盛叟

嘉興人曾館上海今陳公署時過先伯祖南園文宴

危坐風波捋白髭孝章名姓籍當時曾陪陶令過蓮社
憶共山翁醉習池適粵遊燕還健飯談禪說劍總忘疲
同舟盡日不相見叟寓同坐船尾王謝飄零有所思

過濟寧沙河站

濟河東下無縈迴，澗水南會長虹顏。急湍徑渡藉鄉導，殘碑久立嫌相催。樹林缺處遠山出，煙縷生時茅店來。棲棲于役豈得已，四顧蒼茫餘暮哀。

荏平縣

百里山行徑欲窮，銅城驛暗重邱東。車馳馬驟荒荒日，野曠天低獵獵風。萬斛驚塵晴捲霧，數株老樹遠撐空。此邦舊有賢豪客，火色鳶肩道路中。

小除四首

自燒短燭照椒盤，遙憶雙親語夜闌。千里依人予季在，

四馬齋詩集卷三

十一

半年作客做裘寒，攜來孫女牽羣慣。輸罷官租卒歲難，皓首不堪懷遠道。帝鄉今夕路漫漫。

夢斷魂銷隔九泉，蠶鹽夫婦更堪憐。數篇小字藏行篋，一段遺音付絕絃。漫說錦衾猶故物，乍聞芳艸又新年。

異鄉翻似生前別，不見房櫳總悵懸。

長缺蕭然遠獨攜，故人情重忘雲泥。祇應鳳閣添新侶，

自分牛衣有舊棲。古井波澄晨不食，玉蹄霜重夜長嘶。

典裘貴酒平生事，歲晚無才侍碧雞。

新樣蛾眉黛色春，未經畫筆已工顰。孔融本自稱男子，

曹植何堪作婦人。祀竈禮亡神欲怒，送窮文在鬼應嗔。

憑誰寄語同門友，守歲還來共五辛。

午日次張涇南太史韻

欲酌騷人酒，一杯滿畦蘭。蕙總含哀湘，妃信斷青春。謝楚些歌殘，白日回冉冉。鳩媒雲際沒，啾啾山鬼雨中來。菖蒲綠遍江南岸，那得吟魂入土坯。

午日小集次錫山韻

榴葉初紅艾葉新，客中相見不辭頻。麥天寒逼三更夢，酒國酣回五月春。掛壁看人工畫虎，巢林笑我拙謀身。團圓情話惟兄弟，風雨蕭蕭慰此辰。

冬日喜晤孔起占于澄江，依陳師洛贈詩韻，卽席。

四馬齋詩集卷三

十一

賦送

廿年作客罷躬耕，江上重逢意氣傾。誰惜文章同敝帚，獨將肝膽向諸生。一庭蘿月新寒色，滿寺松風舊雨聲。珍重澹園斗酒會，是日四郡同人畢集送君歸及歲崢嶸。

泖湖放舟

幽期向晚指層巒，漫爲鱸魚拂釣竿。谷水已迷秦邑里，機山曾識晉衣冠。數聲煙磬千林靜，萬疊雲濤六月寒。何處仙家夜吹笛，月明彷彿見驂鸞。

秋山晚眺二首

閒憑冷翠拂秋虹，渺渺情懷送斷鴻。紅葉荒祠斜日裏，

荻花小艇暮煙中社歸田舍雞豚滿獵罷郊原雉兔空
獨是江南征戍少月明少婦理絲桐

不知身在淡寥天更倚危樓夕照邊
雲霞薄暮發餘妍春申潮落帆檣隱滬壘風高羽蓋懸
聞道西征方奏凱野人爛醉菊花前

留城懷古

下邳西去假王屯千古留侯解報秦獨把一編歸漢日
難忘五世相韓身從容前著風雲變整頓商山羽翼新
何處從遊赤松子墓門黃石卧荆榛

贈無錫張豈石明府二首

四馬齋詩集卷三

十一

卓犖英名自盛年更攜利器試烹鮮三都賦已傾前輩
百里才真屈大賢高下田疇春雨足昇平風月夜旖旎
讓王國內弦歌宰但酌人間第二泉

秦淮秋社黍追隨痛飲高談得我師十載差池慙短翼
幾回夢想見雄姿韓公本自憐侯喜楊子仍煩說項斯
借問知音能拂拭幾何日被朱絲

賦得四月清和雨乍晴

扶疎綠樹雨更好晚黃鶯晴亦稀暖日騰飛閒蛺蝶
薰風偏發野薔薇一畦水膩分秧罷萬井泥香打麥歸
節候清和最堪賞遊人煮酒典春衣

賜金園臺蓮謝後復開並蒂花

樂曲曾聞相府蓮重臺今發賜園前那知露墜風欹夜
更覩珠聯璧合年太華峰頭雙不老元僚幕下兩登仙
天遺碩果成嘉瑞一樣黃中向日懸

上滄洲師兼辭歸里四首

廻翔禁閨鬢絲侵忠孝如公簡在深叱馭王尊仍

奉母時方迎養濟川傳說更為霖江南山左近俱苦旱乍聞春靜桃花浪已

見人耕柳樹陰旦晚沮洳成樂土澤中多少雁鴻吟

淮水東流清復清凝香燕寢晝無聲壁間岫嶠堯天近

嶠中懸岫嶠碑掌上河渠禹跡明讌罷客傳曹植體射回星動亞

四馬齋詩集卷三

十二

夫營秋高更請乘槎去父老中州望旆旌特往河南濟寧故云

黃堂曾記接清芬鐵甕城南候夕曛千里再逢袁浦月

十年頻望薊門雲絳帷弟子身將老青簡功名硯欲焚

喜見使君新建燾中流擊楫誦橫汾

文章江左愧虛名得託師門慰此生下榻謬呼徐孺子

讀詩難到鄭康成時命校訂近集風吹涼月焦桐響露滴疎林病

鶴驚不爲白雲懸望眼那將鱸膾換嚶鳴

上魏景州先生四首

東壁輝煌斗極邊講帷顧問屬名賢望同董相談經

日聲徹姬公下士年謂安溪先生四部書從天子讀九章法

自 聖人傳然藜撒燭歸偏晚更許丹鉛傍 御筵

新膺 寵命意彌謙重沐 溫綸徃不嫌古有君臣魚

水合公無內外腹心兼邗溝月淨千帆練淮甸霜清草

井鹽時權鹽不減芸臺舊風味香凝鈴索畫垂簾

棘院曾聞裁鑒精珊瑚網得總豪英堦前共喜羅羣彥

堂上深嗟失兩生謂一士與直以愛才忘小技由來知己

勝榮名鹽車服輒長鳴久拂拭還堪萬里行

青衫落拓鬚毛蒼回首緇塵千載強入洛交遊思癸巳

過江月旦忝儲王謂六惟漢書時依歸合就文章伯感激初

從弟子行六鷁退飛何日定九霄試爲問雲將

四馬齋詩集卷三

十四

四馬齋詩集卷三

四馬齋詩集卷四

男 錫端菽衣

海上曹一士濟寰著、堦葉 承子敬同較

姪 錫黼誕文

七言律

麻沙卽事次韻答路舒馭

勿勿難逐使車塵傳舍追陪少一人浪許識途同老馬

未妨失水類窮鱗賣文計拙身將隱乞食者低氣不伸

醉後狂言應恕我今宵爛漫見天真

正月八日抵建寧署次舒馭韻

四馬齋詩集卷四

一

日日山行度翠微暫逢官舍亦如歸新年驛路靡蕪長

暮雨蕭蕭齋蝙蝠飛攬鏡自知顏鬢改同車漸覺友朋稀

南魚壯雁無窮思不爲吳淞舊釣磯

新春感懷次陸勉之韻

几筵哭別又經年收淚南行意惘然夢裏白雲猶藹藹

愁邊青艸忽芊芊杯圈拋後身如寄堂斧遲來夜不眠

共擬爲傭成負土艱難歸計話燈前

送勉之歸杭時將

留君無計罷離觴黯黯言歸氣不揚兩世有喪還淺土

廿年作客但空囊鄭公弟子皆三列勉之尊人及任昉交游

徧四方春水正添帆蚤掛西湖寒食杜黎香

延津校射次黃唐堂宮允韻

和風好雨乍相遭
雙相春晴柳色高
郭外波騰雷煥鋤
山坳花拂呂虔刀
宿縣樂為行觴奏
釋算聲因選士囂
從此類宮能習禮
坐看鷹化下平臯

替庭宗丈席間懷述舊遊次韻答之

剪燭寒宵懷故知
金臺分袂十年遲
吾宗耆舊猶潦倒
往日公卿足論思
背疑曾有先達欲薦入殿上不果
得失共尋蕉下鹿
輸贏誰定橘中棋
高歌且訂名山業
莫話長安索米時

次韻酬家興門見贈兼呈替庭丈

四馬齋詩集卷四

二

開尊團坐薄寒天
慰藉翻令意愴然
壯歲謬驅千里駕
中年擬泛五湖船
屠龍有技聊為爾
刻玉無功合舍旃
喜見新詩同太阮
一家夔矩幸相憐

九日園中桂杏並放誌異

忘却今朝重九節
桂花纔發杏花紅
絳雲明滅黃雲外
春氣微茫秋氣中
乍擬尋芳來杜曲
又邀踏月過蟾宮
呼童秉燭東西賞
物候山齋怪不同

重九後三日王日初陸景房過飲桂杏花下疊前韻

上林不着虬枝樹
籬下何煩映日紅
好事天公花信外

失時吟畔小山中
持螯為憶三秋約
索酒重來一畝宮
且喜美人未遲暮
夜深月影醉還同

贈朱生入泮

同着襴衫拜素王
一時棣萼總輝光
題來甲乙如珠貫
排到宮牆又鴈行
昆仲聯名故云
會見家聲傳畫錦
早知世澤在青箱
鱣堂予忝通門舊
祝爾秋林滿樹香

留別慶司訓

一鉤霜月淡梅梢
有客攜壺問解嘲
江左名流推碩果
歲寒寮友戀貧交
講堂許我留三宿
謙卦期君叶六爻
珍重盈門桃李在
憑將色笑靜號呶

四馬齋詩集卷四

三

留別雉臯諸子

北風捲雪片帆輕
社燕賓鴻去住情
誰遣蠻宮同傳舍
祇應弟子笑先生
巾車誼過初來日
襆被寒添欲別程
愁說上林花信早
一鞭回首雉臯城

張東亭太史齋即事集詩牌

遠迎朋好赴杯盤
謂顧小庄太史
偶使雞栖列綺筵
玉笋初持香擁袖
金闥高唱調凌煙
好看丹漢饒先路
不悵青萍慣在懸
起步送君難遂已
小庄先去
三蕉猶擬夕燈連

王慎菴同年齋觀梅小集分韻得斜字二首

別鵲離鸞莫怨嗟
慎菴悼亡之清過時而非故云
伴君清興有梅花
春先鶴

驚行邊滿影近檀奴鬢畔斜玉質故應留閨苑縞衣還
似憶山家尊前我是騎驢客難買仙人萼綠華

每思東閣留題處已酉在如皋
庭梅盛開不見江南驛使花誰道蘄門

三白後是月
多雪依然庾嶺數枝斜湘簾紙帳才人室淡月微

風靜女家痛飲那能持酒戒故歡索笑在京華

葉母陸孺人六十壽孺人為亡內胞姊
長子承余壻也

早歲邢譚忝密親大雷消息寄來頻棗修贄日憐同女
鳬雁宜時敬若賓典盡金釵供好客畫成荻字勸書紳
郎君官舍能調膳介壽筵開滿縣春

賦得漏聲遙在百花中

四馬齋詩集卷四

四

玉漏遙傳自太清憑闌惟見百花明乍疑珮響穿林出
旋訝瓊枝激水輕銀箭隔垣春遠近雞籌何苑月陰晴
侍臣隨路芳馨滿不辨金莖滴露聲

賦得花枝照眼句還成

雨露恩深詎自知仙葩爛漫萬年枝日邊雲錦張瑤席
天際瓊甍翬鳳池一片韶華描未盡十分穠艷倚多時
無言敢謂同桃李報答春光却有詩

相國海寧師拈示前題一首兼論句中虛字不可

略過步韻賦呈

浣花詩句對花辰大手拈來意味親教外一燈傳閨苑

箇中三昧付詩人筌蹄忘後波瀾老紅紫空時格律春
自笑鈍根多色相欲將脂粉鬪清新

吳懸水閣學拈示課題兼點次賢阮冠山一作以

詩索和有曹吳之目次韻奉酬

管領仙班瑤島上品題煙景艷陽時霏來玉屑疑花雨
響徹金徽是鳳枝謬許揚鑣隨駿足應憐傳粉學蛾眉
人宗詞伯今誰匹擬向韓門自得師

奉和海寧師重遊城南花塢原韻兼柬王恕菴世

丈二首

玉堂休沐暫經過騶從無聲聽遠珂堦下繁紅仍種藥

四馬齋詩集卷四

五

松間嫩綠又垂蘿平泉客蔭扶疎樹婪尾杯銜漱灑波
花相祇應賢相賞撫今懷昔一婆娑

名花名飲兩難禁欲去還留景未沉艷色四圍疑擁髻

清芬十畝笑遺金憑將韻事傳高會獨有新詩感舊霖

眼見烏衣能濟美可容重訪碧山潯謂宛平相
公怡園

海寧師疊韻見示再和二首

飛蓋高軒幾度過當年郭外盛鳴珂東山逸興存絲竹

北闕閒情到薜蘿花似帶圍曾有識芳藥紅綠黃
者出瑞應堂相與庭留

古井更無波數閒老屋風流在未羨靈和與馭娑

觴咏流連老愈禁酒波花態互浮沉劇憐拂袖都如雪

贏得迴車滿載金留客日長還卜夜催詩雨細未成霖
相公感舊重拈筆題徧山隈與水渚

送孫虛船同年奉使秦中

太華峰高渭水深孫郎白馬去駸駸關中父老頻溫
諒甘連詔塞上車徒又好音諭蜀文章才子筆請纓事業
壯夫心據鞍自笑雕蟲手酒罷旗亭續短吟

桐城相公六十壽詩八首

辛亥九月庚戌同館之士將為文以壽我師桐
城相國師力辭之恐其以諛言進也夫諛言固
非師所樂聞而亦豈弟子誼之所敢出哉頌其

四馬齋詩集卷四

六

德業而祝其壽豈見于風雅者多矣師又安得
而辭之一士叨附門下謹為詩八章以獻庶幾
言之近于質者以伸同館諸弟子之意云爾

交泰昌期啟大賢手扶日月慶雲邊兩朝堯舜重熙
主一姓夔龍濟美年夾輔世勞真克紹鹽梅家法本無
偏相公忠孝宜平格純嘏今看錫自天

淵比淳泓獄比高虛中率屬靜紛囂百僚並受和平福
四海渾忘變理勞篤素傳經臣節謹為素傳經臣節鴻猷碩輔

御書褒難將鐘鼎摹勲伐冬日春風歲歲叨

口奉絲綸出禁中不遺一字代天工周情孔思

皇心協益贊臯颺帝訓融宣作風霆垂至教鑄成鐘

呂覽羣蒙聖朝大手追隆古燕許文章等候蟲

天漢光連紉繆新黠提魁柄轉洪鈞掄才南省人文煥

啓事 中朝物望伸千里龍媒歸鳳闕萬年雲棟翼

楓宸無私門館仍如水數仞遙瞻一个臣

西去王師義勇增度支飛羽坐相仍運籌幄內風雲

集轉餉關中士馬騰清野已聞戎幕徙屯田逾仰廟

謨弘左周右台同經國指顧遐方小醜懲

元臣禮遇絕階梯燕笑從容暖閣西居傍御園成綠

野果從內府賜青黎台衡晉秩三孤重世爵酬庸五

四馬齋詩集卷四

七

等齊天寵頻承心愈小不知家世是沙堤

菊綻黃紅報令辰高秋雲物記生申卦當咸位重逢九

易咸卦值九月節今歲適在九日甲到周時更值辛華夏雍熙人共壽泰階

平正世同春黃扉自有調元術不向仙關問谷神

優游圖史絳帷旁一相神怡萬姓康三壽班中身未老

閣中師相年高多長于公九重天際日方長初筵愛聽箴規語公令門人書格言以進

末座欣依道德光應有雅歌傳盛事舉朝交慶在明良

海寧師八十壽詩八首

一士先子以戊午登鄉薦與師為鄰省同年前

此未之謁也丙午榜前師見一士闡牘大賞之

時方謝客不敢求見庚戌既臚傳師列名以薦者四人一士與焉且以老成宿學目之邀恩館選始得隨眾旅見於門下辛亥假館近師第因俾校訂詩集時聆誨言十月二十九日爲師嶽降之辰館中諸前輩咸授簡賦詩伏念師德業聞望非尺幅所能揚托惟生平出處忠孝與夫聖主念舊尊年優禮終始大略謹著于篇俾觀者知本朝一德泰交三壽作朋之盛以附于崧高蒸民之義庶幾非門下士之私言云爾

四馬齋詩集卷四

八

百尺樓高雨露深天留碩果付當今宮中舊號真才子殿上曾呼老翰林一代典謨歸鉅手兩朝冠冕重華簪玉霄景慶須耆宿長憶先皇簡在心承明珥筆敢辭勤陟岵纏綿動聖君侍養安仁能作賦陳情令伯有傳文花磚日轉南陔日子舍雲迴北關雲豈是東山戀絲竹兩蒙微名到江濱擁旌七載粵西疆儒術能令比戶康鄭國渠成忘水旱文翁化美徧縑緇以朱學著荔江夾岸垂垂柳桂嶺連山矗矗崇臺彩巖前頻駐馬至今人頌萬年倉名倉

使節還朝領搢紳攀髯望斷弔湖濱六年陵寢思君夢三載卷阿報主身千叟譙餘稀故老九官班內膳孤臣今皇純孝惟求舊重見蒲輪入紫宸綸扉親簡翊昇平啟沃優游荷聖情心到耄年仍赤子師有印曰白頭赤子望從高卧便蒼生楷模漢室靈光古黼黻周郊鳳羽明家是閣中人吏散隔垣遙和笑歌聲方壺日月貯軒墀翔鶴堂中逸興宜撒坐呼僮移露菊捲簾看客賭圍棋路旁競買山陰字老嫗能吟白傅詩如此勝情誰領略太平宰相退朝時八旬三壽少齊肩不服黃精不坐禪省記前身曾佛祖

四馬齋詩集卷四

九

師生時有異志誰知平地亦神仙一株玉樹金閨映幾隊清歌絳帳傳更畫屏風供卧賞隅園水石似平泉並創有隅園圖憐才下士總虛公未學還塵薦牘中謬自菰蘆經月旦真從瀛海御天風平津客館連華省老鳳吟情被爨桐白首門生陪杖几寶筵長仰壽如嵩高安相公七十壽詩四首簡自仁皇舊德升出爲牧伯入凝承甘棠憇處民心戀玉尺量來仕路澄帝鑒讜言同骨鯁朝瞻直道比絲繩明晨漫擬懸車去三壽而今要作朋憶昨蒼生仰望深廟堂側席待爲霖一杯誓畢居廬

志 三詔難迴讀禮心平世故應全富弼墨纓未肯託

姬禽 聖朝孝治公身荷馬鄭遺編白首尋公于三朝公官皆
有善述行世

純儒從古不憂貧乞米何妨自相臣廳事僅餘旋馬地

家園賸有拔葵人扶衰藥物從官給退食魚殮對客陳

如此清修真冠代門生介壽也逡巡八上壽者公
戒門勿納

危微心法溯陶唐宗派遙看接紫陽誰剖異同扶傳註

獨刪荆棘護宮牆斯文一相能經緯絕學千秋共拜颺

自幸執經承緒論祝公平格佐平章

何履上學正齋見錫山詩艸數章有感漫題其後

衆鳥高飛一鳥孤十年踪跡落江湖再聞下 詔開賢

四馬齋詩集卷四

十

路時方議行
宏博科早見彈冠滿 帝都老婦篋中藏翡翠漁翁

網畔漏珊瑚不知華省諸先達還憶離窗舊伴無

聽彈漢宮秋怨

那堪切切又啁啾彈出昭陽第幾宮隨處玉階生蔓艸

一聲金井落梧桐挑殘夜雨青燈裏撥亂秋風團扇中

我是羈人聽不得滿衫清淚蠟花紅

聽彈塞上鴻

龍沙漠漠草荒荒嘹唳冰絃落雁王幾陣悲風呼大陸

滿天寒色動斜陽滴空閨閣刀環淚斷盡關山錦字行

彈到一聲邊月白受降城上有新霜

送姚生肩吾南歸

桃花春漲片帆飛底用臨岐別淚揮燈火十年慚馬帳

雲山千里憶萊衣未妨白壁無人賞何處明珠換妾歸

珍重秋胡曾有婦道旁好問故園薇周仲嘉
車疏意

中元日顧小厓同年以遊陶然亭詩見示燈下率

爾次韻

孤亭高會憶當年癸巳春曹
識集於此不共登臨意惘然想凭桐孫

立秋水楊令
孫生聞舒鳳嘯向寥天心閒自領塵中趣地僻誰

同物外緣且喜卧遊情未減和君詩句短檠前

題海寧師北征扈從圖二首

四馬齋詩集卷四

十一

旌旆飛揚塞草春風雲高傍屬車塵三千里外平戎日

四十年前扈 蹕身躍馬彎弧霆奮迅賦詩草檄嶽嶷

岫英姿却向生綃見長奉 天威服遠人

凌煙生面禹鴻臚石谷丹青更補圖高唱妃稀俱大老

細疏薇芑半門徒囊歸麟閣三邊靖夢到釣天萬國趨

留示東山樵牧侶令公壯日是前驅

挽吳懸水宗伯二首

玉貌長身大雅存 兩朝侍從最蒙 恩誰云顧盼空

儕輩獨抱文章動 至尊八座耆儒猶好學三言祖訓

足詒孫公嘗手書五世祖東崖先生格言於廳事曰惟忠
清可以奉公惟勤慎可以任事惟謙和可以偕友承家報 國

俱無忝易簣惟聞笑語溫

清時風雅藉扶輪樂數當年意氣親敢謂登科同大老

康成年余恰與公登第時同謬因得句賞陽春
公見余館課詩云得句恐書上卷
公屬題晚香
公笑曰此後免者之責也
難就後死千秋合有人
型從此杳九華峰頂見嶙峋

送海寧師 予告歸里疊前壽詩韻八首

曩辛亥冬吾師年登八秩一士作詩八章以獻

過蒙獎賞今值 恩賜引年典禮優渥館閣諸

公競為吟咏用紀 明良盛事竊不自揆仍次

前韻附於驪歌之末他日洛社餘閑寓目及之

四馬齋詩集卷四

不啻一士參侍函丈以聆謦欬庶時有以教督

之也

五載黃扉 帝眷深八旬耆舊冠于今望同 昭代星

雲瑞名重 先皇翰墨林臣以引年思就第 天因優

老許抽簪相公感涕辭 丹陛方寸惟餘捧日心

宣勞中外殫精勤此日安車荷 聖君疏傳賢者堪作

畫右軍田舍早成文身儀 北關翔鳳鳳夢入東山弄

白雲哀繡欲行還少駐傾都祖帳在河濱

新傳 寵命徧南疆爭看師臣壽且康報 國年深餘

嬰鑠 賜書恩重富縑緇霜皐欲下林逋鶴冰署長留

名伯棠 公掌院時加惠庶常何以祝公惟健飯不須服餌問軒

倉 一門羣從總紆紳手植芝蘭在澗濱清望花磚能接武

殊恩綵服許隨身堦前才子扶名父膝上文孫儼世

臣曾見周宮湖畔宅年年 存問下 楓宸

湖山如繡樂承平到處扶筇寄勝情為問齊年還幾輩

閒從精舍話三生田廬結搆應心爽花鳥逢迎倍眼明

更譜家園新樂府好充畫舫棹歌聲

纔蒙 優詔謝 彤墀蕭散衣冠也自宜綠野堂前看

種木永豐坊裏聽彈棋橋山昨夢思遺劍嶺嶠前聞理

四馬齋詩集卷四

詩風雅即今誰管領沙堤悵望晚晴時

無着天親孰比肩宰官不墮小乘禪現為壽者超諸相

本是臞儒證列仙家世台階存系表心源 帝座接真

傳西泠一片空明景擺脫聲聞悟月泉

從容論道亞三公宿德名高保傳中誰似甫申登大耋

還從黃綺遡清風低徊忍判環書草感激難忘集鳳桐

此後追陪定何日常依北極望衡嵩

壽姚母張太夫人

天上張星仙籍貴閨中壽母義方尊看調鼎傳兄弟

手織機絲訓子孫老去冰輪逾吐彩秋來丹桂又蟠根

一觴遙指南山祝 鳳詒魚軒受 國恩

族母陳太孺人榮膺 旌表詩

少日于歸克相夫 吾家重賀見班姑 渡河不道分鸞影
遺腹還聞產鳳雛 一自寒灰朝畫字 至今霜月夜啼烏
朝家彤管輝門閥 俎豆鄉閭作楷模

四馬齋詩集卷四

四馬齋詩集卷四

十四

四馬齋詩集卷五

男 錫端菽衣

海上曹一士濟寰著 壻葉 承子敬同較

姪 錫黼誕文

五言排律

上韓城張閣學師五十韻

水白龍門湧天青 華嶽連千秋鍾間氣曠代得名賢 韋
氏傳經盛楊公 種德綿兩京追雅頌七葉珥貂蟬 杏苑
花初看金門 詔已宣 九重持橐入太乙 借藜燃風
雨揮毫疾 絲綸視草便鍾王 推獨步元白羨齊肩 司

四馬齋詩集卷五

一

命文章重持衡 冰鑑專馬空燕趙域槎泛斗牛邊抱玉
誰當泣投珠定見憐 一鳴知鳳羽三尺辨龍泉冠蓋來
何暮干旌賁復旋寧知 簡在意長向此都懸 北闕
重銜 命東吳再放船觀風旂淠淠在泮鼓咽咽馬帳
威儀肅程門道德全 指歸標正雅采擷徧芳鮮筆陣開
千弩文瀾滙百川捧心嗤婦拙升木笑孫儼竿牘謀難
遂冰壺志愈堅 清風動雙袖朗月照中天白首彈冠至
黃童奪錦還取材皆竹箭成器悉璣璫自幸能瞻斗何
當賜執鞭駑駘煩剪拂瓦礫費磨鑄家學清醴在生涯
鐵硯穿違時人誚嬾好古世疑偏經傳頻鈎索漁聞且

汴沿十年甘不字一發歎虛玆

一十年十五補諸生以多病
屢不就鄉試壬午始一入闈

使院

雲間聳文星泖上躔安仁初惻愴司馬正迤邐逼迫才
應盡倉皇慮尚牽如何下里曲翻入廣陵絃激發迴初
服棲遲理故編歲周仍校藝興到輒懷鉛籬下寧甘寄
環中好細研室難窮突與味早薄腥羶豈有奇堪賞那
將色闢妍古來常吠怪夫子竟忘筌才謬千人特文慙
眾口傳霧中思隱豹堂下祝遺鱣衡壁終須鑿舒帷更
莫褰雕蟲良小技學道貴真詮餘事論青紫前修在粥
饘中流需一柱大厦賴千椽禮樂周廷備登封漢代虔
聖人虛席待多士拔茅前北面依韓愈南浮識馬遷

四馬齋詩集卷五

二

遲公歸入相萬物藉鈞甄

上陳滄洲師三十韻

聖世方州牧 清時社稷臣隆名九伯冠化雨此邦均
近與龔黃會遙將稷契鄰斯民依衆母勁節指高筠聞
道 巡方日躬清 輦路塵世情排異已 帝意鑒勞
人 特詔寬文網還官侍 紱宸丹黃天祿秘混一地
圖新公嘗得
遺誌簪筆翱翔久爲霖仰望頻一麾吳會守五馬
太湖濱異政流傳速仁聲感激真燭奸明抵鏡折獄迅
如神微服勤廉訪溫顏遍撫循酒徒空窟室遊女避車
輪扶起溝中瘠吳公嘗設法
治盜盜風以息潛回地下春

人子窮簷咸忤舞薄俗忽深淳壽域斑麟繞高崗紫鳳馴

如聞將召霸安得復留恂誦義雲天薄依仁江海濬爲
儒恥章句稽古慕經綸當代求模楷何人絕等倫識韓
私有願獻雉恐無因昨日家郵至遙情尺素申交遊同
孔李子弟比荀陳下位方孤立迷途遣問津士非千里
駿公是九方歟敢冀吹噓力惟知沆瀣親門牆容竚立
喬嶽識嶙峋述德才慙拙輸誠志欲伸執經從此始永
永荷陶甄

上海寧陳大中丞十二韻

帝念三江蹟巡行遣大臣職因敷土重事與導河倫菱

四馬齋詩集卷五

三

舍風兼雨乘橈冬及春婁松循次第原隰互經綸水道
縈洄舊 神謨指授新攷圖施尺寸量地起公旬絲粟
真無擾旬宣信得人忘勞符兌說發帑布 乾仁震澤
驚濤靜春申濁浪馴三吳資砥柱一牖鑄洪鈞啟閉謀
須久芻蕘議欲陳皇華繼忠靖官爲達 楓宸

壽虞山座主二十四韻

盛世鍾台輔清門啟史編宅鄰虞仲古學溯子游專淳
德鄉人佩雄文壇坫傳克家看接武公望羨隨肩特達
神仙侶從容日月邊榮司 南內直 恩賜北堂聯述
作餘功富謀猷入告虔精勤甘載著寵遇 兩朝全方

有秩宗 命旋因敷教遷輝煌堯禮樂經畫禹山川
聖主輕租歲勞臣則壤年京東籌水道冀北築圩田一
疏訓 宵旰三時仗節宣訐謨推獨得藻鑑更無前泰
運金臺敞高秋玉尺懸珊瑚隨網出鸞鳳向風翩 帝
曰邦家福時稱選舉賢文昌光燦爛牛斗氣澄鮮不謂
泥塗久欣逢拔擢先顧深同伯樂賞獨比朱絃良月春
回谷高萬望極天門墻供杖屨筆墨備雕鐫桃李均陪
座芝蘭共肆筵祝公平格壽頻和作人篇

韓祖昭太史七十雙壽十六韻

吳下論耆宿南陽第一流尚書遺舊履片玉重前修家

四馬齋詩集卷五

四

以文章世官從太史優爐煙頻染翰鱸膾乍迴舟朝宁
思公子邦人信伯休鹿車還共挽鴻案更相求豈是輕
千乘其如樂一邱著書松鬣古養性鶴神遺林屋繡經
入支硎訪道留扶鳩人未老載酒客同遊琴畔饒風味
機中足唱酬名駒方蹀躞仙侶又瀛洲花傍春燈暖香
隨畫錦浮金章交紐鳳 紫誥並蟠蚪弧悅光相映松
篁色共幽壽筵何處啟閭苑有層樓

越裳入貢

雍正八年三月南掌國來朝即古越裳氏也聲
教之訖上嬋成周恭賦十韻用紀 聖朝盛事

滄海無波日青雲千呂時炎方重譯至卉服望風馳粵
自成周世重逢清宴期三千餘歲月萬里外簾櫳馴雉
登金砌文犀燦寶羈朝 天衣錯落頌 聖語侏離目
眩祥光繞神驚彩鳳儀人原同血氣天不限華夷拜
賜心誠悅歸帆路渺瀾再來攜侍子永世荷 恩施

慶雲

雍正八年三月慶雲現於京師羣臣入賀 上
曰麥方熟百姓望雨急若得甘雨勝於慶雲大
哉 皇言古未有也

靈象昭 君極祥雲蔚 帝都九光籠鳳闕五色煥龍

四馬齋詩集卷五

五

圖捧日金柯燦摩霄玉葉敷芝形張似葢露氣結成珠
臺殿丹青麗河山錦繡鋪千官齊雀躍萬姓效嵩呼
主聖超軒昊 皇言協典謨瞻天祈穀熟望雨念民瘼
恩意逾高厚精誠立感孚綿絲施允澤永永握乾符
賦得所樂在人和

玉燭三增正金甌四海春明良方作合師濟總成鄰政
以鹽梅理時逢樂利均熙熙游太宇皞皞作平民孝弟
盈家慶賢才萃國寶拾金途共讓遺秉戶同仁贊化歸
皇極調元仰 聖人 九重多悅豫不是為奇珍
賦得知仁山水德

大君天錫智 元后性生仁河嶽胸襟闊高卑境界親
陰陽歸太極流峙現全身浩浩源頭活巖巖氣象真波
心千頃月山色萬重春照處呈明鏡凝時淨點塵呼萬
羣嶂集朝海百川臻樂壽知無量乾坤仰 聖人

賦得文治日光輝

聖德離明照 皇朝泰運昌文思銀漢上治象玉霄傍
聲教欽朝旭心傳捧太陽六經看復旦四子慶重光紉
縵卿雲現迴環列宿藏昭回長不夜麗正恰中央昕鼓
庠邊設雞林鳳羽翔遙聞敷被處沐浴到扶桑

賦得野舍時雨潤

四馬齋詩集卷五

六

首夏薰風候三農望雨時 齋宮虔致禱允澤沛如期
一念慈雲滿諸天甘露滋祁祁良有感疊疊信無私麥
隴添新色秧田洗舊姿泥融便布種野潤欲扶犁餉婦
攜筐出衢民擊壤嬉飲和蒙 帝力歌舞徧茅茨

闕里文廟告成 特遣 皇五子致祭恭紀十二

韻

萬古 先師里輝煌待 盛朝道源洙泗接廟貌漢唐
超壯許同 宸極高疑上斗杓琉璃明寶殿紉縵麗層
霄詩禮門增峻宮牆路未遙齋居存 聖敬遣祭蕭星
軺盟薦惟 皇子分陪有大僚璧從 三殿授香目五

雲飄典物隆無偶征徒靜不囂明禋崇曲阜文治邁唐
堯增秩榮苗裔加籙敬燭蕭遙知成禮日仙樂又聞韶

新造闕里祭器告成奉 旨賜觀恭紀十二韻

重道 文思主尊 師典禮隆廟模弘魯宅祭器厯

宸衷 特勅冬官掌精遴世守工披圖稽古式定制協

時中牧貢良材辨洪爐上齊去聲融渥青凝寶氣浮翠晃

遙空大備昭明盛惟新稱潔豐質將陶甄前代用瓷珍與玉

圭同歲庚戌領王主於孔廟述作 皇朝懋美牆闕里通有孚憑法

物受福在 深宮仰矚璇霄壯行 頒泗水東兩楹虔

幣告禮記康成註禮樂器成則用幣告先聖萬葉永欽崇

四馬齋詩集卷五

七

恭賦 御製青壤百蔬妍

芳甸三春後嘉蔬百穀前迎風俱激灑向日共暄妍青
茁雲初合紅抽火欲燃分畦疑麥浪錯繡映桑田長養
天心渥栽培地力全名應登禹貢瑞蚤薦堯年味識充
盤美羹因着雨鮮采蒔蒙 睿藻徵物總陶甄

七言排律

座主鄂大中丞五十壽詩十四韻

聞苑蓬壺早御風黑頭官拜少司空新推獨坐丰裁峻
舊典三雍物望隆管領神仙朝壯斗種將桃李徧南宮
帝資啟沃為霖雨士藉陶鈞識化工八座弟兄齊獻

轍滿門子姓盡褒雄家居玉露金莖畔身在紅雲紫氣
中 天寵屢邀增慎重 國恩頻沐倍謙冲不將省樹
傳人口常把茅簷達 聖聰稽古文章歸絳帳匡時勲
績契蒼穹片言福世同鐘鼎一柱擎天等岱嵩拔俗仙
姿瑤島鶴凌霄高韻霍山桐甘瓜擘處涼猶嫩雪藕嘗
來味始融豈有散材堪斧斲自知頑石磨礪升堂擬
進臺萊句爽灝朝看貫彩虹

四馬齋詩集卷五

四馬齋詩集卷五

八

四馬齋詩集卷六

男 錫端菽衣

海上曹一士濟寰著 壻葉 承子敬同較

姪 錫黼誕文

五言絕句

題荆溪蔣越珊小照

美人珪璋姿寂寞守環堵爲愛荆溪深蕭蕭竹林雨

小江郎山題壁

江畔小江郎臨風送客航故鄉回首處飛鳥下斜陽

即目

四馬齋詩集卷六

二

一雨新綠滋春風殊寂寞溪畔野舊薇無言自開落

南浦橋

即江海
送客處

千古傷心地無如南浦深綠波將碧艸送客到於今

題梅花畫寢與方靈臯

泥塗塞中衢蝨蚋舞密室懷君冰雪安悠然忘夏日

題吳東生便面小照二首

遠山多白雲雜樹相樛繞蕭齋不見人書聲出林杪
春歸客未歸萋萋春艸長昨夜夢還家楓橋聞蕩槳

題乘槎圖二首

滄波浩無際一葉去何之千載成連意遙遙與共期

三山君尚到為我問麻姑昔日蓬萊水而今清淺無

題桑氏雙烈卷後

婦姑同死難凜凜氣猶生寒夜悲風作如聞罵賊聲

七言絕句

元旦試筆

輕陰漠漠好風吹小鳥晴窗弄語時晨起墨痕猶在手
壁箋試寫隔年詩

哀王生六首

生名誥字丹衷生而秀令好學不妄交所居雖
城市門外路多不識也一旦卒年纔十八秀而

四馬齋詩集卷六

二

不實悲夫雜成詩六首題曰哀王生

驚聞美玉委泥沙忍見明珠沒海涯有恨雲遮初上月
無情風墮半開花

紛紛籬落遍雞羣獨鶴翛然衆似君應是人間留不得

喚歸天上侍修文

傾蓋逢君憶往年竹梧深院小窗前誰知一別成千古

欲話音容却惘然

城北城南隔暮雲年來惆悵獨離羣數行清淚無窮意

泉下何由一寄聞

招魂無地暗傷神一笑重逢會有因却恐茫茫塵似海

再來那得記前身

白袷風流一旦空王昌無復住牆東誰將五色如椽筆

寫入江郎恨賦中

閨怨

夜夜羅帷掩淚多見郎強為發清歌不知妾貌綠郎瘦
猶問加餐日幾何

施省文孝廉與家孟同補諸生最稱莫逆省文已

舉於鄉而家孟溘焉早世俛仰今昔相對淒然

賦貽絕句二首

當年壇坫重璫璣連壁爭看過市車今日雲泥真隔絕

四馬齋詩集卷六

三

一為鵬翼一枯魚

當年旅舍載樽酒半燈殘醉欲扶今日秋風斜照裏
不堪彈淚聽歌呼

辛巳雜詩四首

中宵起坐露琴張古調千秋盡渺茫莫歎枯桐曾一炬

也勝不遇蔡中郎

病覺人間萬事勞閉門苦愛讀離騷自從蘭蕙香飄後

懶看城西萬樹桃

惆悵荒雞咽更鳴酒闌燈炮十年情青衫溼盡愁如海

併作南窗夜雨聲

錦繡樓臺煙雨遮澹紅穠白委泥沙香蹄踏遍無人掃
誰解鍾情到落花

悼亡詩二十四首

婦張氏性孝謹幽靜兩大人皆稱其賢歸予一
載餘以產難卒年止二十四悲悼之餘雜得詩
若干首

死別誰能不斷腸黃泉碧落兩茫茫那堪獨樹西風裏
寡鶴巢凝十月霜

絃管春宵憶去年低迷花燭照人妍傷心錦帳流蘇地
轉眼秋風總布懸

四馬齋詩集卷六

四

連宵刀尺聽烏啼絡緯聲中日又西病骨不辭操作苦
天教君作伯鸞妻

難將寸艸報春暉母病囊空藥石微曾記中宵相對泣
淒涼端不爲牛衣

江城聞道使車過去住徘徊奈若何惆悵刀環頻計日
臨歧猶說慎風波

時余就試鄉中

春申江闊夜淒淒風雨歸舟四望迷蘆荻聲中數行淚
勞生難覓一枝棲

謝家嬌女最牽情孝謹爭誇是性成嗚咽但聞呼阿母
人間此是斷腸聲

牽衣欲別似征途執手無言淚暗枯歿視知君有餘恨
牀前不見一童烏

結縞時節燕初飛箱篋辛勤送女歸最是蓋棺淒斷處
嫁衣旋作贈終衣

蘭惠當門是禍胎世人誰復解憐才蛾眉見嫉君休歎
我亦頻遭箕口來

芳年薄命似君希五十絃空雁柱稀陌上花開春晚晚
落英又逐曉風飛

四馬齋詩集卷六

五

返魂有術總荒唐肘後青囊亦渺茫一自世無盧鵲手
須知勿藥是良方

君緣學繡工晨起我爲耽書廢夜眠辛苦意多歡意少
可憐回首各茫然

皂帽欹斜酒半醒笑看潘鬢早星星鏡臺人去寒光滿
忍照霜毛倍舊青

明滅殘缸照素帷殯宮蕭瑟不勝悲可堪冷雨淒風畔
苦憶寒窗夜語時

支持藥裏誰憐我料理衣裳便憶他敝履欲拋還未忍
舊時鍼綫已無多

今始喜得慰雙親綫向燈前祝石麟豈料因花枝更折
翻教淒麗白頭人

荆枝萎謝不堪論破鏡倉皇又斷魂從此登高莫回首

南飛孤雁近黃昏

家孟以已卯歿

早歲王郎忝好音謝公知遇比南金九原可作還惆悵

韋負當年一片心

余垂髫時輟學於軒先生器重即室人祖也

長憶臨風愛倚闌摘花不插但疑看一枝黃菊平生意

折供靈筵當晚餐

彈指流年蝶夢空剎那離合太匆匆歲寒一樹梅如雪

應有香魂在此中

呢喃燕語苦相依睡起窺簾露未晞他日燕來人不見

神恩空引雛歸

四馬齋詩集卷六

六

飄零花雨未忘情泉路無因得寄聲珍重臨行親切句

金經一卷送浮生

相將賓友結同心唱和年來抵斷金莫怪伯牙琴欲碎

人間能得幾知音

題孟少尹小照

十年琴鶴伴清貧歸去燕山自在身却憶江南三月暮

滿園紅雨瀉城春

小靈臺四首

吾邑城隍神相傳為故待制秦公景容靈迹久

著已丑歲邑人於廟後別構東園其中有臺翼

然高可十餘丈廣僅容宴豆而浦之東南北三

面之美咸在余因邑人子來樂成之義名之曰

小靈臺而系之以詩

神祠北際名園闢寢廟東偏別殿開更擬登高望雲物

人間重築小靈臺

何年丹詔起孤臣雲樹蒼茫舊隱淪東去題橋有遺跡

固應忠孝作明神

秦公諱聘海真明史

引水為山十畝間祈年宴罷此中間石壇夜靜神鴉集

海上雲旗乍往還

商船夜見神舟於海上禱之輒應

斥鹵桑田縱目初萬家耕織雜樵漁赤氛黑祲年來有

四馬齋詩集卷六

七

憑仗登臺一掃除

春夕集重慶堂邀素娟不至

細細東風作意春散花女伴隔紅塵劉郎未是粗豪客

壁月如何照別人

題友人悼亡詩後二首

明詩習禮人誰及蕙歎芝焚淚獨吞地下料應成大覺

人間空為賦招魂

春蠶成繭燭成灰逝水東流那復迴不忍更聽長恨句

此生曾作恨人來

即事呈葉二邵南

燈前試舞六銖衣絃管聲喧笑語微一種春寒星月下
有人閒看鵲南飛

別邵南歸邑二首

謝庭還往六年中別鶴離鸞恨未窮坐向高齋更惆悵
兩郎君儼舅家風
征鞍又踏陌頭塵細雨斜風北郭春門內梅花門外笛
禁煙時節獨歸人

豐縣感懷

寂寞商山遣使迎交歡平勃漢基成陸生老去留侯死
七國何人為息兵

濟寧過程鈞菴

會通河上拂征塵舊識相逢笑語親君正南歸我北去
明朝無復故鄉人

車上

高下山坡犖确行祇疑雷動又風生溪邊荷蓀忘機叟
冷看征車過一生

過舊縣驛

舊縣東頭四望晴眾山迴抱一岡平絕憐相向青如削
問徧居人不識名

黃石公祠

滅秦感項更安劉一卷書傳返故邱不是老人化黃石
英雄未解赤松遊

早發恩縣

寒雞喔喔帶霜鳴襪被初溫又五更淡月一痕驃背白
夢迴已過貝州城

讀謝皆人咏雪詩

一卷清吟識嘯莊冷然冰雪淨詩腸相逢未覺春光好
桃李花前盡日忙

自惠山歸東陸秋谷二首

龍山南下暑不到虎阜東頭塵欲飛倦客不堪花市過

扁舟滿載惠泉歸

一甌陽羨味清涼飲此都忘白晝長為報煎茶陸鴻漸
底須更覓夜來香

題沈赤舒小照

小時同學記城東梧竹蕭蕭隔院風回首驚心廿年事
沈郎雙鬢已成翁

佛桑花次韻

多病維摩色相忘更煩天女試新粧客窗一樹紅於火
未是江南陌上桑

正月初六夜葉坊道中紀事二首

四山昏黑斷征輪戶外倉皇戶內嗔田舍地爐溫臘酒不知尚有問途人

深溪泥塗下上岡山童扶送意何長素衣黑盡頭鬢白獨向中宵渡野航

題鄒景何畫扇贈路舒馭

煙絲落紙勢雄峻袖知君有八閩何似故山青九點秋來隨分寄閒身

六月二十二日監試即事

十年京洛盛文章皓首重來赴講堂慙愧官呼老名士舊時花樣試新粧

四馬齋詩集卷六

題剪淞草堂圖二首

樓館參差遠竹梧煙波浩蕩柳模糊憐君十載緇塵裏

一卷吳淞卜築圖

君作漁郎我作樵半江風雨共逍遙鱸魚正美不歸去辜負春申八月潮

秋日移榻半涇桂下雜得斷句八首

幾度秋風撼井梧半涇花事未全蕪三間屋外圍叢桂萬斛香中著老夫

壁立渾疑切燒餘無端風雨妬幽居暫來却似移家住

一具茶鐺兩束書

蘇中所得

路近城西斷俗氛天香半里氣如熏主人未至客先到

過午暮聲隔院聞

半霞兄皆桂因夜處在先過對與

屋角西榮桂作叢駢枝接葉翠看工山人亦有嬋娟伴

十二金環立晚風

屋角西榮為桂屏今最枝四出數之得十二株

繞砌啼蛩攪夜眠橫陳花影倍珊然細君漫說官租急

且拔金釵當酒錢

寬裳曲杳一徘徊修月無功又却回酒醒夢迴香滿榻

自憐身到廣寒來

惜花不折記萱慈手澤分明在一枝護到花開還護落

莫教金粟頓離披

四馬齋詩集卷六

十一

桂子繽紛貯一囊茱萸歸思近重陽餘芬乞與袞裯載到舍猶能十日香

晬盤詞四首為從子錫黼試週賦

喜報充閭歲一週晬盤香色滿堂浮名駒千里他年事氣概而今便食牛

吾宗世澤在傳經

名閭昨歲平添又十丁良月問誰盈數

得望舒早已占文星

姓生時月在奎

插偏牙籤少蠹魚焚香坐擁勝瓊瑤讀書種子從今長

不負家藏萬卷書

阿翁壯歲舞衣斑大父歌吟五畝園名間眼見登科年未

冠紅旗金鼓送兒還

題張丈棠英小照

茗椀書囊對一邱芙蓉黃菊共矜秋何來白鶴雙雙舞
閑著幽人在上頭

送姚生肩吾選貢歸省四首

公車詔自九重來未冠人看中選回勝似洛陽年少
日漢廷卿相總憐才

寶興纔畢動歸思七十高堂介壽時綵服便娟墀下舞
累他鄰叟欲答兒

六年八席最相親一尺燈檠夜達晨對客莫論衣鉢在

四馬齋詩集卷六

士

外間久矣笑陳人

一棹寒江獨倚樓半涇雨雪正浮浮梅花老去同誰賞
臘後春前早放舟

吳母九十壽

斑衣伯仲侍分甘九十萱堂蔗境酣聞道中閨猶却杖
自持梵唄禮瞿曇

題叢生就日圖二首

望中宮殿鬱參差渾似東華駐馬時應向五雲深處宿
葵心初傍曙光披

松杉古道幾繁盤匹馬秋風一據鞍此去莫愁天路遠

舉頭紅日是長安

醉盤詞三首為同年王慎菴子賦

錦棚擎出石麒麟正是人間浴佛辰昨歲如來親抱送
翻增紅藥氣酣春

江左諸王甲第高華亭棣萼並人豪尚書舊德青箱在
又見曾孫長鳳毛

外家宅相是三台燕許文章炳斗魁似舅科名須更勝
桂林早占一枝回

東籬詩題贈趙主簿四首

薄宦三遷適逢廬山面目與誰同逢僧休更攢眉去

四馬齋詩集卷六

三

般若黃花一笑中

燕市重來合愴神東籬消息騰閒身詩壇不見漁洋老
再叩何門問主人

大隱由來混市朝頻年束帶笑鋪糟幾時歸向南山卧

滿袖黃金自和陶

白頭詞客袖瓊琚幾度催詩到敝廬樽散人無工穩句

祇應佳友一軒渠

魯端伯品
翁為佳友

賀海寧師生孫三首

枚卜曾聞帝語溫漢廷耆舊獨蒙恩高岡雨露桐

千尺先蔭朝陽第一孫

海宇昇平萬國歡卿雲甘雨護 金鑾朝迴鈴閣渾無
事抱取鵷雛膝上看

列戟門楣重燕貽海中仙果若為遲要令未冠登瀛日
恰近初筵百歲時

題畫

分明綠雪堂前樹家半溪園中
額黃與翁題老幹橫溪半著花却向房山
圖上見軟紅塵畔正思家

七夕詞三首為吳冠山同年三十初度作

繡罷鴛鴦彩色鮮碧天風露自年年儂家宮樣新描就
骨血銀神浪乞憐

四馬齋詩集卷六

十四

丰骨珊珊玉宇身黃姑消息轉相親分明收得支機石
銀鵲翎邊隔一座

雲錦裁成入 帝鄉閨風高處覺微涼江南薊北憑闌
夜北似星河幾許長

題景何小照三首

爛漫天真不可裁畫師詞客任疑猜仙才端合棲蓬島
那向河陽覓樹栽

榕城風雨惜分攜燕市鶯花對酒時彈指六年頭併白
青鞋布襪問何之

九龍山麓惠泉源聞道愚公有故園修竹萬竿梧數本

知君得意欲忘言

送柏蘊萬同年乞假歸省即次留別韻二首

忽唱驪歌奈此辰江南歸及柳條春知君不為蓴絲去
倚徧門閭有二人

上堂家慶報佳辰拂罷征鞍滿屋春可念寒宵欹枕夜
五湖更有夢歸人

次景何九日畫菊韻

鄒生為縣五年強泰谷山名在
懷柔秋深葉未黃開遍菊花人

吏散漁陽九日似潯陽

海寧師令孫晬盤詞二首

四馬齋詩集卷六

十五

玉淨蘭芬畫不如紅羅綸上抱來初天生夙慧無他好
百寶中間捧 賜書

燕許文章老更尊鍾王書法有真源傳家一硯摩挲久
大父朝迴付伯孫晉范甯過歲祖欣以已
所用硯與之喬字伯孫

四月二十日 勤政殿引 見即事紀 恩四首

黃風晴日仗前溫 頭問春秋荷 至尊四十人中臣
最長擬將蒲柳報 君恩

玉筍班聯分已叨白頭詞筆類空槽自慙名姓居龍尾
兩度深蒙 天語褒臣一士在漢書二班之末 上詢及年高回奏曰
論云爾是明白人又 顧謂大學士云曹一士

人甚

天顏咫尺殿中央詩諫詩諫意味長獨學不如謙受
益須令報國有文章是日復堂召入殿中跪聆聖訓大指勉以詩書學文忠義集最難舉尚書之旨証之蘭各賜官報一足謝恩而出

端綺遙 頌自玉除光分藻火拜 恩初微軀幸值文
明日舖散還資四庫書

題張某小照

兀坐悠然遠世氛風情閒淡意超羣不知誰訂同心者
折得幽蘭贈與君

題紫薇畫扇次楊鴻度韻

仙種疑從紫禁來金莖露下一枝開人間未必知高調

四馬齋詩集卷六

塵土堆中莫浪栽微花白高調

楊笠乘江天一笠圖即次其自題韻三首

判袂秦淮醉面紅十年離夢但書空美人秋水朝來見

燕子磯邊薄暮風子與笠乘庚子會白下

吳姬十五玉腮紅解送仙郎戲碧空千騎東方都不識

鎮教暮雨更拖風

麗句當年關比紅題襟朋舊逝波空楊三又作麤官去

頭白憑誰說國風

題何敏修小照二首

俠骨雄姿寫逼真當年自許報恩身時平劍術無從試

笑佩吳鉤不贈人

老去悲歌興未闌棄繻心在劍猶寒禁中頗牧今誰是
好向金臺一據鞍

人日憶家寄次女七首

人日輕寒散 帝都衰年還藉敝裘扶辛盤濁酒門生
共只是無人挽父鬚

聞道江鄉歲半收官租私負兩難酬殷勤為問蘼鹽婦
典盡春衣幾許愁

誰言生女不如兒況復生兒我較遲憶汝晚晴樓上月
夜深教弟誦毛詩

四馬齋詩集卷六

汝爺辛苦坐燈檠五十冰銜愧後生休向謝庭貪咏絮

滯人福命是才名

新詩寄我句含香擇對頻牽九棘腸自是貧家難嫁女

豈緣天壤乏王郎

吾友詩翁顧小厓見詩驚是掃眉才寒修本是憐才客

不向人間問鴟媒

汝姊吟情寄越山壻從薄宦賦刀環春風好寫連床句

寄與城南一解顏

荅湖詞隱第三圖為杜雲川太史題二首

紅豆風情老去偏美人香艸共誰編玉簫金管芙蓉岸

只有周郎與扣舷吾邑周子維蒼與先生交好句以填詞相倡和

四年不見雲川子一卷煙波認舊游恰似吳淞度除夕

滿蓬風雪翰林舟戊申除夕先生過海上阻風吳淞開口

題徐孝常同年燕臺艸後

別裁偽體我何堪風雅源流世孰諳終古長安居不易

春風野燒落天南孝常將有黔行

花燭詞二首

丹桂團圓樂隔歲栽仙郎親到月中來天香此夕房櫳滿

不是尋常玉鏡臺

蔡戟門高擁玉珂合歡筵上再登科頌椒咏絮才難量

四馬齋詩集卷六

六

却扇吟成聽和歌

題顧小厓同年小照二首

鐵幹幽香伴角巾故園歸結歲寒隣而今肯為蒼生出

未是孤山放鶴人

君家光福有山莊光福為先生世居予亦神遊綠雪堂堂前有老梅數十株何

日扁舟成二老閒傾春酒玉妃旁

題畫二首

江南十月百花稀露下芙蓉欲溼衣何處風標佳公子

不貪霄漢戀漁磯

白頭坐愛柳陰空林下相逢碧繼翁正是茅堂清絕處

拒霜花發兩三叢

四馬齋詩集卷六

崑山門人王之醇學舒校字

四馬齋詩集卷六

九

黃門公與承先君爲僚壻偕香林舅氏以文字尤相契
合每一見問寒暄外輒談詩相難也復相許夜分不輟
若甚樂者承年十七從公受舉子業見公與先君時倡
和迨後歲時伏臘或就試蓉江白下以至南宮輒得侍
側嘗殷殷爲示作詩之旨有一言契躍起喜甚歲庚戌
公入庶常承亦以謁選留京數月時世宗皇帝宵旰
精勤數舉大典治道邳隆符瑞時臻重譯遠至公以雄
才宿學著作承明商皇典麗名公卿交推爲清廟明堂
之作而清秘餘閒跌宕詩酒承亦時附末席仰瞻公擊
鉢揮毫氣壓四座方謂豹文鳳采黼黻鴻庥正未有艾

四馬齋詩集

葉跋

一

豈知自此辭公即爲長別也公喪歸自京時菽衣起南
兩君方髫髻余尚羈江介遺詩零落淞濱外舅屢欲哀
刻之未果而卒戊辰夏誕文商之菽衣昆弟乃偕承較
訂而付之梓公論詩以一唱三歎蘊藉不盡爲宗至今
讀遺集終慕恍然公詩多塗註幾莫可辨欲叩詢而無
從是時距公之歿已逾一紀先君已前卒舅氏亦卒數
年回思當日景況忽如隔世提命莫聞音容焉往不自
知淚涔涔然也公晚達立朝未十年然猶得簪筆彤庭
翱翔省闈視先君之不得一第舅氏之以上舍終抑又
懸已才與遇之不相偶固如是邪先君與舅氏之詩尚

未刻而公詩已可傳於不朽承不能仰承公訓頽然就
衰而兩君之髫髻者已蘭茁玉立而嗣家學又有誕文
以昌公之業公其可慰矣夫壻葉承謹書

四馬齋詩集

葉跋

二

先黃門才名震天下顧嘗自稱曰不能詩及讀遺稿體不一格指無偏尚大抵蒼古得於漢魏凝鍊之於三唐而參以宋之疎越元之妍秀用力深而取材博雖專於詩者有弗逮焉宜乎海寧湘潭青陽諸公之歎賞不置也嚴滄浪論詩曰非多讀書多窮理則不能極其致錢牧齋譏王李鍾譚之徒勇於自是世未有勇於自是而能極其致者先黃門自稱不能詩詩之所以不可及乎舊有夢白草汚浦詩鈔及城北城西筍里毘陵閩燕諸編顧皆攜之行篋黃門歿京師捆載而歸類多殘缺庚戌以後作皆零紙斷簡無多

馬齋詩集跋

塗註今共輯爲六卷其間歲月之淆帝虎之訛誠恐不免願識者有以教我從子錫黼謹識

夫與婦胥才是再干造物忌也吾友謬廷曹子雲間才士范之王子曰上海百年來才未有及謬廷者予固疑造物者陰忌之而又重之以秀林陸夫人夫人才媛也詩最清適粹雅其卒也謬廷出示余曰盍一言以釋余悲乎夫人兄錫山亦請言余爲釋曰使謬廷不必才才名不必胥盛則夫人庸可工詩工詩庸可生謬廷業才才名業胥盛是夫人不可詩也而夫人又工詩是夫人庸可病而卒而不可生也何則夫人卒而造物者并釋謬廷忌矣謬廷乃可以逞友曰此賢婦志乎余曰抑才媛之志也夫不有其才以成人之才者斯才也有其才而不克成人才甚或助造物之忌以忌之者雖才不才也余故曰夫人才友曰子之言有徵乎余曰世遠亡論明季夫與婦胥才者莫如楊用修黃夫人夫人父舅夫胥貴而夫又才以干造物者忌故季年用修謫卒坐悲離子囊一絕曰麝帕羅裳醉後糝翰林才子寫詩章三春花柳黃家女錦字何緣寄永昌蓋傷之也夫黃夫人悲離而用修可唱第第一夫人病病而卒而謬廷其埒用修乎顧使夫人病病而卒而不必工詩而病吾又未能必謬廷之果用修也友又曰聊談錫山子曰班固左思鮑照亡論姑考許景樊乎景樊之兄是亦唱第第一

梯仙閣餘課 儲序

也是故夫人人生而卜錫山之顯夫人歸諤廷而病病而卒而卜諤廷之顯宜興儲大文書於九峰樓

梯仙閣餘課 儲序

二

秀林山人海上賢媛雲間秀質蘭閨咏絮早承大父之歡錦幄拋針夙奉難兄之教賦新詞于香茗冰雪為姿擅刺繡於雲屏瓊瑤作珮梧桐夜月和玉露以調鉛芍藥春風對珍禽而析縷斯誠名高錦字巧過針神者矣既而于歸譙國作配德門奉事尊嫜有無龜勉揣摩不輟君子其善讀父書組織相依賤妾固素嫺女誠高柔室內都成贈婦之篇蘇蕙機中時有望夫之句何乃清羸善病刀尺猶勤消瘦綠秋聲歌間作六年伉儷驚噩夢于神言百歲歡娛等浮雲于幻影此潘岳悼亡之作泣下沾巾大雷別妹之書神傷掩袖也嗟乎崔夫人桃花礦面長留兒女之悲韋蕙叢畫篋搜衣空剩鴛鴦之製展瑤編之點筆視此芳徽庶繡閣之流芬奉為女史云爾時康熙辛卯仲秋滄洲陳鵬年題於潤州之月華道院

梯仙閣餘課 陳序

一

梯仙閣餘課者上海謬廷曹子繼室陸夫人之所作也
夫人名家女夙稟惠性生二十七而移天才六期而卒
其夫子悼之甚廼掇拾其遺餘墨蹟於篋底若壁間手
錄之得詩如干首詞如干首攜以視余曰吾妻之命可
謂至薄今且化爲異物不留聲影於人世矣所僅存者
此爾將付諸梓惟先生賜之片言俾觀者憐憫而歎惜
焉不亦可乎余應之曰此非夫人志也抑吾子之情所
不能已者其又安可得已乎古婦人之作如柏舟綠衣
諸篇遭遇至爲不幸而能引古義以自諭不失溫柔敦
厚之旨故其詞意愴惻千載之下讀之猶有餘痛今夫

梯仙閣餘課

集序

人但早天爾初無此等事也女功之暇偶弄筆研不必
多亦不必工宜其然矣然而性情德行之淑慎溫懿辭
氣之間亦自有不容掩者夫人之賢如是雖夭壽也若
其不爾雖壽夭也是刻也夫人其不死乎曹子於是破
涕而笑也康熙壬辰四月南浦焦袁熹敬題

余婦少時從族叔祖受四子書毛詩皆讀集註迨長熟
離騷歸余十日從案上取誦之朗朗不誤一字侍婢私
語曰主所誦何與在家時無異余因贈句云幽意閑情
不自知碧窗吟遍楚人詞添香侍女聽來慣笑說書聲
似舊時嗣復時時讀之則自笑曰子愛屈子辭此生亦
當不得意性下急而與偶有拂意輒志甚已而釋然外
舅家闔室皆攻詩婦幼于夢中得句因學爲之下筆輒
有風致會得吐疾日閉閣諷唐人句及宋人詩餘不休
顧孺人教之曰兒不聞乎磨穿鐵硯非吾事繡折金鍼
是我功也遂一意於繡閱寒暑無間婦之讀離騷也兄

梯仙閣餘課

一

錫山實教之錫山於詩最工至是賦其事曰何時償盡
金針債不與他人作嫁衣蓋憫之矣顧其詩終未嘗令
錫山見之歸余後間有作嬾自收拾暇時喜閱李九我
網鑑復不能終卷自謂每事未了意輒闌珊當非久於
世者病亟日念母氏思一見道遠不可得從容語余箱
中存袁一博古圖衫一針鍼皆我心血最生平所自愛
他日以示兩女殘紙數十幅在西房几上善藏之如見
我也余吞聲不能答亡後之半月不得已將往句曲因
料檢君前後所作都爲一冊攜以自隨嗚呼戀庭幃託
景物離憂傷懷騷人之致君天性近之矣作雖不多且

不事雕刻然固足以存也辛卯六月二十五日汚浦生
一士書

梯仙閣餘課引

二

梯仙閣餘課

秀林山人陸鳳池著

詩

讀南陽陶夫人詩賦呈

夫人喜哦詩詩成無俗調示我五言古澹然涵衆妙風
清起蟬吟天空來鶴嘯諷誦有餘情明月欣相照一撫
無絃琴俯視十二操

咏大奴簪素菊

寒凝嶺上霜皚若山中雪淡淡舒幽芬亭亭抱高節比
梅梅未清北蘭蘭未潔歲寒堪結伴永與春風別

初雪歲
守節

梯仙閣餘課

夜接家書

病裏接家書愁痕添兩眉書中數行字三復教心疑燈
燼夢乍闌夜寒風入帷欲詢寄書人體弱起還遲

春日梯仙閣閒眺

閣臨水水
北爲神山

風園花氣沿溪煖暗雨明霞紅不斷燕掠汀洲人語稀
畫橋煙薄蘆芽短日景曛曛殿閣攢簫聲縹緲水雲寬
遊船散去鳥飛絕向晚山光撲鬢寒

同二奴刺繡作

深沉庭院絕塵囂紅透紗窗日色高相將繡架移窗下
我繡梅花君繡桃淡淡梅花看不厭君偏憐却桃花艷

梅瘦桃肥兩不同須知花艷人仍淡一枝繡出傍簷看
不是春時色亦鮮忽惹妬花風數陣着意吹來總不殘

蠟梅

百卉凋零盡亭亭獨映闌最宜夜月淡偏耐曉霜寒
口含初放檀心香未殘早春梅縱好破臘更堪看

夜坐待歸

隱隱花間漏沉沉隔院聞梅梢新挂月松幹半封雲呵
凍臺頻染拈香手自焚歸來茶正熟好爲解微醺

寄陶氏姊

白日金閨促黃昏玉漏遲無端愁我處有夢見君時明

梯仙閣餘課

二

月涵清影殘燈斂恨眉何因共攜手一爲說相思

半湮看桂贈外

別墅新叢發小山舊榦長臨風金粟麗樓月玉蟾香歲
久苔侵碧秋深菊鬪黃明年花更好珍重伴霓裳

八月十一夜對月

吾愛今宵月流光萬里清更無雲點染惟見水空明窗
外移花影樓頭度笛聲中秋應倍好只未卜陰晴

暮秋憶外

那堪今夜月獨自倚樓看秋老蛩吟咽更深漏點殘露
珠凝樹重雁影掠窗單無限關情處行人應怯寒

春日寄大姊

雪裏纔看雁北飛春來梅柳又芳菲應憐小妹經年別
況念高堂百里違十指共誰供伏臘三餐常自缺甘肥
家園近況君知否好買扁舟趁早歸

未姑命咏堂前紅梅

應同綠萼謫凡塵猶暈瑤池酒一巡香魄不隨明月淡
素粧偏倩暮霞勻紅冰片片凝青幙絳雪紛紛點翠茵
却喜堂前多勝事南枝早占上林春

牡丹

繡幕雕闌燦曉光玉樓丰格壓羣芳如含醉態留春色

梯仙閣餘課

三

肯倚嬌姿鬪艷粧數朵臨風隨意舞一枝凝露自然香
綠窗芳藥雖妖冶那敢花前競短長

園中即事

小園雅興與畫爭奇曲曲方塘矮矮籬一片白雲迷綠徑
數聲殘雨和新詩舞狂粉蝶翻花蕊轉滑黃鸝隱樹枝
自是幽居競勝賞讀書刺繡總相宜

寄大姊

去年書閣記同登風景依然恨不勝曲檻月移花影散
疎簾風細篆煙凝漫期共把消愁盞何日重挑話舊燈
可憶隔江小妹在綠波一棹夢難憑

木芙蓉

美人遲暮泣江濱秋色憑渠點綴新微帶醺酣嬌欲暈
客施脂粉淨無塵黃花黯淡難爲對丹桂扶疎漫結鄰
惆悵花神不平事偏留絕艷未逢春

新晴

涼風爽氣偏樓臺秋燕將雛拂檻回夢裏家人叩命至
雨餘鄰女破閒來幾番極目看雲度第一關心問桂開
好向西園踏新月花陰猶是溼蒼苔

暮秋與大奴夜話賦贈

虛簷蟲語助清談指點楓林葉半酣秋杪風光窺玉鏡

梯仙閣餘課

四

病餘心事問寒潭鴉翻獨月呼羣起菊待簪霜着意含
悟徹塵緣皆夢幻金經一卷靜中參似禮佛甚虔

春夜寄外

樓月仍圓夜庭梅又欲殘一從君去後閒殺玉闌干

春殘

枝上黃鸝嚙簾前燕飛欲留春色住無計只沾衣

憶陶氏姊

相違只數里總是隔西東擬疊魚箋寄無如乏便鴻

賦得白裏紅

白鷺翔蓮浦桃花點浪紋玉人微暈酒和醉舞紅裙

寄外

忽見燈花落更聞人乍眠小窗風雨急吹夢到君邊

秋夜

遙望青雲接九峰誰將心事寄寒蒼無端幽思難成夢

又聽疎林遠寺鐘

梅

冰肌玉骨好丰神雪月場中自在身不待春風香已沁
歲寒心事與誰論

觀閣前紫藤

高閣玲瓏傍水涯曉來粧罷展窗紗綠陰如慢虬枝結

梯仙閣餘課

五

一片花光奪紫霞

贈別大姊二首

小立庭前話別離欲留無計淚漣漣徘徊終覺難分手

細叩歸期定幾時

憶昔懸懸望幾絕相逢不道便相別願風吹轉木蘭舟

免使離懷倍淒切

白牡丹

仙姿澹蕩不勝春應是瑤臺絕點塵借問沉香亭畔客

艷粧何似素粧新

蓮花

紅粧翠袖映波鮮濃淡相宜特地妍不是當年周茂叔
誰將君子品嬋娟

白荷花次季先四弟韻

碧水池邊擁淡粧一般六月却凝霜錦江無數紅蕖艷
羞對亭亭比玉芳

晚秋即景

閒倚屏風待月華涼颼浙瀝逗輕紗羣鬟戲拾胭脂片
錯認霜林是落花

雪

青山一夜玉嶙峋渾似梅花逗早春天惜瓊姿凝不化

梯仙閣餘課

六

笑他狂絮逐風塵

中秋夜坐

碧落陰晴萬里同珠簾斜捲月朦朧莫教辜負此良夜
靜坐焚香挹素風

于歸之三日人回却寄

迢迢百里信難通憶別家山恨不窮白髮雙親辭幾夕
夢迴歸路暗江風

夏日憶大姊

陰陰綠樹蟬聲亂日蒸花氣熏人倦手拈蘭葉獨徘徊
書成欲寄憑誰便

新月

一鉤清影帶疎星悄立渾忘玉露零若使素娥能解意
須教夜夜伴香亭

初秋夜思

金風淡淡拂疎林皓月溶溶映素琴一葉梧桐驚落處
夜深秋思入清吟

秋海棠

一叢斜映桂花黃含淚無言獨斷腸一名斷腸草料想春來睡
未足入秋始得理紅粧

題畫梅豆竹筍

梯仙閣餘課

七

梅生子兮竹生孫到眼離離護華門忘却歲寒還有伴
亭亭松柏傍雲根

偶成

畫樓晴日捲蝦蟇風細常凝香滿爐一卷離騷再三讀
等閒妨却繡工夫

冬日寄外

煙水迢迢泛木蘭寒風殘雪怯衣單客裘自著江邊雨
莫作臨行淚點看

春閨

睡起慵粧獨倚樓曉來何事不勝愁閨中已是無情緒

况復鶯啼在上頭

燕

莫遣東風吹羽衣
好傳花信向南飛
綠陰雖盛不留宿
却倚空梁故壘歸

檢譙國元配清河氏遺篋感賦二首

開箱細檢淚盈眸
繡被湘蓑依舊留
莫怪蕭郎長太息
密縫鍼綫密縫愁

一見珠鈿一斷腸
迴思世事總茫茫
東風作惡無邊際
吹落殘紅何處香

冬日病起

梯仙閣餘課

八

病裏生涯百事賒
一絃一柱譜平沙
彈來却怪人偷聽
閒倚闌干看雪花

病中見姑減食感賦

停杯投箸感雙蛾
惆悵愁多病亦多
已是宿愆消不盡

北堂減食更如何

虞美人花

嬌舞輕風勢掩抑
離披翠袖渾無力
帳中歌罷一沾襟
血淚至今消不得

午日見菊

黃花不耐獨開遲
早趁熏風見一枝
澤畔何如籬畔穩

且拋楚些讀陶詩

蟬

柳杪籬陰任去留
飄然身世兩無求
如何吸露乘風客
也向炎天聒不休

雨夜思親

去年猶記侍慈親
花影橫窗月色新
今夜雨聲和淚滴
雨珠爭似淚珠頻

夢中

夢中說夢話離思
問道親心知不知
醒後杜鵑聲未絕
呼燈寫寄斷腸詩

梯仙閣餘課

九

夜坐迴文

涼亭浸月伴花香
月伴花香對小堂
小對花香花伴月
香花伴月浸亭涼

詩餘

瀟湘神

冬日神山歸舟

江水流江水流朝風獵獵起
于愁一片錦帆如鳥疾
寒峯轉眼沒雲頭

憶江南

夢遶家園

高樓外曙色映窗櫺
嬌鳥數聲驚好夢
醒來珠淚落盈盈
又別舊園亭

如夢令 落梅

細雨斜風纔到一樹寒梅殘了試問掃花人苔上點來
多少難曉難曉無數落英飛遠

點絳脣 端午

玉腕香消綵絲爭繫逢重午石榴紅吐妬殺黃梅雨
艾虎朱符總是添愁緒悲千古晚蘭何處憔悴滿湘渚

菩薩蠻 送春

留春且住春無語繡餘休詠傷春句春到慣空歸傷春
復爲誰垂楊鶯已老小院花枝少燕燕解留情雙雙
梁上鳴

梯仙閣餘課

十

憶秦娥 杜鵑

東風咽杜鵑簾外啼紅血啼紅血一枝竹影半庭殘月
當年幽恨憑誰說鄉關望斷真淒絕真淒絕不如歸
去舊時宮闕

山花子 咏西洋楊妃山茶

異域移來絕麗姿一江春水淡胭脂却較芙蓉更如面
上皇思微暈酒痕迴舞處梨花帶雨洗粧時要與樓
西梅鬪寵肯開遲

南歌子 七夕

花底香初散樓頭月漸明阿環癡結誓長生只有鵲橋

今夕度雙星絡緯蕭蕭響莎雞唧唧鳴風吹竹葉撲
窗櫺驚起玉人幽夢睡難成

浪淘沙 午日思親

去歲石榴紅蒲酒親供今年佳節又天中一浦盈盈喧
競渡隔斷西東怕聽晚來風梅雨濛濛安排愁悶到
宵終燈燼強眠眠未得連夢都空

雨中花 秋思

滿徑芙蓉紅欲暈更交映桂芳菊潤聽幽砌荳吟疎林
蟬噪惹起無邊恨每歎流光容易盡記七夕鵲橋渡
穩早過了中秋疎風斜雨又是重陽近

梯仙閣餘課

十一

玉樓春 寫病

家園遙望情悽惻黯淡黃花人共瘠暮鴉數點宿枯枝
落葉空庭聲撼撼腰肢削盡渾無力不耐輕寒成陣
逼寸心藏得許多愁添着新愁何處積

補自幼時聞吾母言陸恭人賢而才比之外庭又聞
先黃門悲恭人之賢而天手掇其遺詩詞錄而藏之
以志不忘顧嘗從國朝詩品中見一二斷句餘俱
未之見也今年夏編訂黃門遺集從陳篋中得而讀
之韻高而旨遠雞鳴之勸戒葛覃之孝思采蘋采芣
之克勤內職盎然流溢于楮墨間讀其所作而恭人

之賢可知已宜吾黃門之不能忘也恭人雅不欲以
才見黃門所錄僅得之壁間案頭什無二三四十年
來風雨朽蠹又多殘缺黼恐其愈久而愈失也因與
菽衣兄企南弟芝涇姊壻重加較輯共得詩五十五
首詩餘十一首附刊黃門四馬齋集後乾隆戊辰仲
秋從子曹錫黼識

張立本之嬌女饒有名篇南楚材之細君率多麗句蓋
緣幼侍鯉庭家誥無非師訓長隨鹿馭繡戶均為吟壇
詠絮之才華定非無本同聲之倡和原自相因松亭葉
寅翁之淑儷諤廷曹太史之愛君也系稱右族門高四
姓之中嬪及名流學在一庭之內拂珠樓上譜就聲歌
黃絹詞中裛成卷帙丰標綽約篇篇意蕊心花秀韻蹁
躚種種金鏗玉憂憶親思妹搦彤管以言悲寫物書懷
倚紅窗而寄意有美斯集觸緒都佳彩毫須翡翠為牀
文墨將珊瑚作架風入窗紗之句誰擅美於當年燕穿
簾幙之章乃嗣休於曩日是知學溯淵源組紃之餘皆
得繡陳王之虎才堪題詠詩書而外尚能雕劉子之龍
從此鏤象鐫梨艷芙蓉於曲沼題紅刻翠響金石於詞
場紙貴洛陽即予言為嚆矢名留藝圃用斯集為乘韋
云爾雍正甲寅仲春東楚陳以剛叙

拂珠樓偶鈔序

一

吾嫂固女中人傑也獨能詩哉丈夫不能創立艱難徒
席先人遺業斤斤保守弗墜未獲稍益分毫便稱克家
令子否則困苦饑寒及身不免寧論再世雖曰天命抑
亦人事未盡善也吾因是益歎吾兄之得賢助也吾兄
雖成進士中歷宦海風波家徒壁立乃赤手經營一切
喪葬婚娶咸得以次就緒至今恢復先疇聊可承先啓
後者固吾兄筆耕之力乎而回憶流離顛沛時抑亦吾
嫂克勤克儉黽勉有無以相之也世徒以其餘事謂得
黃門師家教亦未矣且即以詩論情深而義摯一掃閨
閣綺習又非女中人傑也哉乾隆戊辰良月沂川葉承

佛珠樓偶鈔 題詞

點拜手題

佛珠樓偶鈔目錄

卷上

古今體詩四十五首

卷下

古今體詩五十八首

目錄畢

佛珠樓偶鈔目錄

拂珠樓偶鈔卷上

海上葉曹錫珪采繁著

華亭曹王 芸香窗較

病起懷弟共趙表妹

花外流鶯嚙柳枝一春消瘦懶吟詩病餘不忍登樓望
芳草萋萋異別時

憶先母次采苻二妹韻

慈幃一去鏡奩塵想到斑衣愧昔人窗外乳鴉啼落月
塚前露草泣殘春依稀畫手容難肖彷彿歸魂夢未真
掬盡江潮飛血淚夜臺何處覓親身

拂珠樓偶鈔卷二

落花

紅雨飄零滿綠池偶隨風定駐遊絲畫樓題遍留春句
難逐香魂到故枝

秋望

一天煙雨望中收山翠陰沈遠黛愁江岸荻寒鴻過浦
畫簷泥落燕辭樓清砧搗破千林月蟋蟀吟殘萬戶秋
獨坐幽窗詩思靜桂庭香繞暮煙浮

雪

柳絮風翻上曲欄霏霏六出舞林端遙知天女衣裳冷
散盡瓊花剩玉盤

雪彌勒

應真飛落雪山巔淨土天花色相圓化作水雲成一笑
去來無跡證空禪

步大人重九後三日邀客聚飲桂杏下韻

黃菊未供籬下采桂叢兼發杏林紅詞拈秋韻還春韻
星轉虛中更建中詩帶天香浮月窟酒涵花氣繞珠宮
醉歌擬共嫦娥約一曲應將上苑同

秋夜

永夜簾幃素袂寒煙籠桂魄霧迷巒夢迴約略梧桐月
已到金閨第幾欄

拂珠樓偶鈔卷上

送二妹之大人任

送爾趨庭去傷心南浦舟雲凝千里思帆挂一江愁遠
樹回斜日歸潮急暮流斑衣應有待行色莫遲留

寄二妹

千里平安寄雁行莫因鱸膾苦思鄉殷勤察線銀缸下
紉就寒衣早上堂

西園卽事應姑命

步屧繞芳叢南陔露色融命題香徑裏問字玉壺中
嫩草連波綠新花映日紅不堪呈拙句幸沐謝家風

聽雨

點滴空階徹夜聲不隨風去不隨更空閨一任添長漏
孤館休教客夢驚

詠愁

曲闌干外小樓頭芳草青青逝水流明月黃昏人乍別
落花簾幙雨初收張衡詩就金刀暗潘岳吟成玉鏡秋
最是好風吹不到五侯亭館野人舟

夜坐

良宵獨坐小窗前一任清光照短椽心緒近來言不得
但將憔悴對嬋娟

瓶梅

拂珠樓偶鈔卷二

三

不入羅浮夢橫斜玉鏡前一般清瘦影未許俗人憐

即景

梅花映雪柳條黃春到江南蝶亦忙蘭室日長簾四卷
閒教小婢繡鴛鴦

玉蝶梅

宜雨宜晴粉翅新百花頭上逞精神巧將一晌莊周夢
幻出東皇萬古春

庚戌間除常山信因寄

分符宣勅下彤墀白馬翩翩墨綬垂五斗且供貧菽水
一官還振舊門楣縣花漫擬風流蹟鏡水期聽頌禱辭

指日板輿看舞綵金萱春滿北堂枝

舟中寫懷

離別匆匆不自由一江風水送行舟白雲縹緲鄉關杳
明月梨花何處樓

定陽旅舍同外詠

客舍淒清心事違連天雨雪苦霏霏素娥有鏡重雲隔
白鳳無巢着地飛辛苦誰知雙鬢改飢寒自笑一官非
明時自有循良吏三徑何如早拂衣

送外之衢州

青山徧蕭艾芳樹多鳴鳩滄波自來去獨羨忘機鷗安

拂珠樓偶鈔卷二

四

得雙飛羽翼與君同歸休

張翁畫山水行

老翁七十年古稀高懷雅度卓可師閒將濟世經綸手
揮灑山川絕塵垢長松矮屋徑逶迤絕磴層巔峰列秀
欲動不動煙雲凝將泛未泛漁舟橫雁蕩天台瞥在眼
靜對恍然神與遠

懷二妹

幽蘭發華渚春草沒池塘感遇傷離別憂思迫中腸念
爾久相憶愁我滯他鄉分飛忽易歲人事苦難量風波
山水隔貧困道路長何時共明月終夜獨徬徨迴看梁

上燕和鳴共頤頤

哭表妹趙弟芸

滄波逝不返泉路去無還與君一歲別詎意竟千年自
向羣峰外乍喜尺書傳開緘驚我魂轉疑信未真再讀
淚沾臆棄我遽奄然生別聲猶咽死別焉可說疇昔共
晨昏猶憐負明月今日隔重泉寸腸千萬結追思敏慧
姿少小英才絕篋中詩百篇字字陽春雪去來不須史
蘭芷芳華歇蒼旻何不仁奪君青閨身鳳去長昏夜鶴
返何時春瑤草忽已萎素琴忽已焚已矣常傷心哭君
聞不聞

佛珠樓偶鈔卷二

五

代書三十加可二姑

憶昨逢君日龍潭春色遲芝蘭沾臭味文采接丰儀玉
樹叨三葉駕行沐兩姨江臯欣邂逅驛路載驅馳折柳
繁離思拈花訂後期山川遠白苧雲樹隔江蘿明月孤
征棹斜陽獨立碑六橋懷白傅七里弔嚴祠岸草歲疑
秀林花爛漫奇鄉音殊閩粵風俗自衝疲官舍清風嶺
人家淥水湄山禽依戶牖野鼠走階墀饋餼炊紅粟和
羹烹綠葵思鄉愁鬱結感別淚漣漣節序更相促星霜
漸轉移素琴聽雅治冰鑑看衡持玉性經燒紫人情履
道危蘭芳遭竄歇花秀遇風萎水暗波翻覆山藏路嶮

熾風塵多蹭蹬消息幾參差心緒憑誰訴衷懷只自知
淒涼千里客寂寞四愁詩坎壈歸心切貧窮旅跡羈頓
看時改易幾見月盈虧顧我慚無報蒙君屢惠詞情牽
雲暖暖夢繞雨絲絲穉子嬌痴長慈姑動履怡加餐祈
自愛珍重莫予悲孤館三更後荒城二月時封書無限
意因使寄相思

夜聞灘聲

孤舟獨夜聲空灘千古情奔騰勇士怒清冷孤鳳鳴忽
隨虛籟靜旋逐曉風清錦纜駕驚夢征夫萬里程水流
無住着悲歡人自生

佛珠樓偶鈔卷上

六

春夜書懷

蕭條孤館一燈紅百感都來此夜中千里歸期三月雨
半生心事五更風吳山花柳他鄉夢越水波濤遠客衷
囊索已空春已去不堪搔首問蒼穹

苦雨

浮雲蔽白日破柱雷聲碎淫雨已兼旬滿拜空山際乍
來驚客心積久成客淚本是爲飢驅途窮更無計出門
望家鄉陰霾暗天地

寒食

禁煙時節正東風蝶舞鶯啼戀落紅一寸回腸十年事

都來夜半雨聲中

衢州晚霽

雨霽三衢晚，輕一葉安。亂雲迷翠嶺，斜日靜沙灘。水
漱溪流急，潮平天地寬。片帆欣借便，直可達江干。

蕙蘭吟

韻發蕙蘭花，青青道路傍。風霜摧其葉，蕭艾萎其芳。凋
殘同腐草，誰知王者香。迴看空谷裏，終歲自倚揚。

歸途詠懷

半載山城籠放鶴，一年官海水揚塵。黃金盡盡應無色，
綠綺囊存未是貧。鏡裏生涯原是影，夢中行止阿誰身。

拂珠樓偶鈔卷上

七

片帆幸借東風便，好向源頭早問津。

十三夜得外家信

客況傳雙鯉，中宵獨倚樓。露寒花氣薄，風靜篆煙浮。荒
歲多家累，明時固宦遊。可憐天上月，常照兩心愁。

十五夜

此夜團圓月，行人何處看。清光入懷袖，應念倚闌干。

憶昔二首

憶昔閨中少小時，嬌癡膝下仰親慈。拈來鍼線傳新樣，
采得蘋繁教古詩。明月光清涵玉樹，春風香暖秀蘭枝。
一從東渡申江後，愁絕惟餘陟屺思。

憶昔新粧明鏡前，謝家嬌小共垂憐。霜寒倩月描輕黛，
寶髻分花貼翠鈿。暇日敲棋爭采色，良宵射覆賭金錢。
年來坎壈愁城坐，回首東風事惘然。

新婚別為清河夫人賦

兩雨雙棲燕，春風舞繡幃。結髮事君子，素心期偕隨。蘋
繁修婦道，形影長相依。不那新婚別，道遠無還期。嗚咽
傷五內，不敢向人啼。客途善自保，風霜易侵肌。努力事
功名，勿為兒女悲。哀哀雙車輪，駸駸馬蹄送君青雲
上。早從去路歸，賤妾不足戀。高堂有慈幃，行旌上河梁。
明月照空閨，悠悠長夜心。鬱鬱鏡中者，君行日以遠。妾

拂珠樓偶鈔卷上

八

心日以哀離，別敢言早容。華髮恐易摧，願隨流風轉長遠。

客塵飛

別二妹

執手時有念，其如一水何。晤言良苦少，骨肉況無多。南
浦輕帆疾，離梁燕語和。別離從此遠，不忍唱驪歌。

秋夜獨坐

時大人官京師二妹侍
母居舊里余從宦他陽

銀燈無焰篆煙輕，露下天高北斗橫。破夢砧聲敲落月，
喚愁砧語咽殘更。思親驛路三千里，憶妹關河十二程。
首緒闌干秋夜永，不堪重省是離情。

懷大弟誼文

連枝遙憶秀庭除少小偏知讀異書惆悵別離雲水闊
秋風雁影碧天疎

中秋月

秋氣中分正淡寥冰輪碾處洗塵囂從來詞客憐今夕
終古佳人愛此宵拂鏡寒輝涵玉宇卷簾桂子落丹霄
羅公去後雲程遠一曲霓裳不可招

懷二妹

池塘草碧露華寒寶篆煙輕夢乍闌明月一窗人獨自
梅花香冷燭花殘

池陽官署

佛珠樓偶鈔卷上

九

解宇荒涼風物幽筠軒蘭徑露華浮長天有畫雲歸岫
小院無塵月上釣景可娛情聊假日詩非我事且消愁
寒鴉聲裏閒憑檻槐柳蕭疎江水流

送外奉檄往歙

江南二月花如織日暖煙輕春水碧鶯燕呢喃粉蝶忙
送君南浦愁無極劇憐賦命別離多參商相望常相隔
三杯濁酒數行詩話別年年惜春色去年奉檄到江濱
且喜官閒相對貧冷曹難免事行役一釐未煖動征塵
匆匆行李東風點芳草青青門獨掩丈夫遠太寧戀家
兒女心情自多感

小院

小院晴天雲物麗開窗白日艷陽和微風入座游絲落
輕鷗怡人戲蝶過好景無常行樂少青春有限別離多
年年拋擲幽憂裏乳燕鳴鳩奈爾何

佛珠樓偶鈔卷上

佛珠樓偶鈔卷上

十

拂珠樓偶鈔卷下

海上葉曹錫珪米繁著

華亭曹王 芸香窗較

春雨寄外

春雨何無賴
崇朝妬艷陽
飄零憐杏靨
憔悴惜梅粧
點滴來虛幌
潺湲到小塘
傷春將別恨
併入作回腸

喜晴寄外

連朝鳩逐婦
宿雨耐春何
不覺晴光好
掀簾霽色多
日高花氣暖
風靜鳥聲和
遙識征車穩
長哦過曲阿

寫懷

拂珠樓偶鈔卷下

殘紅零亂雨還晴
聽徹高枝春鳥鳴
客館懷人憐獨立
家書遲我念孤征
明知道遠期難准
無那腸回愁易生
漫折幽蘭寄離思
芳華采采不勝情

得外家信

白髮高堂在
青春遊子悲
簡書畏日月
行道載驅馳
甘旨微官祿
衷懷將母詩
數行三復語
好慰倚閭思

荒署

布帷寒更薄
荒署夜偏清
破壁西風緊
虛窗凍雪明
烟花占有喜
簷溜聽無聲
多病鄉心切
長愁幻夢生
老親京國思
諸弟故園情
歲月頻相促
衷懷感落英

桃腮

誰將阿母瑤池色
巧暈佳人玉鏡容
曉日綺窗珠箔下
春風宜面笑芙蓉

櫻唇

含香蘊玉逗春風
點點分將朱實紅
最是瓊筵銀燭畔
宜人檀板一聲中

柳腰

楚宮窈窕宛擬輕鴻別
樣嬌柔舞態中
一曲歌殘回首處
長堤千樹妬春風

蓮步

拂珠樓偶鈔卷下

陸地蓮開朵朵新
瑤階玉殿絕纖塵
試看羅襪生香處
宛在凌波洛水神

酬沈夫人惠詩扇

高簾遙頌白雪吟
神交三載愧知音
掃除濃艷窺彤管
洗盡鉛華寫錦心
滿袖春風銷俗慮
一函秋水滌煩襟
高情莫道相逢晚
花月西泠載酒尋

池陽仲春雜興六首

香暗簾櫳柳拂苔
暖煙晴日艷陽開
誰家少婦新粧麗
笑指花叢拾翠回
少女風微杏靨紅
紛紛蜂蝶過牆東
一枝折得兒童喜

檢點餘芬惱阿翁

方塘曲檻興偏賒照眼花枝錦繡誇夜雨客來春韭少

小園劇筍煮新芽

歸燕營巢玉剪斜芳園桃李競容華最憐蘭蕙同薪束

盡日街頭叫賣花

香罍中庭暮露輕闌干閒立好風清短牆細柳誰家院

一曲奏蕭月正明

棠梨開遍錦城新是處歡呼醉好春爆竹通宵喧鼓吹

村農傀儡賽江神

春日過杏花村

拂珠樓偶鈔卷

三

地以人傳景不同我來憑弔挹春風徑開雲水江天渺

亭立煙霞嵐影空沽酒客行芳樹裏看花人去夕陽中

一聲牧笛漁樵晚惆悵迴車杏靨紅

秋杪書懷三首

沈寥天氣景依然雨雨風風事屢遷檢點生平成幻夢

祇餘憔悴鏡中憐

白髮嚴親望帝都惟將遲日祝桑榆可憐弱女天涯

外退食閒齋憶到無

明月花枝照眼妍何當身世百憂纏故園骨肉他鄉思

一枕秋聲獨黯然

學飲

平生不解飲麴蘖厭沾唇比年罹憂患一身嬰困貧布
衫拊搗盡厨下無餘薪午夜苦不寐衾薄寒威殷一尊
學醖醕睡魔生三巡良夢因之遠愁圍斃解紛古人頌
酒德好飲豈無因冀得銷諸慮寧為獨醒人

門閭依舊書以誌感

千里歸來隔死生獨憐松菊綻秋英重瞻繡幙慈容杳
再拜空堂鶴夢更歷過人情知世味嘗來官况厭浮名
何如鷗鷺平沙穩一任高枝燕雀爭

秋夜

拂珠樓偶鈔卷

四

獨坐愛良夜更深爽氣餘風迴清露重月上衆星疎孤
影將心靜飛雲與象虛微吟竟忘倦覓燭再攤書

安貧

斗室安貧樂自然檣康鍛竈儘堪眠侵窗花影饒風月
入座禽聲足管絃架上有書能飽腹釜中無米且隨緣
乾坤獨醒誰知已一縷茶煙半榻禪

閒居二首

一甌麥飯一盤瓜獨坐西風看落霞何用笙歌飽梁肉
麤鹽滋味樂懷家

鍼線傳來坐月明
翻書稚子索燈檠
空堂靜夜餘清韻
紡織聲兼絡緯聲

寄外二首

別思縈千縷
驚魂怯二年
歸期常恐錯
不敢卜金錢
念極偏多慮
書來懶遽開
平安數行字
一字一徘徊

東誕文弟

暗紗窗柳拂苔
藥爐經卷獨徘徊
黃昏論茗思玄論
晴閣翻書憶賦才
草長池塘春乍去
雨餘荒牖燕初來
何時重叙天倫樂
贏得離腸日九迴

秋日寄外二首

佛珠樓偶鈔卷下

五

菊綻東籬節序流
茱萸折得懶登樓
人生百歲良辰少
可更良辰兩地愁
秋雨秋風襟袖涼
布衫縫綴憶他鄉
故交不少綈袍贈
范叔無時只自傷

幽居

安貧棲陋巷
斗室稱幽居
虬柱開金粟
新蟾上玉梳
梧

贈文弟花燭

我歸東浦弟冲齡
偉幹俄看八尺盈
喜見謝庭蘭玉茁
欣聽秦管鳳皇鳴
石麟昔日從天降
爪戔今茲奕葉榮

琴瑟和諧堂上樂
宜家定克振家聲

偶感

光陰浪擲漫追思
綠鬢年華青鏡知
檢點行藏成獨笑
浮生如夢覺來遲

贈二奴

鴻鵠翔霄漢
黃鸝鳴高陵
萬物以類聚
況人萬物靈
與君生異地
同此襟抱清
處吾姊如行造化
豈無情敬君
操與行愛君
文與名所嫌
禮法拘咫尺
似無程相知貴
相契相契在忘形
何當共晨夕
披豁繼燈檠
一吐胸中
奇舒吾抑塞
情長吟步雅
韻庶不負斯盟

佛珠樓偶鈔卷下

六

送外之杭州獨坐偶成二首

金猊香冷一燈清
獨坐黃昏數去程
細雨輕風送惆悵
阿誰能遣此時情

功名已矣復何求
底事年年作浪遊
為語春光莫相笑
哲人常乏稻粱謀

與文弟填曲子寄懷酬之以詩

紅豆將離恨
知君欲廢眠
繁聲人易感
絕調句成仙
清漏催寒雨
殘燈冷篆煙
故園一水近
佳製幸頻傳

題菊花畫扇

香豔天生筆一枝
吳儂妙繪並奎熙
欲題無復風人旨

爭似維摩畫有詩

寄懷二姑

雁影來天未伊人隔一方屋梁吟落月芳草夢池塘
脈雙魚遠盈盈帶水長何常開宿醞共賞菊花黃

菽衣大弟成婚後賦示一律

我父聲華遠邇欽瓊芽共慶茁森森文從小試占驥驥
業聲齊家叶瑟琴身繼大宗爲冢子第嗣西姻聯母族嗣
徵音雞鳴相勉光門戶情切同生屬望深銘世父

春日寄外

聊拂征塵薄潯衣江村燈火促行期年年春逐飢驅去

佛珠樓偶鈔卷下

不是吳儂愛別離

讀誕文弟詩詞稿

藻思清音擅一時謝家玉樹上林枝樓藏萬卷先人業
筆吐千言幼婦詞才子情深高士隱脊令心切鳳凰期
金門早獻凌雲賦看咏春風到鴈池

懷弟婦王夫人

蘭芷思公子芳徽憶大家一辭黃浦水似隔赤城霞寒
雁依香稻新霜點鬢華無因寄離索獨坐咏歸鴉

藝菊一畦花時誌喜

我來籬畔傲秋霜清韻悠然惹袖香已吐檀心渾解語

未舒紫萼似含芳鬢絲老去星星白花靨秋深縷縷黃
且喜浮生強健在漫尋勝事過重陽

走筆寄王夫人

小樓促席憶春初花下連鍼月下歌一自別來風物改
滿庭黃葉奈秋何

賞菊

霜葩幽種亦繁華不數東籬處士家采采何須人送酒
離離祇許我餐霞靈均江上秋容老摩詰庭前月影斜
秉燭不辭連夜賞此花開後更無花元相句

菊花雜咏四首

佛珠樓偶鈔卷下

八

露華風鬢點淡姿年年相伴早秋時儂家不是陶元亮
暫寄閒情花一籬

雨雨風風瘦損黃玉屏金屋好深藏名花自有千年韻
翻笑人間一晌忙

扶持灌溉夜還朝待得花開歲半消濁酒清茶隨分賞
莫教遲暮歎無聊

紙牌小字記芳名無限離情送落英卿願容華吾願健
明年重與賞秋晴

對菊偶成

僂仰脩然亦莫嗟秋來籬落足生涯金英滿泛何須買

白酒新篘不用賒
甘口從他憂儉歲
一尊且自對名花
閒心靜處鏡真意
肯向紅塵問劫沙

煙草次菽衣弟韻

世傳貞婦恨
化作草青青
情種望夫石
靈根織女星
何因供米顛
從未入圖經
名比相思樹
魂銷喚不醒

秋夜同諸姊妹坐心如堂偶成

玉宇煙消秋氣清
水光月色漾空靈
勝遊却許邀連夜
好景難逢聚一庭
話有桑麻愁卒歲
坐無行次喜忘形
隔牆誰譜霓裳曲
仙樂能令鶴夢醒

女伴繡桐葉供佛乞詩因題

拂珠樓偶鈔卷下

九

婉轉裁成一葉新
輕如折葦渡迷津
不沾風露沾慈雨
頓使秋光化作春

春暮遊五畝園同誕文弟賦

滿徑殘霞滿目煙
韶光零落暮春天
梨花帶雨埋芳草
柳絮和風撲翠鈿
燕重尋前度壘
碧溪猶貯舊時泉
百年世事須臾裏
聯袂登臨一悵然

冬夜柬王夫人二首

帶水盈盈踪跡疎
北風聲裏歲將徂
懸知暖閣攤書夜
閒點之無試鳳雛

綠酒斟殘琥珀杯
笙歌歇處繡簾開
詩籤茗椀銀燈下

應念寒閨坐月來

拂珠樓偶鈔卷下

拂珠樓偶鈔卷下

十

三泖如鏡九峰縹緲崑陰谷水之區多修竹怪石芳塘
曲澗幽鳥奇花構數椽聚古今女史名媛詩刻及香閣
錦箋畫片環植嘉卉護以疎籬思得一閨中良友晨夕
共之則拂珠樓主人是主人天才濬發洗六朝之迷挾
三唐之奧思入風雲言皆珠玉有目共賞茲不具論特
其主饋南陽奉先卹族一賢人也隨宦常山決機贊務
一才人也賜玦遙歸囊垂素空而恢張舊業一智人也
讀書偶暇描鸞刺鳳窮極工巧一慧人也隨吾弟歷江
浙山阿水湄代多名勝而弔古拈毫徘徊弗去則又一
韻人也香閣淑質得其片紙隻字嘖嘖歎為詩人噫詩

拂珠樓偶鈔 後序

人特其一耳雪暉愚且拙時叨主人瓊瑤之贈如集中
代書三十韻見寄是也兩人莫逆申浦間之隔一二歲
主人時以扁舟見招歸石筍里相與坐玉壺室步心如
堂吸佳茗評名花拈小詞論卷帙中逸事獲益於主人
良多已如置身峰泖間而峰泖間選勝移居之志究未
得遂云今以是集置之案頭焚香展閱我師乎我師乎
蓋晨夕晤對焉飛霞閣主人雪暉書

譙國故才藪也七步八斗著於漢三愁四怨稱於唐競
病詩秋波集傳於南朝北宋盛矣美矣惟是求之中輟
中祇大家塔妹豐生號有才外不數數見若拂珠樓主
人其駕累代而上踵西京者與主人夫子姊也而實為
家君同年松亭先生淑配共幼時侍先夫人歸寧石筍
村與拂珠樓密邇夙耳主人名自隨宦於燕雲嶺海間
卒卒未得一觀癸亥歲家君為芸相攸譙國始得親領
懿訓其後夫子出一冊示曰此姊所著拂珠樓詩吟諷
再四但覺唾盡成珠章皆為錦於是裹以紺囊藏之枕
中近夫子較鏤先集屬繕寫成帙公之絮庭芸其敢秘
諸獨念主人之才斐美若是而芸也魯人也豈能窺其
堂與乎兒子洪頤寄撫主人冀其異日讀是編而有悟
庶幾漳水洋洲之家聲不墜亦重有賴焉己巳人日學
西女史王芸謹識

拂珠樓偶鈔 跋

四焉齋詩集六卷附梯仙閣餘課一卷拂珠樓偶鈔二

卷

江西巡撫
採進本

國朝曹一士撰一士字謬庭號濟寰上海人雍正庚

戌進士官至兵科給事中是編乃其詩集石倉世

纂之第四種也附載梯仙閣餘課爲一士繼室陸

氏鳳池作刻於康熙壬辰又拂珠樓偶鈔一士之

女錫珪所作刻於雍正甲寅

四馬齋文集八卷

〔清〕曹一士撰

中央民族大學圖書館藏清乾隆刻本

附《四庫全書總目·四馬齋文

集八卷》提要

四馬齋文集 集序

一

黃門先生自未冠即有聲譽序其試牘至吾村先徵君一見曰此吾郡第一大手也余時猶未成年已知海上有曹子其人間以所業就正先徵君先徵君有所別擇曹子輒默然服偶與余同宿友人齋曹子語余某近所呈文曾以視他友或褒或貶要未有如先生之如見某腹中欲者某安得而不服乎曹子才大而學勤志高而心下故常以古作者自期待而不肯溺沒於凡俗連躓舉場憤不得一力深造以大有成廼傾倒所懷盡抒其願以請於先徵君悵流光之荏苒惜騷衷之牽羈殆如不勝情然其問也非寸莛之撞而先徵君之答之也亦遂如洪鐘之鳴多則五千餘言寡亦二千言之外馳域外之觀鉤環中之要極差別之情標自得之歸類皆古聖賢豪傑之所以自為而文人之為文人道亦不外乎是省辭審意豈不以唐宋元明諸子代興之業屬之曹子乎厥後曹子聲日起交日廣海內名人鉅公慮無不知有曹子其人者矣迨庚戌成進士入翰林歷官給事章奏碑版照耀近遠學問經濟爛然播於人人朝廷方將大用之乃未竟其施而遽卒惜哉猶子誕文年少嗜學懼其述作之散佚也哀集付之剞劂而屬序於余余於文章一道曾未涉作者之藩籬何敢僭序顧庚戌

癸丑兩入 都門幸步後塵曾辱緒論故不敢以不文辭而為述先徵君之愛之重之諄託而厚畀之者如此至其文於古之作者誰後先世必有能辨而識之者非余之淺薄所敢質言也時乾隆庚午夏杪同里焦以敬書

曹子濟寢既歿之十有三年其子錫端等刻其遺文若干卷介其友王子學舒郵書屬余為叙余卒讀喟然歎曰從古廊廟之士則思立功山林枯槁之士則思立言以見於世獨至為諫官則功與言兼幸而其言行則其功在天下與百世非猶夫布衣之士空言無實者此言之垂世行遠必有賴夫得時而駕者也曹子為名諸生四十年聲望震海內垂老始成進士入翰苑數年御史再遷工科給事家貧不能迎妻子卒於京邸年纔六十世多為曹子惜余昌言曰曹子能不負諫官造物亦不負曹子所謂能舉其職能行其道者其曹子之謂耶

令曹子而久於翰林不過代 王言宣 詔令是未必傳即使躋崇班備九列號通顯矣而言非專職又或疑於出位生事不過世俗酬應之文館閣習用之體耳又烏能藉以傳惟諫官以言為職天下事無鉅細無一不關其口而曹子尤深識遠慮批卻導窳能言人之所不能言與人之所不敢言者所謂諫官與曹子兩無負也曹子當 世宗朝固多侃侃直陳逮 今上即位益勸上廣德意滌煩苛與天下更始首言開墾有名無實十年之後既已成賦州縣不敢懸欠督撫不敢開除藉為生民患又言近日州縣改設分隸紛如奕棋非古人

犬牙相錯至計又言姦人挾仇告訐指摘詩文字句誣
爲大逆株連親族羅織師生非 聖世所宜有其尤利
益民物者言兩浙之場課宜蠲帶徵之漕米宜免又請
禁止鹽商借公蠲名色致高擡鹽價及州縣官與交往
親密秤掣時任其夾帶私鹽而專捕小民之肩擔背負
者又言督撫保舉屬吏專用能負大抵趨走便利應對
捷給則立登薦剡而惻怛愛人與民休息則視爲無能
概從廢罷請另立賢員名色薦章中須註明列在能員
之上又言今日大吏明作有功之意多而惇大成裕之
道少此最關治體他所建白甚衆懇懇乎如蕩除之藥

四馬齋文集 顧序

二

石洞中膏肓如補益之參苓力扶元氣無一切紛更繁
擾及迂緩不急龍肉療饑之語準以前世漢之汲黯唐
之陸贄豈遠哉曹子終諫官俸薄幾無以歸喪然曹子
身雖死而曹子所生者不啻億千萬輩曹子可不死矣
余自諸生時與曹子相知庚子辛登賢書出上海何公
之門余晉謁時宿曹子家與曹子聚首凡十日乾隆丙
辰復把臂京邸曹子已病未幾遂卒今閱其遺文感念
存歿竊喜吾友之立言能稱其官不愧儒者又曹子歿
時二孤皆幼今能表章先人遺集尤爲可喜而可賀也
曹子他著述皆可傳余不論論其言足爲世用者已已

春正月下浣二日錫山同學弟顧棟高復初序

四馬齋文集 顧序

三

四馬齋文集目錄

卷一

賦九首

頌三首

卷二

奏摺十一首

策八首

論二首

卷三

議二首

四馬齋文集目錄

序二十五首

卷四

序九首

記四首

傳十二首

卷五

書十二首

啓六首

薦狀一首

卷六

小簡二十七首

題詞三首

書後六首

贊一首

世譜二首

卷七

碑二首

墓誌銘五首

祭文七首

卷八

四馬齋文集目錄

行狀五首

遺事四首

附呈示三首

目錄畢

四馬齋文集卷一

海上曹一士濟寰著

姪

錫黼誕文編訂

堦葉承子敬

男

錫端菽衣

同校

內姪張熙紳赤垂

錫圖起南

賦

白燕賦

惟海隅之僻遠兮迺周之自出乘青陽而下降兮票
金精之素質孕珠胎於月窟兮集綃衣於鮫室抱高潔
之正性兮匪衆雛之所匹爾乃羽曄疑茶身輝似蝶纖
纖弱翮不羨鴻飛皎皎明心寧隨鶴立穿桃彌顯難紅

四馬齋文集卷一

一

天女之顏拂柳逾鮮虛綠神人之汁雨漲吳淞江水玉
剪低迷風塞羊氏書帷練袞羞澀恒顧影而徘徊慮春
華之將市由是迹類依人情深擇主思舊遊于隔歲白
雪重賡幸故壘之在堂素絲載組託高義兮未衰詎輕
身而相許於焉翔瑣闥入湘簾音上下語呢喃色奪殷
朝祥徵魏代烏衣國裏埽除十丈緇塵玳瑁梁間淨洗
兩行粉黛昭質未虧幽懷難轉化仙人之珠履喜共翩
翩逐公子之金丸羞同涎涎夫何物忌孤鶩俗憎雉上
趙家掌內爭妬殊姿班氏領間誰憐異相蠅營營以思
玷隼凜凜而見猜風細低飛息影于梨花院落片香淺

掠藏蹤於柳絮池臺及秋社之未晏兮矯孤翼而南征

念主人之故歡兮猶返顧而悲鳴何關河之夜長兮凌

明月之一色撫毛羽之摧殘兮沾微霜而如拭爰戾止

乎郊園聊棲遲於蓬華保吾躬之白貴兮銜泥滓其何

傷睹傳侶之斑斕兮永啁啾其若失噫噫乎屈伸有時

龍蛇猶蟄茅檐架竹難逢表瑞之筐雲厦盤松未遇入

懷之閣是以出處貴乎知幾往來尚其守節江湖浩蕩

尋盟兼及鷗鳬門戶差池同伴半成胡越冲霄虹氣且

爾卑棲徹夜蟪蛄光休從暗索苟阿閣之可儀附鸞鳳於

丹穴誓北向於君門庶微軀之弗涅乃爲之歌曰翳微

四馬齋文集卷一

二

禽兮潔且貞俾守黑兮不可更蹇誰思兮在玉京藉瑤

草兮戲蓬瀛昔同巢兮今悵悵又歌曰春風暮兮夜闌

秋氣清兮薄寒夢白華兮長歎尾脩脩兮難安珠薨玉

棟兮渺雲端

鳴蟲賦

以燈下草蟲鳴爲韻

非絲非竹在谷在陵不宮商而自叶無倡和而相乘梧

桐兮布幔熠燿兮張燈托長謠兮寄興抒高唱兮呼朋

伊衆音之繁會美異響之畢興乍抑乍揚能細能夏緩

則銅壺徐滴疾則銀瓶陡瀉杳兮若王子之笙吹落山

頭恍兮若帝女之簫飄來樓下悲耶若廣陵之捺叔夜

淒涼憤耶若漁陽之擣正平怒罵或階前尺地豪其青蓮或壁落千聲窮哉東野或慘亮兮如秦青歌發響遏行雲或沸騰兮如武安軍譟勢振屋瓦於斯時也金波穆穆銀河顥顥涼颺乍披落葉不掃丹楓明乎秋林白露被夫野稻邊愁喚起和感粟以同吹閨夢驚迴入刀砧而共擣長門則語語思君湘浦乃言言訴昊秦淮河畔啼殘六代斜陽金谷園中嗟遍一庭衰草伴美人於簾外雨滴空階趁詞客於牀頭燈昏半葉宵如此其可憐爾何爲今相惱是蓋厥類匪壹厥聲不窮自脰重疾由注疏通旁達既震翼扇維雄或股擊而愈銳或胸吐

四馬齋文集卷一

三

而彌洪號萬籟於一竅信異曲之同工柷不合而忽作敵不止而告終美矣洞庭廣樂偉哉造化神功溯元音之妙理羅變態於茲蟲嗟乎凡有靜其必動孰不平而始鳴出自地中匪由雷奮來於木杪詎藉風生忘哀樂之相值何雕琢之能精然而在野則王孫憶別登樹則齊女鍾情欲歌欲泣爲喜爲驚雖無心而振響亦含意以揚聲是故譜於風詩則嚶嚶誌異遺於爾雅則唧唧誰明况夫迷咸韶之和正奏金石之鏗鉤能不有待於聞音識曲拜手載賡者乎

解愠阜財賦

惟帝德之廣運與造化而同仁樂以無憂執厥中而萬方皞皞用之不竭布太和而百物溱溱當朱明之令節乃長養之芳辰律繁祉而中徵風披拂其自南其來也習習躁者遇之而忽夷其往也徐徐鬱者迎之而洞開溫兮若飲人以醇醪疇含忿而不滌灑兮若沁人以甘露疇積煩而不蠲詎冰釋於噫氣自意消於天游爾乃期以五日先好雨而飄來扇徧三農並平疇而交暢懷新是慶扶翼翼之良苗率育有成鼓盈盈之麥浪忘帝力於何有衢壤輕吹普美利於不言茅茨微颺轉洪鈞於閭闔之中渙帝澤於扶搖之上於是對時育物聖心

四馬齋文集卷一

四

感焉言抽睿思被之五絃慮時雍者尚有其咨藉此熏然者爲我疏通其抑塞計允殖者豈無不獲資彼時若者爲我鼓舞其懋遷荷天心之嘉惠旣重其以申命庶袞職之無闕爰一彈而再歎於斯時也繼治之世重華之光珠聯璧合海宴河清卿雲黼黻芝草芬芳麒麟遊郊數鷺驚鳴高岡百僚率作以興事萬民耕鑿以樂康蓋垂衣裳而天下治昔惟虞帝贊化育而天地參今見我皇

山川出雲賦

聖作物觀春和氣騰伊從龍之妙質表干呂之嘉徵卑

擬觀河挾榮光而俱出高同降嶽先靈雨於未零升自
九霄兮焉比起封之誕垂於四海今有符需卦之稱爾
其布穀鳴樹天桃媚川麥抽芽而繡野農舉趾而犁田
於斯時也 聖天子修親耕之盛典儼齋祓以祈年精
誠上徹德意下綿神祇爲之降格嶽瀆於焉後先氣無
幽而不達恩靡隱而弗宣於是雨師隨 鑾雲師導
蹕各奏其功迨茲春吉膚寸者不期而合觸石者無心
以出或波光之瀾漫霧耶露耶香莫分或澤氣之溟濛
水與天與混爲一其始也由下而上似匹練之挂遙空
其既也自近訖遠如千絲之裊白日蓬蓬勃勃匪天馬

四馬齋文集卷一

五

而還馳郁郁芬芳擬爐煙而更密蓋乾坤之泰既交而
山川之英自溢宜乎太史登臺而誌祥古帝紀官而班
秩者也且夫 聖人之至德叶天地之大文將有待於
時雨斯垂象於油雲行乎膏澤譬奔奏疏附之輻輳大
其氾濫似翼爲明聽之紛紜屏翰蕃宣者所以告 一
人之慶輪囷黻黼者所以策崇朝之勲固天人之相協
亦詩書所共聞此大臣之職霖雨是勤必合師師濟濟
吉人吉士以報稱乎瞻之如雲之 聖君

喜雨賦

太和充塞至治馨香五氣順序四時樂康敬以感孚普

現施生之象誠能昭格聿徵潤澤之祥比甘露而如垂
物霑玉液並醴泉而頻注人挹金漿洵恩來於上界斯
德沛乎下方先是月值暮春律占中呂當虹生萍見以
還有視野勞農之舉 天子於是坐明堂籌寰宇念茲
田事既問夜而瞻雲詢及昌言復懸輶而設鼓發江南
之粟海隅處處春臺運冀北之倉畿輔家家樂土撤懸
減膳頌交修罔怠之 朝恭已齊居仰福國庇民之
主秉一念以默祈俾萬物之得所爾其熏風徐轉解澤
旋零灑上苑度夾城助恩波於太液添瑞氣於金莖片
片慈雲布施大地飛飛華雨飽飫羣生城端之闕雙紅

四馬齋文集卷一

六

煙霏霧歛郭外之畦一碧波淨沙澄於斯時也麥穗齊
抽禾田未藝塍鋪作繡看秧馬之將馳桑沃如油拂縹
車而欲試莫不欣屏翳之清塵幸豐隆之奮地而乃霽
今似雪冉兮疑絲聲不傾盆徐斯能入勢無破塊膩乃
如脂習習隨風南畝之針芒盡茁祁祁達曙西山之瀑
布高垂徧萬夫之川澮竹千耦之耘耔由是良農氣揚
紅女色舞或隨主伯或命亞旅或荷蓑而戴笠或載筐
而挈筐履屨霽於中田拜明昭於比户且也先三秋而
降澤蚤卜三時閱十日而爲霖具成十雨惠皆天澤知
閭闔之洞開福徧神臯看倉庾之成堵于焉仰答神施

用酬 帝賜恩自 九重澤周一世頒儲平糶和氣滿
布於域中拯乏賑貧德意不遺乎方外蓋惟 上帝以
聖人之心爲心故甘霖應念而偕興亦惟我 皇以
天下之樂爲樂故大澤隨時而立沛誠哉夙夜之相孚
允矣天人之交泰爰作頌曰我 皇之德上及太清兮
雲行雨施天下平兮我 皇之德下及太寧兮承天時
行庶物露生兮我 皇之德中及萬靈兮神祇默相咸
集庶徵兮自今以往歲豐民樂永慶生成兮

景陵瑞芝賦

聖人御宇孝治維彰太和翔洽率土馨香 天心以之

四馬齋文集卷二

二

而鑒格 祖德於是而發揚伊鍾靈於芝草爰挺秀於
山岡輪囷煥彩磅礴呈祥表異五莖數符天地託根磐
石基固苞桑九曲詎能齊其壽七明不足比其芳原夫
太乙精凝五嶽勢聚鬱葱林谷旺氣升騰繁衍川原靈
祇呵護陰陽和會宛浮彩以相鮮雨露涵濡遂披嵐而
忽吐團欒四面象四方之環拱京師聳峙一枝儼 一
人之照臨宇宙爛若軒皇之蓋中外揚輝森如佛祖之
幢高卑合度洵圖書之所莫詳而耳目之所未遇於斯
時也值丹浦之陳師恰青邱之奏績秋風捲籜絕大漠
以星馳原火摧枯驅前禽而雷擊勢排山嶽燕然之草

皆兵氣掃攬槍瀚海之氛盡滌當帛書奏捷於 楓宸
正紫氣告祥於 陵石不期而會恍授神符足信而徵
有如 天錫考之援神契德被草木則芝草榮稽諸瑞
應圖親延耆老而靈芝呈或以爲慈仁所逮或以爲聖
功之成說具存於載籍事尤異於 盛明豈惟鍾英而
毓秀固已服遠而辟兵此誠德馨之所耀而幽贊之所
生也在廷於是瞻矚靈奇稽首歡呼咸願宣布朝野紀
之策書 天子讓而彌尊謙而益敬謂 上天之福國
庇民皆 聖祖之凝庥集慶普天歌舞匪直 一人之
嘉祥薄海肅清昭示萬年之吉應 命彼史官從其所

四馬齋文集卷二

八

請乃若博稽往冊歷溯前規章英紀時似兆苗民之來
格花葩垂象如關涿野之征師美械櫜於周庭猶是尋
常草木感意蒲於孝德未聞震疊邊陲豈若此之產自
橋陵之側毓於弓劍之都並神著而爲寶偕竹實而
同敷瑞閱五年再逢尤異威宣萬里操券相符者哉是
蓋我 皇夙夜丕承旦明昭示慶雲甘露未足表其華
瑞麥嘉禾不能殫其異故於荷實同房之外更徵和集
於芝房而萊服九乳之餘再現來歸於五至信上瑞之
在茲愧摘詞之未備乃作歌曰 寶城之巔氣蒸霞金
柯玉葉相交加靈芝煌煌蔚其華又歌曰 聖德盛會

被草木 天威宣兮四夷服告於 皇祖兮永錫厥福

敬用五事賦

道執一中用分爲五原太極以五根叶五行而順序契
天理之自然詎人爲之可主惟用之宜以敬作所當夫
寂然不動有無之間貌言未接視聽何宣渾乾乾於不
見命翼弢於無端及其感而遂通因物付物恭從貌彰
又從言發聰以作謀明以作哲爰通微而入聖遂慮研
而心悅紛五事之雜糅均無適而主一約聖敬以用中
乃箕疇之所揭欽惟我 皇學原洙泗德邁陶唐灼性
體之大同識超精一普治功於廣被績懋幾康藏密洗

四馬齋文集卷一

九

心立人極以主靜 御門勤政法天行以自強至誠不
二之衷一真常湛時措咸宜之象五事偕臧緬醇備之
盛德欲悉數而難詳則見夫恭已齊居饗 天格 祖
儼顯若於盟薦肅威儀而拜俯則見夫絲綸往復誥誡
敷宣既覺迷於下土亦廣訓於普天則見夫積日披陳
隨時引 見既鉅細之不遺亦能否之立辨則見夫邇
言是察聲入心通既詢謀於羣議仍裁決於 宸衷則
見夫旰食靡寧宵衣逮旦恒俯仰而深維期措施之盡
善凡茲五事隨用而臻何以用之一敬所敦如金在範
如器歸甄妙一心之運量仰全體之 聖人是以歛之

藏於密擴之彌六合重民事則 賜級勸農歲開耕藉

尊師道則加封修廟時觀 臨雍若蠲糧若積穀若截

漕若平糶補助者春秋冬夏爲開科爲廣額爲薦舉爲

試用造就者南北西東恤旗兵亦恤標兵十五省貯銀

裕餉營穀土蕪營庶土千百萬塘海隄江 欽定刑章

成適中之條例虔修祭典多咸秩之功宗以至求言於

朝清問於野養及老者惠及鰥寡弛行旅於郊關免

積逋於厯左屯田訓練則邊盡雄師按驛清釐則垌無

疲馬故夫皇極之建用於上八政之農用於中三德之

又用於下凡皆五事之力量所運旋而敬用之精神所

四馬齋文集卷一

一

陶冶猗與盛哉此五事者毫芒可攝寰宇非餘當其無
也藏敬之用及其有也化敬之拘達一貫之心印會萬
物於性初不加不損時卷時舒宜乎六府三事之允治
嘉祥上瑞之頻書謹拜手稽首而作頌曰惺惺者心名
之曰敬即宜用宜其用何竟體用一原顯微皆性孰握
其樞歸於 上聖

官方士習賦

一人恭已六合和衷觀地天之交泰知上下之志同手
足腹心極一體相關之義翼爲明聽欽四鄰交贊之功
庶官代工以無曠逢掖嚮道以成風猗與盛治悉數難

窮蓋自 聖訓頻頒 皇言屢布戒朋黨之弊期於成

信勿欺絕袒護之私務在洗心滌慮黜陟則咸當其情
賞罰亦各隨其具如慈父之育子官府一視同仁若化
工之肖物栽培因材而付且也加恩選造廣勵膠庠樹
廉耻於始進抑奔競於居常拔其秀民則廉興孝舉核
夫輿論則行表言揚稂莠是除嘉禾愈殖梟鷂悉屏鸞
鳳斯翔以故從宦者振興爲士者感奮九官四岳朝多
師濟之麻六行三物野慶文明之運於斯時也大臣法
小臣廉公孤論道而交讓卿尹率屬而無嫌盡書思之
誼則嘉謀嘉猷之入告殫牧伯之任則來旬來宣之具

四馬齋文集卷一

二

瞻監司正己以涖下州縣撫字而勞心以及丞簿之未
吏罔不恪守乎官箴綜而計之誠身爲本敬事爲先無
詐無虞儆大廷於爾室匪紓匪敷凜咫尺於 天顏和
而不同鹽梅有互調之味公而無我葑菲多下采之言
慎之又慎豈比夫溫室無辭不關至計勤而益勤方媿
此分陰徒惜何補素餐此皆官方之所由著而 聖德
之所從宣也若夫潛修於家積行於里讀書稽古肯結
社以邀名崇實去華勿游談而鬪靡急公奉上井稅有
及時之輸守道安貧公門無私謁之耻息爭泯訟則化
及鄉人講約發蒙則施於弟子五經同異務折衷於

皇言百氏源流咸稟承於 訓旨國無僞學真道合而

風同廬有純儒斯化行而俗美此又士習之所由端而

聖德之所爲被也盛矣哉 君明臣賢士愿民淳族

有同居之丁口道無私拾之金銀太和翔洽馨香發聞

天告其瑞地獻其珍二曜合而五緯聚嘉禾秀而瑞麥

紛甘露降於樹醴泉湧於田慶雲煥其彩黃河清其源

石挺五莖秀靈芝於峰頂龍啣雙紐出玉印於浦濱麒麟

麟舉趾而徐步鳳凰奮翼以高翔琉球出日之區遣子

入學蘇祿不毛之國重譯來賓天人協應福履方臻良

由 聖德際天蟠地超重華而邁放勳是以百官得其

四馬齋文集卷一

士

宜多士得其職而感名乎高卑上下之綱緼小臣固陋
親見親聞爰摘詞而紀實媿莫罄其毫末於萬分

頌

日月合璧五星連珠頌并序代

臣考帝王之興皆有符瑞以彰德輝垂感應惟尤異而
不恒見者隆焉以故景星明卿雲縵鳳凰巢於閣麒麟
遊於郊赤烏白雉之祥朱草嘉禾之異以至山出器車
河出馬圖甘露夜垂醴泉朝湧黃龍駒虞神龜寶鼎希
世間出之物煌煌乎歷代所傳不可誣已至於二曜迭
運五緯遞旋古今所共推步臣民所共瞻仰求其會如

壁合聚若珠聯自軒轅氏外亘數千年不獲一見何也
氣朔有常度次舍有定位非若他符瑞之天降地出忽
然而現也故道如義文莫之過德如堯舜莫之逢功如
湯武莫之值豈非尤異特隆一切聿懷寵受之福有不
足稱者哉我 皇清受命孔固 聖祖仁皇帝湛恩汪
濊薄海內外罔不被澤 天心眷顧篤生 皇帝陛下
善繼善述以成無疆之休茲雍正三年二月己巳朔越
一日庚午日月五星咸會煥朗炳耀天文聿新是月也
實我 皇上三年即吉告 廟釋服之月也伏惟 聖
祖仁皇帝功德盛隆古今莫並特付 皇帝以神器之
重夙夜宥密不懈而益光大之於 昊天上帝為有道
曾孫於 仁皇帝為繼體肖子於天下億兆生靈為錫
福綏猷作民父母之元后 聖功日懋 天眷加崇乃
於是時特呈奇瑞蓋以古今不世出之 聖名古今不
恒有之祥誠非歷代史冊所書符瑞所可擬其萬一 臣
依末光親符命伏念漢之聚井兆治平也而日月未偕
宋之聚奎啓文明也而二曜不會然且紀於前史昭示
無窮況今 上天垂祥實義農堯舜湯武所未嘗聞者
乃獨於我 皇上觀之是誠萬古一時也考之虞書曰
在璿璣玉衡以齊七政是日月五星者天之政即君之

四馬齋文集卷一

三

政也我 皇上德與天一故政行於天而日月五星應
候而齊若合契焉又考軒轅氏臣史遽之言曰得天之
紀終而復始言天事恒象也 仁皇帝聖德神功之事
於是成終我 皇上繼天立極之事於是成始故適當
三年適丁仲春人事決於下而天道應於上捷於桴鼓
自開闢以來罕有德與時會若斯之顯懿於鑠者也 臣
備員珥筆苟頌聲缺焉不作何以昭 聖德示來茲不
揣蕪陋用敢凝神竭慮齋沐稽首為頌以獻其辭曰
皇清受命 聖人代興重光緝熙復旦繼明陶堯鑄舜
陋啓卑成魏乎煥乎莫之與京維時三年仲春之月
帝將告 廟釋服即吉昭哉 嗣王允矣繼述萬象維
新百靈咸秩先期十日天乃發光日君月妃東西列行
羲和前驅望舒後翔南斗吐彩壯斗垂芒水火木金與
土而五星官我峨各守其府遲速參差曠不相聚 上
帝命之按班就部姬訾之次營室之宮乾維尊位坎乃
正中往哉日月五星是從各揚其輝璧拱珠逢絡繹續
紛輝煌翕赫朗耀中天照臨萬國亘古一遇彰我 聖
德太史上言宜付史策 帝曰俞哉 皇考之成儲祥
禔福綏我後生上天陳符泰階既平凡厥臣庶同受厥
明羣臣曰都 皇帝萬壽至孝格天大德昌後七政齊

四馬齋文集卷一

四

軌三辰同候於萬斯年荷天之祐

河清頌 并序代

臣聞大德受命至孝格天自古聖人在上必有聖人之瑞相為協應伏羲首出龍馬是呈有虞受赤文之符成周紀榮光之異考其徵應皆見於河何則聖之道至大河之水至神惟大則百祥皆小惟神故千年一清清者尤河瑞之至神者也以至神之瑞符至大之聖光華天地朗澈古今感應之理無以過之欽惟我 聖祖仁皇帝臨御億兆六十餘年湛恩沛四海大澤流六合功德之盛前古莫比我 皇上嗣登大寶於今五年 聖敬

四馬齋文集卷一

五

日躋至誠無息法天之徧覆應地之厚載明並乎日月信同乎四時是謂大德丕顯丕承善繼善述紹衣之思恒切率由之典加虔體乎 聖祖之心行乎 聖祖之政是謂至孝孝與德備是謂 聖人於是光被四表格於上下神人胥悅宇宙太和殊方異域之長重譯來庭之使接踵於萬里日月五星之祥嘉禾瑞麥之慶畢効于兩間大哉至哉美矣盛矣乃雍正四年冬十有二月丙寅自陝州以迄淮徐之境黃河水清河臣齊蘇勒先以狀 聞未幾漕臣張大有河南撫臣田文鏡暨副總河臣嵇曾筠相繼入告凡上下二千餘里河水經旬澄

澈臣民歡聲雷動皆謂河清之應載於簡編若綿亘數

省經歷逾旬自開闢以來未之獲覩也 臣以為 聖人

之德不俟觀河而後知河水之清必遇 聖人而始驗

天人合一志氣交孚其道實在今日乃 皇上德大而

心愈小孝至而禮彌恭陟降推本於 聖祖時幾用勅

乎天命 聖謨洋洋布告中外壹皆撫謙保泰之心答

天法 祖之實信億萬年有道之昌期千百國臣民

所共慶也 臣忝預密勿遭逢奇瑞無以仰窺 聖德之

萬一竊不自量謹推明 聖瑞感應所由作頌一篇以

附於古者拜手颺言之義其辭曰

四馬齋文集卷一

六

皇清受命既固既昌世有令德集此百祥惟我 聖祖怙冒萬方六十餘載恩溥德洋演迤蓄積貽澤孔長皇帝受之道乃大光監於成憲率由舊章小心翼戩以格穹蒼 皇帝至孝言動必遵紹庭上下如見如聞立法垂訓 聖祖是循戒飭卿尹誠和萬民為 祖肖子為 帝曾孫 皇帝至敬敬以緝熙嚴事 郊廟肅肅其儀岳瀆既告咸秩神祇春而籍田秉耒躬推秋而詣學北面隆師神曰馨香祝曰受釐 皇帝至誠誠以不息問夜如何日中未食兼總萬幾經畫八極健法天行厚同地德疊疊乾乾為臣下式 皇帝至慈父母赤子

江南賦豐我億秭冀北築陂利我耘耔平糶發粟民
無移徙慎獄緩刑法無飢餓既養且教惠農勸士如天
之德萬世所倚 皇帝至毅不怒而威驅彼豺虎麒麟
是肥剪是稂莠芝草芳菲賞罰必信黜陟無私海波不
揚重譯來歸 皇帝至聖德明惟明照臨下土物無遁
情萬里八席六合戶庭凡有血氣以生以成升中於天
上帝式憑爰及日月爰及五星珠聯璧拱煥彩揚精
亦有嘉禾數穗一莖異畝同實煌煌數榮奇瑞殊祥莫
不畢至自天申之黃河是視維此黃河發源宿海崑崙
既經蔥嶺是滙積石龍門萬雷奔駛華陰南行孟津東

四馬齋文集卷一

七

委一曲千里八年四載禹功雖隆莫滌沙滓何以滌之
厥有真宰雍正四年季冬之晨波臣効職川后貢珍魚
龍既伏鼉鼉是馴鑑可徹底澄至蕪甸豫州之壤淮徐
之濱逾冀及充遙遙河津纖塵不飛朗朗天紳振古未
覩詎獨千春億兆歡呼百寮入告太平之符 聖德所
名惟 帝臨軒受茲舞蹈純嘏常綏史冊炳耀 帝曰
俞哉 聖祖之功德德高厚與天無窮在 帝左右精
誠可通錫茲介福以惠 朕躬何以受之兢兢業業二
三臣工無忘調燮潤澤生民 天心永協告於 景陵
寵綏是答大哉 聖訓一哉 聖心如川之福方至自

今謹作頌播石與金億萬斯年 聖德高深

上海縣城隍神頌 并序

記曰能禦大菑則祀之能捍大患則祀之言生能爲民
禦菑捍患歿宜享民之祀以美其報也若夫既歿而能
顯其威靈除民菑患其功愈久不忘惟我上海縣城隍
神爲然順治十年秋海寇張名振再犯縣治蘇州總兵
官王燦督戰辱師民聚而詬巡撫周統兵按臨燦恐民
暴其走遁失機狀反誣合縣通賊自南浦訖靜安寺界
欲盡屠之時海宇新造兵革未靖周撫頗惑其說邑侯
閻公紹慶偕先伯祖遂安令垂璫連袂長跪願以百口

四馬齋文集卷一

六

爲保迄未許將俟旦日雞鳴令下縱戮是夕神降於官
廨中朱袍象簡儼立階下周撫心動至夜半仍欲屠之
又見神直視搖首如是者數四東方大明遂釋不屠嗚
呼凡我父老子弟保有室家長子育孫以訖今日且得
含哺鼓腹親覩太平之化非神其誰賜之相傳神爲故
待制秦公諱裕伯字景容有玉二方篆公名字流傳民
間明萬曆中邑人喬時萬爲文以獻其家復錄明祖三
聘御書暨公却聘書二通同遺像藏諸廟神之爲秦其
來蓋久考公大名入元末避地揚州轉徙至邑今觀所
藏書劉永繫吳元年月日首篇即言海濱民好鬪恐爲

公累而史但謂命中書省檄起之殆失傳也史又稱洪武元年復徵不出諭以手書乃舉海民好鬪爲辭則其家不傳而史獨傳嗚呼明祖當僞張負固之餘疆圉初定其慮我海邦之不靖岌岌乎三致意焉公不得已起而應召所以釋主疑明民志不惜一身之去就爲國人請命耳矣誥封顯佑伯制辭自洪武二年正月而公於是年始爲待制越明年復與劉公基同爲南畿主考官後知隴州始卒豈神位之建虛以待其人耶抑陟黜去留亦如國家銓曹之法者耶冥漠事不可知可信者祀典之常理也公生則能以其身安民之反側歿則能以

四馬齋文集卷一

元

其神衛民之死亡其有德於此土者甚大誠宜血食萬世永永無極邑人恐其歲久事湮明德不著請一士作頌紀之士不敢辭惟神靈跡多有謹掇其大者著於篇俾知神之所以爲神者功在於民也爰拜手稽首而獻詞曰

惟明有君惟幽有神奉 帝之命同恤於民烈烈秦公作元郎中事母以孝懷主以忠幡然三聘哀我海邦高蹈之故以爲民託入司風議出典大州進禮退義國史可求公神來歸陟降茲土巫夢告祥印還故府王命作伯顯佑是職其顯維何干讒于惡其佑維何汝田汝宅

昔在草昧海氛震驚有帥不戰退保於城于思之謂覆謂亂生蚩蚩者氓刀在其頸神武不殺曰 聖天子彼昏不知惟神是啓有風肅然在庭尺咫如戒如麾暴戢不試嗟十萬戶更生於此大哉神功萬民攸倚有孱者夫婦爲鴆毒雄狐是謀末由歸獄令君徬徨先巫後祝神警其奸詞窮辜伏有黠者盜劫我稅船神示令君非陸非山與波上下青龍之津徃捕殫獲府藏以完於赫神威靡遠弗屆雲車風馬戾於海外海波沉沉倏忽萬怪神燈在空過徃無害凡此神功不可測量入於爾民心腹腎腸神之處矣有亭有臺鶴鹿在園花木盈階神之出矣一歲三巡輿衛塞路燈火達晨何以侑神柔毛剛鬣列酒羅餚續紛合沓何以娛神楚舞吳歆呈妍貢妙要眇嫋嫋我海邦事神如父承顏伺意惟恐或後嗟我海邦事神如君鞠躬屏息固敢勿虔豈無水旱神則蘇之豈無疫癘神則驅之此善而顛神尚扶之彼惡而奮神尚鋤之大哉神功與海固極於萬斯年無有厭射作此頌聲以播金石

四馬齋文集卷一

三

海上曹一士濟寰著 姪 錫黼誕文編訂

壻 葉 承子敬 男 錫端菽衣

內姪張熙紳赤垂 錫圖起南 同較

奏摺

請核實開墾地

臺摺

奏為請核實開墾地畝以成仁政事伏查開墾者所以慎重曠土勸相農夫本非為國家益賦起見也我朝承平日久生齒浩繁苟屬可耕之土必無不毛之鄉惟是河壩山麓間存廢壤乃係水淹沙壅石多土薄之區

雖用人工難興地利故往往棄而不問也今訪聞各省開墾地方甚多其中不無裨益然奉行未善流弊有二請為我皇上陳之一曰以熟作荒州縣承望上司意旨並未踏勘實在荒地若干即預報畝數以邀急公之名逮明知荒地不足即責之現在熟田以符所報之額小民畏官之令俛首而從之咸曰此即新墾之荒而已夫使其地少有贏餘亦當不盡利以遺民若別無贏餘豈可履畝而益之賦也一曰以荒作熟歷年荒地在河壩者坍塌不常且地勢低窪河水偶溢即成沮洳在山麓者外鋪平土有似可耕其下三四寸多石皮石子

堅不能掘所生之草亦皆纖細無力豈能發生禾稻又有高阜鱗次而溪遠水淺難資灌溉以致荒廢者此種地畝州縣不復踏勘悉入報墾之數亦貧乏食之民止貪目下官給牛種官與草舍以糊旦夕之口而不顧其地之不可得而墾也臣恐十年之後民不得不報熟官不得不陞科幸而薄收則完官不足稍遇歲歉即卒歲無資而逃亡失業之患從此起矣然且賦額一定州縣不敢懸欠督撫不敢開除於是飛灑均攤諸弊又將以熟田當之是名為開墾其實有墾之名無熟之實也茲二弊者緣有司但求興利罔惜貽害太吏惟知慮始不

四馬齋文集卷二

二

暇圖終是以仁民之政反落累民之階其有關於國計民生非細故也我皇上蒞政之始首念民依殷殷以天下之安為已安則必以百姓之足為君足臣請勅下直省督撫凡經報過開墾地畝無論已未陞科俱令州縣官按冊踏勘內有向係還糧熟田混報開墾者即行舉首除額免其處分如實係新墾之田取具州縣官印結存案少有捏造一經發覺從重治罪則以熟作荒之弊可免矣至新墾田應行陞科之日督撫再遴委賢員往勘果係田禾成熟可以持久者始與陞科如其硃確瘠薄難望有秋即與開除免賦倘因報墾在先必

於起賦以貽民累察出後正其欺罔之罪則以荒作熟之弊亦免矣如此開墾之虛實既辨田畝之荒熟難欺新壤先疇均沐皇仁於奕世安民足民之善政莫先於此也臣愚昧之見是否可採仰候 睿鑒施行

請停止府州縣改設分隸

奏為請停止府州縣之改設分隸以遵舊制事伏查郡邑之建所以別疆界衛民生其地往往甚布星羅犬牙相錯或此省地方而橫亘於他省或彼府鄉村而闌入於此府未嘗截然方正使之整齊者立制之初豈見不及此哉蓋勢有所不可也一以防盜賊之竊發則擊柝

四馬齋文集卷二

三

相聞兩境有互為犄角之勢一以備攻守之長策則扼亢拊背宵小無倚為唇齒之形此誠熟籌地利切計人情寧使道里參差小有所不便於民而其為民之意至深且遠非區區截長補短之見也伏查各直省地方每歲題改州縣不一而足或稱其地至某省止若干里隸於彼省則反遠或稱某縣至某府有若干里隸於某府則甚便原其上請之意非不圖利於民然所利者惟是省奔走之勞取文移之便至於備豫不虞防他盜之出入與非常者毫末之及臣恐所利者小所失者大於古人畫土分疆犬牙交錯之計盡舉而棄之矣且又本無

定見朝以為便者暮復以為不便矣今日割隸此處者明日仍改歸本地矣紛紛更置視同奕棋則亦何以一民之視聽而安民之宅里哉臣請勅下督撫從前有改隸省府州縣但取方正未合地利之處許其彼此陳明復舊嗣後一切悉依原隸疆界毋得妄有所請如有徒好紛更致滋反覆者治其欺罔之罪自此地有磐石之安而民享寧謐之福矣臣言是否有當仰候 睿鑒施行

請均 聖澤

奏為請均 聖澤以惠窮黎事伏觀我 皇上登極以

四馬齋文集卷二

四

來加惠元元德洋恩溥 詔書所至率土歡騰羣黎何幸得生 聖世蒙被膏澤至於斯極也臣聞父母之於赤子赤子已蒙顧復而益殫誠求之事大君之於小民小民已邀撫字而彌施格外之仁臣以見聞所及尚有宜加軫恤者敬為我 皇上陳之一兩浙之場課宜捐也伏查兩浙沿海地方有場課銀兩一項其始原係竈丁煎鹽柴蕩因歲久丁夫逃亡丁銀無着乃以給丁之蕩計畝徵銀於是丁銀併入於蕩而蕩始有稅號曰場課自此犁蕩為田轉相授受漸次陞科蕩之名雖存而實已非蕩乃海濱斥鹵之薄田也以其本係竈蕩仍舊

隸籍鹽政而種蕩者已非竈丁乃茅簷力作之農夫也所種僅堪豆麥收成無幾海潮溢入即成荒區向以鹽政所轄遂無蠲免之例往往注腹內之蒙恩已徧海隅之待澤無期同為農夫有微有免此疆爾界良可憫惻伏查雍正二年 世宗憲皇帝以江浙海潮衝溢場竈將元二年竈戶未完折價銀兩悉行蠲免嗣又以兩浙未經報災之處與兩淮無異著將華亭婁縣上海海寧餘姚蕭山慈谿等處元二年未完場課悉行蠲免 諭旨有云博施一體之仁務使率土均霑膏澤此 世宗憲皇帝所沛之 特恩也逮雍正十年秋間海潮復衝入內地被災情形較之二年無異此項場課遂分作三年帶徵迄今不無零欠夫被災曾蒙全免逢 恩豈獨見遺近見我 皇上復沛特恩着該部傳諭江南督臣將兩淮場課自雍正十二年以前舊欠查明奏聞蠲免所以恤竈戶者至矣臣思兩浙兩淮事均一體伏請 勅下該撫並查兩浙以及長蘆等處鹽政折價銀兩有名為場課實係現在陞科田地與農民無異者所存舊欠可否邀 恩悉與蠲免則江海蒼生人人被澤 世宗憲皇帝博施一體之心益推廣於無疆矣一帶徵之漕米宜免也查漕米皆係本年徵兌因民間偶遇荒歲漕

四馬齋文集卷二

五

米無從措辦 國家加恩緩徵或徵七存三或將一半折銀一半分作三年帶徵謂之留米自雍正二年以至十年如江南浙江等被水州縣均蒙 恩旨此皆 世宗憲皇帝法外之仁小民本應如期輸納者也但帶徵之後歲收未能全熟民間完過現年漕米則先年留米又難清楚以致逐歲遷延不無零欠 臣查會典開載康熙四十九年 上諭漕糧例不蠲免念浙省被災之後民力艱難其緩徵漕米着免徵收是蠲免緩徵漕米

聖祖仁皇帝曾加 特恩未嘗格於成例今我 皇上大沛恩膏業將雍正十二年以前各項民欠錢糧並皆

四馬齋文集卷二

六

豁免而獨此被災留米為數無多尚須徵解可否比照民欠錢糧之例 勅下該部通查各直省雍正年間帶徵漕米及折徵價銀之處亦與蠲除使民氣日舒民財日裕窮簷漏屋皆荷 皇上生成之德於無窮矣以上二條並係例不蠲免之項 臣遭逢 聖主輒敢不揣冒昧臚列上 聞是否可採惟我 皇上睿鑒施行

請查寬比附妖言之獄兼禁挾仇誣告詩文

奏為請查寬比附妖言之獄兼禁挾仇誣告詩文以息刁風事 臣聞古者太史採詩以觀民風藉以知列邦政治之得失俗尚之美惡即虞書在治忽以出納五言之

意使下情之上達也降及周季鄭之子產尚能不禁鄉校之議惟是行偽而堅言偽而辨學非而博順非而澤者雖屬聞人聖人有兩觀之誅誠惡其惑眾也至於造作語言顯有悖逆之跡如戴名世汪景祺等 聖祖仁

皇帝暨 世宗憲皇帝因其自蹈大逆而誅之非得已也若夫賦詩作文語涉疑似如陳鵬年任蘇州知府遊虎邱作詩有密奏其大逆不道者 聖祖仁皇帝明示九卿以為誣陷善類如神之哲洞察隱微可為萬世法則比年以來間巷細人不識 兩朝所以誅殛大慙之故往往挾睚眦之怨借影響之詞攻訐私書指摘字句

四馬齋文集卷二

七

有司見事生風多方窮鞠或致波累師生株連親族破家亡命甚可憫也 臣愚以為井田封建不過迂儒之常談不可以為生今反古述懷詠史不過詞人之習態不可以為援古刺今即有序跋偶遺紀年亦或草茅一時失檢非必果懷悖逆敢於明布篇章若此類悉皆比附妖言罪當不赦將使天下告訐不休士子以文為戒殊非 國家義以正法仁以包蒙之至意也 臣伏讀 皇上諭旨凡奏疏制義中從前避忌之事一概掃除仰見聖明廓然大度即古敷奏采風之盛事竊謂 大廷之章奏尚捐忌諱則在野之筆札焉用吹求伏請 勅

下直省大吏查從前有無此等獄案現在不准援赦者條列上請候 旨欽定嗣後凡有舉首詩文書札悖逆譏刺者審無的確形迹即以所告本人之罪依律反坐以為挾仇誣告者戒庶文章之株累悉蠲告訐之刁風可息似於風俗人心稍有裨益臣愚昧之見是否可採仰祈 睿鑒施行

請分別賢能

奏為請 頒諭旨分別賢能以成吏治事伏見我 皇上即位以來勤求民瘼加惠元元敬讀 諭旨有云百姓安則朕躬安矣大哉 皇言聞者皆為感涕臣愚以

四馬齋文集卷三

八

為欲百姓之安務在弗擾之而已而其要莫先於慎擇督撫督撫者守令之倡也督撫不擾守令守令不擾小民而天下之民莫不安矣自大吏以至小吏皆有賢員有能員賢能兼者上也賢而不足於能者次之能有餘而賢不足者又其次也何謂賢務持大體與民休息者是也何謂能趨事赴功綜核名實者是也天下能吏多而賢吏少則吏治必有不得其平者不可不亟加甄別也臣查督撫之保題守令其辭約有數端曰年力富強也為人明白也辦事勤慎也其實跡則錢糧無欠也開墾多方也善捕盜賊也果如其言洵所謂能吏也乃未

幾而或以贓污虧空聞或以草菅民命劾所謂貪吏酷吏者無一不出於能吏之中彼誠有才焉以濟其惡耳若夫吏之賢者則不然惻怛愛人而已惴惴無華而已方於事上不為詭隨而已吏人同聲謂之不煩而已此數者皆督撫所視為無能者也然而賢者則必出於其中度今世不少其人而督撫薦剡曾未及此母亦重視能而輕視賢之故耶抑亦狃於積習以能吏即為賢吏耶且臣恐督撫所謂能者非真能也以趨走便利而謂之能則老成者為遲鈍矣以應對捷給而謂之能則木訥者為迂疎矣以逞才喜事而謂之能則鎮靜者為怠

四馬齋文集卷三

九

緩矣且或以武健嚴酷不恤人言而謂之能則勞於撫字拙於鍛鍊者謂之沽名釣譽才力不及而掇拾細故以劾罷之矣好尚一乖取舍頓異及至所取者潰敗決裂則曰臣不合誤舉於前統聽部議而已夫有誤舉必有誤劾誤舉者可議其罪誤劾者復何從而加之罰乎臣聞之子與氏曰尊賢使能又曰賢者在位能者在職明賢與能之宜別也臣愚以為今之督撫明作有功之意多而博大成裕之道少損下益上之事多而損上益下之義少此誠當世治體所關也治體一偏必滋流弊轉移之機實在今日伏見我 皇上於凡丈量開墾割

隸州縣改調牧令一切紛更繁擾之舉皆 頒旨罷革
為督撫者度無不承流而宣化矣臣所慮者彼或執其
成心則且飾非以自護否或意為迎合復將姑息以偷
安二者皆不明於賢能之義也敢請 皇上特頒諭旨
一道剖晰賢能詳加開導俾於精明嚴肅之中布優游
寬大之政能者務勉於賢而賢者益勵於能書曰人之
有能有為使羞其行蓋勉之於賢也詩曰嗟爾君子無
恒安息蓋勵之於能也若賢非真賢能非真能則必論
之而不悟導之而不從惟 皇上即賜乾斷以罷斥之
庶督撫靡不洗心滌慮以仰答 聖明矣至其所屬守

四馬齋文集卷三

十一

令 勅於保題薦舉時各分填賢員能員字樣然後條
疏實事於下如能員而有敗行許督撫自行檢舉若賢
員而著劣跡則督撫從重處分倘其屬所舉無一賢員
則非大吏乏正已率屬之方即賢者有壅於上聞之患
督撫之賢否且視其所舉而瞭如矣如是則以知人之
哲為安民之惠 皇上之仁心仁政寄之數人天下百
姓有不並受其福者哉臣愚昧之見罔知顧忌是否可
採仰候 訓示施行

請釐定四書朱子本義

奏為請釐定四書朱子本義以正學術事臣聞堯舜禹

湯文武之為君臯鼐稷契伊傅周召之為臣莫不加意
於學誠以學術正而後人才出人才出而後治化成學
術者人心風俗之本道統治統貫淵源於是者也欲正
學術必求之學庸論孟之書欲明四書必從事於紫陽
章句集註而義蘊精微毫釐千里苟非體驗服膺心知
其意末由能折其衷查明代永樂中命廷臣彙輯四書
大全其意甚美惜爾時胡廣楊榮金幼孜諸臣未為升
堂入室之儒又迫於期限僅掇拾元儒倪氏輯釋所載
藉以塞責臣嘗讀之病其於朱子原說妄加刪改間與
章句集註本義互相牴牾故自大全出而朱子之註反

四馬齋文集卷二

十二

晦註晦而四書之旨遽乖沿至明之中葉遂至隱背經
書顯攻朱註士子講學臨文輒敢闢入異說詫為新得
而明代之風俗人心於是大壞學術不正非細故也臣
愚以為四書乃學術之統宗紫陽為四書之正脈說四
書而異於紫陽者皆詖遁之狂言也即名奉紫陽而陰
樹新義者亦穿鑿之曲說也一切學術之是非以紫陽
之解裁之而孔孟之微言與義炳於日星矣 本朝文
教日隆 聖祖仁皇帝特命儒臣纂輯朱子語類文集
以嘉惠學者真度越百代興起斯文之盛軌第今所編
次與本註不相聯屬讀者未能貫串又明代大全一書

久行坊肆便於習誦近來刻本雖有明證其非者僅從原本逐條置辦不免紛拏又多雜取時俗講章魚目混珠終難盡一恭遇 皇上天縱聖學研味有素道統治統咸所會歸臣請 特命在廷中學問醇正踐履篤實之儒精擇海內耆儒夙學深於蕺陽闡域者無論已仕未仕各以名 聞今督撫資送來京擇閒靜之地一區朝夕聚處優其廩給俾於章句集註之後精擇朱子精義或問語類文集之與註義相發明者逐章條繫務從簡括其中同異是非互相明辨有爲朱子未定之說則節而不錄或宋元明以來暨 國朝儒臣所著足以羽

四馬齋文集卷二

十三

翼傳註者附存之其他支離膠葛於本註外別生枝節者概從刪削寬以時日勒成一書恭呈 御覽裁定刊刻頒行天下一洗明代仍訛襲謬之陋俾教官以此課徒學臣以此校士鄉會以此衡文海內學術悉折衷於朱子粹然一出於正而異說不得惑之風俗人心罔不導道遵路矣臣言是否可採仰祈 睿鑒施行

請除商人公捐之弊并申飭鹽禁舊例

奏爲請除商人公捐之弊并申飭鹽禁舊例以甦商便民事竊照兩淮兩浙長蘆河東等處鹽課爲 國計攸關務期釐姦剔弊以清賦源顧鹽課之完欠全視商人

之贏絀而向來積弊每有衆商公捐之舉其實皆非出之商人本心緣爲大吏者每遇一事必傳商網授意遂爾勒派衆商勉強從事究之所捐在此而所欠在彼於國家實無裨益併有姦商借端高擡鹽價以致閭閻並受其累所在官司以其方行輸捐遂任彼所爲置之不問是公捐之舉商人顯居其名而百姓隱被其害似不可不永行禁止者也至於嚴秤掣以速行銷緝梟販以疏官引必須威惠並行庶幾商民兩便若肩挑背負之鹽向來不在禁例我 國家所謂不盡利以遺民者也而司鹽官吏以及地方有司因與衆商交往親密秤

四馬齋文集卷一

三

掣之時往往任其夾帶不完課稅皆稱官鹽恣意射利而專於小民此微食用之鹽概行緝捕無微不至致使附近場窰之民男女老幼持尺布斗粟易鹽二三觔四五觔者皆陷於縲紲或至拖斃獄中良可憫惻又有商人擅用白捕分布各處一切肩挑背負之鹽攫而奪之甚且越境捕緝致傷人命臣辦事衙門見近日山東巡撫題達案內如昌邑縣民張有全等所買不過一二十觔食鹽又其地鹽課業經歸入地畝並無私鹽之禁而白捕擅用烏鎗以致張有全無辜殞命則凡巡役種種累民之處推類可知原其所由皆商人役財結官之故

也更有大商因鹽船往來不便將民間通行河港輒行堵截不但阻行旅之往來亦且廢田禾之灌漑而有司惟商言之是聽置民瘼於罔聞控訴不准通濬無期此亦病民之大者臣愚以為停公捐以息商人之藉口申舊例以脫細民之網羅嚴交結以絕官吏之朋比罪白捕以杜巡役之橫行禁堵築以資閭井之耕作庶課裕而民安法行而弊絕矣臣謹就耳目聞見所及直陳其事是否有當伏乞 皇上睿鑒施行

請復六科舊制省摺

奏為請復六科舊制以專言職事竊惟設官必分之職

四馬齋文集卷二

十四

責實當循其名使守官者先正其名而後在公者各舉其職查給事一官自漢以來相沿已久以其有事殿廷則曰給事中以其出入瑣闥則曰黃門給事以其統於門下領於侍中則與中書同謂之省前代之中書門下即今內閣大學士職皆居禁垣號曰兩省而御史則謂之臺臺省異地故科道分曹至今目科道曰兩衙門明非一衙門官屬也逮明初始分六科以省知六部之事而糾其弊誤時罷門下省不設而六科獨主封駁以補闕拾遺雖與御史同為言官御史職在監察百司故居於外六科職在宣行制勅故居於內所以重王言尊國

體內外秩然不可易也 國朝會典開載該科所奏

旨意有灼見未便之處許封還執奏部院督撫本章有情理未協者俱得駁正題叅至於朝政得失百官賢佞或特疏或公本奏聞是立制之初惟在慎重命令別白是非專責以言不任他事俾得從容謀議以殫其心朝夕論思以盡其職且天下民生休戚吏治臧否皆得於退食之餘廣咨博訪確有見聞即可入告以裨 廟堂耳目之所未及此我 國家立制本意恭酌歷代而無弊者也雍正元年以六科內陞外轉一事奉 旨著歸都察院管乃一時權宜之法然自此以後臺臣循照臺

四馬齋文集卷二

五

例一切減倉漕鹽等差與御史一體開列於是六科各員奔走內外朝夕不遑或遞相署理至有本科祇留一人者本章到科匆匆過目即以付部不及詳細審讀又其甚不得已則閭閻雀鼠之牘雜進於 內朝簿書期會之吏接跡於禁禦判署紛紜輕重倒置非所以欽崇綸綍整肅聯常也臣請 勅下在廷考正六科之制一切悉還其舊則臺自為臺省自為省給事中之名既正而後專責以言孰敢不職思其居竭誠盡慎以仰報 國家者乎至於內陞外轉會典舊例各科將條陳叅劾本章造冊移送吏科序俸開列題請 欽定是則資

之淺深言之當否 御覽昭然原無待他屬而後定也
且 國初以來臺省未嘗合一不聞差遣之員倘以城
倉漕鹽等差事屬緊要人數未敷則但當增置御史之
員不必更分給事之任抑 更有請者會典開載凡內
閣交出密本由各該科掛號即將原封送各該部取職
名附簿備查是從前密本未有從內閣徑下者即前代
中書門下兩省更互校驗之意也今 到任以來見所
發各科本章祇有紅本而密本並未一見至 皇上諭
旨徑由內閣發部者 等遲至浹旬始得從邸抄一讀
如此則雖欲有所論列或已無及于事似非設立科臣

四馬齋文集卷二

六

之初指也嗣後請聽 等派出本科筆帖式二員每日
輪班赴閣恭抄 諭旨併所發各臣條奏密本既省掛
號轉發之煩 等亦可不待邸抄即得預聞 旨意備
見奏章庶幾隨時論列以仰贊 高深之萬一 蒙
恩拔置掖垣心所未安不敢隱默輒用核實上陳仰祈
皇上睿鑒施行

請杜冒銷工料價直

奏為工料之價直有定官吏之剋減無常請 旨勅下
直省明刊成數懸示工所以杜冒銷事伏查雍正十三
年刊有 內廷現行則例及物料價直一書鉅細畢載

成法井然惟是各省興作或隨地度材或因時庀役當
俟各督撫題達到日核議請 旨頒刻通行期於價平
貨善廉稱工良 聖朝寓明作於考工小民即子來以
食力行見月要歲會與絕風清矣乃 自到科以來每
日接讀本章及揭帖手本內有以浮冒劾叅者有並無
工料數目籠統開載致干部駁者有駁詰之後始行冊
報仍與部例不符勒令追賠者有隨叅侵冒隨罰重修
者有勢難重修姑仍其舊稍為彌縫賠補者凡此皆冒
帑誤工累民病役之大畧也夫事後之糾叅不少則事
前之防範宜周 竊慮不符部例之冒銷易知名符部

四馬齋文集卷二

七

例之冒銷難測也何則各省於未興工前確估報部已
竣工後委員勘實此常例也然九卿所定之例各工所
估之數惟直省之大員知之領員知之勘員亦知之即
吏胥輩皆得與知之獨彼列肆之商賈力作之匠徒則
茫然不知夫既不知工料應得之數則物直之高者貶
之就下工價之多者抑之就寡且曰 國家之定例如
是而節省之名歸於公侵漁之利入於私矣即如州縣
凡有濬築必按圖甲起夫票捉籤拘始行就役使其果
符部例窮民儘堪餬口何不踴躍赴工致煩迫促如是
邪則皆官吏隱秘成數以逞其伸縮出沒之姦所致也

凡以為物當其直役償其勞 國家率作省成之事功豈可為且下出少入多之囊橐且工程先經核減成數復不全給若大員毫無扣剋屬員何敢冒銷未可徒以事後一叅姑塞其責也伏乞 皇上勅下直省督撫凡一切營造開濬所需物料工匠遵照部例估有成數一面題達一面即飭該府州縣備錄達部細數如堂宇之層間高廣船艦之闊狹淺深木石之長徑寬厚土方之段落丈尺磚瓦灰釘蓬索等之勛兩分寸船運車載夫扛等之里數雇費逐件開明分書其價併大工每日給銀若干小工每日給銀若干悉行刊刻榜文實貼各處工

作埠頭地方多為印發以防遺漏俾公平正大之價直眾目共觀眾耳共聞少有伸縮出沒彼行戶工匠處處可以訪察人人得以指証雖有不肖官吏包攬匠頭驅之明目張膽之途各懷口眾我寡之懼而貪者莫敢不一於廉矣安有籠統開報於事前侵冒追賠於事後者哉如此則賈匠競奮工築堅牢不特慎持國計亦以保護官民 在工言工是否可採仰祈 睿鑒勅部詳議施行

請杜捏造改供之弊

奏為請杜捏造改供之弊以慎刑獄事竊惟獄之生死

定於案案之出入定於供 臣去年辦事山東道御史衙門見各省命盜案件皆由府州縣錄供問擬復經按察司巡撫次第研審然後遞達 命法司核擬具奏亦既詳且慎矣第其中前後口供已成鐵案法司所核擬者惟是罪案輕重之未符律例新舊之互異得加駁正至於所犯情事之虛實詞氣之真偽無從辨也設有不肯官吏上下其手鍛鍊周內雖使臯陶聽之猶有餘辜則且奈之何哉王制曰刑者例也例者成也一成而不可變故君子盡心焉凡以此也 臣愚以為州縣京於考成迫於期限每有倒提月日改供避駁之弊如福建南安縣控報黃怨孃與楊秀通姦一案去年巡撫糾參者是也查州縣錄供皆由招房書吏隨供隨書呈官附卷號曰牌供以其語多冗雜申報上司時刪繁摘要聯為一片號曰序供夫序供之法一字出入可使情罪頓異况官吏通同作弊至於毀匿草供別為捏造傳會成獄民之含冤負屈何可勝言此誠當大為之防也 臣思序供固不可廢草供尤必當核惟草供不呈上司故州縣得以私改伏請 勅下直省督撫令按察司每季用鈐印簿若干紙編定號數給發府州縣官於命盜案件錄供時選擇善書吏役即於印簿如實填寫無許先書別紙

託言潦草審畢另騰州縣官仍親自查驗以防遺漏添減等弊再令佐貳官一員同堂驗視號數驗畢令各犯親自畫押覆審亦如之申報序供時將鈐印草供一併附送以憑府核州審時亦用印簿錄供報臬以憑司核司審仍自用印簿錄供併將府州縣草供附卷詳撫以憑撫核如序供與草供詞氣互異查出嚴行駁審該上司亦不得指摘瑣屑故為詰難以致案件拖延如此則姦胥猾吏難以上下其手而捏造改供等弊可以永除法司原情定罪庶幾能得其平以仰副我皇上慎重詳刑之至意矣臣伏覲 聖主好生大德務使天下

四馬齋文集卷二

二

請定科場經制

奏為 聖朝文教日新多士觀光倍切請垂科場經制以昭畫一事我 皇上加意作人振興士氣下 恩科之詔廣入學之名普天率土咸欣欣向風慶千載一時矣近又 特頒諭旨停止捐納俾不在六藝之科孔子之術者皆絕其道勿使並進超軼漢唐比蹟隆古垂諸史冊永永無極行見數年之後所用莫非科目人員任使之路已寬登進之途宜廣臣考場屋舊制尚有名同

實異應加釐定者彙征之吉幸值此時敢為我 皇上陳之一大省之中額宜均人數也查各直省中額人才多者額多人才少者額少故有大中小省之分此 國家因材而篤中正無偏之制也乃若同為大省人才既足相當而彼此中額不免參差者則以但均額數而未均人數也伏覲乙卯科直省試錄有不及百名而中一人者蓋順天首善之地培養宜優小省如貴州四川廣西等邊方僻遠之區鼓舞宜亟也至於大省如江南湖北兩處計合一百五十卷始中一名較其他大省人數獨多中額獨少即以江浙並稱才數而浙江卷共一萬二百有奇中一百四名江南卷共一萬五千三百有奇較浙江人數餘五千一百名已足當一小省人數而額亦止中一百四名此中額之未均者一也又湖南湖北本屬一省查湖北卷共七千八百有奇湖南卷共六千七百有奇湖北計餘一千一百名而較之湖南祇多中一名此中額之未均者二也臣伏查會典開載自順治十七年至康熙二十六年江南中額較浙江湖廣皆多十餘名此非偏厚於江南也因其才之多而多之適所以為均耳後於四十一年題准浙江湖廣俱照江南例增至八十三名此非偏以江南為準也江南數優則他

四馬齋文集卷二

三

大省視江南為準設他大省數優則江南亦當視他大省以爲準也後復於五十年議定直省中額俱於五分內增加一分於是江南湖廣浙江三省俱增十六名共中九十九名迄今仍之然臣以爲前之湖廣浙江視江南爲準今之江南湖廣當視浙江爲準何者同一大省浙江一百卷而中一名江南湖廣百有五十卷而中一名以中額計之則均以人數計之則相遠之至也且各省自 聖祖仁皇帝五十年增額後復蒙 世宗憲皇帝培植教導天下化成計閱二十四年人文日盛而額未有加然則參伍其數歸於均平以廣厲士子安得不

四馬齋文集卷二

三

仰望於執中之 聖主哉臣愚以爲會試之額以二十人而中一名則鄉試之額請視會額而倍其五焉以一百人而中一名而天下無遺才之患矣伏祈 皇上勅下在廷查將江南湖廣兩省照依乙卯科浙江人數中額每卷百名取中一名各監臨於三場竣後飭提調官通報騰卷實數一面咨明內簾照數取中一面先行具題達部著爲定例每科中額之盈縮視闈卷人數之多寡則江南湖廣皆得比數於浙江之中額數不必盡同而稱物平施之道無過於此也此外如江西亦係大省額與江浙湖廣相等查人數於一百二十餘名內中

一名亦宜每科照數定額至山西陝西福建雲南四省現在皆係百名中一無庸另議惟河南山東廣東皆係一百四五十名內中一名不等三省人文較之大省實難例視而人數既多可否量增額數以示鼓勵惟 皇上恩賜裁察一改教之職員宜許與試也各省舉人貢生有挑選試用未能勝任改就教職者本省以其曾經署理印官不准送考入闈臣以爲此非 國家樂育人材意也夫署員與實授不同改教與罷斥有別以其未諳民社不可徒以政學故使爲士子師仍得研味經史講求時務以期後效非遂棄之也若其人果能再自激

四馬齋文集卷二

三

昂讀書著文奮志科目庶幾無負 朝廷改任學職之美意何爲絕之於場屋哉考宋時有由主簿等官登進士第者此職官應試之明証且今現任教職例得與鄉會試而回籍候補人員反不得與是一官而異視也臣伏見其中頗有年力壯盛亟勉好學之士若彼明知絕望科目則志氣必索然消沮學業必日就荒落人材墮廢實可憫惜今當 恩科伊邇普天踴躍觀光獨彼改教人員懷鉛握槧黯然而隅思一入棘闈而不得非所以仰承 明詔推廣 德意也伏乞 皇上勅下直省督撫學臣凡一應改教人員無論現任候補苟有志鄉

會試者俱准一體送考則械模作人之澤益鼓舞於不
已矣以上二條臣言倘有可採伏祈 皇上睿鑒施行
策

吳中風俗

風會之日趨於浮華也法禁之不止令申之不從而
潛移默奪于法令之外者惟修明禮制而已蓋奢麗之
敝化也其原起於世祿之家鮮克由禮禮也者因人之
情而大為之坊使之返本復始而不自覺賢者倡焉而
愚者則焉故曰齊之以禮又曰惟禮可以己之風俗之
所以正士習之所以醇鮮有不由乎禮也夫國奢則示

四馬齋文集卷二

五

之以儉國儉則示之以禮此矯而革之道也然愚謂
儉之一說猶不足以厭奢者之心何則徒示之以儉彼
將曰吾非奢也禮在故不得不然夫禮之不可以儉而
廢也亦明矣則何如因而予之曰若所行者非禮也若
此之謂禮隱其崇儉之名而導以行禮之實彼將習于
禮制之一定而富者以越禮為戒則有所節貧者以如
禮而止則可以守其去浮華歸本實也不難矣要其倡
而行之則斷自庠序始我 皇上以士為四民之首屢
頒諭旨諄諄訓飭欲其敦本務實為鄉里先而民間
一切嫁娶喪葬與夫車馬冠服之宜又皆垂為令甲戒

其踰分所以防範而整齊之無不至矣乃吳中習俗相
沿未能丕變或家本窮空而飾為充實或資既饒裕而
頓事豪華往往商賈而張公卿之儀奴隸而修縉紳之
度見美則競莫可禁止宜執事籌維俗之道念砥柱之
難而重有望於士人之倡率也則愚所謂修明禮制以
為移風易俗之本者端在此時乎人之情好自銜而恥
彼此之不相及世家巨室偶行一事閭巷小民往往傳
為美談私竊倣倣習之既久遂成風俗不知其何以當
然第曰某氏業已行之然則倡率之道可知已矣庠序
者習禮之地也士人者行禮之族也士所共趨民必慕
而趨之士所共去民必羞而去之今請於婚嫁之儀喪
葬之度祭祀之品車馬衣服宮室之數賓客宴饗之節
酌古今之宜別貴賤之等立為定式頒之天下俾博士
弟子相與講明其意肄之學宮以時視其違率以別其
行之優劣朔望恭讀 聖訓之餘則召里中父老事為
之剖使歸戒其子弟親戚勿違 憲典以取咎辱且告
之曰禮在則然非以靳爾費也夫民既曉然于上之人
之欲其如此矣而又見夫一鄉之中素號為世家巨室
者無不行之度必憬然曰禮固若是易行乎我儕小人
夫何可以不勉將見向也以無財為耻今也以無禮為

四馬齋文集卷三

三

恥向也以無財爲耻而反軼於禮今也以無禮爲耻而反約於財其有不歡欣鼓舞相率以從士人之後者乎所謂無崇儉之名而有行禮之實去奢去泰之道信莫善於禮也雖然爲此者又必責其成於賢守令焉史稱潁川多豪強難治韓延壽欲教以禮讓乃召郡中長老爲鄉里所信者數十人與議定嫁娶喪祭儀品略依古禮不得過法又令校官諸生皮弁執俎豆爲吏民行禮百姓遵用其教黃霸爲潁川宣布詔令百姓鄉化今詔書之勸勉屢下也國家之典章宜守也古今之禮度可參也誠以禮制之修廢爲有司之殿最設誠而致行之優游而馴擾之何患士人之不率先百姓之不從化哉

四馬齋文集卷二

三

士習

古者聖帝明王之治未有不由太學來也有虞氏命夔典樂以教胄子直溫剛簡即學行所自始也而詩歌之法音律之度文亦未嘗不兼舉焉他日工以納言時而屬之則文與行固維其合不維其分也下逮成周其制尤備以至德孝德敏德治其行而以禮樂射御書數治其文一年視離經辨志三年視敬業樂羣五年視博習親師七年視論學取友九年知類通達獨立而不反謂

之大成文行其有不合者乎而風勵之權則又特重於上春習舞天子既親往視之矣至秋而又合吹馬賢能之書天子既拜受之矣有弗率教者則又率三公九卿諸侯大夫親往視之惟恐一材之弗成一人之或棄以重累我教於是乎發咏升歌執爵酌養老也中多者與祭中少者不與祭習射也出征必謀於學歸以訊馘告用兵也淑問如臯陶在泮獻囚斷獄也所以示天下無一事之不出於學而學之者不可苟焉自足如此故其時明體達用之士往往出於其間蓋教化之涵濡者久而天下之士亦爭以華實之不副爲可耻也漢唐宋教士之法已非先王之舊而道德經濟時蔚然可進于古豈非崇儒敬學之明效而士之敬應以實不以文乎我皇上道備君師右文樂育於古莫並雍正二年春詒學釋奠宣講經書圖橋聽者莫不仰菁莪之澤樂械櫜之風茲者仲秋釋菜多士雲集觀光外國遣子入學特頒諭旨親詣行禮士幸觀斯典安有不感教思之無窮爭以實學實行相砥礪者乎乃執事猶以首善之本實在成均歷舉義規使擇其要則莫若通其制與選其師二者而已夫古者造士之途多方今則畢舉而試之制義以制義爲明經之業也緣明經之意而稍

四馬齋文集卷二

三

變之使升於太學者月考季試弗務爲排偶之文第以所占一經倣朱子學校私議令條舉衆說而折其衷月朔望更令講解辨難而質之司成因以察其學問之純駁與氣質之變化其行亦從可知焉至通知世務以待時用請倣胡安定分經義治事之意令治經者於六曹中各擇一曹之事習之歷代之沿革近今之制度以時肄焉說經之暇進而試之俾詳舉其事而出已見以擇之異日措之當官蔑不沛然矣激勸之法莫若復明之積分陞舍而弗限以年學之成熟行之端良者司成以時錄焉而超常格以寵異之反是有爵則漢唐之通經

四馬齋文集卷二

三六

宋元明之校分莫不具舉而三代造士之法亦燦然可親矣然而法者待人而行也人未得則法無從立故文章必如韓愈而後經術可明行誼必如陽城而後學規可肅道德必如楊時而後士範可立今百僚師師如數公者前後相望也亦在乎定制以付其人而已行者文之本也忠信者又行之本也洙泗之四教固已括唐虞之九德有周之三德六藝矣誦習於幼學風示於朝堂之以其制董之以其人濟濟多士其敢不奮乎其又敢不全乎

保舉

保舉有三善素與習則其人之賢否明一也作其屬則所事之擔荷共二也功過相及則其心之兢業深三也亦有三難外然而中莫測一也始善而終或墮二也名高而實不副三也愚以爲在大臣之誠心以彈其公明而已伯益之舉朱虎熊羆垂之舉及折伯與舜曰往哉汝諧君臣之際相信至深俾之協恭以和其職非有法以繩之也後世如祁奚之舉其子不爲私舉其偏不爲黨公也叔向於驥蔑一言而握手相賞明也諸葛亮謂士元非百里才明而公也裴度表退之自隨公而明也誠至則生公公至則生明明至則無事前之欺與事後

四馬齋文集卷二

三六

之悔古大臣協恭以體國未有不由斯道也若舍其素所知之人而避嫌以自全矯也非所以爲公也剔抉細微以爲天下之人無一當我意刻也非所以爲明也昔之人未下車辟荀慈明既下車辟孔文舉故名有所不必避也山巨源所舉皆一時之望每一啓事天下想望其風采恒至數十人故多有所不必諱也王旦之陰相薦達不使其人知之以爲我職固當如是非爲其人故恩有所不必市也不避名不諱多不市恩然後得盡其公與明而精誠由此上格大臣以人事君之義其道率由乎此也漢之舉掾互相檢察唐均其子奪於終身宋

許其自陳於中道皆以防誤舉之弊愚以為嚴之既舉之後孰若密之未舉之先內而御尹以時接見天下之士察其才可任某事德可稱某職即其小知其大觀其表識其裏由其始測其終識之於心洞然可信以待事至而保舉之其有或誤者乎外而督撫布按以時延見屬吏察其才可應盤錯德可謹暮夜即其小知其大觀其表識其裏由其始測其終核之於事反覆無疑以待不次而保舉之其有或誤者乎且夫天下之人謀面不足以見心也偏執不足以集事也引嫌不足以服衆也久任使以覘之咨公論以酌之持獨見以成之兼聽並

觀垂明當世開誠布公人不忍欺於以致國家於唐虞之隆率乃僚為黨為之佐裕如矣一切文法之拘檢舉之周牽制之密皆後世救過不暇之術不得已而用之耳何足語於一德一心克知灼見之日乎

保甲

緝盜之法莫良於保甲為其稽察者近而姦宄無所容其跡也然保甲行而盜不息則是奉行保甲者未得其人故也今之保甲非有化導之義而專以禁盜賊其事固已難矣若舉鄉中之耆碩而責之以保甲彼固不樂為也強而使之是苦之也勢必舉殷實誠樸者為之而

殷實之家畏盜已甚何敢詰盜誠樸之人又盜所視為易與而可欺者也於是多方求免於保甲之任而舍禁點之徒安所得保甲乎禁點之徒是養盜而非弭盜者也不寧惟是盜且得詭為保甲焉而根株牢固愈莫敢誰何矣嗟乎濱海之盜其力往往能交通官司鈎結胥吏白晝出入於市廛清夜呼喝於達路橫行鄉曲熟視莫問若此者一保甲之力其又能奮螳臂而與之爭勝負乎況夫保甲之法之未盡行行之又未盡善者乎我皇上軫念閭閻恐姦宄之徒藏身以為民害而州縣不盡按捕也因設巡行之員專董其事其嘉惠斯民甚

厚以其體統尊州縣之遼闊者勢不得久駐小民能自言其情者抑又少也愚以為當府設一官以糾之其職視巡按之司理凡府盜賊之事皆隸焉以時緝捕而上之於巡使府不得而鉗制焉其責專其任久其耳目易徧而盜賊之潛踪肆橫者或無所容其身矣然則保甲之法行之無當乎曰奚為其無當也誠使為邑令者實心奉行廢公舉之例而為挨年輪值自鰥寡孤獨外籍記其名歲首召見而易之其甲中一年無事及能察盜者即錄其功積三年而給之以賞或寬免其他徭以寵異之倘保甲扶同隱盜許本甲人互相發覺易其人而

重其罪永不得復爲保甲斯勸懲之義明矣邑令之奉行與否亦令府員之專設者據實報聞巡使巡使查核而報之於部有奉行保甲字樣者乃許陞轉庶不致視爲文具乎若夫環山阻海民獠雜處之鄉司牧者當就地通融不以十家爲限或少於十或多於十惟其鄰竝而易察者使相聯屬焉則法不至於拘而民亦無所於擾也雖然保甲以禁盜賊也非以興教化也其法實起於宋而宋藍田呂氏嘗爲鄉約之法立約長約副月爲之會以教其鄉錄其功過斯則周禮黨正閭胥之遺意使得與保甲之法並行天下有不化民成俗躋一世於時雍風動之隆者哉

四馬齋文集卷二

三

刑獄

刑獄者君子之所盡心也獄而至於疑尤君子之所加謹也蓋事莫重於民命而德莫大於矜疑記謂成獄辭史以獄成告于正正聽之正以獄成告於大司寇大司寇聽之棘木之下大司寇以獄之成告于王王命三公九卿參聽之三公九卿以獄之成告于王王三宥然後制刑夫獄之成者於法非有所疑也然且反覆推求不得已而始付之刑況獄之疑者其又可漫焉不察輕用我法乎且夫法者非俗吏之所能用也其意義深遠輕

重淺深皆有至理漢之公卿遇大疑獄往往引經斷決一言而解其時廷尉之法世共稱平故夫法者聖人制之亦惟聖人用之所爲與在廷臣工共相擬議而不敢以一切之法聽之俗吏乃輒曰一成而不變也我皇上好生之德本於性成校定律例詳審奏讞不憚再三準之中道至於事有矜疑尤必參議得失務歸平允不啻古者三宥制刑之意內外臣僚度無不共體此意以議獄敬刑矣然而罪之未得其平者猶不免時形於奏牘焉則以考成之法迫之而重民命之心不勝其重爵祿之心也今欲俾初訊之時即得其實則非詳審不能得也欲其詳審則非寬以時日雖過期而無重罰焉不能詳也夫兩造之辭情僞微曖變態百出乃以簿書期會之身忽畧於情事牽制於文法而限日月以定人之罪其有不出於傳會增損姑成其獄者乎非其智使然亦勢有以迫之然也然則考成之法誠不可不思所以寬其期也若夫時日既已寬矣聽斷亦已屢矣而其情卒不可得此真疑獄也夫疑獄者非俗吏之所能定也今州縣具其事之本末而申詳督撫督撫轉達刑部而請付廷議以論其平所謂三公九卿參聽之者是也參聽既得然後受裁於聖明之心而垂之爲不易之典

四馬齋文集卷二

三

獄無滯繫國無冤民和氣熏蒸仁風翔洽法立而不犯刑措而不用由此道也百爾君子可不兢兢然於疑獄加之意乎

心性

聖賢之論心性也其說多互相發明誠不可判而二也然卒未嘗混而爲一者理氣之辨界於微茫也或專乎理或兼乎氣則當隨聖賢之指意觀之而合一之義未始不見於言表虞書之言人心氣也道心理也虞書之言心兼乎氣湯誥之言性專乎理故不同也猶之大學言正心者正人心以全道心兼乎氣也中庸言天命者

四馬齋文集卷三

三

維皇上帝降衷於下民專乎理也究之道心即恒性所寓而心正則天命之性在其中矣非言心者遺性言性者遺心也邵子謂性者道之形體心者性之郭廓以理與氣分言之也張子謂合虛與氣有性之名合性與知覺有心之名以理與氣合言之也要之知其分然後可以明其合知其合然後可以晰其分也荀楊韓之言所以謬於聖人者知有氣而不知有理知氣之相雜而不知理之最純者即寓于相雜之中則其言性者皆虞書所謂人心已矣於性何有哉孔子言性相近則理與氣兼舉之聖人之言所以渾然無偏也其謂上智下愚不

移者則專乎氣之說也孟子言性善程子言性即理即商書之言恒性專乎理也又曰善固性惡亦不可不謂之性者即虞書之言人心專乎氣也周子之言剛柔善惡者程子之說之所本也故曰論性不論氣不備論氣不論性不明橫渠之言曰形而後有氣質之性善反之則天地之性存焉蓋天地之性未始不寓于氣質之性而標而出之則曰恒性曰性善曰即理渾而舉之則曰相近自張子從而剖析之而後知荀楊韓之曰惡曰混曰三品云者皆所謂氣質之性非天地之性也否則程子之言惡亦不可不謂性者何以異於三子哉是故氣

四馬齋文集卷三

三

質之性人心也天地之性道心也性爲太極心爲陰陽太極理也陰陽氣也知太極之不離乎陰陽又不雜乎陰陽者可以明心性分合之故矣且夫自太極晰言之則曰元亨利貞而文言取仁義禮智配之木行曰仁火行曰禮金行曰義水行曰智土行曰信漢儒以五行配五性者其原蓋出於洪範而仁義者又陰陽之大分也可以兼統禮智而實無一不統於仁何則元統四德生生之意雖斂藏而未嘗不具仁統四端惻隱之發雖斷制而未嘗不存然則一端見而四端之理畢具又何疑乎論語所以專言仁而以求仁爲重也孟子言四端而

推本於不忍之心且謂仁人心也猶是孔門之微旨也
程子亦云仁有以全體言者寂然不動感而遂通是也
仁有以一事言者愛之理是也然則欲觀心性之合者
誠莫切要于仁而其致力所在亦曰敬而已矣周子之
言主靜以翕聚為發散而程子之言主敬則貫動靜而
無不在焉此其于心統性情之功尤為要約也能敬則
能誠而信之主乎五常者一以貫之矣我皇上主敬
存誠開道法之先闡心性之奧實與虞書商誥所言後
先一揆愚幸蒙教澤敢不是訓是行以自棄於正學昌
明之世乎

太學

四馬齋文集卷二

三

古之所以成人材而起教化者莫先於太學故曰太學
者賢士之所關也后漢教習其制始具延及成周並立
四代之學米廩在北夏序在東瞽宗在西而太學居中
以涖之既名為膠復曰辟雍者辟明也雍和也明天子
之學所由異於諸侯之類宮也其官則師氏保氏大樂
正小樂正籥師承大胥小胥之屬掌之其事則六德六
行六藝以迄四教四術見於周禮及王制世子之篇者
可接也其人則自王太子王子羣后之太子與公卿大
夫元士之適子凡國之俊選皆造焉其序則升於司徒

者不征於鄉升於學者不征於司徒以優異之其造士
之法亦既備矣而春釋菜合舞秋頒樂合聲天子復間
往視之其有不帥教則大樂正以告于王王命三公九
卿大夫元士皆入學不變王親視學以警悟之其重於
棄人也又如此故其時人材或以德進或以事舉或以
言揚無不華實兼該體用具備下至曲藝亦誓之以待
又語其豫養之者有此具而訓導督率之者亦皆聖賢
之徒故足法也三代以下漸失其舊漢始立博士稍能
復古逮唐以詩賦取士而二館六學自經義外下至于
律書算亦皆列於學官其教雖已龐雜而陽城韓愈之

四馬齋文集卷二

三

屬為太學師猶足庶頑立懦至宋而有三舍之法其進
之也蓋有漸焉自外舍內舍遞試而達於上舍又分上
舍為三等其一以告於朝而授之官其次以待殿試又
其次以待省試其用之也與科舉之法並行而一時大
儒如安定伊川龜山皆為太學儀表斟酌學規儒術煥
然復明蓋得人之效也明興六堂之規積分之法乃倣
三舍遺意其試之合格而撥入率性堂者乃許積分所
積自一分達于八分為第又分為經國持世理民鎮俗
四科其尤異者則入于文華武英以待不次之擢其後
多拔補臺省部曹匪獨舉人之入監者然也又命凡國

子生月賜糧給其家而諸生之攜妻孥來者月與粟錢其前後官太學者如南陳北李暨謝鐸章懋羅欽順等並能教育有方寬嚴中節故士之得所成就為多然則訓導董率之責顧不重與今欲師前賢之遺意而行之莫若倣胡瑗蘇湖教法分立經義治事兩齋經學則不止課以文字並令朔望敷陳經旨會眾說而折其衷有能貫穿註疏發明濂洛者亟獎異之而升其等治事則令分為六曹人各占其一而肄之一事既精然後更及他事有能辨晰古制通達時宜者又獎而異之以升其等於是參三舍之規用積分之制無望其速成無拘以歲月而其人孝友中和行誼卓出者請倣朱子立德行科法不必限以分年之試即形諸薦牘而擢用之則有體有用之儒不且師師濟濟于太學中乎且夫崇實而黜浮者生徒之事也言坊而行表者師儒之責也博求端方夙學之士以為大學之屬俾朝夕陶冶而熏炙之其成也事半功倍矣有作君作師教養兼隆之聖人在上而賢大臣復各舉所知俾佐直寬剛簡之教婉美虞廷不難矣尚何三代以下之足議哉

吏治

天下未有官與民不相習而可以為治者也孔子大聖

人也其試可也期以暮月而有成也俟之三年夫聖人之立道綏動何如者哉其感應之神捷於桴鼓而事有所未及為法有所未及究漸民以仁摩民以義固非旦夕之所能致也子產之初授政也怨謗之辭盈於道路後乃從而歌頌之至以誰嗣為戚一子產也前則刺之不容口既又服之無異詞豈有異民乎哉習與不習之辨也然則守令之於民必待其習而後可以責其效亦可知矣漢之吏治家近于古龔黃卓魯之屬前後相望然如黃之為潁川也既入相而復出牧焉卓則賜爵進秩領郡如故逮寇恂之為河內也民遮道願借寇君一年帝亦從而聽之凡皆久其任以觀其成漢吏之所以良者衆也故曰安靜之吏惻怛無華日計不足月計有餘故所居無赫赫名去後常見思此豈可以一日二日之間定其優劣者哉且馬或泛駕而致千里士或負遺俗之累而立功名又豈有一事偶跌終身却退者哉此聖天子在上所以達聰明目破庸人之論而廣任使之途也程明道之居官也或報部民有傷人者明道曰吾部安得有此果有之必其所某人也已而果然夫未悉其事而預斷其人不習而能之乎非使之久於其任而又何民之能習乎有督率守令之權者固當寬以文

法假以歲時勿務爲一切束縛馳驟左牽右掣之具以撓之彼守令方救過之不暇而暇如漢之教化斯民者哉故夫久任者所以明教化而臻上理也非區區簿書期會之可幸無罪已也苟得是人則賜金增秩以榮之願書褒美以勸之俾得竟其功緒而無庸爲後人之貽則天下之爲守令者且得長其子孫優優布政而民亦親之如父母畏之若神明矣又豈有琴瑟不調之患乎且夫久其任者非徒以安吾民亦將以察彼吏也夫爲吏胥者多大姦宿猾彼覘知其上之非久而當去也以爲是無奈吾何則其挾輕上之心以試其愚上之術者

四馬齋文集卷二

單

且百出而未有已或貌爲謹愿而其姦未露不可得而測也或才似肆應而其惡未彰不可得而罪也且或彼之盤踞已深我之烹鮮乍試則要領未可遽得而事勢未可猝圖也何則不習故也惟既久而習知之矣則明以燭之使不能欺也可威以攝之使不敢欺也可披心腹以示之屏左右以詰之使不忍欺也更無不可不能欺不敢欺不忍欺則若曹雖日奔走於吾前我固有以用之而不爲所用矣又何待痛加澄汰而始不至於亂法蠹民也哉操督率之權者誠得賢守令而久委任之以安民而民悅以察吏而吏清訟簡政平化行俗美於

以上佐 聖天子慎選良牧嘉惠萬邦之意豈不休與論

三國論 十一歲作

夫蜀之所以亡者非魏之能亡蜀也實吳之過也而吳之所以亡者非魏之能亡吳也實吳自亡之也何則魏雖強必不能敵二國之衆司馬懿雖智必不能退二國之師使當日者蜀與吳併力以攻魏蜀攻祁山吳攻長安一戰不克則再再戰不克則三吳退而蜀繼蜀退而吳繼且加以孔明之智趙雲諸將之勇併力而攻魏魏之存亡未可知也何爲計不出此乃稱臣於魏與蜀修

四馬齋文集卷二

單

好而猶未絕於魏復何心哉至孔明死而與姜維同力攻魏則蜀之爲蜀未可量也乃維出駱谷未有一旅之助伐洮陽又未有一卒之及及至求援於吳又不急援而徒向沔中故史曰吳人來援蓋譏之也而蜀亦於是而遂亡吾故曰蜀之所以亡者非魏之能亡蜀也實吳之過也夫蜀亡而吳舉矣觀司馬昭之論衆曰吳地攻之最難不如先定巴蜀因順流之勢水陸并進此滅虢取虞之勢也後鄧艾亦曰兵有先聲而後實者今因平蜀之勢以乘吳席捲之時也蓋蜀亡則吳之勢孤矣而欲以區區江南之衆率以抗魏愚甚卒至面縛輿觀詣

軍門降宜哉吾故曰吳之所以亡者非魏之能亡吳也實吳自亡之也或曰魏之所以存二國之所以亡者有天命焉不可以強余謂不然蓋國之廢興天命居其半而人事亦居其半使當日盡其人事以攻魏天豈獨厚篡賊而盡棄二國乎

鹽法論

天地有自然之利焉固為民而生之也為民生之而不聽民之取之則利壅于上而下有遏絕無賴之憂然聽民取之而一切不攬其權於上則豪宗猾吏撻贏縮以乘時之緩急其究也利歸於姦人而民愈重困有國者

四馬齋文集卷二

四

酌古制度時宜俾民食自然之利而國家亦得坐享其成然後上與下均足而事可垂之永久而無弊夫天地自然之利莫如鹽而一切攬其權於上者莫如鹽法論者以煮海之謀禁及聚庸輒以罪桑孔之律上及夷吾於戲耕鑿之變而為井田井田之變而為阡陌勢不可以復反也苟聽鹽之自生自息而無有為之厲其禁者吾見海濱之民其亦日尋干戈于道薪斤鹵之間爾矣有聖王在上雖微管氏得不起而大為之防乎夫禁之是也而所以禁之道固將以利吾民也考之於古鹽法屢變大抵不出收鹽與收稅兩端官賣與商賣兩術

四馬齋文集卷二

聖

如齊則計其鐘釜而官出之又征而積之矣漢則因官器作者鹽官與牢盆矣後漢則衛覲請置使者監賣鹽魏武從之矣陳文帝則立煮海鹽稅矣後魏宣武則收鹽池稅利迄於永熙傍海置竈煮鹽矣唐開元中鹽池有租鹽井有錢欠即均徵竈戶矣至於收鹽轉鬻商人置其戶以司竈丁置巡院以捕私鹽者從劉宴之請也宋雍熙中令商人輸粟塞下增其直給顆末鹽矣端拱初置折中倉聽商輸粟京師優其直給江淮鹽矣至建鹽倉於真州俟漕船回空即載鹽散之江浙湖廣者本李沆之議也有明參用漢唐宋之法洪武中每竈一丁給工本鈔二貫又給以草蕩灰場此即官與牢盆之意也又令商人輸粟詣邊換引邊粟實而鹽課不虧是用宋法而得之者也自宣德而有存積常股之名以八分給守支客商以二分存官候缺餉名中人到即支其價重迄弘治朝徐溥倡議而葉淇成之令淮商引鹽悉輸銀戶部送太倉銀庫分送各邊是用唐轉鬻商人之法而亦未為大失也乃自成化時林誠奏定鹽課之例以半折銀解京半存場給客于是不徵鹽而徵銀遇有愈補即議均賠鹽法始與古大變私販之徒有以藉口而利歸於姦民害業於貧竈延至萬曆之季而民困甚矣

夫法之既敝未有不窮者窮而無所入於是必有一途焉因其勢之不得然而自趨之在上者因而予之則民樂其便而法可以久則今者商買鹽於竈而官取稅於商誠不易之法已何者官徵銀於竈而私販滋多則官病官取鹽於竈而吏上下其手不免有抑勒折閱之患則民病孰若竈自煮之竈自賣之無亭戶總催之賠納無各鄉濱海之區分商自收之商自鬻之無存積常股之濡滯無折徵給發之紛紜其法若與古一變而歷代之積弊廓如民之所便勢不得不趨於是即理不容不出於是故曰法莫良焉然而商人計引以買鹽引額

四馬齋文集卷二

四

之外商人不敢問也而鹽之所產實不可以引額限於是私販之弊復叢生其間官從而立之程曰歲捕私鹽當若干捕不及額者有罰利之所在雖嚴刑峻法莫之或止有朝欽趾而夕泛離耳不寧惟是此數十萬游手無賴之徒既無閒田以驅之農不爲私販其肯安然而已乎且夫上之人定其額而限之捕是明知夫鹽之所產之不盡於商引矣委而棄之乃掩而取之於義何居何莫非天地所生以利吾民之物也然則將聽其私販而莫之禁乎曰不然民有不盡之利我固將以不盡者予之而收其餘鹽請倣唐時常平鹽法每歲俟客引既

足即令民以餘鹽具數詣官告賣官爲給價如其與商市之數籍而記之而上之於運司視其地去鹽鄉遠者設倉置守如積穀之法遇歲霖潦鹽或不登商引告滯價將踊貴則運司爲減價以糶散之州縣是其始也場無棄地之貨所以利民者一其既也市無驟長之價所以利民者又一而國家於引額之外亦可歲收餘鹽數百萬石爲緩急之備此劉晏所以裕國而民不知病者也曰官與商收鹽之價其不能如私售之價明矣焉保民之必無出於私也曰吾豈徒收之而已吾仍將禁之請爲申明舊制負戴于道路者勿禁離場若干里以內

四馬齋文集卷二

四

者勿禁而江海出入之所艤艘巨艦巡哨倍嚴焉夫前者草爲收之而徒禁之民瞪然于上之人之將置此所餘者于何所也既收之然後從而禁之犯者必論如法民又何說之辭乎若是曷不增引之額而必餘鹽是收爲曰有定之謂額無定之謂餘額一增則後不可復減且商人方怵于正課之難辦又增其引誰樂受之若夫餘者多寡視晴雨有無在勤惰不拘其數不強其來此國家所以酬美利惠窮黎而不譏謗于少男少女之算異于所云坐長十倍也然則官收而官糶之與商並行可乎是爭利也漢獻時以涇民失業欲因鹽直市牛勸

利偶一行之非盛世所宜有昌黎所謂求利未得歛怨已多者不可以不戒夫我所爲收餘鹽者固以利吾民也亦非以病吾商也此法行而私鹽絕跡商引無壅將鹽之貴不至於傷民而賤不至於傷商民之利商與被之矣夫商與民則孰非國家以自然之利共之者哉

四馬齋文集卷二

四馬齋文集卷二

四

四馬齋文集卷三

海上曹一士濟寰著 姪 錫黼誕文編訂

婿 葉 承子敬 男 錫端菽衣

內姪張熙紳赤垂 男 錫圖起南 同較

議

開聲嘉洪議

竊惟上邑去松百里東瀕黃浦浦水貫城而西名聲嘉浜蜿蜒二十里出蒲匯塘以達郡治風雨無阻波濤不驚爲上海第一要河河旁支港甚多灌漑田畝公私均利自明季漲淤 本朝雖經開濬而奉行不力旋開旋

四馬齋文集卷三

一

塞田禾旱澇無備邑人至郡必由大浦洪波撼地巨浪浮天中流多溺水之人暮夜有劫舟之盜兼以潮汛匪時不發文武衙門或有緊急公務多取陸路一遇霖雨人馬泥濘進退維艱公私交病邑人望此河之通不啻大旱之望雲霓也屢欲具呈上籲實恐准行之後督責叢于一身供應萃於首事呼召不靈支撐無力付之竊歎莫敢發言幸值制府常公使節曾臨下邑福星洞照海隅惠吾干城既使犬無夜吠權其舟楫深憐波有涸鱗面諭明府詳加咨訪閭閻之懽呼載道某生長此土用敢掇拾芻蕘畧陳切要以塞明問之萬一謹條其

事如左其一曰河身方數宜明肇洪志載長十八里今以二十里爲准每里約該一百八十丈共長三千六百丈此定數也據河面舊闊八丈河底應闊五丈今傍河漲灘甚多狹處不過四五丈水之深淺亦各段不等應委精細員役同該苗甲首隨地曲折丈量自某段至某闊狹若干深淺若干逐一編號登簿明白然後酌定今所應開闊狹深淺之數折算土方土方既明工費自有成規不至欺罔破冒矣其二曰河岸挑泥宜遠伏見康熙三十二年署篆本府同知李公經政詳憲開濬緣工役偷情置泥近岸一經梅雨立時衝塌不越一載洪即

四馬齋文集卷三

二

淤淺今後宜令開河人夫糾衆鑿通兩岸高土成一小路以免自下升高之患挑土務從此路運入老岸之內雖有霖雨不至衝塌河內或有磚塊瓦屑宜飭甲首擇一隙地堆貯俟完工日雇船載棄大浦其三曰洪之上流宜疏肇洪取道蒲漚塘入郡今蒲塘雖可通舟自新橋以南七寶以北數段皆已淤淺小汛候潮數日牛挽始行肇洪雖疏仍難達郡請踏視淺處一體通濬以清肇洪上流之壅其四曰洪之來源宜導肇洪自浦入口貫城東西水關城河乃洪之來路先宜利導況城內外河道尤居民血脈所繫可資灌汲可免火災所關甚鉅

今城河久淤潮水一落涓滴無存愚民貪於小利築架露臺展拓屋趾日侵月削水勢不得不微是肇洪雖導而來源既阻安能通流請一體濬復舊址不惟行者獲利并使居者蒙恩其五曰督工宜擇能員河工釐姦剔弊皆在督工官一人之手苟得精明廉幹之員不畏疆禦不避勞動不拘情面萬年之利不日可成在明府公務鞅掌豈能時刻躬蒞誠宜請于上憲特委專員以司董率庶幾權重法行事專工核并舉里中紳士公平士幹者數人以佐下風工房書役尤宜慎選老成謹慎之員不必拘於本房總俟明府遴委作姦竊食之徒自無

四馬齋文集卷三

三

所施其技矣其六曰立法宜規長久黃浦濁沙每日計添一筲必得水流猛迅泥沙不留始無淤塞其道全在來口去口併歸一路不使分洩水勢自然迅利今浦旁日赤港從肇嘉洪半腰相接濁沙衝入易致淤塞前朝用堰填斷爲慮至周今宜仍於舊址築堰以遏其衝又大東門外內郎家橋前邑令陳公之佐用堰壩斷使肇洪之水皆從小南門外薛家洪出浦歸併一路水勢迅利城河日深合邑漕舟直達倉所官民兩便後爲姦民私行掘去今仍請照舊築堰以蓄城濠內外水源以上六條皆目下開濬肇洪所宜切究者也更有似緩實急

必當次第修舉者按前朝萬曆年間因肇浜蒲塘屢淤屢淤邑令劉公曠博采輿論以爲分流則勢緩勢緩則沙積乃於龍華地方特建一閘司以游卒月惟朔望兩啓視時水旱蓄洩其泗涇七寶諸水單從蒲塘徑走肇浜入浦去來歸於一路水勢極其迅疾濁泥不積河底日深肇浜蒲塘兩無淤塞之患此真拔本塞源之上計也邑太僕卿陳公所蘊碑記載費銀二千六百有奇半出官帑半出樂輸此閘既壞兩水交病倘得酌量重建則一勞永逸爲上海億萬年之樂利矣今茲幸值留心民瘼之上憲實心任事之神君敬達下情以備採擇至於詳細利病筆未能盡俟舉行之日爲明府一一陳之謹議

四馬齋文集卷三

四

上陳中丞吳淞開善後議

竊惟三吳之水利莫大於淞江以其盡洩太湖之水所謂塞則六府均其害通則六府同其利者前人言之詳矣今幸聖明在上軫念東南特發帑金大加開濬而賢公卿奉命旬宣與方面諸大寮體國奉公互相經理郡邑諸有司亦無不奔走承順勤於其職故能役不煩而功倍民不擾而事集美哉洋洋乎誠千載一時也日下東段施工繼以開座不日可以告成吳人唯式

歌且舞以頌萬年之樂利而其復何容置喙雖然至小而害多事有甚微而功鉅是故漏孔或至於穿石爲山不忘夫一簣以某生長茲土沐浴聖澤敢不以見聞所及爲執事訃謨之一助乎吳淞江之有閘也自宋始也原建閘初意以海潮之來渾入而清出計一潮之淀厚及一筭一日兩潮厚幾一錢一歲三百六十日厚三百六十錢二尺餘矣江之深止一丈五尺歲淀二尺其能常有此江乎故閘之設所以遏潮而使沙不得以入江法在少啓而多閉唯霖雨連綿江水泛溢則於潮退時暫啟以洩太湖之漲可無淫滯之憂其餘非奉

四馬齋文集卷三

五

官命不得輕啓昔范文正公守蘇郡議開吳淞江即有沙因潮至數年復塞必設諸閘局之以禦來潮之議此立法之初意也元僧維則松江觀閘詩云吳淞江水急如箭昔有畫圖今見面百川應令爭見趨東注海門如赴戰海波怒發驅潮頭戰退吳淞水倒流江潮一日兩相關萬古不決如伏轡江水平清兮潮水濁江水不似潮水惡惡潮推出海中洲堆積江面如山邱官憂水害難疏鑿橫江四閘同時作潮來下閘潮平開閘內不通潮往來觀此可見元時置閘不使潮通故江患獨少迨張氏竊踞閘座圯壞故夏忠靖棄而不濬其後海忠介始

濬吳淞又未遑置閘於是海沙得入漸淀漸淤假使如宋元之置閘何至三十餘年而即塞乎 本朝康熙十一年重加疏濬建立閘座迄今五十餘年視勝國時之通塞功幾倍之然尚未全收閘座之利何也昔本邑張主事宸條上募方伯書云海潮之得入江者以江與黃浦通也道宜使江之水入于浦不可使浦之水入于江江入於浦則江利而湖水平浦入於江則江塞而湖水壅法在建閘而已此數言者於閘座之利害最為明切惜當事者不能深計遠慮坐使有閘之與無閘等也蓋淞江之閘與西北之閘大異西北之閘主蓄水以利舟

四馬齋文集卷三

六

楫淞江之閘主遏潮以拒泥沙所用固已遠矣今自建閘以來以遏沙之具而為利楫之資致使海中之潮日來江中之沙日淤閘之於江曾無損益於其間者則以有閘而不能不啓且不能不於潮至之候啓之是與建閘之初意適相反矣雖有百閘復何利於此江乎然所謂不得不啓之故有二焉上海六百里內舳舻相接俱須取道吳淞以達江蘇等處若舍此而由浦泖往返迂迴官民交病是閘雖設而不得不啓之勢一也海潮退時閘中落水迅疾牽挽無從必俟潮至然後徐徐柱篙以上計一潮之來大小舟以百數皆乘潮便進閘是

閘雖設而不得不啓於潮至之候者二也如是而沙安得不隨潮以入江江安得不積沙以日隘雖有守閘之夫撿淺之船於舟過即行閉閘亦不過沙之入者稍薄于一筭耳豈能使怒濤濁浪不與吾江爭此寸寸之積也哉此其病於江者一也且也官置夫以守閘夫踞閘以索錢一舟之過少者十錢多者數十錢至夜尤倍之而行旅之出入幾如過關納稅之例矣此其病於民者一也然則欲常閉而不啓勢既不能欲頻啓而不閉理又不可求其江與民兩利而無兩病者莫若擇近江支流別為疏通以便舟楫而閘可以收障沙之全功民亦

四馬齋文集卷三

七

得利涉自如而無守候勒索之患今之建閘議移於舊閘少西金家灣地方平地另築則土不鬆而木石之力固誠良策也由金家灣而西約一里許江之南岸水口舊名寺浜由寺浜而東二里許南達周涇由周涇以達邑西門之城濠約四里其自周涇過洋涇以達邑北門之城濠僅二里昔邑令史公彩於建閘後曾加濬治可以方舟揚帆商賈之往來士民之出入不由浦不過閘而發足城濠晝夜無阻至便也今歲久淤塞而三十石之小舟尚可因潮往返則疏理亦易况現奉 明詔凡屬支河小港灌漑田疇者俱着開通此浜即無關建閘

例亦應疏况通縣之要津閘座之右臂所關甚鉅言乎
今幸使節按臨伊邇請賜俯采未議躬行踏勘飭下所
屬酌議或就近數畝出夫或就通縣均派衆孥易舉務
使盡去漲灘加倍深廣使得永遠通舟凡上南兩邑行
旅俱可取道於是無波濤之阻無守候之艱無寇盜之
警而所建閘座置夫看守惟冬春漕艘往來上司座船
臨蒞特命啓之其餘則否如是而沙泥之得入於江者
蓋亦僅矣且此浜里數不多工役易舉第在執事者一
指揮間而閘座莫不拔之基邑民受無窮之惠所謂事
有甚微而功鉅者此也由是請之 朝寧著爲令甲越

歲即行撙淺使此浜常通而不塞則閘座常閉而不啓
吳淞江可常深而不淤矣豈惟一時之功實乃萬世之
利惟大君子之留意焉國計幸甚民生幸甚
周涇既開則潮來閉閘潮退啓閘於閘制誠善矣獨是
周涇之利舟楫以達江者以其與邑治城濠通也今城
濠之雍塞抑亦甚矣由濠密通黃浦渾潮出入且自北
迄南水口有四曰洋涇曰陸家石橋曰郎家橋曰薛家
浦潮至此四分夫水性合併則迅分流則緩迅則刷
沙緩則停滯必然之勢也又况兩涯市屋日侵月占城
濠之丈尺視邑志所載僅得其半往年雖奉疏濬而督

工無專員吏胥上下其手苟且塞責堆土近岸曾不一
二年而濠之淤塞如故矣今爲吳淞江計不可不建閘
遏沙欲建閘遏沙不可不開周涇以通舟楫欲通周涇
不可不濬城濠以達浦而濠之深闊務依舊載丈尺悉
撤侵占處所委任幹員專責其成毋使旋開旋塞徒費
物力然又必合其口之分蓄其流之散而城內外之河
道庶可百年無淤矣何謂合其口之分如洋涇陸家石
橋郎家橋等處水口盡行堵築塞斷蓋屋其上以防偷
掘惟留東南薛家浜水口使之蜿蜒三四里以達城濠
既免直瀉之患而諸港併歸一路落水迅疾泥沙不停
塞三而濬一則事半功倍所謂合其口之分者此也
何謂蓄其流之散查前朝盛時向有薛家浜木閘故趾
尚存誠得依前建立時啓以通舟時閉以蓄水則城濠
有所防潴而不至遽涸可以禦盜可以救災所謂蓄其
流之散者此也凡此非愚一人之臆見也嘗考張主事
宸上募公書欲疏三渠以分江水之勢其一渠請由蘆
浦亦係吳淞南岸水口入肇嘉浜周涇南至西門城濠即與此浜相接以達上海城濠塞濠
之通浦水口如郎家橋陸家石橋桂香橋等處而置閘
於東南濠薛家浜以達浦雖江口從入之處不同然實
即今所議由寺浜入周涇以達上海城濠之意也是故

濬城濠非以為江也正深所以為江也何則城濠通而後周涇可用止留薛家浜一口而後濠可常通也又何用從閘往來致有泥沙入江之患乎伏惟賢執事高見卓識防及未然祈詳加省覽次第施行以為吳淞閘善後久遠之計豈獨上海一邑之幸而已

或曰江旁之田不下數萬頃閉閘以遏潮灌溉之利得毋有時而涸乎曰不涸也太湖滙萬山之水滔滔東注止藉婁淞兩江以洩之當淞江塞時每遇霖雨吳中即有白水之患所以濬江者慮其水之過多非慮其水之或少也倘有旱暵必須啟閘受潮則一手足之力耳又

四馬齋文集卷三

十

何灌溉之足云或曰遏潮以拒沙則周涇之入江者亦潮也有潮即有沙奚舍此而取彼曰不然擇害莫若輕擇利莫若重浦潮之與江接者其勢直其力強其岸闊浦之氣繁若足以吞江而有之而挾沙以入故難當也若寺浜周涇者以浦較之與溝澮等耳即有微沙所及有限況迂迴曲折六七里而後達江其潮又已微矣若盡塞諸口使浦獨由薛家浜入則越十餘里而始達于江潮勢益微江水盛時自足刷沙拒潮而浦水且抑不得進又何患焉曰是固然矣區區民力既用之以濬江又用之以濬支河又用之以濬城濠不亦憊乎曰事有

緩急工有後先非一概而施也目下所急者唯在周涇入江一道最宜通利且由洋涇以達城濠不過四五里為事易集而大便於民民無不額手望之至城濠薛家浜之開濬各口之堵築則姑休民力以俟次年惟定其規模摺奏請 旨庶後無因循廢閣之患此則當路諸

君子所宜盡心者耳曰閘座宜少啓而多閉則行旅往來何不舍舟於閘之外易舟於閘之內如他省過壩之法而奚事別濬支流為曰是則利於江而不利於民者也計自閘抵城可四五里行李之任負風雨之泥濘商民益不勝其苦矣展轉就舟又不勝其費矣則曷不濬

四馬齋文集卷三

十一

此四五里之支流為一勞永逸之計使江與民兩利而又不煩 國帑不改舊蹟賢憲司第下一符檄督之郡縣委之里書而民情踴躍事可計日而辦仁人君子為國計籌萬全為民生謀永賴豈有靳此一簣者乎惟是兩涯或有圍占丈尺必宜深廣則非憲司援以成法或至苟且卒事今郡邑之長皆賢且才度必又有以處此矣某伏處菰蘆欣逢 聖人在上使數千載之禹跡復見於今輒敢以千慮之一冒昧瀆聽以副當代大賢周爰咨詢之至意干冒威嚴曷勝延企戰慄之至謹議

序

玉篇後序

吾郡亭林顧氏於梁大同間撰玉篇三十卷迄唐處士孫強復廣益之其本罕存於世近吳中始爲開雕而秀水朱太史氏序其源流甚悉顧吾不患是書之無傳雖傳焉抑習者尠也近世所行梅氏字彙部分多舛頗便循覽學者猶必俟有疑字然後檢閱已即置故處終歲不一省又況是書之不習於目者乎度世人少入村塾識數百字後日應舉發科胥取足於是矣又何須多讀書識字而強聒不休乎雖然此俗人耳是書之設爲好古者設不爲俗人然且曰此訓詁之學我務其遠者

四馬齋文集卷三

三

大者故不暇以爲噫亦不思甚矣爾雅訓詁之祖也漢儒釋經皆本之周公豈爲訓詁之學者哉陸氏之釋文舍訓詁無以明經矣宋人雖曰得千載不傳之秘然亦豈能蔑去訓詁而竟造閭奧也故訓詁之學廢則經術之本亡矣祭川者先河而後海齊人將有事於泰山必先有事於配林今窮經者好談義理而不辨訓詁是昧其本也故習之者少吾不責俗人而責窮經好古之士昌黎譏楊子雲讀書不識字子雲親作訓纂豈如世人之不識字哉夫亦詳於理而略於音切者之失也今國家留意六書陋前代正韻之作特命儒臣即張氏

正字通本刪蕪補缺正其譌謬輯爲字典一書以昭同文之治伏考中所採掇自說文字林玉篇廣韻等書外無闕入者洵精密詳審足以垂百世而不惑矣顧石渠之藏學者既未得畢見而玉篇幸傳於世帙省文核易於卒業雖儒者窮理盡性官治民察之道不恃乎此而訓詁之學要爲有助於窮經也以是上溯乎說文爾雅之書本既正矣然後求之國家之著作以觀其會通字學不大明於世與我故推朱氏所未詳者以爲讀是書者告焉

周易函書序

代

四馬齋文集卷三

三

古今來有可已而不已者擬易之書是也有不可已而卒未已者解易之書是也易之作起於聖人後世非聖人則不能作即大聖如孔子且贊焉而不復作而擬而作之者何爲哉故曰可已也易自聖人作之復有聖人焉爲之彖象文言繫辭卦傳以明之而後之人卒苦於難解也由是言理言數遞相發揮或訂其淆謬或補其缺略其於聖人之旨苟有一當焉不以前人所已言而不言亦不以前人所未言而憚於言也蓋五經之原天地鬼神之奧雖累百千萬言而其理曾莫之窮其數曾莫之盡故曰卒未已也光山胡少宗伯滄曉先生少航

於易研精覃思垂四十載著書數萬言名曰函書而間出以示子蓋有得於先天之學直窮圖象所自來而不屑襲先儒之解其諸不可已而未已者乎先天之圖漢唐諸儒未嘗援以為說宋康節邵子始出其所傳於穆李者畫為四圖以還庖羲氏舊觀同時大儒猶未之信也至紫陽朱子始表章尊崇編於啓蒙之首以開導學者而陸象山袁機仲輩猶力排之蓋先天之圖之不易傳也如此今先生心領神會於千載之上復有得於邵子之所未及者則曰河出圖洛出書聖人則之皆指庖義氏也圖書既陳八卦始作即所謂觀象於天觀法於

四馬齋文集卷三

十四

地非有繫易衍疇之分也於是又以為庖羲之時未作卦先畫圖乃仿象其意立為循環太極圓方之圖以分配河洛而伏羲初畫之兩儀四象八卦以次陳焉文王開伏羲之兩儀四象八卦亦以次陳焉而乾坤二體二用之圖復以次陳焉以為夫子所謂開而辨名當物者有伏羲未開之圖有文王已開之圖形皆從圓以象陰陽之交不煩拆補必明乎此而後可以見易此函書補圖之大旨也嗟乎先生之用心於先天可謂專且勤矣抑函書之補圖述耶作耶古之作者連山歸藏其次第與周易異今既不可得見後世如太玄元包洞極潛虛

諸書徒求異於周易不知而作儒者病之若夫輔嗣康伯之註既多蒙翳至宋儒程言理邵言數朱言占各明一義而易解始備今先生乃復取程邵朱所未言者而補之圖之先生不且為胡氏一家之易乎哉吾聞宋劉牧引大傳之文謂圖書二者皆出伏羲之世聖人兼取以畫卦即朱子亦云書可為易圖可為範是則圖書以作八卦非出先生之創見明矣惟是所補之圖前此未有然觀圖圖以黑白分陰陽亦仿周子太極圖象引而伸之以求合乎伏羲初畫之次第未可謂之胡氏一家言也然則函書之補圖非作也其述也其諸不可已而

四馬齋文集卷三

十五

未已者也先生不以老耄見棄而問序於予予舊學遺忘尚安能測函書之淺深於諸儒何如者哉獨念先生之齒雁行於予而精力不衰手抄口誦卒成此書將以待後世之子雲而予目昏神疲徒誦假年學易之語自歎其寡過未遑而已此予於序先生之書尤不禁慨然增慕者也

沈氏族譜序

予髫髻時即識里中沈默菴先生先生以良醫名海上與予大父暨予父交最久每來予家輒坐語移時豐頤長髯容止甚偉尤善曉譬人意病者聞之灑然如清風之

被體不待進也調藥而疾苦已釋其半矣迨老用藥尤慎無敢稍逞已見曰人命可嘗試耶其存心若此予既長交先生仲子紫垣於庠序時予家往住集邑中諸名流爲文字會張燈夜飲四座甚喧紫垣獨默然若無能者予心異之暇輒之紫垣家叩其所學則自曆象星辰以迄奇門六壬卜筮方伎經生家所度置不一留意之說靡不津津然若羅異物於几席玩以自樂而無問世之所急顧尤好形家者言推本其數於洛書而以元運爲統紀時嘗語予予未能學也默菴先生既沒紫垣從子左城以其學行四方如先生在時紫垣於所知識有

四馬齋文集卷三

十六

疾苦間往視之視輒效然不以自名庚寅冬紫垣偕左城手一編詣予曰以我與子交三世矣微子不悉我先世之志我沈氏之居海上二百餘年而譜有詳有關者慎也且是譜也余父輯之從兄某繼之子小子敢藉手以告成事於戲賢哉沈氏父子兄弟間可謂達生生之本而進乎道者矣人道生生而已非生則無族非譜則莫知其所生夫生之序具於譜猶先天之圖也有生而慮不克保其生於是乎有醫藥醫者後天之術所以濟先天之窮也有生則必有死歿而不忍致死之仍視生氣所在以藏既朽之骨而延生意於無窮故形家之術

處乎先後天之間三者皆孝子慈孫所自盡然必有本焉譜其首務已今之人侍疾則求醫擇藥則求師而於其父祖之所由生反不加意是察氣辨色而不知臟腑志龍脈所自起而詳於草蛇灰線山水融結之處也不亦惑與紫垣一家之中務精生生之術既出有濟於世入無疲於先而於身之所從來父祖之所由以生尤兢兢述作若此於戲不忘其生而後可以及人之生豈非知本君子不徒以術自名者與昔有宋范文正公微時欲學爲良醫以其及人之功比相君後既貴仕修宗法立義莊以贍族人安有志於天下而忘其本支者乎

四馬齋文集卷三

十七

抑余又聞今蘇郡學宮故錢氏南園地有善相地者語公苟卜築此當世世貴顯公曰請公之郡人因割以爲學又未有私其本支而不推於天下者也夫文正所欲爲者紫垣左城既身爲之世爲之矣文正所能爲者紫垣左城力未足爲之而意則有樂乎此也誠能抱文正之心出其術以施四方則後之保世元宗光其前人安在不文正若也默菴先生之志意者有在斯與按譜沈之先嘗以醫相繼擅名成弘間後有自孝廉爲州佐者迄明季而家中落失其世次至默菴而復以醫名於時也詩云無念爾祖聿修厥德舍默菴之子孫將誰屬與

左城有弟長叔從子遊彬彬為諸生人謂沈氏之興可卜也於是譜之成舉子所及知者告之且以為勸焉

江都張氏家乘序

代

余自庚子秋分校江左得士八人儀真張子與焉壬寅余以疾謝事適至京口假館於門人周子於是張子渡江來見手一編求序於余余受而讀之則乃祖昆明宰滌園先生傳誌軼事而諸名公鉅人祭誄題跋之作具列焉余往來大江南北耳滌園名甚熟知其為當代循吏恨未及一悉其行事至是始獲觀本末而又惜其仕之不早與年之不永未獲盡施於時使所

四馬齋文集卷三

六

傳者止此而已也雖然滌園其可無恨古來循吏之傳具在其行事亦僅一二見耳外此豈無高節偉行足光史冊其門生故吏既不能心知其意紀述而著明之幸有存者一二傳後子孫式微門戶衰息又不能編錄蒼萃藏之名山以待史氏之採擇即其事足徵其澤未斬往往託之不得其人使超越尋常震耀耳目之事辱於庸工之手文采闕然詞意萎蕸則亦不足以潤色功德永垂來禩使千百世下咨嗟歎慕於無窮古人之所恨正在此耳今滌園先生之卒於其官也其門人僚友既為之表其遺愛載於志乘而子若孫又為之傳誌銘及

軼事以播揚之且不以屬之庸工而必求夫當代之工於詞而力能自及於古者曲摹其精神備肖其情事是文也傳滌園先生為不死矣而又何恨之有記有之先祖無美而稱之是誣也有善而弗知不明知而弗傳不仁此三者君子之所耻今張氏之於其先不亦明且仁而釋乎君子之所耻矣乎觀於是編者既美其所稱又美其所為滌園先生雖賢微後之人能必垂於來禩如古史冊所載使千百世下咨嗟歎慕於無窮否也於戲先生之才與志不止於是而其可記者止於是命也抑亦將厚蓄之以遺夫後之人詩曰無念爾祖聿脩厥德

四馬齋文集卷三

九

張子尚念之哉

豐利場陳氏重修族譜序

天下事創之者難矣繼之者尤難創之者追古法於舉世不為之時而繼之者因循苟且置為膜外日積月深前代之成規於是盡廢傳曰其始不立其卒不成蓋言創也詩曰以似以續續古之人易又曰有子考无咎孔子釋之為意承考也蓋言繼也苟無續而承之者則雖本支之重昭穆之嚴且將目為殘編斷簡聽其蟲蠹鼠蝕若滅若沒不一省視又安望其肯堂構而詒燕翼者乎哉我於豐利陳氏譜有取焉按陳氏自宋南渡未由

吳閭徙居如臯之豐利場起家爲富陽尹者是爲集七公由富陽而下分爲三支瓜瓞綿延蔚成大族子姓耕讀而外多食力於煎海以給公家之賦淳淳悶悶不知其他國初洊經兵燹譜牒散亡族之長老慮傳愈遠而考訂艱也乃請吳中老儒韓寶雲先生主其譜事發凡起例參取宋歐陽蘇氏二家之法其事行之美者各繫傳贊以表之又作爲訓語數十條戒子孫以孝友忠信爲本於戲法旣備矣雍正己酉秋裔孫彭以譜之作自順治癸巳迄今幾八十年名字生卒蓋頗散逸大懼遂泯先世之傳乃稟命於父兄徧會族人告以重加修葺之意於是奉韓氏所作舊譜若干卷且書其族屬之賢者具幣走百餘里詣余而請筆削焉陳之子若孫庶幾能續古而承考者矣如之俗瀕海濱之民嗜利而健訟好鬪以輕生隙起於錐刀之末而禍蔓於骨肉之大蓋伯叔兄弟之獄無日無之即號爲士大夫有不能免何怪於閭井之間乎余悲夫一本之義之不明而民俗日即於偷也雖微陳氏請猶將誦常棣伐木之章以錁于申之況其能續古而承考不爲習俗之所變易者哉陳氏之世謹於譜可以爲如人勸也余前至豐利館陳氏家祠中庖湍有所燕饗有堂絃誦有室其族之老

者謁余莊莊爾藹藹爾少者謁余恂恂爾抑抑爾又知陳氏能守其家法不徒以譜誇舊族爲名高而已物之遲久而發者其實嘗倍於他種異時有魁儒鉅公傑然崛起於濱海之區者必歸之陳氏宗無疑也會余方計偕北行未及諦其世次就彭所示作小傳數篇貽之彭在諸生中以學行稱其續茲譜也率乃祖攸行無輕變韓先生法

溧陽任氏族譜序

代

譜有二道有慎而譜之有追而譜之詳世次明昭穆存其所可知而闕其所不知毋敢有傳會疑誤焉此慎而譜之也考繫姓邇時代由我之從生以及乎初生母敢有率略放佚焉此追而譜之也是二者皆反古復始不忘其初之意而仁孝者之所用心也由慎之道可以明敬由追之道可以明尊夫祀典之限於分者義固有所止而譜牒則彌遠而不忘也豈以其綿延荒忽而莫之綴屬乎哉故譜之重也與廟制並溧陽任氏譜其先世斷自元初始遷者曰顯顯以上略而未詳蓋其慎也迨後再譜則由元而上之以及於梁曰昉字彥昇曰我江以南族人之所同祖也又由梁上之以及於春秋曰不齊字選曰我任氏之所自出也不齊楚人爲聖門弟子

列於史記治不齊而下至於顯近六十世其世與名約略可稽者具載焉曰我先世之所僅存也不敢以廢鳴呼尊敬之道於是乎備矣余嘗謂古者官師皆得立廟廟既立則祀典修祀典修則凡世傳之序昭穆之次皆可目接而知手數而悉也是固無待於為譜譜之作其起於廟制缺而宗法廢乎緣是而別子繼別之義百世五世之分猶得井然考見其由來而油然而起於仁孝則禮意之不亡作譜者力也我於任氏乎觀之軒轅之子得姓者二十有五人而任居其一詩曰思齊太任文王之母殷周之際任固世不廢祀矣其在於傳則曰寡

四馬齋文集卷三

三

人若朝於薛不敢與諸任齒夫春秋之時薛為任姓列於盟會而譜止溯自不齊何也記有之諸侯不敢祖天子大夫不敢祖諸侯廟制既然而譜可推已任之不於軒轅薛伯而於不齊也追之中又有慎焉茲所為亡乎禮者之禮也與任之族散處於江南新安義興聞其繁多貴仕而漂陽之後仍世未顯自顯下十餘世為贈承德郎新菴先生曰文璋始以積學篤行發跡賢科任無錫學博士子至今稱道之實手訂此譜以授其冢子今少宰香谷先生曰蘭枝越癸丑三月少宰出而請序於余余惟任氏蘊德韜光歷數百載今始厚集於少宰少

宰於法既得立廟合族所以承先亢宗溥之而橫乎四海者顯懿卓燦匪徒一家傳敘之事也要之食報遠者其導源也有自惟仁人孝子乃能繼序以滋大茲譜也可以觀其深已余故明其合於禮意者以發之

萬卷樓初稿序

自時文盛而古文之學微大江以南名能古文者予知兩人焉曰古嚳張樸邨義興儲六雅樸邨議論法度一稟於朱子嘗語余曰余始以韓歐之文為至矣觀於朱子然後知韓歐未得為至也微獨其理勝亦古文之法至朱子而大昌矣六雅之言曰蘇氏馳騁筆力橫絕干

四馬齋文集卷三

三

古今世才士往往慕效之顧易入粗豪成習氣不如學南豐質實而不佻有法度可據依故六雅之文拘折古宕得之南豐氏者居多是兩君子者余皆畏服之其後乃遇梁谿顧子震滄蓋自丙申冬云時余就試暨陽震滄訪余僧舍各出所作古文辭數篇相示相善也已亥復會於暨陽因得復觀震滄近作則序事筆力尤雅健得史遷法予自愧弗如矣震滄往與余論文酒酣耳熱縱論秦漢以及唐宋元諸家夜盡燭九寸不憊聲徹戶牖余每歛衽推先獨於有明三百年作者力尊宋潛溪氏以為當與唐宋六家抗行美當冠絕明代余疑之曰

潛溪之學則博矣體則備矣然其文境坦夷一往易盡較其師吳公立夫淵穎集風神頓挫猶若遜其峻健者子以爲抗行六家母乃尊之或過與震滄曰此潛溪之所以爲大也蓋其學之博故沛然達之如江湖之流不自知夫滔滔者之爲險與乎也其體之備故盎然出之如草木之茁不自計夫芄芄者之爲疎與密也余曰善哉余之所未聞也雖然潛溪不嘗有述乎曰作文之法以羣經爲根本以遷固二史爲波瀾故其置力於諸經者最久而後讀遷固之書若破竹焉定諸子百家之異同若別黑白焉然後發之於文大小畢貫吾與子母亦

四馬齋文集卷三

五

羣經之是務以求夫潛溪之所以大者而違曰潛溪云爾哉震滄曰然吾子之言潛溪之志也庚子震滄既舉於鄉將與計偕門人王發等刻其集若干篇既成屬余一言余惟世之志科舉者爭敝精竭力於時文而古文之學爲無所用有涉其藩者類酬應牽率假途於近代一二家不復知以古人爲師若震滄旁搜遠紹多所自得方將脫去場屋羈縻翱翔乎作者之林其所以成就固不可量無事以潛溪相畫也抑又聞潛溪生何王金許之鄉熟聞朱子遺緒故其文純正有南宋之遺而朱子所爲文實出藍於南豐曾氏古之作者豈不如川澤之

相灌輸附萼之相承接者哉今樸村六雅皆在京師震滄攜是編往與商略源流本末之故必有講於世之所未講者惜余不得從震滄後一與之上下其議論也姑次向時所往復者以待兩君子折衷焉

重編陸文裕公行遠集序

前代正德嘉靖之間姚江盛談良知北地矜言復古士大夫靡然從之終明之世學術文章日以訛失蓋雖豪傑之士冥然莫覺其非者幾二百年而吾邑文裕陸公生於是時獨能心知其非是微言緒論時所指斥於是歎前輩淵源深遠學識堅定不爲交遊名譽所傾動百

四馬齋文集卷三

五

世而下猶令學者因公之言知所自立以不失其家法其言於朝者曰陽明討逆平蠻功在天下至其講學吾未之知又筆之於書曰今諸公併與性即理也一言爲不通之論夫義理要在悅心如登高然高一步則所見自別若未至其地而議之何益之有趙函谷司徒至以太極圖爲真贋實犯此何言與其語學者曰文字當各寫胸次落筆成家如江河之潤日月之明乃可傳後近有作者繩趨尺步於一字一句曰吾學班馬吾學韓柳作者果如是乎又曰張文潛謂無見於理而以言語句讀爲奇反覆咀嚼卒亦無有文之陋也此言切中今日

之弊又引林竹溪之論曰歐曾老蘇東坡獨絕唐後者以其詞必已出不蹈襲前人又自然耳蹈襲非剽竊之謂但體製相類筆力相似皆是也斯言甚足救今日之弊又曰左傳被近時學壞成一套子其論詩者曰詩貴性情要從胃次流出近時李獻吉何仲默姑論其近體似落人格套雖謂之擬作亦可嗚呼公反覆致辨於學術文章之變者可謂微而中約而該矣抑嘗考公年譜王海日先生主江南省試公爲解首與陽明交好如兄弟及陽明講學受徒數貽書與公往復多不合而集中不傳豈惡啓爭端削其藁耶公爲庶常時何李屢相唱

四馬齋文集卷三

三

和而平生持論不爲苟同後且誦言其失蓋公崛起海濱逮事成弘諸公雍中則師章文懿館中則事李文正他若羅整菴魏莊渠顧東江諸公皆謹守家法不眩新學耳目所及學問彌深故能別黑白於未定之時辨淄澠於交流之日爲後之崑山虞山近之當湖安溪導其先路嗚呼公所謂豪傑之才也文集歲久漫漶耳孫景房取其伯祖永寧公明季時所刊行遠集重加編校定爲二十四卷示余讀之景房爲余表戚自其少時尊大人鶴坡先生出先世藏書嚴督之詩文字畫皆本家法又辱以余爲可教時時招至日涉園中相切劘以道義

因獲側聞文裕議論風采之萬一茲集也豈惟一家一邑之文獻是徵抑亦有明一代之學術文章所可緣是以考見其同異離合者景房之才將起而大文裕之傳能無汲汲於斯乎雖然公之文未嘗屑意摹古而立言多得大體記序誌銘尤雅健其佳者殊不盡此外集所編皆裨實用刪節尤難盡取全者訂之庶嘉惠於無窮景房曰是吾志也當世嗜先公之書法者未必知其文章慕先公之文章者未必知其學術子姑務明著之令稍見梗概而後以全者繼焉奚不可余遂不敢固辭而僭爲之序云

四馬齋文集卷三

三

菊賦唱和序

唱和古也唱和而次韻非古也唐之詩家至元白始盛有其體延及有宋蘇門諸子迭相往復雖奇躡險無一韻複沓以爲能然卒未有施之賦者何則篇章煩重避就尤難部分既同格調莫別自場屋取士且不能限之以韻而況於登高言志之作乎乃今而吾友嚳邑金子正音始創爲之金子負異才不屑當世事性嗜酒中歲乃逃於禪其於菊也樂其天全以爲非盆盎中物故曰慮囚拘其性量孰與菊而矢諸美哉游乎物之初矣繼之者子長祝子祝子以詩鳴托於醫以壽世其於菊也

以爲延齡之友美夙根之入道擬縮地以下居美哉列仙之儒也而唱之者則爲芝庭沈子余與沈子未相見讀其作比興雜陳義無專適美哉流連光景有以自樂者與要皆限於韻而不爲韻拘由三君子之詞以觀其志吾以爲無悖於古也夫詩有和韻無次韻既而次韻興則和韻廢始自一二人偶然爲之後遂沿襲不可止且曰匪是則弱焉前此賦未有和韻者今一變乃有次韻吾慮夫才人之心好爲其難而唯辭之競也故原本於三君子之志各有其所以然者存之以誌賦家之始變蓋亦出於偶然耳後之人無徒爲壽陵之步已焉若

四馬齋文集卷三

三

夫菊圃之盛衰絕續子長慨乎言之矣

陳滄洲先生近詩序

詩者志之所之顧不能不隨所遇以爲正變有唐作者莫盛於杜少陵氏綜其出處而論緩步青瑣即羔羊之委蛇幽居空谷宛柏舟之隱痛前後之際正變遂分要其志原於性情往往百折而不可易一士嘗反復考之一則曰致君堯舜上再使風俗淳繼則曰許身一何愚竊比稷與契少陵之志視後世詩人何若也間關險阻不忘君國晚登諫垣力救房相所履皆古大臣風節豈徒爲孝辭以張已者哉卒之轉徙成都在白頭幕府曾不

得數州之地比於節度觀察諸使一展其方略遂使論者儕於不平之鳴而世且有窮而後工之說嗟乎此豈知少陵之志哉其遇使然也今少陵得用於時從容密勿經綸宇宙而後作爲歌詩以繼幽風七月鹿鳴魚麗文王清廟之遺其才何遽不足嗣音周召顧使憂讒畏譏感時傷事如今所流傳之作乃少陵遇之不幸非其志也一士嘗謂少陵之才不盡於詩詩不盡於所作蓋爲此也我師長沙公詩未嘗規規焉摹擬杜氏而默與之會由其性情篤厚正直學術闊大鎮密政事豈第精勤故見之於辭時而沉雄悲壯時而容與流連時而藻

四馬齋文集卷三

三

耀高翔時而希聲疎越變態非一莫不原本忠孝比物連類雖率爾游覽贈答未嘗不因以自見其志其與杜氏蓋水乳而臭味也豈若優孟盛唐外強中乾者較得失於字句間哉兩典大郡若保赤子中爲異已所嫉再蹈虎尾甚至捃摭詩句蜚語文致賴天子明聖特賜原宥旋召入中秘編纂文字前後十餘年今乃簡自宸衷不次擢用畀以導河重任自漢唐宋以來知人之明與人之壹未有過於公所遭際者也公志百折不悔與少陵同而所遇非少陵所敢望矣嗣自今二南雅頌之聲所謂經夫婦成孝敬厚人倫美教化移風俗其

用至於正得失動天地感鬼神少陵之鬱而未發者皆將於公身親見之此千古詩人之極軌也而茲集蓋爲之權輿焉爾集始庚寅訖壬寅凡得古今體一千三百餘首皆未刻本總目曰近詩公所題也其間忠孝大節與夫秉正嫉邪飢溺由己之概讀者可自得之一士久忝門牆獲預編校之末旣竣因識一時遭逢之盛以俟公之賡卿雲元首而載歌焉

路舒馭閩遊詩稿序

閩山峻水阻非宜且幕蔑由以至其下上灘水舟穿石罅行分寸失懼觸以罌焉俄波湧舟駛水濺衣袂枕席

四馬齋文集卷三

三

膝篋盡溼乃相顧慶無恙抵會城舍舟而陸輿陟嶺當偏仄輒挽使步予于犖确砂礫中俯瞰峰矗矗立脚下喘息倚石坐少蘇僂以降皇遽就驛宿未晨門外聲轟然撼夢促疾起會食嶺程視昨日尤倍云雖素豪於遊坐爲山水困耳又暇刻畫其奇秀靈怪狀抉造物者之慳而投贈於此土乎唐堂黃先生詩學名一世幕中友類工詩然不暇詩余不能詩且未除服強爲之亦不成詩獨華亭路君舒馭時肯爲詩詩又絕工其不爲閩山水困而將以詩困閩山水也閩雖山峻水阻如路君何余迫負土期旋戒途矣路君留當一年歸倒其囊閩山

水狀細碎且畢出度震震然不眩掉余心目不止也路君之所獲已侈大哉路君幸無遽歸使閩山水怏怏於君才之未盡也

花語山房詩文小鈔序

士受天子知遇出入禁闥旁夙夜匪懈以圖報稱不惟其言苟不獲已有言則必追古作者與詩書之旨相比附而後足以揚聖明酬天寵無得目之爲小技同年友小屋顧先生伏處海隅年幾六十一旦以哀輓 仁皇帝詩四章上感 九重不次 召見賜居澄懷園之花語山房入直 皇子講讀 賜金授職游被 恩命爲

四馬齋文集卷三

三

史冊所不恒有顧皆得之篤誠至性雲風之從自然而合非有先容汲引之階其事爲尤奇而小屋之報稱於此尤難也言者心之聲也言以足志文以足言故因文可以見志僞者無得託焉惟聖人能察之矣彼以詩文爲小技作者自小之也韓子曰仁義之人其言藹如傳曰仁人之言其利溥哉言立而德與功胥繫是何小技之有乎小屋之詩紀 恩賦事不矜雕繪而溫厚莊敬之思盎然畢露其爲序記傳誌雜文皆原本忠孝發揮治體張皇潛德務達其中之所見然按之風雅謨訓之旨有不合者鮮矣由其言窺其志知小屋能舉其職非

徒以文章報國者也 聖主之知人善任緣是亦得仰見於萬一小厓又可秘而不傳乎余向兄事小厓平居持論未嘗苟同而所志則同茲官京師不獲數數見每見又未嘗不以大義相切劘也小厓既不鄙余言余亦心折小厓之能守其素志不以窮達間於茲刻也無侈詞以附於古者僚友勸勉之義

吳冠山同年歸權圖詩序

吾友冠山吳君家世儒素少擅神童之譽甫壯登第越三載以高等授史職歸省其親尊甫竹齋先生當逾艾之年舉相莊之案閨門肅穆聞於鄉里其季水部君又

四馬齋文集卷三

三

與冠山同登進士官京師摘文拔藻輝映一時天之玉冠山於成而豐其遇以順適之者不為少矣冠山將若之何凡吾同館之士五十餘人其不逮養者固多矣或逮焉而慶不偕偕矣或年已耄老惕乎有日薄西山之慮如是而歸者其歸同其歸之心不盡同也如我冠山不歸亦樂歸尤樂也冠山故獨子去家三千餘里竹齋先生常常念之顧不欲其歸冠山之心雖暫歸亦樂也夫冠山則豈徒以榮家耀俗為歸者哉曩者 聖天子嘗 召我多士而錫以謙受益之一言矣冠山才高而學富與之馳騁文苑翱翔藝林自謂敏者未之或先顧

冠山冲乎不自有也今將修子弟之節循奉授之儀以慰南陔白華之思處境易溢持心益恭先聖之所誥誠今上之所勗勉冠山固素喻而服行之其歸也方莊誦 彛訓於竹齋先生之前日篤不忘以無負 國家

所培養與厥先尚書公之遺澤在是行也冠山豈徒歸者哉易不云乎有大者不可以盈故受之以謙有大而能謙必豫謙者所以保厥有而進乎豫也冠山之得全於天者既大又能執德之柄以發撫之君子之吉萃是矣能無豫乎客有圖歸權於尺幅者自相國桐城公以下咸作詩以美其行爛然成帙余與冠山同貢成均舉

四馬齋文集卷三

三

京兆又同升禮部同館之士咸曰子年最長宜有贈余天之鮮民也竊傷己之不逮養大冠山之遇而敬衍聖天子之訓以重其歸

劉母八十壽詩序

湘潭有壽母曰袁太孺人余同年編修劉君元燮之母雍正十有二年五月十一日屆八十設悅之辰元燮偕其弟庶常元炳同官京師不得歸拜堂下因徧請於同榜同館兄弟作為歌詩若干首將郵致尊甫司訓君誦於大母之前以樂其志來謁余序之余謂子之發名成業光顯於時使國人稱頌然曰幸哉有子夫人父母

之心皆然大父母之於孫子蓋不啻然也一旦歲時伏臘爲酒介壽環顧三黨內外暨隣里僮使少長咸在獨吾某子某孫方馳驅王路不得在視寒暄之節授几奉杖左右老人以爲懽笑其心必有愴恨不釋然者雖其子若孫之心亦恒若怵怵有動於中故曰是用作歌將母來諗彼絕裾而去者獨非人子乎哉今太孺人年登大耋猶織如平時司訓君未及引年之期即告歸終養朝夕作嬰兒五綵之戲兩孫連茹而揚王庭一家之中有司訓君以爲太孺人樂故孫可以出有編修兄弟以爲太孺人榮故子可以處福祿之難全久矣太孺人乃兼有之受命於天唯松柏獨也太孺人之謂與雖壽百歲未艾可也余爲鮮民也久凡遇乞詩以壽其親握管輒不能成章茲獨序袁太孺人壽詩意壽其親者皆當如司訓君父子然後可爲我後生法於是乎言

春融堂稿序

文不可無養也養而後至乎道襲諸子而佻襲語錄而俚襲史氏百家而龐雜言爲心聲失所養而病於道其氣象卑似之流俗波靡莫知反正而制義之真面目或幾乎息矣吾邑姚文青疇有聲諸生間者三十年未嘗泊於勢利授徒浦濱塵事屏絕涵濡乎六經反復乎唐

宋儒者之書而得所以爲文之本見於制義清深溫醇蘊蓄彌厚務以心所自得發明聖賢之精意一洗鋪排冗長淺率躁露之病而制義之真面目獨存讀者望而知爲有道君子也余觀才士所著述往往驚魂動魄令人廢卷起立旁皇想見其爲人然而坎壈失職窮愁拂鬱之氣時時溢出其間甚或假聖賢之言以自鳴其激昂慷慨不可一世之態而文與道益背馳而不能復合姚丈之遇亦窮矣積學力行進而被放於有司退而不適於流俗乃其所作氣愈和詞愈粹泊然無有幾微不平之意斯豈養不足而文是矜者哉嗟乎姚丈所爲不悖乎道也余所交隱君子雲間趙虎文先生人品至高文亦勁挺奇古肖其志節年既老矣猶爲童子師其窮日甚雖有奇詞奧旨將沉埋剝蝕於塵土中無有好而傳之者是集也不亦孤行而寡匹矣乎

穆如集序

風者天地之聲也言者人心之聲也風之聲類而爲焚輪焱而爲扶搖熾而爲庖廋而爲飄陰而爲曠雨土而爲霾日出而爲暴是風也有益於物乎無益於物乎言之聲粗若噴猛若詈佻若狂巧若簧絮聒若婦孺刀惡若駟僧細碎若蟲唧而鳥啾怳惚若鬼囁於暗室是言

也有用於世乎無用於世乎清風一嘯則萬物悅懌雅音一奏而人心和平其義蓋在烝民卒章之六言矣康成之箋以穆爲和謂工歌之誦調和人性如清風之長養萬物至考亭易爲深長義各不同意本相貫彼夫萬竅怒呿畏佳並作其勢足以搖撼宇宙震眩耳目一再聽之索然意盡迨其既濟則寂然無餘惟不和也清微之風其來也徐徐其入也油油其披拂乎物也若無所庸其力顧愈久而愈不厭莫不欣欣然發榮潤澤而無一切傾側顛覆之害和故也凡聲和則深長矣有聲必有容調調刁刁風之容也記有之言語之儀穆穆皇皇

四馬齋文集卷三

三

釋者以爲容止之美夫聲和則容亦美矣自然之勢也嗟嗟聲和而容美旨深而味長苟非學之粹養之專即春秋兩試之文什未可得一二而況於童子場乎風之被物也翼其裊言之入人也養其蒙童子試者春秋兩試之始也吾亦安得言之悉出於和美深長者導之盡亦盡刪其粗猛佻巧絮聒刁惡細碎恍惚之習之大有害於和美深長者而一以反是者導焉庶乎昔賢所謂穆如者可幾而至與余友楊子雲九館於桐川汪氏以其師焦丈廣期授徒之文與汪子掖清哀輯成帙擬行諸世屬余決擇審定得若干篇因爲論其大意如此學

者試朝夕從事焉有用於世而無害乎其心則是編也抑亦可告無罪焉爾

王斗初時文序

方天下刻畫准格如配成句人人以震澤江陵衣鉢高自位置而吾江以南三四人者頗有所可否別白於其間嘗竊歎以爲老成未喪典型斯存降而爲虎賁遠矣流而之優孟則愈遠以僞亂真舉一廢百弊之所極同歸勦說而世顧莫之察也夫以天下奔走承奉惟恐不當而草野窮餓之士顧鰓鰓焉不爲獻諛貢媚之論以售其私果何所望於上哉誠慮夫學之者之過至於刻

四馬齋文集卷三

三

畫妃配重負在上者返本復始之心不若人極其才之所至俾各名家而弗執一說以繩之爲無悖於震澤江陵也夫貌附者神叛而未異者本同道固然矣分卑地遠其言既過而不得進於前而承奉之過至於毛吹癢索俾制科無一完文而後已吾三四人者所以荒江老屋默不發聲以爲文者有勢位氣力者之事非窮餓之士之所得言也當此時而斗初王子乃獨不鄙而與之交始吾見斗初文於由拳友人家歎其才筆秀鍊無俗下勦說之陋亟以告人無知者不數年斗初才名日益起會余自京師歸方急負土事絕口於文斗初適哀所

作視余未暇讀爲書報師洛俾爲論次斗初亦以事遂之京師也丙申余既除服授徒南浦不得已復稍稍論文積雨連日夜浦水瀾漫流潦盈途一葉忽至乃我故人既握手相勞畢復出其文曰子今可以言乎發其冊則凡余所欲言者師洛既盡言之而斗初之文固自可名於時爲無待余言而信者余獨悲斗初之意尚不能無望於世之人而師洛且有異於在上者之同其好也夫曩者在上者嘗好言文士或以不爲苟同故其言不得一進於前迨夫承奉之過轉足爲在上者之累則世又以好文爲大戒而能文之士益非有勢位氣力者之所樂聞勢將復委爲窮餓者之職而相視不一議也綴文者自是其益失望乎夫斗初之文則可自貴重已矣

凌孝述時文序

要東前代之季制義分爲二家復社二張以古文詞號召天下天下靡然從風而顧麟士先生獨善說書時時引先輩法彈射當世名士當世名士頗憚之吳門楊錢右麟士吾郡陳夏主二張兩家之學彬彬稱盛要其流弊互有是非附古文者尚記誦喜駢麗其失也勦而膚華而不實貌先輩者泥訓詁矜繩墨其失也迂而淺樸而不文二者制義蓋均病焉吾友凌子孝述生於是鄉

獨能調停兩家之學以自見其長往往驅使成語如自已出而按之聖賢立言大旨先輩法度無或凌躐昧沒以爲能蓋其鄉先生之流風餘韻耳濡目染去粗取精錚然傑出於流輩所謂離之則兩傷合之則兩美者矣孝述與王子愚千相善余自戊子始識愚千而與孝述交尤晚丙申冬愚千授余窗稿俾疏其意未及竟而北行孝述寄余是編在丁酉秋余藏之篋衍者踰年己亥館孝述里中張氏始發而讀之以歸孝述時愚千已成進士其文大傳於世無以余言爲也余獨有感於婁東前代崇獎氣類風流弘長其盛訖於末世未艾竊歎以爲二張一顧之徒昔何其壯今何其窮也豈今之合顧不若昔之分也與抑主持推挽之柄固在上而不在下與晤愚千并以余言詢之

王學舒時文序

自吾友師洛陳君之亡余屏跡不至吳門者三載傷斯人之不作悼同志之日孤時方爭雄壇坫各自名家亡友緒言絕而莫續無復望於其鄉之士己己亥冬杪館太倉之直塘遠浦月上林風蕭條學子輩方短檠呬唔有艤舟踵門贊其文來見者則師洛之門人崑山王子學舒名之醇者也先是王子年弱冠即操鉛槧甲乙一

世文字目之曰醇前後流布遠邇自江浙間邨塾里師
几案無不置王學舒選一帙者方是時王子名籍甚師
洛見其選靳之曰王子才邪是集也惟無行愈行即愈
累王子名不鮮語聞學舒驟見師洛師洛為陳科舉文
字源流升降之故與夫得失去取之所以然學舒翻然
悟油然而悅壯面執弟子禮恐後其學遂由此一變實師
洛片言激發之也丁酉師洛北行學舒問里中誰可為
友師洛默然良久曰吳縣張子翼庭是已學舒退而友
之相與切劘徃復其藝益進方將遠質師洛於楚中而
師洛凶問至矣學舒既為位哭盡哀居常皇皇如有所

四馬齋文集卷三

單

失適客有能以乩降神者神至則書法瘦硬詩句悲壯
依然師洛也學舒驚起拜問生平既畢乃大書曰我友
上海曹諤廷可師事之學舒誌之於心逾年至是乃稱
其師命以來請於余也學舒之志可謂專且篤矣嗟乎
余自癸巳被放南歸所遇與師洛略同獨此身在耳良
朋既逝誰與晤言俯仰舊遊邈然隔世而學舒誠感精
通能招其師之魂魄於離散恍惚之餘若或見之一言
之示信如著龜不惑不怠以繼志於無窮我友於是為
不亡也然則師弟朋友之際誠有不以窮達死生間者
此則學舒所以為文之本殆非外人所能知已學舒文

凡數變徃時縱橫馳騁鋒發韻流不可一世年來師洛
方宗成弘法以教授學者學舒乃退就欵約無敢尺寸
軼規矩示余一編多師洛翼庭所點定余更汰其狀貌
質直者而參取少作入焉兼論其抑然自下於師友為
有異於爭名之士而余無足張而大之以光亡友之道
是則余之有負於冥冥者夫

儲六雅時文序

吾友宜興儲先生六雅為名諸生三十餘年甲午雋京
兆又七年辛丑舉南宮第一天下之士聞者無識與不
識雜然曰是人元矣則又曰舍是人誰當元者於是吳

四馬齋文集卷三

聖

閭坊人走二百里請其平日所為文鏤板行世其壻萬
子星鍾搜篋中得若干篇授之寓書海上謂余與作者
遊久習知甘苦願一言余既高作者之足重科目又感
持衡者之能得作者以為科目重也故不辭而為之序
序曰文體之敝也由偽體亂之也昔錢虞山上下有明
一代之作疏別其真偽今之偽體蓋又非虞山所及料
何則理學之文逢原自得今也硬拈四書泛撫五子聖
賢之意果若是之巧貸而全抄謄而釋乎舉子之文帖
括渾成今也枯索無氣木彊不情前輩之製果若是之
優孟而肖刻雕而精乎夫與其襲古人之偽不若存才

子之真而真能為才子之文者抑又絕少靈府不超學殖未貫技同裨販語失神韻雖經史子集家具畢陳而笨伯粗材骨格彌濶殆由天賦未可力辦若六雅先生之作則真才子之文之特出尤異者矣源流既長蘊藉無竟囊括百家牢籠萬狀時而煙波浩渺時而孤峰突兀時而賁鼓巨鐘時而朱絃疏越時而長鎗大劒之雄強時而綸巾羽扇之宕逸如遊賈胡之肆珊瑚空青火齊木難之安煨燿陸離而竹頭木屑未嘗不資未作也如入大官之庖駝峰熊掌羊酪蓴羹之味咄嗟立具而甘薺苦菜未嘗不供鼎寶也要其意主獨造詞必己出

四馬齋文集卷三

聖

結想所至突與別開落墨之餘蹊徑盡失雖欲不名真才子之文庸可得乎嘗考虞山所舉才子時文惟鶴灘元耳自鹿門震川以下皆否余謂鹿門震川不元固無損使當日得元鹿門震川於科目不尤偉與作者古文詞幽拘淵永自成一家未知位置古人何等晚晚場屋終以得元所遇過鹿門震川遠矣天殆欲昌其文以增科目重乎今而後天下乃復覩真才子文不為一切偽體所眩瞶詎不幸哉九峰樓時文千首皆散於四方星鍾所掇拾止丙戌前為諸生時課徒作故小題為多十餘年來尤與衍閣深莫可涯溪稿留京師未及編錄憶

癸巳春余就京兆試過先生凝園寓方兀坐閱北齊書十行並下太史徐澂齋先生適至笑曰時下臨場所溫習目為脚本我六雅先生脚本乃二十一史耳嗟乎此與震川赴公車時讀子固書魏鄭公傳後至夜分何異豈有場屋時文之見擾擾於胸者哉并誌之以告天下讀六雅先生文者

萬星鍾時文序

往者時文廢而復興天下溺於腐爛之習賴長洲韓宗伯出雄傑雋異文體一變見者且疑且駭獨宜與儲同人先生以通經師古之學應和於下文采議論震動江

四馬齋文集卷三

聖

左學者復知經術古文之可尚兩先生之功為多越數年而串插之法始行海內樂其易為輕儇不檢慮無不目居眉足加手者同人之門人子姪守其家法不為俗變出而取元魁以制義名世者甚眾今所刻在陸草堂課藝百篇大略可觀也在陸云亡我友六雅先生擴其緒言教授於南北論文不拘一格務極其才之所至當是時串插既衰天下爭為簡短之文自托於先輩甚至裨販語錄為能事文氣枯弱不振勢將同歸於腐爛吾友私憂之其所自為暨門人子姪之作率炳炳烺烺文質相稱以矯當世之弊而九峰樓課藝一編復盛傳於

藝林蓋宜興人文代興類能自開風氣視世流弊所在而力挽之以補救於其間故雖僻壤後進名位不足奔走天下而四方風氣常視以爲宗然則制義之在此世豈不賴乎傳之得其人也哉六雅爲余言其門人萬子星鍾徐子哲次之才爲宜興後勳余既從九峰樓刻見二子之文信吾友不妄許可而與萬子相見尤數悉其家世嘉靖中萬文恭公以清德雅操重於東南弓冶相承代有令譽星鍾實其裔孫自少出語異凡子六雅愛其才妻之以女深相磨切學成試於有司蔚爲名諸生將刻其大小題文若干首就正於當世而屬余爲序余

四馬齋文集卷三

蜀

嘗論俗下之文病在率宜興之文佳在鍊率之病微獨膚淺不學者然採集經典錯雜而書之辟積五子牽引而合之既無陶鑄安有融化所謂同歸於腐爛者也文之佳者不然緣情切理去粗存精其中無一字一句不根柢於古人而無古人之一字一句不從靈府中慘淡出之體裁端雅義蘊深厚鍊故也此宜興之文所由能變乎俗不爲俗變而萬子之妙契師傳擅場者遠也嗟乎士風因陋就簡人自爲師江南一二老宿孤弦獨彈仰屋誰語安望發其所得救正於此世乎宜興之門如徐子者余尚未得盡讀其文而星鍾所成就已卓卓若

此吾友之傳行將益遠余不爲萬子生長文獻之邦幸而深幸吾友能得萬子輩爲之徒以疏通證明其意風氣將有所屬也若余者東海陋儒有言不信而辱使之序萬子誤邪雖然宜興師友賡續守其道而不變其救弊之微意知之莫余若也故亦樂得而道之

金沙盍簪會一集序

江以南制義莫盛於義興金沙義興之文鏗鏘瓌璋震耀心目而金沙作者栗密窈眇思入無間皆豐傳於四方庚子仲冬我宗孕正兄攜盍簪會課一冊風雪中走五百里抵余舍不值留書凡上略言其鄉文字巉削太

四馬齋文集卷三

蜀

過今將發揮才情恢張體勢以振起之庶足華國耳余發而讀之歎金沙之文之變而不離乎宗也夫金沙之文派別有二嘉靖朝王恭簡以清真標理致質勝其文羣言之首也其學傳於子至萬曆中猶能不失家法繼恭簡而起者孕正之高祖含齋先生渾融博大雄視一世彬彬乎文質得中焉延及啓禎之末周仲馭介生兄弟富有詞采其工者與李太青相上下文勝其質爲世訾訾近日名家乃起而矯之於思曠學幽於正希學興翻然變其風尚美已然流弊所至入而不出枯而不腴往往不免諸君子於是爲此會也思極其才情所至昌

明俊偉以爲朝廟之文境窮斯返竝更乃調文章之變
豈有盡乎即金沙一邑天下風氣可推矣往者一二巨
公以成弘之簡約拯啓禎之泛濫其意良厚學者不察
遂至生吞繫詞之句活剥正蒙之文不問何題務入成
語自謂於聖賢之旨水乳相合而不知食生不化儕至
味於木札也吾黨私有病焉乃務牢籠萬有旁見側出
用其銛焰以馳騁於藝林其過者或至粗豪而淺露則
愈無以厭談理者之心而馴學者囂然之氣變可易言
乎由前之失訓詁語錄由後之失策論駢麗夫制義所
由異於訓詁語錄策論駢麗者以有題之神氣也故凡

四馬齋文集卷三

聖

曲暢旁通而不踰乎題者真才情也博徵遠引而無當
於題者僞才情也其比附於題之神氣者才情之妙也
其穿穴於題之皮毛者才情之劣也余嘗持是說以告
當世而知者或寡今盍簪會之文曲直不一體濃淡不
一姿皆依於題無戾於神氣庶幾變而不離乎宗者其
諸復返於渾融博大之境矣乎余引領俟之矣曩吾友
義興儲君六雅有九峰樓之編師洛漢階序而傳之四
方驚才絕艷衆所希觀茲集之出洵足方駕會六雅漢
階方就南宮試而師洛下世已五年矣海內風氣雜然
未有所統壹英傑之士潛心復古當相世之所偏而亟

返之母徒一鄉之風氣自爲也余雖數困於時倘能爲
諸君子上下其議論乎

四馬齋會業一集序

曩丙申丁酉之交僕與焦丈廣期將博徵天下制舉之
文自賢科以下彙爲觀海集以貽同學事始江浙文之
郵以至者計二千餘篇會焦丈養疾杜門僕亦授徒四
方忽忽未暇從事六七年來作者大半列名南宮例不
復登於集事遂中閤越歲己亥郡中諸子爲文會於城
西精舍並一時年少志銳可畏之士文成輒郵寄僕使
評隲之積久成帙而吾友之邑居道遠不列於會者亦

四馬齋文集卷三

聖

聞風拈示僕又輒妄有所可否於其間計前後所得不
下千首暇日復取刪之存二百三十餘篇題曰四馬齋
會業以質當世四馬者僕半涇讀書處也他郡邑之文
亦附見一二者必曾辱乎吾齋者也刻既成系之以言
曰美哉洋洋乎置吾郡會業於十五國之中譬猶海之
分一勺也然其中之無所不有者固駸駸乎噓噏百川
而洗滌淮漢沛如矣夫海之大大於其無所不有築石
以爲隄植木以爲防而曰海在於斯不及斯者匪海也
斯其不能爲海也決矣其來也有自其往也有歸測之
而窺然以深達之而井然以貫雖一江一河一洲一渚

之間安往而不見海者奚待放九州環四隩而後稱宇宙之鉅觀極古今之靈境也哉行潦之浸頃刻稽天斷港之積澄泓見底其不得至乎海者非海之拒而不受也夫其所以自多者乃其所以見少也僕方當執是說以觀天下之人之文而先之四馬齋會業者以爲觀海者將自吾郡始也吾郡諸子之文不執一格不主一方意欲無所不有以極乎文家之變而務合乎聖賢之面目神情面目是矣神情是矣雖輕塵不飛纖羅不動而不得忽之爲平雖疾雷破山驚濤蕩日而不得駭之爲險何則海之勢固宜然也其面目非也其神情非也雖

四馬齋文集卷三

哭

緝絞綃以爲衣集珊瑚以爲佩天吳罔象以供侍御指揮而蓬萊方丈瀛洲之山又時肯出沒隱現於煙波杳渺間儼然海也徐而察之乃築石以爲隄植木以爲防者耳何所當於海說哉夫然而觀海者必是吾郡會業之文始矣

洪稷人時文序

淮陰之名制義者何其善變也余昔交程興林風衣兄弟既得其概而吳穎長王漢階翁林周邵聯皆客淮久爲道之頗詳癸卯孟春余應貢試澄江大會七府之士於高朗侯家若王素修吳慎公劉顯若萬資洪稷人邱

庸謹長孺毛函英鍾奇戴白玉程萼江練江輩濟濟焉皆山陽一邑之產也退而戴子復爲私會於其旅舍其非淮士而與者惟余與邵聯吳方來周旭之蔡芳三千爾階及吾宗孕千我大數人而已時邊頤公周白民皆以持服不至江上翼日萬資乃出其文及白民所寄立經堂已未刻稿視余使評隲之白民之文幽微而刻露萬資之文朗秀而堅蒼皆主於擺脫凡近自關清新余挑燈夜展微吟孤唱低徊久之知兩人者之相視莫逆也已而洪子復以其文視余則雄雉豪宕才情四溢不爲抑塞掩蔽態如朱絃疏越一唱三歎之餘忽聞鼓鞀

四馬齋文集卷三

哭

聲惶然而震四顧旌旗壁壘皆爲一變漢階前語余曰淮陰文士惟其意之所好者是學不相慕倣各自成家今取稷人之文與周劉二君者校之誠不相似矣夫惟不相似乃其所以無不似也世有學先輩者抵掌談笑無非叔敖識者不待詢所從來已知其決非真叔敖矣惟求爲似而不求其所以似也夫善學先輩者且不求先輩之似而奚有並世而生共硯而作乃規規焉惟一途之是趨者乎善乎稷人之文之能與二君者變也抑余聞之雉入於淮爲蜃此善變者也橘逾淮而北爲枳此不善變者也要皆於淮乎取之然則淮之多才而善

變其地氣然耶夫雉與蜃不相似也然雉之羽藻耀高翔其變而爲蜃也吐氣成樓臺車馬此不似而似也橘與枳似矣顧一甘一苦知味者入口輒判此似而不似也稷人之文光氣上騰而精色內白此亦文家之蜃也橘也其爲入淮之雉而非逾淮之枳也信矣世苟採淵而搜林舍稷人將何取乎微獨稷人即以僕斯言盡淮陰諸君子之文無不可也甚矣淮文之善變也

蔣鹿城時文序

海陵蔣子鹿城以名諸生選貢京師 廷試復在高等九卿揀選引 見稱 上旨將試用於中州於是哀其

四馬齋文集卷三

辛

生平所爲制藝若干首詣余請曰某生平苦心所寄在是一行作吏恐此事便廢將藏之家塾以爲敝帚之享幸先生決擇而存之余雖未及竟讀其文顧曩者署如臯學篆嘗從試院閱蔣子卷博大沈實其言有物余卜蔣子決非池中物也榜發果中選今且將出其所學以磨礪事業場屋故事無所復用乃猶惓惓於此乎余惟今之選貢非昔之明經也昔之明經專於記誦而進士科以文藻見推故唐世重進士而輕明經相沿至宋猶然 今天子欲得體用兼該之士俾各省六年一選貢試之以經義策表判所司皆核其行而上之復命大臣

以經義論判進試於 廷 天子親第其甲乙而後擇其人而授之以官其用之也與進士科並然則選貢之文進士之文也而又奚所軒輊於其間哉使州縣舉人提筆就學使者試未必得選貢而選貢如蔣子以博大沉實之文試於南宮其必得進士無疑也今蔣子文具在使雜於諸房書行稿中懸國門而示天下其誰得辨之曰非進士之文乎蔣子之謁余若有不釋然於進士之業者故余爲論夫選貢之科之足重者以重蔣子之文

李範蓮時文序

四馬齋文集卷三

辛

崇明李君範蓮長余三歲與余同補博士弟子時余年十五昂然如巨人而範蓮軀幹短小乃如十許歲兒案發名第一督學許時菴先生出餅餌啖之範蓮之食餽也稍後余既每試輒冠試牘刊其文流布遠近余亦時參其間輒自以爲弗如矣顧自癸酉同入棘闈閱十科輒同見擯比庚子撤棘主者太息失余而範蓮登賢書爲一榜眉目試錄出余姑藉範蓮自壯抑又自疑其無能爲也已 今上癸卯值選貢當赴成均以憂阻迄丙午北上始見收與範蓮會京師誦唐人句云昔別是何處相逢皆老夫憮然久之已而各罷歸江南積三年不

相聞庚戌之役計吾友雖老當一行而範蓮下世已一載矣悲夫升沉得喪數也無足道顧其文足存否耳範蓮之文多清真樸老尤長小題審神理謹位置不失尺寸蓋今世所少也子尚美世其家學遺文若干首付梓門人柏庶常謙余同年友也請為之引憶丁未之春君把臂語余子行魁禮部以子文為天下倡風氣當日上余且執麈尾以左右子唯命余避席謝不敏然心壯其言今範蓮文具在天下決不以一第故少之而余內媿良友所許歲月侵尋此事恐遽高閣發皇其師之緒益務卓犖章顯之在柏君輩耳風氣云乎哉

四馬齋文集卷三

垂

吳觀陽時文序

余與歛吳君觀陽及其從子冠山同舉南宮觀陽又與余同出蘭臯帥師之門相好也余留京師近六年曩時南北論文諸友或歸或出或在高位不得時相見往往閉戶獨處未嘗開一語譚制舉藝豈以是為敝帚不足言哉言之而莫予應何強聒也獨與兩吳君相對時一掀髯抵掌娓娓不能自已兩吳君亦謬以余為知文也者而同聲和之觀陽又哀其前後稿若干首使決擇之余豈足以知觀陽哉文字無師承則無家法無家法則風神脈理一切皆與前輩背馳雖為流俗人所尊奉掇

拾何益徒滋謬耳觀陽筆力精悍深入理窟自其天分固然要之骨格超邁動容發聲輒與古會則得之吾友儲先生六雅中子兄弟為多蓋兩吳君前後皆從儲先生學專且久也噫學固不可不講豈獨文字然耶庚戌書二房所得士號最盛若浙中徐君笠山思致幽異與觀陽分道卒皆傑然自名於時笠山既乞學職以去冠山持服反歛而觀陽方官水部有能聲每日晡始得下直然則余今雖欲開一語譚制舉藝復於誰發之

四馬齋文集卷三

垂

四馬齋文集卷三

四馬齋文集卷四

海上曹一士濟寰著 姪 錫黼誕文編訂

壻 葉 承子敬 男 錫端菽衣 同校

內姪張熙紳赤垂 錫圖起南

序

凌母華氏旌節錄序

節母華氏太倉生員凌坊先生妻年三十二喪所天慟絕復甦者三子燔甫七歲忍死鞠之酒肉不入口者閱十二年憂勞成疾卒凌故望族代有聞人節母課燔讀書甚嚴夜一燈坐燔紡磚側舉先世遺言勗之已母子

四馬齋文集卷四

相持泣下泣已且紡且讀恒至達旦燔年十七為諸生痛父早卒母撫之至艱而不得一日養也服除冠衣不雜采至是二十三年矣同學哀之具母節請於督學林公例不得上 聞乃給扁旌焉燔次其語為一冊視其友曹一士戚然若有憾者曰燔終無以報母德矣一士讀竟喟然而作曰詩不云乎君子有孝子孝子不匱永錫爾類其節母之謂夫吾聞守節者不圖其身之克享而圖人之傳者為難有其後失其傳猶無後也今使節母登期頤備甘旨得請於 朝伐石表里震耀遠近流傳志乘榮則榮矣顧其子碌碌無所聞知不克述家學

以紹厥夫之志一綫之脈雖延五世之澤遽斬未止人之隱痛寧有窮乎其身之不克享而教其子以不死其

夫斯則其聞賢於享之者也王者之制及其身天之道

及其子孫其身宜享王制而王制及焉天固曰足以報

矣其身宜享王制而王制斬焉天於是陰相之以百世

之澤而補王制所不足以榮之故曰釐爾女士從以孫

子錫類之永在此不在彼也節母其終享乎哉且夫伐

石表里震耀流傳者節母之道有以自取之非人子所

以報其親也若夫人子所以報其親者立身行道揚名

於後世俾國人稱頌然曰幸哉有子而母之節用是加

顯焉所以報也吾子之勉於是久矣而又何戚焉燔瞿

四馬齋文集卷四

然曰是曩者我母之教然也子為我識之節母有女性

至孝侍母疾衣未嘗解帶母以毀卒燔葬之父母墓

側是亦詩人之所謂類也燔子三皆讀書自奮將大其

家

家

趙節母余氏節孝錄序 代

國家重熙累洽仁漸義摩四海之內雖婦人女子靡不

蒸蒸嚮風柔荑之和平行露之戒懼以迄柏舟之堅貞

時肯散見於閭巷蓋二南之化所從來遠矣 今上御

極之元年首以風厲為急務 詔諭天下婦人年逾四

十身故計守節一十五載以上具題 旌表於是我浙
山陰趙君玉良妻余氏始得邀 恩上請建坊入祠如
制計距氏順治十五年戊戌閱六十有四年其事終
大顯於世 聖人在上易所謂不遐遺者此其一端與
先是氏守節十七年病歿有司格成例不獲上 聞其
孤信國徧乞能言之家為詩古文若干首歲之篋每出
示其子麟壁淚涔涔下以未奉 廷褒為殁身之痛及
是麟壁乃衷為一集謀付梓以永其傳特介余族曾孫
某求一言以弁其端余惟忠孝節義之事發於心見於
事非有成例可拘也顧例獨嚴於節婦計其歲月立之

四馬齋文集卷四

三

期限若曰至此而不他適則終無適人之事云爾凡以
使賢者可俯而就不肖者得跂而及為聖人之中制然
也然至於身死則無復之矣節已信而例猶疑之使老
壽者為節而不永年者非節是窮於天復窮於人也豈
聖人立法之意哉今為原其節死之期以寬其年例之
限既枯之骨雖短命猶壽考則天地所以無憾也嗚呼
我 皇上明並日月而不遺微小於是為至已余乃益
有感於節婦子若孫之賢也幸而 國家垂格外之恩
舉久淹之典山陬海澨無不達之幽隱而一再傳後子
姓凌夷不能深知上世事或知之矣力不足張大之雖

有良有司豈暇家詢戶訪一一代白其本末哉余悲夫
窮巷掘門中集茶蓼鬻冰雪者生逢 聖世名隱弗彰
而人之道復有所窮也然則如節婦事誠偉得以承
天寵者豈不恃有後人哉是錄也不獨徵 聖世德廣
所及且足為錫類者勸於是乎書

許介菴明府壽序

代家大人作

觀邑之政者觀之家周南之什自桃夭兔罝以下所載
多家人婦子之私無一言及於政而王化之行顧在此
以為此固足以觀矣一邑之人不安必無一家獨受其
福者一邑安則一家安矣故邑人之勞逸甘苦好惡詛

四馬齋文集卷四

四

祝之情不可悉得而知其知之詳言之而不為諛者莫
如一家之事余之去我家三年矣令我邑者為虞城介
菴許公公與余並以戊午舉於鄉辱有兄弟之誼先是
公同年友梁君瑤海至京師與余交善因得悉公之為
人越暮歲余族之兄若弟子若猶子則合辭緘書來聞
於余曰公之美政良法未易一二指數自公之來俗以
無騷我族之人樂業安居衣稅食租進而輸公賦退以
時祀其先祖撫其幼孩卒歲無災公賜之也族子弟呈
藝於公公獎其美勉其成凡我後生閉戶兀坐耽詩味
書優游庠序間不知他營公賜之也公之惠吾族者甚

厚曷以報公余作而歎曰族之人何其私吾公也公以是治一邑耳豈專以爲一家賜雖然以吾一家之情推之一邑之家必無不便於公可知也其有不便於公者必其不以樂業安居事上撫下教子弟業詩書以爲其家福者也其以樂業安居事上撫下教子弟業詩書爲其家福者則皆有私於公焉必也吾一族之人之情豈不足以觀邪而又何以爲公報邪無已則謀所以娛公者余聞秋九月十有一日爲公誕辰凡族之兄若弟子若猶子則盡率以往其能詩爲公賦詩公坐而聽之某能繪爲公作繪公卧而遊之某某酌酒公則醕之某某獻羞公則嘗之公之視一邑不啻如一家而吾族人之愛公也亦不啻如其父母師保母亦以家人之情答公已矣豈私也哉抑余不敏需次於此倘承乏一邑便道歸里門將謁公於署盡叩公所以治吾邑者以治他邑焉知其無不善也是則余之私也哉既復吾族人因次其語而爲公壽

張母趙孺人六十壽序

代

上海去郡治百里而近舉其世家望族必曰張氏趙氏順治中張弘軒先生以名進士牧泰安有能聲既而同考棘闈憐才註誤蒙世祖章皇帝特恩歸里優游泉

四馬齋文集卷四

五

石間垂三十年嘗攜其子典籍君過余家余從先大夫後出見先生議論颺發意氣倜儻卓犖不可一世望而知爲偉人典籍君方年少儒雅言訥訥然不出口退然如不勝衣者蓋慈良樂易之氣溢於眉宇間可掬也余婚於青浦李氏李自太僕確菴公與上海趙給諫馭初先生並以直聲震一時友誼甚篤故余內子弟岳三聯姻於趙與典籍君爲僚壻交歡也異時內子歸寧輒得聞兩姓內助之賢間爲余道其一二而不能詳乙酉秋典籍君子家與來試京兆中高選限於額復置副車時余子某亦舉江南爽以年家子弟禮來見進退雍容甚

四馬齋文集卷四

六

都視其老斐然有前輩風知弘軒先生之業不墜而典籍君能教其子以式穀乃祖爲之慶矣今年夏岳三訪余京師偕其內姪趙生南金以來老年兄弟晨夕相見余休沐之暇輒喜問郡邑鄉里間事并故家舊族興廢盛衰之由岳三告余曰蓋莫不視其內助也余外家趙氏自前朝銀臺黃門兩公先後直言敢諫爲世名臣余舅仁山先生中順治辛丑榜進士次於家不及用而遽卒配王孺人亦邑中名家女持其家斬斬有法詩書之澤延至於今孺人生四女歸於張者其季也弘軒先生娶於陸爲文裕公裔孫女克相夫子以賢能聞三黨間

趙孺人年十四即歸典籍君保姆之訓詩書圖史之箴
自其在家時耳濡目染靡弗嫻習于歸後奉事尊嫜婉
婉聽從動中規矩陸宜人嘗語人曰此非我婦乃我女
耳其愛之如此舅姑既沒百務蜚集典籍君性高簡太
學中次當補官棄不就徜徉於家比歲多病家人事悉
度置不問曰無溷我靈臺爲也故自男女婚嫁錢穀出
納糧稅後先慶弔往來以至米鹽凌雜猥瑣之務悉孺
人口畫手授以命家人畢中度典籍君年五十捐館舍
孺人悲痛欲絕偕其子竭力營喪葬豐儉皆酌於禮命
諸子以讀書守已曰汝祖汝父之志可弗承乎既而曰

四馬齋文集卷四

七

是我母之所以訓諸兄也汝曹識之遇妾有禮視妾之
子不啻已生撫育而教誨之如一皆爲締姻名族待三
黨有恩或老無歸者食之於家東修之問不廢於百里
之外張氏自泰安典籍相繼去世其家岌岌然不振而
能卒瘞風雨之秋黽勉有無之日俾諸子訖有成立以
撐拄其門戶者趙孺人力也孺人行年六十茲九月三
日爲設帨之辰戚友豫謀所以介壽者諸子以請孺人
泣然於典籍君之不獲偕老也却之再三雖然親黨之
情其可得而抑乎因趙生從日觀來京師敬請一言以
慰鄉人子弟之私公其無吝余曰有是哉兩姓內助之

賢向固聞之茲又得其詳也夫婦之道無成匪難抑有
終難矣小雅曰無非無儀惟酒食是議其在內則執麻
枲治絲繭織紵組紃學女事以供衣服觀於祭祀納酒
漿邊豆脯醢禮相助奠而已故無成之義閭巷之婦人
性稍馴謹者皆可習而守也若夫可貞之美以時而發
舉素所含蘊者從事而光大之匪才且賢孰能與於斯
乎有終之事不詳於經非畧也著其義而不列其事以
俟夫時勢之所值才力之所堪聽天下後世才且賢者
之自盡而不可以節目遠近限焉是故夫道之所不及
爲者皆妻道之所不可辭也猶天道之所不及爲者皆

四馬齋文集卷四

八

地道之所不能已也故曰無成易有終難也若趙孺人
者其可以代夫而有終矣乎義止於無成者常則爲家
人之六二變則爲訟之六三而非坤道之所以舉其全
也使孺人第能食舊德而已雖貞且吉抑何光大之與
有吾知孺人諸子必能夙興夜寐脩身積學以克復清
河氏門閥之舊並振起而綿長其緒以慰泰安典籍兩
公於地下以爲孺人歡也今而後孺人其含飴弄孫以
俟之

覺羅滿總督壽序

代

國家受天明命推本發祥所自施恩九族派衍枝繁則

必有明允篤誠齊聖廣淵之才出於其間宣文謨揚武烈以輔理承化於無窮而非一切名臣賢輔之所可及何也天潢之水源於星宿溢而爲河爲海潤澤萬物非區區岷山桐柏王屋熊耳之所導也瓜瓞之綿地氣蟠結發而爲松柏爲杞梓楸楠梁棟之選必於是取之非尋常海岱淮徐之所貢荆揚二州之所產也昔伊耆之世稷契皆出於一門下逮成周公族之賢者尤多而召康公獨在外以宣布文王之化至於聽訟折獄經營告命之煩皆躬親之南方諸侯觀感其德在位皆節儉正直而仁恩被於鳥獸草木厥後召穆公虎平淮夷告成

四馬齋文集卷四

九

於王詩人歌之曰于疆于理至于南海故名公旬宣之績於南土尤著豈非源長根茂世有同姓以爲夾輔之明效與漢唐而下蓋難其人乃今於我朝覺羅滿公而復見之公宗室近屬早奮於學甲戌成進士入詞林年方逾冠聲望出儕輩已郊典兩浙試所錄士多宿學翕然稱得人旋晉秩成均爲國子式正已率屬天下士交慶得師游歷內閣典機務仁皇帝知公才可大用遂委以封疆任未幾即命總理閩浙事公既下車飭簠簋嚴卒伍培學校恤農商剛柔互用寬猛交濟東南之政遂爲天下冠閭里愛公如父母憚公如師保奚啻南

國之於召公也庚子夏五臺寇朱一貴嘯聚跳梁變起倉猝公不動聲色自往督師調閩浙並廣兵先驅據澎湖險揮白羽指畫賊不得渡時沙淺石露我師未旣濟忽鹿耳門水添三尺輕舠遽進盡殲賊衆克復疆宇蓋旬月間事耳計公調兵十餘萬而屬郡帖然不知金鼓之聲召穆公之在江漢亦不是過古所稱明允篤誠齊聖廣淵之才舍公而誰屬哉某於公忝附後進自爲諸生時聞公名如景星慶雲心向往之比至京師公已出爲牧伯浙閩人士歷歷道公之賢私心益景仰甲辰春蒙被聖恩謬典學政始拜公於三山之署二十年想

四馬齋文集卷四

十

望之誠一旦獲遂且請奉公明訓以報稱朝廷獲免罪戾公不棄其愚開導之者備至退而銘座書紳且喜且媿巡歷以來竊取公向之典浙試者以衡閩士之文教國學者以端閩士之習庶幾蒸蒸日上變不負公指自附於南國羔羊大夫之後而未知其果能步趨乎大賢之萬一否也冬十一月上旬爲公嶽降辰值方試汀州不獲趨侍公酌春酒以介壽輒擬獻一文爲祝而公十餘年來良法美政嘉惠東南者不可勝書謹述其大者用著我王家鍾靈毓瑞發祥者遠故公族挺生碩德以弼我不丕基天所以介福祿於公者方與天潢之水

並長爪脰之綿永茂誠非漢唐以下名臣賢輔所可幾及行且入踐台鼎以召公之所以治外者治內天下將並受公賜而某之願承教於公者抑不止衡文訓士之間而已是則某之幸也夫

楊母陸太孺人八十壽序代

余觀古來世家鉅族勃興於時匪獨其祖德茂也蓋亦有婦順之助焉當其龜勉同心克配君子既有以宜家室成孝敬美風俗即慙為未亡人猶足守禮飭度整肅內外昭示子若孫使無忘家法而壽考福祿遂以迓續於不窮昔思齊之詩推本太姜以為徽音所自而螽斯

四馬齋文集卷四

十一

麟趾之化皆其後焉下而一家亦猶是矣丙午秋余忝主京兆試榜發宣城楊生廷棟名在第六文氣磊落俊偉心竊異之出闈以師生禮見視其人白皙而長進退雍容皆中法度意其得之家教者深既越月同榜之士二百餘人肅衣冠造余再拜請曰楊生之年甫及壯父母具慶尤幸者祖母陸太孺人年八十康強無恙今十有二月二十有六日為母設悅辰某等同出師門為兄弟楊之慶猶吾慶也冀得吾師一言以為廷棟門戶光且介眉壽敢以請余曰夫陸孺人之閭德何如眾咸進言曰陸為宣舊族厥祖某孝廉督學為前朝名臣母年

十八歸於楊不及事舅而奉姑特謹承顏視色得其懽心纖微無有失者睦於娣姒以逮三黨內外具稱其賢癸酉之秋宣大饑米價踊貴廷棟祖東山先生出穀八百餘石以貸鄉里之貧不能舉火者且曰是力不及償取券悉焚之鄉人至今頌德當其出穀以貸也數或有缺毋特脫簪珥助之無德色亦無夸辭今其子若孫皆有聲庠序而廷棟以選貢至京師獲舉京兆以遊於大賢之門也食報且未艾余曰然茲所謂婦順者矣先王之教孝友睦婣任卹其行之也有序而施之也不悖男子之所倡率而婦人順焉者也東山翁當鄉里饑饉之際趨善若馳為德能卒古所稱施於有政者不是過顧使東山翁慨焉發粟而孺人在旁微有幾微靳惜意東山翁即不以是中止能無悵然於中乎乃孺人不惟不之惜而且為助之施推其所以事上接下者以逮於鄰里鄉黨裕如也視古雞鳴夫婦捐雜佩以資問遺者有過之靡不及焉則婦順莫大於是易曰天之所助者順也順則宜壽諸子又進言曰孺人之德是不一書方東山先生之少而受業也實自其舅氏梅徵君勿菴之門勿菴博覽載籍先生從之遊亦篤嗜書不問家人生計孺人每躬井臼以佐之杵杓之聲雖祁寒盛暑不少間

四馬齋文集卷四

十二

性尤儉素衣至數十浣雖敝猶手自紉補至老如一日也東山既捐館孺人獨居一小樓率其子奉木主朝夕進食飲如生時三年始理家事馭下嚴而有法子孫既勝冠即不冠不見方之於古抑猶有敬姜孟母之風與余聞而作曰善哉民生在勤勤則不匱其勤也茲其所以能積也為婦為給服之無數其儉也茲其所以能施也若夫持身之敬馭下之嚴教誨爾子式穀似之其有禮也茲其所以有賢子若孫也婦順至是乃幾於全矣余聞之有全德者當有全福如取左券而合之符也楊氏之子孫繹東山翁之遺教而稟孺人之懿訓以教於家以及於國人行且推而準之於服官為政之際恢恢乎有餘裕矣余喜楊氏之子孫將出而有用於世以為選舉重也故次其所聞以授諸子俾識其所自來以為賢母壽

四馬齋文集卷四

三

趙母盧孺人七十壽序

代

編修橫山趙君肅衣冠謁余言曰前者大鯨父年七十吾師既賜之序言以佚其老而為眉壽介也大鯨不敢忘今辛亥春正月大鯨母復年七十思謁假歸里門奉觴上壽以稍展人子之私大鯨父書來命曰汝位雖卑也賤實忝簪筆吾以汝旦夕 闕廷能盡其職為樂不

以汝斑衣戲膝下張樂設幔如世俗所為榮其親者以為樂即汝母之志亦然汝苟能盡厥職雖不歸猶歸也否則雖日侍老人老人之意猶不樂也汝慎毋歸以為汝母懼矣大鯨得書惶恐不敢復以歸請顧念吾母平日相吾父以撫大鯨者既勤且瘁茲幸竊祿於朝菽水之養靡缺瞻依之願未伸尚冀吾師再賜之一言俾大鯨終得藉手以為二人光寵是大鯨之不歸榮於歸也敢再拜以請余作而言曰有是哉清漣先生固賢孺人抑又賢也賢則宜壽且夫書所謂厥父母慶洗腆用酒云者農夫商賈之事非所以責縉紳士大夫也其善言

四馬齋文集卷四

十四

士大夫之情者則曰不遑將父不遑將母而已今 聖天子推恩錫類一切家人婦子之私靡不曲體內外臣工皆得邀 君之祿以贍其家養其父母一時鉅人長德以迄閨門之女宗相莊之淑媛類多黃髮兒齒葆其天和乃至為父母者樂其子之守官不啻子之日侍其側而為子者亦皆緣分自盡不啻以其身日侍父母之旁而懼忻娛樂之將母之詞可以無諗此 盛世之庭闈所以多壽也若趙氏夫婦父子間可以觀已抑余聞孺人之相夫子躬秉井臼織紵組紃至老不倦其於編修君也愛憐之甚至顧時督以義方不為姑息卓然能

知大體凡世俗華靡誇耀之習一不以入其心故於編修君之欲歸而爲壽也獨能止之以義清漣先生誠賢乎亦孺人有以成其志也編修君才富學邃館閣皆相引重入直承明游被寵遇春秋同考號爲得人異時街天子命賦皇華之詩於四方便道過里門爲堂上舉百歲觴天章紫誥手奉以歸用明恪守庭訓無忝厥職之義兩老人顧而樂之正未有艾余前所稱蔡忠襄嚴文靖之遇殆無足以相限也孺人尚含飴弄孫以俟之

朱旦平教授七十壽序

四馬齋文集卷四

五

祝嘏之典何昉乎蓋昉於庠序之間也古者養老必於庠故曰養國老於上庠養庶老於下庠又曰始之養也適東序於是乎適饌省醴發咏登歌備其節執醬執爵祝嘏祝嘏重其儀樂闋而反俾各行於其國與鄉焉而孝弟之道達乎天下矣近世稱觴之禮雖不盡合於古然簫管奏於賓主之交壺核行於揖讓之際子弟侍其父兄獻酬繼以交錯庶幾古者鄉飲養老之遺意故稱斯禮者於庠序爲尤宜其在頌禱之詞則曰爲此春酒以介眉壽又曰酌以大斗以祈黃耇而思樂之詩又繫之以地曰在泮飲酒既飲旨酒永錫難老然則泮宮芹

藻之間匪怒伊教藹然太和有難老之氣象焉彼邦人所以頌其君上者即弟子所以祝其先生者乎寧國教授旦平朱先生邃於經學少時所爲制義清遠精銳不名一體歲科試帖出遠近爭傳誦之迄於選陞僻壤無不知有朱先生名者淦陽張樸園前輩督學江南歎其文爲四郡冠亟拔以貢太學是時先生年三十有五也往來於南北舉場者積十五年五十始舉辛卯南闈第三人上春官者五次值今上癸卯恩科始成進士逾甲子一周者二年矣廟堂方旁求夙儒老學以風天下館選日掌院阿公首以先生名薦先生頓首自言臣兩耳重聽不足備皇上顧問之列天子笑而頷之次日特諭朱某以教職即用蓋念其老而以化導之任畀之也次年謁選得寧國府學先生之文既久震於人士之口人人願得以爲師自寧所屬邑及旁郡之士無不爭先奉贄請見冀得片言以爲光榮顧先生持其夙學介介然不肯少貶即意有不可輒直乙之若其所稱許雖寤寐飲食不少置或以名聞於學使者無所嫌避人始而慕繼而疑終乃大服隨其資性高下各有所成就皆曰吾師之不輕許我也乃其所以成我也計甲辰至今辛亥前後歷八年所陶鑄士爲多而先生年

四馬齋文集卷四

五

已七十矣人謂先生宜得上壽者三世之以文名者遠弗具論自有制藝以來先生之鄉人如張元長徐思曠錢吉士之流非皆赫赫壇坫者乎顧至老不得一登科目豐其名者嗚其遇何代無之先生早歲而名滿天下六旬而身列巍科宜壽者一世之間人年少氣銳急於見才輕試州縣及其之官簿書有堆案之煩斷決鮮如流之識朝影華纓暮膺白簡若是者殆更僕難數先生優游禮樂之場枕藉篇章之囿時時徜徉於敬亭宛溪間宜壽者二人莫難於有文更莫難於有子文之佳惡存乎已子之賢否聽諸天名人之後不必象賢極盛之

四馬齋文集卷四

七

下難爲繼美先生癸甲之交弓裘連雋且也名辭閭苑子列冰銜身既月旦於南子復校文於北宜壽者三雖然稽古之榮世俗之論皆非所以壽先生也余聞先生敦古之道順於親友於弟和於室人自爲孝廉足未嘗一涉公府屢上公車索米長安道中懷刺漫滅不投人皆目之爲迂其爲廣文自談經課行外州縣事屏弗與知壺鹽自甘不以口腹累安邑蕭然無異諸生此真昔人所謂人師非直經師比也今天子隆儒重道時詣太學一旦舉古者養老乞言之禮記爲博史必將有安車蒲輪徵詣京師以爲諸選造觀法者舍先生其誰屬

哉故余獨咏思樂之詩以爲先生之難老祝且謂祝嘏之典尤莫宜於庠序也先生之年家子姓宜京師者競乞余爲文以壽先生余之甥孫女實歸令子編修君良表二者於誼皆不得辭輒爲引筆書之如此

海寧相公八十壽序代

天地交泰之氣畢鍾於今日我皇上繼志述事勵精圖治於上而羣工百執事震動恪恭晝考夕糾於下於是百官得其宜萬事得其序氣機之感動如鳶飛魚躍羣策羣力莫不鼓舞於壽考作人之時而一二黃髮之老無智名無勇功從容坐鎮於廟堂之間淡焉穆焉

四馬齋文集卷四

六

壹若無事於揮霍爲者然而和平渾厚之風易直子諒之度長而不宰獨守天下之純氣又習見先朝行事者久諳於國家治體承燕閒備顧問仰慰皇上繼述之孝俾同列皆有所矜式而同底於道蓋昔人所重於無遺壽考者曰稽我古人之德又曰稽謀自天其繫於天下之重者在此故年彌高而彌足以增朝廷之重爲邦家之光若我海寧相國乾齋先生是其人已先生自壯年登上第入直南內聖祖仁皇帝擢侍講筵恩遇日渥南巡北討靡不扈行旣以尊人容菴公老拜疏乞終養聖祖優詔許之歸而潔滌隨時

花木以娛親志 御書南陔日永額賜焉容菴公卒先生既終喪猶不出天下以先生為孝己丑夏即家拜掌院學士歷吏部左右侍郎克舉其職辛卯出撫粵西築陂塘建倉廩興講院以勸學者民歌其惠戊戌入朝京師扈 蹕熱河者半載 聖祖稱老翰林不以外吏目之旋晉司空轉秩宗 眷注愈隆不日膺枚卜而 大行已上賓矣 今上以先生久侍 先帝俾奉職 陵寢以副陟降上下之思先生亦自以 先朝舊臣泣涕請行既除服猶供奉於松楸石馬之間者三年出入瞻謁不啻如在 南內暇則手抄 上諭朝夕觀省如對

四馬齋文集卷四

尤

闕廷天下以先生為忠雍正六年戊申 皇上念

聖祖時耆舊老臣在朝者少惟先生宿德重望為海內冠 命拜文淵閣大學士歸京師以示眷念老臣之意 蒼顏皓首重入國門至是而先生之年已七十有七矣 嘗考平陽相齊築堂以處蓋公用清淨為治道曩者先生撫粵之政近之逮平陽繼鄧侯入相一循其法日歌呼飲酒遙與諸舍人相應和一切無所問西漢之治幾於刑措今高安桐城常熟三相國皆以公孤攝六卿指顧而天下之事集獨先生皤然國老每日肩輿詣閣中坐堂上省視章奏上下既畢歸邸第掩關謝客焚香閱

書史作詩以自娛樂淵懷雅度視平陽又何如哉夫平陽徒守前人之法而先生能飲同僚以和所謂載其清淨者三公皆目擊而心喻之是先生之道高於平陽遠也九年辛亥十月先生八十生辰門下諸君子以先生為先司寇公乙丑所得士世講最篤往同直 禁中薰德又最久屬為之辭余謂科第之高闕閱之盛 寵賚之便蕃詩文字畫之流播遠近與夫富貴者壽兼集於一身而令嗣又將繼起大之者皆世俗所共稱顧先生冲乎不自有也惟是 聖天子圖任舊人優禮耆老用淡泊寧靜表率百僚俾皆有所則倣以成治體端於先生是賴是先生不矜名之大名不尸功之大功也可無誦乎余觀先生拜起矍鑠據案作擘窠書倍工於壯年殆天錫之以幸三壽今大學士孫公年八十尹公七十有 朱公蔣公皆六十以上而張公亦年六十余嘗謂先生前代之耆耄遜於野今日之耆耄萃於朝潞公之倡洛社猶鄉里美談羣公之在政府乃昇平盛事也先生笑而頷之然則培 國家萬年之祚以錫福四海先生清淨之道有以成之矣造化純氣所會實在先生行且坐享百歲而未有艾也夫是為序

記

四馬齋文集卷四

王

記宗祠本末

嗚呼我曹氏之居海上二百五十餘年於茲始克建宗祠以合祀其先祖而收我族人蓋其難哉始伯祖綠巖公奉神主於廳事之東地卑隘議改爲之未果從伯父梅州嘗欲擇地爲宗祠博求典故將以時舉未就而病卒從叔父梧岡令江右贛縣丁內艱歸服闋病不赴調於是慨然思竟先緒度地西城刻日鳩工集事地去所居一里而近故多植桃李名曰芳園又西爲鐸菴綠巖公所築以資禪誦循鐸菴而北有隙地可數畝於上爲堂三楹間以奉神位東爲盥沐退息之所西藏祭器爲庫房又作崇孝堂於東族人之飲福序齒於是乎在東向爲中門顏曰曹氏宗祠稍折而北小屋十餘間以待族之子弟絃誦焉其東偏爲廚房非祀事不舉火外有亭有池故園中築經始於康熙四十五年丙戌十一月日落成於四十六年丁亥四月日從叔父巢南春浦共襄其事既成作神板於家自始遷祖始曰明處士孟春公二世祖曰明處士守愚公三世祖曰明武舉寶山衛哨官明衛公太醫院吏目起潛公四世祖曰 皇清封文林郎廩膳生鄉飲大賓南叟公鄉飲賓君畧公五世祖曰 皇清丁亥進士知遂安縣綠巖公處士天策公

四馬齋文集卷四

三

文學戴庭公贈文林郎文學滬城公六世廩膳生安初公明經考授州同知梅州公以次祔各以妣配共十有二位乃作祭器惟樸物勒祠堂字五月丙午越二十日得辛未夏至奉神位入祠厥明子姓公服即次以鼓樂導既至乃安神皆南向升降灌獻罔有不恪三黨之士畢走助祭先祖咸喜歡我飲食畢事乃頒胙於伯叔兄弟退於是作祠規一曰我祖考之臨於上者皆孝友忠信力學以用世勞形以治生用啓厥家庇我後嗣繼自今有敗倫常傷教化陷於匪類玷及先人者生毋登此堂歿毋與此祭一曰祭必有田凡升于祠各以田助視力上下事有宜賀先輪於祠有德而貧歿則公舉一曰田必有掌惟賢有力者是以年六十而代焉租入之餘籍以爲息祭享塗塹與族之無告者取之非是不假欺則罰一曰祭期歲舉二焉若分若至四代時祭則於家一曰祭品自醢醢酒漿以迄牲牷菜果必豐無過於度一曰祭之執事皆子弟親之自設位引贊讀祝執爵進饌而下有差僕隸不得入祭室一曰自祭而外朔望參婚官告元旦則咸拜於祠復會拜於崇孝堂以出生子命名謁焉而書於譜一曰祠東西房雖閒空子孫不得居擇謹慎而勤於事者供灑掃啓閉之役規既定布告

四馬齋文集卷四

三

於族人皆敬應曰諾於是從叔父梧岡巢南春浦首割十六保田之腴者各若干畝爲義田族人各以力來助自一畝以上五畝以下登於籍謀主者皆曰莫如巢南賢巢南叔亦曰是固在我於是專主分至祀事田之鄉落步畝另碑記不具越明年戊子二月一士之父謁選得閩之莆田便道歸拜於祠下厥三月丙辰越二十四日辛未告行於祠族人咸會如初禮已而飲酒堂上予父作而言曰是役也微梧岡孰創微巢南孰主實紹我父兄志族之人其益維持之我曹氏尚克有終命小子曰汝盍識其歲月以俟有道而文者銘焉用昭吾先世

四馬齋文集卷四

三

德美教後人無怠小子曰唯遂退而記之

太倉州重修儒學碑記

代從兄作

今 皇上之御極六十年秋八月重修太倉州學落成乃以仲丁釋奠於 先聖先師維時像設儼然神主奕然案几斐然簷阿煥然廊廡翼然將事者肅肅惟敬既分獻名宦鄉賢二祠畢遂偕諸生登明倫堂周視上下四隅陶之材加密木加壯石加堅黝堊丹漆加良雖仍舊貫實創新模言言乎殖殖乎稱是州之文物矣諸生色動神舞相揖而退越旬乃計工始辛丑六月訖於十月者大成殿也始庚子五月訖於十一月者明倫堂也

祠之屬三曰啓聖名宦鄉賢賢祠故在堂東陋且弗度今移置戟門左右而賢祠則重作於戊戌庠生孔傳書實左右之亭之屬一曰克己故敬一亭舊址也工最後與啓聖祠同竣於十月之末齋房之屬一曰西序南一間植碑其中以堂之餘材繕治焉而東齋房則余所素葺也門之屬三曰戟門櫺星門學之大門視昔而加偉若夫 先聖之像袞冕端委必飾先儒之主時代先後必揭而正之懼褻也凡歷歲二月一十有三而後訖工計費銀八百二十兩有奇所未修復者獨尊經奎文兩閣耳天相是學必有繼者於是諸生郁士桂等進而

四馬齋文集卷四

五

言曰先生志寒暑以勸之酌盈縮以成之敏且公矣請伐石以記其事俾後之人毋怠余自愧海濱末學幸獲從春所張先生後効奔走於 聖人之門墻躬執其灑掃諸大夫之賜也邦人士君子之力也何功之與有雖然工甫訖而春所不幸歿矣余固不可以無言也州之有學自明正德時規制大備後漸傾圯 本朝甲子學正金壇宗人凝菴先生力圖興復艱難拮据僅克有成余讀其文未嘗不慨然太息抱子衿城闕之悲去今僅三十年而敝泮者半方惕惕乎懼不克勝任而二年之間大工兩訖將伯一呼四民畢集此豈余力所能爲哉

蓋 聖天子崇儒重道漸摩既久入人者深而今大學士顯菴先生實產是邦爲州學所造之士風聲習尚薰被於閭巷之間視簞者尤彬彬矣作止之勢懸而忘奮之情異所由然也且夫宗廟則既美矣宮牆則既高矣諸君子之學於斯也惟是之爲高且美乎抑將求其所以高且美者乎苟求其所以高且美者則進而立於朝必扶綱常植人紀爲朝陽之鳴鳳退而處於野必飭坊表勵名節爲不彫之青松用是報稱 聖君賢相教學明倫之意傳之天下書之史冊曰某某者自某學出其時實某人者爲之司訓余固與有榮焉而茲學之修舉

四馬齋文集卷四

五

者庶乎其不墜已諸生曰唯唯遂書之俾刻于石是役也余與春所先生倡之而慨然首事捐貲以贊其決者王主事潞亭唐主事東江陸御史匪莪也事聞京師首相俸百金以助者大學士顯菴王公也相繼樂輸者金主事南廬王官詹拙園王糧道樹先王督學梅治王員外杞望汪主事梅璘曹中翰亮疇等也朝夕相余從事者郁生士柱也助會計司出入者吳生宗銘俞生大見錢生溥也奔走督工者孝廉周麟瑞諸生楊子龍顧弘沛楊岱黃彥王訥張肇基顧騰蛟王寬陸殷徐柄錢濤錢德培王良穀王汝翼胡之錡張垔王諫錢柱蔣翰王

宰吳主德張鎬凌駕王拱楊斌黃曾榮唐朱炯李振揚吳兆桂顧廉吉有穀鄭耀錢靜王斐徐衍朱雲武曾聯芬楊履昌等也重製廟廡木主者凌生駕也若夫當事捐俸且多方設法以濟其匱者前任州守大興李公潤齋而現任海寧張公浩亭同知車公松齋通判覃公京峰守備成公存之均有力焉學書辦李士敏門斗洪政始終執事不懈亦可書也至州人士與富商大賈好義者尤衆另書匾懸之學中茲不具列云

京畿道御史題名碑記

宣武門內之西有京畿道街京畿道設專署以重其任

四馬齋文集卷四

五

蓋自前朝始今署直大理寺後門與堂皆北向庭中片石漫漶剔而讀其文則故錦衣衛址也辛亥冬某承乏是職與同僚某某稍葺而新之既相與言曰我國朝以來先政姓氏闕未書曷以存典刑昭法守乃考故牘自順治元年迄今雍正十年得若干人刊之石嘗考古以史名官者有太史小史內史外史太史掌建邦之六典八濫八則以逆邦國官府都鄙之治凡辨濫辨事者攷焉內史則執國濫及國令之貳以攷政事逆會計掌敘事之濫受納訪以詔王聽治按其職稽之於今御史所掌爲近而京畿道則尤近焉他御史照刷文卷及一

省而已京畿道乃萃六曹五府百司之事而董之邦之典灋有弗辨正於斯者乎昔先臣徐文貞階慨然於明代文人重史籍而輕文卷至却去不觀而推其有資於政理者告之某則謂古之史籍即今之文卷故太宰建其灋而太史內史逆其治非有二也若邦國之志及帝繫世本則小史掌之四方之志及三皇五帝之書則外史掌之後世所稱史籍具是是特史之一耳豈足概大小內外之義哉今 朝廷清明百度修舉吏不生姦事絕倖竇滋任者校年月核異同靡不樂殫乃心以備識邦國官府都鄙之治乃知國家以史名官義實繫此

四馬齋文集卷四

三

而京畿道所掌尤專且重也若夫史有言責所謂受納訪以告於上者蓋非文卷所得而限 聖訓有云言路當矢竭公忠無欺無隱而深以撫拾瑣細植黨行私爲戒且等照刷之餘夙夜祇慎圖所以仰贊 高深稱塞明旨而列名於碑方端端乎懼貽曠官之耻於設鐸懸銘之世雍正十年壬子月日記

水西園記

直沽在京師東南三百里而近滙衛白兩河及丁字沽合流入海凡畿內千里之水皆趨赴焉汪洋瀾漫襟帶輦轂志謂即古九河入海之處近且設立府治列於

三輔拱衛神京譬析木之津號爲天漢泱泱乎稱天下之巨浸矣又其地爲漕運孔道冠蓋之所往來商賈之所輻輳舟車絡繹貨物駢填鼓角管絃之聲不絕於耳遠望滄溟蓬萊樓閣時時隱見於波濤杳靄間若可攬而有也而自元置鎮以來獨未有爲園以收其勝者吾鄉查君天音少遊京師樂津門之雄且沃也卜居者既有年矣暇日流連水次有會於心乃選材伐石闢地而構園焉亭臺映掩池沼縈抱竹木蔭茏於簷阿花卉繽紛於堦砌其高可以眺其卑可以憇也津門之勝於是乎畢攬於几席矣爰名其園曰水西乞余記之余與查

四馬齋文集卷四

天

氏同里爲世姻戚君之兄聲山夏重德尹學菴輩皆與余交好往年同官京師余之初識君也則由聲山是時君名方籍籍公卿間倜儻豪上不媿王謝家子弟忽忽數十年君年逾七十以四方之志付其長子別駕君而卜築于此以娛其老曰此與吾鄉西湖之水一也何必故都噫君可謂隨寓而樂者矣余又聞君性好施予喜賓客凡縉紳先生與布衣昆弟之交過其廬者周旋傾倒連日夜不倦微論新故人人皆滿意而去次子孝廉君能詩好事稱其家兒有所指揮無不咄嗟立辦以故四方賢豪長者皆樂歸之茲園之尤足名於天下者也

昔鄭當時置驛以通賓客登其門者如流水陳遵識會賓朋醉則投其轄使不得去孔北海座上客常滿尊中酒不空之語古今以為美談然諸公皆貴仕登朝天下士日進於庭求一識面好賢下士以為名高其折節也固宜今君隱處湖海無所求於人而人自趨之君乃一樂為之盡且有園亭池館之勝以流連光景歌咏太平而彼三君子者曾未之聞也豈非遭逢聖世得以優游而及此哉以君所得較之三君果孰少而孰多也余家鹽官之鄉亦有所謂隅園者從宦以來未嘗一省視今且歸老其中咏香山池上之篇以息機玩物其地濱海煙雲變幻之態度與君水西之境同也特邑小地僻遊屐罕至言念聲山夏重諸君半已長往君倘命駕故鄉一訪衰朽相與把盞論詩共話疇昔余將懸榻開徑以待之

四馬齋文集卷四

五

傳

蔡烈女傳

蔡烈女名來上海南郊蔡靜侯子也生九齡而許配同里謝氏子玉智烈女性明慧習女紅又嘗從其外曾王父朱君錫授女訓誥大體父母篤愛之謝氏子年十三而殤女聞之吞聲泣隱隱絕食者三日父母強之食

乃復食時年十四矣自後值令節姊妹或酒食相娛樂女獨具茶果陳設於房中意慘然不樂人莫覺也靜侯母老且病獨女侍湯藥輒不寐經旬以故父母尤愛憐之自玉智之殤也人有欲委禽者女謂母曰未三年忍遽忘耶議遂寢比三年求婚者踵至母以叩女女曰母勿言兒終不願也時女年且十九父母以愛之甚急欲為擇佳偶久之乃得里中某氏子隱有成言矣女知之矢其志益堅父母乃正色諭之曰如兒言我夫婦百年後目能瞋乎女默然父母度女意稍稍轉私謂姑待之當漸忘也女姊妹二日嘗共鍼黹是夜女獨留燈刺繡至夜分不寐父母晨起覺有異急視之燈熒然竟自縊死矣遺片紙大書貞烈二字聞者聚觀驚歎即白於邑宰陳公臨其廬親揖之并具實聞之上官候題旌表焉先是謝有母張氏嫠居貧甚女請於父母數使人問起居且佐以十指餘潤懇懇如已事姑者至是張氏聞女死歿失聲求合葬於蔡許之女生於康熙庚申某月某日其死也距謝氏子六年歲戊寅四月二十日即玉智忌晨也女之外曾王父朱君錫請余傳其事

論曰烈女不更二夫為既嫁者言也雖然既有嫁之道矣謂女非男是夫而誰夫乎男不幸而歿苟有人心

四馬齋文集卷四

三

者其不能以漠然明矣獨蔡女耻以身事二姓而時又難盡言卒毅然一死以殉之其志為可悲也觀其臨絕命時執筆從容則女之自誓者素矣豈非所欲有甚於生者哉嗚呼未嫁而夫殤者雖知有烈女而弗為焉可也已嫁而夫死者加厲焉可也

從姑母陸孝節婦傳

孝節婦姓曹氏小字借姑一士之從姑母也父天策公諱垂星隱德不仕母楊氏先舉姑幼婉婉通大家訓天策公為擇對里中得陸君韜未成童入府庠有能文名遂以字之年十六歸陸氏陸氏姑孀居有節操婦事

四馬齋文集卷四

三

之惟謹中外稱其賢未幾夫病瘵累年卒孝節婦年纔二十三耳舉子女各一子不育至是乃立嗣子嗣子則又不育族人無肯以其子嗣者他日有陸尼者徵諷曰少寡亂絕姑老女弱將奈何孝節婦恚甚立捶胸嘔血尼驚走出自此終身不復見其面事姑愈謹姑亦愛之如女康熙丙午八月姑疾日侍榻前不去已而疾大漸醫禱罔效乃中夜焚香祝天引剪刀剪左臂月無血創其不敢出聲還入房為羹以進姑不食者數日矣曰此何物乃有異香飲之至盡遂愈并不使小女子知之後乃曰世傳為此者遲聞一日則病者多活一年耳紡木

棉以養閨十五年姑乃卒女字邑右族張氏贅而依焉婿家亦貧族兄弟共迎養之甲午十一月晦卒年七十四距喪所天時計五十有一年明年夫婦合葬於陸氏先塋三黨咸尊稱之曰孝節婦云孝節婦年三十三時母楊老疾醫者皆云不治孝節婦私念臂月可療姑疾獨不可療我母乎復中夜焚香祝天引剪刀剪左臂月血溢手腕創甚不敢出聲還入房雜米湯中以進母哺米至盡餘一粒大如豆曰此何物又汝月邪哽咽淚下款款然推去不竟食遂卒今考之癸丑正月初五日也初孝節婦往來士家士年尚幼輒牽衣問姑前後所割

四馬齋文集卷四

三

臂瘡處欲一觀愀然不悅曰郎君輩何自知之此自愚婦計無復之姑出此耳郎君輩安用見之屢請終不肯出示

從姪一士曰割臂非古也先王之訓曰父母有疾冠者不櫛行不翔言不惰琴瑟不御食日不至變味飲酒不至變貌笑不至矧怒不至詈飲藥子先嘗之醫不三世不服其藥與夫傳記所稱行不能正履不脫冠帶而養一飯亦一飯再飯亦再飯如是而已俾賢聖者所優為而愚不肖皆勉而能至故謂之曰庸行必斷支體刻肌膚幾幾乎近於滅性而傷生則世之殉名者將驚焉而

尋常之所當盡或及不暇自力故先王慎之雖然議禮者制其常率性者盡其變當夫勢窮事迫心煩意亂無可如何苟有說焉可以少延姑若母之命於旦夕則將不暇計其濟與否而爲之其於我臂猶之一草一木之滋與斷葱剥棗等耳孝節婦視之甚庸也名云乎哉苟其一時激發不由於中之所誠然事過境遷勢且不可終日彼顏桓敗屋中姑婦焚焚相依爲活難有甚於割臂而痛倍久於剥膚孝節婦無孤可立之死靡他此何爲者耶故夫能爲婦之節而後不難於行婦之孝也若孝節婦者常變無盡者也無恃於先王者也嗚呼我高祖鄉賢府君之遺教遠矣

四馬齋文集卷四

三

徐孝子傳

孝子姓徐名弘成字自西行二通州如臯縣附貢生父勅贈隴州同知繼配沈安人實生孝子孝子生而凝重不好嬉戲性純孝十歲喪贈公擗踊如成人寢食盡廢既免喪深自葆攝或語曰髫年不須爾對曰我孤子我母實愛憐之不敢以疾故貽母氏憂洎成昏覘安人意所向雖未形於言輒先爲之備得其歡心或緣他故安人色稍不懌孝子繞膝譬慰多方俟意解乃退遇小疾必躬視即有間孝子爲瞿瞿然弗釋如惟恐復

然康熙癸未正月安人中寒疾勢甚篤延醫治之百方卒不驗孝子惶迫不知所爲中夜匍匐告天願減算並母以頭叩地願盡腫安人終不起既殮孝子號哭嘔血殯而復蘇者再家人進飣粥嗚咽不能下至二月初七日孝子亦卒遺命曰葬我父母墓側且以衰服殮時年三十有一先是孝子與兄隴州貳守弘緒既卜地葬父會隴州前沈安人卒兩房子俱幼迨長始合葬安人於贈公之阡或謂孝子子建中更擇地建中曰父命從祖父母奈何違之卒葬孝子於昭位人謂建中知禮初沈安人緣贈公意加恩族人凡昏喪之力不能舉者命孝子代舉之惟力所至必爲之竭推之母族亦然暨戚屬疎遠者罔不周至安人又好施子暑以茶寒以薑病以藥貧不能殮者以棺木孝子嘗竭蹶盡瘁終不使安人知之隴州兄出自前母劉劉蚤世沈安人撫之如已出孝子事兄如同母兄卒子建杓甫十齡撫之如子經理門戶如其兄存孝子既卒三黨內外會哭皆失聲遠近聞者亦爲太息流涕雍正戊申有司以其事上詔下旌其門如制

外史氏曰余聞如臯宋時蓋有丁孝子云閱六百餘年復得徐孝子嗚呼孝庸德也若是其希闊間見者乎哉

四馬齋文集卷四

三

丁以父亡奉母盜至請殺身以活母命母子俱獲全孝子籲天求代終不得一療母疾母亡身亦隨殞夫亡身以殉親其心一也事有效有不效豈非命耶彼孝子之不得終喪以死孝子之不幸也非孝子志也如臯人為余言孝子當母病篤時嘗割股以進人間之終不以告故其事莫得而詳嗚呼此可以知孝子已

豐利塲陳氏族譜小傳

節婦孫氏

如臯士之雋者曰陳彭一旦偕其父三捷詣余再拜言曰三捷之得有此子以不墜其父祀也則皆吾母一人

四馬齋文集卷四

三

再造力也我父之棄三捷也三捷生纔匝月初不自意得至今日即吾母亦不能必三捷之果至今日與否而獲至今日以幸有此子者我母未嘗言三捷亦不能言而族人言之鄉之人言之縉紳先生又言之終願得先生一言以傳諸家乘且俟他日修郡邑志者考信焉敢彙萃前後詩傳序論若干篇以請言已泣下不止余感其意受而論以焉諸君子之言曰節婦孫氏豐利塲人適陳君以德為繼室君年近五十艱於嗣娶節婦舉一子即三捷也子甫生而陳染危疾遽卒是時節婦年二十有二煢然一弱女子上下無所依藉三黨咸慮其弗

克終而私語竊歎者數數矣節婦屏去容飾足不一履戶外即父母家邀之歸終不往躬日夜紡績以養其家人喪葬伏臘咸取給於十指有支吾而無缺失焉居恒嘗咄咄私計曰吾倘得三捷也長既而三捷漸長露頭角則又咄咄私計曰吾倘得三捷就傳既而三捷從師受書則又撫其頂愀然歎曰吾倘得汝成立且早受婚乎既而三捷娶婦拜堂下則又愴然泣曰悲哉汝父之不見此也吾安得汝生孫以永續陳氏宗乎既而三捷生子彭又生子銓節婦始一開顏曰三捷也而有子我憂庶幾少釋越十餘年二子俱能勵志問學彭未弱冠補諸生三捷為具冠服率之以拜於堂下節婦於是顧之而泣曰未亡人乃今而後可以見夫子於地下矣卒年七十三距陳君之亡閱五十年海上曹一士總其意而論之曰婦之守節者有子之難蓋倍於無子也無子者守其一身可幸無辱而已有子者則併其子之成敗而與有責焉將使死者復生生者不愧上以亢厥宗而下以垂厥緒斯其戰戰兢兢如臨深淵如履薄冰者豈徒毀形誓死之謂乎孫節婦於是有代終之功矣余耳目所覩記節母之後類多昌大其門閥冥冥之中亦鑒其尊且悻也其在彭哉其在彭哉

四馬齋文集卷四

三

法曹君政

陳君名以德字君政如阜豐利場人少孤事母以孝習舉子業不得志去爲揚州法曹滄州戴公新城王公皆器重之異於常吏凡大獄詞非出君手輒不決君爲人慷慨介直無世俗齷齪態與人交披心示腹不設城府性好施予親黨有困乏輒賙卹之待以舉火者甚衆君率囊無一金之蓄意豁如也在揚州時友某罹於法罪且不測君悉心計畫且破產爲之營救卒免於難鄉先達蘇君世威聞而義之曰世人平居作翕翕熱一遇急難漠然如秦越人之不相顧奇哉法曹乃有古烈士風

四馬齋文集卷四

三

於是君義聲布於遠邇一時知名士爭慕與之交戶外車轍常接踵云中年舉子三捷甫匝月而君亡賴室人撫育之迄於成立余爲作孫節婦傳書其事三捷個儻能繼父志里有爭訟一語爲剖曲直莫不帖服人謂君政不死孫彭縣學弟子員有聲於時

論曰古豪傑多隱屠釣況吏乎春秋時或仕於大夫爲其家臣與今之吏等耳然皆命世賢者勝國之初徐晞猶以縣吏致位九列孰謂主文中無非常士也今君政得以三途並用任天下之事則忘身家以徇當世視其友何如年之不永終於法曹惜哉

克恭

克恭名三宮天性孝友伉直重然諾始終不欺少失怙以勤儉起其家家以日饒族有嫁娶喪葬之事貧不能舉者必相飲助無吝色順治九年族人謀輯家譜克恭獨捐貲數十金爲之倡生四子延師課讀庭訓甚嚴孝子天錫其次子也

論曰今世富人類多豪華佚樂馳逐聲色否或斤斤守財少有乞假則牢關固拒視其族屬之凍餒不如僕隸之呻吟聞克恭之爲有不反笑其愚者乎其愚也茲其所以爲克恭與

四馬齋文集卷四

三

孝子天錫

天錫名近祺克恭次子母寢疾天錫侍湯藥夜不解帶者累月母病日甚度不起天錫乃仰天號泣願以身代夜半引利刀自刳其股流血至踵悶絕於地踰時乃甦因潛和藥以進其母冀得少延時天錫年未及冠也論曰刳股國法所禁爲夫虧體救親不可以訓也嗚呼當其情事迫切雖亡其身有益於親猶且爲之況一股之細乎故君子禁其事而仍予其心若夫際親之危而姑以其遺體嘗試而求名焉者謂之不孝可矣

聞修暨配管氏

濟濟間修之業終以不墜云

論曰天道無親常與善人聞修之篤行化行於閭閻而妻若子不免於厄何爲者邪是以君子蹈道歸全不問禍福

四節婦

包氏自田公配生二子三索三偶三索四歲三偶四十日而自田即世氏年甚少誓不再適值兵燹後家資一空朝夕饑殍或不繼氏志益堅辛苦拮据二子賴以成立

趙氏黃理妻夫亡無子趙以死自誓告於族長立黃理

從兄範若子書爲後以奉夫祀茹荼共守終始如一云耿氏君美公配生二子君美亡氏守節三十年年六十有六而卒初喪所天時長子甫十二歲幼子七歲氏撫孤創業克保其門戶鄉里至今稱其難

李氏邑望族適晉卿爲室循循執婦道佐其夫經理家業日益振起晉卿亡子近岡生纔三月氏抱之泣曰是呱呱者妾與之同命矣撫育數十年備極艱苦卒底於成人

論曰余聞廣陵風氣輕浮里巷多桑間之行今觀於陳氏何夫亡守節嶙然不滓者之不一書而已也乃知習

俗移人人自移耳於俗何尤焉頃天子方下明詔旌表節孝俾遐方僻戶咸得發其幽光余既爲君政婦孫特立傳次其譜復得四人皆鐵中錚錚莫可軒輊殆相與觀法慕效而然者邪司鐸者與有采風之責既譜其事而逡巡未得上聞寒夜書之恧然愧汗下矣

蕭氏

蕭氏毓華公繼配夙嫻女訓于歸後以儉勤相夫子賢聲日著睦於鄰里簞豆之間相繼也有以緩急告者恒多方詘勉以助之無一切鉛華甘脆之好朝作夜休不以爲瘁卒年六十有六子聲玉篤行長者鄉人推爲約

長蓋母德所就云

論曰余讀雞鳴昧旦之詩歎婦人之賢能警戒其君子不失中饋之職至其所自表見則曰知子之來之雜佩以問之意何厚也近世轉金聞於室中詬誶加於戶外習以為常恬不知耻賢哉蕭氏乃有古女士風乎

左都御史王公傳代

王沛檀字汝存山東諸城人父鉞廣東西寧令世居縣北相州鎮東巷鄉人稱老實王家沛檀中甲子鄉試嘗從族祖戶部尚書陽如陝賑饑議叙選漳州通判會鞠龍巖盜案知府擬如原供上沛檀曰盜多賊少不足據

四馬齋文集卷四

聖

況續自首賊之盜并非原供十三人中所有姑徐之已而自首盜斃於獄沛檀曰以滅口也如衆有口何呼失主廖前曰盜殺汝父讐大反殺無辜者以代汝讐死甘之乎且賊物真偽奚若廖涕泗言曰捕人與知之捕股栗曰事由縣主時令秩滿慮絀於盜陰取無賴子充之既白釋六人於獄院奇其才留值季值季者府選一條更番居會城理獄訟也閩防海戰艦三百餘無一存者急則賃民船以應沛檀白曰船事之壞由公費無出致有浮派浮派既夥變為包修而文武更互為利藪嗣後請一切支官帑勿使派民則武弁無所覬覦而包修之

弊可革乃倣張翼舊法令匠製船式一廣不及尺以分當尺寸當丈累計之不爽毫髮工若直皆俸指以定旬月三百艘悉復舊觀耿逆初靖閩省猶宿重兵提督請汰之下其議督撫名沛檀計可否對曰裁兵是也驟裁之非也若輩父母妻子皆仰給月糧一旦除籍能自食其力乎且閩地負山枕海脫有不虞咎將誰歸不如無下裁兵令弟簡老弱不任甲者去之罷役及死亡弗補不二三年兵不裁而自汰策之上也從之沛檀神采精明善斷疑事所在興起事功視土俗所宜施諤諤持正不為苛細以損政體嘗兼攝興化泉州建寧三府篆典

四馬齋文集卷四

聖

化民爭地甲委一廢疾人日闕乙室忽夜失所在愬之沛檀曰是終匿不出也夫大聲叱甲曰汝驅就木之老併命於人而陷於死殺之由汝乙謀無左證奚究為遂下甲獄數日廢疾人出俞氏豪據莫孀墓前穴而有之俞墓木則拱矣而莫券文校四至字麤細互異更數官直俞絀莫沛檀詰曰墓則莫上俞下也券則莫前俞後也而俞券如莫券云上至山頂則誰與盜售莫冢者始俞賄莫守冢人植木穴前而陰埋棺其下既成林而訟之則賄孀之姪以墨重蓋券四至為疑實這是乃辭屈先是閩為鄭賊割據田籍亂與泉七州縣民歷控之官

畏其煩吏居其貨置不理沛懼喟曰使百姓有田之賦可乎召老猾吏數人悉閉之獄命曰豐乃飲食給乃筆札籍苟不清毋望復出仍號於衆曰隱糧者速首免遲論如律吏皆惴惴懼罪浹事畢於是按冊稽地按地徵糧積弊盡豁建寧多火災延燒累日夜沛懼分府治爲三十六方各計戶十設水櫃一水甬一鈎繩之物畢具戶輪之有警則持具奔赴火所難以免富人娶窮民女生子而先許嫁之夫忽還訟富人介武弁以白金入沛懼笑却之呼窮民問曰汝尚有女乎曰有而未字也呼富人問曰白金五百兩猶在乎惶恐曰在乃呼訟者前曰律本夫逃三年不還許告官改嫁況處女哉而汝又十年不歸且汝奚取已妻他人之女以爲己妻也今以某次女妻汝而妻汝故妻者出五百金以爲新妻奮若何訟者叩頭謝立命與女囊金至其家妻之丁外艱服闋補雲南臨安府同知以清勤練達薦陞浙江温州知府首禁海埠以便商船斥鹵間有餘地瑞安令議清丈沛懼覆於撫曰溫民貧地瘠雖有尺寸未墾荒熟不常一切搜括必傷元氣且皇上子惠元元赦免錢糧動經數百萬而此一隅者獨令挨戶清查陞科幾何派累不少徒啓吏胥窟穴甚非所以仰體 皇仁

四馬齋文集卷四

聖

休養氓庶也請令額外已墾之田自行首報以免紛紜議遂寢而墾田者亦爭先報焉沛懼之在泉也釐定田冊不少假在溫則不妄增賦悉以餘利予民居二年廷薦才能陞四川建南道建昌衛界苗獫食鹽惟民便巡撫議設商益課沛懼爭曰邊氓粒食既艱而斥鹵無征實 國家利民美意一旦盡取之恐民有離心不聽以阮某爲商巡撫家人監巡捕迭邏之錙銖無所貸鹽價昂民苦淡食隨蟻聚爲亂萬餘人圍建昌將肆掠沛懼在省聞變連日夜疾馳至單騎前諭曰爾民皆 朝廷赤子徒爲姦商猾吏所苦宜赴愬奈何相牽引爲亂階蹈不赦罪衆皆哭拜曰民愚不知我公幸活我立解散沛懼乃下令革商一境以寧沛懼之在臨安掌銀錫廠也悉逐土豪引官商用之在建昌則不立商課以撫遠徼之衆調天下監司五員引 見沛懼與馬陞貴州按察使貴陽民昏夜爲拜斗會或告其匿河南亂民袁進巡撫遽發兵圍室獲數十人沛懼閱所誦經偈曰愚民惑福田非爲亂且進被獲年餘相仇者猶以是中邪邪檢郎抄白撫疑頓釋陞廣西布政使核捐穀革苗差親給餉允糧侵勒者不得逞桂林府有弟羅其兄不法事若干條控縣沛懼批其牘下郡曰弟以爭產故輒據撫

四馬齋文集卷四

聖

他事陷兄極刑果聽之是快弟殺兄之志而助之攻也
謂風俗何牒下兄弟皆悔罪太平土司請設學沛檀欣
然曰侏儻之俗苟教之則王化壹矣即入告行焉沛檀
所至留意教化在浙修劉基卓敬祠在川修文廟創立
講院集諸生肄業其中每去任士民謳思之雍正元年
上方簡用老成以劉廷琛代沛檀授沛檀太常寺卿
踰月陞通政使 命往浙江勘南潯命案時巡撫李馥
以監斃之犯爲首抵罪餘未減沛檀曰執買僮婢者爲
誘逃而手斃三命以焚其屍四人者法俱應斬奚首從
之分擬上報可陞左副都御史旋陞吏部右侍郎 命

四馬齋文集卷四

聖

偕山東總兵柏之藩察核各司俸工暨開銷等冊雍正
五年沛檀年七十有二侍班 上命同大學士田從典
立聽 訓旨蓋優其老也隨以疾乞休加左都御史銜
致仕 陞辭 上命內侍扶入 溫旨慰遣歸里五年
年七十有七卒先是 上以御書綉緞 命沛檀子口
北道棠寄其父而沛檀前卒如例給全葬遣官祭焉沛
檀性篤厚赴義若飢渴遇族鄰有恩甲申東省饑斗粟
千錢小錢片不行訪謂錢荒沛檀悉出所儲粟不擇錢
以糴且白知府行部切諭錢通流入賴以活已而盜起
鄉勇數百親率堵禦且以粟給無告者爲守望助邑

四馬齋文集卷四

聖

獲安已亥迄壬寅諸城歲比不登沛檀時官粵貽書子
弟屢賑之不足則貸倉穀以濟之庚戌邑被水取莊田
逋悉捐之三黨之乏絕者計口授食次友次鄉之餓者
傾倉廩共之曰此皆祿入餘也 聖天子方蠲租發粟
爲臣者又敢自肥冀官圯乃倡修之族之秀者延名師
教之地偏於鄉人之宅墓者輒割予之臨沒命其子槩
曰賑族卹鄰我志也我死汝兄弟竭力爲之嗚呼沛檀
之出處均有裨於政教耳矣沛檀識量凝定黔河西產
白燕擬上 聞沛檀曰小物不足稱瑞特本邑發科兆
耳既而果然童時侍父西寧方宴客巨蛇出屏後昂首
尺餘左右躍而前客盡走避沛檀手利刃直前斬之一
座大驚

葉忠節公傳

葉公映榴字丙霞號蒼巖上海人父有聲明萬曆己未
進士天啓中官給事以忤魏璫落職至崇禎朝仕至都
御史公生而聰慧讀書立徹與義見古人貞風亮節輒
擊節流連振衣起立性剛遇事若不屑爲而纖微畢照

年二十四成進士改庶吉士以註誤補國子博士遷戶部主事轉員外郎禮部祠祭司郎中康熙十五年權賴關吳逆倡亂粵閩應之賴南北路絕城孤無援公慷慨指畫相視險要與同官協力治守具流民避賊者出穀收撫之賴賴以完十七年提學陝西振刷作興文風丕變二十四年授湖北糧儲道清積通減耗羨事有不便者每與大吏動色力爭二十七年巡撫某被論朝議以總督同城不能察且湖廣內地無庸總督遂劾督而裁其缺并裁督標兵楚兵素剽悍有夏逢龍者尤桀黠能以小信義結其伍軍中號曰夏包子裁兵檄下所司發

四馬齋文集卷四

聖

遣兵無所歸洶洶道路初征滇南給帑於軍買鹽菜部以計簿不清徵如故督撫減月糧以償至是兵向巡撫索之不得將為亂逢龍招數十人會山中議事公告巡撫曰若輩苦餒耳假兩月糧給之可使散歸就業不許武昌同知某謂若輩敢爾不法亟遣役往捕其魁眾愈怒逢龍已集數百人入轅門大譁公急入白請好言慰之俟定後思所以安輯者巡撫出眾語不遜巡撫罵曰若輩欲反邪眾曰反即奈何遂露刃譟呼巡撫驚起入內眾逐之殺奴隸刼印綬巡撫乃逸公冒刃前諭以朝廷威德不應擁至閱馬場逼公從逆公瞋目叱之賊

奮刃懾公公欲奪刀自刼賊中有振臂大呼者曰是好官欲活我數矣殺之不祥勒入署縱兵環之冀公終從逆公亟作書發使請援門閉邏者密不得總城出是時巡撫既遁僚屬皆亡匿賊煽撫標兵招脇丁壯聲勢日振響應山谷公曰今惟有一死以報國家人環泣曰如太夫人何公亦泣曰我所難者此也顧其妻陳淑人曰今以付若因相持痛哭乘賊開郭門出汲陳淑人奉太夫人易服從水溝出乃仰天歎曰吾今可以死矣遂繕遺疏北向九叩南向再拜升公座罵賊自刼未殊再刼張目良久而瞑賊聞大驚匍匐入拜歎息而去僕奉

四馬齋文集卷四

哭

喪出楚民扶掖登舟至斬乃與家人會事聞聖祖震悼特贈工部右侍郎予祭葬錫蔭明年南巡子勇迎道左御書忠節以謚而蔭勇荆門州知州雍正七年上讀聖祖實錄念公死事烈名子孫入見長子勇前以廣州府罷歸復授鳳陽知府次子芳授蔚州知州辭改員外郎孫鳳毛授內閣中書公為文下筆千言善詩與王阮亭李梅崖相倡和著有經世要言史鑑二種有知人鑒若張曾慶范光宗顧昌祚馬如龍宮夢仁胡潤皆公門下士也公生於江西藩署庭有榴久不花是年花盛放實大踰常等故以映榴命名天之生公蓋不

偶然也

論曰武昌變起一時諸僚蒼黃失據公獨從容盡節非學問素定於中何能卓然不渝如是語云忠孝不兩全公以身殉國事而能卒保其親何區畫之善也余少與公仲子芳同爲諸生特相契公從孫棠爲余僚婿嘗館於其家因得登公之堂今復與公孫鳳毛同宦京師故知公最詳云

四馬齋文集卷四

兗

四馬齋文集卷四

四馬齋文集卷五

海上曹一士濟寰著 姪 錫黼誕文編訂

壻 葉 承子敬 錫端菽衣

男

內姪張熙紳赤垂 錫圖起南 同較

書

與王文范之書

謹按講義多發明心存理得之義而陸當湖之說尤詳若曰欲其心之不肆不隘不僞不急不刻則必恭寬信敏惠云爾蓋制乎外以養其中之意欲其收斂向裏而無有一毫馳騖也又按尊作多發明無適不然之義而

四馬齋文集卷五

一

公平周徧之說尤顯若曰唯其心之不肆不隘不僞不急不刻則必恭寬信敏惠云爾蓋由乎中以達乎外之意欲其擴充到底而無有一毫欠闕也合而觀之當湖之意自外說向內尊作之意自內說向外自外說向內者就合下用力而言言必由是而後造乎心存理得之境則夫不勝其心之肆之隘之僞之急且刻而本領於此未正者可以有所據依而本然之體不失矣則其用之流行者自在其中故即其始而終已該自內說向外者就工夫積久而言言必至是而後見其心存理得之實則夫託於其心之不肆不隘不僞不急且刻而推行

多所未盡者可以隨處體勘而當然之用各得矣則其體之來復者亦因以見故要其終而始已舉是其立說雖若微有不同者然一則慮夫喜於廣大高明而吾心多泛濫之失一則慮夫流於窈冥昏默而躬行有苟且之弊皆鞭迫其實下工夫可以相發而非有所相違者又按當湖曰行五者到這箇地位不是工夫至密立則見其參於前在輿則見其倚於衡安能如此所以不但曰能行而曰能行於天下心至此然後可謂心存理至此然後可謂理得味此則尊作之意與當湖豈不同歸一致哉蓋當湖發明朱子之說而於南軒之意有所未

四馬齋文集卷五

二

詳尊作發明南軒之說而於朱子之意未始或謬愚意朱子所謂無適不然即南軒所謂公平周徧也但無適不然自就用力說帶上能行二字公平周徧自就現成說已解為仁矣句則其先後次第之間亦微有不同者然非如艾東郊硬作通達無礙之解而先儒之說判為吳越也又按饒雙峯曰朱子以心存理得為仁是指能行五者言南軒以公平周徧為仁是兼行於天下言二者互相備必心存理得始能公平周徧此說甚善然細味之則似以朱子於南軒之意有所未該者而不知無適不然之云即公平周徧之所以然也又蒙引曰公平

貼五者周徧貼於天下輔慶源分心公平理周徧不是然細味之則蒙引之說亦未為得愚意心存理得是統言為仁矣之意公平周徧則言其心之無不存而理之無不得也本甚直截豈可支離分配於其間哉不寧向明以為然否

以上所陳妄意推測作者之旨未知果如是否然參之當湖之說發端雖別而大體卒同既有然矣外一二處與當湖實有不同者即考朱子之說亦未盡合士蠲疎淺陋不能驟喻精意之所存又不敢蓄其疑而陷於自欺之蔽敢再瀆左右求一言正之則作者

四馬齋文集卷五

三

之旨終以大明而士之茅塞亦或因是豁然也謹按尊作開講云存其心以存其理而即以實措諸事愚意此二句者一篇之大旨也而其語意即所謂積操存省察之功而後由中達外者也然本註云行是五者則心存而理得矣夫行是五者即實措諸事以存其心存其理之功一時俱到而初無先後之可分也設未實措諸事將何所致力以存其心與理乎則其語意似有不得而倒者高明於此必有所見矣乞明示之

尊作前幅對股末句云仁於是乎有即事可徵之實

焉 愚意此一句者後幅之綱領也而其語意即所謂仁者自有此作肅故恭行而後見仁者之容者也蓋即事可徵云者不欲求仁於高虛之域而貴有可見之實事自有此作肅云者深恐陰行其緣飾之私而語以自然之極則也其所用意至嚴密矣然考慶源輔氏之說亦謂恭則仁之著而蒙引疑其非本旨當湖又從而推明之曰蒙引自用功時言輔氏自成功時言雖似皆有理然此處正論用功故輔氏之說不當夾雜於此尊說云云似與輔氏爲近與當湖實有不同者其在此乎竊思註中心存理得公平周徧

四馬齋文集卷五

四

之云則能行一句徹始徹終自用力以至成功固已兼該畢舉於其中矣故成功之意非即夾雜也但自能行次第說去至工夫成熟則仁在其中而語意亦畢前謂尊說與當湖雖若微異而不害其爲同者此也至成功之後其本體之周流無間者既有所不待言而告子張之意亦未及乎此若自此而以五者爲言則遂有所夾雜爾嘗考精義侯師聖之說曰雖聖人之仁不過此五者行之天下聖人之仁也其餘則所至有大小遠近而已尹和靖之說曰恭寬信敏惠惟仁者盡之能行五者亦可以至於仁矣輔氏之說

與此爲近而或問合斷之曰侯尹以五者爲仁之屬則有非其類者愚意恭乃禮之見端信無專位而敏亦義勇之屬故以爲非其類耳若曰以包四者而言則又豈止於此五者邪愚意聖人語子張以求仁之功而不動感而遂通之云也故明夫專言之仁不止於此五者以見舉此五者爲救偏補病之意而非取其有以驗夫仁也侯氏又以爲聖人之仁則失之益甚此夫子所以告子張者豈聖人之事哉按此數語言簡意明當湖之說蓋有不異於朱子者而以尊說思之則於侯尹朱陸之間其同異離合未知何如固有非愚昧之所能定者矣且夫恭寬信敏惠者亦爲我之所當爲而仁在其中固非有於此可以徵仁之意也深恐學者不察語意將有

四馬齋文集卷五

五

一心行恭而又一心以徵其仁之見則有不勝其擾者即成功之後五者因事發見所謂恭行而後見仁者之容亦自他人觀之則然耳若仁者則初不自以爲如是而後可以見吾之容見吾之度也尊作之意固不謂此然所以告子張者方將使之專力於求仁而遽以此見橫在胸中則雖行是五者之時恐不免有如是而後見吾之仁之意則其助長欲速作意矯持尊作云云欲以救之而語意出入之間或反以啓之也然則當湖不取輔氏之說與朱子不取侯尹之說其深意可知矣妄計及此真所謂執滯不通之見

不足當明者之一笑然不敢自隱其愚者誠以講學之道一字不可放過且欲明者深知其蔽而必將有以開之也至懇至感

又按本章能行語氣本自內說向外為仁矣者合外內而言之蓋外面工夫既做得盡則裏面之純密不問可知故直指之曰為仁矣向來文字急於收入心來故於天下意都發得不透徹殊不知於天下處不透徹則正所謂日月至焉者安得便為仁乎又將未發已發對舉言之糊塗極矣惟尊作透發於天下意外面說得十分圓足最為確實但為仁矣句專就事

四馬齋文集卷五

六

上直指更不打轉心存意豈所謂鴛鴦繡出從君看乎

又按明吳因之謂上五者特舉現成名目是不着力字眼下五字落在行上去是着力字不可同看愚意聖人口中必無一樣字眼兩般意思者其為支離穿鑿不辨可知不審是否

與唐廷一書

蒙諭正心章疑義仰見高明擇理之精進而不已朋友間如此用心者絕少其肯出所得以相論辨者益不可得也敬服何似顧弟於此猶有不能無疑者敢為高明

述之心之存不存由於心之正不正此理甚明無可疑者兩節一氣注下自相貫通熟復之自見大全方氏乃以有無分說謂上節說心不可有所偏主下節說心不可無所存主似也然既有偏主即是無所存主矣謂其非復鑑空衡平之本然也而以有無劈分可乎且經云不在不云無者以心不在此只可謂之不在而昏昧雜擾之心固未嘗無也於此亦見經文下字精審處今高明欲小變方說而以中外分之弟亦有未安者中與外之不相離猶形之於影未可以區分而界畫也四者之滯於中即其繫於外者為之所謂心不在者乃主宰之

四馬齋文集卷五

七

心亡耳若其昏昧雜擾之心逐於外者何嘗不梗於中邪雖意誠之後不至如庸人之昏擾然即此偏着之心在內則鑑空衡平之心必不在矣朱子謂官街上走錯了路特以明夫四者皆所不能無者耳然既走錯則其不在正路可知矣即高明一室之中偏在一邊之喻極精然既偏在一邊則其不在中間又可見矣於此或以他事投之而應之不得其宜即所謂不見不聞不知味者亦容有之矣豈得以意誠之後而為之回護乎若以常情指點則上節亦可竊可細似不必以下節專屬之常人也若以經不云心不正為疑則固有說但云不正

未見其不見不聞不知味之灼然也惟不正者心即不在而後其失也必矣此又經文下字之精也若以註中不承正字爲疑則註固云敬以直之矣易之敬直與正不別故曰直其正也而此節之註於心常存下即接身修不補正字蓋以正字意已見直內句耳考之或問得其正而無不在是一段可見上下相貫處又考之語類一條云今人才忿雖有可喜之事亦所不喜才喜雖有當怒之事亦不復怒便是蹉過事理了便視而不見云云饒雙峯亦云因上言心之不得其正而以心不在明不正之害二說皆直截了當而大全於朱子之說則刪

四馬齋文集卷五

八

去便視而不見數語於雙峯之說則又畧之故弟嘗謂今日講義一以朱子之說爲準而後及其餘則離合皆有所考矣總之此章上下本相通貫但心不在之所包者廣不得限定上四件耳若欲盡開終有不安者敢獻其疑於左右倘有不合處乞賜再爲斟酌不憚反復幸甚幸甚

與趙雲垂書

十月初五日一士拜白別來遂復一載道不甚遠而良會之難也夫古人相思則千里命駕今弟之於兄如是是未可以言思也乎比者秋闈之試兄又報罷不知者

或以爲戚然古有道君子以少年登科爲不幸則意者兄之不遇固未足以爲戚也與弟自卧病後神氣日衰七月中勉就澄江試復病而歸至今不能出戶緣稟受至弱中間加以多病積而一發遂至於劇蓋非區區藥石之所能愈也病多所苦尤苦者不能讀書然弟即幸而愈而遂可以讀書而今者讀書之弊莫甚於無助無本此平日所常往來於心而不能釋者故忘其病而願爲高明陳之弟聞古人之能讀書者未有不求助於朋友者也以孔子之聖而猶有望於門弟子其在於禮自離經辨志以至於小成而樂羣親師取友者與年俱進

四馬齋文集卷五

九

無時而可已也故曰獨學而無友則孤陋而寡聞後世有志之士往往於空山之中荒江之濱偕一二同志偃息於茅茨陋巷間俯仰揖讓以講求古昔聖賢之遺書樂亦甚矣故夫勤則相效怠則相策得則相証失則相糾疑似則相剖故其事半而功倍今之同志者固已難矣幸而有之而或館於人以糊口否亦其父兄之所不欲也則不得而聚幸而可不館於人而父兄又得以成其志而遠者或百里近者亦數十里舟車之往來行李之煩費其事勢抑又有難者於是乎人自爲學家自爲師而朋友之樂幾何而不廢也如弟與兄庶乎其志之

同矣而一歲之中不獲一見書不過一二通叙離別訴懷想之不暇而求其如前所云者豈可得乎雖然求助於人者必有其本本之不立雖欲助焉道固無由夫讀書者必本於經而經學之荒至今日而甚矣弟觀於秦漢之間其時之儒者取僅存之經而死守之未敢以聞於人也迨天子下詔求書而後或受之女子或受之田間或受之獄中艱難曲折得以上聞百年之間學者雖欲讀而無有也其後諸儒之說紛然雜出自漢迄晉以至於唐彼此異同迄無定論是數千年之學者雖能讀而無當也蓋讀經之難如此今則家有是書矣宋元以

四馬齋文集卷五

十

來之儒者亦既著為定論如日之中天而燭之照夜矣學者即悉記其文通其義譬之壘畝前之人勤而種之後之人坐而食之守成之代較創業者難易何如哉顧乃東置高閣視為緩圖日取雷同勦說之時文童而習之白首而不倦以是號於人曰讀書讀書者如是已哉弟曩者亦嘗從事於諸經矣稍稍識其句讀未竟而就有司之試浮沉汨沒以至於今其為愧恨無日而忘蓋今者歲科之試名課諸生以經而實則荒經之本學者爭為揣摩迎合有司之好惡而經學不得不為緩圖矣其反是者文固未必工也一旦擯於有司則又不免於

得喪榮辱之見而中道而廢者有矣如士亦稍稍有志者而尚不能畢其業於諸經則他尚何問哉雖然往者已矣來者或可勉焉竊計兄於諸經沉潛者久必已得其精微不特記其文通其義而已也弟俟病之愈將立其本而求助焉先冀一言以堅其志而慰其求以副前者相與有成之意幸甚

與何義門太史書

先生文章風義卓絕當世一士嚮往之日久矣比者奉家嚴命謁陳滄洲先生於官舍退不暇他適即具名刺謁先生至再三而終得見私竊自幸以為二公者皆當

四馬齋文集卷五

十一

代偉人而一旦皆得見之一士聞諸二三友朋皆謂先生才高學博不可一世往往令人難近今觀先生外謀而中虛氣平而辭下其間有所攻擊者非蘄勝於人乃以達己之見云爾爾何傷焉是一士所見有過於所聞若此伏承先生之論以為學者苟窮經有得外必有所發見其為人必不苟同於俗於此知先生之自得深也我郡焦廣期丈閨室窮餓而讀書談道泊然無求進之意一士往與友人過之見其居處飲食慨賢者之不得志至於相向流涕而丈神氣自若不為之動退益歎服以為此誠今人中古人今先生受九重之知負一代之

望而門庭闐寂無異諸生時豈非有道而文者邪一士僻處海濱寡師友之助同郡中最所服膺惟廣期丈耳而相去百里歲不得一二見傳所稱固陋而寡聞是已顧其志則有不止場屋已者略見焦丈復書中昨以呈於左右冀得觀其志而開以所蔽而先生反復指示皆深造有得之言雖大旨與焦丈不殊而聞所未聞者固已多矣是先生之扶掖後進以冀其有成若此一士敢不識之於心以無負盛意抑臨行匆遽未盡所懷猶有願質於先生者今夫陳言務去與詞必已出此昌黎氏所以起衰者也然昌黎所謂陳言乃承五代浮哇靡曼

四馬齋文集卷五

士

之後刊而去之一歸古質今自宋儒輩出窮理道於毫芒晰是非於分判亦既末以加矣後之作者非流於偏駁而不醇則苦於沿襲而無味然則今所謂陳言者果何等也震川謂惟不切者為陳言固已豈無議論切而仍不離乎陳言如先生所云從齊桓伐楚胡不責以僭王者去之則無可說存之則不必言然則今人之為起衰難矣且夫古文之所以稱古者乃意義之古而非詞句之古也如以詞句則宋之名家已多平易渾緩無復詰屈至有明潛溪導嚴荆川震川皆一代尊宿而其文調之近時者抑又多矣豈果筆力之不逮抑不以此損

其古意焉耳于鱗元美之徒字句之古幾於無一不肖而終與古遠然則古之在於意義明矣特求意義於理學大明之後有難為言者正不知昌黎生於今日其所謂起衰者又復何如耳且昌黎之文經經緯史昔人謂無一字無來歷者而曰必已出其專在意義乎抑亦蕪及詞句也先生文筆雄勁追步古之作者其於古文之旨趣用工之本末固知之熟矣有可以開示愚蒙者尤望不吝諄復俾無迷於其途幸甚幸甚前承語文旌欲至雲間不識當於何時乞先期傳諭當於郡中相候可同訪焦丈一聆兩先生往復之言以消鄙吝臨楮翹切

四馬齋文集卷五

十三

與張樸村書

七月中敬奉先君行狀一通衰經踵門求大君子俯賜筆削以光幽宅伏蒙見許哀感無似其間曲折所以繁而不殺者緣先君無罪去官而操白簡者又今世所謂大吏若不明著其始末傳之又久雖後世子孫亦將疑之而不敢質況其他乎滄洲陳公與先君子實相契合蓋嘗薦之於儀封採訪失真遂至齟齬一令之去留所繫甚輕而事莫重於民生命莫極於不償古所謂罪疑惟輕者惟其當疑也無疑矣又可輕耶無疑而可輕必有疑之而反重者此過于疑者之卒於顛倒而不明也

至於蒲獄檢驗尺寸前後供招皆備書之以著明其所謂無疑者不特白先子之無罪亦望天下治獄者毋徒爲婦人之仁而中羣不逞者之志故兢兢乎書之陳公之言足以信天下而方在下位其勢不可盡言得盡言者抑惟草野閒散無所求於當世之人而非有爲文大篇語省事括又不足以狀情事而傳遠近此一士所爲稽顙俟命於大君子之門越月踰時而不能終已者也家貧援寡得地甚艱茲已卜吉於敝縣五窰北戴家溪上去海四十里而近行將有成矣輒敢走使請命於左右倘曾屬稿切望詳定付下緣書丹欲求金壇王翰林

四馬齋文集卷五

古

先生筆却須寄舍親在都者請之非早爲之地不可近觀一二誌石幾乎碑製疑其太鉅不審尺寸有定式否古人墳中有誌其石必小埋墓道者或稍大耳少時見一誌文橫廣縱狹同世所行帖本不憶是墳是墓先生所聞見多矣伏乞折衷示之臨楮不勝迫切待命之至

上魯留耕少司成書

去夏出都匆遽不及走拜台墀特馳一稟申悃到家遽罹大故負罪名教雖聞榮轉崇階不敢以一行致賀草土之人諒不深責比日冬溫伏惟德崇業廣台候萬安一士海濱末學浪走京師譽之者有矣而未有知之者

也知之者有矣稱其屈而惜其窮不待其請而謀所以處之俾糊其口以待再試而望其終有成焉則未有如閣下者也古之人碎琴於都市泣玉於空山其所以求知如此其急誠重吾寶而不惜屈心抑志以冀一遇其人也遇之矣而或爲越石之請絕馮驩之放歌其心又若甚無厭足焉者彼豈故爲是偃蹇之態以要重於當世哉誠知夫知己者之難得而一旦得之又未有止於是而遂已者也太學之被放者不下三千人而閣下獨惓惓於士若此豈可謂之不知已哉士既不求而遇其人矣既不徒遇之而又得所以處之矣方期旦夕承教

四馬齋文集卷五

五

於左右不意倉皇出都五內崩裂瞻望色笑如在天上是則士之命止於此而非閣下之過也雖然古人所謂知己者蓋不繫其身之留惟其去而益惓惓焉深有意於其人焉耳昌黎之於東野永叔之於子固曷嘗不去去而思所以慰之又從而勸勉期望之是則古人之所謂成人之美不以遠近久暫異其情者出於尋常萬萬也士才不及二子而閣下之自處豈在昌黎永叔後哉是則士之所恃者而已今歲北闈舉者多積學淹滯之士裘璉儲大文尤稱卓越皆士向所交好解首即係愚徒江南雖有遺才然知名者往往而在衡鑒之柄皆出

江右鉅公意者歐陽子之風未泯邪閣下宗工具眼世少其比一旦坐而定春秋之榜必有所以大厭人望者二公雖美恐猶未足方駕耳茲婦兄陸榮程入都會試特囑拜問起居陸生才氣為雲間稱首見時尚冀有以教之

與義門先生書

壬辰通問左右後忽踰二載去年執事奉 召入都大慰夙望一士寢處苦次不敢以一函致賀繼聞經局弘開執事首膺妙選伏想發明與秘昭示來學必有非庸末所得聞者傾注何已義經古本經傳各自條列不相

四馬齋文集卷五

七

比附後儒取便習誦錯入成書至宋東萊先生始復古本而朱子極以為然意者析其異而後同者可得推邪今世所誦本義仍因便本不知朱子當日既取吕刻後復何以不從方今鉅儒宿學上接心傳討論之餘必有返本復始之道不徒為制舉設者海濱下士願一聞之而芻蕘之見以為餘經亦有不可緩者書傳雖出蔡氏實稟朱子大旨無所牴牾禮則漢儒之考訂詳矣參而互之雖有異同亦所謂損益可知者若夫其詞隱其例繁蓋在詩與春秋之內矣詩傳雖經戴陽手定而後人輒謂小序不可盡廢平心讀之則註疏之說或當明辨

其非或可兼存其是至於春秋則漢儒之例雖詳密而疑於瑣屑宋儒之註雖正大而間多迂回或者大集羣言求其平易疑者斯闕無強為通庶聖經不至為刑書大義不入乎朝報而制義支離附合之陋自無所施於其間矣當今大儒秉成羣賢輻輳此二經者不及今為之折衷後世紛紛之論終何所定哉竊意義經之後所急莫先惟執事留意以嘉惠來學天下幸甚一士輕出依人招尤取忌重以終天抱恨為世罪人草土餘生無心場屋稍待窳劣願畢溫習遺經庶幾一知半解如塵增蠹滴溜歸河雖無所益姑以用吾力焉其誤與否尚冀纂述之暇略為示其嚮方毋俾迷轍則執事之為賜大矣

四馬齋文集卷五

七

與王斗初書

三月初惠示尊稿一帙弟為先人卜地事往來奔走無一日暇中間又因登岸傷足呻吟至今心境交病曩時八股業久已擲置塵土不復省視尚何能開口論文與當世才人響答乎顧念盛意不可虛辱因扶病循覽擇心所能曉者附識數言於篇末昨已寄青浦諸安會妹婿囑其轉致不知何以未達也使來承惠書辭謙而意迫因陋如弟又在哀傷替亂之餘無足塞下問之厚然

伏讀前後諸作則兄之才固足以噪藝林而取科第不患無聞於世矣又何藉弟之張之而弟之迂愚拙滯動與時乖方將息景逃聲以快少年盛氣者之志復何敢出一言以爲兄輩累也抑嘗聞之古人之所以有大名於後惟務其實實之不至名未有能歸者也實不至而名歸焉此之於盜古人將恐免焉實至矣而名譽不聞然後以爲朋友之過而古人未嘗汲汲然引以爲憂何則其所志者大且遠而區區之名非吾所能屑意也弟不幸早有時文名爲世所牽挽而學不足副之年來深自悔悟思置力於古人爲己之學憂患相尋髮已半白

四馬齋文集卷五

六

稍待負土願成便當跪讀遺書溫尋經訓求其自得而能至與否則尚未可自必又安敢以己之所悔者重以望之於人乎時文雖立言之一而載道者將必由之以定之才而年方當壯盛苟堅其志焉務爲古人之盡其實焉古人不難至而世俗之名何有否則弟雖日媿媿焉稱之於人人復相與尊信而傳道之於兄何有哉適足爲進學之累而已承問之辱敢不盡誠勿遽草復伏祈鑒諒不宣

與陸麟度侍御書

一士白侍御先生執事自壬午中秋謁先生於金陵邸

舍贊以所業時文數篇蒙賜獎借且直指其利病佩服思惟至今猶在几案間也甲申申先生至敝邑得一晤於盛宗秋谷丈家匆匆不及承教後同學張無咎祝子長皆云先生極口稱士文以爲非久塵埃中者士誌之於心不敢忘壬辰入都就京兆試以丁先人艱歸丁酉復試金陵則先生方宰儀真政聲隆隆閭巷間扁舟所至皆曰神君神君不絕於耳私心益復嚮往而循分引嫌不敢求見中間曾托陽羨儲君六雅少致拳拳亦未知能達否也伏惟先生以文章法後進以治行最州邑今復陟銓曹擢言路爲天子侍從耳目之官當代大賢

四馬齋文集卷五

九

鉅公所授以自輔行且佐平地成天之功俾利賴及萬世而後復命朝右舉公府之利弊民生之休戚使車所至道路親所見聞者一一爲我君相陳之功業赫然暴著於天壤非徒漢之汲黯唐之馬周者比也是雖遐陬僻壤未一識先生之面者皆將晞光望景趨走下風而况曾被容接賜之教習如一士者又稍稍知所自立者哉然則其終不可以循分引嫌之故自棄於君子之門審矣士無他知識獨於時文用心頗苦亦時見賞於一二識者而連困場屋庚子江南旣撤棘主考今詹事魏公憮然太息以失士與秦君龍光爲恨士曩在京

師未嘗與魏公有一日之雅不審何從知有賤名意先生及一二故人辱有片言之舉故誤聽而記憶之邪抑發於中心之誠然者邪是不可知而士之不偶於數亦已甚矣年逾強仕髮且種種尚安能疲神竭力於時文而又無所用於場屋邪嗟乎古人得其志則措之於事業不得其志則寄之於文章夫古人所謂文章者非如今世之時文也或取聖賢之經傳發明一二以附於漢唐宋述者之後或宣其志意見之於詩歌雜文俾後人因言考世慨然想見其爲人名不繫於科目適足爲科目病耳何病於天下之士哉然則士雖有負先生之期

四馬齋文集卷五

三

許而可以副先生之望者或別有在亦惟先生終辱教之俾克成就而已滄洲先生爲本朝第一流人物士向所北面茲因其鄉里馬先生來廼得附書托滄洲先生轉達所有雜作一卷鈔錄求正又子昂雲林二集暨雲間二韓詩係寒宗所刊內記莫廷韓遺事尤詳先生試一觀之亦足以悲其人之遇而科目果未足以定人也另試課一冊本不足存并附呈者聊見士之沒溺于時文久矣滄洲先生處倘有便羽幸惠示一言詔其進止奚翅如矇者之得相迷者之得途已邪

公上王西亭給事書代

竊聞愛其人者必錄其行錄其行者必尊其名求尊其名又必自當代大人先生有世道之責者爲闡揚而紀述之然後鄉里之公論著山林之潛德彰伏見故太學生原質陸公稟性慈祥賦資醇厚自其少時侍尊甫中憲公徃來山中愉愉翼翼見者已共愛敬洎乎中歲戾止故園爲德於鄉不一而足收孤恤嫠完昏助喪賑荒抹疫靡不事激頽風澤流窮巷而公無德色無矜容辭心而出視爲固然惟義所在不量其力晚年養疾閉門實朋罕接惟鄰里親故時相過從徃徃與父言慈與子言孝與兄弟言友愛與生徒言績學與農夫言力耕優

四馬齋文集卷五

三

渚不迫發於誠心某等自少而壯而老親見親聞親被公賜或曰公活我妻子也或曰公免我暴露也或曰公飲食我教誨我也或曰公以藥石起我廢也捐館之夕相弔失聲成墳之朝畚鍤雲集距公之歿甫及一年追思歎想曾不絕口咸謂斯人何可再得因共議曰公於善非有所強而爲之也公生平喜怒不形榮辱不動而豈以善名乎夫樂善不倦孟氏之微言爲善最樂東平之篤論援古證今若人符節竊共私謚曰樂善先生以表公行存鄉里遺愛伏惟先生正色直辭布聞朝野年來勤於著述方求天下高義偉行發爲文章傳信後

世陸公近在粉榆事皆核實又與門下少通縞紵相知
爲深故敢遐邇合辭公求椽筆并將陸公居鄉事跡件
繫上呈伏乞採掇見聞特爲立傳俾鄉人子弟有所矜
式鄙薄之俗得共興起閭閻幸甚風化幸甚

與范之文書

愚兄弟罪通于天禍延先母養葬缺然古今同痛前月
中蒙丈手書存問即擬謝復緣心氣敗傷胸膈頗鬱
筆不能自達遲遲至今即日暑熱不審尊體已復平善
昨得來札深以爲憂後安道傳語云已無恙甚慰懸
慮但慮胸次煩冤未能遽豁似須大加排遣丈之不遇

四馬齋文集卷五

三

命也目前已遇諸公其慄慄危懼十倍寒士且有不如
不遇之爲幸者彼百世下又烏知若輩爲某科舉人某
科進士哉積學無用力行愈困從古已然何況今日惟
著書立言以垂來禩乃窮餓中一大事業雖傳不傳要
自前命姑盡我力以待焉孰謂後世必無子雲邪吾丈
何不以平日所爲發揮經傳極論義理或折衷古人之
是非或類舉時俗之得失勒爲一書藏之家塾後有達
者起而求之其重比于邱山其榮逾于華袞王先生之
道雖與天壤同敝可耳奈何以目前之窮餓與腐鼠輩
較尺寸於冒曉間哉身不困道不亨困不極亨不遠身

家之計日艱世局大概如此亦且隨緣作活近聞教職
已罷捐納一途歲貢缺總計百餘一二年內丈便可得
微祿以贍妻子姑且整頓精神作不朽事業此乃目前
館閣諸公所萬萬不如者若悲憤自廢身名俱盡則是
真正輸却兒曹輩矣叨愛有素故敢盡言若草土之人
勉強視息雖蒙鞭策復何所冀唯以先生所當爲者望
之先生而已千萬加餐自愛便中時賜教言

上高安相公書

此者駁呂一書相公進 御之後猶復虛懷下詢務求
至當以覺悟來者此誠大賢君子與人爲善之至意一

四馬齋文集卷五

三

士備員查纂得仰窺高深之萬一其間凡有所疑不敢
自隱欲求正于大君子之門而稍進其所學也乃蒙相
公不棄愚陋反覆開導伏讀三四昭若發矇自非窮理
知言之君子孰能折衷衆說正大高明若此乎豈惟一
士之幸實天下讀四書者之大幸也惟是辭句之間尚
有未能盡喻者自顧質鈍識拘將藉此求教于大賢則
平日誤執之見庶幾一開故仍不諱而條繫其說以塵
台聽來諭之釋明德也屬之心統性情而謂人之所得
乎天句直貫下二句不可分作兩層斯言粹然無疵真
深得紫陽之旨者矣又引大全謂虛靈不昧四字已盡

之義未可厚非則似不免于兩岐者蓋得天句既買下二句不分兩層則單說虛靈不昧而無具眾理應龍云云明德之謂未足可知也解之已足朱子不必明之義可知也當湖先生始著松陽講義取北溪陳氏理與氣合所以虛靈之說其後遺編中復引朱子文集申語謂虛靈不昧四字只當知覺二字而以北溪之說為混其善體註意而謹于說書若此蓋能覺者為氣虛靈之謂也所覺者為理具眾理應萬事之謂也註中下一以字一而字以聯貫之則理氣合能所一矣此其

四馬齋文集卷五

孟

所以不容分作兩層也後儒漸失其旨而截出虛靈不昧四字謂已盡明德之旨則正分兩層但有能覺一邊矣來諭既引語類兩言而仍取大全之說則蒙者未見兩說之合一也至氣之所以能覺亦由于理此又太極生陰陽理氣本不相離之義言各有當而非朱子分別能所之旨矣一士前謂心之所得者理終不可謂所得之理即心者乃言理既為心之所具即不可指所得之理只是此一箇昭昭洞洞之心也朱子於集註或問言心而必及理者固早為後世指心為理者立之防耳孟子君子存之章尹氏曰存者存天理也而象山則謂存

者存此心也朱子則必以天理常存人心不死並言此其所以不敢謂心即是理也來論謂仁義之心與心之仁義一也固不待引譬而明矣一士本意乃謂舍仁義而但曰心則不得將心字即當德字理字看故曰不可謂所得之理即是心耳此下固未有之理二字也或者未蒙細閱乎抑一士誤筆入之也來論謂明德之所該孰非心之所該是也但聖經所以必言條目者原以身心意知物節節有明德在內而不可以一字該之釋經者亦當摠括條目之意而不得以一字盡之也朱子所以申言具眾理應萬事者正以單言虛靈不昧則只在

四馬齋文集卷五

孟

心之知覺上說未能包身心意知物五件也曰具眾理而應萬事則身心意知物之目無一不括其中此其所以重累其詞而後明德之義始全也今若謂身意知物皆統於心而但以心字釋明德之義則是欲明此心於身意知物中也而豈大學之本旨乎佛氏明心之說與我所指不同然單拈心字又何以見其所指之果不同乎此一士所以謂明德該身心意知物五件而未可以專以心字釋之也格物傳所云心之全體大用無不明者乃是知處明得盡於聖經明字只得一半工夫尚須誠正修上俱明得盡然後謂之明明德似未可因此而

謂明德之只屬心也。人心道心之分，乃言心所自始。謂明德爲道心，則可；而謂明德即心，則未可。何者？單拈心字，則未見所指之必爲道心也。來論謂經書之言心，皆謂道心，而以一士前所云忿懣，即是人心者，爲不然。則有不能無惑者。蓋人心道心，初非有兩心也。以其從形氣而生，別之爲人心，心易入於私欲，故謂之危；危者，言難保耳。非謂其不出於虛靈知覺也。中庸序曰：雖上智不能無人心，蓋以此也。苟得其正，則人心皆道心矣。如飲食之中，其節居室之得其宜，是也不得其正，則道心亦人心矣。如有忿懣恐懼與飢者渴者之未得飲食，

四馬齋文集卷五

五

之正是也。今若謂忿懣四者只是偏倚之過，不從人欲上來，不得謂之人心。夫所謂人心者，麤言之則肆情縱欲，如小人之無所不至是矣；細按之則稍有一毫偏倚，此偏倚之根原從形骸上來，故雖上智不免。而聖人告顏子以克己，朱子謂未復禮以前，須皆作己字。裁定者爲此也。然則得其正者，謂之道心，不得其正者，謂之人心。特麤細有不同耳，豈可謂忿懣四者雖不得其正，而亦是道心乎？昔門人問朱子云：心存時也有邪處，故有人心道心。如佛氏作用是性也，常常心存，答曰：人心是箇無揀選底心，道心是箇有揀選底心。佛氏也不可謂

之邪，只是箇無揀選底心。然則無揀選之心，雖無大段不是，不可謂之邪心，而不得不謂之人心。豈必流於惡而起於欲哉？西山真氏有曰：孟子於仁義之心，則欲其存而不放；本心欲其勿喪；赤子之心，欲其不失。凡此皆所謂守道心之正也。易言懲忿窒慾，孔子言克己，大學言好樂憂患，則不得其正。孟子言寡欲，以小體之養爲戒，以飢渴之害爲喻。凡此皆所謂遏人心之流也。然則經書之言心，亦未可斷之爲皆言道心也。明矣。欲修其身者，先正其心，誠慮其有不正，故須正之以其有人心之雜也。若喜怒哀樂之未發，則渾是道心，只謂之中，不

四馬齋文集卷五

五

容以正，不正言矣。夫子曰：操則存，舍則亡，出入無時，莫知其鄉。人道並言危微，具見與虞書正相發明。聖人之言，所爲若合符節者也。其已發而不中節者，即是人心，所謂不得其正者也。安得單拈喜怒哀樂而謂無人心，道心之分乎？至一士引人心之危，發於形氣，以爲心以形氣言者之證，則發於形之形，初未嘗即指心言也。其誤誠如來論矣。心學二字，原非釋氏即心即佛之謂。然自陽明提唱此二字，以爲良知宗旨，則二字之浸淫於異說也久矣。今欲辨二字之是安得，不先明竊之者之非，又安得不求二字所自始，以別其同異乎？程朱之書

其現行世者一士皆羸讀一過實不記有心學二字豈
其有微意邪即象山之書亦未見此而西山真氏言之
臨川吳氏又言之如舍置之則我之辨似為陽明辨非
為心學辨也遂妄意以為此其源遠而未益分者耳言
王學之不同於真而不言其必出於吳者以陽明自詡
獨得目空朱子何有於吳其提唱心學決不謂其有所
自也故弟存吳之說以見王所謂心學者或吳有以開
之耳疑事毋質此一士之過於慎也若程朱門人之集
以及無垢慈湖之徒一士實未徧讀而遽執所見以為
託始西山則無解於不能闕疑之咎矣忠信二字之解

四馬齋文集卷五

五

誠如來諭一士前所云云乃見駁語中以忠信絜矩分
為忠恕則信字疑於贅設故以盡已為忠推已為恕循
物為信思之則先盡已而後可推能推已而後不違乎
物三字似有層次且字義亦皆有歸宿耳非以盡已處
不必循物循物時無容盡已也後復思信以成之朱子
本謂徹始徹終則信字合下便具而不可以絜矩之前
後分矣來諭指摘極當但謂只當作實心看併不得分
體用則一士尚未能曉然於心夫謂不得分體用者殆
以忠信為體絜矩為用不容更言忠體信用以占却絜
矩地位也然以盡已循物分貼即如上下前後左右物

也所惡則心也其事使交之毋以者則所以處物之理
也所惡毋以之心盡到十分是之謂忠其毋以處又各
循乎上下前後左右之理是之謂信而絜矩固在其中
矣若只知盡已而不能適如乎上下前後左右之分則
有體無用此心雖未嘗偽而處置終失宜亦安能得絜
矩之大道哉或問謂盡已之心而不違乎物可知物理
正有許多當循者在未嘗以一心了之本註謂天理存
亡之機決矣則提出天理二字以見心與物之合一無
間者都在天理上此朱註下字最精細處併可為集註
或問言心而必及理之證也抑循物之理於上下前後
左右之間是即所謂分殊者也理一者體也毋以之心
是也分殊者用也事使交之不同者是也然則謂絜矩
之內無一毫分殊之義雜于其間者或亦言之少過即
忠信不分體用之云乎一士學識淺陋冀一叩擊以通
其所蔽輒敢逞其臆見無敢少隱伏惟師相矜其愚察
其悃終不棄而教誨之幸甚

啓

上陳滄洲師啓

一士近閱邸報知吾師治行之最上徹宸聰行當內
召以處鈞軸此天下生民之福而尤門下有志之士所

四馬齋文集卷五

五

踴躍鼓舞者翹首黃堂惟深頌禱家嚴泣任時始以馭
吏甚嚴小人不利用其在位繼以執法過謹君子未諒其
無他肱已折而復誰醫舌雖存而不自辨念柳下之非
辜恃叔牙之知我昨於九月中先遣家屬歸里特令張
欽賁稟候謝目下倘有入閩便郵再祈椽筆一為開釋
俾窮員無羈縻之累故鄉有過返之歡三十年奔走風
塵已分泥塗蹭蹬數千里分攜父子惟思菽水團圓總
賴昌言敢忘明德外有呈者書生糟粕經傳贅疣慙久
困於儔人勉更循夫故事誤蒙題品恐負師承聊塵冰
雪之觀幸賜鉗錘之及臨稟無任拳拳之至

四馬齋文集卷五

手

徵刻觀海集啓

文無定體工者必傳自有制科以來傳於世者僅矣一
不與於春秋之榜雖有王唐之名理歸胡之筆力皆將
湮沒而不見於世其或偶為坊人所購隸名新貴行之
既久不復知為某氏之作選家者流又覘風氣以進退
之或妄加改竄夫其本真登選者非所滿志而滿志者
顧反棄焉以人事之多故物力之不易則又不復能自
刻其集以待諸後世之子雲是以文章工者難工而傳
者為尤難也一二友朋悼心斯事以為文必核其人而
又莫若使人自為選夫文必核其人則名實稱人自為

選則甘苦悉題無論大小祈於工文無論多寡要於可
久顯晦不繫科名去取不因風氣以是信今以是傳後
斯則文章之淵海宇宙之大觀也自己經刊布及借刻
他氏者弗錄餘望嚴加釐訂彙付成集凡吾同人毋吝
毋濫

上陳使君啟

恭惟明公盛世卿雲清時柱石孝能竭力閔曾有底豫
之親友則因心祥覽無間言之弟撫遺孤於宗黨一綫
重綿築廢家於鄉閭千骸再肉浙東簞仕早著清聲淮
北公符旋蒙擢洎時巡之方及詎供帳之多疎中

四馬齋文集卷五

三

使呼名共擬雷霆不測行宮授簡爭傳日月無私隨
旅食於京華祇受仁人之粟公歲暮憫忽有以米終掉頭乎
權貴不書金屋之屏達官某乞書屏障公孤忠默鑒於帝
心五馬重來於吳會道先正俗法在懲姦山寺河洲洗
盡治春紅粉歌舞舞榭掃空買笑黃金市絕罷民擗蒲
投水鄉無惡少拳勇移風訓皇極之敷言息民間之
囂訟勸農有作風流遠續韋公有行縣示保赤成行豈弟
真同名父惟是斥邪秉正難迴鐵漢之腸因而遮道攀
轅莫挽使君之駕事類汲黯之發粟伉直違時公以賑贖
被論恩容劉向以書書文章報國江陰真宰長令元

氣淋漓公鑿焦山銘置爾雅蟲魚不礙襟期磊落

賈生於中夜問及蒼生公在武英時召對語甚夜分奪仲淹於三吳豫儲

公輔茲者新河偶塞伯禹過征慎選乃僚特資上佐濟

川舊績曾聞作相江南借箸新籌佇見為霖早歲某海

隅拙宦故郢迂儒刀筆筐箱懼貽譏於俗吏梗楠杞梓

慙謬廁於良材幸同江漢之朝宗夙切斗山於仰止欣

逢旌賁敬附鴻飛思北面於賢豪羣知負弩藉東家之

鄉里竊比登龍伏願道與時崇德隨業廣以天下為已

任舍我其誰使古人而復生惟公無讓廟堂虛席定

知入備端揆寰宇傾心猶望出為牧伯將雨暘寒燠悉

四馬齋文集卷五

三

調停於掌握之中俾奔奏後先咸鼓舞於陶鈞之下臨

稟依戀之至

與黃唐堂太史啓

先生海膺恩眷入侍講惟不特桑梓之光實係文

章之福屬在故人能無額手兼知哀誄纏綿聖情嗟

實渴祈捧讀以作楷模便羽南來幸煩頒示茲有同里

陸君景房詩文字畫卓絕輩流與士少而同學相契最

深會逢觀國之期喜遂識韓之願乞士片言以當紹介

士觀前輩諸老推挽後進每若不及至於鄉里尤所加

意曩之玉峰今之臨川餘芬所被使人感涕吾郡自

文恪後其風似少替矣先生當吹噓枯朽之時作弘獎

風流之主固當之而不讓亦舍我而其誰請自陸生以

為隗始外有虞山謝元陽者才品實冠蘇郡積誠樞衣

并祈延譽至於士者年屆無聞命尤連蹇風木之悲如

此科名之念已灰惟望大賢君子汲引人材扶持士類

使寒暖聞之吐氣鄉閭藉以增色為後來讀書積行之

勸士雖皓首一經亦無所恨矣

勸捐顧烈婦詞墓啓

里民傷春妻顧烈婦節比江清信同日皦心跡已經昭

揭精靈未有依歸委兩櫬於泥沙目應不瞑酌一杯於

四馬齋文集卷五

三

泉壤魂尚可招若身死而名不彰敢云直道如口惠而

實不至詎曰公心幸賢邑宰俯念沉寃業有捐金之舉

在諸君子素執高義寧忘助予之呼伏祈聚土成山立

看埋玉編茅作屋永觀流芳弔遺碣於水濱年年歲歲

挽顏風於海邑婦婦夫夫

迎于明府啓

恭惟明府冀北名賢河南望族文堪華國夙推製錦高

才道足濟時暫試烹鮮鉅手溯龔黃之最績家聲共仰

毘陵接名杜之仁風輿誦遙聞鹽漬調繁見告久殷望

雨之心薦剡重宣倍切瞻雲之慶維茲上邑介在海隅

昔因戶廣而賦煩今雖地分而獄衆爭錐刀之末輒致輕生造雀鼠之謀間多誣善感之則走險緩之則抗法藉調寬猛於大中嚴固易知畏撫亦易知恩有待張弛之妙用福星指日小草回春其等情亟袴襦身先竹馬吳淞江畔佇迎飛蓋之舟瀟瀟城邊待駕夾轅之鹿少伸鄙悃敬佈蕪辭伏願鳬鴻過來琴堂蚤泄扇薰風於節屋定知吏憚民懷沛惠澤於海邦行見政平訟息不特人遂瞻依之喜抑且戶無桴鼓之驚矣

薦狀

上海寧相公薦陸上舍狀

四馬齋文集卷五

三

陸上舍監生陸榮柅

其人係一妻兄前已進士嶺東道諱振芬孫也學問淵邃文詞詳雅不特敝郡罕有倫比即通江左人士計之已成碩果黃門生石牧前輩極推服之遊京師館吳亭先生家最久最相契合曾以姓氏一達 楓宸未及 召試困於場屋而歸今年六十餘矣比聞舉行鴻詞之科如榮柅者其才十倍士等以應此選最爲宜稱宿儒老輩知榮柅者莫不踴躍翹首冀其一來又生素耻媒銜度雖有疇昔相知在上位有勢力者亦不肯降心一爲推挽則將終老牖下無可復望於世皆謂一

士子以引嫌故不爲顯白其才行友朋之責將有所歸一士曰然誠一士所藏于心而未發者也伏惟相公夫子求士爲 國家愛才若己出苟非天下通儒士林宿望不可以辱薦剡而一士又謬與從遊之末聞公論而不告是忌才也避所親而不達是末節也輒敢具名記室用備采訪聞之往年臺閣薦士常三四人夫子即不乏素心如柅者倘得一參奏牘以慰天下之望庶使後來知積學如柅不終泯沒則人有奮心士絕倖志夫子爲賜大矣且柅年已老豈有他望第惜其學成而名蹟才鉅而身困應 召與否亦非一士之所及計也柅

四馬齋文集卷五

三

平生詩賦四六雜文甚夥搜篋中止有和詩數章又從學正何名世處搜得詩如干首命童抄錄塵覽惟夫子於聽政餘閒一賜品題幸甚

四馬齋文集卷五

四馬齋文集卷六

海上曹一士濟寰著 姪 錫黼誕文編訂

婿 葉 承子敬 錫端菽衣

內姪張熙紳赤垂 男 錫圖起南 同較

小簡

與唐赤子

去歲在都接楚中全錄首行中即觀尊名不勝為主司得人慶繼而吾兄聯步天衢身列妙選大慰友朋之望一士方展轉塊土中不及馳書道賀比想玉堂無事若述日新傳世大業行將衣被天下知不徒以科第榮也

四馬齋文集卷六

一士學疎運蹇南歸名既擯於有司身後遭夫大故踣天躋地形槁心灰迴念客舍論文寒宵秉燭謂旗鼓之相當遽雲泥之遠隔在賤子以憂傷將老而先生乃咳唾成珠良覲日疎知音愈寡或者念菰蘆之有人惜文章之無命俾不至久蒙貝錦終困鹽車是兄輩一二人之責也非士之所敢必也今歲伊匡獲雋文社中漸有連茹之望晤間乞為致意蘧颺消息何如此間未見江右試錄甚念之也

與儲六雅

四月中襄丈橫山入都附有一札想達台覽秋榜發表

丈與兄均列名其上科目不足為兩先生重而兩先生自足以重科目也蟬蛸之論復何為乎且使天下知積學負奇者之未嘗不遇而少年輕薄輩不得執科目以傲天下士則兩先生實執讒慝之口而杜其舌矣士雖無意人世安得不重為吾黨慶哉南中漢階與允茲令弟實為耆目師洛見遺不無鬱鬱然使珊瑚網一時收盡將來入海者更恐黯然失色造物於此亦或更有深意耳晤季方錫山盍亦以此解之愚徒乃倖居解首不知是何等福量士以先人宦窳未遂皇皇奔走家貧援寡孤淚空滴見陸二兄便能悉其苦況也表丈不及作

四馬齋文集卷六

二

與楊文叔

去夏出都勿遽曾留一札奉別冬初獲聞三兄臚傳高第一士寢處草土不及致賀私心未嘗不幸吾黨有人今歲又聞三兄名列纂修躬史筆之任伏想發揮風抱上追遷固其為當代得人慶者又當何如凝園八人中去歲雋者三人館選者二人而三兄實為稱首今六雅又雋矣未雋者人季方名聞 至尊參預經局亦可

稍展所學此外或去或留要皆不至狼狽而其苦乃莫甚於士出都之後廿日到家嚴君見背已踰旬朔負古今之至痛爲宇宙之罪人日來匍匐道途拮据窶窶家貧援寡未克有成三兄上殿之暇雖或一念及之亦未必知其所遇之困至於斯極也世路險巇人心反覆平居則肺肝可示出門乃謠詠相仍所恃一二君子執其常度黜彼狂且俾赤幟之難搖亦嘉禾之無雜一士雖竄伏海濱終可不恨矣此身行止未敢豫決專望負土事畢伏讀遺書或者稍有所就以無貽凝園諸君子羞士之志也尚冀一言以教之今秋北榜名宿如林愚徒乃倖列解首不識文字頗可觀否天游父子同榜尤爲美談茲陸二兄公車之便附問起居二兄才氣世不多有切望有以左右之

與陳師洛

塊土中久不問世事昨南闈榜發私取一觀幸漢階之遇而怪吾兄之見遺爲悵悵久之既而北榜至則自六雅外相知者往往而在弟雖自謀甚疎而竊爲吾兄計似宜奮然北上一張太學之幟毋爲久坐鄉里也貧士出門誠難然到無可奈何處或且隨人作計如何如何京兆自季方外名雋一空真所謂乏才時矣儲王拔去

我兩人之跡益孤即滯南中亦當圖所以振吾軍者明歲下帷或仍返吳門庶彼此消息易達聞尊稿已成幸付一部江西試錄曾見否如有夔廳名祈即相聞相念甚深而未得一見臨風曷勝悵然

與馮夔廳

已秋倉皇出都留札告別三載以來爲先人窶窶事東西奔走近始稍有就緒然顛毛種種無復燕市酒徒之態矣去秋榜後急訪吾兄消息爲憮然者累日冀北之羣一空無如甲午者而兄獨以歸試不與其盛豈真命乎敝省相知四人中南王北儲已雋其二而弟與師洛

假蹇如此又得不謂之命乎近從北來人訪知文駕已留京師不禁躍然以喜同學星散非得兄在都一振旗鼓則我軍益衰誰謂死灰果可復然乎弟性坦言戇取怒同輩排之不遺餘力然頗聞弟歸後公論所在久而未息意者弟雖坎壈失職尚足比於人數不至得罪士林乎抑謂弟不善媚要路事貴人匍匐南還自貽伊戚乎江右諸老是非頗公弟所知者如魯太僕李學士彭編修皆卓然不爲小子輩所惑者兄試乘間訪之得其說以告我庶俾守其初心不爲衆愠所動乎在都下榻何處新知復得幾人札來祈一一示我弟以婚葬兩大

事未了不得脫身至此然得兄在彼主張壇坫弟輩亦有所恃夫何患於莫助乎茲敝郡王用舟先輩來都特附此信用舟即雲岡編修之兄與弟輩極相契有札但寄之可不時達也餘惟珍重眠食慎交寡言以慰懸念

與孫李若

別先生者忽忽九載古道高文時往來心目間去冬有膠邑王斗初者轉述垂注之意兼知使命敦迫至於再三先生乃堅卧不起與敝郡焦廣期丈同持高尚之志使天下知榮名不足慕苦節有可貞所裨於世教者非淺歎服無已士屢經憂患鬢髮半絲去秋始釋先人之

四馬齋文集卷六

五

服今年復理書生故業授徒鄉鎮適敝郡一二同志欲徧徵天下苦心積學之文授之梓人爲名山之藏計非先生與焦丈不足爲當代弁冕特令坊友湯愷如走謁門下以請伏乞不吝至寶公之天下使知兩先生之品既如彼而其文又如此前代思曠元長之流殆未足望下風也貴郡文士先生最所相信者統祈札授愷如往索其稿吳江周君漢前并乞轉達此意以必得其人爲望大江以北老宿亦祈指示愷如此集意在闡幽非趨利逐名之舉惟先生力爲主持俾成傳世之業庶枯槁寂寞之士皆得附驥尾以不敝矣

與王漢階

午夕曾寄一札京師托書先子墓石事葉君邵南歸傳諭令姪先生慨然相許感激何已去春榜發竊怪兄不得大魁事後乃知竟符前拙札中所言之陋兄之不遇所謂羞與噲伍蓋宜賀而不宜惜也敝郡同志有觀海集一刻先徵江浙名宿之文於兄首屈一指茲特令坊友湯愷如走請望取尊稿未刻之文暨近作一并錄付爲幸大江以南文事之盛無逾高門自雲衢先生外如淵翔導一兩兄俱祈轉達鄙意力索其文以成是集江寧淮揚諸府中必多相知更望擇其中一二眉目特札授愷如往索是集意在闡幽吾兄必有同好主持公論不在上即在下決不視爲泛然也

四馬齋文集卷六

六

與吳穎長

都門一別忽已三閱寒暑以兄之才宜在承明著作之庭而南宮之榜再遺豈造物者故老其才以爲傳文地邪弟憂患餘生未有復然之想飢驅所累仍理書生故業敝鄉一二有心人欲聚當代高才不遇之文都爲一集以傳同好於兄首屈一指特囑坊友渡江以請望取稿中未刊之作悉以見付又貴郡同學中如含山張君有右及王衡山兄弟佳文必多并乞札索見付又

館淮安如鹽城沈君儼輩倘與交好亦可轉達總之貴精不貴多所謂得一可當千百者乃是吾輩意中人倘躡得時譽而胸無實得則未敢往瀆其門也佳咏別後如多并祈惠教不具

與馮夔廳

與兄別幾八年中間曾一通信於左右未委得達否去年在江陰書肆獲觀尊稿追憶昔日連牀夜課時如在目前也近從坊友問江西試錄得吾兄高魁信不勝狂喜以兄之才至今日始遇可謂晚矣然讀書半生得遇識者亦可不恨即日弁冕南宮追踪前哲其爲吾黨增

四馬齋文集卷六

七

益更何如邪弟起復後兩試皆黜星星之鬢視昔有加不知何時得奮身北上與長安故人買酒燕市一敘平生歡也茲同學葉君卽南公車之便片羽附候佇俟捷音南至再當終箋奉賀餘惟加餐自愛不備

復宋玉才

把臂殘冬論文蕭寺挹黃陂而深嗟飲周醪而若失昨承手札如覩故人推轂過情靦顏無地足下銳思健筆出入金陳艷語微詞源流溫李信當今之英妙乃吾黨之羽儀僕也虛名徒掛多口還加方思助予之人忽觀出羣之侶敢呼小友遂訂新知幸舍館之相望冀嗣音

之頻及藉還珠玉率佈鴻毛

與敬三弟

連日在園中爲護花鈴不得走晤族譜已再校過可寫樣明衛公年譜刻之甚善俟取原本校對奉到貴存其真不必刪潤其祠中已入牌位須列於條例前依今牌所刻書之愚又按古禮宗祠中有祭殤與無後之文今如我族守愚公宗子國習下四世竟爲若敖之鬼揆之祖宗之心不無遺悃雖咎在明揚公不肯立後然不可以此遂廢少愚公之祀此無後之當祭者也又如老四房之垂穎燦曾麟曾引曾等此殤之當祭者也愚意欲

四馬齋文集卷六

八

請於祠內東首一間中設祭二桌一祭無後者以少愚公爲主而元翔以下至東分之元曾三曾附焉總寫一紙牌於坐一祭殤者以垂穎爲主而燦曾以下附焉亦總寫一紙牌於坐其殤已祭本家者不與如此則我族不至有若敖之傷而祖宗亦無遺憾矣望以此意稟知叔父倘以爲可當增此一條俾後永守亦仁孝之事也

與方靈臯

憶自辛卯秋高齋大會得參末坐嗣後遙企龍門日深飢渴癸巳在京師偕六雅先生入內城奉候未得言面蒙賜顧又以他出失迎既試事畢聞先君病信蒼黃

出都從此鄙人之跡不獲奉教於左右蓋十閱寒暑矣
荻蘆中人未敢徑達情懷時從六雅郵筒中竊問起居
以慰積悃想晤間能及之也頃謁滄洲師於袁浦留署
校訂近詩得聞先生 武英總裁之信不勝忭舞謂天
下文人氣脈當自此旋轉不獨為先生一人進用慶也
泰卦初爻其在茲乎義門丈奄忽物化老成盡希亡輩
皆咨嗟相弔賴先生繼主其席為古今文字總持以鼓
舞後學潛移默奪功當什伯義門決不以閒曹散地自
了公事而已一士屢蹶舉場星星滿鬢子闡後景州
昌言太息以失士與龍光為恨士與公初未相接不知
何以得此殆諸先輩平日齒芬所及徹於當途之聽邪
同學少年半登天祿每思再至冀北少遂執鞭之願而
隸名博士奮飛無階近觀邸抄宗伯有拔監之請倘事
得行或緣此一遊 輦下質所業於歐陽以考其問學
之進退是所望也未敢必也此間頗有詩句雜文冗次
未及錄正倘因陳氏家郵之便惠示數行奚啻百朋之
錫荒函奉賀臨楮無任翹切

復王孝詠

弟惡積罪重延及慈幃五內崩摧僅餘一息喪次接讀
手教益增悲感前在澄江驚聞師門之訃已於蕭寺中

四馬齋文集卷六

九

為位而哭本擬磨鏡詣淮馮棺一慟復值先慈之變朝
夕几筵未能遠弔慘慘之衷何時可展真令人呼天欲
絕也草土之人萬念灰冷惟是親恩師德交結於心所
欲言者我師行狀關繫天下後世史筆使生平忠孝大
節一有挂漏則門生故吏之咎更將誰諉憶在署夜語
時曾云積有年譜二兄詣淮乞致嗣君輩檢出錄付俾
弟得一為排綴以待史氏之採至於高文大篇自有鉅
手為之弟亦不過自盡其區區之誠非敢僭膺斯任也
年來河上前後疏稿及中州河工曾否告竣亦乞細示
知己之感庶文字少可報稱淡隨筆墮尚復何言此外
惟我二三同門努力自愛以無負師門期許之意而已
臨穎不勝嗚咽

四馬齋文集卷六

十

與子向之

僕自春仲即丁內艱繼以嘔血幸而僅存以飢驅之故
授徒虞山忽忽不知此生作何究竟所幸我向之魁於
冀北使僕平日所言不謬爾時定當高步南宮臚傳及
第不禁傾耳以待茲陸舍親景房與僕相好如一時藝
外攻詩古文書法尤似其家文裕真翰苑才僕所不如
為人恂恂溫雅一不染世俗浮囂態以還貢至京未識
風氣特囑來見祈吾賢開誠相與以過來人引山下路

亦所謂張其軍者切勿以泛然交遊待之又常熟謝君
憲南與僕亦舊好來詣吾賢并乞與之周旋旅邸少
暇即從陸處寄我一音以慰懸望

與張樸村

新春想先生眠食佳勝道履益復康強去冬以先慈墓
誌未有所托特詣高齋九頓以請蒙先生面賜許諾
即請諸遠日而陰陽家言以士兄弟皆艱於嗣今歲未
得吉卜請俟明年愚兄弟拊心飲泣不敢不從而士又
將違舍入筵就館於閩爲人子者乃至以貧賤之故不
得遂其倚廬之懷不孝之罪真上通於天矣謹將先妣

四馬齋文集卷六

士

行畧一冊走使呈諸左右伏祈先生念爲人母者備嘗
育子之勞而不得安享有子之逸因循荏苒竟至終天
所宜表而出之以爲人子不愛其日之戒庶不使世有
賢母爲不肖子無所成就遂泯泯於終古則先生扶樹
世教之功大矣豈獨爲不孝兄弟輩少逭其罪也萬祈
長者俯憐人子選暇即爲命筆茲以行促不及踵門拜
懇統俟闌歸時走謝高誼臨楮曷勝感迫

與葉仰南

郡城話別忽忽經年願望禮闈父子同登爲吾鄉添一
美談又復不如人意然君家故物自在館閣遲速非所

論也弟浪跡閩中未襄大事夏間準擬歸里此間佳卷
頗費搜羅主人公明之譽翕然而幕中尚須良友特馳
令姪回松相邀度吾兄家居無事正可大出手眼暫來
相助俾鮮荔枝江瑤柱一齊收入奚囊或少勝故鄉蓐
菜也主人適在冗次囑弟作札轉達祈即惠然命駕以
慰懸切家事有賢郎料理老封君不妨結山水緣矣平
原外姑仙遊棘人益增傷感西山當已南還弟亦有札
致千乞結伴同行天涯聚首不愁孤寂耳計日以待不
盡詞縷

與儲六雅

四馬齋文集卷六

士

重九日接教誨讀近刻濟宋儒之腴而輕圓出之在大
稿中粹然一歸於正且意境密微字字體貼過來與外
間口頭禪天地懸隔敬藏篋行以爲南車外示四馬諸
子并論文大旨現身說法嘉惠來學者深矣弟少年輩
姑且縱其所至而徐俟其氣之馴難以邃養繩之如士
輩乃恨少深山靜坐工夫耳三復良箴不勝媿歎

與陸勉之

判袂以來倏已一載雅度高懷時縈寤寐以俗冗鹿鹿
未及寄奉一行月初從郡郵中接得去秋所惠手札開
緘朗誦如對良朋自顧疎懶之性動輒獲咎吾兄獨鑒

其無他深相容納尚與二三君子追溯曩遊賜以芳訊此情何可忘也途中佳什韻險句奇讀之如置身嶺海間危峯駭浪震盪心魂彷彿蘇軾紀遊諸作歎向者知吾友之淺矣第去夏粗畢大事新年稍葺敝廬囊篋已空行裝重理擬在孟夏北轅滿懷愁緒難告知已所冀者賤內幸已有身倘得舉雄則半湮精舍中定當永矢弗告決不汨沒長安塵土圖作打鼓升堂人也愛我者何以教之諸惟慎重眠食以赴春明不盡

與欽明府

節孝一祠惟題旌者得與此 功令也然世代既遠或

四馬齋文集卷六

十三

子姓微弱其勢必不能上 聞則有真節真孝名光史冊而終不得與者矣非賢父母斟酌而表彰之何以上宣 德意下慰幽魂昨承命即詣祠徧閱木主唯現有子孫及新被 旌者數家恐非 聖朝廣搜側陋之美意也因退取志書再三檢勘若但錄旌表則挂漏實多若於未旌中復加去取則偏私滋甚今請製造大木牌二細書深刻一顏之曰旌表節孝一顏之曰志載節孝姓名以次橫列於下旌表者供堂之正中以尊 主命其志載者即供於正中之左右如此 功令既無所混淆孤芳又不致湮沒微賤之家莫不感奮於激厲人心

之道庶有當乎謹呈上牌式二紙伏望即賜裁定發樣付工并空餘地使後可續刻尤荷明德於無窮矣又按節孝居址的係南滙者留入南祠未詳何地者仍入上祠至未旌姓氏前明及 本朝舊志不甚明晰今姑總列於前此亦前人疎畧之一端也

與陸錫山

不語者半載為俗事纏繞不得一圖把臂頃知賢昆玉皆有文幕之役吾郡英妙皆在目中何快如之近從半涇花下偶記時物之變得里句二章錄寄諸名家和章頗富獨未得吾西山先生一首為悵竊聞賢郎中似復有蝶夢之傷未審果係何人幻化世界起滅無定大兄當一切以禪寂消之萬勿愠悵以損天真也茲因徒輩之君附此奉訊并再寄呈近作四首祈賜繩削暇日得與前題併揮珠玉則瓦礫之投為不虛矣望切望切子敬欲為其令祖作傳非大手筆莫屬也并復

與黃唐堂

去秋巢南家叔誕期蒙先生推念舊好賜以序言懸之屏障滿座增輝不腆之儀復煩峻却無桃李之投而荷瓊瑤之贈在大君子以著作為布施不啻恒河沙中一數而士輩如貧子頓獲寶珠瞻仰稱歎不知所以為報

四馬齋文集卷六

十四

也一甌鹿旋即北上未遑申謝歎及至今而先生復遠惠瑶函期許逾分抑又感愧交集矣自顧菲才忝預館選金根雌霓疎謬良多一時前輩如先生者又已樂志卹園無從請益倘肯示之津筏或可勉步後塵以不虛疇昔相知之雅是所引領以俟者也傳世之作尚稽案頭使天下未被其施負罪如何可言顧區區之心實不敢潦草畢事以塞諾責是以遲之又久當於三夕之夜挑燈細讀昔人以漢書下酒竊謂不若唐堂先生一卷冰雪也郵寄之期約在上元節後矣晤閩中同年咸謂八閩課士一刻家奉楷模惜未覩全豹與汪先生應

四馬齋文集卷六

五

繩錄並垂而先生公明和厚之風久而益著可見人心終有公道也介山先生去世燕臺失此良友真爲恨事急覓其集得桐城友抄本二冊丙午以前諸作皆在其自定稿本在恪勤師家次君處當借抄以成全璧桂杏並放詩一冊明年胡君太虛入都可以惠付感感王生延之時望有以教督之俾得今古俱宜爲妙臨池神瀾復陳亦韓

丁未別後忽忽五年想兄著書授徒名山之藏將與身等徒使弟南望歎慕而已菲材誤玷清班既切惶恐而長安珠桂艱難家口在南者又不能兩顧旦晚或得乞

假與兄樂飢山水間同理書生故業便爲老年佳境此外非所望也昨聞江左志書之舉已聘高賢從事真可謂付之能者前省志孝義傳中曾載先五世祖名誠還金事近姚侍御之駟所擬小傳本未較詳呈備參閱又敝郡莫紫仙先生高行絕倫勝國之義士即本朝之逸民當與王珩右先生輩並垂千古弟方擬陳明史館因節錄數語奉上兄輩主持風教此等亟宜表彰決不使志乘有湮沒名賢之歎也王孫復詩文雋雅誠如兄言自不待弟爲說項附復不宣

與方靈臯

四馬齋文集卷六

五

昨承顧勿勿未盡所懷下論原稿次本亦已閱竟送高安處其中稍擬增節特抄一紙奉正乞加裁定酌入勝清本中呂下論當駁處較上論本少不必以煩簡相配但取其必應駁者駁之而置其無足駁者庶免枝贅此事關繫國朝學術苟有所懷不敢不盡篇中欲商處先生詳定後當力請之高安勿以屢有更易爲嫌愚者凡所獻疑皆恐後人以此轉相詰難耳與其使天下後世得以相詰何如今日我輩再三往復以求至當之爲愈乎士所執者皆衷之先儒引伸其說未嘗敢私立一解即如大學治國章上論詩三百章近人習而不察反

疑呂說為是直是不曾細讀紫陽書也若其依傍紫陽之說未有出入則亦不可不細加檢點稍過求便恐失入非 聖朝聽之公論之意也特愛奉商祈賜諒察

與全生紹衣

所示論明史三書甚佳宜錄出與吳方諸前輩一閱釋與舍傳從經亦古人所有然老婦祭位記在竈陘即如今世祭竈神之所耳非古者西南隅方也觀王孫與其寧三字自是舍尊就卑之詞更望詳之

與方總裁

統志開隘中新例以巡司居首已經照例移改然尚有

難移者如山西大同府止有王家莊堡一巡司今若置之於首則大同之關甚多扼要而冠以巡司是特以巡司故重之非以其地之險要宜首列也查各處巡司亦有甚無緊要不過偶駐紮於其地者而冠於諸關之前且他堡他鎮其險要或倍於有巡司之所而獨此巡司超出乎各堡鎮之外求其說而不得則以為尊職官也然如各關口堡鎮每有兵戍守或以叅遊千把領之皆職官也例皆不標出而獨標巡司其謂之何又如驛丞亦職官也巡司可書則各驛亦應標某驛某丞矣竊意巡司當照叅遊守把驛丞之例因其革與某年新置

者詳載註中而不必標出則關口堡鎮皆可各還部分而無前後參錯之嫌如偶有一二處無堡鎮之名其地止兩字不得不冠以巡司者恐有存存刪刪難畫一則仍如徐稿徑標巡司而不列於首亦何害於體例而必欲移之也又查巡司有地名在彼而衙署在別處者可見巡司與重兵彈壓之所不同其地蓋下於隘要關口而不必特置於前也偶因大同府一條特獻其疑乞裁定以便遵行

與張東亭

古來祀典有祀於學祀於社之分祀於學者先聖先師

是也祀於社者共工氏之子后土祀以為社是也社本祭土神而以死者配之思其人則祀之於社其事見於史記漢書樂布傳所謂燕齊之間皆為立社號曰樂公社者也此正祭法所云卿大夫以下成羣立社曰置社之謂也然惟歿而有功德者始配於社布則是生而即祀於社故漢書序傳曰民思其政或金或社李奇註謂齊貴樂布為生立社蓋生而立社非常法可知古惟歿而後祭於社也此即韓公鄉先生歿而祭於社之根據鄉先生之名見於冠禮達尊之稱也學官只祀有功學術之人此外有德於民則立社祀之今名宦鄉賢概立

於學失本來之意矣韓公不言祀學而言祀社此正根據不苟處入後人手必云祀於學則成妄語矣

又與東亭

昨又查得史記後漢書唐書中皆有置社事如石慶樂布之於齊則是後之名宦生祠類也甄子然之於北海崔鄴等之於光德里則是後之鄉賢類也韓公與崔氏同時代度其時多有此典故於楊少尹文以此祝之

題詞

子丑鄉會墨折衷集題詞

制義有選主於持論往往能補風氣所不及而常怪其

四馬齋文集卷六

九

不能無偏有明之世霍林求仲侈談機法千子吉士盛陳名理均爲學者所宗迄於本朝選事日盛沿波討源不出二途雖精覈明辨有加於昔而矯枉過正兼善良難要在學者之自取耳夫一科之文主司所取未必非選家所棄即一文之內選家所賞者在此主司所喜者實在彼況又加以黨同伐異壇坫爭鳴而選家之論卒交持互勝而不能以必合然則譚藝者將安所折衷也曰折衷一科之文非難也折衷諸家之見以成一家之言是難也毋亦沉潛乎訓義反復乎句讀浩然有得於經傳之微旨而又錯綜參伍以觀其正變求無謬乎

古亦不悖於有司之尺度蓋彙數百年論文之旨然後可以折衷一科之文也折衷庸易言哉今皇上文治之盛垂六十年復當子丑之交鄉會試所錄彬彬焉日進於古天下挾冊之士度無不爭自濯磨求得當於繩墨是集之選不爲隨聲附和之陋亦無膠柱鼓瑟之偏兼用湯韓艾錢家法而與錄文之意亦微有出入焉聽學者自取之也丁子之用心勤矣名之曰折衷其信矣乎雖然選家之折衷非難也取選家所折衷者而自爲折衷焉抑又難也嗟乎折衷豈易言哉

倪凌滄試牘題詞

四馬齋文集卷六

十

余初識吳江倪子稼咸於稠人中溫然玉也讀其文亦如玉爲心儀者久之既從試牘中觀其弟凌滄文字則又鍛鍊精純煜然如金之光彩四射是真所謂金昆玉友者非邪夫玉之在璞金之在冶人或目之爲石指之爲不祥及一旦貢於天府陳諸廟堂鮮不以爲比德示和貴重無匹如君家南村太史之文是已豈必二君能爲此而不能爲彼抑亦所遭之時異也然則玉無輕獻獻則取則金無妄躍躍則招尤天下有燒玉之火淬金之水將必於二君乎試之二君何患無知己哉我於凌滄文并卜稼咸矣

莆田宋兼三制義題詞

文有以多爲美者言恢之而彌廣思按之而愈深是也
文有以少爲貴者立片言而居要乃一篇之警策是也
是故多之爲美少之爲貴非所美而美焉是之謂濫枝
指贅疣不可以爲多也非所貴而貴焉是之謂窘見肘
決踵不可以爲少也然則爲文豈有多少哉惟其當而
已矣一勺之波擬乎千頃味也盈尺之竹拓之尋丈勢
也膚寸之雲徧雨天下氣也得其味具其勢全其氣能
爲少者即其能爲多者矣豈沾沾尋行數墨云爾哉今
世之能爲多者夥矣若莆田宋子兼三可謂能爲少者

四馬齋文集卷六

三

也宋子之文裁剪省約而題鮮漏義對屬工巧而篇無
枝詞其體源蓋出於慶曆獨能絕去學慶曆者穿插凌
亂之弊及其磨礪浸潤颺發雲舉驅經史於行間絺錦
繡於臺素則又炳然鏗然聲滿天地故曰能爲少者即
其能爲多者也吾聞宋子承其家學行誼修飭前後有
司皆以名上聞宋子辭之再三及是以選貢赴京師
將出其所蓄積爲當世用匪直工於文者顧余獨愛兼
三之文之不苟爲多也爲疏其所以可貴者以贈之

書後

書雲間二韓詩後

有明以科舉取士垂三百年世之文人才士或擯而不
得與蓋有幸不幸焉非盡文之罪也其鬱紆孤憤之氣
不能自抑往往發之於詩有不得其平者吾郡二韓先
生可慨焉朱嶠曰廷韓承中江先生家學文章意氣雄
視江左某科場事畢置酒淮清橋上郡中諸名士畢至
酒酣咸願聞廷韓作廷韓解衣磅礴朗誦七藝竟以酒
酹地曰今科某某不中者如此月如此橋如此水諸名
士咸唯唯忽一少年直前拱手曰向耳廷韓名籍甚頃
聽所作當終身點額矣諸名士譁然起詰之徐曰生是
常州某家君亦官庶察文不必誦來月讀五魁卷可矣

四馬齋文集卷六

三

廷韓意憤憤常州名士亦畢集相與爲講大書一紙曰
中者罰不中者出金若干爲提聞牒同人是徵榜發常
州君名在第四而廷韓竟落於是常州君遣一介齋書
責如約廷韓爲閉戶不出久之嗚呼不幸而常州君言
竟驗以資天下揣摩衣鉢者之口實也雖然常州君名
姓今不知爲誰而廷韓之才人獨誦之一二百年之後
其題詠字畫雖不知於古人何若較之常州君孰爲多
哉使廷韓當日幸而其言中無所自表見不過一常州
君而止風流文采安足照耀江左起廷韓於今日決不
以彼易此也仲韓家故饒於貲折節爲諸生業學成而

屢擯其科榜既定主司覆視落卷至其文大歎息曰此當元奈何乙之既知爲雲間顧某大書卷首曰何物老教官當賊目以報顧生其惜之若此顧異日終莫之元也嗚呼幸則爲常州君之自信不幸則爲廷韓之大言更不幸則又爲仲韓之扼腕幸不幸蓋偶然耳奈何以成敗罪文字哉抑二韓皆貴公子盛有時望欲中則中耳顧辛苦相競於文字得失間寧終身淪落而不遇何拙也常州君之所自信要出於文不出於他矣席世資以欺世者誰哉嗚呼此有明科舉之盛遇否蓋皆足以充也廷韓語見今事雜筆仲韓則得之其家云向有自治稿已焚之後江左乃有張元長徐思曠之徒時藝皆傳於世而二韓無有人不知其工於舉業也讀其詩因附識之

四馬齋文集卷六

三

書山中白雲詞後

余素不諳詞學間之焦文廣期云駢體之推任昉詩餘之首周邦彥其道愈小其故亦愈難言又云柳永之詞妙處不減於周謂柳不如周非知言者也余茫然不識其故時時思按譜問津又復罷去恐強作解事貽笑顧曲名家耳後見朋輩搖筆作詞率爾便成私甚訝之詞故如此易爲邪宋玉田生詞朱竹垞先生極推之世卒

未觀全集余叔購得舊本將授梓以公同好命余志其後余不識玉田詞在前人中頗頡頏誰氏今觀其樂府指迷於聲律之學研究至深其授受皆有師友苦心精詣必多獨得於中者以俟知者知耳余非知音者也然余詞輒不敢妄作姑記所聞歎一藝之難工且冀世之爲之者之稍稍知謹也

書袁海叟詩集後

海叟詩前朝推爲國初第一而病其才力少弱余謂此四卷詩不足以盡叟之才力也明祖用法嚴峻寵眷如潛溪卒以貶死吳之高楊張徐半由文字構禍叟佯狂

四馬齋文集卷六

三四

自廢匿跡銷聲胸所欲言敢盡見之於詩乎其所自定殆必有大滿已志而不得已而悉從刪雜者矣此四卷者計未及海叟之詩之半而遽執是以盡叟之才力豈其然哉叟詩四五言類陶七古律絕類杜其高出諸家者尤在性情氣質間固不專以才力勝他人矜奇逞妍不免作意爲詩獨叟樸老真摯初不屑屑然爭勝而與會所至令人想見東海老儒衣冠揖讓鬚眉歌哭之狀如在目前此一點詩家真種子淵明子美心心印合非嫡骨傳衣莫之能得也後之爲詩者穿穴僻奧關湊新巧波瀾富矣雕琢工矣求其人之性情氣質了不可得

意者華勝樸偽奪真乎然則談陶杜詩於今日而標叟集以爲之嚆矢庶幾沿流溯源升階入室之漸歟從叔表章前哲意蓋在此讀叟集者尚毋以才力之見少之則學古人爲不遠矣

書錢遵王讀書敏求記後

乙巳季冬吳興趙子用亨過海上謁余出是編見示爲虞山錢先生遵王所藏書目分經史子集四部其間多宋刻善本世所罕見悉繫其從來而評騭其是非以傳於後洵博雅嗜古君子也嗚呼書之在世能藏者不必能讀能讀者不必能購今學者得緣是記以想見其大

四馬齋文集卷六

五

都不猶愈於無聞乎哉因爲正其譌字而關所疑者以歸趙子趙子年少好讀書且有江山師友之助殆將繼遵王而起者余重有望矣

書遏淫廣孝二編後

吾邑孫恒山先生有遏淫廣孝二編余少嘗讀之犁然服其採擇之當令愚智皆可通曉丁未冬張君周翰見而寶焉欲重爲印送先遏淫繼廣孝力未贍而意甚勤也或謂如閱者束置高閣漠焉無動於中何余謂不然十人閱而一人勸此一人之子弟朋友必有藉以得聞正論者百人閱而十人勸此十人之子弟朋友必有藉

以去惡從善者譬聾者之側而鐘鼓日鳴其視塞之敗絮也孰愈聾者之前而燈燭繼照其視閉之暗室也何從是編之有益於世與張君之有助於是編也豈非考伐之具薪燎之資也哉敬題數語爲同志廣布之倡

書顧小厓課餘稿後

小厓先生之文非文人之文也其爲文未嘗摹倣蹊徑而質直清腴於經史大義多所發明至其論學雖先儒成說意所未愜未嘗少徇與余斤斤墨守者間有異同然余心知小厓中有自得不欲爲雷同以欺世也彼文人之文直文焉已矣

四馬齋文集卷六

六

贊

陳慈田讀禮圖贊

并序

丙午夏與陳子慈田晤於都門出讀禮圖見示余惟爲人子而克肖者良難爲名人之後尤難先師恪勤公遭際兩朝德業炳於宇宙晚年方將大用而不獲究其施以卒此天下所同痛況爲之子者乎今慈田復親蒙聖主拔擢次補郎署之職將朝夕追惟先公之志而求以似續之詩曰夙興夜寐無忝爾所生慈田之悄乎緬惟先公一代人宗虬髯豐頤聲若巨鐘維次公子秀

偉莫比讀父之書泣涕不止古稱肖子不惟其形惟德惟義乃云紹庭先公之業澤潤生民厥緒未竟在子後人皇路方闢馳驅伊始移孝作忠披圖見志

世譜

曹氏世譜上

曹氏其先有出自顓頊者曰六終六終第五子安始受曹姓至周封安後挾於邾爲魯附庸戰國時楚宣王徙邾子於黃之沙羨莫知所終而周武王弟振鐸實封曹子孫別爲曹氏世以大顯仕於魯者有沫以勇力聞而卹親事孔子然邾與曹故皆近魯其自出不可考後漢

四馬齋文集卷六

壬

敦煌人全爲邵陽令有碑述其世曰相國參系出振鐸食邑平陽其後雍州扶風間子姓分布相國沛人子孫遷於其封故曹氏由西北興者皆祖相國顯肅朝充褒父子習慶氏禮爲儒宗仍魯國薛人而熹平中永昌太守鸞上書訟黨人事見殺史不著其所生地是時沛國大長秋騰養子嵩生操爲魏太祖然嵩實夏侯出非曹後而晉有征南司馬攄光祿勳毗皆譙人同出太祖族子休齊梁間新野景宗世宗義宗兄弟相繼爲將不志其所出迄隋唐曹氏無顯者而杜子美詩有霸以畫馬名出於魏祖宣懿僖昭之世稍有能詩者曰鄴曰唐

曰松宦皆不達惟河南確與弟汾當懿宗時並列將相宜有譜牒然遭唐末造五姓迭更而士大夫之家譜學廢矣宋興曹氏始復大顯於世大名有武毅翰中山有武惠彬侍中利用起於趙州寧晉待制叔遠幽著於溫州瑞安南北皆代有人自高廟南渡西北曹氏之家於官者亦隨而南而吳之華亭曹氏乃散處其地其一爲廣富林之曹祖待制而先自宣和中由永嘉徙者爲貞溪曹氏今皆屬青浦一出自侍中爲上海錦溪之曹厥後浸微而由蘇之嘉定徙上海者則獨宗宋樞密使追封濟陽郡王謚武惠彬濟陽故曹國地振鐸所封武惠

四馬齋文集卷六

壬

則真定靈壽產也父芸爲成德軍節度都知兵馬使自芸以上不詳其世次武惠之子七人璨珣璋玘玘琮勳爵並見宋史武惠傳吳王謚安禧玘女爲仁宗慈聖光獻皇后二子傳佖佖以姊故尤見尊寵卒封沂王沂王子評誘大觀中同日拜節度使立雙節堂於家戚里榮之然皆忠厚謹密歷神哲徽三朝克保終始焉宋室旣南武惠之曾玄從而南者十八房或曰有四支焉曹之居江浙者半十八房後揚之泰興如臯潤州之金壇常之江陰皆是而子姓留河南者尚多有人值宋末大亂譜入元北宛平汶濟之地曹氏或仕於朝而十八

房後皆隱不見今上海之曹猶知自武惠來者徒以累代所傳述不敢忘其朔故也然自元季迄明初世次名字與夫始遷嘉定之祖則不可悉得而詳嗚呼此今譜之所爲作也其由嘉定遷上海者爲吾祖之高祖孟春公故今譜斷自孟春公始

曹氏世譜下

譜之法詳其所可知由我祖而上之至我祖之高祖曰處士字孟春逸其名處士之來徙家也則自嘉定往少依母家居習瘍醫術既精稍徙至海上授其術於子未幾卒子諱誠字守愚生於正德六年辛未歿於萬曆二

四馬齋文集卷六

无

十八年庚子享年九十我祖之言曰余聞守愚公貌古樸無他好樂於爲善既行其術稍稍有餘資值歲饑盡爲稱貸者負然不以介意顧嘗還人道旁金至於三不憊小子請詳焉曰公年近七十率夜出戶占陰晴忽有物曳足舉之纍纍然金也乃張燈卧藥肆向晨有號而走者縛一人與俱呼問則諸醫商飲酒倡家醉而出疑其金爲若輩盜哭告曰家有八十寡母當奈何公驗得實出布囊責曰少年何疎縱若此商請以半壽公却焉會倭亂避兵五里橋見蘆葦中黃巾裹物良久兩人倉皇至頓足曰吾與若一門死矣棄產謀徙而又失之公

還其金如故又嘗還厠上瓦蓋中金年二十時也公自小時即視爲固然故至老彌篤其他陰德多有人不得而見故傳止此今載通志孝義傳郡邑志獨行傳中生子四處士國習寶山府君國禎處士國祥吏目府君國裕寶山府君字明衛始讀書應童子試不利去習孫吳赴舉場輒困因之寶山衛爲右哨官府君介直負氣節寶山上官遇府君厚以誣罷府君歎曰子復安忍北面向人遂歸尤不好佛戒子孫毋得事之晚作年譜自爲序藏於家以客卒府君之作年譜也獨稱季弟吏目府君贊曰是孝友出天性我所不及吏目府君字起潛於

四馬齋文集卷六

三

一士爲高祖高祖有叔兄雙瞽日憤悶勸之就藥肆復不專高祖乃自出錢日使人僞病者相繼來肆買藥叔兄日得錢則大喜而真買藥者亦踵至遂以此贍其家高祖視病有神解有病者久不瘳察其脈曰是矣陰置銀藥裏中謂曰歸手自調藥其人病良已高祖喜曰吾固知其貧不樂故也性方嚴教子孫以禮嘗曰家無讀書紡織聲即不成家晚授太醫院吏目年八十三卒入本朝崇祀鄉賢守愚公子四人伯與叔一再傳而絕寶山府君之後僅有存者而高祖子孫最盛漸以有聞於世長爲曾祖文林府君諱六龍字君升年十二從喬

君求先生學君求名進士少許可獨屢歎曾祖文自爲刻童子言題其端曰自今吾里有以神奇之技蜚英東南者必屈指曹生比試輒冠郡中陳李輩皆折節交之文獨清真不事雕繪與明季場屋式不合國變遂棄諸生以老居閒恂恂和煦之氣溢眉宇即僕隸未嘗輕詈辱以子故封文林郎年七十三卒生子五長遂安府君諱垂璫字天琪府庠生順治乙酉舉人丁亥進士初授直隸真定府藁城令調浙江嚴州府遂安縣爲政不事擊斷有盜嘯聚山中諭以恩信悉復業越一載鄉人某爲府同知惡府君不附已齟齬之坐以弱罷歸年未

四馬齋文集卷六

三

四十既歸爲德於鄉數十年鄉人至今思之順治十年秋海寇犯邑總兵王璟督戰敗反以通寇誣邑民再欲屠之府君偕邑令閻紹慶力爭且以全家保得不果屠復倡議移城外漕倉於縣治東南捐田設永濟渡上下便焉晚年每出坐破肩輿中邑人指曰老佛老佛或冒曹氏名武斷鄉曲里中輒相謂曰曹老佛家安有是府君撫諸弟子如子稍不悅學即變色叱之率以此成其材卒年七十五所著有五石山房詩文集覺言錄備急方等書生子四一廩生一授某官一太學生孫若干人太倉州學訓導一人庠生二八次處士諱垂星字天策

喜博涉性尤狷介家甚貧顧嘗推產讓其弟卒年五十子二人庠生孫若干人庠生二人次我祖文學府君諱垂雲字天翼少與兄俱侍文林府君學未冠遊府庠國朝棄去和易樂善不立崖岸嘗曰人即欺予子奈何待以不肖遠近稱長者卒年七十八子一人泰魯邑庠生康熙戊午舉人知福建興化府莆田縣孫三人一增廣生二廩生次文林府君諱垂岷字天季邑庠生幼警敏事一見立決始曾祖授諸子產不過十畝府君卒能勤儉自立起其家家既豐猶一敝衣十餘年不易曰以示我子卒年六十以子故贈文林郎子四人二授某

四馬齋文集卷六

三

官一知江西贛州府贛縣一例監生孫若干人歲貢一人府庠生一人次文學府君名垂朗字天肅高年不仕子六人二庠生一康熙壬午副貢一太學生孫若干人自曾祖文林府君以來聚居邑南門之同仁里邑人稱曰同仁曹氏亦曰南曹而我祖文學府君復遷於北高祖之故居值邑治之東第二子曾叔祖欽賓府君居之邑人稱爲東曹欽賓府君諱六韜字君略嘗從父之嘉定有施某背瘡久膿血膠席及褥不可一轉側卧待死高祖患之欽賓府君尚幼趨進曰是甚易令別設牀褥舉病者覆其上徐割去故褥席背見乃可治如其言效

高祖奇之令世其術所活人為多舉丈夫子亦五人庠生二人孫若干人庠生六人授某官一人諱熙曾者有文行食餘嘉定庠一士兄弟受業焉早世曾孫若干人曹氏自孟春公至今二百五十餘年未克大顯於世然祖父忠厚積德之教未墜子孫被服詩禮或野而耕或市而賈皆兢兢自食其力不為奢詐敗俗之行以辱其先則累代餘慶宜大食報於後人者將必有在族之父兄恐世漸遠而祖德日忘命一士譜其略以藏諸廟其子姓世次名字別具於策茲不盡述焉

四馬齋文集卷六

三

四馬齋文集卷六

四馬齋文集卷七

海上曹一士濟寰著 姪 錫黼誕文編訂

堦 葉 承子敬 男 錫端菽衣 同較

內姪張熙紳赤垂 錫圖起南

碑

光祿大夫總督河道兵部右侍郎兼都察院右副

都御史謚恪勤陳公神道碑代

總督河道兵部右侍郎兼都察院右副都御史湘潭陳公以雍正元年正月五日卒於任遺疏入奉 上諭曰

陳鵬年潔已奉公實心為國因黃河衝決自請前往堵

四馬齋文集卷七

一

築寢食俱廢風雨不辭積勞成疾歿於工所家有八旬之母室如懸磬此真鞠躬盡瘁死而後已之臣 命發司庫銀二千兩 予祭葬封其母一品太夫人蔭子謚恪勤越十有一年月日 上允撫臣請祀河南賢良祠仲子少司農樹萱以墓碑未立來速余文且曰匪先君子是為述 主德告來世于是乎在某故公屬下士親見公行事加詳其又可辭公字北溟號滄洲康熙辛未進士西安山陽二縣令知海州擢知江寧蘇州二府攝藩篆前後 召入 南薰武英二殿纂書署霸昌道復入 武英辛丑夏 命同吏部尚書張鵬翮視河留工

辦事秋七月河決馬營口溢張秋長垣公請遣官發帑開引河於廣武山下淤灘上以殺水勢冬十一月署總河事總河防淮轉漕河南工例委巡撫壬寅春正月馬營口冰泮復決漫二十餘里公曰河吾職也奚彼此之分持前議開王家溝引河導水入榮澤被 詔還淮防汎秋八月復馳赴河南齋浹禱于神曰三塞無成誓以身殉復開引河於官莊峪露處視事簿文書自淮日百數至悉親裁之得氣逆上疾冬十月壩尾再合再潰乃大會官吏誓之曰集惟諸君功不集惟老夫罪衆皆感泣盡死力已聞 聖祖仁皇帝升遐惜伏几一晝夜

四馬齋文集卷七

二

甦北嚮伏地三日哭病遂篤十二月二十一日壩合今上實授公總河 賜 先帝御物醫問交道而公竟不起矣初公歸自河南值雇民舟運漕而漕督卒船戶絕口糧聚譁公攝篆立發河庫銀六萬兩給之事聞仁皇帝稱於朝曰古大臣識量也然 先帝知公自爲守令時獨深令西安四年首清占田以實虛額寢採礦禁溺女雪烈婦暴棺十年寃而禮葬之民大悅從化用遂寧張公薦調河員令山陽半年霖雨河漲將啓東壩洩西水瞿然曰東之人何罪戒勿啓取丁冊投而禱之水退七州縣獲全爲海州三年民安樂之癸未奉 命

賑山東饑迎 駕韓莊開 召對歸拜江寧府 命公所至盡心民事思變其俗顧事上方屢中危法賴 天子明聖卒致大用爲時名臣其在江寧餘一年俗父母死輟食歛躬訃戚黨公曰此何時忍匍匐道路以禮諭止之僧淫於佃而奪之妻名至于杖總督爲請不許曰法不行一僧如百姓何斥南市樓爲講堂南市樓者故金陵狹邪處也會 上南巡總督議供億期地丁兩加三分屬郡唯唯公抗言曰 天子屬車所至絲毫皆自公帑出我曹顧履畝私取之以累 聖德如後罪何議遂寢總督銜之卒用前改南市樓宣講 聖諭大不敬劾擬棄市先是織造曹寅免冠叩頭爲 上言陳某居官廉民以故愛之 上領之命一夕修鎮江馬埠三督挽舟夫南北行數千里覘其才獄上 詔免死公由此有 南薰之 召在蘇州二年始至郡饑疫作請平糶於上游載藥與糧徧履村墟以蘇羸乏釋饑民攘富人倉而入於盜者七十餘人浚城中河庚寅攝藩篆公自爲令守痛革耗羨至是乃革加平曰既平矣何加爲凡有支給取原封以付州縣稱便未幾復用太倉閘工案落職故事知府白事總督屈一膝曰半跪公旅見山立屹然督嚙禮素倨怒叱曰而陳某邪人言汝倔強而亦

四馬齋文集卷七

三

知汝性命在督院顰笑間邪我生死一知府甚易如以
手捫虱耳公從容進曰不然知府若上欺 朝廷下毒
百姓則有司寇之典在若奉法守官 君上不加誅閭
閻無怨讟雖區區一吏便欲逾時生死之以逞其威談
何容易緩步徑出劾拘鎮江仍傳死獄上遇赦免先期
仁皇帝御暢春園出外密奏公遊虎邱詩二章具言
陳某結民心蓄異志語涉大逆以示九卿曰自古小人
誣陷善類皆然若輩徒藉影響文致欺朕豈可得耶羣
臣皆頓首謝公由此有 武英之 召嗚呼微 先帝
明則公幾殆矣公之以死勤事也宜哉春秋六十有一

四馬齋文集卷七

四

雍正四年二月三日葬湘潭縣十四都東霧鳳形山上
其先自江西廬陵徙王父諱金臺年四十無子以弟獻
華子式穀爲後公考也樂施予好客所遊多名人生五
丈夫子公爲長贈中憲大夫妣贈恭人羅氏繼妣賀氏
曹氏公子樹芝辭一品廕求封其王父母及本生王父
母如公官階得請仍予廕公元繼配皆封一品夫人石
夫人祔葬公兆之左男七人樹芝樹萱樹菁樹葉樹棠
樹華樹葵芝某官營戶部右侍郎著刑部員外郎葵出
後公弟女七適名族公爲政先教化樹風聲恤及無告
慮周枯骨藹然閭達長者至於關胥漕卒倚勢而橫臺

生博徒營窟而嬉即事逮捕疾如雷奮間爲微行廉知
民隱法所未便不吝更定以故案無積牘獄絕冤民下
車之始壺漿載道罷官而去號哭不休 先帝及 今
上之知公知之於民心也故曰斯民也三代之所以直
道而行詎不信哉公父喪廬墓事繼母以孝聞愛異母
弟妹若一訓子嚴嘗曰家世一經譬之果木即弗能灌
漑其忍翦伐乎與人交終始有恩意學問淵雅書成進
御輒稱善哦詩著文根柢忠孝善行草書在京師值
困乏嘗以易酒米有要人乞書屏障陽諾之歷三年迄
不可得銘曰

四馬齋文集卷七

五

維湖之南山峻水清有衡有湘我公實生公降自神嘉
名協夢垂天之雲爲世幃幪公形昂昂益背長身序鍾
巖電虬髯戟張開閣燕居溫溫儒者左史右圖出入風
雅逮其盤錯波撼風搖介如壁立渙若冰消維古有云
大德不器發伏摘姦特公餘事 聖祖知公留貽 聖
君公施未究公有後人鳳山千仞千秋仰止勗哉似續
永紹厥美

武陟陳公廟碑

陳公廟者河內之人不忘故總河陳恪勤公而作也康
熙六十有一年河決馬營口公請於 朝凡三至河內

循故道疏下流飢不遑餐倦不遑寢病不遑藥以身先
役夫而董勸之自秋徂冬閱月凡五南北壩合而復潰
者四三誓於神願以身殉衆志咸奮克成厥功而公遂
彌留矣所謂以死勤事者也今 天子御宇上清下寧
百神受職洪波澄澈亘數千里引河自開不煩疏鑿隄
堰開壩之工爲焉而斯成築焉而斯固民忘負薪捧土
之効官有進級紀功之賞休哉天之所以應 聖德惠
蒼黎惜乎公旣沒而不及見也於是河內之人聚而言
曰前者廣武山王家溝之引河不開則馬營口不得而
塞馬營口不塞則是魚鼈我也公不愛其死以衛我民

四馬齋文集卷七

六

俾得延朝夕以復覩 聖天子平地成天之烈於今日
若之何忘之乃告於邑令徐君石麟相與伐木鳩工爲
廟於郭外二浦營嘉應觀右寢堂門廡畢具士人荆鵬
展金永齡張孝先等實司厥役父老子弟不令而趨有
弗服勞若撻諸市始雍正十二年九月越十月丙午落
成徐君來請余文刻於繫牲之石先是 上俞撫臣請
祀公河南賢良祠而懷之人猶拳拳焉專其敬於公者
以公嘗陟降上下於茲土其神如或臨之也佚能思初
安能惟始其懷人之謂乎乃撮公濟河大畧書之且系
以銘告後之人無怠公諱鵬年字北溟號滄洲湖廣湘

潭人持身治民所在皆著聲績爲時名臣銘曰

昔河之溢滔滔東流沁水交漲漫及張秋公來自淮萃
於廣武道河南行俾復其所我芻孔亟公涕如雨再決
再塞有萬其杵馬營旣陂充冀旣寧公歿而視遲彼河
清 帝曰勞臣鞠躬盡瘁秩祀賢良俞哉廷議惟此懷
民立社以祠匪私匪媚明德是思我田我廬報以廟食
公功不刊視此樂石

墓誌銘

光祿大夫總督河道兵部右侍郎兼都察院右副

都御史謚恪勤陳公墓誌銘代

四馬齋文集卷七

七

公諱鵬年字北溟別號滄洲湖南湘潭縣人其先居江
西廬陵九世祖某始徙今縣傳六世至大父諱金臺明
經不仕撫從弟獻華子太學生諱式穀爲後以公貴
贈光祿大夫妣羅氏賀氏繼母曹氏羅氏與曹累贈封一
品太夫人賀格于例未贈本生考妣皆如公官階贈焉
光祿五子公居長生有異徵八歲能詩九歲作蜻蜓賦
年十四補縣學生康熙二十三年舉於鄉越七年登進
士第三十五年知浙江西安縣西安經兵燹賦籍缺公
親履畝丈歸田於主割餘以實虛糧悉除逃亡稅窮民
來歸俗多溺女立法懲勸風一變力陳采礦害奪羣議

民建祠爛柯山祀焉遂寧張文貞公題辦河工一年以天津同知薦會督撫舉仁廉吏移知山陽丁賦額缺前令抵寄居戶遭水人轉徙復編幼丁移里甲代納戶部以銀不及額符下縣公上言死不再生逃未復業請仍舊冊便夏霖雨河溢排啓壩議保東堤七州縣得無恙遷海州尋擢知江寧府米踊貴請發官米四萬石設九廠平糶禁士女冶遊驅娼妓而毀其居正昏喪禮期年民嚮化四十四年 聖祖仁皇帝南巡大府議益耗羨爲供張公持不可且曰事苟上聞滋得罪大府怒陰奏公改妓所居南市樓爲講堂率吏民讀法大不敬宜置重典 仁皇帝在行宮已廉知公治行及民愛戴狀姑命聽勘獄具 詔免死赴京修書方公拘幽江寧城中市晝閉哭聲徧野諸生匍匐留旗兵營卒爭醵錢具牛酒詣公願一見移勘於淮山陽海州父老願身代公繫者數千人比 詔下皆走郡治所中庭北向焚香呼 萬歲江寧民復留公像於明海忠介祠羅拜惟謹當是時公賢聲動天下四十七年邵公穆布督兩江疏薦冬出知蘇州未匝月案牘一空痛革奢俗會饑疫請告糶於上游親載米製方藥徧徃散給村民乞食富人

不與則聚而攫其倉實以盜逮繫者七十餘人公至惻

然曰飢也非盜也皆杖釋之逾年攝江蘇布政司總督噶禮劾拘鎮江 聖祖仁皇帝曰比有密奏陳鵬年遊虎邱作詩蓄異志自古小人率用此陷善類朕素知鵬年豈爲若輩欺罔因出詩釋文一紙示九卿旋奉 恩赦召赴京 命爲 武英殿總裁官公初至蘇州往見噶禮白事不跪禮怒呵曰知府生死我手汝敢爾何也對曰鵬年果有罪雖幸賜寬假寸心具有鈇鉞如其不然 君使之百姓安之生死不在公也徐步出禮以太倉閘工及承審遲延案劾去之度未得志故搆蜚語必欲擠公于死公性剛敢任事事上官動見齟齬然廉明愛人在所得百姓心以此自結 聖主歷試然後卒大用五十六年署霸昌道大猾詭貴戚名盜礦立捕送刑部獄昌平歲進瓜 帝曰鵬年清官安辦此勅勿進未幾 召回 武英六十年四月 命同張鵬翮視河留辦事秋武陟馬營口決公奏言黃河老堤衝決八九里大溜直趨決口請於對岸廣武山下大開引河導溜南趨迤東與正河會然後堵築可興又乞發帑遣大員用長椿大埽以資捍禦先是 帝已遣副都御史牛鈕赴工奏至符 上指冬 命署河督六十一年春馬營口南壩尾決公言水深溜急土凍堤新強塞于此將移於

他惟分上流疏下流可殺其勢請仍用前議 報可遂
開引河廣武下道東南入滎澤已而奉 旨還視淮河
南工專委巡撫決口久不塞秋八月公至自淮齊沐禱
於神復奏開官莊峪引河露處視事日不遑食或中夜
起拊循役夫達旦更風雨霜雪不休淮工郵傳日夜至
皆自批答已而疾作初南北壩相繼潰南合北幾合復
潰公力疾誓衆涕泗交頤人人奮死力忽聞 仁皇帝
登遐暈絕一晝夜既甦踊哭不絕聲十二月北壩合甫
奏上復潰強起為文告神誓死二十一日北壩尾乃合
今上嗣位實授總河 頒賜 仁皇帝御物曰見此

四馬齋文集卷七

十

如見 先帝 命御史馬爾赤哈邁往醫視 御筆慰
問雍正元年正月五日公卒工所役徒皆哭士民相弔
失聲疏入 上曰此真鞠躬盡瘁死而後已之臣 賜
司庫銀二千兩母錫封典以一品廕子謚曰恪勤嗚呼
知臣莫若君 先帝鑒忠於負罪之年 今上定功於
易名之日公可謂遭時遇 主至於斯極者也以康熙
二年十二月十三日生春秋六十有一追封光祿大夫
元配石繼配謝皆封一品夫人側室王孺人子七樹芝
樹萱樹葵樹著樹萊樹蘩樹萃芝國學生 武英殿纂
修議敘知縣葵著萃庠生著蘩一品廕謝夫人出萱國

學生纂修議敘知縣萊蘩王孺人出女七適名族孫男
一孫女二公不攬利權當官不辭難為州縣首革火耗
為府厲其屬曰省一分耗羨即完一分正供署藩盡革
加平曰我嚮固請免此也總河兼權關主河工捐例公
上章力辭曰臣實不能分理及河南堤工起則再自請
行漕督卒運漕民船數千人乏食而譁公立給河庫銀
六萬兩乃入告 先帝深嘉之先在霸昌督修密雲城
悉逐姦人不踰時役畢在海州賑山左寧陽饑請發鄒
滕濟寧穀價銀三千兩繼之將行又請視他州縣免徵
額賦時縣官報災不時上踰三月公特誦言所至豪強

四馬齋文集卷七

十一

屏跡嘗親入博徒窟室禽以歸其黨駭散漕艘故泊隘
伺他艘觸刼持其貨物公呼吏縛之行旅獲安淮龍江
兩關所徵隸卒皆此類令下必行卒未嘗強使從已異
時吳中觀音山以竹兜代遊屐食其力者三百戶禁之
詣公訴公偽遊山問曰太守虐苦子弟乎曰否守愛我
顧我儕衣食於此一旦罷且餓死太守禁婦女遊固當
不當禁客還立已之公既廉明愛人善聽微發姦獄以
不寬他郡邑疑案得公剖咸帖帖服初涖西安徐烈婦
暴棺十年莫決公庶得凶人斃之禮葬烈婦為建祠其
他異蹟多可紀或問何能爾曰在虛公表東海孝婦廟

立陸績廉石復劉賁後人徭建狄梁公祠風教大行好賢下士惟恐不及薦拔多當代名人前後纂輯書六部皆奉 俞旨所著詩文年譜政畧奏疏凡若干卷公子樹芝等卜雍正四年二月三日葬公於本縣東霧鳳形山上先期來請銘余既習聞公政事與公安豁然坦白君子撫楚至長沙益知公內行修飭事繼母友昆弟終身無間言書稱君才克施有政公是已余又聞 先帝命公治京口岸步三一夕就蓋賈人子募工鉅筏疊石成之京師歲除市米潞河牙人魏某叩自公所來歎曰廉吏廉吏歸其直輦米而至嗚呼此豈可且暮釣取得之者哉銘曰

四馬齋文集卷七

士

凱且悌誠而動天下賀賢人用沛洪河以身壅嵩厥施誰嗣恫湘之東鬱霧鳳宅兆安福祿降萬子孫仍梁棟光祿大夫總督雲貴兵部右侍郎兼都察院右副

都御史蔣公墓誌銘代

雲貴總督南亭蔣公以康熙六十年八月二十三日卒於西藏雪山行次王事也越雍正九年十月七日葬江陰縣香山桃花澗之新阡先期嗣子漣乞假於 朝而來告曰自先公歿十有一年龜筮未從葬是以緩且昭信勒銘有待今日敢泣涕以請念與公同舉進士惟余

四馬齋文集卷一

三

在又敢固辭按狀蔣之先名秀元者以平吳功食邑常熟其後世居城南明崇禎朝禮部主客司主事贈光祿公諱蔡始以科第顯於公為王父生贈光祿公諱伊康熙癸丑進士由庶常授監察御史著玉衡臣鑒二錄繪時務十二圖以進視河南學以勞卒官公考也生二子仲為今相國 太子太傅公而公居長諱陳錫字文孫別號雨亭登康熙乙丑進士二十八年令陝之富平歲旱蝗米斛錢數千 詔以倉穀賑就食者眾將不給歎曰賴 君之祿以有產斥吾產君澤當益廣且民皆吾子安有子瘠而父忍獨肥亟為書家中勸田繼之半載完聚如初狀聞陞禮部主客司主事督海運倉革糧艘之以蓬席銀納者遂寧張公查子粒至陝民遮道迎訴公德遂寧歎曰其家之不有奚有於子粒還薦治行第一遷祠祭司員外郎佐張公治河兩淮一載授濟寧河道條濬長河六事行之革燒草公茭葑水利臨清監督某請歸河稅於關以增額公言滋擾非便罷不行四十二年調天津驛鹽河道二載調淮徐河道公為政務持大體不尚苛細所至除害本民被其施四十六年遷河南按察使南陽白蓮教事露株連甚夥公曰愚民妄求福非欲為亂誅其魁一人餘不問老瓜賊殺人充豫間

勢面襦衣莫可究詰公廉其巢穴悉禽雞之道路以寧
四十七年遷藩山東未兩月擢巡撫首請緩二十三州
絲衛麥苗被傷之逋增營馬買補直視驛給夏秋豆草
銀視撫河鎮標以恤弁兵臨清關請濟寧等五州縣添
立口岸可益課萬兩公疏言關有定所舟楫無壅課自
不虧今一旦添口增稅恐商民裹足無益有損長蘆御
史請增鹽引公謂增引易增課難今引鹽多滯若又增
之鹽價必至踊貴是上下病也皆寢不行又因 萬壽
恩詔請概免河灘藕灣泉灘學田義田租一年在官八
載穀以時熟 仁皇帝褒賚有加五十五年晉雲貴總

四馬齋文集卷七

十四

督 召對賜克食條十事上之既至鑿險灘開溪路以
緩水激驛勒石非符下毋濫應夫馬鎮遠施秉被水不
待入告委官馳賑之除去鹽井稅計口派煙戶令正課
外給本分煎就地銷補前課之乏石羊緒廠礦老額不
足公請嗣後硃口旺開衰止歲豐採薪停課多少無制
定額董事者獲蘇是時滇承平久林蠻洞蚤潛萌異心
土目常德運竊武定鳳氏孀女而據其地其屬不平內
附應運遽稱兵入境公怒曰小醜敢爾會師勦捕檄其
鄰那德洪等夾攻之應運遁黔黔中斬其首以來執鳳
氏遺孽歸之京師分兵守其地撤甸平五十八年撥浙

中滿兵來滇公豫辦宿食所過安堵會西陲用師餉取
足滇黔黔督年羹堯請滇餉至黔同解公言迂道非便
仁皇帝知公年雖老可任大事 命親往西藏犒軍
公即日戎服治行未至藏百里遭疾語從者曰我死分
也恨未達 君命耳距所生順治十年十月三十日春
秋七十公侍母孫太夫人疾以孝稱人覘公顏色卜太
夫人疾益損輒中居喪哀毀忌日蔬食終身俸入推子
三黨日廩月餼以迄婚喪恩意備至光祿公嘗銘其斛
曰出此入此厥惟公平有易是者天殛其人公謹守家
法凡遇遷除輒蠲佃租尤不敢以貴富加鄉里喪歸之

四馬齋文集卷七

十五

日老幼流涕配趙氏王父士春宮保文毅公孫登崇禎
丁丑第官至左中允父瑞南順治丁酉副榜事祖姑及
姑無違禮撫兄子如子割宅分產與之性慈好施病給
藥寒給衣以佐成公德封一品夫人後公一年卒年七
十有一合葬公兆子男五人連洞澍澍浩淳連已丑進士
右春坊右庶子洞乙酉舉人山西布政使澍長蘆鹽運
使先公葬卒趙夫人出浩兵部武庫司郎中側室陳氏
出淳恩廕生側室蘭氏出女二長適刑部郎中錢大鼎
次適成都知府王瞻趙出恩撫女二一適中書舍人宮
雖一適嚴州府同知曹儀孫男十人楠楷柞榆柟榕櫟

榛檉楂楷欄雍正丙午舉人柵庚戌進士工部額外主事孫女十三人曾孫男十三人曾孫女八人公子姓賢而有文能紹家學今上元年山東巡撫某歸通省捐穀羨餘於公家追償會公弟相國公方爲少司農具奏原委上更命後巡撫核減之雍正八年復奉旨蔣陳錫子洞任涼莊道及山西臬藩實心供職可蠲免其家應償捐穀之半公前事始得邀恩大白漣等具以禮葬嗚呼公可謂有子也已銘曰

四馬齋文集卷七

十六

其膏公曰竊取公來自東時和歲豐一莖五穗嘉禾茂芄公曰匪予聖德之徵帝用汝嘉宸章親灑何以予之弓矢鞍馬又何予之冠纓鞞袴維此東方聖人之鄉政平民富弦誦洋洋擴是賢書增我國光帝曰南疆老臣是倚公壯厥猶強誅弱多往哉西陲勞我軍士西師孔亟公行不遲據鞍矍鑠陟彼崔嵬玉門不返馬革全歸人孰無終公終王事爰有孝子克家繼志公多陰德施於來嗣伐石銘詩百世勿墜

資政大夫禮部左侍郎特授尚書致仕郝公墓

誌銘

公諱林字中美一字筠亭先世居山西之洪洞有名成甫者始遷定州今爲定州郝氏公父浴順治己丑進士官至廣西巡撫生子五公其仲也以甲午年十二月生公於銀州成所少讀書機警七歲能屬文長益肆力於學康熙辛酉雋鄉榜壬戌登二甲第四名進士癸亥丁外艱服除補中書科中書舍人遷吏部驗封司主事旋陞員外郎協辦考功司事隨少宰之陝勘獄同事或敗於賄以公嘗爭執獨免癸未入禮闈甲申迴避歸里丙戌補稽勲司員外郎旋陞驗封司郎中十月調文選公持已廉正練於事情姦猾吏皆屏息搖手終公任無敢

四馬齋文集卷七

十七

以意稍有所進退時目爲鐵面選司後富公寧安爲太宰事有難決者必曰視郝選司故案見重若此丁亥考選授禮科給事中戊子典粵西試己丑轉吏科掌印預會議侃侃爭執每至再三有不得或牽率畫題公獨否遇秋審亦然九列皆相顧曰郝君平日恂恂長者今乃如是皆歎服辛卯陞光祿寺少卿壬辰轉太常冬陞右通政癸巳轉左十月陞太僕卿甲午春命爲奉天府尹奉天寄籍者衆命案滋多公面奉聖訓宜坊未然涖任令戶懸一牌大書戒酒戒鬪戒帶小刀於上出入觀之踰年命案減半禁倉穀之勒借而浮收者凡田宅

之岐界者清之子女之鬻他省及典旗下者請治其罪
曰吾以實陪京也乙未晉宗人府府丞旋陞左副都御
史務持大體以風僚屬丙申陞工部左侍郎部事繁重
且多備豫弊以叢生舖戶例得預借錢糧數萬兩按期
責程輒悞公事有某舖欲循故例屬居間者微言願為
公壽公正色曰此朝廷物敢輕以絲毫假人終不許
外省奏銷及解硝觔棕毛等物例有部費解銅鉛者則
曰解費公一切屏絕之壬寅聖祖仁皇帝賓天雍正
元年癸卯龍輶奉移景陵公奉上命祀土前丁
酉冬公辦孝惠章皇后喪事至是五月復遇孝恭

四馬齋文集卷七

六

仁皇后喪凡三大喪皆倚公以辦後又恭建聖祖聖
德神功碑敬謹督率終事無悞公之勞勤居多甲辰丁
內艱奏請終制上諭回籍營葬事畢來京乙巳春
特旨補侍郎金世揚缺公入都以老病力懇解退上
溫旨勉留公感泣入署比歸寓即白衣冠以居者三年
丙午調禮部左侍郎隨以目疾日甚具本乞休奉有老
成謹慎之褒特予尚書致仕皇上之優養老臣於
是為至也公留京就醫且以工部積逋例應分任居邸
者六年壬子六月奉旨寬免公泣下曰皇恩如天
豈獨私老臣顧老臣無以報耳九月二十一日終於邸

第享年七十有九歷遇覃恩勅授徵仕郎中書科中
書舍人誥授奉直大夫吏部驗封清吏司員外郎中
憲大夫通政使司左通政資政大夫工部左侍郎加二
級前後所奉恩賜甚渥高祖某曾祖某祖某皆誥
贈光祿大夫高曾祖妣俱贈一品太夫人考巡撫公當
按蜀時力守保寧城發吳三桂跋扈狀有大功卒為名
臣事具史傳誥封光祿大夫妣李氏王氏贈封一品
夫人公王所出也繼妣蔣氏公門內之行甚謹丁巡撫
公艱三年不之私室以王太夫人不逮事忌日輒思慕
涕泣迎養蔣夫人於京邸有珍羞必先以進嘗之而後

四馬齋文集卷七

九

退弟楨困場屋公使之仕多方成就之歿復歸其喪於
數千里外推廕於兄子誠燕而語其子曰汝當自奮也
族人有走京師告急者輒傾囊以授歲數輒命家中分
穀貽之元配清苑張氏祖驃騎將軍某父某以名儒稱
妣高氏婉婉聽從能執婦道適公十三年而卒年三十
有一誥贈夫人公甚悲之待婦家有加禮繼配張亦
清苑望族父倭順治戊戌進士龍安知府年十七歸公
儉約謙和處妯娌無間言未嘗以絲粟私遺母家顧時
屬公善待前夫人兄弟撫前女如已出人以爲賢卒年
五十有二誥封夫人子一誠炳丁未進士後張夫人

出女一適左副都御史劉公元慧子廩貢生宸誥前張夫人出孫男二璣坊孫女三長字梁其次字高自佑次字張某初公年三十未舉子叔爲置妾至則泣曰人廷我不爲妾也公即處之別室呼其父母還之且給道路費囑曰善擇壻毋再廷於人公生平不喜事不沽名在諫垣未嘗爲矯激嘗請禁餽送嚴勒索以杜虧空之源又請疏通教職壅滯皆獲施行雍正三年特命京官俸銀米相等如旗下例迄公告休上召廷臣諭曰此郝林所奏爾等知之公摺奏每自削葉雖子弟莫得聞多此類小雅曰靖共爾位好是正直其公之謂乎誠炳

四馬齋文集卷七

三

以某年月日合葬公夫人於某所以狀來請銘銘曰

中山之郝代懋潛德耕讀是勤維先中丞文武忠孝鬱爲完人撫粵之歲餉急民饑發我帑銀公歿未幾誣以侵欺蜚語上聞有孤衰經匍匐哭泣以叫帝閭天子勤咨詔曰廉吏宜復其官予之葬祭榮始哀終喪車是旋卓哉孝子昭中丞忠由孝伸孝子維何曰維尚書能紹厥先其紹惟何誠樸不二酬國厚恩此維尚書之藏既吉且安以貽爾後昆

贈文林郎翰林院編修故萊州府經歷忍園顧先

生墓誌銘代

仁皇帝臨御尊尚儒術凡經傳微言洛閩緒論極深研幾折衷於一其時宿儒大人接跡臺閣風聲漸被下至海隅僻壤好學力行阨窮之士莫不講明正學是訓是行郁郁乎盛矣哉所謂見而知之豈獨禹臯陶之徒若上海顧先生忍園亦其一也先生諱昌祚中康熙己酉順天鄉試第六初令江華有所建白忤上官意叱曰書猷盡歸鋤爾田對曰歸固某志官其土如不能惠其人何徐步而出調萊州經歷甲申四月卒於任年六十有四即於是年冬十二月葬上海南匯城西郊三里一窳港北今屬南匯縣既葬三十有一年仲子成天謀下墓

四馬齋文集卷七

三

石奉所著衍範上下篇詣余乞銘其書推明儒者之道以爲君師之總皇極之理盡在是不出乎天下萬世生民之心自二帝三王周孔以來莫之能外人才成敗由學術學術明闇由皇極君師之統分則道學之爭亟通上下合外內而一之惟皇極爾其辭貫穿反覆鈎深抉微不限訓詁然而平正切實經心聖域日月揭而江河行也嗚呼仁皇帝集君師成澤被萬世於是書發其凡矣考諱其言崇禎庚辰進士仕至工科給事中有文行世祖諱國憲贈文林郎妣封孺人李氏祖妣贈太孺人方氏配贈孺人張氏歲貢生鐸女合葬公兆子三長

用烈廩膳生季用芳國學生早卒仲成天丁酉舉人以
恭輓 仁皇帝詩上徹 聖聽命侍 皇子讀書庚戌
欽賜進士官翰林院編修能守其家學孫男五人曾
孫男六人先生居父喪服闋且半載始與宴會赴鄉舉
師之急於京師歷久不舍人皆義之幼通敏於經無所
不習獨邃於易讀之積萬遍不輟在萊日與諸生講貫
往復成衍象五十四卷一夕燼於火惟衍範存居平善
人倫鑒嘗從書肆見其所刊已卯闈牘選序驚曰是不
能自容兵在頸矣何以能卒越十五年果驗銘曰

義圖箕書經緯明皇哉萬古開羣蒙握要執樞道以彰

四馬齋文集卷七

三

降而文勝厄辭興棄本逐末違聖經矯之已甚失則狂
六經註我善惡亡以儒詬儒紛異同浸淫失守亡其羊
先生憂患峻厥防作圖陳義剖毫芒帝有彛訓儒者當
遵 皇之極遊康莊繁星繫天川朝宗用雖未施道已
光歿而言立此其藏

封一品夫人嵇母楊太夫人墓誌銘

今大學士仍總督江南河道事務太子太保嵇公之母
楊太夫人以雍正十有一年十二月庚戌終於濟寧官
署有 旨賜祭給帑金一千兩治其喪沿途官弁護送
兼 諭大學士扶輓歸即起視事大學士固請終制辭

甚哀奉 特旨許之既回籍走使京師以狀來請銘謹

按太夫人世居吳之長洲考某縣學生祖某曾祖某皆
隱德不仕年十九歸贈光祿大夫留山公公負經世才
既補諸生就故總督范忠貞公聘由浙之閩幕待以國
士甲寅三月耿逆變作誘范公執之下光祿於獄擄掠
備至范公既遇害光祿聞哭曰吾義當同死即日投繯
絕命康熙十有五年九月十七日也時楊夫人年二十
有七今相國生甫七齡舅姑皆老病既聞變將以身殉
則又泣曰吾夫得死所矣吾不可以不終吾夫之事拮
据卒瘞事堂上益虔無何連丁兩喪自殯殮迄窆窆唯

四馬齋文集卷七

三

謹見者忘光祿之已亡也初光祿既死難樞阻兵不得
歸有義僕程治者崎嶇數千里扶還報命夫人迎舟哭
哭已謀速葬檢笥中敝衣典數金買地於邑軍障嶺前
龜山之陽視窆畢泣語相國曰吾前所以不死以有舅
姑在舅姑既沒而葬今又葬汝父我則可以死則又有
汝在汝父以秀才死國事汝未成人當如何則又嗚咽
曰我其如何相國聞語感奮比長益從師力學歲已未
庚申間米踊貴太夫人日織布一疋易市中米作飯指
謂相國曰汝能讀書乃得啖此未亡人歎粥相國既彊
學不憊鬱為通儒遂以孤童崛起擬巍科列清要 今

詔相國感激 主知盡然出涕曰皆太夫人之訓也太夫人生於順治七年七月初五日享年八十有四累封一品夫人子一即太子太保大學士曾筠孫男八人瑗瑛璜璫瓚璇玑玫璜登雍正八年進士第官翰林院編修奉 命回籍襄事孫女四人俱適名族曾孫男三人

四馬齋文集卷七

畜

玄孫一人以其年某月某日合葬光祿公兆先是康熙四十二年癸未太夫人奉 旨旌門建坊光顯於世越雍正七年己酉贈光祿公復蒙 恩與享昭忠寺至是又特給大學士一品誥封前後六十餘年太夫人皆親見之嗚呼 國家所以勵臣子其備至耳矣嗚呼太夫人其無憾也已銘曰

維易有言無成有終妻道臣道道從同吁嗟夫人遭
家憫啗甘荼集蓼以代先公先公從募許友以死死國
之難匪死其友孰侍高堂孰撫弱子公心炯然特有賢
婦惟太夫人知公此心存殁在子十指是任母織子讀

寒雞夜瘡成茲國器爲楫爲霖卓哉相國天子所勞
簡畀宣防河流順道酬庸旌勲皇哉明詔公曰匪臣
臣母之教維帝曰俞錫茲介福宮衣內製雲錦霧縠
酥酪滑甘茶茗馥郁人復雄黃盤堆盒匱紫檀之龕列
坐金仙玻璃御磁五彩爛焉花驄絡繹丹詔聯翩暨
其遷化數備禮全猗與夫人始厄終豐夫義婦節子孝
臣忠爲邦國瑞匪直家榮書之彤史疇與比隆軍障之
下龜山之陽往即先公薨封若堂皤皤相國攀慕徬徨
我銘是徵永世流芳

祭文

四馬齋文集卷七

五

公祭 怡親王文

天佑命於大清爰篤生夫碩輔仙崧嶽以降神實超申而軼甫繄 天潢一氣之親光麟趾萬年之譜毓靈秀於 賢王克紹衣乎 聖祖溯夫岐嶷天挺仁孝性成依 寢門而問膳恒恪立於在廷荷 聖慈而彌謹承天寵以不矜惟小心而循分若朝退而無憑恭惟皇上御極繼述伊始勵宵旰於 九重任股肱以百揆譬孟侯之在周室具知 朕心如司徒之陟堯階曰惟介弟贊密勿於 一人熙庶績者八載蓋精白之節矢內外而無欺忠蓋之忱合初終而罔怠者也何以明之

我皇上念足國必先裕民裕民莫如省費使倖實之不開乃推恩之可繼爰勅度支宜清積弊於斯時也王夙夜在公盈虛互劑節其浮冗用籌三十年之通遵厥常經儲為億萬世之計此則王之仰體宸衷使我國家府庫充盈蓄積大備因得減賦蠲租以行慶施惠者也我皇上念先零之怙惡怒青海之弗庭負恩之誅斷難稽於天計屯田之策尤備豫於邊城惟師行而糧繼乃兵發而敵懲廟謨既定命將遠征於斯時也王叅預機密洞曉軍情運籌三載之中不震不竦制勝萬里之外如雷如霆此又王之仰體

四馬齋文集卷七

王

宸衷使我師牛馬絡繹糗糧餘贏以故屯營而耕市不變壓境而壺漿相迎者也我皇上瞻顧京畿肇修水利尋元明之遺跡具東南之農器將以變石田為膏腴觀新畝之深穠孰督其成惟王是視於是星言夙駕按阡陌以循行濬澮距川偕庸防而並置清泉若鏡村村黍穎繁滋膏雨如油處處棠陰蔽芾俾郊圻屢豐大有之奏不可勝書而聖主重農貴穀之懷於茲忻慰者已我皇上慎選羽林精擇禁旅七校之士咸明步伐之方五兵之材必集挽強之侶所以鑒府兵之積弛陋曠騎之非武孰領其衆惟王是拊於是律同霜肅

觀軍容者咸有聞而無聲令比春溫校射藝者率序賢以不侮八旗奮號虎之姿三營結能罷之伍俾麾下干城腹心之將人壯其猷而朝廷詰姦禁暴之威莫之能禦者已總而計之凡此宮中府中之事皆以天下之任為已任因而嘉謀嘉猷之獻一惟至尊之心為王心或利弊關乎吏治或休戚繫於閭閻蓋無聞之不告豈有懷而能緘由王書思之所協贊對客未嘗以自表故其造膝之所敷陳外廷莫得而共諳其陰扶善類也如護芝蘭惟恐其馨香之不達其靜鎮奸回也如防梟獍惟慮其毒喙之肆行蓋和平之風度固藹如其

四馬齋文集卷七

王

可近而剛方之氣概又凝然其不傾洵立朝之正色樹列辟之芳型是以一人深契八字榮褒謂忠敬之不忒亦誠直之共昭勤與慎其相濟廉並明而互高惟克知而灼見故晝接而泰交語其功則絕倫於勲戚渥其禮則卓冠乎百寮方游膺夫多福宜上壽之可操胡然嬰疾曾未逾朞遂暫辭乎機務往休息於山陂我皇上集賢懸賞走望頻祈王於是慮天心之鬱結云有瘳以相怡竟彌留於一旦騎箕尾而上馳嗚呼哀哉王德重鼎鍾勲銘竹帛如六鰲之鎮地負荷生民類八柱之擎天又安社稷後無憾於丹青前有光於史策

何僅中年沈疴見迫宜我 皇之痛悼輟朝而臣庶亦
均哀共感於焉考古元祀實惟功宗配食 太廟典禮
斯崇 帝曰宜哉惟 王克庸上慰 列祖 皇考式
憑 朕心孔悲永以報功某等夙奉光輝式瞻師表荷
包荒之大德痛今儀之日杳跪奠酒以陳詞心怛怛其
如擣思迷德而何窮仰 綸言之浩浩嗚呼哀哉

祭總督河道孔公文代

荷與孔公自洙泗啟汶上之還曰由博士太史占星賢
良濟濟季生實蕃數符其始太常奉政世濟厥美通議
嗣之建節於閩汝陳時臬獄以無冤種德逾邁遂大其

四馬齋文集卷七

天

門淳氣所積發為偉人公之初降神有異徵幼守家法
恂恂諸生於惟 聖祖釋菜廟廷公年十七奔走惟敬
帝用汝嘉觀光上京筮仕別駕楚之武昌秦中游饑
往餉之糧尅期集事民用無傷能聲上聞俾牧徐土均
額編丁豪無弱侮七年之中杜母名父借箸籌河大賢
是輔旋守於滇瘴雨蠻煙化俗以禮弦歌在邊迄移蜀
守最亦如前進監荆南築隄捍水田廬既保寧爾婦子
洊由粵臬爰作蜀藩逆苗既殄轉餉無愆灌口之堰李
冰比賢爰陟中丞文武互用泮宮既崇猗猗不縱 天
子命公全粵是統天南半壁倚公以重公益殫心相度

機宜或移屬縣或設專司或裁冗職或壯兵威指臂聯
絡伏莽畢摧乃綜二邦籌其積蓄惠粟朝通西糧東屬
取新易陳源源相續更議各營建倉貯穀法依常平兵
期食足贍及妻孥歡騰飽宿田功水利次第興修賑飢
平糶旱潦無憂爰及竈丁軫恤維優增其鹽直引無滯
留爰及番舶防微慮周遭風必恤溢額寧收凡茲偉績
實簡 帝心請期入覲臣職是欽 帝曰俞哉汝往江

南三江七浦條畫自今報 命還粵 錫予便蕃道途
所經溝洫川原民依國計入告維殷 帝嘉忠誠全河
是命公初蒞止綱紀一新增高益庠功審後先躬親閱

四馬齋文集卷七

无

視淮徐來宣屹屹高堰蓄清敵黃安瀾之策莫此為長
聖謨既授寢食不遑伐石加土以待汪藏孰云勞瘁
梁摧嶽傾嗚呼哀哉遺疏上 聞 聖心軫悼練達老
成宜神所勞倚毗方深云何不弔 賜塋易名煌煌
綸詔嗚呼哀哉公之當官獨結 主知不緣人進不植
已私小心慎密屋漏靡欺公之居鄉孝友睦婣祿推宗
黨恩逮縣人公之交友維誠維信迄乎屬員舉劾必慎
天寵稠疊如弗克勝 天語諄切拳拳服膺時之柱
石人之鳳麟騎箕莫返不朽者存某謹託通門分均篤
匪追溯儀型彌深仰止執紼無由臨風雪涕曲阜之從

昌於奕禩

祭勵文恭公文代

天啓昌時 重華相繼爰有良臣高陽世濟維司寇公
實長羣士內秉剛直外嚴阿比介石之操獨立之氣日
贊贊襄從欲以治云何中道騎箕上馳十載忠勤 天
子所思公之壯歲文采翩然明光奏對金馬傳宣承

恩既渥侍御彌虔小心畏慎溫室不言 仁皇是契
賚予便蕃迄乎中歲爰寄絲綸出視童奏入奉經筵靡
不稱 旨謂肖其先 今上嗣位念先臣勞 命掌院
事以率仙僚甄別內外各得其曹煌煌典文 聖孝所

四馬齋文集卷七

三

昭公爲釐定達旦連宵逮茲屬草亦奉 宸褒既佐中
樞旋掌邦禁明允之司古難其任大哉 王言無縱無
濫公拜稽首刑貴持平峻固傷急弛亦啓爭死者莫訴
生者何懲好寬民玩獄訟滋增 帝俞其言俾執厥成
其難其慎夙夜兢兢槐庭棘寺博採公評讞章三上形
瘁神清條分縷析敬對 明廷一出一入悉體好生凡
厥成案昔無專司今設現審貴有所歸凡茲繫囚昔多
雜沓今分內外重輕爰隔惟齊非齊有倫有要執法如
山視民若保明此祥刑弼於至教帝用嘉之官銜是醕
旋授天官百寮前導佇符枚卜三台永耀壽不副德

天心震悼賜祿全終加恩有 詔嗚呼哀哉公處寮友

直而不阿惟其侃侃是以大和公於屬員不借辭色一

字之繆正容痛斥既乃欣然冰消霧釋被公訓者獲免

罪謫公今亡矣後進何式嗚呼哀哉維先文恪實余所

師百年之契一日之知公時弱冠昕夕相隨謬承兄事

許我箴規 大內深嚴同時入直行既聯車止亦並席

南海波青西山霞赤避暑離宮泛舟仙鷁迎 駕隨

鑾天香共澤公吟吾詩吾披公冊自登粵嶠垂六七年

雲山隔絕書問纏綿還 朝未幾 先皇上賓徃守

陵寢復違晤言比忝黃扉公爲秋官民依國計屢讀奏

四馬齋文集卷七

三

篇幸予既耄獲奉周旋誰謂我公遽爾上仙憑棺一慟
老淚如泉嗚呼公之治獄蘇公繼美公之揮毫元章復
起不朽者名不亡者子公多後賢科名濟濟世賞長延
皇恩未已有酒盈尊有肉在俎公其來歆鑒此肺腑

祭蔣文肅公文代

嗚呼氣鍾川嶽世際明良乾道自強而不息坤道無成
而代終有一代之聖君則必有一代之賢相爲之宣化
理而佐元功其在唐虞則曰禹臯稷契其在文武則曰
周公畢閔於漢則若蕭曹丙魏於唐則若房杜姚宋於
宋則若韓范富歐陽道不必一致事不必盡同而或剛

桑之互濟或文武之並營要之生則能回幹造化扶持

皇極故歿則勲垂於竹帛而名勒乎鼎鐘粵瞻 昭

代翳惟我公蓋自入 內廷叅帷幄 先帝培植玉成

之於二十載之久而留貽以待 今上之考慎而登庸

泰運日闢文明再昌珠聯璧合之瑞海宴河清之祥

聖主方兢兢業業以承天寵惟恐一物之失所一夫之

不獲以申儆於廟廊公於是體 一人勵精圖治之心

作百官震動恪恭之氣而夙夜匪懈以承弼我 后者

爰宅百揆而攝司農惟時 天子清問民依首議蠲免

者乃明代相沿數百餘萬之浮糧以至發粟截漕蠲租

四馬齋文集卷七

三

帶征平糶積穀諸大政皆以如天之仁沛曠世之澤布

德行令靡歲茂有要惟我司農是任以時補助而酌輸

將於是承 詔旨者惟 怡賢親王及今相國桐城公

與我虞山公協心輔理於廟堂俾 聖澤朝施夕究而

民隱不壅於上聞者尤有藉於公措思之周密而擘畫

之精詳至於造膝之言運籌之地陰為福於蒼生顯有

裨於國計皆外廷之所不得聞而公未嘗有一字之宣

揚其所僅存者則若漕運水利之條奏五城糶米之設

施不過詭辭焚草之百一而畧可見公經濟之大綱乃

若吏牘雜陳羽書沓至公則目視耳聽手批口答雖五

官並用而曾不見其參錯於毫芒洎乎退朝歸第章奏

盈几或秉燭於中宵或假寐以待旦馴至勞瘁成疾逾

年未瘳而無敢一息之少康宜乎捐館之日 皇上輟

朝震悼而深歎息於股肱之云亡嗚呼公位登宰輔年

踰六十官銜世爵 褒獎於生前錫綬易名加 恩於

歿後惟公之不朽者固將與日月而爭光而所臨歿奉

奉者猶以不及見 王師之旋凱而惘然遠念夫疆場

是其國爾忘家之大節至易簣而彌顯而何私計之足

擾其中藏是以祿入雖豐未嘗以廣田宅 賜金雖厚

未嘗以遺子孫所與共飲食而散資財者乃後門之寒

四馬齋文集卷七

三

畷與疇昔風雨之親朋故蓋棺之日囊無私蓄市有餘

逋其藉以成斂者皆頌自 內府而 皇情軫念復命

大臣以經紀其喪嗚呼哀哉公孝友之性剛直之氣勇

於任事之才精於鑑士之識美不可殫述而予所心儀

者尤在尊 主庇民之大端總其生平洵無媿一代之

賢相而追配古人於千載者昭昭乎登史冊而下太常

抑以余之不敏而壯歲獲交於難兄既與公南北周旋

翰墨互答者皆在丹墀清禁屬車豹尾之旁比蒙 恩

眷步公後塵而年已及耄方恃公等同寅協恭贊襄

聖治而余得乞身歸老於故鄉豈意皤皤黃髮未先朝

露而公遽乘白雲而上侍 先皇顧茲弱息得配公子
而不獲聆訓於尊章其何能不俯仰身世為 國家痛
柱石為同寮痛典刑為天下痛依庇而次以私痛其姻
婭之情長嗚呼哀哉

祭哲太夫人文代

嗚呼坤曰貞吉屯有經綸心同金石誠感鬼神履常不
易蒙難彌艱烈士殉友生氣常存烈女撫孤終大其門
名垂彤史惟太夫人系本關西隱於吳市少承姆訓明
詩習禮歸我贈公龍山之所篝燈佐讀相莊若友贈公
之少才名鵲起鄉校推先儒林稱首爰遊幕府氣吐虹

四馬齋文集卷二

三

霓維先忠貞臂指是依八閩變起豺狼塞達忠貞抗節
三載囚羈公從於獄慷慨賦詩主賓同難甘死如飴時
太夫人年餘二十六尺藐孤呱呱方泣聞報魂飛號咷
絕粒下指黃泉相從以入顧念尊章白頭於邑存與孰
膳亡與孰翼孰代夫子曰有未亡收淚掩泣奉我高堂
辛勤拮据荼苦備嘗以養以葬子道畢將贈公赴義實
亢其宗夫人完孝於公有光痛憶遺骸間闕未返命僕
往求孰云道遠元面既歸毅魄不泯軍障之阿言觀執
引誰尸負土煢煢徒跣千秋萬世同穴是踐聿有賢嗣
克念先公夫人教之截髮丸熊千絲夜績萬卷晨通天

道福善克相其衷卓為名世福祿攸崇忠孝之後宜極
恩榮何以榮之魏科 清禁入直 楓宸出持冰鑑
游歷中外 帝所倚任河功既成枚卜是諗板輿來迎
左右具瞻洵哉有子所生無忝嗚呼循環否泰理有固
然 天書燦爛綽楔高懸壽登大耋見及曾玄晉 封
一品章服遙頒夫人受之笑而上僊 賜金 諭祭寵
賁九原其猥以通門辱交相國蚤聞懿徽景仰靡數承
乏在南助襄河役起居八座賢母是覲何圖寒宵婺星
夜匿遙奠一尊永欽內則

祭薄恭人文代

四馬齋文集卷二

三

翳天風之浩浩兮瞻海山之巍巍紛雲旗其下迎兮捐
玉佩而高馳隨麻姑而東渡兮歷玉女之軒墀睨人世
之榮華兮飄忽焉其若遺惟令名之常存兮指千秋以
為期遡閭閻於中閨兮卓一代之女師維恭人之淑質
兮蚤沐教於庭幃羗婉婉以聽從兮信四德之無虧託
蹇修於渭陽兮御六轡而來歸值夫子之艱難兮徒壁
立而斷壑歎東西以移家兮歎家具之無多爰洗手而
上堂兮勗嗣徽乎思媚念慈姑之事姑兮儼儀型之在
斯庶步武於前修兮續維則之孝思問煥寒於夜眠兮
調甘旨於晨炊每賣珠而補屋兮亦拆繡以縫衣雖井

曰其躬親兮詎侍奉之有違暨先姑之抱疾疾兮嘗湯藥而敬進之殫誠信於附身附棺兮相夫子無悔於他時維所天之卓犖兮實儒林之所希時下帷而授經兮或束裝而遠遊置生產而不問兮懷陟屺而離憂倚恭人之捫擋兮得從容於仕學而無求旋顯名於聖代兮復列籍於仙階收梗楠與杞梓兮爰偕至乎江漢之涯在恭人則禴翟輝煌兮仍不改乎林下之風味在夫子則絳紗掩映兮亦依然此雪案之情懷洎晉秩於學士兮屢承恩於帝畿推俸餘以逮三黨兮實恭人之左右維持或調前室之弟而長令得所兮或擇孤甥之婿而終俾成材或指囷以濟困兮或割宅以居嫠或生於我乎館而授餐饋藥兮或死於我乎殯而典衣拔釵鬢夫子之爲仁爲義兮皆恭人之無忌無猜尤女德之所難能兮宜彤管而備書若夫居寵而思畏兮雖處約其奚悽齊得喪於一致兮視生死猶去來檢衣裳而命襲兮設几榻而待化擬達人之曠觀兮洵閨閣之尤奇者也彼膝下之二難兮美聯翩於紫微及孫枝之濟濟兮皆玉雪之佳兒承皇封於未艾兮重光大其門楣維恭人則又何憾兮赴蓬島而娛娛嗟夫子之失賢偶兮獨顧影而含悲想生平於髮髯兮累懿德而獻款

四馬齋文集卷七

三

忝余子之列門牆兮夙仰止乎母儀何奄忽而上僊今俾後堂之靡依奠絮酒以陳辭兮庶芳規之永垂

育嬰堂告神文

嗟哉育嬰事大責重一交付托性命與共我有孩提朝夕含飴笑則我喜啼則我悽念彼藐然獨非人子誰顧誰復等於敝屣我既收之我爲若父若不得生曰吾殺汝戰戰兢兢以日以月二三同人先後相率某等不德適承此諾懼弗克勝心勞力弱省視或弛人將我欺疎於會計兒受之飢是曰子聾是曰子瞽況利其資況誤其乳羸絀必書毫釐無忽粒粒絲絲兒膏兒血皇天后土上下明神冊籍具在鑒此寸丹相彼異類猶相煦沫矧伊同形不爲求活我勞幾何兒得生存乃欺乃怠神不可謾彼不畏神彼有子孫

四馬齋文集卷七

三

四馬齋文集卷七

四馬齋文集卷八

海上曹一士濟寰著 姪 錫黼誕文編訂

婿 葉 承子敬 錫端菽衣

內姪張熙紳赤垂 男 錫圖起南 同較

行狀

故元氏縣知縣林君行狀

莆田之林族姓甲於閩有爲唐端州刺史曰葦者君之自出也自君以上六世曰富明正德朝爲大理評事以忤璫廷杖付詔獄歷官兵部右侍郎總督兩廣有遺愛粵中富生萬仞萬仞生兆思著書講學遠近多師尊之

四馬齋文集卷八

爲君高祖兆恩生錫命錫命生齊瀛齊瀛生向能比三世皆爲弟子員學宮向能尤以樂善好施聞於鄉舉丈夫子五君其季諱鑾字有典別字虞一世居莆城東赤柱父卒時君年十九諸兄皆前死能自刻苦奮於學入郡庠有聲康熙五十二年癸巳登賢書三上春官不第越雍正九年癸丑選授元氏令元氏俗淳樸無大獄積逋君性尤簡質一切因其俗導之務息事寧人而已民有鬪毆訟君姑緩之翌日兩造請罷君即舍去不問或曰盍聽其曲直以爲名君笑曰一速於訟民費且不訾予奚以名高爲哉冬日君方持籍徵見糧法當予杖吏

執挺環立以待會天雨雪寒甚里甲蒲伏庭中皆色墨戰栗君遽揮手曰止毋杖後期來輸及期畢輸無一人後者歲終遂催科爲他縣最史稱漢襄城令劉方雖未有他異吏人同聲謂之不煩故曰安靜之吏惆悵無華日計不足月計有餘如君者豈非所謂不煩邪君在元氏裁八月使君得久其職循而行之雖底刑錯可也顧君年且老未幾遂奉檄改學職行矣卒於雍正十二年十二月三日距所生康熙四年十一月二十五日享年七十君罷元氏將徑歸念欲得一命之錫爲親榮故復至京師須引 見以待 上可至兩月而病病又四月

四馬齋文集卷八

竟卒於會館嗚呼傷哉娶黃氏潮州府推官起雛女孫太學生士衡女先君十五年卒子一三重邑廩生側室謝氏子三三俊三槐三台孫男五鵬運鵬舉鵬程鵬翔鵬翀鵬舉先二年卒孫女三曾孫男三縉續緒曾孫女二君出自側室鄭少時諸從子見祖耄老屢侵犯君不以爲叔比祖歿瘞田窳器一以歸君置不較更數年從子先後死遺孤纍然君皆翼而長之無宿怨焉與人交然諾必信居鄉廉不可以利動元氏民輸銀誤溢額召而還之出納倉穀無主撮之浮既題改學職上官令受代者遲之俾得及養廉之半以具行李喪還三重走貸

於族姻告行有期數詣予泣且拜請爲君狀昔先君子
令甫三重嘗以文見賞君來京師間爲余道莆人至今
不忘先君也余泣然久之惟先君泣莆之日甚淺猶之
君耳然莆人獨能知昔有賢邑長未竟其施設若此莆
人不能忘先君元氏其獨忘君乎君行且尸祝於元氏
有日矣爰詮次三重所書世系治行之大略紀之俟銘
諸幽者有所考謹狀

先祖考故增廣生紫庭曹公行實

公諱垂雲字天翼別號紫庭姓曹氏其先自嘉定徙上
海今爲上海北城能字圩人高祖孟春公精瘍醫術始

四馬齋文集卷八

三

居城東曾祖諱誠有高行還遺金者三事見郡邑志獨
行傳生四男子第四子諱國裕公之祖也始授太醫院
吏目吏目公孝友出天性遇倭警登城援其瞽兄竟夜
不返室一貧人屢藥不愈陰納金藥中與之病良已曰
彼鬱故也他陰德多此類既歿里人思之舉祠鄉賢二
子長諱六龍公考也以長子遂安令垂璫貴封文林郎
文林公始以儒學知名幼從故侍御喬君求先生受經
先生深器之爲刻童子言傳於世屢試冠其曹後謝去
爲人煦煦長者即童僕未嘗輕詈辱尤篤故舊誼生丈
夫子五增廣公其第三子也七歲遭母何孺人喪方自

鄉塾歸聞之啼以入哀痛如成人文林公家故貧

徒他所公與遂安公同之旁舍學日午歸探釜中無所

得淚泫泫盈睫復相攜入學會讀書不休已而文林公

錦城西張氏挈一子以往則益自刻勵日抄節諸經史

盈寸許爲文爛然成章未冠學使者升公試補郡庠弟

子員既而又試在高等補增廣生丁亥遂安公登進士

國初邑人之登進士者始曹氏會大吏構奏銷案以

陷縉紳文學之士郡人某陰取公名籍其田欠官糧自

分以上遽除名或請訟之曰命也訟何遽得白於是罷

舉子業日侍文林公側父子兄弟間愉愉翼翼相與樂

四馬齋文集卷八

四

善而已矣族旣日大擇子弟秀者與遂安公分月督課
之其率也喜同獎其不率也怒同讓幼弟多子而復舉
子抱乳之旣長授之田而歸之其待諸族人也未嘗以
貴富故加隆賤貧故加殺一視之而已矣即其待外人
也亦然公始甚貧後以勤故稍裕有田數百畝疎屬之
請謁於公與凡蒙袂曳屣而至者無不禮也無不諾也
視我力焉而已矣道路之修津梁之設祠宇之葺未之
能割也無不與焉而已矣發一言也未嘗知以其利者
刺人亦未嘗能以其僞者銛人藹如肫如而已矣至人
之加於我也則有所不暇逆曰彼縱欺予予奈何待以

不肖姑信焉而已矣以故內外遠近上下咸目公爲善人長者以至於歿身無異辭焉已矣初吏目公治家嚴不妄言笑教諸孫以禮坐立傾斜卽正色叱之文林公溫溫然仁厚之風可挹也家庭之內目孺耳染遂安公以嚴勝增廣公以和濟要皆遠浮華近篤實賤桃達尚恭謹歸於撝謙積善不辱其先則兩公之志如一云公生於萬曆四十七年己未九月六日終於康熙三十五年丙子正月十八日享年七十有八初娶朱氏吳郡太學生耀川公諱某之女生於天啓三年癸亥二月二十二日終於順治二年乙酉八月二十六日繼娶周氏同邑癸酉舉人甲戌恩賜進士興國州知州丹崖公諱汝誼次女克盡婦職躬紡織以資困乏生於天啓七年丁卯十二月二十六日終於康熙元年壬寅十一月二十八日再娶金氏同邑處士漢冲公諱某之女生於崇禎三年庚午二月二日終於康熙三十六年丁丑八月二十二日子男二人長泰會康熙戊午鄉進士初授內閣中書舍人改知福建興化府莆田縣事治莆釐剔姦弊却暮夜金以前任事去官聞者惜之後公十八年卒次蘭曾有夙慧八歲而殤俱周孺人出女三長適邑庠生唐聲揚朱孺人出次適乙卯鄉進士內閣中書舍人閔

璋次適太學生孫廷珩周孺人出孫男三人聶弘妻學增廣生培選縣學廩膳生一士青浦學廩膳生曾孫女三未字公始居吏目公之故樓後依遂安公居同仁里復去之塘南依外氏以居歸買水仙宮東樓房居之未幾又遷同仁里之後街最後乃居今城北侯溪上其之塘南也周孺人兄以人命亡匿盡室以行捕者遂之公居官府事皆責公理罄其家日啖粥而已已而外氏更求多於公公卒待之如初胸襟洞然一不設城府常買田請人置號簿因擇肥者自取而嫁其低惡者於公曰某號則是公諾而已晚自號無機道人言如鷗鳥之志機爲樂也祀先務誠敬年七十猶躬拜跪手注酒皆遍命廚下羹進極熟者曰鬼神所歆者氣氣不浮上則於何饗之莆田府君上公車輒戒曰窮達有命無躁進以自污暑夜納涼中庭呼諸孫環立膝前娓娓述先世遺事及身困阨播遷狀甚悉曰吾家世以忠厚聞汝曹當做好人天不汝負旣又述某人某事善果得昌某人某事惡果得亡他日輒又云一士輩皆耳熟焉公長身秀目美鬚髯風度凝重和氣溢眉宇見人無長幼皆自抑損一望知爲盛德少學畫尤工於蘭每諷白傳日出起盟櫛振衣入道場之句曰吾志也性儉約居平多蔬食

見片紙粒米在地輒敬拾之卒之前夕猶飲酒中夜熟寢不寤以卒莆田府君之在任也日淺時有例納金若干贈封父官如子罷歸泣然流涕曰我前所以不應詔為欲得真贈典以上我先人名也嗚呼悲哉先是公卜壽藏於浦東副八畝地卑下多水術者云不良於嗣莆田府君之易簀也深憂之小子等大懼體魄不安以賣我府君志謹卜十七保十二畝地字圩一百二十一號奉遷公孺人柩合葬焉壬山丙向而以莆田府君祔於昭位康熙五十四年某月某日也伏念歲月既遙公之嘉言懿行漸就湮沒追尋遺蹟什得二三用敢掇其

四馬齋文集卷八

七

大者聯綴篇中將刻墓石以詒後世子孫無忘祖德伏惟先生一代鉅儒立言不朽先子嘗忝傾蓋之雅而小子之至愚極陋者猶獲不棄而教習之是用匍匐踵門稽顙俟命惟先生俯賜刪錄以銘其藏豈惟小子輩無窮之幸即先子亦得瞑目於九京矣

行狀

先考鄉進士知福建興化府莆田縣事茹菴曹公本貫松江府上海縣南昌鄉二十五保能字圩曾祖國裕明故太醫院吏目崇祀鄉賢妣管氏祖六龍故廩膳生封文林郎遂安縣知縣妣何氏贈

太孺人何氏封太孺人

父垂雲故增廣生妣朱氏周氏金氏

公諱泰曾字彙初姓曹氏別號茹菴上世以岐黃術濟人代有隱德見省府邑誌四傳至文林公始以儒學知名江南有五丈夫子長曰垂璫始登國初丁亥進士中子為增廣公中歲棄諸生籍修長者之行鄉人稱之詳郡孝廉焦君表嘉所撰墓誌順治八年三月二十四日公生於文林府君之里第十一歲遭周孺人喪出就外傳讀書多解悟年十七補邑弟子員越十年以詩經中江南戊午科鄉試第三十五名出故司空江右熊公一瀟之門四上公車迄戊辰下第歸歎曰我其已夫自顧落落然非能為捷足者也嗣後每計偕輒辭疾不赴奉增廣公以居者垂十八年丙子詔天下舉人願就內閣中書舍人者聽公以名聞是年丁增廣公憂明年丁金孺人憂既畢葬服除不欲仕京師期一試外吏以自効會選法壅詔許舉人之就內閣中書舍人而願改知縣者聽遂乞改焉越八年丁亥冬授福建興化府莆田縣令戊子四月二十二日之官公年五十有八矣初至鄉冊書以金百二十餽曰徃例則然弗納疑少之倍其數進公笑曰若曹相率為姦數乃以是啗縣官俾

四馬齋文集卷八

八

逞其毒魔出之羣吏震懾八月檄赴省聞巡撫儀封張公燃燭試制藝籤掣復得公名呼以入時汀州府同知江芑不與或白其非制巡撫未決公直上言曰等辦

朝廷事耳內外簾何所擇其請讓江同知以入巡撫賢之莆俗好鬪訟胥吏舞文搢法賦役不均自宋時已號難治公馭吏嚴不假言笑尤以簡訟清賦爲政本條六事上之諸臺一曰蠹役之錮弊宜剔也莆役遇本官到任先能察其性情務名高者則曲意逢迎圖厚實者則巧爲聚斂一墮術中不惟役不畏官而官反爲役用業將一二姦惡痛懲外尚有革後易名投充憲役者並許

四馬齋文集卷八

九

申詳斥逐庶下吏得以展布矣一曰衙司之受詞宜飭也屬員畏法小心者固有而生事擾民者亦多且或豪強壓制寧免顛倒是非請特頒禁約一切民情不得紛紛擅受一曰民鹽之授受宜平也莆邑田糧民鹽各別民田賦輕鹽田課重今民買鹽田亦止照民辦納而鹽田所重仍令賣主貼賠即遇編審苟民戶強於鹽丁者到底止完民額不肯收除過戶展轉相售以致此推彼却告訐紛然嗣後民鹽價值各視糧額低昂交易既成即令現業全輸糧課所有有限年貼賠之處請亟爲禁止一曰故絕之包賠宜豁也莆邑原額田地山九千五十

九頃二十五畝二分八厘八毫自順治十八年遷移豁免後復陸續增陞現在科徵田地山八千八百六頃八十九畝九分尚未墾熟田地山二百五十二頃三十五畝三分八厘八毫內有水湮沙塞無可墾耕者有原可墾耕無人領業者有現在開墾陸續報陞者有已經墾熟占隱未報者容職多方鼓勸設法清查而現在科徵案下亦有田久拋荒人經故絕糧額空存無從催比者非坐畝甲包賠即着親族代納名曰勻攤株累可憫職查江蘇失報坍江賠糧田地里民沈聞等叩 閩案內准將查出復熟丈增田地抵豁則前項荒缺事同一例

四馬齋文集卷八

十

合將嗣後報墾數內抵豁包賠餘俟逐漸復額似可無庸題請一轉移間既於 國課無虧而民免向隅之泣矣一曰優免宜立嫡名也縣額開載優免銀共一千二百七十九兩七錢八分五厘零緣紳衿監吏戶名朝改暮遷卒難區別請將優免田糧概立嫡名毋許更移以杜重複影射之弊又曰外有編審人丁一項前任或請就田編丁永除民困或請就丁編丁因仍舊貫均奉允批未經清理迨後造報總冊之日因丁額反缺仍行就米加丁以足其額其法尚無畫一皆由豪宗大户避重就輕蠹冊姦胥差貧賣富所致但此項興除可以樂成

難於慮始目下既非輪屆編審之年職維欲為民計其
其道無由合併聲明以俟裁奪甫中丁田分稅尤多不
均公欲做他省例均之田賦以甦民困故篇末特言之
明李有匠班銀 本朝額存人亡不足則取諸現匠衣
染木篋錫石皆遍公力請於上臺曰此額即有子孫族
姓已屬是民非匠勒令賦賠匠為民累久矣今若又責
之匠勢必令匠頭按名查報由是經承差役彼此交通
今日甲除明日乙補弊更有不可言者乞照閩侯兩縣
近例就田勻徵畝不過二三毫無害於民有利於匠事
行人以為便游洋周公田租暨城廂官地歲取房課可

四馬齋文集卷八

士

百金有徵無解令皆得私之公白以贍義學著為令莆
言輟輟難辨質訟時吏傳言上下緣為姦利公遇大獄
令民能書者自寫供上復手寫詰之語苟辨隨自錄供
不以付吏大姓陳先聲者豪於鄉元夕召族人為香爐
燈會約他氏燈越某橋者共擊之里中曾氏以燈渡其
子宇若斃焉先聲故忌其才也公廉知之且得所為約
狀先聲計誘之老人以脫罪不聽則重賂以求免公愈
怒他日知府從容謂公陳廩生可惜公正色曰殺人之
獨子而賞其罪職亦有子遂論如法先聲蓋有能文名
督學持之公請於巡撫然後得褫其服把總某索通於

人其父老矣相詬死焉上官以其武人且饒於財疑之
若子號泣不聽檢獄不決公至白曰武弁役財非法然
徒以人子故不檢而輒定其案可乎上官悟卒檢之骨
瑩然白乃免訟多渝平植牌庭中大書曰和息兩造翼
以前一二語立縱去後無渝平者前既條上六事並博
訪輿論諸弊盡出 國初豁界外田地山丁口吏詭以
界內額應吞其賦滅故籍迄康熙二十年展界清丈額
缺遂創冊頭加九法分加以補原額真界外者訴之吏
又移之莆山飛灑各戶山峻不可丈聽吏口出入無忽
有少忽多莫能誰何今界內外耕墾已多前任積有呈

四馬齋文集卷八

主

狀請按呈簿日期視戶雜房某吏所主置內署勘對無
假冊書手上下庶得以溢補亡萬世之福也莆人鄭夢
榕應募言至是公設局縣賓館內令先造總細相符冊
然後入內對簿康熙四十八年五月初二日事甫行而
遽以鄭元振案落職矣當局之未設也訪知大有平海
莆禧諸倉科則輕重不均率皆就倉起賦輕者賣入重
額從而重重者賣入輕額從而輕增減惟冊書命公為
書聞之上臺復榜於衢謂田地即有收除科則斷無更
易今豪強巧避良懦受虧例始何年情堪切齒爾士民
可明白敷陳以憑一併立法歸正皆不得竟其志而去

鄭元振者合浦里人其族兄楚管葬妻而壓元振之居元振起擊之因鄉老立約而遷之八日而死子場控焉前令翟懷寧驗之右頰傷以掌左肘若肋傷以木色青紅獄未具罷攝令程景弼鞠之得元振以犁正擊肋肘狀犁正者犁中直木農具也論絞上之攝府事通判田浥府上臬司宋公某臬上之巡撫巡撫張公治獄慎囚呼冤者多再鞠振遂稱楚管病死宋公曰不更檢無以服兩造心事下知府汪天柄親往視屍潰左肋下第七骨有血陰赤色斜長七分闊三分知府提骨詰元振曰傷在此謂何時距楚管死八月事下公鞠詰所以改供

四馬齋文集卷八

三

云武生李洲教我為此即得生遽呼李至皆不刑而服遂具以忤作語聞曰傷輕見膚傷重見骨故前後檢異謹如程令所擬上巡撫終疑之拘囚至省親決夾訊四日寫供吏言得鄭場銀貳兩忤作亦言得場銀伍錢而場遂稱楚管由疫死翼日公白曰幸提棺到省別擇賢吏悉集老檢屍人惟所使且屈威重臨視之不許遂劾公失察衙役犯贓不能審出真情八月奉部議與知府同革職公初欲以李生名上府抑之事故不得白方公被劾時或曰是獄也前令驗之攝令聽之攝府又聽之臬司決之府又檢之奈何受其成而獨任其咎乎辨於

巡撫必得白或又曰失察例止降級且事在三月恩

赦前往制罪人遇赦者承審官免其處分盡走一介詣部曹無坐而待黜公弗應既而愀然曰我獨不得邀一命贈增廣公以爲憾耳他何所戀遂歸計公在任十有七月自受代謁諸臺傳訟入聞省中公幹外甫一年被劾又五月出署其間稍稍行其志者纔六月嗚呼公勵伐檀之節又值良大吏在上銳意釐剔期爲莆人建不世之利始嘗被知終以囚口見疑俾不獲卒施以去而公年六十有一矣既歸閉戶焚香自娛不問世事壬辰夏有自京師貽書一士令赴北闡試者公曰鄉里汨沒

四馬齋文集卷八

古

人京師亦汨沒人然汝姑行矣一士以公年高難之公曰往也庶有以慰我一士既至京師以書勉之且曰汝行後食少加越癸巳春食減逮清明而病聞一士報罷歎曰吾固度兒不能得也仲子培選請寄家書曰緩之四月十一日命信言病狀囑曰勿驚吾兒越五月十一日信達都一士出都以十三日而公旋捐館舍於十有四日矣嗚呼痛哉公享年六十有三娶趙氏辛丑進士半媚公諱子瞻第三女男子三長聶弘妻縣增廣生先公十五年卒娶朱氏次培選縣廩膳生娶閔氏繼秦氏次一士青浦縣廩膳生娶張氏繼陸氏孫女三未字未

卒前數日命培選曰我生平未嘗累人前之莆田貸汝從叔金百不果償可書田券與之翼日氣漸微神明湛然語培選曰我求死生之故未得汝盍誦所聞培選舉繫辭精氣爲物游魂爲變吳季札言骨肉歸復於土魂氣則無不之與魂升天魄降地之說以對公領之曰人所以生者氣耳今我氣自口漸出清者上升濁者下降則盡矣又曰我死勿爲浮屠功德事買一畝田速葬其可培選涕泣受命公性耿介抗直無一切姘媚散骸態意有不可終始不變雖遇挫折不悔料事論物務極底裏與人交不爲翕翕熱嘗面折人至踣跡無所容既而

四馬齋文集卷八

主

悔之然偶一觸發終不肯稍忍曰面可而背否吾庸能邪前莆令與吏相首尾公至盡反之曰官者一人爲之耳顧吏得進言是滿堂者皆官邪與泉道童公論公少假顏色不可大猾吏皆恐卒煽流言以中致反負失察名然公不一悔也莆當孔道貢獻及使客接踵計里出夫母錢至省者爲一夫至泉半之公初抵省吏白適乏夫辦夫母錢若干以進公立自出錢募夫到任以錢還民取循簿勾考全半次以相及可省即省有所使長班回會城乞夫票填往回字樣公又去回字呼吏杖之程令攝事六月計用兩循簿有半公任莆十有七月纔半

其數少贏耳然終以未革夫母爲恨養濟院糧庫房承吏逼侵之頭目又侵之無幾入窮民腹公期民來自取方六月臬達堂廡間按名次給歡聲滿衢巷童子試者三千人半着短葛衣不冠襪而至公厲聲曰爾儕所以試爲欲廁衣冠中即盛暑本縣亦衣冠以臨汝令顧以不衣冠試試亦何爲衆大慙繼乃大服再試皆冠襪縣溢額銀官吏相匿爲囊橐多徵而少報視如故常公於己丑正月發其姦白於巡撫設局查核未竟去封其金庫中攝令李兆齡者狡而貪謀之吏改流水串負千金徑去公時尚羈省聞之馳語後令賈林曰我則已矣如

四馬齋文集卷八

去

君何不可以我去故陷君於辟賈懼使追之復負其金歸之庫先是翟令負逋三千將置獄公閱故冊翟嘗以旱災設粥曰此可貸其死已爲請得減等至盡國病民之徒則執其口不得少縱云鄭元振案之初上府也府以再命檢故度將寬之而難其有傷囚遂稱推楚管隴地傷由柴枝再下縣公曰誰與推者是無解於元振而滋巡撫疑也且傷由公檢奈何弗聽於是臬司詰囚曰今日供推昨日供病何與囚語塞再下府復供以木片擊木片之爲言近乎律正也於是臬上撫既盡反供再下臬臬下之攝侯官縣史某促定讞歸罪鄭場且置公

庭鞠事在知府未檢前曰獄由縣府於是悉更府縣前後所置文書別立卷公取舊牘抱之歸曰噫官可黜案不可易存此以示子孫既卒一士啓篋見焉公之歸也值張公巡撫江蘇已而督撫交劾部議上客趨告公公默然客出公笑謂凌子如煥曰彼將以我爲小丈夫也公凡七至京師以謁選旅食六年不肯一伺候貴人或年家姻舊一通名即終已不往既選莆里中張某客京師久言馬相公遇我厚請介子公遜辭焉一士故受知韓城張公以所業文郵上公歸語一士曰張公大賢吾所以不往恐人謂我緣兒子以獲交於公也其孤介如

四馬齋文集卷八

七

此然在京獨與前蘇州知府長沙陳公鵬年相友善陳公以公爲古君子也至蘇以公名薦之儀封曰曹某誠實可辦事幸格外遇之書達已被劾陳公聞以書來曰尊大人以前任事累致挂彈章聞者皆扼腕然精力強健神明未衰賜環行有日也其屬望於公甚深而公已頽然無當世之志矣公生平不貳於色亦不好積聚租稅之入緣手散之官時戒家中第如吾未嘗爲官者則官可爲矣歲終以書諭一士曰縣大難理未知稅駕何所要惟心術不肯壞比歸產益落素愛建州蘭積千餘本手灌漑培壅惟謹花時環於堂日坐卧焉又愛古蟲

鼎及近代爐器京師無事輒之報國寺或小市閱新舊製良者貨歸摩挲杪竟日夜斑斕炫目見者不知爲舉債得也得選攜以俱罷官復負之歸歸則蘭畢凋矣獨爐數十置几案間玩之忘倦少喜爲詩出游亦間作語多慷慨悲壯不置稿僅數十首存從同年全椒金公學養生法一月遽驗復棄去病未幾揮藥弗進曰人如樹然根枯斯拔參苓何爲嗚呼尚忍言哉一士生不侍疾沒不奉含負莫贖之罪抱終天之痛顧猶強顏視息偷活人間者以公議論行治既不克卒究於用而爲莆畫者實皆國計民瘼百年必世之慮後有君子繹公遺文一

四馬齋文集卷八

八

旦踵而行之則公身雖屈而志則伸事雖不出於已而功則陰被於物或可慰公未竟之心力於萬一是用受命培選搜緝故篋備書本末以俟考鏡至於去非其罪公論較然徒以孤踪下吏莫援於朝國有寬宥之文部無引免之議遂至同事異罰末由自明雖公進退明白內省不疚而大懼疑目信耳訛以相傳將公之心迹終不暴著於身後則不孝孤等安敢有所顧忌掩覆略而弗詳也謹卜於康熙五十四年春奉公之櫬葬本邑十七保三區十二畝地字圩一百二十一號內增廣府君之昭位山向同主穴敢用埋石幽宮永示來禩伏惟先

生文高行古方以直道爲已任既辱與公有一日之雅而
又嘗交好於滄洲陳公陳公之所以信公即公之所
可見信於先生者也故併附著陳公之言以明傳信有
自伏祈採擇布之銘詞俾異日得藉手以見先君於地
下則不孝孤等死且不朽謹狀

附錄 公面稜稜見骨與人言或論事可否聲自丹田
起震撼屋柱頸上筋暴起如箸聞者意其怒已而
不然少喪母有弟八歲復卒得心痛疾惡聞人聲一
轉側輒不可忍嘗以盛暑至京師又大雪中在道僵
立徹明比宦心力俱盡瘁以故壽不得永少作秋興
四馬齋文集卷八 九

詩云五夜愁心悲落雁百年遺事痛丸熊病起云青
鏡中無食肉相丹臺逾老看山心因循百事羞蓬鬢
寥 三冬愧短吟乙丑下第云濃春孤館新愁思野
店霜橋舊客途旅夜云已知鼓瑟違時好敢復悲歌
行路難略可見公情致也

從叔母張孺人行狀

孺人姓張氏松江之上海人其先由法華里徙邑治西
隅至今稱道前張道前者明海防道廳事遺址也五世
祖泮以明經崇祀鄉賢生孝廉公令德暨少子肅生公
令名孝廉生建寧公元祀而肅生子元瓏亦以高才選

四馬齋文集卷八

三

貢登大啓丁卯榜官江陰教諭是爲孺人曾祖教諭生
文學公在鼎孺人之祖文學生和字子雍弱冠補諸生
能詩工書畫孺人考也娶百曲陳氏生子女八人孺人
次當五生而婉婉舉止端重父母特鍾愛之擇對未字
而子雍公卒先是建寧與先高祖鄉賢府君相善先曾
祖文林府君暨伯祖遂安公約諸名宿爲筠社會實主
教諭弟侶韓先生而建寧復延先曾祖於蔽竹山居授
經厥孫即泰安守弘軒先生也曹與張締交凡三世及
是從叔父巢南先生元配徐孺人卒聞清河有賢女往
求昏故孺人歸於我從世好也時先叔祖贈文林郎滄
城府君前卒神主奉於冢子叔父設遺像別室朔望瞻
謁且薦新焉孺人以不逮事舅終其身潔蠲惟謹姑山
太孺人春秋高四子以次迎養一歲中率半居三房嘗
曰我在三房覺餐飯輒勝他時三房者巢南先生行次
也既壽終於三房孺人偕妯娌襄喪葬事無失禮其勞
瘁亦倍諸婦焉巢南先生既謝舉子業絕意仕進築室
舍旁隙地聚書數萬卷彈琴吟咏其中桃李之晨雪月
之夕時皆招二三故人品古法書名畫開筵浮白歌呼
笑噱以爲樂孺人輒先期製美醢烹時鮮撰嘉果夜分
燭跋飲饌絡繹繼進坐上客不問而知先生有賢婦也

平居三黨過者日數輩朝以至則孺人必詢侍者曰某親某郎君曾朝食否乎午以至則又詢曰某某或未午飯乎及哺又私計曰日暮矣盍留飲乎往往棚外不及知而咄嗟已辦咸當先生指先生壽內詩有云書卷常留兒作伴杯盤不厭客過頻蓋實境也子廉稍長戒弗近博雜戲延師供膳務爲豐潔曰不可以家人禮褻師以廉前後三易師皆伯叔行也招子姓隨父來學體恤之備至已而與廉皆先後隸名博士孺人輒然色喜督廉學益力廉既連蹶場屋思得一命自奮因援例授中書舍人治行有日孺人則又愀然曰汝父老矣旦夕

四馬齋文集卷八

三

思抱孫汝年方少無汲汲謁選入爲也乃不果行孺人達於大體多此類巢南先生篤惇睦之誼行周急之仁助昏喪拯荒疫每好陰行其德孺人輒從中贊之族子年四十未娶先生既授之室矣時方隆冬孺人曰婦得無寒乎贈以絮衣一襲族姒卒先生既助之殮矣孺人曰祭得無匱乎賻以青蚨二千已丑大禋先生既出穀以賑事將竣孺人曰二麥未登嗷嗷者安歸乎因倡諸妯娌各出箱篋若干更煮粥者數日先生閒居喜集驗方製丸劑以給遠近之求孺人必躬自收貯時其燥溼寒暑不懈者歷三十年嗚呼風俗之偷甚矣反唇相稽

韓釜示意微獨貧賤之家然也雖封君巨室時不免焉而其端多起於內職之不修蓋女子所見不越錙銖尺寸之間故夫敦一本輒分之以爾我夫親九族輒間之以猜嫌夫好任卹輒導之以嗇財夫喜問遺輒諷之以謝客世之能不聽婦言者鮮矣故或爲德之卒或從善之不勇所謂家人難必起於婦人而雞鳴昧旦之風曠世而不一觀也若我巢南先生建祠置田合族振乏其事既多內斷於心不謀之婦顧使室中微出一言以沮遏其意保無有快快不快於中者而孺人且多方輔益以贊成之其懽忻鼓舞至老不倦宜何如邪然則觀

四馬齋文集卷八

三

於先生之行事而孺人之賢於人抑亦可知已矣長老子弟所望於先生者遠則所藉於孺人左右之者實深而一旦遽奪其助以寡我先生豈不痛哉孺人患膈疾半載而歿歿之日爲康熙六十一年壬寅四月十八日距所生四年乙巳正月二十七日享年五十有八以恩例勅封孺人子一培廉歲貢生勅授徵仕郎內閣中書舍人娶劉氏庚午舉人長洲學博固齋公貞吉女封孺人初子雍公既卒室陳孺居食貧孺人躬紡織以資菽水既來歸常迎之至舍與姑共食已又爲擇美觀製衣裳蓋藏之三十年而陳孺人始歿戊戌春巢南先

生預卜壽域既得吉孺人潛然泣下曰我為女子將築生墳而先君子久殯淺土今吾母又亡諸兄弟貧薄卜葬無日我死目不瞑矣先生瞿然曰是我責也隨合葬外父母於其先人之兆而後自營墳事且以徐孺人室焉孺人性友愛兄永靖喪偶窮困為之繼室卜居迄以成立妹歸我從叔父麓蒿先生望衡對宇時得相見孺人繼繼之誼有加焉迄諸兄所生姪男女若而人凡有昏嫁必謀之孺人孺人必告於巢南先生得請而行卒亦未嘗私有所與也嗚呼孺人之孝也已嫁彌篤而又推父母之心以及其兄弟姪若此所由克相夫子宜

四馬齋文集卷八

五

其家人者與孺人待妾媵有恩御婢子寬而有程度暇輒督課女紅曰我非藉其力也若輩恃主人養養羣聚嘻嘻一旦適人不操作將何以生哉歿之日羣婢多出涕一士初娶於張為弘軒先生孫女於孺人為姪女知孺人所自出為詳孺人既歿三月一士適客遊淮上廉以書來曰吾母之懿行大人悲不能詳也屬兄次第之以乞銘於當代鉅公庶不泯乎士不敢辭因稍節廉語益以向所聞見埃世有道君子採而著於篇焉謹狀

先兄增廣生西銘府君行畧

兄諱聶弘字荆來祖文學繁庭公父孝廉茹菴公孝廉

公配趙孺人生子三兄其伯也豐順白晢舉止端重有度蓋兒時已聰穎見者無不嘖然矣性溫厚和易闊達不羈然氣剛一往莫易大事多有主六歲授書率成誦凡四易師十六歲而延從父典文先生於家學制舉業堂之西偏更舊址新之偕兩弟課讀其中時余年九歲授毛詩周易仲兄年十五則與伯兄俱學綴文駸駸有日上勢矣於時文學公老願得見諸孫之成立也孝廉公於是日夜督責之曰吾家固貧不能為若輩入錢作諸生且徒取非笑何益讀書立身自若輩事若自求之若飽食煖衣以嬉負若祖父重得罪神明亦聽若而從

四馬齋文集卷八

五

父所以教者又詳而有法也兄出入奉命益自發憤夜過子輒起然燭讀書達旦數月文驟進十八歲偕仲弟試澄江試本邑已復應婁邑試遂補諸生初名培玉以補於婁故更今名出與諸同學遊也恂恂莊莊賢否一接以和不為厓岸無毫髮深藏自閉者以故咸樂親之即不得意輒面斥一言誤起力爭人皆不以為怪性喜飲酒飲必醉遇劇飲者角必相當或反過之或不善飲持其杯囁嚅前謝曰余代爾必立盡返之人皆屈服以為豪孝廉公戒之曰酒不節則傷生少年意氣可逞耶謹受命顧酒至不善却醒輒悔至再三竟不能絕少所

受業韓章潘君樓居之所曰護花鈴他日偕右韓朱子
往談藝至夜分索襖被藉樓板上置酒一壺擁被對飲
既達旦吟三人飲酒護花鈴詩同社皆屬和其往贅於
周浦朱氏也蓋辛未之冬年二十一矣時包君良有亦
贅於朱能詩文亦善飲酒相得歡甚周浦故多士人爲
文酒會者聞兄至咸喜迎之如在邑時壬申夏患瘧疾
體爲之憊秋偕兩弟試玉峰仲蓋年十九而補諸生越
明年冬余亦補諸生於青浦兄喜愈益奮曰一諸生副
父訓耶明年癸酉秋赴錄遺試偕往句曲止觀音寺中
崇明諸生某某負意氣誠篤君子也一見知兄爲人願

四馬齋文集卷八

五

得結歡邀余俱沽市酒飲之獨余不能飲不余強也八
月赴金陵余病不入試歸而兄皆報罷嗣後試玉峰澄
江其來延致叙欸曲如句曲時惟崇明諸君然然卒未
嘗具酒報謝爲往來禮問入與陳君子垂施君子憲者
爲博奕游戲歌呼笑樂也小嘗屑屑然終日戒門據一
室俯首坐口呿唔不輟取且晚效爲名高然入試卒又
同得科舉施君風流少年前試婁邑同受知學院高公
者故最相得云始於澄江患微疾嗽不止暨歸不以爲
意丙子春年二十有五值學公喪哭泣奔走疾以甚
已而包君良有卒往哭之月中遂嘔血自周浦歸養

疾不赴金陵試而余先以瘧疾不赴科舉亦不果行獨
仲兄往馬既血止嗽加苦食後輒吐醫更三四人說多
矛盾不盡效兄益不信其言又自以不近女色且戒酒
唯謹不應死所服藥多不以爲意居恒忽忽不樂念欲
讀書如曩者奮發不能欲學道家者流抑首伏氣求活
又不能慨然曰死生固自有命因與常所往來者過從
談笑游戲竟日于于如也時學使者又下所屬試諸生
或謂兄蓋病免而常例必請於學官乃免學官則母問
真偽必多得金乃如所請兄曰家貧謀藥餌不暇即奈
何重累吾父請行抵玉峰崇明諸君咸來問起居狀施

四馬齋文集卷八

六

君暨同學皆會時施君已舉於鄉相見悲喜而不復能
飲酒如前日矣既入試列高等蓋兄自補諸生試於有
司者五而兩以輿疾入人皆歎異以爲難然竟以勞頓
故值嚴冬歸而病轉劇頃減明年戊寅夏迎嫂歸兄
自二十一授室至是七年如病所苦恐憂兩大人多忍
之不以告既又念家貧微物盡典而醫者多言服參宜
恐兩大人益勞婦有難堪足辦盡歸故嫂於是歸然
勢不可爲矣則謝絕常所上之來者請孝廉公友顧文環
瀛與俱遷卧次於外國書畫具焚香相對坐起尚無
恙六月二十八日醫者徐來診視須其去乃卧卧已

復起坐憑几曰殊不適已而氣自下漸升至喉間色變孝廉公以手摩之乃漸下張目曰頃幾不能生命趣徐來則先自診其脈曰右手脈已絕徐公至診之果然然不以告趣參進徐曰公我為強留頃之辭去笑謂孝廉公曰夫徐公者好言慰我夫安有脈絕而能生孝廉公命趣趙孺人及嫂出訣而環瀧顧丈辭去出戶間撫八曰已矣趙孺人及嫂至淚盈睫顧視曰母母淚兒當今夜別母視兒兒固無淚也則具詢後事具以告曰善從徐省遂少息閉目移時復嘔血少許乃復謂孝廉公及趙孺人曰兒不幸命止此有兩弟在足侍兩大人目嫂

四馬齋文集卷八

天

曰汝吾無言呼兩弟前曰前途萬里益讀書自愛仲病後繼有家事少懈矣然母忘兄言衆皆飲泣不忍聞已而侍者復以參進却之曰世苦我我急欲逝矣蓋自午至晡時從容坐語畢乃入卧口流涎孝廉公拭之曰父勞苦兒身何用拭也乃復呼二弟前曰俱讀書俱讀書男生以後我凡吾所讀書與遺衣服汝二人分授之命諸僕曰移圖書諸物入少頃雜亂母為也孝廉公問曰鬼神之說若何對曰妾嫂泣曰君舍我去奈何揮手曰去時內外男女開然待側則又叱曰去衆皆屏息以俟蓋又自牀上卧起三氣漸微乃側卧以逝距

所生康熙壬子正月癸酉年二十有七舉一男不育待弟之子為後遺語極傳寢室中蓋堂之西偏即前然燭讀書處也顧丈環瀧踐所諾為寫小像甚似微有愁容蓋病後多鬱陶云嗚呼痛哉初同學中替氏兄弟三為邑諸生皆賢而有文其伯叔則與兄同歲補諸生故與余兄弟交最早最相愛兩家往來輒談論竟日不去今余兄即世相對不復能偶矣嗚呼痛哉兄為文舒徐容與和平可誦如其人偕兩弟課文不為強探力索輒先成蓋進而未已云與人交財物無所吝同學之貧者嘗告急於兄傾囊中有盡與之其出入隣里雖微賤未嘗

四馬齋文集卷八

天

忽必以禮待御臧獲以寬恕不極口詈以故卒之日鄰里為呼天內外遠近莫不失聲咸曰君相不應死君為人不應死今竟死命矣夫命矣夫子憲施君入邑聞之獨泣下不能止客過門聞狀愕然曰詎料君如此恨不一見因泣下行數武淅淅沾溼衣袖竟不知其姓名初五月中崇明諸君來問訊兄答之期病少間當與諸君會澄江歿後道未及訃聞云嗚呼身歿而人皆惜之無異辭此豈智術巧偽可一旦襲取哉兄嘗獨居連數室無一人人瑟然不敢進獨大笑酣睡其中始贅於朱夜讀書恒宿於外有婢數出窺笑吹燈滅之凝

然不爲動婢逡巡漸退後發狂遣去嫂爲趙孺人言如此兄平日不求異於世小節多不甚顧惜即知兄者咸謂和樂易與耳不知其於男生死鬼神之分不惑不亂灑然明且斷若是或曰患是疾者卒多了然其語不及私無毫髮兒女態者或鮮矣天不永年未克畢志於學無所成就以見於世追憶生平恍然若夢念自少從師以迄在外未嘗不與兄偕而今已矣惟是居家接物與夫跌宕文酒之梗概而其疾病緣起臨歿叮嚀告誡之言尤有不得而畧者故涕泣述之以藏於家以待生者之長而示之初易簀時余執兄手言曰他日勉能

四馬齋文集卷八

无

立身必有以不朽兄者中夜自思恧然汗下不自知其言之易也嗚呼痛哉兄歿一月餘矣如上所列恐漸遺忘用是筆之於楮無所文飾以俟立言之君子矜而擇焉

遺事

高祖考鄉賢府君遺事

高祖諱國裕字起潛父中惠公以瘍醫名邑中有高行還遺金者三生丈夫子四向祖最幼覃精父業悉窮諸秘方無貧富應之不倦一主所及奇症雜疴隨手立愈嘗至膠治施氏背疽肉潰爛膠於席少轉側輒呼號欲

死衆醫相顧束手比公至各耳語匿笑去公獨前視曰是尚可活遂破牀取病者覆卧別榻徐割痔及席膿血凝結沃以湯乃解至膚而骨見哀號徹戶外觀者咸慄慄然不寧公不顧既洗剔已笑曰乃今而後可用吾藥取囊中膏傅之數日肉生朞月起坐施公孟翔彙詩贈行而王先生道通爲之序歎曰先生真天下神醫也他所治奇效多此類公於辭受最嚴或厚幣延至家視其患已劇即告主人曰是不可爲矣却其餽揮手徑去顧於窮老孤苦者疾時反周之里中子不時取藥迄弗效公察其脈悟曰貧故也心開則病何有焉陰納金劑中

四馬齋文集卷八

三

語曰歸手自調藥果霍然愈是時精岐黃術者吳門則張濂水雲間則秦景明邑中則喬仲餘率邀遊公鄉間聲價四馳而公先後與之齊名存心濟物每施德於所不報議者推公活人最陰功亦最大云天性孝友高伯祖養潛公雙瞽日憤恚勸之就故業不應公乃陰出錢使人僞爲病者日從養潛公買藥養潛公乃肯卒業而真買藥者亦踵至家以饒裕公卒未嘗自言也萬曆辛卯秋民間訛言倭至老倉皇入城有擠於門而死

者公獨與仲兄明衛公公衛公曰妄耳安枕不問公竟夕徬徨登城以望者數四泣曰子家兄弟四人惟兄

歸耳脫瞽兄寡姊夜半渡浦號於城下弟隨聲應之悲不勝矣苟哀鳴而莫之應將何以爲情哉語已更泣明衛公亦泣且歎曰我不及弟之友愛出天性也生平飲人以和居必讓坐行必讓路謙謹之度可挹而持已端方不苟訾笑治家尤極嚴整雞鳴而起日昃不遑教子孫以禮雖燕閒侍坐稍有傾側即正色叱之閨門肅然無敢嬉笑疾言者終身食淡衣麤一粟一絲惟恐暴殄而公私早完鉅細不擾以其餘力潤及族黨往往不言而躬行故公之子姓類多嚴氣正性忠厚慈祥者皆公能上承守愚公還金之教而下有以垂裕於無窮也公

四馬齋文集卷八

三

於明季授太醫院吏目 本朝丁酉舉崇祀鄉賢入祠之日故老及見公者莫不流涕曰公素盛德長者俎豆黌宮不愧矣子二長爲我曾祖文林府君次爲曾叔祖欽賓府君皆別有記

曾祖考文林府君遺事

曾祖諱六龍字君升別號南叟鄉賢府君長子幼穎悟絕人塾師命屬對衝口立成鄉賢府君疑之更以他語進悉稱一時目爲神童萬曆己巳年十三就縣中試即能援筆作毛詩藝承簿與共歎異之見公軀幹短小不能踰門闥命吏持餅餌送之出時侍御喬君求先生

方爲孝廉家居生徒恒數十人公年十四往從之學下筆輒度越流輩先生愛之甚哀課藝若干篇出金付梓目爲童子言冠以序曰自今我里有以神奇之技蜚英東南者屈指曹生無疑也由是名日起戊申年十六遊府庠仍從喬先生學益自刻厲凡經史古文皆手自抄錄讀之里中名士葛君美輩方爲郢社會公與焉試輒得高等聲籍籍學校中當是時吳中倡復社應社二張楊顧之屬主之雲間更爲幾社其後復有求社主之者陳夏王李而我邑繼郢社起者則有筠社以與幾社相應和才雋之士有朱履受張侶韓胡懋夙徐孝卿瞿剛

四馬齋文集卷八

三

甫唐仲如陳咸可周文選武遷張孝先孝若子臣王高甫之屬其後復有曹曼生劉儀卿張充之逢之輯之秩之陸雲翔潘聖眉董君節諸先生相繼入社推公爲執牛耳而先伯祖天琪公亦與焉時崇禎八年乙亥公年四十有三矣每月上下旬爲二會公取其文選評之曰筠社會業其稿本今猶在 家塾也此外復有約社嚶鳴社公皆以文雄長其間一時奉爲大師嘗取華亭唐士雅所輯毛詩微言去其炳允更名之曰詩定以便傳習自沛國平原清河諸望 尹先禮聘教其子弟所成就甚衆而同社諸君即後公出者亦相繼取科第去獨公

歷神喜懷三朝八踏省門不一遇僅以高才生食餽學官而已蓋自萬曆之季文體淆亂下逮啓禎橫騫四出以浮詞相波蕩公雖屢主社會而恂恂自守雅不欲以壇坫賣名聲於四方所爲文清真玄遠一不變其師法與當世場屋之習相左故不得售無何國變遂棄諸生服以老矣始公嘗偕諸名宿往詣學宮有張幔橋門外以揣摩相自神者衆今決某某先雋云皆無有譁然欲共毆之公力爲解釋旦日相者踵門謝曰微公幾不免然公相止此耳第法當有後欲一見郎君輩也時天琪公尚幼令之出賀曰是已公將食報於其子入 本朝

四馬齋文集卷八

三

丁亥天琪公成進士出宰大邑封公如其官而諸孫亦繼有登科從宦者迄於曾玄遊膠庠者歲不乏人然則天之壽於其躬者乃所以貽於其後也與公事親能以色養鄉賢府君抱病年餘與弟守視藥鑪夜不全寐每當進膳笑舞如常退則隱憂出血形爲之削泊鄉賢府君卒號泣居廬闔門斷力遵奉遺命踰月即葬鄉人士大夫來弔者歎爲知禮平居不治生產資館穀以給饘粥讀書之暇頗喜飲酒晚年同社零落杜門埽軌惟老友龔又回倪君修顧彥三君時時過從治具劇談竟日不厭有賣菜傭某者至必命之釋擔負具賓主禮且

誠家人曰無慢若若某公會孫流落至此我子孫能長保富貴乎性尤簡易即僮僕未嘗輕夏楚故人皆樂親之年德既高郡邑屢聘賓筵彊起應之進退矍鑠風度藹然觀者謂海邑眞耆舊也

二伯祖樵菴府君遺事

二伯祖諱垂星字天策別號樵菴捐介有至性曾祖母何孺人早卒每獨坐潸然淚下怪而問之曰我母未入土也逮葬乃已四叔祖稱齡公多方撫育嘗不解帶以視其疾且戒曰弟性卞急非養身之道四叔祖從之迄以無患文林公公有負郭田廿畝大伯祖既官歸而祖

四馬齋文集卷八

三

父與四叔祖各稍稍營置產業足自贍獨公與六叔祖窮空推使分之公拂然曰我雖貧義不可獨分遂盡與幼弟嘗遊青浦與邑令婁公安善隸以百金壽乞爲之地公曰若輩得志異日夕行不義皆我所致矣不可遂却之然好脫人於難遂安公僕趙年以事繫青浦獄瀕死得公一言乃釋生平不貳於色楊孺人有隨嫁婢美公晨起見其裸急趨避之晚多方外交與穹窿施亮生法師廬山犀照和尚尤莫忘病亟猶琅琅誦道書不置初習舉業以鄉賢公命必心岐黃精其術從孫一士曰聞之莆田公言伯父醫至高時有奇效顧

不欲自名他日赴病家請中途遇得意處徜徉竟日遂歸故其道不盡施於時也好品茶中庭多貯雨水暇輒注視水中有微細塵滓立去之澄取清者復視復然已而水至清則無幾矣謁蘭溪令季公振隱有所贈悉買何雪漁印章以歸人咸目之爲迂閒居尤喜吟詩每一索句至忘寢食先外祖丹崖周公屢數賞之家極貧而操益堅文學府君嘗曰二兄之後必有興者汝曹識之矣莆田公云

先繼室陸氏事畧

先繼室姓陸氏名鳳池以正月十五日生太父蘭陵先生呼之曰元宵因爲字蘭陵先生中順治己丑進士

四馬齋文集卷八

三

以從征功補惠潮兵備道歸構園於秀林山之陽氏年十三隨父往遷故又字秀林山人云舅家以訟事中落逋官租數千兩子日奔營辦猶不給氏夏月不能具帷取羃布四圍張之冬藉稻草以寢日夜率羣婢刺繡給父母薪水費十餘年無倦初外母顧宜人教諸婢子繡氏過眼立省比長自出新製精巧異常工於是秀林陸氏之繡名鄉中歲得數十金以上氏夜坐常至雞鳴兩手龜坼目近視背微一皆繡故也年二十七歸余時歲丙戌余父方謁選人都下氏奉姑惟謹姑意稍不憚

退慄慄然不寧終夜反側思之俟姑色喜乃亦喜戊子余母隨父之莆陽留余視門戶氏慎守中饋事井井曰君一意讀書家事無以累君越二載庚寅父罷任歸余家故貧父以宦游益貧氏恬然安之曰我故儒家女君教書我作繡布衣糲食豈不可始氏歸余後旋率婢設機張繡余憂其體羸戲引剪刀斷其幅乃止至是稍稍聽之則酷暑嚴寒不少輟如在家時而體遂病矣冬十月患有若隱疹不以介意已而徧體皆是辛卯正月三日歸寧於山中十八日旋里患彌甚醫無識者一老嫗曰此名蛇纏早治之三日可愈今少淹耳如其言良已

四馬齋文集卷八

三

未幾變膚腫疾更十數醫言人人殊無效者氏益厭苦之歎曰可惜此一雙手與滿腹字耳死生命也若輩無苦我乃却藥勿進指畫身後事纖悉畢具既而聞青浦醫某專門治此疾延視曰晚矣服其丸數日竟嘔血卒六月十一日也倉卒無以斂衣裳皆取之質庫悲哉悲哉以氏之賢且勞而得此疾婉轉牀第備極痛苦而後迄於死也果何罪於天乎氏適余之六日頻頤言曰夜夢神語余若與曹某夫婦止六年嗣後意忽忽不樂每嗚咽述少時事即曰果早亡君爲我作墓誌嗚呼冥冥中果有主者則氏之死不可解已余始娶於張賢而

早殞甫一載餘也今繼娶又賢又早殞貧賤士之常分
余獨求為貧賤夫婦相守以終其身不可得則余之窮
尤可悲也已氏幼讀書曉大義作詩詞清婉可誦既而
曰非女子事輟不為歸余後間為之題曰梯仙閣餘課
閣即秀林山中刺繡處也

附呈示

請減賦呈

呈為生當一堯舜之世久沾樂利之休公顧恩外加恩
法中均法以垂萬年以福生靈事竊惟財賦半出於東
南蘇松尤劇於他郡自宋迄元未為繁盛迨明祖怒士

四馬齋文集卷八

呈

誠之負固頓增百萬之租迄宣德尤周趙之數陳僅薄
官田之額精衛屢填天心欲轉難遇本朝之定鼎欣
霑先帝之深仁奉有順治十一年三月上諭浮糧
積欠重困一方應從原領清汰復奉十八年三月上
諭洪武因有仇怨錢糧徵收甚重我朝並無仇怨何可
踵行以故江西袁瑞二府浮糧先因陳友諒割據加征
者蒙恩豁免此世祖章皇帝之盛德湛恩創制立
法曠古今而未有也及今皇帝繼登大寶軫念民艱
奉有元年正月上諭故月仇怨地方加重錢糧急行
減免以故江西南昌府浮糧得與袁瑞一例蒙恩減免

此我皇上之盛德大孝善繼善述曠古今而未有也
嗣後二十八年二月奉有蘇松二府加增錢糧開摺具
奏之諭隨奉有所查未明着交戶部查明作速具奏
之諭二十九年二月復奉有蘇松浮糧朕刻刻在心
此明之弊政豈可踵而行之之諭王心恍如天覆

睿語宛若春溫以故歷年以來民間積欠錢糧先後
蠲免數千百萬賜復之詔初頒停徵之令隨下蓋皆

皇上洞照蘇松田賦獨重百姓負累至多故澤一施
而再施德既厚而加厚下邑窮黎無不感泣以為皇
上盛德至仁輕徭薄斂曠古今而未有也某等沐浴薰

四馬齋文集卷八

呈

風謳歌化日何敢復萌非望之求更生無厭之請伏念
有不世出之聖主必有不世出之大功與其以前朝
之弊政屢煩聖代之恩膏孰若以盛世之良模一
洗仇民之波累蓋我朝蠲租之令與明代增租之令
既已邈若天淵則皇上蠲賦之仁與屢年蠲賦之仁
無不沛如江海此某等輒以恩外施恩之事望之度越
古今之聖主也又按友諒之流毒江西與士誠之遺
殃吳下事無二轍則袁瑞之先邀解網與蘇松之宜賜
更弦豈有殊科且以江南之常鎮接壤蘇松土宜物
力處處相近而田賦獨有再倍三倍之分即以浙江較

之松江舊隸嘉興天時地利色色相同而歛稅獨有浮
三浮四之別豈可於一視同仁之世獨負此一方偏重
之名此某等輒以法中均法之條望之度越古今之
聖主也況今臯夔輔相於朝周召分理於外共懷飢溺
之思各佐昇平之治導揚德意豈非入告之嘉謨稱述
衢謠即是上聞之疾苦為此環叩臺前伏祈俯鑒輿情
會詳各憲援 本朝之成例豈曰妄陳宣 天子之德
言矜觀成事

請表烈婦顧氏呈

呈為完節捐軀克著生前之烈建祠封墓宜揚死後之

四馬齋文集卷八

表

名望切神君道資風化事竊惟五倫莫先居室四維尤
重舍生守符邁死鯨波自昔曾聞齊女連理俄生蟻垤
於今更見韓家似出泥之蓮花淤而彌潔譬無根之芝
草姜亦增芳如上海二十五保一區六畝烈婦顧氏者
乃里民楊春之妻也當及笄之年于歸末周三月距結
縭之日赴死纔逾七旬顧本貧人乃父誤聽媒妁楊多
穢行伊姑蔑視螟蛉春幼寄名於姑母訝堂前之賓客何多絕無
龍吟問厨內之酒有奚自辰有人憐異秋婦之桑間同
秦妹於陌上未幾嬌攜姪姪觀優徑詣歡家於是婦戒
兒夫忍餓休輪關外閉門兀坐頻揮剝啄之來正色嚴

辭力拒投桃之及無奈舅也浪遊異縣欲告訴而無從
嫖兮老作廢人謂烈婦親姑恣往來而不問當是時也一心不

變二母同謀初則艷奇貨之可居既乃恨眼釘之宜拔
申其詈予目此婦為無良飽以老拳坐乃夫以不孝官
符急逮陽半道而縱歸狐黨潛藏條中宵而突至既內
防乎圭玷復外迫於鼠牙債無何從歸寧輒阻女曰將
無妄在致罹逆親之罪先請投繯夫曰尚有季存可免
斬祀之愆願同抱石遂乃卸奩中之簪珥逋負都償綰
嫁日之衣裳筋骸畢束北郊牖險重泉喜結同心南浦
風清兩岸驚傳合志望洪波其浩淼何殊填海之冤禽

四馬齋文集卷八

表

與白水而浮沉宛類泣珠之鮫婦時維乙巳七夕銀漢
雙星慘淡而罷高秋之良會事屬雍正三年鐵冠柱史
咨嗟而採下里之風謠淫案重翻奇蹤獲白獨是一抔
未卜淒涼貞魄長啼兩觀無歸彷彿冤魂共語秋霜春
露化作黃埃夜汐晨潮凝為碧血旌表尚需半異日蒸
嘗莫亟於此時某等歷覽簡編每欽節烈閭閻雪涕曾
懷悲憤於旁觀桑梓生恭並願流傳於論定仰維老父
臺主張名教扶植人倫斥惡鋤姦既使千人共唾閹幽
發隱須令百世猶馨昔于公之反早成霖因迎孝婦迨
度尚之起墳立廟為誄曹娥事不待時今豈異古是用

合詞環顧祈爲擇日過行俾得築江上之高原埋茲骸骨
骨道旁之片瓦聚彼精靈將立石大書過客題色絲之
字式廬下馬行人奠蘋藻之盤至楊春者擬衛風之七
人分非真子較晉姬之二嬖諸未行親豈一死之爲恭
竟百身而莫贖特其矢伉儷偕亡之志在家庭忍垢之
秋孝雖成愚跡猶近義目應未瞑遂其同穴之情魂或
可招全彼共牢之禮從此黃龍浦上樹樹棲比翼之鳥
六百里共仰徽音丹鳳樓前枝枝發並蒂之花億萬
年常沾雅化矣

如臯月課告示

四馬齋文集卷八

聖

鄖封古壤邇水名區南滙長江揚子之波光欲接東環
巨海扶桑之佳氣頻來平阜連珠盤旋勝境碧霞玉帶
煥發靈根代產偉人時逢作者溯夫理窟則文昭文定
百世同符議及儒宗則通叟明叟一門濟美丁孝子之
純修如昨許忠愍之大節猶生丞相齋中想見禪關隱
玉狀元陂畔猶聞御筆流香邈矣前徽迄乎今日園名
水繪四方之宸殿雲來集號遽數卷之風神鶴立宜
代興於往哲肯讓美於曩賢本學道媿無聞學曾有志
廿年鉛槧自知刻玉徒幾千里金蘭每以盍簪爲幸旣
監叨乎馬帳竊謬附於鱣堂剗削浮華固曰士先器識

發揮原本敢云技止詞章月值清和時方閑暇敬布豆
間之席招我友朋還追沂上之風集茲童冠詞源乍濬
已看三峽倒流筆陣旋開要使千人獨掃孰則義宗濂
洛行行抉盡精微孰則思入風雲字字剖明突與孰萬
言之倚馬善用多多孰片語之愜心無妨落落孰爲才
方賈董喬皇對策之篇孰爲文擬韓蘇卓犖濟時之論
孰賦心而詩筆孰秋實而春華正變源流備聞其槩平
奇濃淡務獻所長或衆妙之畢臻或專家之自命瓊瑤
滿几挾江樓月色以俱來雲錦盈牀與赤岸霞光而並
至歲當妙選憶往年忝預公車期值賓興記昨歲謬攀

四馬齋文集卷八

聖

桂樹庶幾識途之老馬行將望氣於斗牛毋有遐思均
期惠顧若夫圖稱矍相禮聞延射之詞席貴初筵詩志
序賓之雅文詞既贍武備宜修呂定公之斬獲蠻夷出
身幕府石次平之削除盜賊奮跡行間苟精一發之能
可作萬人之敵鳴金而往執爵以須至於太學高才辟
雍名彥佇來遊於鄉校泮水加深期旅進乎宮牆黌門
增峻無嫌授簡並俟升堂期分次第冀從容以盡聲事
逮昏昕各躊躇而滿志行兄陳之太史知臯東弟子未
減蘇湖且當懸諸國門令江裔人文爭雄南北

昔李漢之序昌黎曰文者貫道之器也不深於斯道有至焉者否也故推其功於曉析經書搜抉子史極其奇於日光玉潔虎躍蛟翔而綜之曰澤於道德仁義炳如也由是言之不沉淪於道德仁義無以發其澤而炳其光澤之不至而光不炳無以爲文今觀黃門公四馬齋文集論義理則若范之廷一高安相公諸書辨乎微茫疑似出入離合而峻其防非深契道德仁義之體者不能也論經濟則若臺省諸奏權乎時勢情事緩急輕重而中其要非博通道德仁義之用者不能也其他雜文隨事感發皆有道德仁義之旨盎然流露於其間公與

義門太史書有曰昌黎生於今日所謂起衰者復何如蓋自命者可知矣其言古文所以稱古者乃意義之古非辭句之古殆自言其得力也公之曉析經書搜抉子史不減昌黎然原性言三品原道不究極於格致其醇粹殆若過之至所謂日光玉潔虎躍蛟翔者亦隨時呈露雖官至給事名位未及昌黎而爵秩之崇卑固不足論況昌黎直言被謫公遭逢聖明以所學上結主知昌言無隱時見諸施行是其遇又有勝於昌黎者承受業公門分同李漢而學術淺陋校對多疎不能如漢之收拾遺文無所失墜故不敢爲序聊述李漢之言以

誌於簡末 增葉承謹書

黼既梓先黃門詩集乃發篋搜遺文讀之頗缺佚向所耳熟如與焦徵君論文二書開方辨請明彰黜陟劾摺漕米條奏諸篇或不見或未全由黃門歿京邸菽衣兄起南弟方幼且在籍僕從倉猝攜歸未盡收拾故存者僅得五六殊可惜已茲就所存或一文而數稿或一稿而數改每至不可辨乃益歎吾黃門用心之勤也歐陽永叔爲文以稿懸壁間日加塗改良工苦心今古攸同要之先黃門非徒求其詞華之美聲調之諧也文之一道出入進退間爲學術治術之所關一字而垂於千秋毫釐而分以千里誠不可苟焉而已黃門未第時自經史外尤好讀宋儒語錄下至百家雜說星經地志無不徧窮而深討讀書惟日不足若絕不知有人世事及登清秘入臺垣黼黻隆盛指陳咸切中體要彈劾悉協衆志天下事又無一不知者於以知讀書之有用而天下已任之志早寓於下帷攻苦時也上方將大用之乃竟未究其施而卒遺文雖缺佚而先黃門學問經濟之大端於是乎存可不亟梓而傳諸尚有詩經說攢筆錄批點左傳離騷莊子文章軌範及諸缺佚則俟他日次第搜輯而從事焉從子錫黼謹識

立德立功立言古謂之三不朽夫謂之不朽者彪炳宇宙今古共仰况親為其子孫則所為肇基緒成氏族皆由乎此其敢稍斂而替焉詩曰詒厥孫謀以燕翼子言德也書曰纘乃舊服無忝祖考言功也至於言似稍輕矣然禮於親之几杖琴瑟猶不敢忘况含英揚藻言而成文尤先入神識思慮之所寄者乎且發揮興義敷陳訏謨則所以迪德而建功者又未嘗不寓於言我曹氏之來海上也歷數傳矣孟春公而下代有隱德而守愚公之還金毀券明衛公之介直起潛公之孝友蹟尤較著載於志乘祀於瞽宗其德皆足以蔭庇子孫遂安甫

石倉世纂 書後

田顥縣三公作宰越豫黃門公揚聲殿陛或以政或以言雖未究其施而功之所著已彰彰耳目間顧我曹氏自遂安公而族以著嗣後科第絡繹至黃門公而益振要皆以詩書為業自文林公以上時代已遠著述留遺無幾遂安公已有五石山房詩文等集行世若麓蒿公碩德耆年鬱為士林之望先祖與從祖春浦公日事吟咏咸為風雅所推黃門公以名士為名臣詩歌雜文尤稱重當世黼固未敢膺誦揚清芬之任然苟聽其失墜豈為子孫者之所敢出也謹哀為五集以志世業之所存間附載事跡更可補族譜所未及至梯仙閣拂珠樓

雖不以才重而賦菊銘椒之致亦見家風爰附於四馬詩集後凡吾宗之有作而未成集者將另輯一編以免缺畧今我劬亭兄之初稿花灣詞又有專刻繼我兄而起者咸孜孜勿倦以衍先業則世世勿替可已要不特辭采之是務也人品風度胸襟氣象俱可於是見焉苟於是而識所以澡浴身心淹貫經術由立言而進於立德立功以大詩書之業於奕世當尤吾祖吾宗之所祈望者夫

乾隆己巳春王海上曹錫黼書於五畝園

石倉世纂 書後

四焉齋文集八卷

江西巡撫
採進本

國朝曹一士撰石倉世纂之第五種也與其詩集同
刻於乾隆庚午其論文之旨謂古人之所以稱古
者乃意義之古非詞句之古有明潛溪遵嚴荆川
震川其文調之近時者甚多不以此損其古意于
麟元美字句之古幾於無一不肖而終與古遠觀
其持論可以見其宗旨矣

金管集一卷

〔清〕顧成天撰

浙江圖書館藏清雍正七年聞子紹刻東浦

草堂詩本

附《四庫全書總目·金管集一

卷》提要

生平愛誦小厓文章微獨其詩也顧詩之衣被詞人者
正亟循新城之矩度而學以充之識以空之甲午和同
年王未巖臥龍松及紫玉硯歌和前輩周寒溪咏雪用
聚星堂韻聲震紅蘭白玉間辛丑客凌榆山邸舍倡和
最夥若浴象行諸作道上實逼杜陵猶憶其喜晴詩朝
暉曉曉天宇淨宿露澤澤庭風清之句誦之不能去口
癸卯奉使滇南邀之同往道遠不獲丁未公車後復得
交手京華屈指權聚時遠則十五年近已八年人生幾
何而不眷眷也投示詩草二千餘首予無能甲乙管梁
元帝遇聖賢忠孝懿行以金管書之因擇其中顯助風
教者呼善書人錄出別爲一帙題之曰金管集爲篇四
十五爲章八十三塾中雋子弟有事吟咏諸體具矣取
式於茲庶不失性情之正何俟窺全豹而識蔚然之動
變哉雍正戊申同里同學弟蔡嵩拜手序

金管集 卷一

孝廉顧小厓秉耿介之姿負卓犖之才不自立異而迥與俗殊故其詩文皆發摠性靈扶質立幹視世之尋聲逐色爭巧競捷蔑如也久稔其名而愛慕之既與余子衷為同年友亦未之識庚子冬始相遇於謝陸汪氏齋宛如坐客之得孟嘉也癸卯偕兒輩南歸所過郵亭旅舍相與題壁倡和忘乎其為下第者學之契故交之深生平著作甚多即燕京一賦宏深瞻麗擲地揆天固已盛傳日下廣播藝林今中峯先生獨采全集若干首名之曰金管集盡掃風雲月露之形純乎明倫復性之旨感觸而揚托作者之精神不待言矣抑錄者維風砥

金管集 姚序

一

俗意思深長西河氏謂樂與音相近而不同手是編者共念之雍正己酉仲春望日年家眷弟姚弘緒書於藏

東浦草堂詩

金管集

鶴沙 小厓顧成天著
中峯蔡 嵩閣

聖德時巡詩

康熙丁亥三月

繡陌花邨瑞靄籠。遲遲麗日景和融。六龍時御同民樂。萬乘春遊補化工。禹甸恩覃先澤國。虞廷樂奏是南風。拂堤柳線高低綠。映水桃花淺淺紅。宛轉鸛歌依翠輦。差池燕舞傍雕櫳。聖人作觀星雲爛。文德弘敷聲教同。法守光昭金鏡上。肅雍道見玉墀中。喬皇典禮恢姬服。綿邈河山達舜聰。江左遙連泗上域。長淮積與大河通。新開屯氏迂儒策。舊築宣房昭代功。沙渚若非移檣楫。芻蕘那得獻丹楓。平成底績規模遠。婦子依疇樂利洪。春挾飛英歸冉冉。苗膏膏陰雨起茫茫。昭同雲漢輝蒼昊。特達圭璋器澤宮。黼黻固應儀采翼。文章不是貴雕蟲。關門笙瑟儲三俊。章服羔羊表五總。多士親承天告語。有司祇受帝磨礪。詩陳豳雅民風古。草滿園廡湯網空。鑿井耕田咸順則。敷天率土竝呼嵩。平江悉簡千行仗。前導惟飛獨木舸。帳殿扶黎迎父老。芳郊驟竹走兒童。引年典重昇平世。保赤誠求仁覆衷。熙皞但知遊化宇。憂勤誰解集皇躬。法宮行健甄陶徧。百辟承休福祿豐。

金管集

一

華祝久聞稱富壽。軒皇曾託訪壑洞。由來後聖同前聖。至治熏蒸宮壤隆。

聖祖

仁皇帝輓辭

壬寅客許州十一月十八日始得升遐信草莽銜哀恭賦六絕

脉脉盈盈人與水。纖纖曾付寒修通。可憐垂老茅閨女。哭到蒼天頰暈紅。

血氣尊親頸盡延。容真如地益如天。已增虞舜巡方歲。竟少唐堯在位年。

踐食虛過五十餘。太平無事擁詩書。而今粗識詩書味。巷遇無心賦子虛。

何人不解君臣義。罕喻君臣一綫情。淺淺豈真關貴賤。

金管集

二

冷窗搖筆淚縱橫。

鑒與六度接窮簷。日角天顏惕仰瞻。此日鼎湖龍已去。

空教昂首望龍髯。

京國遊踪出塞垣。九重猶想對臨軒。悲魂恍惚驚魂定。

聞道

新皇已改元。

六賢贊

國朝以來賢人東矣海隅下土孤陋寡聞所讀其書而深仰其為人者有六先生焉各係以贊以誌高山之仰云丙申秋日

陸先生諱龍其字稼書康熙庚戌進士仕至御史洙泗真傳端惟濂洛至德道凝載陽攸作集彼大成兩

間於鑠蒙養聖功。基於小學為狂為狃。見知見仁。後生師承。理欲為鄰。放曠禮教。局促等倫。狃狃其守。狂尤喪真矣。有黠者。趨時職競。閭然媚世。居于崇正人。云亦云。蛙。喧蚊。震我心。實悲我力。不勝卓哉先生。豈與若輩。蘭絲牛毛。察之實精。出處一致。好學力行。闢除榛莽。率於蕩平。洙泗濂洛。庶幾干城。嗚呼斯道。無絕不續。學術茫然。詆王及陸。世遵先生。或諧耳目。高山景行。中心悅服。師乎。師乎。勞我反復。

魏先生諱象樞字環溪號庸齋順治丙戌進士仕

至刑部尚書謚敏果

金管集

三

審時隱見與道卷舒功在民物潔身自如既成其卒亦遂其初俯仰天人不愧不忤氣節文章勲名理學一以貫之圭壁寬綽我行自京至於蔚城瞻拜遺像既慰平生往復全書真接性情大賢桑梓濡濡其行

湯先生諱斌字潛菴順治壬辰進士巡撫江南

嵩洛之間淵源有自往行前言以畜以識開然慎修不資辨議先生師之渾然合契澤在三吳學在後世盥讀遺書三歎不置微窺入門高顧近是作聖作狂止爭敬肆以禮為閑以同而異聖人不作角賢競智人建一標家樹一幟曰子闢邪理消欲熾三人我師擇惟素志孟

邵先生諱嗣堯字子崑康熙庚戌進士仕至御史

督學江南

中行不得。乃眷于狂。惟狂必簡。自成其章。光明磊落。慾淨而剛。解曰。易知學嚴乎假。黜彼浮華。實崇大雅。流俗尙同。責其嫚罵。嗟予先生。古之狂也。

孫先生諱奇逢字鍾元徵而不出

先生之生丁明之季世衰道微必資強毅腥膻熏天正
旨羅織掇焚極溺住以身試不然不濡盛德所致家於
冀北寓於蘇門始砥其節卒誠其身隱居樂道千里雲

金華集

四

屯。綜厥所造。純粹以精。不易乎世。不成乎名。確乎潛龍。疇其與京。

李先生諱光地字厚菴康熙庚戌進士仕至大學

士謚文貞

取士之則。文行忠信。身心難知。以文爲証。取士之文。四書五經。豈惟言哉。實驗於行。佻巧成風。筌蹄乎此。行不足。觀文斯昧。理繫我

聖祖道岸誕登微言大義炳如日星先生契之一心一德

君師竝隆。世法世則。仰承

睿思易定折衷臚觀著述徵羽翼功疑析大學大學解從古本論餘中

大學解論餘中

庸。中庸有章
段餘論語孟劉記得之從容正與程朱心源往復非
苟爲異光明相續昭融簡貴制義一燈先民是程大猷
是絳坐論道者三公之職啓沃太子弘功若寂

葉忠節公祠一首

公譚輅，聯號蕃嚴字炳霞，南浦石矸里人。順治辛丑進士，官翰林。康熙戊辰，出爲湖廣糧道。先是，裁兵議行，聚議洶洶，以爲若初，費一丁處，給我曹忠節，需請於撫軍。若再一撫軍，諾諾然，低而中，軍情入却費一丁處，也。約常自叱，其撫軍遂逆然，不爲意。會某陽說，許衆突向前，斬其卒，是時復從總兵，叱曰：若輩小卒，將逆亂，我力能制汝衆，遂突向前，斬其卒，是時復從龍某，猶集撫軍之門，待與也。亂已無可奈何，聚於是始作亂，總戎會於威乃屈膝焉。撫軍聞之，走四十里，自詣賊營，甚重公。卒思推戴公，給以開城。縱百姓出，使人送太夫人還於某，拜表上印，措畫井，並袖刀升座，一劍不獲。故侍公側者，加多斷喉，而絕其首，鎮建祠武以。

獲欽待公側者加双斷喉而絕謚忠節建祠武昌

詞臣投筆典兵曹凜凜丹心仗節旄徹土蚤爲籌未雨

金華集

主

揭竿猶是欲屯膏。池塘有徑黃沙暗。閭闔無門白日高。
上將中丞輕舍義。從容獨引礮鴛刀。

一從學舞拜華堂。此後音容竟渺茫。今日始逢顏面目。

當年曾薄晉文章。公詩有羞說機雲同郡人之句魂歸緱里蘋蘩潔。血染

衙几案香瞻仰兩楹悲手澤。
先君聯於祠柱曰本朝吾烈三誥典前
文格後清忠何如忠節流芳南天閭氣

人豪始慷慨既從千。秋。祠。畔。栢。蒼。蒼。

魯烈婦祔祀三烈祠一首

某臣嘗得宋涇鎮人妻張氏本田家女自幼棄他鄉門姑翁爲娼娼嫁前夫之子婦猶執世業青樓洋又寡唐鮮卑酈氏倚門旗門以風月遊之於數年之間茶棊備至而氏悲慨堅拒有折不同客泣語婦曰我今決意從夫但夫以貧食富我我死之後惟致致夫于獄庫熙熙三月九日氏年二十有一姑藏富翁于家欲飲汗之氏知不能免潛投萬安橋下波流迅疾意其屍骸漂沒無踪矣十八日仍于橋下獲之顏色如生不稱爲娼

完學士民上其事于當事應其闕至已野七
月學使者張公榕瑞復允士議捐祀三烈祠云

清流淙淙萬安橋白日杲杲風蕭蕭下有貞魂不可招
已脫凡骨驟雲輶特爲巾幗建大標濯淖汗泥志不消
古來苦節都無聊烈婦身世尤漂搖晨昏絳績資簞瓢
十年茶苦如一朝松柏歲寒知後凋祀在千秋不可祧
行在衆舌無爲饒瓣香瞻拜申桂椒詞卑愧非瓊英瑤
焉得遺像圖生納高懸日月徧荒徼

其二

九畹甘荼爲御窮十年匪泔夢魂中已操玉質同于荼
肯見金夫不有躬祠與妥靈光射斗橋邊遺恨氣如虹

金管集

六

旁人莫更傳誦猶泣捐軀事未終

世母包太孺人節壽恭賦

齋媚傳姑範

先王母李太孺人持身以莊
事舅姑以孝見稱於鄉里

幽貞紹父慈

在母爲明進士
空齋先生子先

生文章節節
壯懷海內

霜天懸凍月雪岫轟寒枝炳煒輶軒額琳瑯玉

案詞凡筵列祖在歡笑式憑斯

黃母周太君二十七撫孤守志行年七十六矣以

杜詩日暮倚修竹爲韻得絕句五首

恭惟凌霜姿愧無生花筆黃鸝啞成歌皎皎矢白日
一灰奚足難藐孤誰與顧不爲桃李容何必恐遲暮
青春不可期白頭不可指遙遙冰雪途獨步空依倚

抗懷思古人亦曰俾無尤陶才孟幽潔合以蔽姱修
李公

類其居曰
風高陶王

高節晚彌堅翠苞初展綠成龍會有期徘徊撫新竹
今廟
集雄

甚晚年五十八矣
茲言節之報也

弔孫烈女

烈女小字琴姑錢塘人也家貧爲楊氏養媳老病弱與夫俱出賃隣有
閨士者素淫悍里中皆憚之琴姑後爲弄兒貌秀姑密乞火潛挑之
嗾其指貨補進去又淫誘且逼琴姑怒斷杯毀其髻會胡大龍面因率羣
輩擄其婦勢不能堪乃夜服鹵汁死時年十五方釐髮傳德香聞滿室
奉古坊旌士族論新康熙庚寅六月事也巳丑三月 上南

遺香亭畔說遺香鬱鬱青邱翰墨場憤決風霆殲伏莽

貞回日月照容光神人下散燒嬰氣
其語然微王夫人與一神女
俱來五香不顧如燒香嬰

金管集

七

天子親題若葯房油碧嬌魂應慟哭可能相

見鄂墳旁

空谷有葉十四章爲何節婦作集赤辟賦字

節婦事本學生葉煙之女年十九嫁何且明五載而夫亡無家可守無子
可恃依胞弟葉如守志不棄何門尚有三世遺孤未謀淺土氏孤孀隻手
勞苦經營卜築佳城于事林鎮之東南葬其夫并葬其父之祖父母及父
母五喪泣血哀哀成瘞難矣幾十餘於子喜集赤辟成文特札屬子頌之
放效聲
爲此

空谷有葉葦葦可觀凌駕諸草曰惟幽蘭

枕則有荆車則有鹿之子于歸既和既肅

日月其逝去子如遺仙遊已矣鶴反無時

乃發而孤乃孤而少乃少而窮哀哉窮窶

上天下地。吾安適歸。不日不月。滿我裳衣。
泣而變物。望而爲石。我懷則然。我遇不得。
夫子有言。藉子之生。夫子有言。觀子之成。
言景其堂。言相其里。曰止曰流。以風以水。
龍盤虬起。繆而成行。無成之道。有相之方。
嗚呼噫嘻。清霜白雪。以視夫人。非其憂憂。
嗚呼噫嘻。徐吾孟光。以視夫人。渺不可望。
歲行在戌。夫人以降。今日登堂。星周月望。
草山舉舉。谷水盈盈。夫人之名。天龍來旌。
山高水長。取諸赤辟。誦非清風。人其周德。

金管集

歸宋氏姊建節孝坊恭賦

傷心蚤歲賦離鴻。懿範真應過郝鍾。但是在躬都與儉。
家時適廣平宋氏。不兩其而則康。姊大孝。苦節至今。衣惟澣濯。衣裏用布。亦早
裝錦。惟繁而已。日聞。如素之日。常多。每至必設。佳茗。親姊所飲。則黃飯粗茶也。始
以爲偶。然既而其後。常然。因謂。姊何自苦。乃爾。姊曰。吾已安之。二十餘年矣。且凡
物佳者。屬留。以事親。待客。豈獨未亡之身。宜爾。哉。朝。以盆水。遺。養。用之。路。隆。冬。不
易。寒。濕。所。凝。指。節。皆。腫。痛。履。高。言。始。用。煖。鍋。着。炭。其中。曰。母。以。是。使。婢。子。常。僕。僕
也。梳。衣。上。必。襯。草。紙。蓋。恐。汚。動。洗。則。易。敗。耳。雖。處。富。厚。而。持。躬。如此。其。大。節。在
人。耳目。舉。其。一。二。細。碎。以。母。逢。利物。不。爲。封。性。好。施。與。有。求。者。無。不。應。
布。於。有。心。採。行。者。之。應。焉。母。逢。利物。不。爲。封。性。好。施。與。有。求。者。無。不。應。
優。源。曰。此。輩。勞。苦。無。言。不。可。以。不。恤。然。子。所。不。當。與。亦。較。然。其。不。當。曾。見。有。以
果。物。饒。者。其。人。益。以。口。舌。悅。人。者。也。姊。第。累。其。數。以。答。之。因。謂。子。曰。若。律。不。能
自。食。復。不。能。助。人。而。使。難。處。種。以。作。活。多。與。之。則。彼。將。爲。得。計。而。獻。勤。無。已。是。我
天地。之。財。也。作。家。之。道。凡。此。皆。當。量。宜。薄。而。厚。則。宜。厚。反。薄。矣。見。其。事。而。聞。其
語。豈。止。聞。孝。慈。曲。殫。成。甘。節。和。肅。相。承。識。禮。容。此。日。旌。閭
闔。見。識。高。白石。鄉。評。允。與。聖。恩。從。

輓何節女

節女何氏。華亭人。祖傳。無。號。貞。石。順。治。已。丑。進。士。父。諱。源。字。遠。宗。節。女。名。
志。璇。字。溫。潔。自。號。冰。絲。母。族。人。崇。其。節。而。生。節。女。賦。性。超。異。與。俗。
絕。殊。三。歲。字。於。馮。未。成。婚。而。馮。子。以。疾。卒。節。女。誓。不。二。母。親。兄。成。其。志。無。
何。錢。稿。人。嬰。疾。沉。綿。節。女。衣。不解。帶。者。累。月。臨。人。愈。而。節。女。病。瘵。以。卒。年。
二十。有。八。節。女。安。葬。墓。自。工。文。河。不。由。師。授。顧。鵬。鵬。即。棄。去。
不肯。校。梓。兄。何。坤。授。武。狀。使。得。苗。班。如。傳。二。詩。餘。如。下。首。

未嫁羞吟別鵲歌。春秋代序思如何。招魂有恨形難據。
化石無言志不磨。寒節勁知天下少。論才美較古來多。
寒梅夜月淒清絕。縹緲仙風御素娥。

金管集

九

張烈姬詩二首

張烈姬。字。烈。姬。小。失。節。事。極。大。以。爲。非。非。先生。不。能。稱。
是。如此。應。步。非。聖。賢。同。其。之。標。準。哉。壬。午。七。月。附。記。於。詩。後。
張中書舍人劉君。妻也。十五侍劉。年三十二。舍人年六十三。其專人有
妾。既卒。而改適。舍人哭。姬之。殯。子。忽。沾。酒。謂。曰。爾。勿。知。先。公。妻。也。有。志。生
事。我。死。亦。來。事。我。姬。笑。而。不。答。明日。舍人。饒。於。郊。園。麻。自。經。死。舍人。號。絕。
勵。曰。以。我。一。言。而。竟。以。死。明。其。志。乎。烈。姬。索。舍。人。詩。以。表。之。舍。人。題。人。姬
也。

自古誰無死。斯人迥不羣。有心堪指日。何語可盟君。頑
鈍馮長樂。圓通楊子雲。千秋同一辱。莫漫視釵鬟。

美人亦且爲黃土。粉黛盈盈何足數。燕趙悲歌慷慨多。
姬乎。姬乎。得成所。

露筋祠和王雪垞

幾度露筋祠下過。未曾把筆一題詩。負山蚊力君知否。妙引千秋香雪詞。

其二

銀毫賦客雲霞氣。鐵齒閨人天帝姿。祠上留仙祠下詠。長空落日故遲遲。

湖州張烈婦戴氏輓詞

烈婦之翁張姓。初未詳其詳。見其墓上。其墓之傍。有陳無錫大令某隨題。其內事。翁意其不有也。聘其女為媳。媳以道資託之。其子但輪。祖於張。卒無田。數女未嫁。而故并祖亦無。終娶戴氏。張母使其子索祖及產。某父子挾之。擄水中。死。行賄將脫罪。烈婦詩自經。事得雪。

烈士酬人亦大難。從容白練萎荃蘭。報仇不得親操刃。

金卷集

十

殉節何辭初。孟棺氣作轟雷全。越震魂歸素魄一天寒。遺詩讀罷空長歎。手泚芙蓉仔細看。

東萊魏長麓牧海陵。重修胡安定先生祠。賦詩紀

事。安定裔孫夢白。酬篇竝梓。京邸見遺。因步原

韻

百家亦林立。仔扁歸吾儒。儒者不弘毅。每易爭偏隅。兼愛無墨翟。為我無楊朱。或操入室戈。譁然起不虞。古道峙山嶽。末流奔江湖。所貴做妙理。不越步與趨。規矩苟不森。直與奇衰俱。先生官安定。未遑贊廟謨。考緣以博士。眾星拱天樞。當時即地號。童叟呼路衢。迄今若易名。

讀史多荒蕪。衣冠猶想見。感發詎可誣。聖經明有術。世

事治有模。坐言而起行。體用無岐途。嘉樹雖各種。惡木

時竝區。望而知及門。氣平絕喘吁。養成落其實。大抵皆

甘櫨。功實倡。濂洛濟濟首。作孚海陵有祠宇。傾圯人弗

愉。侯來一朝復。道謀徒徧誦。京國晤賢裔。觀光耻溫等。

將別上下床。且如大小巫。辦香在夙管。慎交新合符。拜

手步前倡。桂椒申後圖。

徐母金太君節壽

長夏驕。國門苦。賜罕行走。涼秋八月來。稍稍出門。首舞

筵。作合新。識我同年友。內朗外逾潤。積和飲人厚。粥粥

小卷集

十二

常捧盈。絨言無擇口。聲譽騰何蕃。虛中若無有。乃知滿

簾多。不如一經久。問君何以然。三遷稟賢母。母也少而

寡。四十餘年守。育雛歲未周。上復有姑舅。遙遙冰雪途。

孝慈資隻手。湛才曜幽潔。嫗修合不朽。閨秀徒舜華。芳

節比堯。非學殖不療。負題旌猶落後。試看綸誥榮。正逮

母黃耆。茲日屆古稀。公卿齊上壽。瑶林只一枝。絕勝靈

和柳。不才蒿蔚生。技未工九九。風木蚤悲傷。怒焉羞販

負。深感仲車志。歌詩不敢苟。他日登北堂。長跪獻尊酒。

濟南雙忠祠

雙忠者。明巡按山東御史宋公知歷城縣事。韓公也。宋公諱學。朱字用勝。江南長洲人。崇禎辛未進士。韓公諱承宣。字長卿。山西清州人。崇禎甲辰。

進士巴外大兵拘濟南二公皆不屈死之韓公得贈光祿卿宋公以相稱
嗣昌蒙蔽閣高起著罪雖欲久不行而明社已屋南漢贈大理卿本朝
以公子德宜貴贈大學士士人思南
公之德哀其死建祠于仙台里云

天心惡濁思永清元黃龍戰古歷城中丞已率戲下卒
三千往阻德州營所留老弱僅五百蒸黎洶懼藩震驚
韓公守土誓以效宋公東駐方巡行聞警投袂決然起
介馬馳入共歿生是時高閣在西鄙翔翔專閫握重兵
急疏請援凡七上美權時相抑不明嗣昌為高閣地數其去登陴激
厲九晝夜將士胥忘呼癸庚蚘蟬蟻子援盡絕大兵肉
薄矢亂鳴北向再拜臣力竭忠魂直上九霄拜兩公峻
節懸日月聊播舊聞垂大名嗚呼思宗恭儉猜且悞權

金管集

主

瑤薄尉辜精誠自亞迄申延六載有旨再覈社已傾功
罪繆亂乃如此毒霧乾坤豺虎橫作歌豈止揚忠烈半
為亡朝諸此聲前車既覆曾不鑒鬼域誰令秉國成

弔孟賢

孔聖之難子路死於石乞孟賢後乞奔楚賢在衛子路之子仲子崔以復
伏請子夫子曰行也子後遂入衛使人以意告于孟賢曰君子不棄父
於闇明日戰於西郊持滿弓木戟以往死焉蓋悔衛子路之賢而成子崔
之孝也卓哉孟氏可謂勇於從義矣此事未見於傳聞之韓子浴亭說焉
成句以弔之

用悔酬傷善捐軀大復讐勇先父子義登辨春秋直
與仁賢伍非同俠烈儔夜關承告語轉側不能休

詠登州王孝子事

孝子蓬萊諸生也居長山山中孝子之父為府使某所誘以石碎外腎而
死時孝子方在抱不得直官斷給燒埋銀二十兩其母於子靈座前雖三
旬九食弗顧也及孝子長仇讎避之必山匪孝子何而變之一如其父
之仇蓋二十餘年矣嗚呼官出某所給銀從封究誰口是為仇燒埋生請
伏士師法學使資公叔琳聞於朝時府而莊孫負未報讎學其竟不赴
科舉學使彭公維新強起之不應雍正三年公議舉孝廉堅拒不出來陽
妻嚴告子如此震志其名諸學
使王公孝先德于查冊究失之

母真古列女子是古賢人伏地兇雖殪號天恨未伸旨
甘籌養志况瘁矢終身高閣曾憑望退心詎易親登蓬萊山景距四十里猶在目前

萊陽辛未三仁詩贈姜震念劬

姜公瑛沈公迅左公慈皆萊陽人同中崇禎辛未歲出倪文正門姜公
論補臣周廷儒嗣上慈故錫衣獄抄傳至廷臣嚴學者於落職去既
詔起劉公念慈海及公反覆不已據宗益怒立斥罷姜公自是得發別
部癸未二月大兵拘萊陽公父先陳公過里率閭門二十二人皆死之事

金管集

主

聞朝議有公不許公仲弟墳諸代兄繁使奔喪陳宗慈語其職曰墳獨不
可乎手終不釋公亦遂成宜州南渡得故公曰先帝旨也今日安忍背之
自稱宜州老兵竟卒于宜葬敬亭山頂仲弟墳亦隨而南後還吳門卒其
李弟家當閭門之難獨走進入夜子身聞大驚伏月父者突死鋒鏑左公
為馬士共進諸講和公作書與妻公龍跪于前陳已不負君友故以慰之
卒不屈死公遺囑變後村門不出不離服不務易染土城居之巡撫
發兵圍問故實從公方與客奕客戰懼請報公曰勿遽死其朝服法以
青身坐榻下命舉室悉覆有弟某絕人號勇公以某藏兒某胸并以小
砲納袖中戒之曰能冒圍而出乎存此以延宗祀孝也我聞砲即自焚下報
我同年友項之得砲聲縱火焚燒其弟行一晝夜不得食至斷將山曰我
休矣進兵及之不敵前校刃于地曰來亦死之妻公曾孫震雲
吳諸生廷籍萊陽弟子道其詳因書本末而繫之詩以贈之

嗚呼如稼久委地不寫節義將安施三公用心同悱惻
柱天鎮地真男兒我悲草草叙其畧竊恐史官有缺遺
父子兄弟法如是後之覽者應涕洟沈公鷄犬皆上昇
左公嗣續無能知對君想見高曾矩雲錦文章獨爾思

此身善守殊不易。人世浮名空爾爲。有穀但能懷祖澤。天香仙露沁心脾。

萊城懷古

崇禎五年。叛將李九成孔有德等。據臨登黃園。來者七月。照撫徐從治以砲死。延無謝禮。訪至。至州死。太守朱萬年。城下罵賊。死。城中文武暨紳士。竭力圖守。關東兵至。走卻之。

不聰主聽喚難磨。時。楊臣。僞。一。變。于。撫。臣。孫。元。化。果。實。腹。變。累。卯。孤。再。壞。于。督。臣。劉。宇。烈。而。實。則。不。明。反。者。洪。崇。城九歎。馮即鹿。委身一太守。鳴蟬蛻質兩中丞。激揚氣節。屏俱奮。振肅風威。挫受興。立我生民。惟此信當年。兵會竟何曾。

謁朱太守祠看畫壁。公故事尤烈。楊彭二公亦附焉。

金甯集

十

焉。

遺烈於今逮百年。兒童父老口津傳。全身悉化城濠土。隻手高擎萊海天。賊。公。訪。開。城。門。公。大。呼。罵。賊。賊。下。身。士。衆。推。得。一。手。賊。賊。時。果。共。見。公。于。雲。中。指。麾。也。悲深髮盡指。將軍氣倍擔雙肩。公。沒。後。總。兵。楊。繼。善。將。彭。有。謀。復。竭。力。守。禦。以。待。援。兵。之。集。仇不值。凌烟會。壁上旂常日月懸。

其二

青濟封疆孤壘撐。援師久絕似睢城。儲胥肆應環攻計。賊百戰。內。百。戰。萬。皆。賴。公。經。鋒。刃。高。呼。叛。賊。名。終。古。倫。常。爭。一。成。滿腔節義熱。平生倥偬旅客亡。椒酒蕪難惟申瞻拜情。

哭兄三十韻

先兄諱用烈。字永茂。外饒。內敏。讀書過目即了。然。大。意。爲。諸。生。試。第一。張。伯。公。先生。稱。曰。江。南。文。行。屬。此。生。矣。常。不。事。仙。偶。下。筆。數。千。言。纔。纔。立。就。古。稱。倚。馬。有。過。無。不。及。也。慈。祥。質。直。曠。達。之。細。恐。傷。之。與。人。交。無。一。欺。語。乙。未。九。月。計。開。京。師。觀。宮。前。一。齋。至。頻。足。出。涕。

痛定篇初就。毫沾淚。淚。流。暫。離。才。二。載。永。別。竟。千。秋。似。此。淒。涼。况。當。茲。汗。漫。遊。枯。匏。誰。使。繫。叢。棘。若。爲。釣。旅。館。聲。難。放。人。間。苦。易。逃。有。天。都。作。恨。無。地。可。埋。憂。慧。識。空。今。古。虛。衷。下。輩。儔。芳。華。隨。處。採。煙。景。趁。時。浮。豈。弟。盈。襟。袖。詩。書。列。膳。羞。驪。黃。遭。拂。拭。械。撲。見。薪。樵。不。到。黃。金。闕。宜。歸。白。玉。樓。獨。憐。風。雨。驟。偏。造。稻。梁。謀。憶。管。維。將。解。挑。燈。意。重。留。粗。豪。遵。大。路。細。膩。囑。扁。舟。榜。後。期。輸。准。歸。來。詔。不。休。團。沙。膠。客。子。積。雪。滯。皇。州。寶。已。沉。虛。牝。囊。惟。剩。敝。裘。金。衣。歌。宛。轉。翠。毯。舞。夷。猶。忽。作。門。牆。合。重。教。針。芥。投。雄。關。踰。紮。塞。京。國。避。鳴。騶。入。蔚。勞。瞻。仰。忘。機。穩。逗。過。只看魚菽祭。隱切土田愁。倉卒驚曾倒。仇。憐。哭。未。周。文章身後在。兒女目前收。式穀俱能似。傳經且好修。夜臺寧有憾。塵世復何求。殤自疑明道。亡寧信伯牛。鬼神非昧昧。造化實悠悠。嘹歷雲中雁。參差水上漚。何當要。走。筆。相。見。在。松。楸。

哭李先生

先生諱珍。字存。居。南。淮。少。於。至。性。端。整。讀書。不。以。能。上。人。爲。滿。生。十。餘。年。即。不。赴。科。舉。安。貧。樂。道。足。然。自。得。亦。傲。然。不。自。爲。其。中。絕。介。其。

貌絕和不知者庚子年倫而已。歲天自六齡至十三從遊者八年。未嘗見先生有疾言。遜色。慢容。也。飲食起居。皆有所度。不與分寸。老子曰。明道若昧。實道若虛。進道若退。先生有焉。客中聞此。既為位以哭之。越日成句。用志心喪。

八載春風坐臥深。講堂回憶思欽欽。性情授我文章柄。晉宇消人名利心。豈謂崇朝頓千古。卻看白日作重陰。殘編檢得郵鴻語。痛不成聲淚滿襟。

泗水泉林

即子在川上處

道脉源流在。停驂為整冠。雲衣寒密蔭。石髮櫛澄瀾。練曳清音沸。珠跳赤日寒。可堪塵網束。勝地阻盤桓。

望尼山

朝行面面數芙蓉。容指尼山入望中。驢背可憐飛不去。

金管集

其

五峰峰下倚孤桐

傾蓋亭

在劉城十里舖。孔子與程本遇於此。語相說。使子路以朱帛贈之。子路曰。由爾士無介。不見子。曰。請不云手有美一人。情揚充。

適我願兮。

去臘亭前俯大荒。衝炎道左立臙黃。相逢詎有推千古。深勢何勞結四方。秋水練澄留來帛。春山黛遠對清揚。誰憐寒暑匆匆過。山自孤高水自長。

謁元聖廟

即魯太廟。奉漢高靈光殿。

樞星局鑰入疎閑。苦渴心神清此間。宗國若非延聖澤。斯文何自萃尼山。安舒想見居東度。莊肅疑承抗法顏。端拱仰瞻模範古。廣庭松柏陰苔斑。

其二

十乘龍旗。灌獻揚。巍然漢殿。作靈光。自敎文憲。垂無極。何待弦歌。說後亡。東野雲初。新雨露。西周陵墓。舊松篁。杏壇無急神。相接廟制。宜思懃素王。

謁至聖廟

木石有數。存物。酉自必變。聖化昭文明。祝融揚其威。火從鴟尾流。始自大成殿。延燒及兩廡。風雨章雷電。杏壇圍中。間孤亭神物。捍其前。手植檜。燼餘已如炭。林木了不焦。青蔥環遶。徧煙燄。蔽天黑。苑枯咫尺判。豈非一片土。允是當季真。茲事洵足奇。百聞始一見。

金管集

其

其二

足跡半寰區。未遑望闕里。使者招我來。觸熱竊心喜。瞻拜遂平生。廟貌逢傾圯。常生。在人心。聖澤豈爭此。蜿蜒柱礎龍。斷缺猶文理。木求楚數南。石采魯山裏。經營需歲時。程功艱伊始。一朝煥落成。書自何年起。珠聯璧合期。重觀枌樷美。皇帝三載夏。鄭重紀所履。

謁孔林

洙水之陽。泗水陰。神臯特萃此山林。喬柯夾道松風遶。密葉垂唐楷。陰深無語。能形天地德。有言曾見聖仁心。如何樂趣終相闕。欲采靈藎。著筵所尋。

陋巷街

紺宇森森。蠹茅簷剪齊。魏坊標陋巷。偏似羨窮棲。

陋巷井

碧甃破爲收。圓亭穴其頂。猶仍陋巷名。爲此一瓢飲。

白水道中懷古

歸潔無心戀薜蘿。當年割席竟如何。潛龍斷後誰能續。

今古聞人。尾樣多。管寧原華歆相友時人謂爲一龍寧龍頭原歆股歆龍尾

都昌懷古

孝哉王偉元。不仕僅一節。至今慕義篇。斑斑淚痕血。

吳市懷子真。北海懷子慶。挂冠未足奇。還遶并却聘。高

金管集

風並嚴陵。豈謂虛明盛。勞山多畸人。夫亦遂其性。回首

顧子真踪。跡相輝。梅福字子真。建萌字子慶。

我思王景畧。遠過荀文若。談笑却桓溫。仕秦得上著。

萊州西郊見李孝子由烈婦碑口占

秋陽高潔。暉道周豐碑。曹立何其稠。於中大書勒。墓道

孝子李樹烈。婦由。并子李樹烈。康熙三十二年。烈婦由氏。康熙六十一年。未詳其事。凭輿拭目未及

下。拱手既過還。偃僕不知曹立者。誰氏殫厥惠。愛堪與

儔同。此磨礪一片石。若爲增美若包羞。

詠楊烈婦顧氏七月七日沉江事

楊大楊妻于雍正三年四月廿七日。自縊於江。始結及春之從母均。有深行見婦有安強之不振。婦謂春曰。君尚有活計。吾春曰。不能婦曰。噫。

吾其死矣。春日汝既死。節吾豈忍獨生。於七月七日。赴春中江。開口而死。其夫從之。

花粲芙蓉。岼柳黃雙星。皎皎曜寒芒。殿中午夜情。瘵甚

江上清朝風。教長袂襟婦。爭湘浦。潔衣冠。夫采汨羅芳。

他年祀祀殊難位。應有崇祠申水陽。詩作于乙巳歲。及中邑父。母欽公。捐上海。象目邑人。

之清爲起。墓立祠。題其姓曰天依地依。天依地依。天依地依。

輓秦烈婦

婦爲新場鎮黃氏僕徐天福妻。姑居十餘年。不窺戶牖。有謀奪其志。若氏。知勢不可。便從家祭其夫。謂人曰。今日非葉忠節公殉難日耶。遂自縊。自表其夫可慨也。

芳遠千載後

人在二南中。不數康成婢。相嘲咏國風。

輓王孝子叔倫

金管集

叔倫名義。先世祖兄第五。世號五鳳。其父喪于龍門別業。陳眉公格其門。曰寸草春暉。先是。義堂兄。標居母喪。其塚中抱病。乘輿居。母喪四十日而病。而而死。蓋一門盡孝。最著云。

共識南陔路。難傳寸草心。悲雲蒸岫迥。孝水滄源深。金

玉眞昆友。箕裘足古今。齊煙九點裏。何處可攀尋。

無錫新分金匱客爲子述新宰王公之賢山左旅次

感而賦之。公諱爲林。徐甲。外以翰林出牧。

出門惘惘隔年行。異地初聞賢令名。青瑣蒼根香案香。

紫茄白苧素齋清。野流惠澤碑無字。堂揭危言政有聲。

公諱于堂上云。頭上吳音。天獨錄管私。難請再事。于與。寬服前。皆赤子流。血刺骨。自貽伊戚于兒孫。桑梓與君休戚共。故鄉南望不勝情。

鄉南望不勝情

憂勞吏治出楓宸萬里君門詎易陳現政久無稱曾掾尹方尚有似袁人清風大暑來去翠岫煙波隔舊新我欲買山攜釣往不知何處可垂綸

邑父母欽侯謝事四十日得

旨復還比戶焚香祝

聖恭紀二詩雍正丙午小春也

綸音才下士彈冠騎竹扶藜擁路看目展重瞳周萬里煙開九點曜長安臺萊有託風香偃雞犬俄驚虎未殘作息渾忘由帝力一番泥首話新歡計事後上海令李攝某人情以皇李甫至而侯已復怡然解組菊初黃凡几雙兒不改常芹獻野人微信義

金管集

主

芸抽虞典誦明良三秋氣肅雲容皎十月春回天語詳赤子豈能離乳哺翻啼你笑倍徜徉

王貞媛歸南陽

貞媛太倉人大學士拔從孫女孝廉馮女布政慕猶女新場鎮葉志學妻少孤康熙乙未正議婚葉計音忽至貞媛矢不二伯父蔡作慈以試之絕食七日不食兩歲則嫁大卻復不從幼習經史為日輟曉太義平居婉順孝友志不可奪如此在家守節十有四年雍正戊申其舅葉廣文森其禮請歸兩家所致啓士林抄補以爲美談

數載冰霜縞素成盈門燕喜爛初迎璇閣卓立人網紀彤管高懸世訓行氏族羣推七葉貴天風夙御五銖輕采芳下女應難學身寄塵寰神太清

哭朱氏姊二首

姊為先伯父聖借公次女歸桃源故翁朱公伯陳詩文秀脫俗然林下風味男為軍鄉公虧虧穀無補預食以償吳楚往返八千餘里叔尚幼叔夫供子職屢次不少忍有子額而獨即為信陳置側室生子復廢棄之歟所作自序及祭夫文哀怨動人言動間左規右矩非尋常才媛匹也所卷有廿本

經傳舊德賈逵師薄宦門楣藉起衰記住能增新典籍受釐無謬古文辭終溫淑行陳和璧不雜清才抽繭絲何處璇閣推女士白頭斑管慟追思

其二

南國徽音東海濱燕嘗茶苦奉清塵關心芸室三千卷凍月霜天七十春具美難求名媛匹永言僅與古人親只看移植龍孫茂蔭地參天仰綠筠

金管集

主

歲天有曉一通青都宋氏二通荷里宋氏宋為伯父聖借公李宋則恩園府君出也宋以節朱以文康熙甲午客都門嘗合書兩神賢行張良卿太史為立德褒給山學士見之因作雙珠吟曰星飛寶鏡海東盡賦水底驚龍天垣昂首吸精彩顧下幻作明珠重二珠移掌香山嶺詞壇佐席推尊雄圖轉王盤塔照乘珠香謝靈應紅一珠含安福幽靈監田王辟吉無匹影涵秋水奉清霽心珠水垂凌白日吁嗟慈珠絲絲縹緲橫通黑同什襲春明堂上麗人來購川應愧鮫人泣何似金堂明月死千載雙鵲仰瞻吉往昇筆墨忽已十五年矣公早歸里兩節于丁未歲先後告祖俱不及親含殮筆此志痛

無色天歌為西江朱貞媛作

貞媛瑞州高安人大學士朱公就長文字李公鳳者長子家駒聖賢後以疾早歿至飲泣不食者三日王母太夫人諭曰吾知若志願爾知禮者獨不依爾父命耶貞媛悚然徹進食洵朱公歸奉中貞媛恐傷父心未展時懷若平生越半歲乃理前說於王母公知其非常人也遂許歸李李氏聞貞媛至皆號哭出迎不為動且慰解之從容語相投遂易姑如儀遲適喪次一勸喪絕粒殆其衣不解帶者三個月比年李致書于朱謂一官不能終侍全我孝者皆家婦力斯士大夫爭傳其事學使若知之欲其室貞媛聞請于城愛拒乃止且書以告其父曰死事非中道自行

所志而已若以名加何以處人宋公甚善其言然傷之貞媛自少通四書五經及爾雅楚辭史漢八家咸涉獵尤嫻載禮指長眉鉛華之飾竹等布衣帽如也暇則手不釋卷諸妹或為詩文演貞媛不肯出一語薄暮必手整父母桃席出立戶外俟以乃休晨立戶外問安否僕塔乃入二

十年如一日

吾聞元洞妙成之上無欲并無色紫芝瑤草直凡英真宮仙靈不可即聖神御宇蒸太和賢哲挺生綿世德扶與大絡一氣旋山澤精華施巨力上帝求之十四天下與濁世扶人極不鍾為男鍾為女陰陽變合殊豐毒吁嗟貞媛具生安欲贊一辭了難得平生無語涉荒唐昂首高空裁筆墨

謁孟廟

金管集

三

疎星爛三五殘月垂廉纖驅車古鄒道此柯揭我幃睡夢揚將曙長林隱崇檐入門肅拜跪廟貌親巖巖低回七篇指悚懼隔聖凡仰謁已三度微軀愈自憐蘭茝宿紉佩養蒙循苦結斯歸安隴畝無復著征衫胡能恣徑去日上看山尖庶幾羨牆慕長臨尊且嚴

金管集一卷

江蘇巡撫
採進本

國朝顧成天撰成天有離騷解已著錄其所作詩凡二千餘首嘗以質於蔡嵩嵩為摘其中有闕世教者八十三首鈔為此集題曰金管用梁元帝事也

花語山房詩文小鈔二卷燕

京賦一卷

〔清〕顧成天撰

詩文小鈔上海圖書館藏清雍正刻本

燕京賦浙江圖書館藏清雍正七年

聞子紹刻東浦草堂詩本

附《四庫全書總目·花語山房

詩文小鈔一卷附三重賦一卷

燕京賦一卷》提要

曹序

是編爲吾友小厓先生庚辛筆墨生平著述之富皆關
世教匪僅文辭而已惜猶藏篋未授梓也區區簡冊計
詩六十八首計文二十三首卽不獲攬其全然遭逢之
盛忠愛之忱詞采典則而高華學識清明而純粹海內
賢士大夫見之必油然而慕肅然起敬而後進亦有所
取法矣不可不急公於世爰哀集而傳之噫山房之幽
也花語之治也所陳者則清廟明堂昔聖昔賢之義蘊
也可以徵情可以見性矣自序遜言學者當深長思爾
雍正辛亥冬日同學年弟曹一士拜手序

曹序

直廬所憩之室曰花語山房春來綠樹重陰海棠丁香桃李樂枝之屬爛然雲錦入夏紅藥翻堦野芳繞岸前後左右迴環一水鳴聲上下唱和汝山房之北孤亭峙焉三松蒼然蒼鬱已老作龍鱗矣暇則獨坐其中因思程伯子靜觀自得之句乃淡情人語拘儒空談學道安知此味也夫人之所以參三才靈萬物者惟此生生之意盎然與天地相接故羣動雜呈而淡焉漠焉於耳聲目色之地者弗擾其靜也一塵不染而惻怛慈愛於人倫庶物之交者無損其同也每念伯夷之隘柳下之不恭所謂聖人之於天道有分數亦此元善之良微不自序

三

足耳故學莫要於求仁斯意也奮發窺之於二十餘年之久而油然卓見於孤亭之下向本弁鄙近所爲詩文枯腸禿穎文采益無足觀同志者或有取而賜覽焉則以爲其學雖陋其不冰冷於倫物而居然高致則猶可教云爾雍正辛亥夏日成天自序

花語山房詩文小鈔目錄

雜詠三十二首

送平郡王之盛京詩序

龍眠王氏族譜序

代豐邑令忠義祠碑記

葉子異昇平鼓吹詩序

題李太白太山觀日圖應教步韻

閩善士徐公祠詩二首

曹謬廷同年爲予題照燈下賦謝

恭擬

花語山房詩文小鈔目錄

皇五子祭怡賢親王文

特旨廟祀玉林徐公墓誌銘

恭送

皇五子奉

命告祭闕里文廟序

皇四子樂善堂文集序

皇五子稽古齋文集序

跋王筠齋悼亡詩

題沈默夫孝子傳

擬西山儀鳳亭碑記

烏蒙殉難詩

弔荆節婦

正月十五夜待漏東華遇院長留公作

奉 教題畫

恭和

御製三月三日得雨詩

奉 教題畫

周易函書序

送葉子敬宰常山序

方孺人傳

花譜山房詩文鈔

目錄

二

雍正九年正月二十日

恩賜

御書對聯恭紀八韻

四月十七日恭紀一律

闕里祭器新成恭紀二律

聖從錄書後

晉陽靈雨詩序

林蓬軒八秩詩序

南畝文集後序

與張童子書

辛亥十月十三夜閒吟十首次和張景彩

人日懷欽肅菴五首

七夕和韻二絕句

題施芑洲惜分課子圖

送同年朱君鳳英孫君人龍鹿君邁祖孫君瀨奉使

各一首

復雷貫一書

復陸右廷書

學統論

與陸右廷書

花譜山房詩文鈔

目錄

三

又與右廷書

花語山房詩文小鈔

東浦顧成天稿

同里受業葉承校輯

雜詠三十二首

流觀史冊神游交泰之朝幸戴儒冠躬際

重華之世雖草深幽徑已慰嘯歌矧香散天葩

還沾領袖賤貧曾不厭有道之恥宜捐章服始

知榮名教之場可樂擬諸蟬蜩蒼應候而鳴稽古

英賢乘時亦豫自季春徂夏入直歸來偶然成

句無專題無序次書紙粘壁合而一之命之曰

花語山房詩文小鈔

雜詠云爾庚戌秋日識

其一

上林春近物華妍面面風漪映碧鮮羽煥九苞雲五色

君王讓善不教宣

雍正七年十一月鳳皇集
景陵八年正月又集房山衆鳥無算繪圖以進

上置之三月五色雲見京師羣臣入賀
上曰朕所急者甘雨耳勿及此也

其二

分隔蓬山路萬重有誰前導上層峰芳華滿眼寒難盡

徒倚虛亭百尺松

其三

高瞻度共一片心幾忘廊廟與山林游蜂宛轉探芳信
馴鶴從容步柳陰

其四

片石攜來已有年龍賓廁切未經穿琅玕

窰錫來天上故物關情忍棄捐

康熙丁酉得現頗佳雍正庚戌
廷試猶用之蒙
恩賜寶硯並列於几檮陋莫掩因刊以銘而藏於匣

其五

高樹重重擁綠雲交柯不斷一溪分過尋師相林尤密

說與衰間作異聞

花語山房詩文小鈔

高安朱公桐城張公皆在園中平橋不徑一水回環間
寂門庭倘然物外

其六

重橋渡後蔭交加晨肅衣冠潤露華羣鳥亦知喜起意

只聞靈鵲不聞鴉

其七

日暖堯階屏息升

九天春色接層層

龍顏逾霽神逾悚攜得香烟袖滿凝

其八

疎雨瀟瀟夜有聲朝暉塵淨恰宜行何須細數嘉祥事

只此韶光識太平

傳曰太平之世雨必以夜幾日來晨入申出必值雨隙

其九

重譯既朝南掌國火鷄旋復進暹羅

聖朝異物曾無貴遠使還承雨露多

八年三月南掌國來朝即古越裳氏也四月進暹羅國進火鷄養其使而御之

其十

客詢上苑讀何書爲語經生有不如乍湧金輪朝齊候
平分弦月夜光初

其十一

花語山房詩文小鈔

三

粉白嫣紅散綺霞海棠深訝未開花仲文久已傷枯槁

才向東風又放芽

庭內海棠一株槁已多年今春復活

其十二

落盡楊花滿結萍清池如鑑好潛形釣竿垂處魚驚餌

似告同游絕有靈

僅施釣餌一魚吞尚淺起竿即墜自此無一上釣者

其十三

冊府仙班次第遜憑將翰墨上

楓宸雨師緩轡行甘雨重顧含豪隊裏人

四月二十四日考選庶常時若微早諸人散後始雨至夜乃密二十五竟日大雨四郊霑足

其十四

草莽安能動

主知祇緣日月照無遺瑞珉尚得克鳴珮况是珪璋肯

後時

五月一日
欽點庶常榜多英少予與胡君宗緒即
賜職編修異數也

其十五

共喜星雲承

帝豫忽凋華萼惻

花語山房詩文小鈔

四

皇情六龍臨幸傳呼急道未清塵

駕已行

怡親王於五月初四日病亟齒簿未頒

上即幸其第
駕至王已薨
上爲悲慟

其十六

每逢快雨快晴天晴利行人雨利田直罷微涼表絺綌

閒穿草履聽流泉

其十七

對岸尊開美酒香紫驕看繫綠垂楊何人博得金貂解

盛世無容記醉鄉

其十八

溪宵鐘柝入烟蘿待寢貪陪明月孤檢點太平新鼓吹
夢魂清醒不能無

其十九

千秋明德頌金閨停罷千官拜跪儀禮肅宮庭家法永
遠規三代是今時

其二十

苦吟常爾笑唐人得失從無挂口唇未免頭顱憐小阮
喜他瀟灑不沾塵

徑昂今年被薦主司亦賞之因額滿不售少宗伯蔡公見其遺卷歎息不置局殊怙然相依小住

花語山房詩文小鈔

五

其二十一

伊喻聲出管城中飛動初知穴小蟲待寫拈豪還委架
憐渠辛苦不成功

蟬吟穴管內筆稍移即飛鳴莫尋所在因置之

其二十二

歸老無能惹舊交緘情誰計結安巢分明穴險翻開泰
樂玩全于需上交

雍正七年七月予平內戚爭訟幾為嗜利之徒及賕吏所構忽宗丞蔡公奏對被譴搜取所寄詩草詔旨從天而降因思需卦上又宛然此日境地周情孔思微妙至此凡險難非我自致必有超拔出於意外者凡事盡然予於聖言尤加悚惕

其二十三

朝來初識澹寧居相見
文孫過玉除回憶當年牆外竚仰瞻榱桷重欹歔

五月十七日見皇子於澹寧居後殿

其二十四

論心粗具一襟期百里還憂窘職司頭白大倫仍義合
懽忻非羨鳳皇池

其二十五

帝室親王瞻戴均功宗無忝記純臣
絲綸捧讀猶垂淚悲悼何能解

花語山房詩文小鈔

六

聖人

上悼 怡親王之賢諭旨再三詳其懿美并詔列祀功宗情詞惻惻

其二十六

在國依然僻遠鄉東平何地識 賢王八年民社忠勲

在祇向遙空叩瓣香

其二十七

緣陰近遠護長廊絡石新交薜荔牆砌草茸茸生意偏
晚風雨過送微涼

其二十八

入門似客家猶旅于野同人旅亦家燕昵朋從兩謝卻

竺西風景總猶寄

同郡客川張公並別墅於天竺之西花木暢茂山水幽勝居民淳樸予買數弓於聖石思卜築未果

共二十九

木天端合安公神流汗誰能及後塵料得神交滿豪俊

儀型乍接一番新

翰林院中有韓文公像到任日例以香燭展謁

其三十

講室公卿濟濟良隨宜道古協平章何當充位欽承地祇有丹忱乏片長

花山房詩文小鈔

七

高安朱公載柯城張公廷玉漳州蔡公世遠滿州傅公敏皆入伴
講經六月復益常熟蔣公廷錫河南胡公煦

其三十一

南朔東西教澤均家修廷獻屬何人勤勞最善承家相

吐握無形鑒別真

趙公國麟鳳閣其理學六月中山河南布政
特簡福建巡撫時

上日朕之知卿由怡親王薦舉趙初不知也因感泣下
上亦揮淚

共三十二

亂縷難名仁覆功偶然流露盡無窮生平絕少傷心淚
無那泔泔片語中

客爲子述

仁皇帝時有翰林某進父文集并請詮

仁皇帝以文集交南書房因曰伊父職無諡例矧官終
顯方耶少間復降

旨云人子欲榮其親人情也頃所諭不必傳第還其集
可耳客語未畢予不覺涕泗交頤

送平郡王之盛京詩并序

洪惟

太祖高皇帝肇基王迹永開太平貽我民人億萬年樂
利之業邇以

山陵所在水道有宜整理者

皇上仁孝誠敬虔命宗臣恭代度視於是平郡王奉
詔以行王爲

花山房詩文小鈔

八

太祖高皇帝七世孫平時居處必恭步履惟謹宗藩之
貴而被服儼然儒素沐

聖天子之化澤出則夙夜國是入則雜誦詩書爲文章

必衷聖賢之旨視仁義忠信若饑渴之於飲食今春三

月成天奉

命入伴

皇子與王講席鸞羽樂胥龍光譽處辰而入申而出炙
休美者無盡雖未獲見王處某事度某物而知其必能
諮諏謀詢不矜已見不略人言物土之宜順地之理篤
恭恭謹以承

聖天子之嘉命矣於王之行奉教作爲詩而序其本末如此

應

召來田間承

恩歷天上鶴梁竊恐懼龍種樂瞻仰賢王秉忠孝誠懇涵高朗

天子錫龍光日維德不爽茲事鉅且重敬慎履所往雲關星輝處渾河流涓涓王氣所鍾凝原隰必審相王誠克恭謹

帝心乃倚仗不然炎敵中豈獨勞軼掌走共化日長愛

花語山房詩文小鈔

九

此清和晃有疑相與析有奇相與賞朝來送纓環馬首飛花漾三復皇華詩五善在諮訪

龍眠王氏族譜序

宗法廢而庶姓之譜系日滑士大夫之家高曾而上不可攷者多矣况林林總總乎幸而可攷族大散處親盡矣勿加修焉則官遊遷徙數世而後卽有荒渺難稽者故譜重於作尤重於修也詩曰以似以續續古之人其此之謂乎夫尊祖敬宗敬宗故收族昔賢謂大宗之法難行小宗則猶可舉也以愚計之小宗亦并不易言而後世所以收族之道全賴乎譜展卷之下世次瞭然

所謂幸其未至於途人孝弟之念自有油然而生者水木本源之感觸天之命也民之彛也王氏自晉室旣東而後甲於江左龍眠之王則遷自鄱湖以真一公爲始祖率祠之後從詳來祠之前從略導河積石紀其所履實而可據崑崙之崇隆星宿之沮洳俟諸博求可也王於桐旣爲望族雖閭閻之門不得而妄附譜輿於明之萬曆續輯於康熙三年嗣修於雍正二年甲逾乎六世易而五事之必不可已者然非施然惕然于尊祖敬宗收族之義則有至急而忽之爲至緩者矣予未獲至龍眠與諸王揖讓咏嘆僅得交臂于筠齋親其言論風

花語山房詩文小鈔

十

旨篤實惇大不以知先人不能上人彬彬乎質有其文君子哉子姓兄弟可想見也譜成屬序于余不敢以不文辭敬爲序

代豐邑令忠義祠碑記

皇帝御極之三年乙巳夏詔天下有司各建忠義祠於學宮之側凡一心不二者俾祀於其土繼繼繩繩永無有數其承之豐邑六年於茲樂其風俗之淳龐人士之樸茂家藝黍稷衣食於戶外者蓋少想見遺澤之遠豐於古爲徐方地罕所聞自漢祖奮迹而後忠臣義士代不乏人志乘久荒每思蒐輯而迫於公事無晷刻暇未

速也今者飭工庀材定基布磴飾樓栢治堦砥廣淡高
下中度既竣乃事將植碑於祠之外而論於衆曰善哉
乎

聖人治明理幽其道至矣夫明有禮樂幽有鬼神不知
禮樂鬼神之一致未可與適皇極也自古忠臣義士名
在天壤其子孫多有銷滅不可踪跡者或不得祀於家
而祀於公此天理也先王懷柔百神而外卽有三厲之
舉舉忠臣義士嗣續之所不及皆在其中矣

皇帝以爲神也而鬼之不可爰有忠義祠之設蓋達幽
明之故洞鬼神之情普天之下名教之場皆造化之迹

花譜詩文小鈔

士

名不磨迹亦不泯各依其土食其鄉無有漏遺無有怨
悃往來之正氣常伸焄蒿悽愴蒸爲太和所佑于民者
隱矣豈徒彰志貞教云爾哉周官宗伯掌邦禮治神人
制作之明備視古先哲王而上之矣華山泡水俯仰高
溪爲豐邑記非僅爲豐邑記也嗣今當牘列昔賢見聞
之所不至邦人士宜博採之以佐尹斯土者上報
明命

葉子異昇平鼓吹詩序

往予授經南陽子靜子敬子美子異昆弟四人共晨夕
子異年十三最少天資卓犖非高文典冊弗肯誦其謀

篇也官思深入一氣往復或竟日不就稿詰其故則曰
無可言者予時雖呵責而甚異之嗣後予客遊四方閱
五年歸家則昆弟皆爲名諸生矣訪其業自制藝以及
詩賦古文詞靡不溯流窮源極其歸趣今子靜家居坐
講席子敬雖成進士猶未服官而子美竟不幸早世子
異慨然激發講求經濟之實思有以佐昇平而戮力以
報

國家之養士客歲走京師就雍試不售益求修己利物
之道予愛其志之正氣之壯也南陽自忠節公後其父
兄子弟日夕所策勉大旨不越乎事父事君子異血性

花譜詩文小鈔

士

過人尤肫摯於倫物之地去冬予奉

召入都相見時喜予垂暮之年受知

君父感而泣數行下蓋師弟之情如此我

皇上知臨萬類容執敬別天人之美備矣考昔帝堯居

已位之終大禹八年迄今爲六十六甲子適當午位成

物之中數貞符協應源源而來聖人讓善不居史冊或

有不及詳者擬作詩恭紀之而未逮子異以斯編示

予寶獲予心矣第予之不戚戚于貧賤子異能知之異

時無玷清班涓埃之報當有以益我其他著作瑰璋成

一家言副憲王公激川譽之不啻口出見者自有定論

弗侈也所以其道論交本末者子異有鑒於予則得失
可安於義命有戒於予則古人捧檄而喜子弟之分宜
爾也士不能捐有道之恥自謂泊然于富貴直文其倫
情耳豈可尚哉子異勉之矣雍正庚戌夏日序

題李白太山觀日圖應 教步韻

朝暾出東溟日觀爛金銑未能五岳游想像景色善秦
皇漢武時方士曾數造三山縹緲間蓬萊水清淺嗟彼
荒唐辭亦若稽墳典曠哉豪士胸錦輪日旋轉天光蕩
岩巖登陟恣游行足下躡浮雲雲中聽鷄犬瞳瞳整衣
冠扶桑湧少選明霞萬頃紅雷鼓升旒冕龍旂勢招搖

花語詩卷鈔

三

翠罕擁雕輦烟霧清鴻濛蜃氣條掃免萬國曜離明玉
宇光華展齊烟九點中我生勞重繭南北每馳驅高深
猶未辨好覽名山圖如觀蟲鳥篆老至雪盈顛對此思
龜勉辱教成詩篇蕪詞隨手剪歎息懷古人瑤華珍妙
卷日監即在茲敬之天惟顯

閩善士徐公祠詩二首

血氣心知共此身全於近取見求仁難平覆載生成憾
疇觸安懷老少神塋斷登場談學道寒冰結隱貌陽春
珠璣玉屑曾非寶畛域先分已與人

明德無過孝弟慈夸言高妙總支離先生真樹人倫

懿行全消暗室欺幽贊鬼神明禮樂下稱白屋上
形埤辨香遙寄新祠宇南望仙游繫我思

曹謬廷同年爲予題照燈下賦謝

火熱砂紅只寸心論才事事愧儒林巢由傲世仁先絕
荆聶酬人義未深佔俾每思觀大略疎庸何術報
當今高誨直喚三更夢月照孤檠仔細吟

恭擬

皇五子祭 怡賢親王文

嗚呼金潢玉派牒書已載夫功宗白露蒼葭情款初申
於豪素洪惟我國家

花語詩卷鈔

四

聖聖相乘元元永慶豐功垂於奕葉駿業普於光天
皇祖萃六十一載之憂勤貽百千萬年之樂利逮我
皇父之綱之紀治規文武之弛張盡知盡仁心闡唐虞
之精一照臨同於日月覆載並於乾坤稽彼官常師濟
協寅恭之度允惟 叔父對颺翹翊贊之班其體國也
則以公忠其接物也則以平恕其臨幾也敏而果斷其
度務也慎而精詳其別品也無遁形其器使也無求備
貴寵已極而謙冲自如聰明日增而問學不怠人才舉
於位沾榮者未嘗知其由民命請於朝被澤者未嘗知
其惠至若物土之宜而制其利去水之害而成其功德

昔羣黎事超往古凡茲懿美更僕未終宛厥儀型臨池
欲絕宜乎

聖情深悼

詔旨頻褒勅禮臣以易名痛生平之難樂品題惟一字
先王之與依昭公論在千秋大雅之稱應遜某同爲猶
子誼獨倍於尋常况屬永離勸曷禁於獻享憶自八齡
痼疾醫束手而罔施寸七金丹劑乍投而立效非由至
愛莫保微軀從此永懷寧忘再造矧復隆施煦育曾弗
異於瞻依異語丁寧每重申其訓迪用遵

皇父之命以志罔極之恩卽溫清愆冬夏之儀而定省

花語山房詩文鈔

五

切晨昏之隱方期佐廊廟之黼黻舉一世而甄陶極府
事之修和登斯民於仁壽何天不弔降此閔凶使
至尊宵旰之焦勞彌甚某提攜之夙願未酬此固家庭
骨肉之私實關社稷蒼生之戚然而體具矣用周矣存
順矣歿寧矣 叔父靈爽與

列祖在天之神必相慶於重熙累洽以默佑我不丕基
矣凡筵如在庶鑒哀忱

特旨廟祀 浩贈奉直大夫玉林徐君墓誌銘

雍正乙巳丙午閩邑仙遊歲沴饑歉踊貴君竭藏以賑
日不下萬人期定奇偶以別男女籤分先後以便老少

井然翕然寒士不來食者則遣送其家隣邑莆田南日
山飢尤甚復輸金構米掌人分給前後捐賑八千餘石
全活無算指畫拮据積瘁成疾逾三月卒卒之日仙莆
兩邑人哭失聲者踵相接各謀建祠以祀鳴於官
天子方以睦姻任卹敦善樂施詩諭海內俾天下從風
歸於大同而總督高其倬巡撫常賚適以君事奏
大喜曰當世乃有若人乎可以培風俗矣爰錫

寵命贈爵奉直大夫蔭一子入監讀書顏其祠曰善勞
可嘉君諱萬寶字祖寧號玉林孝友忠信出天性少宗
伯漳浦蔡公世遠襲以庶常家居講學勵行九郡人士

花語山房詩文鈔

六

翕然從之君亦遊其門篤志實踐蔡公漢器之曰古所
謂善信者玉林其當之矣君年十四母病藥罔效刲胸
肉和粥以進母歿後家稍豐以不逮事居恒輒淚下父
享永年色養備至居喪致毀忌日哭盡哀出反必告必
面如存日值祭期他往必歸修建學校者三聖廟尊經
閣朱子祠費白金二千一百有奇修建橋梁者七在仙
遊者曰東渡曰石馬曰南門曰廣在莆田者曰秋廬曰
瀨溪在福興交界者曰江口計費五千五百有奇興復
浮圖之利邑治文明者三二屬仙遊東渡一屬走馬山
計費一千四百有奇施棺二十餘年施藥十餘年施衣

二年族戚才者俾有成貧者俾有養隣里有急必周積計之又萬有奇生平行一善事則曰父志也曰兄命也事兄如事父非稟命不行教子弟輩以讀書修行尊師取友絕比匪去匪黨隨機化導不厲而肅家人俱相親而善千指共爨雍睦中別嫌明微內外秩秩律身嚴而有度遭橫逆勿校卒時年五十遺命抽家產三之一實義田贍族與衆以竟前志君系出唐時狀元諱寅後寅裔孫博士日將始居仙遊曾祖諱霽邑庠生祖諱君璋隱德不仕父諱南諱贈奉政大夫祀鄉賢母李氏贈宜人配林氏諱封宜人子三錦湖臨錦本庠生今以蔭爲

花畱房詩文鈔

七

太學生溫文端懿能世其德湖篤學蚤世臨太學生需次縣丞雍正八年十一月甲申葬君於月山之陽子錦請銘於予予次第君之懿蹟慨然興曰君可謂仁人也已昔端木氏以施濟言仁而夫子難之非迂之也世儒乃謂仁惟其心不惟其事既無其事心焉用爲閩士夫曰君產皆手致非素封遇事皆傾貲以成之其于人也施而不倦然居室亦虛而易盈天道無親常與善人哉昔我高祖南雲家無長物而賑饑通渠廣行善事與君心跡頗相類嗚呼夫豈激于意氣同體之愛有然雖然求之必自門內始試觀君子事親從兄間雖窮居匹夫

一無所爲盎然和順之積足以育物矣則非孝子悌弟難言施濟哉銘曰君子有所欲而所樂不存有所樂而所性不存安懷之願聖不能滿而存順歿寧者心德之肫肫君之勤于任郵千百其慮好在中心億萬其人大吏稱之曰善

恭送

皇五子奉

花畱房詩文鈔

六

命告祭 闕里文廟序

孝經出而六經之縉萃春秋成而五始之義明書曰亶聰明作元后元后作民父母又曰作之君作之師惟其克相上帝寵綏四方夫作元后矣又作父母以尊統卑實以親聯疎也作君矣又作師以貴治賤實以賢治不肖也堯舜禹湯文武盡元后父母君師之職於當時孔子詔元后父母君師之道於萬世後聖有作斯道如日月經天江河行地者斯文在茲也漢唐宋元明之英君哲后無不北面祀事

孔子顧德未克聖敬亦未克至至於我

朝而典禮爲極盛

聖祖仁皇帝東巡至於魯謁

孔林步入廟九拜古帝王末之能行也非有天下而不

與奚能若是故曰禮卑如地則知崇如天惟我

聖祖仁皇帝之聖

孔子而後一人也

皇帝踐阼述

聖尊

師靡不極至又以孝於

列祖之心推

花語山房詩文鈔

尤

先師欲孝於其先之心封五代並爵爲王 闕里聖廟

曩者融風流行

天意良欲鼎新於 聖世也

皇帝命司空勅方伯鳩工庀材三四年於茲誥誠訓諭

絡繹於道一棟一桷皆按圖授方悉出

聖意歲庚戌九月工竣廼親攷諸典作籩豆劬房託始

告成之祭以獻享於

先師禮臣請王大臣之承祭者而

皇五子恭奉

特旨行

皇子敬之哉將升堂觀車服禮器是

聖祖仁皇帝所曾九拜於斯也是

天鑒

皇帝之聖敬昭示上瑞慶雲紉綬於斯也

孔子東魯一布衣而子思子謂祖述堯舜朱子謂祖述

者遠宗其道夫堯舜之道何道也孟子實嘗言之堯舜

之道孝弟而已矣禮樂刑政胥於此乎出民胞物與胥

於此乎推

孔子曰吾志在春秋行在孝經故其托諸空言者所以

教萬世爲民父母之元后而其見諸實事者立一時臣

花語山房詩文鈔

辛

子之極故自天子至於庶人皆當學

孔子學

孔子如何期盡乎爲子爲臣之性分職分而已今者肅

將

大命祗承大祭將昭我 朝之盛典以式百王將達

皇帝之聖敬以福萬世

皇子之孝在是

皇子之所以學孔子者在是

皇子敬之哉記曰清明在躬志氣如神詩曰溫恭朝夕

執事有恪

皇子敬之哉

皇四子樂善堂文集序

雍正七年十一月成天蒙

恩召至京八年三月得入伴

皇子講讀草茅微賤不諳天下事惟洛誦聖言粗識義理辰入申出竊異崇高富貴之地何功之密而心之虛加於寒賤也日既久竊見自孝經四子易書詩春秋戴禮以及左國史漢唐宋諸家之文靡不淹貫性天之微妙綱目之是非政要之從弗名儒名臣之論理論事達人騷人之言憂言樂靡不列眉指掌而究其精詳所著

花語山房詩集

主

作若論若序記若銘贊若賦若詩盈千累百靡不內朗外潤從容愜適於規矩之中乃踴躍歡忭念我

皇上之所以爲教

皇子之所以爲學至於如此也氣質既已清明義理既已昭著問學既已淵洽而言動愈以恭謹以成天之罔陋所挾者惟此款款愚誠耳然土壤細流山海之高深未嘗讓且擇焉蓋所見者大而所志於聖人之道者篤矣秋日清暇

皇子自披其所著擇其中什之三爲一集而曰知之匪艱行之維艱予之言其無謬於古先哲人之言乎果無

謬矣其敢遂謂幾於成乎昌黎云愈之所好者道也惟恐人之以文視文也老泉謂非天之所與求一言之幾乎道而不可得不亦夸大其枝葉乎吾非自珍其文將取以自驗也輪轅飾而人弗庸則爲虛車此之謂矣至於不涉理不涉事可以助人養心者有三曰樂音曰山水曰詩詞賦亦古詩之流吾將當樂音山水而資其養心也故次於後

皇子錄而存諸座隅者以此成天奉 教序簡端繹思

經月無踰

皇子面詔之意惟恭述

花語山房詩集

主

知遇之隆紀課程之實且以見

昭代文明之盛薄乎四海者始自宮中云爾

皇五子裕古齋文集序

道至堯舜而明法至文武而備文至洙泗而準文也者道法之所會歸也周秦以降逮於魏晉襍而無章者不必言太史唐宋諸家之善爲文者皆淵源於洙泗而未盡其微者也文不淵源於洙泗而欲淵源於太史唐宋諸家失其本矣源流者洙泗之通津也惟其得我心之同然也舍同然之心得逞各具之才華矜方隅之偏見泛舟於潢池行潦以談遠遊不亦惑乎文之障且蔽職

是之故 國家文教昭宣被乎海外

仁皇帝尊崇先聖并加恩六子以醇羽翼斯文之功晚

定周易折衷性理精義

聖學之高深示焉羣儒之奧美萃焉我

皇上遵

聖祖之教以爲學卽本日新之學以爲教

御書揭學堂之楹曰立身以至誠爲本讀書以明理爲

先約之至博之至矣

皇子昆弟講論同誦讀同博聞強識同朝夕所祇承者

惟此兩言常懸心目故採擷極乎百家衆說而所契者

花語詩集卷八

聖

濂洛相承之旨持權以較輕重揅度以度短長無或爽

者是以信筆直書而咸當於理發於誠曷嘗斤斤擬之

曰我所爲文效何古人而自無不古何也太史唐宋諸

家豈更古於堯舜禹湯文武周公孔孟哉誠至理明所

以爲人盡於是所以爲文亦盡於是根柢深固而下霄

拂雲枝葉敷榮曷足異乎學莫先於定志一以貫之如

是而已成天既得敘樂善堂之文矣復得敘稽古齋之

文無殊意則無異詞特未盡其義於前敬畢其說於此

跋王筠齋悼亡詩

宋玉悲秋亦無端而寄慨莊周齊物不得已而達觀情

者大抵緣慳才高者半爲名累筠齋榜虛一第文固

五窮讓其命之迦陵雀眠偏獨分雙游之比目魚伏常

鰥鏡剖半尋生別竟成死別絃更三絕舊愁併作新愁

况賢淑之尤彰乃清貧而加劇魂招無處恨積安窮銷

沉此日孤吟剩有沈腰潘鬢恍惚他生殘夢可能梁案

桓車蜀道鵲啼聲聲灑血峽江猿嘯寸寸迴腸開編而

字挾酸風搖筆而韻含楚雨已成小傳再跋短章

題沈默夫孝子傳後

沈孝子名清正字默夫別號蟾陽華亭人少孤

母以守志不辱赴海死比弱冠泣血尋母屍至

花語詩集卷八

四

寧波出蛟門之險風濤大作昏黑不知所之舟

人震恐任其漂泊須臾入一島不知其名孝子

泣血登岸島人詢其故因言其年有浮屍止涯

不去衆收埋於此計之正合夜宿其旁夢母呼

其小字慟而覺遲明掘骸登舟風恬浪靜歸葬

故里人咸謂孝感云張少詹照爲作傳縉紳先

生題者甚衆

從來至行須至文從來奇事須奇文事奇行至紛楮墨

筆花怒發排烟雲前年栖托清河邸蟾陽高潔舊播聞

今年冬盡喜交臂玉韞珠含未盡君焚香讀傳三息

拜伏牀下初殷勤缺陷天倫血淚併至誠郁烈蒸蒿惹
忽然海天翻混沌指南有器不可分隨風掀泊得指點
骨骸竟收荒島墳夢寐生平呼小字乍醒痛髮牽衣裙
登舟尋返蛟門道水天一色入斜照歸來作城鬱松柏
潛身玉局卻世氛寒不忍爐暑不扇不婚不宦不血董
瑰琦苦心覓莫企正是庸常君子羣嗚呼孝德乃臻此
高潔全其烏足云

擬西山儀鳳亭碑記

欽惟我

聖祖仁皇帝覆載生成德洋恩普凡有血氣莫不尊親

花語山房詩集

美

皇帝敬承大寶濬哲文明夙夜基命宥密正朝廷以正
百官正百官以正萬民宏綱具舉細日不遺海內之氣
清和咸理才俊之士爭自濯磨于于然願進於闕下黃
髮之老扶杖以觀德化之成乃八年庚戌正月二十日
房山縣朝旭方升衆鳥無算或先或後若拱若揖衆咸
異之須臾鳳集於山顛五彩耀日照映燁煌自首及尻
自身及趾仰而望之約皆袤丈官吏工匠居民千餘人
懽呼慶忭因繪圖以進

皇帝曰予眇眇涼德何以致鳳之來其勿宣示中外事
遂寢閱明年大小臣工及百姓見聞之審者咸曰

皇帝之聖德若此

皇帝之聖治若此

皇帝之讓善不居又若此臣某督工採石其地既稔知
共見共聞之確實非誣矣而使

天心之昭示上瑞不傳信於來許則聖恩岐嶇可以無
紀載而唐虞三代之盛必難紹於後世也其若臣子之
義何臣以衆言之當於理準於情用敢復奏於

皇帝勒石以垂奕禩讓猶前乃叩首再三更陳其狀

皇帝曰審爾其

仁皇帝之遺麻乎女慎行之臣某乃建亭於鳳集之岡

花語山房詩集

美

碑之以紀其實云

雍正八年九月烏蒙苗獫之變司獄陳天錫先殺

其妻妾而自殺游擊劉崑陣亡妻張氏謂二女

曰我爲命婦汝亦義不可辱賊手惟一死以報

國先殺二女遂自殺殉節時從容以三歲兒托

其生母吳氏曰保此以存劉後吳亦自殺事定

後總督鄂公取而撫之

聖德宏柔遠苗民梗就頑容光偏映日一死竟如山義

著簪纓末恩酬巾幗問懸知股肱誼體恤倍相關

手荆節媛

節媛予同年直隸張聖贍室也聖贍善病垂歿

時節媛誓從及卒分衣飾於家人撫嗣子而泣

拜夫兄何防少懈卽自盡

昔我同年友曾無相見期璇閨懸峻節蘭譜動遐思天上雙星影人間連理枝可堪悲宿草只合賦新詩

正月十五夜待漏東華遇院長留公作

焜耀王府街瀟灑友人室金吾例不禁往來喧午夕夙莫未分明假寐不遑息提燈冒飛花燈白絕行迹步近東華門解聲互門卒金鑰方寂然徘徊惟拱立久之更鼓過三四傳初疾始悟夜未深向曙杳難卽小憩茶肆

花語詩茶鈔

毛

中却得鴛鴦集舉止莊以閑言辭明且瑟謂矢靖共者衾枕自密果何能報涓埃庶幾安轉側

奉 教題畫

青黃碧綠滿山頭下有仙姝卉服遊薜荔作衣霞萼繁女蘿爲帶玉雕鏤芳洲杜若無人授瑤島瓊英獨自求北渚倘經帝子宅相逢應共說春秋

恭和

御製三月三日得雨原韻

萋萋生意淡根荄脩禊和風披拂皆萬國光華呈景慶九天膏澤沛明諧柔桑稚麥容胥悅比櫛崇墉兆已佳

自古情田恒大有笑啼愉佛塵

宸懷

奉 教題畫

五日遙傳競渡時米家書畫未相宜飄殿彩煥新旗幟邪許聲喧衆健兒鱗爪攫拏槳往復尾著出沒浪參差不圖暑退輕開招泖浦風光宛在茲

周易函書序

立言垂教之大在明人倫以正人心而已圖書之祕古聖人啟之以待後聖而修道之教不始於此孟子絕不言易然先儒謂孟子全身足易晉人喜清言王輔嗣注

花語詩茶鈔

夫

易雖漁獵老莊亦多深造論者至比其罪於何晏吾先子讀易滿萬編於易家之言採取至數萬罕有論著咸天兄弟侍側間有叩恒不荅曰所見何嘗不通以爲盡是便室易道惟廣大故易容新程傳朱義惟不針耳不針則能容容故足貴也老蘇作易論謂用機權以持天下直以蚌蠶而量天地之大矣聖人假年學易豈率人於不可窮之域耶世儒什襲燕礫大半若此蓋好學深思勉庸德而謹庸言者未易有其人也少司馬胡先生博極羣書湛精於易獨有神契約之又約而成是書成天不敏不能熟復其全竊疏觀其大段足詔於來學

發前人所未發者有二其他之奧義厄詞不與焉論河洛皆爲作易一全一缺一合一分一聚一散一無隅一有隅先後天互發則何之所疑而今得明證一也論八卦至六十四卦伏羲止是圓圖文王分列之乃爲周易則歸藏連山之各因時取義愈見因作數圖以明之繫辭曰易之興也其當殷之末世周之盛德耶又曰開而當名辨物始豁然大顯二也三十年前讀前輩汪堯峰集述某氏云周子二氣圖卽古河圖之圖古河圖並非若今時所傳先兄大不然成天殊是之以爲一三五七九二四六八十之數已具其中作易之蘊於此可見周子收斂著已聖人推開成彩體則圖而已足用則參之於洛先兄首肯焉先生其亦肇悟於此耶抑所謂不由師傳默契道體耶顧匠心而往時或低悟於程朱學者以其書爲營營嗟乎同非自然異非自然自然者同而異豈必墨守古人之言爲善學古人耶若顏若曾資稟不同若由若黜氣象不同而同育於聖人之門則如金之在冶朱陸之不能融也兩不相下也有聖人必合而一之也安溪李文貞公大學中庸異於程朱矣然其尊程朱也彌甚蓋見程朱所修之道在明人倫以正人心以行率世非以言率世且經始者難爲功踵事者易爲

力也夫文王之易已非伏羲之易周公之易又非文王之易孔子之易又非文周之易程朱之易又不必盡義文周孔之易而要不過乎明人倫以正人心至宇宙間凡有聰明易中何所不具又何所不受乎先生觀古心夷氣恬神較年七十有六矣視聽不衰步履如壯盛周折必以規矩教人娓娓不厭反復則其資深達原豈眇見寡聞者得望其肩背哉

送葉子敬宰常山序

葉子丁未成進士庚戌服闋謁選人得河南郊縣

上特簡常山常於浙爲要衝而民俗馴擾德以綏之才

以理之足展治行一也便道歸整行裝無旅次竭蹶二也

天子於忠孝之門體恤委至若此葉子誠求所以報稱者諄諄贈言於子予惟治道多端豈得以言盡所急欲道者惟溪明

天子仁覆天下之意而已夫以賢人之心測聖人尚有失者況乎以常人之心測聖人更況以細人之心測聖人哉如士習不可以不謹也士氣不可以不振謹士習而在明人倫振士氣在興廉舉孝今有司不能謹士習而徒摧折士氣自卿大夫以及諸生瑟縮畏蒞至不得比

於齊民請托雖不行而曲直任意清議亦塞尚有當於
聖心乎國計民生非兩事籌國計正所以恤民生上盜
下斂無所容而善良乃得蒙福近若三吳積逋一事
詔旨煌煌止查官侵役蝕執事者乃追呼四出及降
旨禁追民欠則又以民欠盡歸役蝕囚其役而使役之
家屬徧索於民議蠲議賑動以數百萬而徧困此東南
財賦之區尚有當於

聖心乎至于非佞折獄惟良折獄綸綍屢申而有司不
明不愼拘于一成之獄有明知其枉而委之無可如何
者且有顯悖律意而謂之斷章取義者若其顛倒是非

花語山房詩集

三

甲罪乙抵目見耳聞尤出意外尚有當於

聖心乎夫聖人之心言其神化精微則非大賢以下所
能測至其欲以仁覆天下也在唐虞之世微特九官十
二牧皆與堯舜之心同卽擊壤之民之心亦無不同故
曰比戶可封雖其才或有所未達其識或有所未周而
堯舜仁覆天下之心固皆見之固皆同之各用其仁以
仁天下而堯舜之仁乃以遂焉今則不然挾己之私鄙
而謂

聖人與之同既深信而不疑復展轉以相悞各以爲自
安之道在是忍使

聖王仁覆天下之心不能昭顯著明於百姓夫亦百執
事之過也天下大矣刑賞之故繁矣委措置於吾

君吾相而百執事詭隨其間猶治絲而紊之夫詭而隨
使人忘其詭隨而詭又使人忘其隨大雅所以再三申
戒也乃督撫之所以御下監司守令之所以事上其不
蹈二字之咎者鮮矣吾子勉乎哉以忠孝家風稟於天
者復毅且訥毅則有必達之志訥則內明外順不務以
辭折下必能以誠動上常山得吾子常山之幸也今吾
子信

皇上果聖人乎信

花語山房詩集

三

皇上之仁實欲覆天下乎必曰信也信則吾子所以惠
此一方而使膏澤必下究者取諸懷而足矣豈弟君子
民之父母敬爲吾子誦詩

方孺人傳

雍正八年春予始與筠齋王君晤於京西之澄懷園君
桐城人鄉居遠塵市貌厚而氣完學充而才裕闇然不
事表暴公車載蹟今相國桐城張公延授經文子淹留
未歸里而繼配方孺人於秋七月忽以訃聞筠齋垂淚
告予曰嗟乎傷哉我喪我閨中良友矣初我娶於謝生
女二人其室我者七年再娶於汪生子二人女一人其

室我者十一年獨孺人歸我歷二十有九年聚最久荼
苦最多行最淑而情亦最長生子二人與前生子女煦
嫗之無毫髮異事我繼母李唯諾必謹晨昏必虔家雖
貧滲澹之奉必具棗栗飴蜜之欲必周歲時祭祀必誠
必肅如涇相接雍雍然鄉隣相往來緩急必應馭下時
其饑寒節其勞逸曾無詬誶聲自奉則布衣蔬食而捺
作不衰得羸疾五載經理家政秩如也數年前我授徒
於城西病溫劇不能歸孺人聞之躬來侍湯藥不解帶
者數月我惟頰首牀簀以謝豈知雲且盈顛微名牽絆
佐我辛勤若此而我不及視含殮也悲夫悲夫方爲我

花齋山房詩集

卷

桐邑望族父兄皆名於時予共四人次子庠生餘業儒
孫男八人孫女二人外孫五人外孫女二人或羣聚繞
膝撫之惓然皆如已出臨終尚寄遺言謂我年老作客
萬勿過爲哀悼凡我所以縷述於君者誠欲乞君言以
表之不得慰藉於生前庶留助於歿後其爲我傳勿辭
予聆而次其語不敢溢辭以昭信也筠齋名士鳳康熙
庚子孝廉論曰昔先人於太極易通西銘正蒙皇極諸
書未嘗釋手成天年十五六時竊窺而若有得每爲經
義喜入其說先人輒批抹曰舍情而言性舍人事而言
天道舍小學而言大學士品之所以日流於僞也夫庸

德務行庸言務謹若徒獵取精粹何異糠粃爾時通身
汗下恍然見明德之止於孝弟慈聖人立教惟有人倫
矩之所以善絮也成天既切體庭訓凡一言一行之關
於倫理者必謹識之今君所述孺人行事亦殫厥婦職
供其常耳非有奇節顯懿炳耀耳目間噫是乃所謂庸
德也存順歿寧無忝矣微請予固當錄焉矧以致情又
敢斬筆墨

雍正九年正月二十日

恩賜

御書對聯恭紀八韻

花齋山房詩集

卷

試羽瓊條上延芳芝苑間靖共思古訓弁陋愧清班湛
澤承逾渥丹忱灑未殷卿雲更垂覆
奎藻得新頒流麗風神迥端莊體勢閑晨光懸二曜佳
氣時連山唐宋宜無匹鍾王未許攀
恩波流墨藩長此對

天顏

四月十七日有

旨傳蔡世遠楊炳劉統勳彭啟豐蔣溥及臣成天六人
進勤政殿中

命閱翰林科道部屬試卷

天語秉公審定諸臣既退

諭臣成天獨留傍

御榻前承

聖訓逾時恭紀一律

鴻文品列衆仙班清畫傳呼出柳灣

溫語丁寧公藻鑑

殊恩寵異霽

天顏勲華已煥中天盛兢業彌殷厥后艱運掌不忘無
逸所丹忱願罄五雲間

闕里祭器新成辛亥仲夏得觀簠簋銅登豆爵六

花語崖詩末鈔

臺

式恭紀二律

範金通古制禮器觀重華質蘊峰頭翠光浮天際霞明
粲芬信潔旨酒泛采嘉羹定初陳日輝煌出

帝家

聖主宏貽遠冬官善董成式型遵典則從革煥文明牧
貢分三品鑪錘會一清兩楹昭法守歌頌泰階平

聖從錄跋

是編爲陳先生龍正擬告其君而未及進者斟酌宛轉
易知易從大儒之本領見焉大臣之苦心備焉明愍帝
以英毅之資有恭儉之實而闇於知人卽闇於安民揆

厥本根在自用而懷諫也自用則忠良日遠懷諫則邪

佞日親手除奄禍卒任中人一指當前泰山不見昔明

道對宋神宗曰願陛下防未然之欲勿輕天下士神宗

拱手曰當爲卿戒之蓋神宗本虛中求治故契明道簡

貴之言然信之不渎守之不篤卒惑於自用之安石以

致紛更擾亂若明之愍帝則兩言者并不能入矣雖英

毅恭儉奚補焉當時有稱帝以漢文者震怒曰漢文特

三代以下中主奈何比朕嗟乎予聖若此豈有異於莫

違之辟哉委國柄者旣皆爲仁人之所必屏更欲求才

於一二新進干澤妄庸矯激之中天命人心如之何不

花語崖詩末鈔

美

去也故聲絕於耳色絕於目惡衣菲食而不能免於驕

泰之失者明之愍帝也然則克念作聖罔念作狂在從

諫與不從諫而已矣以陳先生之委曲開導碎金屑玉

而卒不獲伸其志進言之術有時而窮雖曰天命豈非

人事哉雖然言有關於一時者有關於萬世者此非一

時之言萬世之言也成天思輯資治叢書要覽而以斯

編冠其首數年前於全集中錄出辛亥仲夏攜入書房

恭呈

皇子交稱曰善因鈔本末工重繕寫以備觀覽蓋我

皇上之所以果行育德

皇子之所以祇承

聖訓於朝夕者心與理順善善之誠從容樂受而絕無矯拂矣天下慶幸之事孰過於此衰老之身涓埃莫報藉先哲之書殫愚忱於萬一

晉陽靈雨詩序

康熙五十九年閏進士南厓沈公出宰晉陽恭以事上惠以使下誠以宅中政通而情洽農忭於野商忭於市士忭於學雍正三年巡撫諸公以循卓聞遷沁州牧沁之悅之猶晉陽也雍正五年布政蔣公復舉於朝上召見擢守徽州雍正七年江撫魏公優其德而絀其

花語詩文鈔

卷

才爰去任

上曰沈一揆廉善吏也所至歷有成績魏廷珍獨謂非能吏耶改守汾州汾人久跋其名始至舉欣欣然若赤子入慈母之懷奔走相告以爲過望甫歲餘魏又以徵承審舊案參劾部議鐫級今年夏來京師予未獲謀面少宗伯蔡公公之姻戚也言公豈第正直平居急人之急憂人之憂樂善孜孜不稍倦因述尹晉陽時禱雨立應晉人士詠歌其事予覽而善之嗟乎暗室屋漏之爲無不暴於大廷廣衆者故積誠於人之所不見則必有迹焉昭灼炳耀於人之所共見凡古人之懿美見端於

一節世遂以其一節傳集義所生與義襲而取天壤也知感召之不一夾似偶然者實非偶然可以出而相天子佐太平矣山右自庚子八月至辛丑五月不雨公步禱於繫舟山山去治一百二十里頂有洞名白雲將陰雨則洞中浮珠纍纍而下衆見烈風杲日焦然壁間曰是安得雨者公禱入夜分忽陰雲四合不章雷電忘久早之威驟霖三日夜洞石始潤衆驚爲奇曰斯真靈雨也已然特晉陽四境霑足而止境外卽微天人相與之際其界畫分明若此高安朱相國與予概論天下人物稱公治行爲山右第一蓋履其地而知之悉也然則靈雨之零一節耳當於其素求之故曰至誠而不動者未之有也不誠未有能動者也

花語詩文鈔

卷

林蓬軒八十壽序

雍正壬子三月朔爲蓬軒林公八袞大慶嗣君晴江徵言於予予應之曰事莫難於無可言而強之言則莫樂於欲有言而導之言已復何辭哉憶自康熙甲午予與晴江締交京師公固予父行也閱十七年而又得與晴江同廷試同館選則又重之以譜誼矣當日相勗之詞曰苟背道義卽爲割席予與晴江相見時絕無膠漆形而兩心之肫然者十七年如一日溫不增華寒不改

葉庶乎武侯明訓矣今雖遠在京師然奉觴南面而祝
晴江之喜亦予喜也情之所願申者如此若夫純報爾
常其享大年裕後昆者實關係於人心風俗天道之所
徵彰請綴述以頌且示型焉蓋其大端在孝弟而其不
紛於外誘則守身如玉之功也公自幼攻苦力學入郡
庠第一爲名諸生後棄舉子業客游徧天下足跡所未
及者蜀地耳太翁數年抱恙產盡竭於醫藥之費太君
甘旨按時寄奉未嘗稍缺一切大事皆獨任之其達權
通變孝弟之略如此先世墓產所有無幾公創議錄積
初止四金今已千餘金高安朱相國善其事而特序之

花語山房詩文集

卷

族中有不能婚娶者量與之費俾娶妻爲嗣續計子第
有可造而無力從師者或代爲覓師或引之家塾皆有
文名堂伯叔父母有故而無後及有後而不能謀窀穸
者八喪俱擇地葬之且有宵小阻撓致訟多費不惜從
子殯發婦無子既營宅兆并爲婦作壽域日千吳先生
志潔行芳公少所受業也歿無子葬之辰山置位於點
易臺買田供祭祀呈官勒石歸道院以垂永久并爲擇
族子後之曾借一友銀未償友逝子姓杳然訪問久之
又久知其室尚在一寡女相依買舟造焉請見述故如
數還之兼有所贈育嬰堂中以五百金相助皆節研田

之入孝弟錫類之仁又如此至於與人正直訓家嚴謹
日用約素祭祀必誠必潔外內有章經緯悉當又焉能
更僕數耶予九晚弟婦公女甥也言公夫人去世後旁
無姬侍獨處近五十年斯真人龍也已惟慕不移於少
艾妻子而後情不衰於父母昆弟情不衰於父母昆弟
而後倫類之中克然四達不得其安自有不容已者身
世不隔此生常存公之所以裕後昆而享大年者夫人
能喻之夫人能信之不文之辭申予情以稱祝抑亦爲
世勸也於是乎序

南畝文集後序

花語山房詩文集

序

雍正辛亥九月成天與彭先生翰文直廬相比因得請
令祖南畝公文集焚香端坐讀之者浹日既竟肅然歎
興曰嗟乎扶輿清淑正大之氣其萃於茲矣斐然外見
者光明而峻潔廉直而該核不規規太史唐宋諸家之
迹而往復自如置勿論論其意則皆天地鬼神聖昔
賢之所急欲宣而假之公手以紹往開來者也姑陳其
槩今學者之大病有四學舍誠僞而角異同程朱陸王
幟立黑白若整菴羅氏見雖未融猶自執所守清濁陳
氏則以逢迎之術居閑闕之功

本朝醇若稼書泥其迹亦未達窮變通久之義而黠者

竊之性天莫識攘臂狂呼薄真修而尚虛辨甚至乳臭童子執筆爲文咸諱心學二字塞天下之聰明而莫之悟亦可哀矣公獨條分縷析不畏道聽塗說之詬厲皎乎若秋月之麗空湛乎若寒潭之徹底其清也如此易言積善餘慶書言作善降祥詩言千祿豈第蓋行善自與天合原非有爲之心不必更言無爲世儒執橫渠之言未嘗一檢其身而指昔人省察諸方爲邪說害人心術陽文以正誼明道陰實肆欲妄行是率人於罟獲陷阱中也公自序得力之由諄諄於無感之不應所以敏好修之士者至矣度天下居之不疑自以爲是者必猶

北語詩集

聖

然笑之非一體深切者不引嫌於多口乎其淑也如是曲學之阿世卽詩所謂詭隨也儀秦亦講二帝三王而歸結於縱橫富貴利達之徒古今一轍濂洛振興而後孔孟之道大明朱子折衷著述功實茂於他氏而修道之教人各自有其曲曲各自有其致君子亦仁而已矣何必同世之宗程朱非宗程朱也宗科第也而媚世者流從而張皇肆詆老師宿儒皆惟恐攫其鋒公則彰明較著其論於二三十年之前絕不塗飾理學於面貌非貞固之至而能若是乎諸生家試前列傳記能掇史漢詞賦能漁選本便翹然自異不可一世出言兀傲居然

登作者之堂公科名炳如志行嶠如家居不涉戶外而指陳公事慮周民隱則又藹如而確如成天祖父與公喬梓本有交誼特以微賤之身不敢一觀風範乃今始展遺文想見溫恭宛如初學其器度可涯量哉至其流行自在之機蕭疎寬綽之趣美不能盡其形容公神奕世不容泯後死者他日得從遊以侍於側尚望公之提撕也謹書於後

與張童子書

師魯世兄足下成天東海之腐儒也所居甚鄙質甚下學甚疎髮白矣才得一第又處囊自若而待

北語詩集

聖

賜於

君上遭遇則甚鈍而遲惟然故念才之難生平愛才之心較諸尋常爲甚摯比於直廬中得誦足下制義并見足下與貴年伯書所謂當建鼓精銳冰雪淨聰明冲齡乃爾半千長吉輩豈得專美於前哉竊不自揣朽拙與足下結神交爲忘年友可乎雖然旣友矣忍不布其區區足下謂涉海之小舟出沒於洪波巨浪中彼不自小而人亦莫得而小之似也抑其間觸颶風抵礁石飄忽簸蕩無所終薄萬斛之舟不知其幾何况小舟特足下未見耳沒人於此試其奇恒於此際其厄故愚嘗謂非

急君父之命海可觀而不可涉遊聖人之門毋騁言之
易而當思言之難海不觀則涇流兩涘之間不辨牛馬
河伯居然坐大矣海必涉則營擾於名利者日行險僥
倖安爲固然豈居易俟命之道哉騁言之易將泛濫而
務瑰奇汲汲然惟恐不雄於天下以文章自命而徐行
疾行之地或不察思言之難則慎之又慎猶懼其光芒
之露視百家林立無異溝澮行潦之集涸可立待卽求
古之善立言者亦識其美中之疵何敢沾沾以文自喜
哉記曰先王之祭川也先河而後海或源也或委也此
之謂務本足下其留意焉數月來謝一切酬應筆墨久

花語詩茶鈔

望

廢深愛足下才聊通未同之言度不予嗤也成天白

辛亥十月十三夜開吟十首次和張景彩

虛室雙丸炯照臨巖廊曾不異山林喧依芸氣當窗負
味薦芹香傍澗尋霞彩層層瞻嶺翠風聲謾謾松陰
得閒偶觸長吟興咫尺仙凡兩地心

蠹簡孤檠認未真迢迢養夜小陽春靜中觀妙思傳火
意外沾榮感積薪豈羨大烹陪列鼎未甘美睡藉重茵
尋常投報休提帳轉側難忘拱

一人

惟看伯仲協塤篪蒲柳先秋矧後時爰下焦桐收逸響

日邊仙樂引孤吹量才玉尺豐城鑿擊鉢金聲大歷詩
沙路

兩朝增築永清齋願早計酬知

砧杵聲聲逼夜涼草間久已息啼蜚勇夫仗劍誇擒虎
童子揮鞭解收羊寒意幾番侵坐榻幽情一縷結焚香
甲兵淨洗豐年屢

宵旰無憂化日長

我知從未嘆平居事事於人遜不如嬾記畏求天下務
略觀粗辨古人書青春歲月籌身世白首遭逢味卷舒
洵是涓埃何處答起看皓魄映前除

花語詩文鈔

題

繡虎雄才出一頭謝華啟秀錦囊收片言苑爾同參句
萬卷悠然獨倚樓庭內並兼三事樂胸中祗盡一分愁
難工易好言非信珠玉新揮轉豁邱

達生玩世遠蒙莊踪跡何嫌近踽涼似玉守身原抱璞
如蘭吹氣罕聞香峰頭日入烟凝紫林下風來葉墮黃
寒暑朝昏看遞嬗閒中消息上羲皇

客心常動暮笳吹壯士勲名正及時堠斥窮荒懷漢代
功成薄伐詠周詩南交篋箐平殊速朔漠旌旗捷尚遲
六合一家宏覆冒非關遠略奉無私

百年鼎鼎此春秋遙望宮牆佇見收簣少爲山艱就仍

汲溪懸綆未能修便游帝里三條路不躡人間百尺樓
容膝空空安弁陋平生惟恐願名流

若爲數去是相知琴意猶難覓予期賜具九迴迎善士
香留一瓣待吾師敷陳國是慙今日佔俾生涯憶舊時
開謝燈花吟思倦疎櫺月影已全移

人日東懷欽肅巷五首

紅雲南望識星杓一寸丹心萬里遙官府邊庭皆倚重
勲名不數漢嫖姚

經略談邀

聖主知中樞旋見使星移洗兵自有安邊策范老胸藏

花語巖詩文小鈔

聖

十萬師

霜風凜烈塞雲秋瀚海妖氛指顧收書卷常開刀劍寂
功成何必話封侯

腐儒忠悃不消磨恩澤榮分太液波憶昨西園供奉日

芝軒度訪雲蘿

絲勝風翻戶戶鮮昇平景物度堯年鳴沙春色知何似

人日題詩寄遠邊

七夕和韻二絕句

三年此夕又京華耿耿星河忽憶家場圃尚分兒女聚

黃葵青菽點茄瓜

誰家月地能拋月何處鉞樓不弄針歡笑人間無着意
高寒天上早關心

題施芑洲惜分課子圖

高潔秋容話惜陰展圖如見古人心父生師教尋常事
顏柳風規擅藝林

送同年朱君鳳英孫君人龍鹿君邁祖孫君灝奉

使各一首

十年師旅軫三秦新咏皇華遣使臣此去無勞司馬檄
瓊瓊飛動舞歌頻

甲兵十萬富於胸樽俎由來具折衝有勇知方憑化導

花語巖詩文小鈔

聖

敦詩說禮儘從容

千秋炯炯此良知忠節家聲夙所師蘭譜幸從天作合
文成勲業好今茲

西秦俊傑自同流定曉征師議迢遞指顧功成書露布

生花彩筆顯風流

復雷貫一書

某生長海隅日與鄉人伍其知名者不屑與僕交僕亦
不得其實不願友之故兄聞甚簡追憶初學時喜錄古
人論學語實無甚志向先兄亡弟俱英敏成天賦質獨
鈍不過欲竊取往訓發揮文辭耳猶幸父師之教先之

小學一書爲童蒙根柢稍窺一二便思近裏卽討究經書非爲應舉起見此可以自信可以告人者也但思柔不克振拔悠悠白首迄無暢然俯仰之一日生平於事親從兄尚多缺陷何足語上達之妙先生玉質金相律身加謹尊師承稱之間風觀而愧仰無似伏承不棄惠教懿言引掖深矣念德期自修學期互講不揣謬思披露於有道之前惟先生就其所明通其所談幸甚幸甚昔我聖人於言行兩端諄復不已慎言之功不減敏行故多聞矣不可不闕疑矣又不可不慎蓋其難也無論其他卽綱目中尚有一二未審者得謂大書特書之

花語詩集

聖

下遂宜斷而不存疑乎爲我害仁兼愛害義陳仲子害廉告子不動心害道鄉原害德心乎天下後世者安忍不辭而闕之雖然求之必以其實辨之必當其時今謂明季之亂亂於陽明僕不敢信也謂學者之壞壞於陽明僕不敢信也謬悠之口人云亦云特張幟以獵譽耳竊謂整菴稼書之罪陽明究未識陽明格物之旨實與孔孟同符也淵源所在其說長矣不能多及忝屬知己樂布區區然恐大惑終身不解則所望於良友之提撕者不更亟乎別集一本舍問適錄清寄到奉塵台覽乞

賜分別批抹短長爲禱七月二十四日成天頓首

復陸右廷書

旅中形束神寬可喜可喜辱示二曲集此吾道宗傳也非既淑其身實心淑世者不肯如此和盤托出孟夫子言北學於中國北方之學者未之或先也直至今日而一絲不錯南方學者依傍門庭追隨習尚修飾文貌必不肯求自得充其極能分別品類斷斷自守而止其實好惡之分量未盡也自濂溪徽國象山陽明白沙甘泉諸先哲間氣鍾靈而後濟之以文章事業前季復有涇陽景遠幾亭念臺啟厥闢與洋洋纒纒似南優於北矣

花語詩集

吳

其實不然後生末學日事口耳辨言繁興居然衛道簣鼓一世之人奔走恐後藉此以獵聲聞卽如令母舅王范之庶乎僕士猶然掩耳盜鈴愛僕而詔僕曰子才甚高品甚正他日名必甚籍但勿櫻世多口也僕荅曰才品不又中人名非所望至於多口之衆不敢櫻亦無可避范之嘿然其意蓋在朱陸必不可合又惡僕詆陳清湖爲辨言破道事逢迎耳僕思本朝來南學者惟一稼書可謂醇矣亦執而不化死桀以靜坐爲非夫靜坐豈衆話頭之謂耶其醇也由氣質之清明其執也蓋所讀之書有似然而實不然者逮呂留良一味狂呼亂叫塞

天下之聰明而羣視爲正鵠孔孟程朱之道烏可使若輩假借之以盜名惑世哉沒不能保其首領豈徒悖逆所獲罪於幽明者多矣二曲先生隱居不出而一生觀感之迹夫豈大賢以下者可幾況得時行道當何如哉僕年逾六十不但未讀其書并亦未聞其名若此固陋深足慙愧莊誦自維詣力萬不能逮印證無不脗合所岐者僕猶有文章之見二曲并此泯之文章又未嘗不妙吾師乎吾師乎恨不能生同時居同里也然垂老獲知得以自堅所信非偶然已惠我之功其敢忘耶大槩吾人不識性體縱言誠言敬俱屬隔靴搔癢能見性體

聖

一切應事接物差處自少物欲自不能牽耳所緊防者惟靜中昏惰須知二字之病聖人而下惟顏子始克除故聖人特稱之外此德行諸賢皆不能免敬以敬昏誠以敬惰在此時此處比應事接物尤爲喫緊此之謂慎獨此之謂終食無違君子密於不動不言豈不期然而然者耶此事從不與人言非薄待斯人也功力未加言徒見諸况不躬行而斥異端者比比是耶二曲形著動變故足貴耳士品有三道德中又層級無數緣與賢者淡言不覺墮墮致此閭中友人若雷貫一好學深思律身甚謹若藍玉霖博雅磊落具經濟手僕咸樂與語然

亦未嘗及是足下年力尚有爲當向高明就正所造何可限量如僕者衰老之軀空疎之學無能爲他山之助先賢謂日知非便是進境以此奉贈來集未還猶欲細詞也敬復

學統論

學固有統相繼者是也相繼者何在知而已矣或見而知或聞而知其知耶則前聖後聖猶同堂也同者未嘗不異異者未嘗不同要於天命之本然而止其不知耶雖循塗守轍終於妄明妄見居然欲爲吾道之干城適豐屋蔀家已耳蓋所謂知者卽明德也以成功言之則

聖賢之學

五

曰明明德以入門言之則曰致其知身心意家國天下皆物也惟此虛靈之知所以格物而不物於物故先無可先意誠則明德明於意心正則明德明於心身脩則明德明於身家齊則明德明於家國治則明德明於國天下不則明德明於天下而總於知乎造端孔孟程朱之所以覺天下萬世者惟此吾讀其書而足以勵吾之知者是率我於孔孟程朱之路者也所當從者也讀其書而足以障我之知者是阻我於孔孟程朱之路者也不當從者也程未出而孔孟之學明象山陽明出而程未之學愈明揭此知於天下萬世今古真一息人人可

自得矣其異也乃所以爲同也豈得橫分畛域哉近於友齋得孝感熊公所著學統一書分正統翼統附統雜統皆王文中陸象山陳白沙王陽明爲亂臣賊子比於荀楊之列夫文中中說朱子亦稱之卽元經帝魏之微意惡南朝篡奪亦深有合於天人何可厚非其僭至象山白沙陽明實聖門之狂教言不無或過然啟發人者宏矣不深究其指歸而屏之門牆之外正所謂懂懂往來朋從爾思耳奚足語同歸一致之詣哉且使道聽塗說者展卷便若瞭然是與於不學之甚者也何統之可云挾區區倚著之知遽以衡量古來人物曰學之統如是如是未有不略躬行而資口給者

與陸右廷書

庸言當謹精言愈當謹庸言不謹則滋玩而聖人之道不尊精言不謹窮高極渺必流於蕩談淫邪遁托其間而聖人之道幾晦蝕矣龍谿語向惟散見頗不然之寧使不能窺其蘊奧所守一奪何所底止承示全集得細披閱亦知言之一助也幸甚幸甚首揭天泉證道厚誣其師而輕略其友若雲門問荅顯然罅漏豈得免賢知之過後來如李贄一流實有以啟之非斷獄者深文曲罪也始則絕人而言天其勢必將天理人欲攪做一

龍谿王先生全集

團能不禍世愚少時卽愛誦性理却無所入後得陽明與鄒東廓大學中庸之論乃恍然千聖淵源而入程朱之路是陽明導我於程朱也故世以陸王爲異於程朱卽陸王自以爲異於程朱而愚之學之者竊信爲毫無異也二曲與予委有如蘭之臭生平得力此而已矣程朱論學間有不能釋然處論學而欲駕乎其上也難得必失庸可恃耶龍場憂患之地未全讀程朱之書故若創殺者然其實在濂洛範圍中耳至于良知見端不越言行五倫時時省察尚恐有誤伯玉欲寡未能聖人便加贊歎乃謂一覽普照自能萬事順應而一無謬戾此由仁義之事舍生安誰與幾此而致良知者遂謂直達其域津津壺壺不擇人而告之豈非向羹藜衣褐者誇熊蹯之美狐貉之溫耶深山窮谷之中石隱者只有此身日證空虛其妙明何所不極然施之天下國家必不能使物各得所況不離飲食男女而謂一徹洞然萬端經緯卽無差忒則好問好察俱爲多事矣不亦妄耶凡惡無巨細皆有形有迹凡善無巨細皆無聲無臭愚嘗謂陽明未究善字之義必曰無善乃至善二曲最所服膺而學隨一冊猶延其謬贅無於善異乎吾所聞矣然二曲從庸行立基故深得陽明之旨足以垂世立教龍谿

總以無善無惡爲根柢全集汪洋不脫此窠臼世謂陽明高弟愚不信也緒山謹守不失其傳望構其集覽之不盡

又與右廷書

可使由不可使知曰民者樂辭也豈惟民哉庠序之設祇以明倫儉明而天命行乎其中勞來匡直輔翼至於自得其親義序別信之性猶是所當然非所以然也血氣心知之衆但安於日用飲食無悖典常尊卑老少貧富各守其分卽爲化理惡得以聰明睿知上哲之資樂望天下哉是故唐虞三代之盛所以率由者其具四

世之莫古若則家異教人異學儒生之啓其學者

勝而未已也漢唐傳經淆於讖緯雜於訓詁經學未明也昌黎蓋世之英領其宏綱巨目而未盡其細至宋文明大啟接陳泗之傳於垂絕之後而程朱獨爲世宗者以使女不失使由之義故也如無知只作謙言無所成名不爲贊語天下歸仁爲天下許與皆防過高之弊其思深而其慮遠矣向所佩服姚江在大學格物卽中庸慎獨一言超拔天下有志之士於聖賢之路其功非小此則疑程朱之訓猶爲紆曲而姚江似更蕩平相反而實成非背馳也然滋議紛紛僕稟之如嚴師冒

原缺

旭日重明太紫迢三辰不貸九瀛朝西門掌筦

栗姚霍北斗推車主吏蕭乙牘曾聞經兩月子

虛得意亦通宵誰知麗則蘭臺筆桂落秋風嘆

寂寥

鼓響春宵任夢遷賦中指點一悽然豹闢秋月

微明夜鰲禁春風料峭天未比壽雕經四代內記

太宗時雕
仁皇帝曾賜
名雙曾看雙柳鎮三眠賜春園直房對雙老柳夾徑立從柳下
得轉入卽有內家舞諸王亦不得過此

柳灣君如欲補清涼苑能說

先皇避暑年雍正甲辰夏日同學弟張照拜手題

燕京賦 題詞

以雅以南有典有則探劉氏之墨莊吐韓公之
丹篆宜其句句負拔地倚天之勢字字成龍文
虎脊之觀也昔人稱左太冲三都追配平子于
時有孟陽淵林分爲之注然劉孝標謂注卽太
冲自爲嘗讀其序末云聊舉一隅攝其體統歸
諸訓詁則爲自注無疑今讀小序此賦泯泯乎
兼三都之美矣祕書之徵張華之賞亦於是操
左券云雍正甲辰九月年春弟嚴民法謹題

燕京賦 題詞

燕京賦 有序

雲間 顧成天 良哉 著

雍正元年五月予以公車入國門客有以燕京屬
賦者旅館書艱羈人興索聊強應之嗟夫學如元
凱方成癖文似相如始類俳况學疎文陋而徒得
其癖且學其俳乎子雲謂雕蟲小技壯夫不爲况
老冉冉其將至乎然而摘詞染翰若不憚煩者閒
中日月何所事借以歌咏太平云爾有大人先
生駕輶軒採風俗縱轡于漁陽京以東爲漁陽地展軔乎上
谷京以西爲上谷地矯首析津之垣測步尾箕之宿北固漢書曰尾箕宿

燕京賦

燕京六度至斗四度謂之析木亦屬燕曰於休哉斯其都乎軒轅而國乎
顯項涿鹿高陽皆燕地小邑乎無終而爭傳乎孤竹無終春秋時國名孤竹國在永平府城南十五里天心地肺帝京形勢論曰斗拱天心帶環地肺音于肉附背曰肺狀極細也踞四
維八柱之神臯焉與抱乾開山自西北來東南去啟萬禩千期
之景躡焉地圖綜要曰地脉向中國東者三大支北絡發崑崙東指而東南行其正結爲冀州其支結爲燕東以
渤海爲疆西以大行爲域當其蟪蛄遙遙浮蟪蛄騰蹕騰蹕馳走貌見左思吳都賦二千里而會于碣石也碣石山在京東永平府昌黎縣居大海中天下之山三大者皆起崑崙山開顏至白登西一夫爲塞口大岳南折城歷恒山而北轉天壽山盡乎碣石海邊千
峰奔起羣插趾于蓬瀛萬派淵渟共息肩于大陸
禹貢大陸既作在真定順德二府之地一名碣石澤受水之處任縣距虎平寧等皆一帶每水發時洪無際獨餘碣石陽一

景山瀛臺

玉河西苑

廟社郊壇

賦結粉黛以相接
總鈞陳之散布
西都賦瑤芳列宿於宮是瑤註
曰若鈞陳諸星環繞紫微宮也

嗟難得而備詳其北則景山
明曰景山鬱秀而崢嶸
今改景山

其南則瀛臺
內苑
名睽眾而摩
翫敞掃濁世之氛埃

陋金華之仙掌藻牽碧綠荷
豔鮮紅靈草異木珍

禽奇獸充物其中玉河分流
經大內而注大通

波而雲卧
玉河水自西山環遶鐘磬
入經大內出注大通河中天然襟帶
不假人工長橋跨

煙雨沐而青葱
蘇輔城池考曰明季玉河兩岸闢以垣垣
本朝沿堤樹柳直接海澱居然神洲西園駕飛

龍之仙舟
今通暢春之上苑
門外十八里騰陌繡錯

而鋪茶
今鋪茶盛貌西都
賦亦麻鋪茶瑤林靚深而幽
絢列燈嵌空

燕京賦
四

而窈窕兮
遠山卷画而從
蓊亦準閭闔而啟門
兮

異纂芙蓉而開
殿規舜陞而法堯
階兮崇儉思而

殷燕見廣居無
外而號淡寧兮素
題不飾而羅俊

彥

聖人端拱而垂
裳兮周廬列戟而
分址

暢春園闕廷康熙某年
營造其朝見之所曰淡

寧居其南為南書
房詞臣入直其中周
廬衛

士馬也
說文址屏也
持也今址猶分衛也承天之東

太廟歸然西右方
壇

大社祀焉
皇城內承天門之左立太廟南之右為社稷壇四面有
門壇之周垣各依方色南有前門北有行禮具殿正陽

南左
園丘斯莫日月星辰
風雲雷雨嶽瀆山川
東西燦燦牛

旗幟耕藉

以上四既

總降成郭

宮闕中

街市應上

五行煥采

句

五

燕京賦

五

燕京賦

五

燕京賦

五

燕京賦

五

燕京賦

五

燕京賦

鹿成羣乎犧牲之所羽流分行于神樂之觀
正陽門
外之東

南三里曰壇垣周十里中為大祀殿丹墀東西四壇以祀日月星辰大
祀門外東西列二十壇以祀諸神海濱太歲風雲雷雨諸神天下神

祇東壇未為其殿殿南為齋宮西
南隅為神樂殿又南為犧牲所

其右則旗幟先農於是乎
饗三推九推於是乎踐

至夫六街弘肆九陌喧闐水晶之鹽百石霜春之
粒萬廩比筒登架黃潤香荃

齒珊瑚嶺表之火齊木難
黃潤香荃皆布
名布必以筒計日南之象

刺龍鬚
虎刺本細葉黃花朱紫可似食玩數十年長以
寸計龍鬚草細如髮土人以織席一席之價數金雷濱之

鐵梨旂檀挹婁之紫貂赤玉
漢書挹婁古肅慎國也
其地所出紫貂赤玉哀牢

之罰
計
報
蘭干
後漢書哀牢求內附光武封之土
沃美產有蘭能昂貴蘭干諸物天竺之

燕京賦

五

燕京賦

五

燕京賦

五

燕京賦

五

燕京賦

五

燕京賦

五

宮與谷臭香曲瓊壓流黃之佩曲瓊玉之自然而曲可佩為鈎者流黃惟帳之飾且而
籬戴綠雲甌封紅友余茶笋柳蓴松鱸蘭肘海蟹
候江鯉沙翅石首綠雲茶也紅友酒也余山之笋其臭如蘭黃鯉帶中之魚以翅為美石首黃魚也
橙綠橘紅離白圓賦作離文白圓即橙橘木瓜金豆佛手
香綠昨猛銜尾餘腥接肩揚於而集乎天庖鼓柅
而散乎市廛物產之饒穀則玉泉美杭玉泉山石塘之稻甲于八府
紅蓮香糯粟秫異種而同形麻麥別宜而順土總
桔銓之紛紛叩老農而莫數風俗志云粟與秫皆有實有白而味甘秫米白者宜飯紅而粘者宜釀即所謂紅蓮糯也俗呼高糧糜米亦如粟秫今謂之糯則曰糯米方五穀之種雖老農有未曉者
蔬則黃芽菜頤于安肅黃芽即蒜芽出保定安肅縣者甘脆可方冬產磨菇分齒
燕京賦
于五臺五臺舊縣有天花地花標剪藍以薑芥煤薯蒿以鹽梅
芽藍華翠根藍其大進升為不露葵作清齋之長霜韭實拔
萃之才知無美乎薇蕨益亦味乎蒼菜蒼菜一名蒼菜
果則蘋婆賓李蘋婆果大如橘色無紅白花葉與西府海棠無異但小而微酸李與賓李二北地珍之實于古曰來賓又名虎刺賓亦類
梨羊棗羊棗一名丁香柿一曰君遷子實圓而色黑文官楔荆
文官果水生而實以核為果核大如黍果小如豆蒲萄煙果蒲萄之櫻桃一名唐棣禮記曰含桃兩雅曰櫻桃有紅白
桃李栗榛棗杏枇杷沙果金罌沙果亦稱金罌木則梓桐松
柏桐有數種梓桐琴材也梓桐多子取油者桐修潔宜園圃槐柳桑

榆楸檉梓榆肌理白滑無紋可為木板檉有二種唐時婦女立秋為楸木可鑲器物梓木雖堅不堪充材檀柞椿樗檀柞椿樗體重而堅梓一名惟樗實梓可用實可食斗可漆也
擊子可為鑿柄故丁香馥郁野棠妖冶丁香有紫白二種野棠名格氣香樗氣穢
常棣偏反荊藤搖擺迎春探春黃白飛龍飛龍花黃花白
花白草則龍珠雀瓢龍珠生道旁子圓似龍珠熟時正青實即詩有香草則龍珠雀瓢之所謂龍珠實時有紫裂開如蠟土人曰雀瓢
瓜入十魁復題艾葉絲姑之璫珥籠紗碧潤
之葛蒲記節絲姑一名洛神珠外垂露囊中含垂金盤墨記
垂金盤墨記垂金盤墨記
優鉢金蓮優鉢金蓮花
鼓子鼓子
燕京賦
多春結馬鞭一名龍牙水紅海蔘水紅即水蔘珍珠碧蟬珍珠花白一名龍牙
一名龍牙一名龍牙玉簪石竹玉簪石竹
金盞金錢金盞金錢
蜀葵叢菊鳳翼雞冠蜀葵叢菊鳳翼雞冠
若夫王者之香倘有心於滋樹若夫王者之香倘有心於滋樹
諸亭榭之間禽則鸛鶴鴈鴉諸亭榭之間禽則鸛鶴鴈鴉
海青海青
阿鷓鴣鴉阿鷓鴣鴉
符鷓鴣鴉符鷓鴣鴉

要荒之遠

其聲似而呼之如周公
阿婆劉麥插禾之類

紫燕黃鶯。畫眉窗滑。白鷺溪停。文

鴛交頸而感孝烏垂液而生。鴛宿必交頸烏生必垂液彼拖白之

練雀乃賦性之能仁。練雀名拖白練禽經曰帶鳥性仁何相思之小鳥。

亦匹偶之肫肫。相思鳥狀類孔雀畫必並飛夜則並栖籠其一則具匹守而不夫紀元無取

乎神爵漢宣帝時鳳皇見改元神爵斯編氓弗異夫鵲鳴鵲鳴仙鵲亦神鳥也獸

則虎豹羆狽羆似狸而大行似狸而小野犬也麋鹿豺狼狐狸獾貉獾似狸而大行似狸而小野犬也

甚多野狐亦不一攢短尾尖嘴蒸
食甚美略似小狐善睡故曰狐睡
鼬兔熊獐鼬兔名黃獐
是亦可作筆波斯

之貓拂菻之狗波其菴恒火拂菻狗極小今爲京城土產橐駝之盛如羊驂

駟之羣則友駟虞之獲在原麒麟之生在藪

水族則鰲華之鯉灤河之鮒鮒出鰲華水山者金

燕京賦

石鱖之一笱萬魚

石髓小已徑寸生山溪巖石中水
蘇則與之俱下土人梁之為羹食
白條之百錢數席麵條乾而

市之價。魚方扁。蟹蝦蟹咸。給彼夫。屈膝挫角。重斲。寧

譯左言侮食之君反踵貫頂之長善芳與吉幹俱

來露犬與紉牛並入亭于漢外環貢于海神者

百有餘國狼烽灰燼王崑山積聚絲略而指陝伯

能殫其什一至女汝汝汝汝高羽獵賦至優沈容散主

走之衆 攸路往來 獵賦駢衍必路 鳥簞導拔屨重方陸

風伯爲之清塵雨師爲之灑路
火神爲之壯火天孫爲之織
雲織女爲之織布

慈爲之涉雲興爲之旋軛居塵爲之叩以弔

雜處之衆
應文物履
豈而性句

為之雨射欃槍為之闔戶千乘萬騎雲屯雷起或

遠狩于長林或近蒐于海子。海子在京城南二十里舊有下馬飛放泊內有按鷹臺永樂十

二年增廣其地凡一萬八千六百七十畝乃舊縣之遺址也其地東至海子故別名南海子所中有海子大小凡三其水四時不竭以禁城北有海子故別名南海子

挽鳥號之弓控僕姑之矢萃賁育之赴赴格螭螭

之。狃狃蟻聚人語。上林子虛不足。募長揚大獵。不

能儼矧固陋之莛莛敢濡筆而伸紙思夫沐浴膏

澤遊戲生平扶藜看花竹馬相迎大夫秉羔羊素

絲公子麾玉柄麈尾蘭膏明燭管絃羅結揚袂衫

排衣衾帶衣風裾風裾颯颯纏都貼紅羅蛾眉曼睂目也

招大朱顏皓齒紺字排雲紅樓鬪霽更如煥耀京塵

燕京賦
九

跌宕曹史南國騷人西崑才子舞館歌臺于焉萃

止脯紅虬芡消靈食品之最珍異者 醑宿醑女耳

新聲挾艷姬兮舒天綰體也天綰從態也 館東屋上

巧笑顰蛾下之清眉惡弄門之牙打一顧傾城展季春

又女古稱燕起惻惻。其哥汾。任任。劍門。人。

池義重一許情深百壹亦有琴屏打言言言打

目。卽。俞。誓。以。百。貨。集。於。五。部。開。金。下。詔。我。是。多。

相揖掄女百集方五者女女言三。玉田縣東北。

老刀匠王砂之村。肥今志宜立之。稱金終山溪有砂。

治氏資之即陽維伯鍾主之處

之往蹟漢書西南十五里道有大桑樹上史傳陰寶莊迎淑氣

于禹鈞寶莊在蘭州東姚莊溯英風于翼德姚莊溯英風于翼德

此拾翠之踪隱探花之騎徐徐呢喃感羽族之

微為有聚燕聚燕臺在京城東南廣快林樹名其號汀渚標

玉淵之勝試釣遊魚釣魚臺在阜城南十里金玉淵池塔記

萬松堂開萬柳楚材之功業一燈希憲之風流數

畝萬松老人金元間僧也耶律楚材一見參學三年老人以滿然日之老

堂在府城南九廣布憲別墅剝落兮石鼓之文蒼碧兮銅

人之式六學廟門石鼓周宣王鑄也高二尺廣一尺有奇其數千其

院相傳海中潮出者虛中注水開竅畢通用以考驗錫及不夾古也

燕京賦

十

然閱簡儀於瞻象兮守敬之天巧鬼工非人間

之所測識簡儀在瞻象臺郭守敬造推步考攀手植於藝倫

兮平仲之乘時利見亦後人之所法則太學藝倫堂

春早烹泉滿井滿井在安定門外五里井面五尺無收有

端陽踏柳金池金池在正陽門東

章曰賦瑄瑄以爲樂之種深赤曰金池白曰銀池

意也瑞柳紅粉千畦臺間綽約虬龍百尺基上離奇

化之漸被矣航海九萬里而來為西洋教日耶穌教

遊耶穌之門戶敷制器之精微非聖

起作賦本意

建天主堂今推步占驗用其法有天學義義等書行世自歐羅巴航海

至中國凡九萬里其國各工奇器若簡平儀龍座車候鐘天琴引重之屬

不一而足教法友而不師師耶

鵲立昨昨昨昨張目也老子瞻文昌之煜煜炳牛女之

奧區下有人兮眇嘿抱素影兮空虛忽梗浮兮萍

合乃式坐而下車謂君子其何適盍投簡而賦諸

斯人也鞠躬踧踖起而長揖周諷篇章沉吟胸臆

顧而言曰客可謂步馬揚之後塵踵班張之遺跡

者也抑有續焉勿譏樸率吾聞夫金閨集彥蘭臺

聚葩抑之有物揚之則華清抽獨繭彩散明霞極

燕京賦

十

昔者平陽蒲阪堯舜斯在太虛經綸何遠弗屆耿

毫皇皇屢遷屢壞契至湯十三世凡八遷仲丁蓋因其托

始而重經營乎易代周都豐鎬秦實嗣之雄長列

服竟并兼斯然而所永者侯封之日所喪者混一

之時西都東都後先不滅楊氏篡竊條焉而斬貞

觀功德瀕危而反豈非守國以險而守天下不以

險耶今者幽燕之宅美則美矣形家之說建則建

矣顧元明兩朝竝都於此而修短異焉者德之淺

深莫逃乎監觀之紀也

皇清受命百有餘年松山杏山之後遼陽瀋陽之間

太祖之神武也。聿肇基乎東偏。

太宗之文明也。德足以有天下。猶從容觀變而俟天命之全。迄乎

世祖乃提一旅而蕩妖氛。紆衆怒而膺寶籙。金戈鐵馬

消為日月之光。甫柏徠松甘作夏殷之屋。禮記勝國之社則屋

斯其得天下之道。仁厚迥殊乎前代。光昭不異于漢明。迄今讀修陵之詔。祀陵之文。順治十六年御製修陵詔

曰有明肇興。應皇帝受天理之實。圖傳寶業。之盛。遂以致寇氛。犯闕宗廟。為墟。朕每念及此。未嘗不惻焉。傷心也。頃者兩幸昌平。周視明代陵寢。躬親望奠。俯仰徘徊。以彼諸陵。規制壯麗。相因獨懸。帝之陵。荒涼陸離。躬親未瞻。原使當年。我致未治。宵旰不遑。祇以有君無臣。薄海鼎沸。泊乎國步傾危。身殉社稷。揆諸正統之制。豈同亡國之君。朕于焉弔之餘。撫往興悲。不勝流涕。因欲繕治陵寢。云云。又有祭崇禎帝陵文。祭明諸陵文。論工

燕京賦

三

部看守諸陵。數有論祭。內監王承恩文及。御製承恩碑文。其略曰。懷宗皇帝敦國君死社稷之義。崩于石室。時司禮監秉筆太監王承恩者。舉龍髯而失志。甘雉頭以從君。陪繼于旁。死而猶號呼。若承恩者可謂事君以禮不忘其忠者矣。朕朕除巨惡。用彰民彝。體懷崇皇帝于思陵。因賜承恩堂。城一區。俾葬兆外。以從厥志。仍錫之香火田地。暨之官碑。使後知報施之除。內員中乃尚有忠烈而死如承恩者。恭敬惻怛。萬年磐石之本。於是乎存。不亦神享其福。人快其思矣乎。且逮

聖祖繩武紹衣。盡倫盡制。六十一載。厚澤深仁。千八百國。嚮風慕義。化育參乎天。施地生尊親。及乎凡有血氣。

今皇帝御極。乘乾聰明。睿知燭照。幽遐凝承。寤寐永言。孝思孝思。不匱。小善不遺。使人以器賢能者。固

不登庸。俊傑者固不在位。老羸癯弱。扶杖以觀德

化之成。野處之秀民。于干然盡彈冠而至。則卜年

卜世之長。第卜諸人心而不必。鴟張乎形勢。此老

生之常談。經聖哲而不異。自諸陳其弊至此。見大人先生之語。形勢未盡。其義收。起乎一段。

矧夫剪截觀。縷觀。縷細密次序也。吳採拾舊聞。雖三

都兩京之博麗。曾不逮乎帝畿之一志。四句合上全。閑集。卷八句見客

重。馭輕之。自大人先生乃作。而前曰。唐哉皇哉。皇

哉。唐哉。二句本蓋堅。典引。觀國光哉。用賓王哉。

準規模于兩漢。擷藻繪于六朝。靜抽三日之思。

燕京賦

三

遠婉十年之席上。稱華國下空詞苑。誰曰不然。昔人謂才之清者。苦其不長。小屋根抵六經。運于理學。制義古文。以峻潔為骨。而賦事之精復。若此。覺王仲宣輩非其倫矣。其學人之多能乎。抑我

皇朝化成天下。所以追琢而金玉之者。實超前啟後乎。謬加丹黃。標其段落。以便觀者。亦雲漢天章為國。稱無疆之慶也。雍正元年仲夏。同學弟凌如煥。僭闕并跋。

花語山房詩文小鈔一卷附三重賦一卷燕京賦一卷

江蘇巡撫
採進本

國朝顧成天撰是集乃雍正庚戌辛亥二年成天侍

直

內廷時所作花語山房卽

苑外直廬名也凡詩六十八首文二十三首以歲月

先後雜編不分體裁又三重賦一卷成天爲諸生

時恭逢

聖祖南巡所獻燕京賦一卷併自註則雍正癸卯成天赴

京會試時作也

弢甫集詩十四卷文三十卷
弢甫五嶽集二十卷弢甫
續集二十卷(一)

〔清〕桑調元撰

吉林大學圖書館藏清乾隆刻本

子年十四五及餘山先生之門先生教之行所言調
元悅而學之未能也尋爲朋儕牽率倣作詩古文辭
年少氣盛伸紙輒千言不數年卷帙填溢旣而省觀
之知弗善悉棄去思研經討古以求其所得謀養
走四方昔聖賢載道之書如騎而觀佳景即小憩流
連恒不饜乎其心五車四庫夢想未能卒讀以是爲
恨然自是筆墨亦知慎矣迨遊京師爲人作酬應文
字例不存片楮中年厭薄蟲篆之爲觀薄有所自見
竊講求當世之務漫浪一出抱愚守拙竟不可施遂
請急歸有終焉之志少愛山水登眺適興時時發爲
歌詩此景歷蒼素髮不變涉世懷古亦嘗振筆抒所
鬱塞本不知古作者意亦不遑撫古作者海內著述
家林立予耽閉戶稀與之往還總角之交老蒼之友
磊砢寂寞之士膠漆無多屈指年來凋喪略半存者
率星散故有韻無韻之文贈答最簡諸草稿委敝篋
中門人輩私相鈔錄將付諸剞劂予恐其雜沓撫收
定詩十四卷文六卷其抽闡餘山先生之論即附諸
先生遺書中嗚呼予豈以是爲足以行世傳後哉顧
自念童年稟先君之訓奉人師爲師疲駑未克自立
年向五十碌碌無成惟焉痛心若攢芒刺區區無用
之言非欲寶千金敝帚亦非畱雪泥鴻爪聊志吾媿
而已詩先鐫版成門人請書一言爲序書之乾隆七

年重九日桑調元自序

張甫集自序

二

蘭以草堂

沙甫集目錄

卷一古今體詩三十三首

卷二古今體詩三十四首

卷三古今體詩三十二首

卷四古今體詩四十一首

卷五古今體詩三十五首

卷六古今體詩三十五首

卷七古今體詩四十一首

卷八古今體詩三十八首

卷九古今體詩四十三首

卷十古今體詩二十八首

百字九

張甫集目次

卷十一古今體詩二十五首

卷十二古今體詩三十九首

卷十三古今體詩四十首

卷十四古今體詩四十三首

攷甫集卷一

錢塘桑調元



詩一

古詩二首

萬事有本意舉世失其真執經就緇惟學子咸賓賓
詩書亦何用挾之登要津褰衣首大路躑躅懷先民
面熱兔園冊斯夕勞吾神魯叟去已遠世風何由淳
賜谷一以昇羣動不得息邱陵與鎬鉞小大爭之力
心事運溪機顏鬢見槁色百年紛營營欣戚填胸臆
緬惟達士懷何者爲真得振衣南山南長嘯北山北
驛亭堰舟次謁餘山先生

攷甫集卷一

滿院草堂

拔堰衝寒渡驛亭扁舟得仰古儀刑春初海月當空
白雪後湖天分外青徽國千秋論統系姚江今日肅
門庭側聞十五男兒志傍舍從容願執經

盧玉巖存心

招同其從子備三壽朋讀書三

益堂

阮溪須種竹宋宅早誅茅古有同袍義身爲總角交
波瀾航學海風雨坐書巢辛苦吾曹志無煩賦解嘲

朱子崇道書院

空山雲溶溶遺構數椽歸下拜破階苔佇立緬杖履
巖春草色鋪谷晚松聲起髣髴寓靈芝夷猶得到此
赫赫盡寒煙清光餘李杞韓侂胄崇儒學朱子去國寓
湖上靈芝寺獨李杞從遊遲日綠蘋

香雙葩薦湖水

同玉巖登丁仙亭

巖凹秋草綠芊芊共躡危梯眺遠天雲氣六時生洞
底江光一掬散亭前鶴歸城郭知何日鴈落沙洲帶
晚煙太息神仙終寂寞日斜沽酒莫論錢

報國寺

山猿喜客至躊躇似相識壁像腥涎鉞幢字綠花蝕
蕭緘壞桐飛清井泐可食罌浮木瓢長苔臥石磴仄
荒荒垂拱基砌埋古灰黑崩天閭闔毀秋雨滴荆棘
惟餘金銅鐘禁物鎮淨域繡辨淳熙欵考古一悲惻
日落廣院陰鳴脚起寒色白鴈去江天峰青杳何極

攷甫集卷一

滿院草堂

桐井

烏啼金井闌宮女乍知曉春朝散淚粧銅瓶汲未了
鳳山山下路轆轤聲已杳晡暖青桐枝漲空出雲表
千秋葉碧冷猶宿迦陵鳥葉墜缺清陰免澆水華皎

湖上謁范忠貞公祠

閩海河山乍陸沉黑頭樞密愧丹心獄中風雨三年
節壁上龍蛇百苦吟喋血收骸勞毅甫同聲罵賊得
王琳英魂或到勾畱處不盡湖光照古今

侍父歸姚江

喚渡重江兩日程沙灘杖履緩隨行家山隔浦籠煙
翠鄉老同舟問姓名一帶林廬遵熟逕四隣鵝鴨接

春聲飄零生計歸難得每拜荒邱老淚橫

訪汪津夫

周巷人家面浦居新來移置一牀書雪殘點點梅梢
後雨長青青菜甲初回首煙霞憐舊塢側身天地總
吾廬數弓園地三篙水清曉澆花午釣魚

汪巡檢殉節詩

江湖劇盜所出沒下注之地無高壙有明末葉失撫
馭沙塵時躡桂符蹤萬歷癸丑月建未中宵賊火燒
天紅村庄堡戶乍鼎沸耶孀妻子逃溪叢偉哉巡檢
膽如斗大呼走者毋勿勿我往之所賊亦往徒以殺
掠供狂兇不如丁男齊執炬連村擂鼓聲聲鐵鋤

望甫集卷一

三

蘭陵草堂

木梃足殪賊我領土兵當其衝言遲勢疾賊已至裂
皆怒罵攢蛇鎗以百戰千氣益猛況有二子號虎同
軍聲民聲鼓聲洶亂殲羣醜成沙蟲忽然山摧鼓聲
死賊矛已洞巡檢胸嗚呼巡檢爲鬼雄浩氣夜亘千
尋虹二子奪屍自賊手尋仇還以長戈春傷目者孟
仲傷足忠孝大節通皇穹胡爲上官匿不奏褒恤未
見光堂封死者只遂裏革願豈圖竹帛書吾功國家
刑賞自有紀上下詎合長相蒙此時禍胎釀闖獻乃
令毒潰流天崇下注遺民紛兩泣思故巡檢如思翁
至今爲位關侯廟腰臘祭拜於其中借問巡檢疇姓
氏餘姚汪東懿卿是樹敏樹政乃其子

女黔婁并序

嘉何汪氏作也

女黔婁誰與儔阿嬭病心懷憂嘗羹甜憂孔稠嘗羹
苦病以瘳宗族稱女黔婁時疫行省病父貧骨月藥
鐺釜母妹活氣如縷父弟歿淚如雨女汪姓嫁于何
夫也逝痛則那哭父弟兩滂沱又哭夫溢爲河影矢
隻死靡他奉君舅舅瘳病三年養考終命乳孤兒淚
交迸手只鍼面不鏡無與儔女黔婁

菱池水并序

弔汪氏一門五節也

如符氏娣夏氏又一從娣曰宣氏老者誰王姑老符

望甫集卷一

四

蘭陵草堂

氏小者誰媛也女子子倭自許山來一一躍入水其
時嘉靖年畢命在於此此何水名菱池流漸下上羣
靈馳文魚鱗鱗紛騰之汪家洪畧居曷不走避向端
嶼山死未若水死紫菱池水五完節

謁王文成公祠

姚江遺像肅崢嶸辛苦龍場負盛名飛艦到江吳淞
縛麾戈入崗鬼方平象山講學推高座諸葛行師列
舊營千載武宗輝廟號多緣新建大功成

同玉巖謁林處士墓

釣艇來遊碧水澄空亭裏翠好同登終南有逕羞种
放封禪無書謝茂陵杯土千年春寂寞孤山一片雪

峻嶒風流只合先生獨子鶴妻梅僕未能

浩歌贈陸皆吉

予笑有桑戶琴子笑無陸賈金丈夫落魄不在意貧賤何須流輩欽却憶前年結交始風塵一面稱知己昂藏論古哭重瞳俠氣稜稜吾與爾狂來筆力牛弩強淋漓潑墨何煌煌酬贈歡呼至日暮開懷一飲千百觴飲時豁達陳肝膈予心自赤予眼白道左常麾輕薄兒坐中每謁悲歌客維君意氣何其雄大言欲挂扶桑弓吹簫賣漿不足取男兒感慨將母同時予二十君四十忘年之交相對捐從茲三載復蹉跎予不乘車子戴笠貧交肝膈自有真羈旅還同骨肉親

殘甫集卷一

五

蘭陵草堂

陸郎斑駁自可騁胡為與我同埃塵只今蕭蕭無善狀淒風苦雨情相向徒步單衣行路難可憐壯士神難王我思南走交趾北走燕東入大海西入川橫行濶步破萬里安能局促塵沙前仗劍欲行行復止英雄此日爲人子一羶聊復作書生環堵還須藏國士噫吁戲天生我輩豈終窮窮途之氣當如虹

和淵明輓歌詩三首并序

淵明自作輓歌後人亦多效作而東坡和陶反無此篇豈猶未了晝夜耶淵明故自曠達而三詩吐音悽惻頗難爲讀者予頃嬰沉疾伏枕和此不知後之讀予詩者何如也

少慕死大節氣量不局促牖下與鼎俎必令史官錄恥爲拘墟士凋枯同草木英雄悲無年千秋同聲哭生而非夢夢鄙哉談大覺呶呶歎公等誰洗儒林辱遺文庶幾傳吾壽亦云足

後賢誰弔古歎歎奠我觴昌黎祭田橫乃勝蒸與嘗棺中殉離騷瘞我大道傍一抔風雅土千載生輝光才鬼俯頑仙焉求白雲鄉神氣返混沌相依帝中央大地紛還查蘭芷交稂蕭多少磊砢人埋沒同荒郊我去何用悲帝宮鬱峩巋光曜拂日月手折若華條愜意諸古人相見在崇朝崇朝一以沒千秋夫如何神魂不飄離鴻濛以爲家誰爲後來者翩翩和我歌

殘甫集卷一

六

蘭陵草堂

天實愛英銳韜光全太阿

輓汪元錫先生鼎珍

乾坤此別渺無期出入門庭空復思古物猶存南郭几高風罷舉北窗扃春前蘭作傷心識曙後星傳絕命辭先生薨蘭一本今春開花特盛方喜劇治具招客越宿忽無故而萎易質時唯次女侍側即予妻也最是靈牀陳塵尾清言零落有餘悲

長歌行爲明台州司馬楊公王僕作并序

明薊北楊公體元副崇禎己卯鄉榜官台州司馬鼎革後流寓武林同年某再邀之仕不應公與夫人及子孫相繼歿不克葬有僕陸萬金歸仁和黃穉登求葬故主康熙丁酉慈谿鄭義門與穉登捐貲葬焉塋

在秦亭山之陰工竣而萬金歿遂瘞於傍穉登爲作誌銘義門作長歌紀之予聞而感焉故有下句

淒涼勝國楊司馬旅櫬久暴西湖濱英魂悲嘯松林月蒼頭募葬良苦辛誰其慷慨了斯舉鄭黃高義誠難湮我讀歌銘兩悽惻爰知始末聊具陳伊昔雲雷大開闢司馬功名等遺跡章安兵火亂離身錢塘風雨僑居宅三千驛路鄉國遙百六乾坤時命厄同年競貴不易心孤臣萬死長爲客風吹蒿里揚悲音公嗣疊天傷人心公及夫人骨雙朽頻年無主寒煙侵吾重蒼頭陸萬金下泉故主情何淡零丁七十哀老迫措葬無貲涕墮襟今年寒食春草綠艱難始獲扶

卷一

七

蘭陵草堂

靈輅躬親負土馬鬣成奄從故主瞑雙目秦亭之陰屹豐碑一塚纔封一塚續嗚呼司馬及蒼頭臣是貞臣僕義僕我聞此事增感傷當時鼎變號窮荒山顛水潰斷骸骨亡臣孤子摧中腸身名滅沒寒灰燼擲拾那得鄭與黃白楊蕭颯國殤聚普天遙弔悲茫茫

哭張綱修光斗

月皎天清一哭君泉臺消息杳無聞客齋情事空流水高士精靈化白雲六尺遺孤棲壞屋幾編吟藁殉荒墳千秋生輓傳新曲吹滿悲風大海濱

綱修亦自作輓歌辭

呈汪元珍先生以銓

騷客咸悲此日秋江楓海雁不勝愁獨逢寒雨空樽

酒頻感西風一蒨緱青鬢行藏甘落落黃金交好謝悠悠狂來抱筑從翁擊激發商聲散百憂

題煙雨樓

禾人競集煙雨樓吾亦停舟一登訪青冥蕩蕩窗牖開千頃琉璃雲滉漾天風洶若動渤海樓前石脚衝波壯螭龍疑蟠大澤中駕鶴忽叫層雲上一自飛蜚蜃氣噓年年絲管停歌舫六朝煙雨剩迷離千載水天空激宕景物消沉今古多賤子凭欄猶望望凌寒霜雪犯關河天地蒼茫迷所向踟躕客路問江南敗荻枯楊色悽愴茫茫旅思一扁舟憑高望遠悲歌放

集平湖蔣君宅

卷一

八

蘭陵草堂

地王平原古誼敦鱸魚冬鱠爲開樽園爐佳會初更集傾蓋新知一坐論小樹烏啼霜滿樹曲屏人醉月侵門難忘今夕酣歌興燭下題箋漬墨痕

畱別蔣君

辭君轉入太湖遊故好情多尚強畱三萬六千煙水窟一時流滿別離愁

五人墓

吳下無斯墓要離塚亦孤義聲噓俠烈悲弔有屠沽關雉朝廷黨崢嶸里巷夫田橫島中士足敵五人無

劍池

弔茲寶劍入荒塋盤郢魚腸最有名阜勢猶疑神虎

踞金精直使祖龍驚九淵不沒衝星氣萬古尤溪珣
王情端爲三千鐔鏐閉石邊嗚咽落泉聲

弔子胥

生死因君父英雄嗚咽論避仇身載橐觀寇目懸門
怨毒蕭聲洩神靈雪浪奔可憐忠孝志楚破越猶存
蘇州旅懷二首

浪遊無定著信宿叩金閨帆飽東風下愁連一水長
淒涼高士墓脫畧少年場風土繁華甚蕭蕭屬客囊
爲弔蘇臺古孤舟尚復停騷情足哀怨旅思益飄零
故苑明宮月寒江動客星吳娘歌自好愁煞異方聽
驛亭堰懷舊

弔甫集卷一

九

蘭陵草堂

堰頭流水浩茫茫寒夜同舟故跡荒一老山頽滄海
曲諸生雷慟白茅堂布衣講席參新建竹簡遺書續
紫陽東下逶迤長壩路青天明月黯神傷

弔甫集卷一終

弔甫集卷二

錢塘桑調元

詩二

讀景菊公先生星杓詩集賦贈

丈夫吐辭見胸臆骸體自寫平生豪語當雷轟驚俊
桀手寧篆刻矜風騷嶙峋着骨人罕具愜忼絃拍誰
能操先生慨復古作者老手揮斥諸兒曹千鈞大力
挽繁弱萬石洪音撞蒲牢詫公橫行神色王令我學
步氣格高縱目饒視莫能定驅腕勤錄何知勞狂吟
勝舞太阿劍劇興添飲中山醪就中感激氣忽塞掩
卷罷吟三嘆息有筆健若鵬翼翻有性耿若鵠絃直
命窮竟厄城東臯身老不騰天北極意氣悲生笳角
鳴姓名夢在鐘彝勒奮躍風雲事若何昂藏天地時
難得白髮潛消壯盛心黃金頃阻英雄色石壁詩歌
弔古今茅廬風雨艱衣食酒瓶菊圃亦蕭條擊筑彈
碁增闌寂吁嗟此感自古然一生才命難兼全窮居
著述得天助杜陵野老千秋傳

晚泊臨平

夾湖芳草青茸茸中有一泓鏡面鎔孤篷到岸上明
月古寺隔溪鳴晚鐘沙禽拍拍浪花大野樹童童煙
翠濃荷鉏歸來倒濁酒此樂那能如老農

曉行書所見

勞生未得休躡屨凌晨東明轉海底鮮霞散天垠
中有一痕綠春波汎淵淪化工有真色巧繪難爲皴
萬象生太虛光怪時臚陳輸彼川岩逸坐閱羅清新
明明舒霄漢延矚無由親扶桑道幾許不得馳飈輪
修焉跋鳥上擾擾同邱民

侍父歸姚江

西興纔過倚船窗越釀承歡酌玉缸寒日倒明千嶠
雪亂帆欵渡百官江烏啼隴樹聲稠疊鷺掠湖田影
一雙竹塢柴門談往事老人相對白蒼龐

扶竹酬玉巖十四韵

此君徵妙合之子惹相思把臂林中興揮毫鄴下辭

發南集卷二

二

蘭陵草堂

元精凝會地靈質挺生時雷雨蟠溪圃煙雲護短籬
高標偏覺聳大本詎能移直是論扶植非關惜別離
締交神自合偕隱道尤宜不見陰陽巧焉知造化私
簫含鐘呂韵竿授帝王師天遣乘時出人難作意爲
有生原共命何事嘆羈雌綴譜還勞凱爲園不數淇
無傷情轉美得耦數寧奇異種還須迸尋春莫較遲

洗兒

兒名鍾

嘉辰和煖浴蘭湯繡祿初看上草堂男子生當有奇
骨不須貌美似王昌

寄津夫

湯湯錢江水晶晶駕山雲幾載相契濶悵悵雲水分

却憶上君堂拜母顏色欣漿酒忽羅列語笑忘夕曛
山溪林木茂兒女狎麋麇競來樽前揖勸客何殷勤
此懽宛如昨流光駛云云近獲展親眉一兒呱呱聞
戲彩聊復喜奉盞亦增醺老父懷故鄉結念東海濱
行將奉之歸里社依榆粉結茅相隣近子孫同耕耘

戲爲對句五首呈玉巖

嶠方蕪頰皆名父信與徐陵並好兒一代才人饒缺
恨兩家宮體關新詩

詩名杜老江關動文筆韓公星宿羅錯改金根美難
繼試吟玉案法如何

家傳風雅韋丞相世掌絲綸賈舍人經術千秋元自

發南集卷三

三

蘭陵草堂

貴誥辭一代總能新

陶令責兒仍曠達東方誠子欲和同傳家紙筆從渠
嬾處世龍蛇獨爾工

英傑平生元卓犖聰明天性各瑰奇季方政覺難爲
弟謝傳常時自教兒

過菊公先生拗堂避雨

絕愛林居好煙雲抱古楹蘿香空際落竹響雨中生
鳥識天機靜池涵活水清相留堪永夕未用放新晴

哀新安同菊公先生作

近聞新安夏水決濤奔六縣翻東溟螭龍騰空霧雨
黑鬚鬚神怪群虺爭軒波如山蕩厥土原野遙瀟屍

縱橫我乍聞此涕泗迸群黎何辜白浪傾沴祲詎能
叩蒼昊隄防豈不稽圖經何爲滾滾橫汎溢歲在戊
戌奇災生坎侯誰鼓折心骨巫陽帝命招英靈吁嗟
乎杞人感事增鬱結東念海塘憂患并黃金買築苦
未就狂瀾欲撼鹽官城安得風旂護禹下水土悉使
黃輿平哀歌慘楚未終曲悲風激雪來秋冥

艮山

行行越城闔廼至艮山下艮山一何卑頽基識者寡
蘚碑猶可摸云此元時社彷彿寒煙墟玲瓏兀廣廈
煌煌三領軍陸離照鞍馬側懷沈學錄書珉稱作者
脩來四百年零落無片瓦繞塢延藤蘿參天列松檟

張甫集卷二

四

蘭陵草堂

常恐時載移穹土平爲野迢迢沂昔賢臨風涕一洒

元錫先生手植香櫟樹一株今春始花悽然
有作

庭後香櫟樹先生手自栽何知隨羽化不見此花開
果定懸秋圃香難入夜臺殷勤望遠鶴重向故園來

明昌化伯墓

皇陵錮三泉金鳧出坏土矧茲外戚塋蕪沒詎足數
荒荒野蔬青羽仲立暝兩螢火照烟墟獸石散秋圃
嵯峨改塋初穹封邁堂斧等是付耒鋤不異青芝塢
誰家營巨壙宰木更新主我心無碑礪酒亦宜澆取

煙霞嶺

峻嶺滙晴輝衆景如發覆猿吟竹磴秋雲畫松坪秀
山鵲野巢欵土蜂崖蜜濡白日蝙蝠藏旁洞苔花繡
混沌誰雕鑿煙霞冪寒皺缺眠萬仞青選勝時裏糗

水樂洞

訝然巖戶開赭日有寒色清泉屈曲流丁東奏不息
回風激新秋律欲中夷則古器久散亡商羽誰引刻
正聲雷韶濩雲山抱樂德琤琤好礪泉亦足娛幽仄
節奏况泠泠恍侍軒轅側彼哉沸箏琶清渾各有得

菊公先生枉過山齋

駕言過山館杖履出墻東天氣新晴候風情大雅中
眉奇江夏老身健草堂翁今日論詩道洋洋振國風

張甫集卷二

五

蘭陵草堂

和菊公先生復辟竹并序

先生原序云僕之復辟偶於暑月整治之得竹一竿
於中殊訝生非其地亦爾成長物性各遂於茲獨苦
詩以記之調元和作焉

此君柯葉獨蕭疎復辟寬然作隱居潛結鳳凰千歲
實秘鐫科斗一行書孤根直似生陰礪清節無由照
碧虛羗是幽篁湘楚種欲依騷士景差廬

侵曉看荷花

澹月隱林西輕風着池面昨宵微步人的的波中見
烟華鬢清香露色點淡茜溼溼曉鏡明楚楚新衣袂
心空既飽吸眼飫猶畱盼天工妙調鉛寫此一疋練

舟汎三潭

一舟如輕鷺漾入清光裏澄泓鏡面平三塔浮空起
上有卵色天倒映淺無底漪紋颺方空淨白鋪側理
襴襪魚尾旋狼籍蘋香委漁師狎淵潭校艇日夕倚
欲與蕩暝烟彎彎看月子縹緲想琴高撇波上赤鯉

放生池

浩淼明湖波游泳任水族漁舸輕似萍汎汎連信宿
葑泥規爲池龜魚靜涵育千頃碧漪秋割此煙一幅
疎柳搖空明絲絲雨新沐徙倚好生亭未許投綸竹
扣檻集堂堂生趣盎在目此外有豫且白龍休魚服
夕至花港

張甫集卷二

六

蘭陵草堂

乘涼度平橋湖面清滑笏羅逕不逢人隱隱樵歌發
微風來遠汀荷香送不歇曾船閣淺沙粥鼓動疎櫂
螢白水中心星螺青天際髮夜靜魚出遊謹聲宕明月
芳堤難久畱草露已沾襪

重和菊公先生複辟竹

幽異孤根脫斧斤未容塵世挹清芬寓身方內終然
隱掃迹墻東更不羣環堵自偕千載士平岡常護一
陂雲庭前萬竹非無節天地完貞在此君

重過沈氏鷓鴣枝軒

江路逶迤重遠尋小軒風月省清吟故人滿眼增華
髮一士重泉愴素心謂納修納納乾坤從去住茫茫人

事幾升沉萬竿修竹嗟無恙空翠飛來戀客襟

奉唁菊公先生悼亡

天乎殞懿德我丈淚汎瀾悽悽傷逝音援琴不忍彈
賤子前爲弔誼切啣哀酸禮宗夙所悉揚徽未能殫
高賢初伉儷詎合尋常歡報仇入都市祇戒懷與安
思將剪爪髮投爐作鏤千萬金立揮盡破甑不復看
豈惟翁烈士母義良復難同心薄世榮高隱偕盤桓
筭出大布服案具雕胡餐老吟贈內詩俠骨猶珊珊
池塘霜風急鴛羽遽摧殘先生贈內詩有却似池塘霜
英底西風吹老兩鴛鴦之句英雄有
至情寧作曠達觀逝者矧淑偶得不痛肺肝令儀當
表孟嬖行請誄桓續書列女傳鐫刻青琅玕形管貽
孫子悲思庶得寬

張甫集卷二

七

蘭陵草堂

登鍾翠亭

一江如練四山青萬翠環飛赴此亭蕭颯楓香飄冷
堞依微鴈影下空冥海風入樹潮初上秋氣侵人酒
半醒安得重門開石壁讀書高卧老岩扃

謁汪越公祠

楊花飄蕩錦帆遙四海群雄各建標吳芮能軍收故
國寶融知命歟欽興朝青龍蹲日祥符現鐵佛歸來浩
劫消幾疊神絃喧古廟紫陽山色似烏聊公疑吳氏家祠
者見青龍崗負
見胡申撰行狀唐武德四年遣宣
長史鐵佛表澤見朱松年撰本傳

答菊公先生以拗堂詩集見託之作

鉅境必獨闢英響必獨吼昔夢浣溪翁近拜撈堂史
隆運啓國家元音出戶牖上至祝聖君下至吟匹
婦草莽忠孝心騷雅傳記手規頌詩史兼正變國風
有麗則播金石續綺餘花柳藉眠兩峰雲沾醉三江
酒風流映今古酬唱挈賓友撰述良以富悲嘆爲之
久魯書恐掇灰揚文或覆瓿雄才潛幽仄奇寶沒溷
搜竭來見不才忽謂殊儕偶志氣共激昂辨論判可
否貽我懈管雙付我周鼎九體製徐閩觀凡例細析
剖大文久而昌盛譽良不朽詎吸日月精不並乾坤
壽晦托羽陵藏秘遣龍威守一日蒙溪契千載期不
負

于忠肅公墓

大碑山立表孤忠武英魂祭祀同高廟神靈欣有
主中樞籌策罷和戎南宮愁滴通宵雨西市悲鳴動
地風黃屋何緣重入塞可憐只論奪門功

姚節母劉氏 并序

母值歉歲窮餓累日里人呼爲餓寡婦
不殉重泉爲撫孤大書餓寡古今無七齡周晔兒俱
長二十餘霜總茹荼

輓菊公先生

白楊蕭蕭雨嚴霜英豪逝日天蒼茫今之菊公古元
亮千秋自輓臨重陽城南一夕少微墮秋空有聲撒

寒芒先生有意佐橐籥浩浩一氣還穹蒼我悲雄才
死草莽抱策不獲陳天王布衣無媒竟落魄茅屋
有氣空軒昂一寸丹心况激烈數行青竹應輝煌且
如頻年報西警蠢蠢小醜橫披猖脫微耆老入帷幄
筋力雖衰智畧強圖事可憐虛傳舍行歌聊復霸詞
場三千紙着精神王億萬年畱光燄長不才後出荷
賞契風騷志節雙迴腸拾公遺詩省公面此心炯炯
時能忘斜陽冷寫千个竹靈風蕭颯吹撈堂曰哀郢
士淚萬行

張甫集卷二

改甫集卷三

錢塘桑調元

詩三

同劉元歎先生九登張氏樓望江

高處同凭檻雙眸爲底明秋光收不得一抹大江橫
孤鶩艇邊落寒濤天外生踟躕發清詠忽憶謝宣城

和元歎先生富春碧沼寺韻

山翠飛千疊天花雨一窩溪林盤白鷁空水寫青螺
人影依潭冷江聲入寺多新詩鑱石壁應許和羊何

奉題元歎先生于役存稿四首

掌上驚鴻譜玉笙當筵斂袂受新聲香羅爭繡紅燈

改甫集卷三

蘭陵草堂

曲青草年年塚上生

青塚年年春草生人間歌舞明燈下先生親路君燈劇句也

圍爐劇飲瀉紅泉雨雪新詞破玉箋明鏡何須憎白

髮風流不數柳屯田

勾芒消息到龍沙吹盡春風不見家一曲何戡能記

取邊城澆酒看唐花

垂楊萬縷映邊樓溪寫君恩淺寫愁入暮悲笳聽

不得篋雲城上月如鉤

送梁君歸嶺南

風騷合併針芥投交加暖眼殊凡儔霰雪昨零海東
樹傾杯磨墨相唱酬唱酬顛倒吐胸臆清歡促膝情
無極今春吟醉小軒同十萬吳箋期盡擘誰知會合

不可常君今別我騰歸裝天南迢遙六千里花飛驛

路春茫茫丈夫胸襟隘九有東西南北輕奔走塵沙

來往意何如萬端撥置空杯酒更聞此歸欲作南瓊

遊指麾蛟龍翼行舟天風曠蕩舒嘯傲題詩獨登海

山樓平生壯懷苦蕭瑟醉擁紅裙計亦得枕柳葉上

寫春吟蠻花屹鳥生顏色我亦豪氣重激昂詭君挽

弓能挽強大黃入手摧霹靂左射右射莫可當徑欲

短衣匹馬逐君去遠看射虎黎母岡

寒食弔元錫先生

重逢寒食動悲吟俯仰歡遊判古今人去亭臺憐興

盡花含風雨怨春深啼鳥有意尋華屋歸鶴何緣識

改甫集卷三

蘭陵草堂

故林一盞椒漿何處奠湖阡草綠最傷心

狂歌別友作

狂生意氣饒欬欬燒燈讀史得我心千古難消一壘

塊酒澆不得成豪吟豪吟那識詩律細崩雷直吐喉

間音胸中物消稱大快騰譏不顧子墨林唯君知我

賞我獨道我新製殊哇淫東園門巷多水竹逶迤草

徑煩過尋頻年契濶稀接塵一江一海違辰參野夫

今欲走輦轂就談曲室分清襟知音自古號難得前

陳一語悲慨淡我有孤桐峯陽得良工斲作龍脣琴

囊以吳羅五文采燦燦徽軫嵌瑤琛爲君抱來彈一

曲高淡之意無古今大雅相看色飛動低徊餘韻畱

惜惜我今行矣足惆悵前途安得逢所欽天炎日赭
焦金石所往不想惡木陰浪遊聊復向北斗渴饑手
把天漿斟腰間既無雙寶玦牀頭兼少千黃金摩挲
兩膝屬我有心知未宜組與簪徙倚風塵拚落拓慨
慷作歌叩劍鐔倘念清狂久沉痾乞按我體施砭箴

金山

金山之山何離奇大江中心湧出之高擎一朶碧茵
茵下堆萬頃青琉璃蓬萊宛爾在渤海天地偶然施
鑪錘上有高臺可攀陟呼吸帝座陳子辭

隋苑

蕪城歌舞使人迷魚鑰沉沉夜月低四十離宮花草
盡多情楊柳尚隋堤

淮陰

英雄饑餓尋常事一飯堪從漂母求食邑萬家當辟
穀莫教哀汝作王侯

睢州觀菜園二首

穀輓生涯足苦辛忘機慚對灌園人流泉祇長青蔬
美不浣征衣一襮塵

蟋蟀聲寒秋氣悲豆棚瓜架影離離滿園落葉西風
晚辛苦傾陽見一葵

人日同朱子齋

萬壽

集永光寺友寓

詩人自古愛人日况在旅底偕良朋騷謠雅癖由結

發甫集卷三

四

謝陵草堂

習陰何所著雙彪踰咄嗟吾輩心骨壯炎暉事業方
朝昇丈夫自當志挺立雕蟲刺技焉足矜填胸狂氣
久局鑰一吐萬丈雄虹騰百年鼎鼎會有盡數行青
竹名須登區區短策在懷抱坐惜日月頻環絙三條
九劇翳煤土奔波與馬聞軒輻踽踽獨行者誰子兀
爾傲骨撐剛稜酷臻貧賤殊自得客嘲寶戲百不磨
或掉或領心語口我軀洵有能不能同心喜得三二
子秉節直若朱絲繩論古難消一壘塊急斟大斗澆
吾膺細蘆薄餅錯羅列煖鍋肥饌當筵蒸紅裙文字
兩擺脫淖酒易酒都如澠此日春寒苦料峭玉河春
水復欲冰鶯難出谷花未坼東風作意吹凌兢酒酣
面頰興豪激熱氣盡散重寒凝江鄉情事忽振觸曰
有盧子全壇壘其人孤高出塵表雲中一鶴衆所稱
晴明黯黹異風色得閒相覓緣溝塍佳辰便作南樓
會霜蔬可剪魚可罾一自天風吹斷袂彼仍閉戶予
擔簦贈子練絲三丁寧可黃可白嚴戒懲感此不辭
尺蠖屈未敢妄慕圖南鵬夢如旅思結新歲懷人有
操冰絃拒羈旅得君破蕭瑟僧家窗檻欣同凭白日
譁呼縱談笑遮畱卜夜燒銀燈感君情味真且厚醉
作老鴉棲剡藤明年此日知聚否作歌聊記今年曾
玉巖書來悉其婦馮孺人歿寄詩輓之十四

韻

禮傳鄉國真賢淑計到京門最慘悽屬續數言欽內
則殘機半匹悼中閨難將人賦從天問其奈兒嬌索
母啼恨曲已聞彈別鶴徽聲猶道警鳴雞寒漿汲處
畱瑤甕大布裁來屏繡桂班氏文章全付女潘人爲山姜公先生女
生孝行自同妻堂畱佳客除釵珥架構新書果錦綈
一昔歸寧欣齡葛幾年代匱苦茹蘗初婚識記明霞
散永逝悲看落月低剩有著簪全髻委何由玉案與
眉齊君姑痛淚時承袖吾女傷心未及笄芳草生憎
鷓鴣喚碧梧死憶吉光樓棲安仁室內存遺挂道韞
奩中有舊題他日風前修薄奠靈輜擬送段橋西

寄懷蔣子羽振鷺

張甫集卷三

五

索居憶我友交自辛丑冬我初客京華舊好稀迎逢
子從魏塘來欵然合雲龍訂交在寓舍密坐聯殮餐
論文入遙夕燭綻紅芙蓉客緒易蕭瑟歲序繁愁椿
感子慰多方暄如飲醇釀昨歲嬰寒病炎月表蒙茸
良藥期瞑眩苦言爲動容迨迨遊子身親心每怔忡
母倚年事壯謂勝厥疾攻聞此涕若霰憬悚銘吾胸
及今元年春賢路開八衢相邀並總轡金臺庶騰跼
惜哉時不遇仍保前修蹤子容不憔悴隱霧滋豹終
我口喜哦吟蟄草鳴蜚蛩詎因客遊倦自覺歸興濃
高堂髻已鶴子職報不供願言省晨夕斑斕舞章縫
騰裝轉悽惻難御琉璃鍾燕山黃一葉別魂黯懂懂

短衣馳匹騎疾若南飛鴻江程度揚子一帆飽秋風
過歸循蘭陔聊得承歡悰秋清出西郭斌斌螺黛重
雨晴翠濃淡昏曉煙橫縱月輪鏡乍磨湖面銀初鎔
恨不偕子遊同宿僧榻中轉憶客話長幽棲想澗淙
倘辦草堂賢安排就疎慵築居水中央密篠環葱蘢
浮香滿水際蓮芰菰菰葑還翻種魚經頭尾多於蝻
堂懸文梓琴檻繫木蘭卿溯洄者誰子高人足音跂
吾親鹿門逸榮利等浮萍此意許阿奴其樂也融融
天慳苦難破痴願不遂儂遲遲耦耕約定策終何從
他鄉與故里空羨水田農揣知故人意冷煖將母同
雨窗定北望停雲正溶溶

張甫集卷三

木

蘭陔草堂

北高峰

環簇武林山一峯極陡峻雲蒸靈藥香露洗美竹潤
洞赭陽烏鉞磴綠陰苔觀高頂摩空青千仞衣一振
羣岫盤香林浮圖屹雄鎮墜翻煙鷺停過影霜鶴俊
歲古崖佛陀天晴齋鼓震樛柱兩岩幽子猿啼石疊
遠練明江湖秋光冷顏鬢偏伯叔飛灰孱王花落薜
徑灣三十六腰脚健須趁

稽畱峰

秋高天氣清山溪人意靜荒蹊失樵蹤木葉飛滿嶺
澹澹激商飈無窮去鴈影白石雙澗乾青松一屏冷
許由方外聖辭堯此遊騁荒山清名畱終古貯光景

電掃古道場岩屋餘真境圓月潔層空明河滌微青

怡庵

晴岩收雨雲破堦被完薛冷銼雷煙迹迎人只跛犬
古佛黃金軀冷日光炫轉廟有像教今已微高座塵
容覲苦空近真意禪關誰肯鍵飛來念佛鳥淡秋正
毛毡

初地庵

石掃鏡面平愛茲初地潔細蒲緣方階苔廊故紆折
登樓八窗開江光帛初裂海門潮欲上浦帆落如雪
度磬清磬沉衝煙飛鳥滅日炙晚花明鼠齧孤藤絕
隔江嵐意淡山隱青玉玦岩塔秀孱顏沙樹低濛淡

改甫集卷三

七

蘭陵書堂

秋氣滌遙氛澄空不可湮忘機耽靜便久坐匡牀熱

龍樹庵

幽岩晚始花精廬昨俱聖筠樓領秋光丹黃寫江郭
日下半邨山雲生早埋壑暝色上方溪何處樵歌作

武原觀海

秦駐山邊白浪浮武原城郭迴堪愁水天東望渾無
際木石高填苦未休風色當秋摧萬樹潮聲入夜響
重樓伯牙臺冷絃空撫蹤跡難尋大九州

玉岩之兗州予上京師偕行畱別親友聯句

偕往江之北意初行郭以西親朋憐共去變亭埃惜
分攜折柳情何極意飄蓬意總悽難忘親髣髴調元已

分客顏鰲負米愁瓶罄意擔簦恐路迷遲回戀守兔

舍弟調元癸甲娶山妻存心新繞膝誠爲戀意傷心遠爾

睽斑衣憐並溼調元驪馬苦長嘶適魯無良策意遊燕

有舊蹊塵從京轂浣調元詩向郡樓題浪走身同鹿意

狂歌氣吐霓渾河重遠泛調元泰岱一窮躋拓地黃沙

迴意黏天碧草齊遊踪遵大道調元別思抱回溪贈策

春光暮意傾盃夕照低那堪愁似海調元揀作醉如泥

白雪聊翻曲意青雲莫問梯關門揮袂處調元不斷栗

雷啼

郊城訪古

改甫集卷三

八

蘭陵書堂

郊城何處訪遺蹤傾蓋亭邊翠靄重少皞官名知紀
鳥老成行輩擬猶龍秦灰冷後傳新簡沂水春來繞
舊封亦欲追隨陳東帛先生道古迴難逢

謁孔林

天地畱鴻冢河山拱舊壇玄雲瑤殿闕白日楷林寒
洙泗千源合龜鳧一氣盤青春練時日黃目捧祠官
野曠樵蘇禁階空拜跪寬上公全帶礪博士列鴛鸞
壤壁金絲振穹碑雨雪攢東家紛禮器曲阜謫儒冠
麟紱書猶繫龍門史不刊凝眸庭檜碧悵息廟楹丹
闕里傳新志滄溟得大觀悲歌憶梁木雅操撫荷蘭
在泮于今盛升堂自昔難吾徒稀砥柱世事足波瀾

刪述尋孤緒，崢嶸感百端。躊躇多古意，煙景浩漫漫。

登兗州南樓故址

兀突荒城土，一邱相傳此。郡舊南樓霜，林梨棗嶺陽。
晚鐵笛關山月下秋，萬里高風喧燕雀。十年遠道困
驂騑，杜公臨眺畱題處，有客狂歌上上頭。

謁孟廟

氣象巖巖在千秋，命世賢朝廷勞一暴宅。里表三遷
翠抱連山影，寒生古木煙。讀書兼論世，微意惡闖然。
九日充署書懷呈王巖

昨年省記西山會，着屐飛凌紫翠顛。今日全爲東郡
客，搔頭悵望沈寥天。曙催隔院棲鴉起，風卷當階落

讀甫集卷三

九

蘭陵草堂

業旋歷亂紅黃香，作佩爛斑黃菊小。于錢纔追良會
人何在，未上高臺意惘然。旅思難消千盞雪，夢魂猶
蕩兩湖煙。天涯虛湧登臨興，岡畔多違讌飲緣。游學
桓生成底事，賦歸陶令苦無田。燕聲早解辭雲幕，馬
汗空思戲玉鞭。吹帽有誰欣入座，題糕對我詫如椽。
風流肯落羣公後，懷抱還增十載前。班管生涯元自
苦，綠萍踪跡共相憐。秋光潑眼全流水，月影驚心又
上弦。倦客身畱青社裏，故鄉目斷白雲邊。地寒擬把
麝裘禦天濶，難將鴈字傳。欲寄茲辰游子淚，泗河西
去自潺湲。

玉岩垂和疊韵酬之

騷人最愛重陽節，郡署空懷萬仞顛。漂泊二生棲魯

地，迢遙千里望吳天。花含玉露濃香綻，蓬舞金飈斷
梗旋。未盡層雲摩石壁，且移曲磴破苔錢。關山搖落
心愁絕，歲月崢嶸骨挺然。寶匣芙蓉開曙旭，故園楊
柳墮寒煙。專城志業傷寥寂，岸幘心情謝撲緣。人繞
籬邊思栗里，客來庄上記藍田。歌呼落日聊揮管，踴
蹙窮秋未着鞭。濁酒橫吞千百盞，高齋暫借兩三椽。
茱萸色豔絲囊裏，蟋蟀聲低板戶前。翠靄龍山身未
到，波瀾人海意堪憐。清光敢道聯如壁，勁節終看直
似弦。河渚鴈鴻猶有伴，天涯風月更無邊。牛山涕淚
何須灑，峴首英雄自足傳。重抱焦桐彈一曲，案頭流

讀甫集卷三

十

蘭陵草堂

水響淙淙

讀備三所寄悼汪孺人詩音調悽惻爲作哀
輓十韵貽之

蘭閨禮法傳東海，薤露悲歌送北邙。劇恨于歸無百
歲，可堪長逝近端陽。伶俜嬌女心傷日，悽愴慈姑髮
益霜。萬朵榴偏承涕淚，三年艾不治膏肓。絃摧枉鴈
間，何慘案對梁鴻。憶最莊入地未纏長，命縷所天空
覓返魂香。常師列女遺圖畫，虛採宜男妾佩纓。往日
竹林供洗盞，明年桑陌罷攜筐。桃花潭遠鈿車斷，梨
樹庭寒總幕張。回望吳天多黯淡，那能臨殯奠清觴。

題吳君垂釣圖遺照

君性適同子對面見豪爽瀟瀟風雨廬一語三撫掌
披圖識舊顏襟抱覘素養持竿不志魚聊以謝塵埃
渭淮與桐江古水清盍盍寄意各有存豈必多師仿
平生脫畧志眉骨餘倜儻龍性晚自馴煙波面滄溟
嗟予狂未弇入世慨以慷倚薄廣路塵夢斷湖痕長
所至同調希涕落思疇曩此中垂釣人於今已安往

張甫詩集卷三

張甫集卷三

十一

蘭陵草堂

張甫集卷四

錢塘桑調元

詩四

酬馬墨麟維翰贈別并序

憶癸卯秋省覲南還墨麟以詩贈行未及酬答頃重
來都下檢諷清詩用酬高韻

重聚京華日論心一慨然素交青眼底熟夢白雲邊
寒灑皋亭雪春生禁苑煙何須追舊事祇自惜流年
扶竹酬何淵若薄十二韻

偕居林下好嘉耦見蒼筤散灑高枝雪駢凝老幹霜
園池無弊閤風雨總扶植立同完節森排異萬行

張甫集卷四

蘭陵草堂

連陰團嶰谷交翠滴清湘詎關青霄勢從增綠水光
葉柯偏自對節目巧相當掃戶雙梢活凌空一本強
天教成密契誰得與聯芳只羨三生洽寧憂兩美傷
虛心標伴侶靈氣孕春陽君子論膠漆相親共鼓簧
奉酬墨麟見和病起書懷之作四首

紫陌春泥印屐融小裘披出颺微風艱難處處經過
飽消渴年年不放空夢斷葑湖浮鴨綠喜過花市見
猩紅擬歸村圃尋生話手縛茅廬占數弓

落落疎星看及晨那堪寄食旅愁新影寒每被燈花
笑量窄猶呼酒盞親天苑稀逢三月雪池塘又負一
年春也知襟帖今零落倍覺蕭涼伏枕人

年光最惜落花深黃鳥多情伴客吟潦倒自成吾輩
格疎頑久動故山心十年旅食同巢幕一領儒衣好
掛林漫踏九衢緣底事空教濁水濺蹄蹤

久客青門百不諳西山遙爲送晴嵐病軀睡過三竿
日醉眼前來百尺潭乘興舊曾追剡曲聯吟今莫讓
城南無多春色畱同賞花信催過二十三

春夕集董君寓齋送徐君之天津聯句

蕭齋兀靜坐董剥啄鴉驚開取別朋盍簪謂永夕良
所樂主人洗尊疊徐薄酌簡錢鈔式飲蕩離心董晤
言掬古貌赤肝重輪囷謂白眼賤騰越窮韓愈崛奇
徐意汲黯排撓徵逐牛馬風董蟠螭鯨龍淖青袍點

紫菴集卷四

二

蘭陵堂

緇塵謂世途歷機巧求友薄輕肥徐躬耕苦瘠曉去
去廣衢輪董汎汎層波耀天津送浮鷗謂燕山顧隱
豹明晨黯欲分徐舊雨忻來教酒兵關雁董詩壇
互踰躑躅花遞暗香謂燈跋逆輕爆漏鼓咽咽沉徐
睡魔炯炯覺心清聞風鈴董肺熱想冰窖道義矢久
要謂謠誅慎弗較固當爲直矢徐焉肯作枉橈徐貌
中聖賢董董生行慈孝霖雨志彈琴謂爾祖是則倣
首途復遲遲徐寄跡姑稍稍努力事詩書董篤行光
學校執祛念子行謂斷金竊自効後夜夢迢遙徐漢
漠春陰罩董

贈人二首

家園苦憶小長蘆夢裡人凭畫檻無一丈紅薔黏鳳
子千絲碧柳覆鴉雛
滿院桐陰夏晝長可堪作客誤年光天涯節物盤中
見梅子青青杏子黃

對雨和韵二首

積潦盈川浸兩涯猶聞瀑點打窗斜騷歌遣悶從頭
讀肌髮迎涼信手爬漏屋淋漓茅一把遙村泥濘路
三叉懸知貧戶多愁思安飽淡慚擲歲華
園林一洗綠無涯捲地風來草樹斜蝸篆數行緣壁
寫蛛絲萬縷傍簷爬關山行客遲驅轂洲渚漁翁捷
挺叉龍噴九天雲轉黑枉催詩句愧才華

紫菴集卷四

三

蘭陵堂

復雨疊前韵二首

紅曦纔照御河涯又見釀空碎瀑斜嘗恨人情善翻
覆誰知天道戲推爬花開紅白乾還溼圖黯丹青卷
復又半日雨晴多倚伏可知憔悴與榮華
遠走轟雷水沸涯還憂牆脚半欹斜高灘驚翅須臾
晒濕土蟻丸輾轉爬隣客悔過前後巷曝衣忙煞短
長叉劇愁簷溜通宵滴夢想東窗曙色華

小晴再疊前韵二首

瀾漫厭絕浪衝涯餘雨飛殘數點斜也算新暄林鵲
啁可堪陰濕草蟲爬竹根酒色斟來凸沙尾河流瀉
作叉却似人間憂患過時來未敢說豪華

十日愁霖定有涯
涼宵觀對白河斜
新花出水迎眸
賞腐草黏泥快意爬
隣樹蟬嘶抵鸞吹
書堂燕掠展
鳴叉老晴誠得天如水
消夏亭臯景倍華

驟雨三疊前韵二首

鷲地翻盆注滿涯
萬鳥陡蔽夕陽斜
狂風飄瓦渾如
捲猛溜穿渠不費爬
平展涼篷添罅漏
低張油傘強
支义料他晴意非
蒼老欲放霞紅頃
掩華
蒼茫愁思渺無涯
勢助颼風旋轉斜
欹樹榴巢方迸
落壤牆甃甃未疏
爬將湮隴畝
甿農父欲叩天門隔
野义霽潦轉教詩思惡
撥來景物少高華

雨過四疊前韵二首

兩餘流水亦歸涯
只有萍蓬逐泛斜
小燕蠅從蘆葦
集輕明蜂上紙窗爬
風雷幾度身
高寄漁釣相逢手
對义連陣鳴湍俱已過
野夫願閱好年華
塵途憂樂兩無涯
飛轉雙輪影易斜
匣游還抽雙劍
舞園荒未秉一鋤爬
浮雲幻狗終消迹
退筆塗鴉劣
帶义梅雨從今知了未
莫論雲日已光華

天陰五疊前韵二首

四望空濛際遠涯
雲中旭影那知斜
痴鳥蹲屋忘三
匝飢鼠翻琴悞一爬
爐爲焚香勤撥箸
錢因買酒再
挑义泥塗底事還深語
傾蓋無因遇子華
沉沉雲霧接陰涯
沙燕迎風慣自斜
窗檻依花聊近

嘆衣裳沾薜試輕爬
飯客飽弊何勞裏手爲微吟且
復义詎恨迂生長潦倒却愁羣物少鮮華

晴雨不定六疊前韵二首

水痕消長看溪涯
緩急飛湍幾道斜
豆架踈叢猶採
掇蔬畦壞葉已芟爬
烏黔鵠白雲爭勢
老碧新黃樹
間义氣候炎涼看錯伍
杞人憂思損容華
天北天南各一涯
空憐客舍柳枝斜
鵲鵲翻覆登高
喚郭索行藏就淺爬
爬前度水如腸
九曲故鄉山作髻
了义羈人愁裏忘昏曉
苦望星雲四照華

老晴七疊前韵二首

啓曙紅輪出海涯
煙拖一帶鎖林斜
排空螺髻分明
數浴水拳毛仔細爬
高卷隔花簾額影
爽開當戶戟
枝义九重何限勤
民意親至龍堂駐
翠華
年光流浪不知涯
容易秋風脫葉斜
朱果無心經雨
長青蟲有喜向陽爬
客情終覺憐儀舄
詩格何妨學
島义共話連句陰雨後
乾坤暄霽更增華

酬茅渠翁應奎見贈韵

文章黼藻有原本
盛載大道體則隆
狂瀾洶洶或倒
決巨手作障歸之東
古今作者良有數
揚鑣正轡聲
瓏瓏豈惟才力挾
蟲鼠根原積厚超
羣雄吾聞立言
配功德斷簡壤壁傳
無窮渾沌元氣汗漫在志士收
得天無工盛世三辰會
珠璧炳琅文運多鉅公眼瞻

師友導先路蹠踣海寓羣爲空走也讀書竟罕獲車
轍未欲隨嚴終擬向青山縛草屋遺經久抱求疏通
酷悔少年誤涉獵詞場造次從趨風萬言祇成瓦釜
開發聲那似洪鐘洪揭來却坐飢驅急駸駸馬足馳
軟紅奔波南北不一役羈棲影逐天邊鴻重遊燕碣
謀作活幾載風雪裘裳戎安得全拋衣食累虎觀或
可論異同儒先堂奧闕未得拘墟有若蹲樊籠鍵關
稍稍基蓄養至哉六籍先尊崇吾年壯矣愧卓立瑣
細詎暇箋魚蟲詎君才壓流輩百盛譽早歲騰吳中
今秋直凌泰岱頂豪吟遠矚摩蒼穹囊雲袖句走輦
轂寓齋會面談溪衷君詩與顏並蒼老古心復不遺

啓甫集卷四

六

蘭陵草堂

狂侗大雅源流指諸掌磊砢之氣如雄虹地爐自烈
冰自壯轟然語笑迴春融顧我發凡蹈鹵莽厄言積
習勞芟薶荔邱禹穴拾異篆書城萬雉斬全攻更欲
讀君周易權看掃理窟開演濛論交有道未恨晚記
茲始捐逢旃蒙人生遭遇具有命休計伏處蕙騰冲
重酬渠眉見贈韵

鴻儒文行遵古制大爐風會隆而隆書田淡耨恒產
在準諸古畝存南東吾輩豈羨少年俠玉羈快馬標
璫瓏又豈動心通侯貴施紆金紫呼豪雄章逢本業
關萬古苦學詎暇憂途窮南山北闕隨所遇貴藻不
獨文章工後來誰作人物表富有定論平且公崢嶸

奇杰果挺出氣象兀若撐青空

同調援焦桐重

爲鼓之曲三終未信中存古山水

言嘆息心相通

塵途作客耐寂寞誰其憐者蛇虺風就汝高談涌狂

興滔滔一決黃流洪圍爐堅坐常抵黑燭光簇綻芙

蕖紅羈棲久類繞樹鵲得伴密作啣蘆鴻論交本畧

窮達跡五咏何必遺濤戎要須道義足膠漆昂藏意

氣難強同梧鳳鳴雲鶴逸其德並自辭條籠羽儀

頽頽千仞上婦孺仰見咸欽崇不爾洪爐物有萬得

不瑣視猶沙蟲百年鼎鼎懼虛擲願圖不朽畱寰中

特書姓氏上青簡此事不係於高穹平生壯氣對激

發端賴直諒明丹衷況我較子才力薄忍令爲儒爲

七

啓甫集卷四

七

蘭陵草堂

倥侗曾聞先師有撰作自天萬丈流赤虹心知經術
飽斟酌壞廬之樂偏融融命教貧賤亦爲福美玉須
錯金須薶倘厭厭愁城高嶭嶭熱酒姑用偏師攻即今
神臯春色起醉看草樹青濛濛敝裘徒步意亦得酸
寒不受塵埃蒙丈夫修名卓自立皇甫安能重太冲
送渠眉之楚中

更無人與慰羈顏惜別情同骨肉間樞驥長嘶論價
重沙鷗小聚悵綠慳渚宮煙月從吟釣燕市春燈記
往還迢遞南雲望迢返莫教畱戀綠蘿山

送王君歸桐鄉

狂夫骯髒氣則麤君才溫雅體貌殊白華相傳古孝

子詎必金紫橫拖紆時來虎拜上殿陛不爾綵服庭
闈趨晨夕團圞樂復樂風雲際會無時無瓏瓏馬首
東急轉翻翻鵬翼南緩圖甌山春笋肉殊脆爛溪鳥
鯽腹又腴錦堂春酒勤侍勸砂顏雪鬢饒歡娛閒來
仰視白日駛牀頭休碎玉唾壺嗤予落拓遊神都頻
看廟市春華敷吾親老矣缺歸養咄嗟遊子緣飢驅
苦盲縞塵非熱客屢逢青眼猶窮途幾處漂流着寓
舍一身陶埴隨洪爐只今擬作天南客欲行不行三
踟躕總傍人門作桃梗翻從蠻府吟姬隅時欲赴嶺南白雲
回望益復遠夢想親舍增煩吁况復風前送歸軫那
不淚落淋衣襦君記吾顏蒼且癯近年鬢鬢頗有鬚

張甫集卷四

八

蘭陵草堂

平生意氣本豪縱遠謀菽水徒區區終當歸歟供子
職力耕饒瘠披茅蒲端罕一櫂來訪汝汝飛千鍾我
百觚古畫曾摩王次仲醉掃壁同歌呼

渡揚子江

信宿波濤阻客程今晨風便剪江行飄零書劍頻年
渡依舊金焦兩點明歷歷迴帆鄉路熟滔滔流水壯
心驚關山一葉迎秋氣橫笛吹過鐵甕城

九日感舊

風雨無情毀枌堂籬花久失一叢黃依稀皂帽形容
古寂寞蒼山歲月長故里何年歸野鶴空階此日急
寒蟬尋思石壁畱題處不待登高已斷腸

送友之泰安州

茫茫人代易滄桑封禪臺邊綠草荒七十二君塵劫
盡祇教君去弔斜陽

寓齋對酒

陰雨二旬鮮上墻青春狼籍去堂堂人蝴蝶可憐
白繞屋菜花無數黃獨客久遊楚逕熟雙魚不到湖
波長眼前萬事我何與且對遠天傾一觴

落花

一片纔飛萬片催窗前着處點成堆飄零未覺春情
薄更逐回風入酒杯

保叔塔

張甫集卷四

九

蘭陵草堂

崢嶸寶石山塔勢聳孤秀撐空入重冥危顛鷗鵲闕
鐵簷舊莊嚴盤梯上層構露鈴語天風星鐙閃雲竇
浩劫春雨飛頽剥苔花繡近碧抱灣深遠青堆衆皴
天界澹斜陽夕陰烟景轆奇壁西巉岩猱騰不可又

天然圖畫閣舊址

昕夕對湖山百變煙雲界天然閣已灰清景長不壞
春嵐澹夷猶雪波遠砵砵樹晚掩漁莊雲殘露鶴砦
濤松萬壑傳弦月一峯挂落照溟海天髣髴王蒙畫
身堪岩穴着意豈俗物敗結茅此最佳高眠餐沆瀣

寶石山北望

扶筇遲欲下且復立雲屏澹煙汎湖墅餘雪明臯亭

縱橫長蒲麥愛俯沙田青殘菖布仙石單鷺拳漁汀
我行春山暝草不浮芳馨巢松願未果孤月剩岩局

別懷

天付了多事腸迴祇老親波濤何足問忠信在吾身
一道雲帆此重過却思共渡奈愁何新秋的新逢征
關河故人豪興猶堪憶水急風高發浩歌

揚子江憶往年與金君共渡作

一道雲帆此重過却思共渡奈愁何新秋的新逢征
關河故人豪興猶堪憶水急風高發浩歌

新泰謁羊太傅祠

投鞭旅店訪遺祠名德如公百代垂倘有鴛人羊叔

張甫集卷四

十

蘭陵草堂

子應無墮淚峴山碑旌麾落日猶疑動裘帶春風自
可師雄鎮襄陽勲業就魂歸故里未云遲

題畫

倒壁長松樹樹圓晴雲片片薄於綿無邊清景偶然
見一髮曉山青際天

張甫集卷四終

張甫集卷五

錢塘桑調元

詩五

題桑青培元甲觀海圖

乾坤覓壯觀大意屬四溟四溟彎環一泓水渾淪灝
瀚包元精博木翠如薺神山碧如萍周觀咫尺裊海
外目力豈止窮壺瀛倚天之劍長納鞘白光恐使魚
龍驚我前為君請發孤桐響試臨天風操水伶或使
雪波化作酒卷脣一吸蒼顏頹不然以此溟洋為墨
瀋醺筆隨意書縱橫倒覆星河洗日月老腕未遺濤
瀾平蓬萊玉女千娉婷珠喉不似人間聲喚來緩歌

張甫集卷五

十一

蘭陵草堂

新製曲妙轉勝奏雙鸞笙仙之才者屈指數其餘正
堪作使令君乃掀髯大笑置不答四顧遼廓天海清

古意二首

君子訂偕老匪同邂逅私誰知綢繆極同衾翻見疑
笑言未有違微覘中情移踟躕載寒暑君情妾已知
賤妾固多愆願君保令儀

疇昔蒙厚寵賤妾懼莫當詎厭君情多祇願君情長
故歡不可畱悲來遂無方怨君復思君風愛中心藏
箱中疊輕紈篋內藏明璫撫君曩時物脉脉以自傷

過景州有簡

玉杯繁露續道經千載賢良見典刑恨不下帷居此

地翻教刺棹入東溟孤雲淅淅橫天白萬柳垂垂抱
郭青擬欲從君話疇昔歸韉一縱那能停

題花南老屋

園林舊闢好躋攀高棟依然葺數間只識濃情畱遠
客那知幽景落塵寰朝烟浮市欄前起夏漲穿城屋
外環試問何人能種竹若論吾意欲移山出牆新樹
文鶯坐垂架長條點鼠板翻砌螢光千點亂入簾蟾
影一痕彎地堪燒藥泥丹竈浜可通舟置水關纔過
黃梅輒半溼又添碧辭燈全斑年淡薜荔侵帷密日
午戎葵似火殷人到他鄉揀放浪天容此處寄蕭閒
相將賓主成歡譙更與漁樵作往還不是雙湖萍汎

發甫集卷五

二

蘭陵草堂

熱燭來吟嘯已緣慳

題沈氏青箱草堂

漠漠苔花舊艸堂沈家別業貯青箱橫蹲石壁小蠅
虎飛下古藤黃鼠狼倦裏恰便蒲席軟病來淡喜藥
鑪香撐空張王梧桐樹與致炎天一院涼

客齋九日

何須臨眺上高臺閉戶狂歌亦快哉蕭爽從吹頭上
憤沉酣連覆掌中杯白趁圓影憐駒過紅透層巒指
鴈來浜口萍花綠浪轉天邊木葉被風催鬆窗恰得
瞻金塔蠟屐慵令破繡苔野雀娟娟窺幔下晴雲晶
晶汎空回十年免管勞驅策孤棹龍淵厭溯洄星散

朋遊懷郭李日聯酬唱少王裴隨時也結茱萸佩作
意寧求鳩鳥媒小隱幽偏元匪石獨吟癡放直如雷
憑誰青眼真堪鑑剩我丹心總不灰弔古纔噓豪士
氣悲秋況念大夫才庖涼歲序當披褐寂寞居停免
鑿坏興會畱觀西水月生涯屬剪北山萊已教一瀟
橫翻墨更欲雙湖盡化醅旅館綠藤高掩藹故鄉翠
嶂疊崔嵬辭巢社燕應增感狎客沙鷗未用猜煙徑
思量疏栗里草堂慙愧署蘭陔夢魂慣着斑衣舞消
息頻將錦字裁南浦自然傷伴侶東籬到底絕塵埃
只今騁望楓香落及早言歸菊藥開萬事紛紛休計
算樽前身健且徘徊

發甫集卷五

三

蘭陵草堂

章柱天極垂和客齋九日作疊韵酬之

范湖借得讀書臺倦圃先生安在哉思煞羣公爭握
管續教一士此啣盃晴天乘興看花到昨日何人送
酒來攜李亭傾隨水逝鯉魚風起把寒催喚餘蒼鳩
叢叢菊踏破重扉寸寸苔劇憶秋墳埋鮑照謂餘杭亡友鮑參軍廷堅
子固虞泉得交頃令我國失顏回十年交譜難沉沒一派
在天故及之詞源尚汭洄零落音塵重懷謝懷謝山房虞泉別墅也喧轟領袖素
稱裴已亡腰褭誰收骨未嫁娉婷總少媒眼底相知
膠在漆耳邊苦鬧金谷園應成雅會玉溪生自擅仙才
題不劫灰柱天無題詩最佳金谷園應成雅會玉溪生自擅仙才
襟情並熱薰爐熱風氣先寒蟄戶坏手筆空憐押鮓

宇腰鎌端羨闢汙萊旅懷冷過鴛鴦浦歸思濃于琥
珀醅墜葉隔橋紅歷亂飛雲橫野白歲嵬聽歌蟋蟀
真成慨任嚇鴝雛浪費猜觥令森嚴傳百罰詩壇高
峻築三陔洪爐大小從陶鑄散木支離謝剪裁喜甚
招呼逢傳舍超然榮利掃浮埃良辰却放重陽過癖
性猶將萬卷開漱研泉邊頻炤影只緣吟賞倍低徊

朱園

荒園隱洲島夙昔嘗寄居古木窈窕密修竹羅清疎
東頭小瓦閣風帆漾晴湖詩朋來接跡小艇緣菰蘆
撫懷欣嘅雜倏忽十載餘空齋喜我至秋畦剪芳蔬
燈前拜童稚迴然洗嘆歎蓬茅添幾楹攜家與之俱

茲甫集卷五

四

蘭陵先生

耕糴計良得暇讀叢殘書清霜鶴立磴寒水魚依蒲
幽溪松窟宅須着高吟徒此意亦邈然惘惘臨尊壺
明朝解舸去淡烟望林墟

見水際一螢

寒宵矚孤螢流岸一何速明珠淪道傍飛星過水曲
凌冬應改燧入夜故秉燭儔侶歸何所淹畱只汝獨
却思氣鬱蒸碎火翻簇簇疎密綴林莽高低散岩谷
荏苒清霜飛感此節序促頗悽影踽涼敢矜光燄煜
咄嗟腐化餘過時照人目休論三足烏夜半咸池浴

蕉上雨聲

今冬喜久晴一雨良復美急點灑蕉上乍聽清心耳

暑汀荷芊間漸瀝母乃是疾徐時有間疎密晚不止
寂坐洗神魂冷夢脫塵累人生苦煩促佳處能領幾
漂宕厭孤蓬愁絕喧枯葦空齋亂跳珠靜官入無始
宵淡餘響歇霽月到窗几

乍浦登湯山望海歌

方輿四際水四周乍浦一角居東陬客行到此望東
海奮身飛上湯山頭滄溟勢與天混一天東海東寒
悠悠湯山之腳插海底山巔往往噴龍湫檣竿成林
巨艘轟波力所到搖輕鷗隱隱黠點出洋面倏忽帆
湧如奔牛秦駐一峰綴萍葉海中春動鋪青油連朝
沉冥煙霧積今日日上紅錦毬晴霞光焰燭萬道龍

茲甫集卷五

五

蘭陵先生

蛟宮室堪窮搜天容海色徐淡沲豈容蜃氣噓臺樓
浮空島嶼依微見黃盤山似黃盤浮瀕海小港潮吞
吐舳艫新造塗彤髹訓練水師鎮重鎮營房移駐千
龜貅東南西洋開道路高麗大月雙琉球重驛且來
蘓遠國波濤平帖行田疇貢舶所通通市舶擁入浦
口連千舟時平有脩慎封守廟堂遠大存謨謀試取
百壺暢懷抱左手右手交相酬脚底亦有九峯在峯
峯踏遍蒼苔幽人間詩意畧收拾光怪應須入海求
溟濛積水無險阻撇漩萬里騎螭蚪蓬萊方丈亦小
景消盤咸池非遠遊九點煙涵一泓水蒼茫元氣橫
齊州乘興不勞擇日出金芝玉屑充糧餽回顧親舍

白雲下汗漫欲遊且復休長嘯天風捲海水有人驚
起鳳麟洲

春暮作

楊柳作花濕不飛冥冥細雨春將歸鄰翁嘗汲宿砂
酒客子筍翻單褐衣沙燕背人獨自語海鷗與我都
忘機東臯過返賃田種莫道老農生事微

題爭子圖二首

世局故有爭君心平如水況對光髮人不妨饒一子
只應任輸贏嬌顏睨紅玉不有康獨兒能亂已成局

舟過繞門山

曾巖石氣冷丹青根插崩濤削翠屏洞底飛光穿日

發雷集卷五

六

蘭陵子

月谷中奇響走雷霆雲門陡峻盤孤鶴溜壁嵌空鑿
五丁恐復此中通禹穴欲撥秘簡問山靈

舟夜望夏蓋山

夏蓋山連夏蓋湖遙看萬仞插虛無雲來神鬼乘空
下月出魚龍破浪趨漲海荒寒畱此土扁舟狂醉屬
吾徒依稀夜渡經揚子煙擁焦山一點孤

驛亭堰懷舊

幾年逢掖滯京門此夕烏篷下水村隴上秋風吹宿
草堰頭人語鬧黃昏湖波瀟洗塵埃色江月流連涕
淚痕莫怪哀歌扣舷起差池心事不堪論

冷泉亭

飛來峰

適從絕壁來如漿翻白汗少憩面渟泓沁骨不待盟
潭潭虛白光一鏡涵止觀清極少龜魚石髮風漪散
春淙雨後盈落礫飛瀧悍喧靜本同波對境發三嘆
今晨遊屐稀孤影漾泉畔山靈其許我猗玗稱浪漫

涵青精舍

發雷集卷五

七

蘭陵子

叩扉鳴不怖看客藤梢立破衲語清寒禪窟初啟蟄
竹爐裊茶烟甌綠供快吸春池石週遭澹白手可汲
德水涵澄虛冷鑒一影入蕉浪不見翻軒櫺雨苔澁
後樂汝何人沈灰思遙集瘦竹穿空嵌壞墻笋觚觚

懷鶴洲

鶴洲風日最清妍苦憶涼生小閣前碁劫打殘千點
雨笛聲吹散一湖煙

雨散林梢月逗川客心猶戀草堂煙故人久向天南
去應記春波舊釣船

立夏前一日

鴛鴦湖波春可憐落花如雨草如煙日中爭曬蛺蝶

粉風過亂翻榆莢錢舊山紆阻二百里濃景修拋九
十天縱搖兩槳急歸去櫻笋已是新夏筵

瓶中白蓮

銀塘侵曉露珠漙漙縞衣輕玉豔寒迎到湘簾冰簟
裏一瓶秋水是情瀾

瓶中白蓮和韻

生涯辛苦寄軍持賺得冰紈幼婦詞微動秋風香脉
脉酒醒夢覺有人知

畱錫庵即白蓮寺舊址

白蓮妙香窅忽復一錫卓蕭蕭風雨秋雲構已頽剥
窗竹瘦檀欒逕石圓犂确經龕塵不掃鉢池清可濯

張甫集卷五

八

蘭陵詩堂

茶煙白澹沲絲颺出蘿幄坐久聞敲鏗枯木一鳥啄

福城庵

羸旋下峰坳投此一憩脚荒園宿雨乾秋風掃叢籜
策足功未狗轉瞬髮已鶴古綠曠岩扃冥棲孰果諾

蓬萊境亦寓雅志此焉託葛翁煉丹于此號小蓬萊樵者拾丹砂靈跡

遺林薄池荒月魄寒雲淨天容廓際夕聞疎鐘一葉

兼螢落

攜張聖書天麟登飛來峰憩冷泉亭作

石窟潛通小有天喜能濟勝歷層巔一亭蕭爽當秋
日百尺清泠俯冷泉急雨飛濺岩洞底斜陽倒映寺
門前此間雲水千年白幾輩登臨姓氏傳

九日感舊

十年懷舊淚縱橫南北山頭萬古情醺酒自緣酬令
節整冠却爲弔先生松篁故宅無多翠猿鶴空山尚
幾聲長向東籬想標格黃花端的似淵明

烏龍廟

背江面山根古祠立森竦躩踞鵠青珉蔚葺渲畫棋
靈宮翼青冥形勢壓岡隴陰寒玉座秋有巖石礎鞏
負屋攢松杉翠燾若環擁犇濤捲盲風殷殷聲洶洶
冷客無所祈雜慮掃紛翫欲訪太虛亭松嶺賈餘勇

法華庵

結廬古城下讀書秋樹根方丈題此一聯東臯有此景移來贈

張甫集卷五

九

蘭陵詩堂

沙門沙門愛衣紫豈識清妙言金地頗幽潔繞舍竹

亦繁健者義食力桔槔自灌園嶺彌候果熟江鳥集

烟昏萬物得本性于人何怨恩祇林白雨洗流水兼

清渾霜物弄寒響曦景生晚暄寂寞自適意去彼谷

口村

見漁艇

朝光散洲渚老漁橫輕舸船頭勇撒網撇漩船尾高
徐牽過淡碧風荻鳴颺颺有魚舉手拾無魚信所遭
青錢鬻錦鱗行舟爲停操茅蓬有醇酎酤取良足豪
孤身無長物醉眠遺竹篙焉知岸傍客暫對心勞切

同玉岩晚步東園

逶迤取冷徑步屨參差行水底見半月了印如珪形
霜臯楓的的冬畦菜青青犬候籬隙吠鴈向天南征
豆棚落老蔓孤花嬌零丁隔沙漁火上接戶寒機鳴
童齡觀儵處波細風冷冷翳然面濠濮真想存靈扁
猶餘屬屐興難却髭星星弗使兒輩覺哀樂實飽經
晚鐘荒寺動徐歸且遙聽

勵孝女并序

杭勵孝女珥母病且死額叩牀前歷未申酉三時母
甦而女死予哀之作此詩

祖洲返魂香方士唐荒語以死回母生只聞一孝女
牀前紅爛斑尚畱額血痕巫陽在何許不予此女魂

破甫集卷五

十

蘭陵草堂

破甫集卷五終

破甫集卷六

詩六

錢塘桑調元

遊虞山二首

中峰迢遞亂雲低一道松聲一道溪僧閣流連過卓
午放生雞向隔林啼

山莊紅豆已成塵猶話尚書老病身當日菟消一株
柳露條風縷不勝春

長歌送李介百昌祺歸

芋魁豆食不易得出操一管當力穡此田小稔此口
亦足糊不如農也自得行胸臆我家住在胥鼓城中

三十一

破甫集卷六

蘭陵草堂

東苑中君家門逕紆回通故林未許着形影齊驅之
出如旋蓬旋蓬信接西復東天南地北各不同君嘗
盤嶺險涉建溪水我嘗跨河冷泝燕山風悲君身宮
坐奇厄天末歸來影成隻噫乎皇天老眼何惜騰竟
忍虐此嵬厓之書客我雖落魄身較強氣羸胆羸故
態狂君見君顏足黯黹顛語欲得君飛揚君時領之
涕一破今古茫茫雜弔賀濁醪且博醉如泥那知舊
恨如天大更喜今秋客路全作遊尚父湖停鴨嘴舟
篝燈青熒照醉臉夜箭欲沉談不休欸語促膝滋味
稠和調心腸病亦瘳雄談轟轟笑啞啞星河倒激雷
軒流有時興發展響道天風吹上虞山頭狂歌河海

俱震盪快哉二鳥鳴相酬文人合并鬼所妬惆悵君
歸難久聚海頭剩我苦吟身風色蕭蕭冰雪暮咄嗟
嚙毫生生活常苦勞君今辭去意亦豪敝裘破帽有風
調悲歌慷慨歸吾曹惟我夢歸熱火熬扁舟送別心
忉忉皚皚親髮稀復短遊子罪大將焉逃羨君舟發
疾如矢廬墓讀書計良是我有親養胡不歸負薪負
米斯可矣不爾負郭十畝亦可租春雨一犁健手扶
君之隣舍有二盧耦耕併擬相招呼歸與歸與樂復
樂時價爲我問烏爆

寄聖書

高館時相憶周旋數汝才叢談春雨過散步小園開

三十七
張甫集卷六

二

蘭陵草堂

齋閣垂星影澄湖豔酒杯沙頭秋水漲期我挂帆來

憶沈琢英

增

何事經旬滯草堂情懷小別亦蒼涼憐予病不隨春
了念子愁偏似歲長吟過花徑鳬拍拍夢醒竹屋雨
浪浪客齋冷處畱青眼苦向湖波望短航

望家信不到

正月出門草尚微楊花棟花今亂飛海角雲空月自
湧沙頭水漲魚何稀平安誰報故園竹單衾已更遊
子衣燕尾船輕疾如駛艣公切不載我歸

小泊舊港

舊港人家涼復涼綠灘垂柳更垂楊艤船恰得小茅

店注酒宛如寒玉漿尾掉黃魚港水活花飛白稻天
風香愛茲鷄犬一村靜起枕却看煙渺茫

古怨歌

西風振鳴悲葉墮青桐樹隨風又飄飄不知南北路
葉去何由返人別何由聚

鷄鳴歌

月光淡淡星光稀汝南鷄聲報重闌博山爐中桂火
微金缸沉沉凝寒輝杯行既醉沾裳衣花幃正煖香
融融安知簾外嚴霜飛

遣興和子齋

拋却茅廬一水濱仝君結束傍風塵喜添夜雨聯牀

三十七
張甫集卷六

三

蘭陵草堂

興暫駐河橋走馬身楊柳烏啼如有恨扁舟漁釣豈
無因青青樓角鐘山色拄頰朝看爽氣新

瞻園榴花歌

中山王十世孫孫名宏基治瞻園園中花木百種繁
一種赤燄光乾坤亭臺岩洞參錯與布置上下種植
百十根朱門炎威隨叔散平泉綠野摧長垣大功坊
宅改官廨鐵券不存嘉樹存嘉樹百種豈盡存春露
空洗枯椿痕有樹有樹脫落珠璣子子活作樹如雲
屯炎精不死孕於土熊熊光氣根渾元薰風一噓離
火迸狂花萬朵燒霞暎潑以大雨轉烘熾橫空爍爍
明朝昏頑雲陡合當晦夕燭龍啣照下天門客來喜

觀絳仙舞四面豁達開重軒琉璃之鍾琥珀酒對之
連作長鯨吞醉看小樹火齊錯大者天半拖朱幡平
池激豔影倒入百尺溪香通仙源紅氍毹觀一苗碧
落英鋪到蘅蘼管芷蒿莎蘋却憶魏國花滿邸賓從
雲集傾芳尊美人當筵玉喉嚨管吹鸞鳳絃撥鷗澄
鮮閣迴日方午芳秀亭高蘿可捫當時芳菲亘四季
豈獨夏木紅續緇謁來銀榜換標署一枝巢折無復
論惟剩一林照耀舊岩谷攢飛小鳥鳴啾啾嗚呼金
陵月下傷心豔寂寞中山萬古魂

登鮮閣芳秀亭一
枝巢見瞻園記中

登燕子磯

風送輕帆拂翠微泊船賈勇登危磯巉巖怪石半空

登鮮閣芳秀亭一
枝巢見瞻園記中

四

瞻園草堂

蠡淘淘白波終古飛海月江天一鴈度金陵鐵甕千
山圍誰能無事學垂釣坐向此間長息機

燕子磯謁關壯侯祠

磯石崔嵬屹似城磯頭祠宇夕陽明西川只續三分
統上將空垂百戰名古木朝昏鴉聚散大江南北水
縱橫至今風激濤聲怒一片吞吳氣未平

髮塚行爲桐城張吾未純作

桐城西北有山山名船其陰一塚張氏阡此塚何塚
塚瘞處士髮其子純也述之涕潺湲悲乎水發雍正
丁未年桐城秋漲浮蛟涎純也謀葬適遠出祖妣與
考之柩隨波漩妻抱幼子死於溺神魂滾滾遊黃泉

純也跣奔向天慟到江求柩沿濤淵求之二十八日
始辨祖妣柩哀哀考柩終茫然終天之恨難宣爰
瘞遺髮片碣鐫維純之考篤孝行有生事父至性纏
父嬰隔疾需醇酎盛暑遠構衝炎煙爲采蘆根抵江
岸二百餘里時往還喪畢終身不醉飽此意悽惻尤
拳拳酷哉陽侯漂厥柩忍使先德亦逐洪濤湮髮塚
瘞自庚戌臘及今壬子歲屢遷遇子白下語嗚咽遑
悲妻子隨逝川嗚呼水勢暴漲蛟肆虐其時人民廬
舍盡棄捐恨無澹臺子羽周子隱拔劍悉斬諸蛇蜥
坐使危湍翻一劫泯沒誰賦招魂篇我作髮塚行轉
欽純也賢純考處士諱永錫其骨則失行則傳純妻

登鮮閣芳秀亭一
枝巢見瞻園記中

五

瞻園草堂

朱氏子三戟亦備書之志所憐純今老矣尚作客古
心磊砢窮益堅猶有二子延先祀歸把一樽澆墓田
君不見日者崇明上海諸邑又被海波蕩靈風蕭瑟
悲遠天

九日感舊

湖山夢斷客中身樽酒空思醉此辰黃葉黃花爛秋
色一亭一榭窗前塵遺編曾滴英雄淚荒峪疇銘草
莽臣烏石峰尖雲散後登高作賦更何人

同張君登高

瞻園秋色爛如霞岩塢全盤細徑斜石沼清涵雙鶴
影茅亭高出萬人家簾收郭外鐘山翠帽插風前野

菊花猶剩大功坊底井武寧寂寞一長嗟

石屋嶺

攝衣陟岑岑一境清遠目宿雨洗高冥涼風振羣木
懸蘿翠尾禽眠苔雪色鹿螺皺數個峰玉削一叢竹
流泉灌下田白雲媚空谷虛襟照南高靜機入幽獨
晚欲卧煙霞未須伯夷築嵌邱神所構枰枕已置屋

九溪

連朝涼雨瀉發興尋九溪潺潺漱碕谷清瑩如玻璃
松栝寒映日沙礫淨無泥悵然來遊晚秋草今已萋

十八澗

磴道十八盤未若此澗曲曲清瑤流秋泉灌注足

發甫集卷六

六

蘭陵草堂

長瓶一僧汲圓渴雙鷺浴略約通夷庚緣源苦不數

風篁嶺

蒼筤拔嵌巉亭午陽光掩秋樹鬬清森衫襟碧于染
半嶺天籟吟琅玕冷磨颺雲聽碎瀑聲飛濺萬雨點
倏忽翠掃空殘雲落西崦虎溪續笑譁龍泓絕塵玷
昔時開山人菟裘指厓厂

龍井寺

荒橋生隱心破寺滙冷趣無風竹自搖不雨泉常注
古澗流白雲晴階暖綠霧禪席換巾瓶爐烟猶裊炷
鳥飛苔磴秋鹿過花宮暮茗柯馨本山粥鼓響常住
題鏡多缺訛畱意不若寓山林跡縱踪石壁嬾畱句

滌心沼

夙昔愛清冷瑩眼宛良覲適來杳無心末由取而滌
止觀滙圓潭皎鏡不湍激冷鑒愴忘歸萬慮此俱寂
悠然見疎髭微霜慵手摘棲岩吸寒泉冰顏洗愁戚
湖雲接賓鴈孤影度的的撥蘿向月林回首池烟冪

寂堂

人生苦行役驚駭瞋不息清遊無程期宴憩水精域
幽窟靜聞見僧來相對默秋星散虛空未覺天黝黑
一燈熒宵明靈曜虞泉匿香蘊未開花聲戢已棲翼
塵几餘梵夾微妙飽蠹蝕冲泉啜自佳澹泊有所得

照閣

發甫集卷六

七

蘭陵草堂

昏黑到上頭聊取憩吾足萬形修已暝未勞眼往屬
深山夕氣寒虛牖雲溼燭侵坐破孤清流螢一箇綠
冷塢猿吟低細澗泉溜續攢林疑風雨蕭撼滙空曲
未知東溪光海上出團玉

潮音堂

山堂坐寥廓仙唄自殷起餘善送冷然散入空冥裏
霜樹雜流響風泉清溢耳蕭晨心偶會一息悟無始
秋冷山骨青苔滑不可履羅逕翠盤回梵放逢開士

方圓庵

四山秋樹疎綠埋一庵淨偕來石逕稀蕭寂塵跡屏
脫葉當南榮反本見真性淅淅物聲乾晶晶天宇靚

醜石蹲礪硤壞柏倒瘦硬虛堂擊瓶疊白日飢鼠橫
挂桁破緇衣延壁疎苔映眼屬荒寒墟興趣入幽夏
龍驚渺塵劫張而遊方圖庵詩空山一室內舉目皆龍驚宿雨岩泉迸止榻度淡
宵高空看冰鏡

投餘姚張明府

瀕海建吾邑魚鹽利頗盈沙棉白如雪獲倍於香粳
一從潮蕩析拮据勞經營明府來何暮撫字心和平
比年元氣復景象還豐亨顧惟水利重尺澤所必爭
前墾汝仇湖黔首亦已驚厥姓四十八下田藉滋生
盛夏一不雨念之心忉忉幸新湖存蓄瀉畱一泓
所以湖塘堰例役東頭垠新湖塘係四十八姓代歲灌五晝之築以其承應湖水也

諸集卷六

八

蘭陵集

夜藉之晚禾成近傳併議墾婦孺涕濯纓廟謨關曠
土本以資民生詎貪數圩稻廢此萬井耕依依父母
仁疾痛摩童嬰側聞語溫煦歡呼動柴荆風謠出隴
畝庶以達精誠

渡黃河

落日孤光淡渾河九曲黃獨爲天地險持比海潮強
禹力全歸壑堯封善決防平原無砥柱古塹剩宣房
白月翻高浪秋煙湧大荒神來驚水立蛟舞擺雷硤
渺矣探星宿終焉入渾茫川祇呵護穩廟算補苴忙
糧漕千夫輓官鉅一葦杭風檣慣欵側兩岸易顏唐
捧土神猶旺乘槎意已忘無心爭利涉底事屢廻翔

讀孟子二首

前渡筌篲急頻經鬢髮蒼祇餘忠信在不畏怒濤揚
際會時難見亦難君王常在雪宮寒尋思出畫緣何
事莫是當年用賈驩

東西湍水勢湯湯排抑功高配禹王一滴曹溪等許
戲後來誰與砥瀾狂

涿州道中雪後晚行口號三首

茅店三更曙色通不知大雪滿車篷征途不碾紅塵
去亂舞銀沙驟玉驄

萬里寒光動曉星高原立馬辨旗亭却看粉本乾坤
裏芳草河堤一線青

效甫集卷六

九

蘭陵集

白塔峻增聳碧空林端樓閣玉玲瓏渾忘督亢陂前
路一帶山川入剡中

贈別藍君之任廣州

天地灝灝流元精誰其翕聚標崢嶸洪鑪鑄物隨意
鑄豪傑之成要自成古今巨室費整頓幾人出力扶
八閩時平非無偉業建鰲極既正須牢撐使君堂堂
出閩海壯年盛氣轟談兵飼鴨小兒亂天紀佐佑連
帥臺灣平淋漓大筆書東征將才史才身合并功成
幕府轉輶晦記室軍諮不署名名自諸生貢天府上
殷條奏羣臣驚天生我才爲時用一腔熱血凝丹誠
即今一麾指嶺表黃堂高映珠江清珠江人物庶且

富賢守只抱如傷情岩棲海泊種雖雜人蠶戶皆
吾氓土產糗糧未足給苦向隣省求香秬勸令春田
下穀種母貪估利拋農耕微聞近日米價貴糶糴或
向商船爭常平倉穀覈名實此事平日勞經營城狐
社鼠跡已斂要使伏莽消其萌煩苛姑息兩不着乃
見使君仁且明使君平生志拔俗夫豈徒哉五馬榮
便蕃賜物九重下殷憂一念緣蒼生我送使君自
日下春風遠道搖雙旌沈香浦上停官舫懷古端應
酹一觥

畫蘭

南陔有舊叢當春發華滋何人涉朝露往循而采之

張甫集卷六

十

蘭陔草堂

中廚潔飧膳玉盤充芳蕤雖無甘與旨愛此色養爲
嗟予作遊子芳塢春風吹猗彼華與萼夢想香披披
誰爲寫一叢一叢抽百思懷哉東先生示我補亡詩

張甫集卷六終

張甫集卷七

錢塘桑調元

詩七

謁遠祖御帶公祠

有唐宣廟時吾祖官御帶奉使勤民事瀕海功永賴
逝而爲水神舲迴辟擊汰傳芭滿湖江揚靈九州外
枌榆歸祠堂子孫永保艾當年海氛上賊火中宵會
有赫卓神騶颯颯搖雲旆茶火列中田驚潰紛狼狽
練長實吾考保聚功亦大壞壘逢遺老指點發潏慨
木主配祀宜涕並椒漿醑惟考勞用宣惟祖恩徂賚
松檜動冷風精爽迴不昧低空水鶴飛照夕霞如繪
奉題族父應侯先生國祥照

三百六

張甫集卷七

蘭陔草堂

奉題族母周孺人照

吾族有賢母不愧鐫管彤母賢何所似古媛少比蹤
叔姊葉孺實少寡憐其遽閔凶助育兩藐孤恩與所
生同鬻產度荒歲食貧不芥胸藐孤長復天涕淚全
潺淙茶蓼與分茹廚下何難難婉承君子志友于挽

顏風完貞表叔姊乃以靡他終母今獨矐首燦髮似飛蓬

題陸莘田先生垂釣圖

駕湖有一士陸姓字紹成儒行窮而光童子欽英名嗟予至斯晚不及瞻先生厥弟戴笠翁風格亦耆英典型今稀有炯若晨星明蒼蒼葭葦內一竿垂淡泓釣艇艤不動秋水照眼清延緣許我見緬想笠者兄

示琢英

翠竹寒生白板門濱湖煙月影村村已存畎畝蕭然志未荅君親罔極恩多病猶難拋筆硯長貧端不計兒孫青燈惟汝從吾久苦覺情多一共論

葛嶺問仙亭

蹇蘿訪仙蹤半嶺小歇脚一亭結構牢磴石鬼斧削新泉溜翠壁如綾四縈絡澆澆昨夜雨冷滙盈一勺寂聽湛心魂塵累已浣却歷歷湖南山秋螺寫寥廓清景易亡逋夕佳坐而獲尋山類解牛得徑奏刀耑攬翠詎云多更上勞芒屨

葛仙庵

冷翠滴巖局畫闌迎吠犬絕境吸湖江水光滋澹演杰閣俯層松細徑幾羸轉青珉鏡遺影羽服苔花篆神仙妙見幾道風幽可闌大藥非丹砂嶺雲日夕卷

營營餐腥腐對翁意自覲幽伴約數登不辭雙足繭

葛翁丹井

巖凹瑤草青叢叢忍飢酌泉懷此翁幾人就照晚鬢白一掬可濾名心空玉聲漱落裏湖冷丹光湧如初日紅數弓隙地許我借連夜便縛香茅篷

初陽臺遺址

奮陟寶雲山山椒平如蓋耕雲種瑤草數畝香庵霽高臺餘廢礎登臨發淡嘅萬象等浮漚寅賓亦蓬艾

壯觀最落日烘霞嵐晚風動松檜未入茶塢遊煙蕩

湖裏外

淨慈上方晚眺

薄晚登上方竹閣經聲息西晡漏餘霞層雲暮如墨不知東旻空初地滿月色蒼林寂無喧已定瞑栖翼後山松風起虛濤冷佛國

雷峰塔下拾得華嚴經石刻數行并序

舊在塔上四圍吳越王錢俶記今頽剝盡矣予所拾數行書法頗娟逸

危構壓湖許費六百萬緡尚未慊初志姑爾標嶙峋驕彼許元度彈指成梯旻落成鐫華嚴八面嵌青珉自謂精進幢合十贊嘆頻王叔嗣偏伯財力殫生民

瑤坊出宮監豈信多寶身劫火一以飛金碧成泥塵
劉字盡侈剝赭標烟空躡數行瓦叢拾雨餘盟別新
書法空娟逸念之不足珍顧此片石在愚誕跡未湮
脂膏作功德炯鑒後人

慈雲嶺

嶺路朝雨餘綠艸尚含潤衝滑先樵登芒屨類輕俊
湖江二雪練林岩阻重峻海雲陡飛鳥刺嶠亂奔駿
秋宇豁蒙密穎脫凌千仞鼉風捲回潮鴈沙起圓陣
樹色淨卦勝陽光灼心印前功溯渚灘開鑿厲乃刃
篆名紀月日摩厓蹟可認人雄起盜販江山氣爲振
漠漠寒冥空決皆一鳥迅

石佛院

四

蘭陵華堂

禪寮積幽荒古壁秋雨濺天晴沙蚓啼風勁寒樓戰
佛身鑱蒼厓新苔綠到面塗金半剝蝕圓髻蛛絲轉
傍窺洞門黝滴溜冷若霰誰鐫石像記額篆猶可見
舊篆額有新建鎮國贊延遜
於石像之記十二字文已磨去彼徒贊佛牙贗托仁皇撰白雲汎
高空閒心與游衍

攜琢英登湖心亭

奇絕湖心湧數楹亭成面面俯空明飛仙凭檻雲中
立攜爾乘槎鏡裏行壺嶠中央天影倒瀟湘無際浪
花生今宵皓月堪乘興懷抱秋高分外清

謁于忠肅公墓

澶淵震天威讒者目孤注豈如土木變一擲喪華輅
偉哉司馬公決策安玉步明年元景泰順正告踐阼
光擁翠華歸辱異金繒賂奇功在社稷萬禩炳竹素
寂寥南內年骨肉艱調護復辟本繇天名爲奪門誤
冤痛醺碧血一杯並岳墓何處踵文成一哭青山莫
赤手挽銀河君自大名垂宇宙青山埋白骨
骨我來何處哭英雄一聯王文成公所題

謁文信國公祠

山河水飄絮何處着公脚黃冠歸故鄉反正志猶昨
柴市悲風生西臺淚波落于墳隣公祠正氣共噴薄
朱節母詹氏

謫甫集卷七

五

蘭陵華堂

同火伏
虎山毛裏看猶子心魂繫所天旌門知有錄吾友把
如樣括庵
有詩

乙卯錄別

惆悵當筵不舉尊曲房紅燭影昏昏他時莫把羅衣
浣中有交加別淚痕

秀州紀別凡舊遊經宿之地雜憶成詠得十

五首

雙湖細浪白縱橫殘照西風欲別情猶有霜黃幾絲
柳不堪攀折送人行
裴公島上日將低蝸壁蜿蜒拂舊題水鳥山禽渾惜
別雲帆欲挂盡情啼

千个簷簷幕沈庵故人彌勒記同龕浮生踪跡萍開
合回首明明月一潭謂介

開落藤花往事空轉蓬又度幾秋風虛齋倒影銅官
塔研席猶畱塔影中

奚橋舊館水雲低棹沂回汀客意迷夢裏難忘良讌
會金櫻花豔玉東西

南船北馬苦間關人去人來未得閒思煞生香浮几
榻一宵春雨過瓶山

客來聽雨過簾櫳二水潏洄鎖大虹苦憶桐川老秋
士黃花催別太匆匆謂玉

烏篷七尺小浮家涼夕頻銷蠟炬花一片秋聲連海
角南湖催散鵲鴿沙謂靜軒

春草堂前碧甃芳愛他諸謝夢池塘竭來攜得江東
弟也解清吟伴我狂謂浩賓

橘花如霰映書燈橘子紅酣夢到曾風起聞湖寒浪
湧愁心亂似雪湧騰

畫意詩情在雪蕉油櫺不雨亦瀟瀟蟬聯石塔浜中
語坐燼銅槃得幾宵

滄湖一望一魂銷煙雨迷離舊恨饒重過當年生訣
處寒波添淚欲成潮謂徐東

新霜驛背曉凌兢五上長安策白藤却惜球兒小裝
束隨爺飛渡一河冰

京華煙月伴吟廬花管分題得意初齊灑魏塘懷舊
淚更無心賞老尚書

東西鴻爪偶然畱銀燭光前話舊遊東馬橋東一揮
手滿川烟目使人愁

夜渡揚子江
黃昏鳴榔發沙汀一片江聲入杳冥京口商帆千疊
雪爪洲漁火兩三星浮生跋涉華年逝往事悲歌涕

泗零常愛金焦照雙眼此來辜負插天青
攜浩賓弟及兒子繩球登青培蘊真堂有作

何處一為別重逢情黯傷其餘綵上血轉益鬢邊霜
書在孫能讀吟成老更狂寒沙有鴻鴈風急暫廻翔

寥落京華日依依一榻親杯乾勞手勸裘敝遺僮奴
話舊邗江月衝寒驛路塵長征挈兒子惜別感情真

郊城
明星三五照征驂古道逶迤重過郊野史有亭空筆
禿晴雲傾蓋與誰談靈光古殿看猶歸碣石徵車到

此慚寒樹濛濛春色動那堪回首望江南
平原道中大風作

連日暄煖天無風殘年已覺春融融今晨陡聞噫氣
作出門掀舞征車蓬僕夫戰瘕出寒涕烏羊裘敝披

蒙戎茅店稀熬價頃長小戶亦欲傾千鍾曦輪凌兢
不敢上踟躕弭節扶桑東塵沙豈止十丈捲漫空白

霧昏濛濛行離泰岱尚未遠回頭不見突兀撐青空
且喜前車後車已出險不愁崎嶇確掌顛頃陂陀中
嗟我車如鷄栖馬如狗到此意氣猶吐干霄虹簸揚
不畏南箕口一任南海北海鼓怒聲逢逢吾生慣遇
風伯故相戲扁舟斷岸相撞春橫江欲渡不得渡中
宵惡浪翻魚龍又嘗炎歎六月匹馬衝火雲烈日天
爲紅漿翻白汗雜垢膩觸熱那論風雌雄往者出京
洛飛颺摧倒松柏桐我行車翻軸亦折骭體不肯悲
途窮昨年塊依先人馬鬣封大海吹裂千縑幢哀號
環護幾封樹不惜捲我屋上茅三重況茲五行羸旺
有定理造物例以風鳴冬所幸前途恰有故人在投

三十九
後甫集卷七

八

蘭陵草堂

鞭爲我一洗塵埃容

看球兒躍馬

騰身飛控翠麒麟肯向青雲拂後塵却語兒曹休造

次春風緩帶是何人

孟門處處飽經過却想英雄海上驟任汝康莊乘興
去一鞭超越百陂陀

河間雪一百韵

皚皚河間雪令我泣沾祛問我泣何爲欲語咽龍嘲
往在赤奮若我行向神都大雪過此間不知我父祖
我父堂前寢我身天一隅我父目不瞑我足泥中趨
我夢連夜噩我口寐驚呼我肉熱以沸我汗襟背濡

我頭涔涔然我心割昆吾彷徨間遠道燕趙齊魯吳
誰知恨終天我死有餘辜父老不能養父衰不能扶
父病不能侍父逝不復甦哀哀父逝日我弗號庭除
含飯無由視空生不肖軀生悲高子羔死則隨臯魚
無益縗麻服三年隙過駒天也識我悲雪擁前年塗
良友識我悲爲我減朝餼從弟識我悲淚絲迸清瀟
門人識我悲環言擁我輿穉兒識我悲竟日停嬉娛
僕夫識我悲相顧聲嗟吁征馬識我悲踟行三踟躕
我悲何能休音斷松間壚攬涕登高原萬里開輿圖
何方見我父凝想霜眉鬚凝想成狂癡泣血亦已徒
欲從黃泉下省我父起居却念老母在鬢白顏亦癯

四十九
後甫集卷七

九

蘭陵草堂

常當依膝下胡爲復馳驅我父抱醇德潛光居草廬
至行比曾閔青竹宜特書十三喪母氏無人勅中廚
大父染瘧疾關隔阻不舒父爲炊白粲肥豚與之俱
膏滑進一飯疾篤終難祛肉糜與肉汁手自熬風爐
窮思到羊脂一匙伺所須如此四寒暑精誠繫曦車
終焉抱鎗哭淚血竟已枯此宜請於朝旌揚聞八
區餘生出苦塊忍痛趨天衢

皇帝新嗣位孝治堯周虞觀邀錫類恩天褒錫珙
玕我師臨川公大筆韓歐如銜哀求表墓千秋信不
誣何當礪山骨圓首而方趺眼前見突兀丹篆光臨
摹衝寒首北路微志緣區區同雲低轉暗舞片瀾空

虛頭節古衡漳蒼茫混河渠出門昧南北車轍交盤
 紆依稀回首顧故鄉想杪榆支河合海凍廣甸連沙
 鋪幾尺馬鬣封一夜皚黃墟荒寒沁中野無復溫衾
 慟回憶土岡卧壙側茅爲誅諸生雪涕對塾舍延春
 蕉蓼莪爲之廢拜奠羅樽壺我饘粥於是苴杖經臘
 腰晨昏墓門繞寢門意不殊前年初負土穿塋恨甃
 甃斷竹復續竹銜尾群竄逋去年颶風作新柏搖根
 株號林百迴旋強立冬榮數依墳墳土煖匪獨歆一
 孟別墳墳土孤曠若定省疎得毋過野牧跡踐牂與
 踰得毋叢嘯舞類引獲與孤況此零霧下邱隴形漠
 糊離離數封樹重壓寒梢無年時慟哭地寸寸滋青
 膚今晨淚亦赭杯土虛沾污復念我老母望遠倚門
 閤慈母手中線密密縫我襦慈母眼中淚點點滴我
 裾正慮此遠遊霰雪行赴起素華被原隰寒色淒有
 餘禽獸號曠野不辨日已晡我體劇骭體母心憂饑
 飢杳杳思僕馬云何不瘡痛我年生非弱四十昨已
 逾母愛若嬰孺梨棗私阿奴阿奴去眼時送之踰戶
 樞雖有弱弟存顏足承怡愉顧獨惜阿奴氣味苦于
 荼矧携阿球出如分掌上珠短小未勝衣迺令涉崎
 嶇淒淒遊子意輾轉縈蜘蛛阿鐘少多病予憐憫
 愚參差小兒女纔得離呱呱病婦在牀第何以奉老
 姑仰觀道傍樹上有孝烏雛雲中出覓食歸以奉老

張甫集卷七

十

蘭陵草堂

烏覓食亦不遠歸飛不須臾毳毛爲蔽覆煖似貂檐
 綸我生不如烏空名識字夫我欲竟此曲此曲悲鳴
 鳴泣語爲人子勿似不孝孤

張甫詩集卷七終

蘭陵草堂

發甫集卷八

錢塘桑調元



詩八

咏冰二首

蒼茫萬里塞寒光結得層陰百丈強
大壑生來鍾灝氣窮冬鍊後具剛腸
心澄象外千秋鑑齒冷塵寰一盞漿
自是炎天仗調燮好令茅屋受清涼
厲斧橫侵河伯宮凌人應候鑿冲冲
品須珍重全鹽虎語漫驚奇向夏蟲
六月頑堅成骭體千年精白動昭融
怪來心事清如水熱惱憑教一洗空

屯田司解對雨五首

發甫集卷八

蘭陵詩堂

亭午曦輪駐絳天曹司束帶汗如泉
誰鞭潭底雄龍起飛送跳珠到檻前
千門琉瓦瀑飛同官閣遙連玉宇風
起望溟濛煙霧裏碧城佳氣轉蔥蔥
園陵掌故疊如山當暑勾稽少得閒
雨灑珠邱雲影濕蒼梧凝望淚痕斑
綠槐夾道淨無泥吏散才聞翠鳥啼
上馬籠鞭迎爽去西山雨腳半收齊
蕭蕭對雨省江天塊脫青簑賣釣船
却愛同曹好吟伴不妨小隱隱屯田

病中雜咏八首

涼宵腹疾卧難成海水真添玉漏聲
一樣梧桐梢上月照來癯骨倍淒清

秋雨如塵草又芳近阡渾恐上牛羊
未將誓墓文先就慚愧當年內史王

桂醕何因奉玉缸迢迢歸夢冷秋江
年來銀海無多水纔一看雲一濕窗

置江縹緲白雲夫玉催逐秋風到九衢
兒女含愁猿鶴怨却憐羈病得人扶

尚書秋病小堂清風砌髮髮落馬纓
簾湘簾添客臥藥鑪香氣掩茶鑪

妙贊談諧未用莊友人作中山狼輸他小筆亦雷硤
若論

我齒寒於水不到中山獵後狼

侵晨一雨洗炎蒸午展桃笙瑩似冰
方覩秋窗清夢穩不知紗幙轉多蠅

常參怕後禁鷄飛曉枕驚心慣倒衣
多爲清羸占風調并齋官馬不教肥

題夢遊黃山圖

吾愛樂彦輔說夢何名通萬境無因夢
不到曉此名山蒼翠心神融屯田曹長
南溪翁本是天都靈秀之所鍾當官直
氣森噴薄幽懷忽夢黃山中黃山攢簇
青芙蓉迴溪溪洞寒煙濃春光瀟灑漫
花似海育然大化觀鴻濛撐空老樹妍
且雄繁英千縷黃金容不知

園陵大典心甄綜鉅細案牘如山崇退食常過日下
春鳥髭數莖條已鶴傳神端藉添毫工我望龍髯攀
不及曹司晨夕樞趨同同治龍輶轉硿礧中夜悲歌
泣

改甫集卷八

三

蘭咳止平堂

九日感舊簡玉巖

泰陵詩

山鳴移萬騎霧塞暗三辰羽衛先排列 宮車晏轉
輪靈旂正前導大樂只虛陳祖奠重堦上兒啼幸土
濱紙錢飛似雪儀馬望如銀牆翼兼明器冠裳雜遠
人仍然建 黃屋無復播 丹綸地過雷音杳天含
雨意新長號 聖情戚備禮睿思勤中夜追
先帝悲歌屬小臣龍髯攀不及 日角仰何因性道
親聞妙 恩波下逮頻分曹居黯黯展事走跼踈
謚號誠無並

園陵固有神猶傳哀痛

詔不難猥民嗣服瞻惟

肖彌畱意孰親宗工寧易秩廟算合周詢陟降聯

羣廟寅清飭四隣殷憂念蓬戶善述戴楓宸初就

張南集卷八

四

蘭陔書堂

橋山日難期。鴈海春馨香。升闕殿英爽在高旻。紫翠
熊羆夕青蕪。象鳥晨松聲空曲。轉霜色草頭勻。雲氣
蒼梧遠。清秋淚滿塵。

酬和墨麟醉歌行韻

問奇跡斷眠空壘誰能索莫潛書龕春風決滌踏何處人海細瑣堆螺蚌搖鞭直排我友闥有客先到謹高談杯前喜我影參入不須呼月剛成三小奚揚揚添滌器凹金彎角窪癰楠無事齊拚作牛飲無功之鄉恣遨探狂言巾歲局隴齟只緣拱揖簪朝簪今夕主賓認我輩驚瀾陡覆滄瀛涵戇甚汲黯氣不滅饑死臣朔心猶甘公孫王父是何物字涅青史名奚堪

況復齷齪橫驕酣汚莫洗湘江潭落筆耻矜賦草
就運籌當使羌苗戢未怪雄心請脫穎却嗤名士投
空函朝暮蹴飛軟紅土馬上虛挹西山嵐曹司期會
若山重曰旅而進同趨趨東閣暄和冰雪薄官梅半
坼香苞含悵望千秋高韵歇誰發詩興勞研覃劇喜
故人吟卷積墨香浮架飼仙蟬扶輪更得好吟伴一
時大雅雙驂驂嗟予年來免管禿強與此事中懷慚
還輸詩思括奇險青天萬仞開魚鱉拓戟可曾邀杜
甫植棹忽復逢劉惔文章崛奇交磊落彼已俱覺酸
鹹詰亘古聲光三不朽狂思籠取何其貪精神強悍
耐盤錯春帆休颺湖波藍人豪詎爲富貴縛夢亦航
醺雄槐邯推還難緩羲和馭出處肯放乾坤擔禁樹
鶯聲已可聽遑攜斗酒兼雙柑當筵姑一大酹酹燈
晃髮影青紗珍簷蔭林中叱撥去我徑倒榻畱花南
河東崔母少寡奉姑鞠子全貞而歿以其夫
之客死于楚也故爲楚聲以哀之

秋蘭兮怨思幽篁兮淚滋夫君兮不歸睇次寥兮曳
靈旂泛三湘兮歷九疑魂之來兮何遲夫君有母兮
垂鬢絲晨飧夕膳兮鮮肥藹孤三兮均哺之矢同穴
兮終如期驟霧豹兮雲螭遊松楸兮長不離李之子
兮嬪于崔告河東之女兮汝師

輓朱君

送墨麟分察江南

渾沌一以鑿中央無停機羸劉局遞變懷葛風已微
吾丈古眉髮不愧儒冠衣自具榮叟樂更餘卜子肥
老讀三代書竹間闔雙扉游世未盡興清氣超然歸
吁嗟不可作攬涕將何依
馬忠勤公殉節詩
擊賊陳公殞孤臣遂與俱承家原裹革報國竟銜
鬚故事鐫青竹新碑壓綠蕪雙忠魏廟在頑豔動悲
吁

人生無賢愚得時斯爲虎得時或倒行得時虎亦鼠
張眼盡今古默默持此語自非心相知未肯輕洩與
觥觥吾友氣盤互起併浦十年把麾出西楚欣安堵
應手摧冰山大吏莫予侮新恩整峨冠分察江南
土江南洵樂土土風待匡補古者薤水規善治存舊
譜子才窄滄溟誰能量以甄蹴太行孟門意已無巖
阻巧拙注瓦金寓言吾有取前功不足鳴後氣更須
鼓還喜親舍近白雲映江渚江鮮以時進耆顏酡綠
醕顧我濶畧人與綰垂垂組建明在何所中若春千
杵飢寒最細事吾意詎遑憊勞勤分所當吾體詎知
苦一寸暗遲迴媿此身空許瘦骨方剛疆忍想清溪
篴只念垂白母無能報轂乳燕吳三千里夢煞斑斕
舞私幸捉子臂豁達傾肝腑遊宦自有方影散春前

雨此後吾獨行嗟叢叢踽踽知有一言留昔人重贈處

寄備三

觴詠追顛倒朝霞認夕曛輕帆先落葉佳句寄停雲
谷鳥春求友江鷗早別羣遙天明月夕何事不思君

姬人程沈氏守志詩二首

珊枕無多夢瓊樓黯不春雙鬟渾白盡七十四年人
玉指淡閨斷蛾眉泣王恩春風尚嗚咽往事話曾孫

贈別王近顏者輔

十年不對面相見無忤色相見復相離慷慨情何極
此意誰足當實惟君也得君從天長來意氣如絃直

卷八

七

蘭陵堂

風塵目睛射清濟初相識同車上京華傾寫赤胸臆
子誠掇皮真我亦謝雕飾才地雖差池古義同匡飭
諸生上雲陞器宇見疑疑特詔令海豐乳字宣
臣力上官攢蟲沙觸忤怒不測一官敝屣然凜凜萬
夫特埃塵遽知已冠佩親拂拭寶劍豈終埋貝錦無
停纖勞苦性所甘馳驅指西域軍需咄嗟辦沙磧徧
跋涉氣震塞垣表奇才破偏側九重聞英名快令
羣喙息重起牧吾民曰汝爲汝翼天地有炎火專用
待螟螣當其族生時嘉節食君如寒潭清忌者
中以墨忌者自不仁翻謂名杜刻浮雲蔽白日不獨
我心惻連年走甘肅恐君瘦且黑堂堂八尺軀轉覺

神克實下馬作露布上馬能擊賊疆項未足奇奇才

老經國君今往赤縣求瘼低憑軾何以恤氓蚩何以
勸稼穡何以鋤強梁何以理溝洫遇民則柔克遇吏
則剛克君才夙有餘臨事斷不惑天下仰望淡吾弗
能默默吾有一寸心感事意不愜喉中物難探微願
終抑塞錄錄復錄錄素飽行自効詩人多夸語自比
契與稷衆論雖不許忠愛固天植我仇嫉軟媚我病
犯剛復遲迴聖明朝忍遠北山北愧無分毫補洪
鑪負陶埴老母髮垂霜爲鳥情孔亟決計采陔蘭庶
用供子職君爲親民官利弊君與革丈夫輕別離何
者長相憶古人亦有言努力崇明德

五

卷八

八

蘭陵堂

和馬君遊西山詩韵六首并序

春杪馬君以遊西山詩見貽予愛之而欲和未果也
比偶小暇檢步高韵時則已清秋矣

宿臥佛寺

馬頭見西山側想梯其麓秋嵐澹容與一道盤林谷
散客遊虛堂不勞主僧肅鴨脚幾片黃鴉翻墮空曲
偃然古先生苔髻冷蛾綠感嘆疲津梁與伴白雲宿
巔岬雨後青萬象清心目還聞山窗幽夕風戛叢竹

退谷

秋掃衆峰出孤雲自在行谷口足音窅蒼鶴遙相迎
松泉四山合回颺擊虛亭振衣立天表遠目寒空青

安得築吟室終焉此巖局
杳杳懷古逸千載薜蘿情

五華寺

湧翠千山疊凌空一寺開
白蓮秋社裏烏帽逸人來
風雨孤僧定元明浩劫催
何當捫絕壁剗却姓名回

香山來青軒中

巉巖青不極來抱此禪扉
衆壑冷秋色一峰明落暉
白雲空際遠朱果雨餘稀
遙意桂花發幽人寒未歸

曲磴道上洪光寺

盤盤過巖凹上有青蓮宇
雪留松頂鶴風磴坐而俯
雲飛嶺樹秋鳥下齋鐘午
有時窗冥濛亂灑豆花雨
倏放殘照明晴嵐五雜俎

三五五三

張甫集卷八

九

蘭陵詩堂

法海禪寺

檜柏竦一林飛梁壓空構
秋雨鳴急淙丁東水樂奏
滿戶白雲生几榻滿可袖
紛吾祇臥遊粉壁睨皴岫
夢去西峰曉煙空露搏驚

和馬君病中憶故園梅韵

迢遞別鄉園支離宿孤帳
是身為蝴蝶飛到寒枝上
寒枝絕磴橫數點凌空放
病子千里心白月助怡悵
何以解清愁松醪青盎盎

題謝梅莊

清世

首夏軍中學易圖

百年萬事總敝屣赤肝陡激匪得已
芒屨軫蓋須扶撐開闢及今幾男子
寰中磊落君其一匹馬當年穿

塞出恢台纔斷一河冰
凌兢猶凍層空日尋常蜩縮

牛馬毛軍營六月圍
豐貂材官羽騎若虓虎到此意
氣何由驕惟君剛耿不動魄
視若等閒茲一役把來

先天後天圖坐徧西山北
山石聖垂象繫章作編斯
文憂患意不刊我知君憂亦復
大于山勢與杭霽齊

噴舄澆以蒲桃一斛終難寬
問君何所憂所憂不在
飢不在寒不在七尺埋置塵
沙端亦不在家山萬里

雲漫漫亦不在賊火夜半星
攢攢是時首夏當純乾
一陰欲進方磐桓快心一決
忽復妬排之不得空長

嘆春明春樹連天綠
鷓鴣春向臺端復春雨迷離一
片雲孤臣淚盡蒼梧哭
屈軼神羊安在哉惠文冠在

拂黃埃賜環前被
新恩重詎忍長吟歸去來况復
天門九重蕩蕩開守關虎豹無
疑猜此時奮舌動

天意斗樞旋轉乾坤迴
君莫謂封狼之皮已寢處四
海蒼生各環堵憑城怙社者何
物誰其埽清了斯舉

驚

喜桑伯子寄生至

槐街一雨洗紅塵
十暑相違鬢已銀
白鶴清安那便
老黃鵠新釀總能醇
秋風先到飛連鴈
玉觀重遊失

題畫三首

傍水疎林碧一涯
平隄路斷接雲沙
茅亭柱插秋江底
三面高空見浪花

澄波如雪捲空明
淡抹青煙遠岫橫
渾似樟亭秋渡晚
一痕螺翠隔江生

一派秋光似水澆
雲根竹屋冷蕭蕭
殊憐芳草重新綠
已過清溪第幾橋

跋甫集卷八

跋甫集卷八

十一

蘭陵草堂

跋甫集卷九

詩九

錢塘桑調元

呈張季直元方

當風愧詠伐檀篇
猿鶴荒荒憶惘然
貧裏酸寒僮僕笑
病餘憔悴故人憐
掠陰輕燕來清晝
嘯雨靈椿似去年
也當解迢遞吳天幾千里
夢魂飛繞白雲邊

題因樹屋圖

在刑部獄中椒山先生曾居之
友人被繫於此數年
事白後爲此圖

浩氣何人薄太虛
容城往事汗青書
秋林蕭瑟煩君到
猶有清陰罩若盧

跋甫集卷九

蘭陵草堂

秋日過周君書齋

出郭鷗鷺噪
初日開天光
遠烟浮蒼翠
近樹辨青黃
正喜市聲喧
不覺馬跡長
小村見瓦屋
犬護雲木莊
停我訪友車
登君讀書牀
到眼數叢菊
茗碗涵清香
松風吹客語
坐對澹相忘
佳處領未竟
僕夫趣奔忙
乃知林居子
其樂未渠央

寄餘姚趙明府七首

賢者事割雞
亦用牛刀鉞
我爲邑之民
利弊夙所詳
地繁吉貝花
紡布白如霜
沙田雖豐稔
未足經年糧
辛苦舟車運
爭糴於隣疆
昨者海波溢
沿海罹其殃

十年培元氣猶存小瘳創至今父老語痛泪沾淋浪
我欲罄土音土音悽且長侯如弗厭聽續吟引吾吭
吾邑地未隘一十有五都沿海增塘塹捍護資良謨
其內百萬頃水利講灌輸有湖曰汝仇蓄洩備所須
首事未深思誤闢爲菑畬四十八姓田承廕愁乾枯
利一害已百曰咨盈海隅前年不懲患復規牟山湖
未斷奸民舌萬衆立噪呼厥議幸中寢驚魂始獲蘓
此實命所繫弗訾愚民愚迺遷新湖塘代役忘飢飭
爭此涓滴水有若甘醍醐 聖王曠蕩恩山東下詔
書升科有未便悉除新田租願主劇湖議怙恃憐呱
呱豪猾覲開墾上刑辜有餘秋冬固堤堰修築通川

張甫集卷九

蘭陵草堂

涂前賢立法善有堰必有夫美政各修舉我民有寧
居
何者爲民蠹鄉曲藏險奸上司充廝役勢挾千萬端
詛訟工反覆黑白恣欺謾一土有一豪一豪有一官
里胥黨附之良善何由安亦曾經小懲不改舊肺肝
謂此非元惡法網遂屢寬宥此衆螟螣我心爲之寒
國家設官職大小有專司煌煌甲令禁佐貳受民辭
况屬百夫長弓兵汝所治太平修武備濱海添水師
訓練行伍外何得傍侵爲窮鄉遠官府有事趨報之
翼以土奸滑武斷縱橫施具辭申至縣曲直欺氓蚩
縱然早寢息中產無餘貲事權宜歸一端在下車時

篤行先君子

先贈公著孝行却海寇贈李穆堂先生題贈曰古之篤行

奇孝自童時大父患

壹隔風爐手親炊肥豚和白粳持作飯與糜久之奉

肉汁更爲熬羊脂密伺胸氣順徐進一二匙羊脂又

復却抱鎗血漣漉康熙甲寅際海氛晝漫瀾慷慨集

鄉勇練長公私推誓師於祖廟

先遠祖仲才公縣之燭溪人嘗宣宗廟官御帶奉使海昌爲水神

解嚴隣堡免阨危至今沙中叟喃喃喜陳辭尚欲奉

栗王配食御帶祠是宜聞 九重褒旌下彤墀藐孤

出草土上請猶稽遲雖邀 恩綸贈顧惻祀典遺治

內有先民跽告明府知

姚江奔大海兩潮湧瀾灩萬山四盤迴攢簇青嶽嶽

鍾靈產一儒大道推先覺遺書壽穹壤古德完渾璞

張甫集卷九

三

蘭陵草堂

肫肫孝感公

存齋先生

特筆表實學故里與荒邱照耀豐碑

卓徐侯聞之起

括山

骨任礪斷想像寒爐爐秋苔壓

斑駁工成倚明府道風未云邈他日記誓宗有待丹

棖桷

客從海鄉來語侯清且良窮海得父母赤子眉開張

今年沙壠熟有穀堆滿倉花利復三倍老幼采擷忙

顧維桑梓私每飯耿不忘迢遙聞得所加餐快中腸

寒宗執本分秀樸業有常絕無竿牘飾耕讀安時康

兩年倚京華望雲思仿惶遲須一屢受清謳寄海鄉

送徐括庵

元肅

復之太平兼呈子齋

臨川李母吳太夫人輓詩并序

母訓執臣節荷天寵
帝曰咨志人旗女允釐
帝

曰於予

薄地塊黯慘憶

憲廟揮

六

蘭坡草堂

史冊

--	--

韻用當卧遊

1

痺我

退谷

五華寺

香山來青軒中

曲磴道上洪光寺

弢甫集卷九

七

蘭咳草堂

卷不識腰下組

法海禪寺

齊山湖西翹一鷺

馬君秋日有懷西山韻

嘯鸞音作

之子藐姑神微吟見綽約悵懷空山花無人自開落

送梅莊糧儲湖南四首

亮節重忠孝二者常難兼斯言不謂然血性從關規
一腔之所撼神天通幽潛仕可爲親養請外夫何嫌
塵勞任州縣臣子心歡恬

皇帝以孝治盛事史筆拈不見謝侍御恩命方新霽
有友愁獨處風詩稱葛欬

葛欬實蔓生君行我獨處欲別三踟躕豈爲失儔侶
人非麋鹿羣焉用此常聚却憶未別時日夕詎聯武
況君遂孝養外臺良得所此別歎何爲溪衷鬱如許
問我鬱何爲涕淚不得語

張甫集卷九

八

蘭陵草堂

得語者外臺視糧擁鳴騶視糧良獨難何術平徵求
可憐辛苦粒貯之如山舟是月日夜分送子於道周
角甬而正概丁寧王政修行部粲粲亭爲酌元道州
爲問邦伯內得有此人否盛世無培克我心滋懷憂
懷憂心孔多反哺我所切我亦中原烏反哺何獨缺
我固無處噉我聲用塞咽我哺自可反不哺復何說
翩翩南飛鳥老烏顧怡悅得食哺老烏念之我情熱
我歸雖無食重與老烏別趣歸苦相依覓食向風雪
蕩蕩中原天南天路濶絕交語立須臾哺貴白且潔

九日感舊

梅莊西北城記云軍中烏比中原產者大啼亦飛啼片之
烏乎烏乎汝即不能不啼其侯反哺畢乎篇中衍述此意

吳山頂上醉吟餘終古荒涼水竹居海月不浮婪尾
盞洞雲猶護簾簾書高人自昔耽黃菊清氣何年散
碧虛恰是秋城風雨後依稀寒食迴愁子

病中雜咏八首

愁人時節是清明露滴松阡夢未成劇怪紛飛白蝴蝶
蝶翻風學作紙錢輕

病益思親病益愁纔教闔眼見霜頭浮生甲子知餘
幾夢裏分明續一籌

昨夢家母與一籌

四年三度上京華蓬鬢新霜故故加老去名心澹於
水爲看羈宦涉風沙

謂予齋

南北因依老惠連十年多難一燈前重經春草人耽

張甫集卷九

九

蘭陵草堂

病何處池塘不可憐

天涯池館苦多情漂泊微軀一寄生多謝春風甦病
骨許教畱命聽啼鶯

却思舊病黯驚魂草土餘生一縷存亦有荒沙諸弟
子茅廬風雨坐黃昏

官曹何惜一人歸久擬春咳映綵衣倦枕朦朧剛睡

着連江赤馬去如飛

支牀瘦骨玉槎枒煙裊青燈夜正賒猶有娛人寒食
月紗窗斜影送梨花

馬文毅公殉節詩

日澹烏金鋪爛斑碧血重揚沙文信國擊笏段司農

真氣千行草清吟獨秀峰魂兮招得未桂嶺墨雲濃

何履上名世得子簡贈

番番何先輩陶_潛湯_潛齊同應舉一名上京兆年過半
百許生兒更較遲同人競致語長者今長成少亦隨
肩序問年齊絳老用以識乃父出爲六館師國子賓
賓聚談經煖重席聲振大昕鼓兒當傳素業肆_訖諸
生伍標格話龍超意氣看彪怒儒林重耆宿代起光
交譜亦有瞿先生_{之發}心貌與俱古鳳老雛不聞我心
爲一撫

方鏡

體製宜圓亦作方天生本質況純剛從心鑄就都成

三
五
五
七
發甫集卷九

十

蘭陵草堂

矩正面看來不是牆豈有虛空翳塵土免教顛倒着
衣裳誰含兒女團圓意別映秋眸一鬢光

寄括庵志感

先師讀易讀且耕沙田大類圖縱橫空堂默識畫前
義片石涕流門下生堯夫不擬子雲草苞著迴壓靈
芝莖布衣司空有神契雙南金比明府情

別近顏

苦憶蘭陵夢正賒 君恩便許早還家宦餘轉覺心
如水病起驚看鬢有華老計久揀成獨往客途真免
問三义桃花春水今全漲亟欲從君借釣槎

已未歸道河間作

岸谷開生面風塵失壯顏惜騰追雪夜慟哭過河間
鈴鐸天邊騎松楸夢裏山征袍慈線在歸舞戀斑斕
妖夢當年踐傷心急景徂重經黯遊子百感謝征途
冷棧鳴疲馬空巢望老烏何人認題字來往一踟躕

遊丁仙洞四首

松潮盤瀉玉虛宮吹到仙岩藉好風洞口無人殘月
曉白雲穿透碧玲瓏
靈窟嵌空宛轉登題名剛在白雲層桃笙也是人間
物展向金庭冷似冰

清名底用注飛仙無際青山世外緣獨鶴他年遊不
返杭州城郭故依然

三
五
五
七
發甫集卷九

十一

蘭陵草堂

百年灑落對枰間數子輸贏亦等閒比較向平先
着未須了局便遊山

發甫集卷九終

攷甫集卷十

錢塘桑調元

詩十

磨石研

何人割紫雲一片落吾手晶瑩豈謂然貞朴良可取
到處欲汝携未須體魄厚磨之斯適用雖磷亦無咎
礪石自他山細意礪治久摩挲輕且堅試墨光淡黝
囊以青瓊瑜寶愛等瓊玖置諸雜佩間取用在左右
哦詩與注易寂寞從之叩他年往空山相隨許爲友
後賢徵故事一洗鐵研醜

秋日玉巖招同渠眉錢坤一載泛長水遊姚

攷甫集卷十

園二首

清遊約屢爽連雨紛如麻夥雲催解駁高空漏曦車
招邀履聲厲沙逕衝高窪逃虛不多侶齊上煙湖槎
風萍漂何所荒荒一水涯秋園露白未雜樹青羅襪
冷響真檀欒靈氣絳餘訝小山團團馥早桂亦已花
吟訪水周堂姚尚書園堂名故基懸秋瓜浪花漾空碧澹淹鷗
所家却顧枳芭外小舫橫菰葑築居水中央結夢空
復賒溪翁久占此流憩生咨嗟
選境清難得葉舟去復迴朱絲鬱相望未若荒池臺
生香洩秋氣流水蠲飛埃梧桐挂我衣好風徐徐來
雜坐陂下上黏損新萋苔最憐割驚雲幾片青嵬嵬

東西魚自戲童兒洗樽罍移登曉樓上樓名詠蕩青天
開浮生意沉冥所得惟此杯水花出豔靚村蝶翻黃
灰王客一羣鷗百過無纖猜長水未端別柔楊尋灣
洄

偕玉巖遊范湖招渠眉作

沿緣少伯湖空亭一分憩斯人去渺然野水澹容裔
高蹤動微吟清賞招吾契一老穿林來翩翩振葛袂
悠然論古心五湖好津逮功成意亦偶不爾亦蟬脫
虹氣散秋空波光明夕霽羣魚戲萍間一鴻鳴沙際
歸人影已稀西風暗淒厲煙汜有扁舟吾亦從此逝
行望臯亭山

攷甫集卷十

二

朝空翠倚疊秀絕臯亭山晴初曉風薄霜後秋林斑
遠松寒幕歷怪石清孱顏巖巒勢相屬洩雲交往還
炊煙起澗谷澹沲縈柴關老農腰鎌出貌癯神自閑
嗟余沿塵陌飛霞邈難攀興阻瘦筇竹眼冷青髻鬟
山泉照客鬢素絲不可刪連山徒曠濶虛想茅三間
泊武原

寒色滿平楚樹頭風葉鳴仍爲苦吟客熟識武原城
鳬鴨知天氣耕漁不世情廿年塵夢黯僕僕此浮生
奉言墨麟居憂叙別

斯文有同氣魂夢心相於訪子苦土中相視一悲吁
霜風吹練冠寒色生階蕪循陔顧賤子白絳看華趺

采蘭供晨羞即事良饑飭風塵憶初面對映顏敷腴
藻思互推激高吟動皇都人事有聚散一心嚙不渝
前年寓蕭寺滄酒滿眼沽春風送行蓋不得長歌呼
側聞知已語謂我介且孤頗憶潛夫潛得保愚公愚
年時素驥過微霜點吾鬢平生志獨往顧養方踟躕
一凌天際峰末由攬我祛我祛不足攬眷眷情有餘
百年幾良覲所傷非離居相思輒命駕有使常寄書
聞琢英歸自瓜洲

渡錢江

煙艇一爲別五年駒隙過清緣失瓜步退計戀漁簑
蝸篆心情冷鴿原涕淚多故園朋舊在吟醉意如何
吳舸狎濤浪覆沒驚昨朝雨風冷蕭瑟遊魂不可招
我何句日中五汎漸江湖前渡波湧雪一葉鳬飄飄
枕工捷有神濟險氣不驕浮沙今歛漲去岸二里遙
牛車聲鳴悲艱於逆水橈滄田跡信幻達觀神理超
隔江遠煙白水光寒沈寥

渡百官江

沙路兼乾溼牛蹄雜後先雲烘千嶺樹舟滄半江煙
茗椀清瞳注茅亭倦足便年光捲飛瀑催老石厓前
津夫草堂落成

冷風拂衣返蓬屋舊所安了無新修葺秋雨漏未乾
夫君隱於市小築當考槃茅棟構良固菜園闢亦寬

雜花十數種修竹三兩竿掃除半畝地月白畱盤桓
無事飽脫粟老遂憩息歡酒釀把盃飲調古橫琴彈
缺寄草堂貲笑我清且寒爲報濮川逸哦句嘔心肝

謹謝
茶將

古詩二首

南山共命鳥並棲寒樹枝和鳴度陰雨短翼無差池
結髮爲夫婦同心百事宜如何遽迤邐不共宛轉爲
薄暮出門去淡閨尚未知隣老傳行跡舟發河之塵
踽踽無僮僕苦慮體單羸侵冬天氣寒衣薄風淒其
道途親故稀接對拙言辭婦人畏多露路夕無由追
通川有波浪魂夢遙相隨早歸免相失苟幸無渴饑

四

改甫集卷十

四

蘭陵草堂

昔人別有見婦言戒勿聽婦言亦宜擇槩棄非持平
良人如絃直世路多欹傾微聞古賢雋慎密功乃成
常恐失坦率警勸懷淡情我言類對菲豈謂清且明
顧茲義匪勉願鑒區區誠結縭自一夕百歲同死生
雙棲身婉嬾交易心合併省此危苦辭外患庶不嬰
烏鳶飛下上江渚波縱橫君行甚激烈妾心方怔營

鴈媒

江南有鴈媒同類專相賊其初一羈俘馴養遂見德
看雲不飛去戀此腥臊食媚主効小忠惡性發殘刻
秋風動關塞吹送連翩翼就中種類繁厥族如舊識
孤影翻野田招邀一何力舉頭仰嗚呼情歎吐胸臆

細草藉葦肯流水浮清湜四顧闌無人伴侶堪遊息
連群碧霄下翔集意頗得稻梁恣俯啄接翅歡何極
誰知平碧中禍機藏不測其上鋪青蕪其下布置罟
旁穴暗偵伺羅者巧伏匿衆客昧周防點主離此域
卒然駭土崩掩取曳徽纆趙卒紛蹂躪秦坑亂填塞
一網舉無遺毒甚弋人弋策功頗自矜賣之無忤色
耳餘並宵小祿產本奸慝凶終堪齒冷誘殺豈心惻
詎如行序親密計肆羅織之蟲又何知謀也實鬼域
役使作機詐聞見罔不盡吁嗟南飛影春來幾行北
莓苔菰米叢未便認樂國水戶畜一媒價且百金直
我欲取而烹偷風庶一革

張甫集卷十

五

蘭陵草堂

西齋暮懷

空齋神魄清風雨驚颼颼徐起闌前牖牆蕪餘落日
浙瀝鳴枯枝摧飛抵箭疾尚有長樓蕉離披響瑟瑟
寒蛩語不豪牀下低啾啾歲暮繁霜零草木齊結實
勞人百慮煎堅匪金石質暝色到眼蒼冬氣侵肌凜
去景明朱霞來程暗黥漆有悵雍門彈無益金丹術
高鴻杳南翔微月炯西出翳燈照孤影惆悵此擁膝

蘭陵堂詠懷

遠出不得養幡然歸蘭陵蘭陵雖有蘭蕭颯寒風吹
朝采不滿掬暮采存霜荻羞饍未足供循陔空爾爲
入門顧老母顏衰髮皚皚窮冬關甘旨願養將何資

母俯謂阿奴清貧故自佳汝安固窮節我心爲之開
東家羅鼎烹難叩所從來未如此菽水潔白無疑猜
怡然對童孫書聲出茅齋齋前林鳥下五步三徘徊
意似營返哺覓食來空堦感念此微鳥瓶罄同情懷
分以一握粟啣啄毋遲回秋禾四方登我甌匪難炊
茅容亦何人默愧祇自知

杭州府學舍後發地得表忠觀斷碑二片爲

作長歌

杭州學廨土花碧博士閒園數弓闢園丁舉鍤鐵鉏
鳴忽得峻嶒兩段石是石肇勒元豐年淋漓玉局揮
修椽新宮之前壓鳳翥磬來山骨四片堅何年轉徙

張甫集卷十

六

蘭陵草堂

類池側缺齧地底埋荒煙其一左方綴小字神物重
摹存欵識懸知波磔歷紅羊斷文零落前塵事只今
新廟枕湖濱舊觀典型森位置穹碑完好字較肥此
本神明迴道異亦知傳刻各不同古本未可追元豐
穠纖態度辨苗髮老眼不受塵沙蒙坡公論書左瘦
便翻謂杜陵評未公試觀此本却骨立意所不期神
爲通我感斯文顏一撫五代十國喧戰鼓石鏡鄉前
起異人堂堂開門作節度電掃羅平無剩聲猶發濤
頭萬枝弩錦衣大樹秋忽零券鐵一方浩無主殘碑
出土省遺聞望之疑帶龍山雲安得岐陽獵碣十盡
使排列光氣氤

殘菊

園卉跡如掃猶餘一叢菊淒風動淡寒淡煙暮幽獨
窺籬凍蝶稀經砌踈烏速半乾數枝葉不敵苔蕪綠
孤露迴照空摧頽耿拔俗任受嚴霜零却謝塗泥辱
夕英雜薦鮮欲采不盈掬忍效靈均餐畱伴清心目

省先君墓

孤墳鬱岩堯遠目辨處所心先步屨到奔飛沿枉渚
藉草悽拜起冥冥若我撫生存反必面凝想涕如雨
周遭視元堂疚心竄狐鼠經營憶泣血躬負此杯土
緣何舍之去頻年濶羈旅遂令城社蹤月黑恣嘯舞
柏樹手所栽柏子已如許霜枝蒼翠蟠條更七寒暑

張甫集卷十

七

蘭陵草堂

幾節親祭掃沾灑捧雕俎港西望高曾塘北望妣祖
荒荒煙氣白咫尺先靈聚茲辰一展省家廟陳椒醑
冬祀得及時齋宿隨諸父結念邱壠間環護情延佇
誓將挈家返傍林結茅宇四時繞童穉永爲薦馨主
旦晚兒南旋痛苦識此語日落千盤迴暝色起平楚

先君墓柏

羣柏初種時根梢僅三尺今茲繞墓圓鬱鬱蟠空碧
挺拔過人長張王嫌土窄凝然後凋姿豈懼霜霰迫
得地霽苗萃佳氣騰日夕已見翠實繁攢簇滿枝格
一枝岬孤高日月光相射車蓋擁童童正中照幽宅
其餘環左右磊砢具骨骼朱霞映文章寒雨流膏液

夜雨

菊蔚仰生成陰森棲魂魄往者海鵬風萬木齊顛圻
我時抱林號偃蹇幸脫厄風詩咏蔽芾遺民猶愛惜
緬懷嘉樹傳咨賞存故跡矧此宰木重永永蔭無數
毋俾樵牧傷實惟子孫責從此幹千尋貞堅等鐵石
漬淚昔手栽壅土哀思積補植向祖塋瞻望情脈脈
昂霄五嶂嶸寒通煙霧白我我臨川公墓表撰輝赫
椽筆灑千言字字同珙璧鐫摹待國工斲珉博且碩
翠趺踳前林一徑墓道闢經營見兀突庶幾我心懌
踟躕立斜陽蒙羃飛仙鮀辭歸屢回首阡隴暮雲隔

夜長不能寐羃羃點打瓦閣檐溜乍瀉奔洶助風聲惡

張甫集卷十

八

蘭陵草堂

空窗清入心孤衾冷到脚醒醒酒力過睽睽燈花落
癡僮鼓雷鼙荒村斷寒柝然疑省去畱是非悟今昨
初服仍奔馳故鄉轉漂泊愁當晏歲逼事豈常情度
麥畦忽湧滋蕉塢增蕭索物態固難齊霧霈任冥漠

雨不止

元雲淡墨凝跳珠散平陸寒氣羃朝昏濁流漲山谷
已聞壞堤堰實恐壓墻屋稻畦雖大、甕牖豈俱足
無食飢腸鳴無衣凍破肉對此蒼茫一誰復哀吟獨
清池亂芳艸空陂倒叢竹汀鴻暝嘹唳沙鷺冷拳跼
高館闔牕櫺長烟裊燈燭我量稱小戶怪底費醲醑
點滴入宵聲枕上聽琴筑

霰

信宿苦連綿猶未斷雨脚薄暮急霰零欻爾響膈膊
迅厲先聲馳颯爽快陣斫中間雜霰霰容與覺小却
飄風聒烈烈後勁更陡作瓦溝瞰罅投墻背橫空掠
撲衣未覺繁着面一何惡窮陰亘達天和寒入淡暮
知幾泝曩哲雨雪旋錯寞天地歲崢嶸江山勢遼廓
振我敝緼袍借君新煖閣萬事吾弗知一壺早已涸

大風

大塊積寒噫動地發驚殿中宵浩呼洶巨靈亂砰磔
乾冷過雪霜銛利甚箭箬村翁煨榾柮村婦紉毛褐
元冥候未知迤賤氣已活我生志清曠快意事沙汰

三
發甫集卷十

九

蘭陵草堂

萬籟有時鳴一氣不可遏既濟虛唱喁不平互推奪
結衣手忽龜出戶耳直割頗疑海水冰詎怪山木拔
扶桑不倒拆奩啓紅鞋鞞

題汪憲章先生遺照

崎嶇萬山巔一官落戎壘其俗好鬪很抹額辦持培
公乃使之冠揖讓頓修飭至今昆明傍故老思遺德
閨門儼朝典古訓是法式一子生崛奇世系增輝色
嘉醴出沆泉靈源不可測

贈沈君

槐街塵夢省奔忙水竹清緣問故鄉底用空尊憂北
海故應割肉壯東方小窗掃蠹兒能辦大手屠龍老

未忘同是韓公門下士江山鴻筆話潮陽

雪後訪人

自緣訪戴未迴舟清興端應並子猷噩夢初醒千日
酒奇觀須上一層樓誰能坏户成高臥試與凌虛作
勝遊赤日西來寒照耀相將豪咏到東頭

臨江哭爲括庵

臨江哭哭何人海內知已晨之星一星飛墮東海濤
光芒飄忽流天垠元亨氣薄黯零落九原之底明焯
焯壯君虎步出金陵同時奇雋實響臻鶴洲博士氣
噴薄相與豁達開心神不愁位壓百僚底乘時謁
帝摠經綸眼前萬輩盡脫畧登高遠呼心所親今時

四
發甫集卷十

十

蘭陵草堂

然諾徒紛紛千春歇絕雷與陳千春不絕雷與陳鶴
洲與我交結真君欲參之意何勤素心得數幾晨夕
以膠投漆無舊新君今長夜不復晨此意千劫難沉
湮秣陵之書吾未報洪河注淚波滄淪丈夫挺挺八
尺身上佐堯舜活我民自許契稷匪夸誕肯與齷
齷爲等倫不爾鴻濛縱獨步神物并隱黃金鱗一夕
蓋棺歟已了冤恚欲訴於蒼旻昨者青門攬裘巾轟
談入夜寒生春金鞭拂雪未忍別長歌激越驚衆賓
擬添霜鬢續相見山窗剪燭當頻頻百年談笑杳莫
再數莖病髮空如銀大江茫茫煙霧昏羣靈如雨回
江濱魂來魂去騎游雲我欲攀雲邈無因文章小技

勞許與當時把作瓊瑰珍作詩哭君君應聞更作驢
鳴送君去壤蟲盤繞區中塵

殁甫集卷十終

少司馬公

蘭陵草堂

殁甫集卷十一

詩十一

錢塘桑調元



庚申開歲五日邀玉巖備三集蘭陔堂用陶

詩作起句

開歲修五日霽雪飄平林開我藝蘭徑惠然來素心
一二童時交鬢變欣盍簪當時釣遊處煙蕪不可尋
以茲生百慨尊勸齊斟勿云此酒薄風味良清淡
不見膠與漆多化辰與參夔曠大合樂塤篪難爲音
微願矢獨往異夢而同衾得知此林廬復幾聞春禽
眼前共一醉敝屣千黃金

三十七

殁甫集卷十一

蘭陵草堂

陳情詩上盧公并序

獻歲發春宜聽鼓應官而去上堂拜慶仍作歌將母
而來都緣離裏之情乞達由中之請伏念調元生於
白屋乳係母之躬親呱矣黃頭病依母之懷抱邈迤
沉繇者三載涕洟拊畜之千方竟日忘餐綴心肝於
文祿靡神不禱泥首額於閨幃行則扶牀惜伶俜之
在眼立而束髮積憂悸以成身泊乎就傅而還苦作
餽餽之計間或廢書而泣莫爲甘旨之謀本僑寓之
衣冠又凋零乎親友浮名踳躅舊業蕭條百凡家緒
之艱辛並累庭闈之顧慮抑猶泝溯恩於罔極實有
爲中壺之所難憶康熙攝提單闕之交值吾浙饑饉

流離之歲時先贈公客遊於外唯我太君代置於家
了無僦石之儲以備饗食之給斯時也二百緡而營
斗粟道傍餓者駢闐七八口之聚蝸廬膝下卅兮婉
嬾有絲作布有布作襦慈線畱手中之跡無糞食鹽
無鹽食淡齋廚乏釜底之羹膏總持數片之麻曰盡
此則晨炊可得遂聽徹五更之漏至癯然而假寐不
遑把釧拆花鈿日糴大倉之米牽蘿補茅屋不資鄰
壁之光記阿奴方在成童嗟吾母勤於教子青熒燈
火鬢髻之鬢影常依稠疊書籤鴉軋之機聲相錯窗
前雪滿初不知寒缸內煙銷賊而報曙攜子季于堂
下望吾父兮天涯此生我劬勞從未有如吾母之顧

望甫集卷十一

蘭陵草堂

復而食貧辛苦亦未有如吾母之備嘗者也既而馬
首塵紅大有四方之志嶺頭雲白空含千里之悽京
洛十年蓬飄不定斑衣五彩夢想無因倉皇別我高
堂僥倖成茲一第方喜近長安之日已悲隕少微之
星篋有征衫點點猶存血淚庭餘寸草依依只向春
暉恨莫挽於終天情倍殷於愛日捫疚心而承顏不
出稟慈訓而結綬以從豈敢棲遲勉圖報効隨班趨
走希毫髮之裨 朝廷秉燭勾稽遇

山陵之成典禮濫廁含香之署罪恐積之如邱偶吟
陟岵之詩心已怒焉若擣瓜期甫滿荷服思旋詣大
府以訴私情謂母年之已老叨名卿之加溫語指祿

養之可迎畱我備員數四懇辭而不獲馳章入奏九
重 制可之方宣維時昧死以 聞遂有省親之乞
迺諸大臣羣驚其冒瀆惟

聖天子特予以矜憐既授之官又給之假此如天之
聖德澤沛同春而結草之臣心涕零如雨忍半通之
遽解請四月以爲期豈其誓王墓以中畱實欲奉潘
輿而北上其如仰瞻慈鬢既無一寸之不絲近侍寢
門焉得三冬之勿藥赴部而心驚魂夢勢恐誤公倚
牀而耳聽呻吟情難去膝況對支離之弱弟例宜終
養之有人已感移咨不圖封駁顧吾母自去秋以後
衰同雪裏之萱念老年有夙疾之嬰懼比風中之燭

望甫集卷十一

蘭陵草堂

夫雲飛 北闕戀戀者臣甫之心期而日薄西山奄
奄者母劉之氣息惟

聖朝以孝治憫臣子之烏私靳俯察乎微忱用仰干
乎大德慨焉具疏邀破格之恩憐泣矣銘心甚磨崖
之感鏤俾得維持湯藥調護晨昏溪被陽和漸蘓寒
喘荷

皇上鴻鈞之再造沐明公大惠之頻施衰齡多一日
之延賤子泐千秋之感仁人孝子原素涵錫類之恩
知已感恩更代進陳情之表三代同朝鼎盛祝公爲
楓陛之元臣百年就養春多許我作蘭陔之孺子

宮漏曾依畫省聽早傳 御輦向

慈寧春暉煖映週寰宇 溫詔親御重六經開府推
恩承孝治循陔乞養仰 皇局雪消鈴閣無私謁話
到陳情眼最青

湖南人家有玉蘭一株高數丈偕玉巖往觀
花藥稀疎纔放邀仝作

路轉黃妃塔芳艸平如砥數折邇荒垣瓊樹抗風榭
隔簷望眼明皚藥一枝亞之子宛高邱就見泝精舍
霏微三素雲神光自縞夜璐珞遙目成珊珊遲未下
似厭雪瀾空疎采翻蘊藉遊逢汗漫春孰若清香乍
數藥馥晴煙詎爲鮑所化欲知山家盆紅泉挹新醅
醉吸宵無言芳氣空尊瀉明春綠波生扁舟省斷汜

張南集卷十一

四

謝盧公即請旌先君詩并序

竊惟春秋名例最難邀特筆之榮左右服勤總莫報
劬勞之德端辭盛典此意已鑄心版之中旋發幽光
一言敢進閣鈴之下日者循陔乞養含情仰讀清威
因而來諗作歌封事乞通宸聽得蒙許諾願已遂
乎斑衣聿賜稱揚德更昭乎彤管是母是子蒙給四方
驚顧乎袞褒有君有臣並根原乎孝治在老母寒閨
辛苦事足千秋在小子沒齒感銜情餘載拜猶飭查
夫事實將上請乎恩華樹之風聲封之石窮竟勤悵
而至此轉鏤戢以何窮雖例有未符敬請收回成命
而心乎獨寫已經叨被洪鈞况乎道左喧騰不數門

張南集卷十一

五

謝盧公即請旌先君詩并序

亦奉令可無罪耳是固然矣抑有愴焉今夫蘅蘭之
香久而彌烈忠孝之節誠則必形蓋吾之食貧習苦
不足言若考之積德累仁何可泯念藁砧之樹立偉
節有三聞戚黨之追思令名不一肉粥養親一也園
練感神二也醫活千人廉辭一介三也其他美行未
及屢書即此大端足憑公論今者都人士奉 恩詔
而請旌恭惟大中丞采輿評而入告此其時矣可無
言與夫字灑如椽愧榮光之下貴聲傳通國悲潛德
之久湮豈敢干之以私亦云道乎其實 天旌有待
由汝名節之弗光父善未彰養我鼎錫而猶鬱母言
如此知不孝之罪通於天公意見憐仰至仁之心錫

爾類母子相依爲命聲與淚俱松楸載錫之光恩隨
春至是用脩陳三德于焉瞻戴二天嗟我先君童齡
喪母時大父病嬰反胃我先君痛若椎心火熱風爐
所熬者肉糜肉汁藥虛金七侍寢于四年五年窮思
斷進乎羊脂篤疾莫延乎烏哺抱鐙一哭喉塞無聲
搶地連朝神昏不食臥倚廬而血漬見食器則兒啼
鄰家盡廢相春弔客聚觀流涕此則先君之至性也
若耿逆之蠱午爲康熙之甲寅舊籍姚江爭防海寇
衆共推爲練長爰申誓於祖祠維我始祖字曰仲才
在唐宣宗官爲御帶有黎陽郡王之封號爲海濱黔
庶所欽瞻一夕戒嚴寇兵欲上交衢輝赫儀馬紛陳
儼袍帶以逢臨煒金燈之四照彼師其遁吾土以寧
鄰堡數千家炊煙相望潮塘百餘里徒御不驚胡能
被此神庥斯實得之誠感三年竣事當途識其能軍
一棹薄遊長揖何曾受爵此則先君之膚公也錢塘
僑寓遂爾誅茅秦緩能醫却非賣藥療人間之奇疾
妙此洞垣麾戶外之豐贄義疎金穴病者若迎夫春
氣謝之莫取乎秋毫所以年幾八袞而考終羣哭立
雨中而不去紼執千人而會葬遠送過江上以如歸
則先君之仁德也蓋源皆出於不置恩則見其善
推孝之至而神乃通心苟存而人以濟故鄉父老欲
配粟主於先祠開府徽猷求達 楓宸之奏牘

張甫集卷十

六

蘭陵草堂

今上宮廷侍養鴻慈普被春暉先臣草莽遺賢隱德
宜邀綽楔肅然起敬生前蒙穎水之式廬學使劉信而
有徵歿後得臨川之表墓少司農李公六詩三筆千載一時
惟公能闡幽表微則史且揚芳流藻先御帶威靈遍
寰宇西湖曲奏神絃先府君魂氣薄層霄東海家聞
尸祝自可察鄉人之議原非盜處士之聲雖貤贈已
沐 覃恩而褒旌未膺祀典皇天后土鑒先子之平
生夜鶴曉猿望
聖朝之恩澤伏惟閣下移孝作忠立身行道久淡仰
望絕少因依已見艸廬之間高懸華采并期先子以
下咸拜隆施不惟存沒均沾抑亦神人胥悅其事則
懸于煌煌節度其恩則戴于世世子孫敢竭誠以疏
引雖鈍筆其能已乎謂有作以伸懷則巴人有浹愧
矣
春滿斑衣百感生慈闈老眼乍增明大書已見懸垂
露特疏還新奏抱鐙歸鶴待盤華表影啼鳥不斷故
園聲松岡雪涕 龍章下光照中丞萬古情
沈烈婦 汪氏
妾有夫向黃壚夫行弗亟妾與俱觸棺絕粒未許徂
一杯之酒妾所須妾身分明拜舅姑同牢而食數月
餘堂前有叔娣膝下無藐孤妾可以死無跼蹐未能
代養語嗚嗚血濃墨淡畱妾書妾今逝矣從吾夫

張甫集卷十

七

蘭陵草堂

春日渡江用高青邱渡浙江宿西與民家韵

挾施春端豪雲陰黯將夕中流如汎鳬煙樹辨江驛
既濟爭牛車案衍浮沙積遭迴時使然浩歌聊取適
興竹掠荒亭駕空閣雙石近覲過江山揖翠欣即席
忘形面層青未用區主客颯颯雨沾衣暮靄江城隔
晚發西興用青邱早過蕭山歷白鶴柯亭諸
郵韵

泛舸出溪墅遠浦漁榔鳴離離江樹暝滬火疎星明
榜人暗招呼一舸穿孤城市樓夾春水中通往來行
居人暮沉湎雪釀流泉傾湘湖田湏急落塘響波聲
隔岬相應啼沙禽不知名冷埃乍聞柝淡宵報水程
江寒客篷溼雲薄村月晴家山入夢遠荒雞到耳清
混瀑汀路外漠漠墟烟平

改甫集卷十一

入

蘭陔草堂

夜過錢清用青邱次錢清謁劉寵廟韵

宵霽江光白微瀾流汀口越人善操舟衝鷺孤篷走
連鷺驚撥刺蘆屋語漁叟芳洲春浪滿鴉鵲愁雨久
峭寒動客枕惜盡壺中酒暗知墟井過綠岸吠村狗
曉次越州用青邱登蓬萊閣望雲門秦望諸

山韵

春山未肯晴溼煙颺樹杪船頭散疎雨江城初破曉
層空壞重雲兀立塔勢矯草芳雉多水滿浮鷺小
東風氣力勁帆疾過飛鳥朝色曖千巖奇秀當門繞

鏡光溢百里一片青未了禊亭人語空樵徑仙蹤杳
在處作清遊孤鴻漾天衣

雨望夏蓋湖

湖面畫濛濛雨脚挂天半墨蒸夏蓋雲散作白汗漫
崩浪跋神魚荒陂呌飢鶴芳草渚田生界水平如案
圍空漲春嵐入海青不斷萍翳繪此圖推篷納奇觀
孤舟逆風吹篙力破湍悍松巖趨驛亭煙中人語亂

五夫舟行

汀塢寫水竹海鶴巢雲松石橋空波偃活泉沸淙淙
衣簑水田立毋乃谷口農行舟一犬吠岸斷煙溪重
古虬滴春雨唐荒失秦蹤殘花黏去棹清景沿綠逢
罨畫澹相屬層嵐秀前峰

改甫集卷十一

九

蘭陔草堂

望御山

好山如舊識對我放遙青迤邐緩撥棹佳處當迴汀
太初自一氣偶結青貌形豈伊費搏鑿妙冶歸空冥
東偏峰勢轉春煙發秀靈超忽變態屢天錦開雲屏
故鄉依海曲此路夙所經漆髮映山翠倏已抽星星
惟餘霞外思一見塵眼醒

宿田家

信意緣春源不覺煙暝晚茅茨生客畱沽酒迴墟阪
新月靜荆扉寒花縞沙堰夜半漏鄰燈童起看牛飯

津夫畫梅

疎花看若空怪底暗香發誰與伴孤清青天一明月

夢先君二首

已孤眇何怙舊庭悽獨倚寒區走易過曷由追杖履
中宵忽夢見疾趨前拜跪宛憩平昔居蒼顏顧而喜
骨月紛在旁歡若初歸里真畏復却去凝驢私注視
堂隅藹晴暉轉照烏皮几乾坤有此境倚着休更徙
胡爲不少延承顏片刻耳涕零呼我父月白窗鳴紙
我父棄我去驚呼杳何益微生贅人間此夢得幾夕
悲來詎有涯歡逝了無跡空號霜柏林白日撫窻空
陰寒承淚地生艸宛血赤永懷邱墓鄉暫至影如客
旅泊江城懷欲歸乏長策衰頽念老母顏鬢失光澤
足知繞膝歡奈此屢空迫輾轉至明發哀疚難塞責

贈友

頗盡新知樂還含舊國情園廬忘主客尊酒話平生
書閣連雲曉江城帶雪晴相將春塢坐百遍聽流鶯
寒食哭浩賓弟

春艸叢生雨似煙池塘寒食淚涓涓東樓得續連枝
夢也當今生未了緣

泛舟出長冷港

漠漠洲渚迷沙禽叫相屬舟人昧川涂別誤已數
僵徊出前浦沿源凡幾曲煙樹兩厓分春江雨中綠
漉漉陂塘水噴飛漱鳴玉二麥際天青萬頃漾還矚

故鄉去遲遲幽思紛綸觸欲攜阿鐘歸耕稷安土俗

次錢清謁劉公廟和青邱韻

日斜雨工散高臺矗港口簫鼓蕩春波舟夾群龍走
是日龍揚靈裊風旂水祠集村叟萬古投錢瀨清風吹
永久四面秧田青羅拜陳豚酒我亦郡遺民醺奠臨
芻狗

舟過白鶴浦望山

遠山紆畫屏近山修眉嫵巖菁十數松羅羅青可數
瘦石鼠尾皴巉峭入畫譜是時晚晴初翠潤過春雨
返景漏層雲灼崖紅一縷俄而夕烟蒸白漫氣騰釜
棧空秀靄連赭龕海門戶輸與垂綸翁柳下開釣浦

謁林處士墓二首

水窟青嶼孤未許他山近煙坡勢坦迤單峙含秀韵
冷落幾樹梅無人徧存問荒亭簷瓦墜秋苔污雀糞
遠巖陰磳凹濱湖古木債平淺一阿邱天豈于我靳
聚孤以爲糧采菊以置醞竺西廬未結雲眠亦隨分
吾愛王子衡遠哀少谷逝李諮墓和靖衣總爲出涕
高舉映穹壤是豈攀聲勢誰穿薦菊泉水仙配殊贅
從享許由傍曠典須特制日夕半煙墟霜柏滿風砌
緇衣去不還湖山自清霽起語六一翁寂寥詎無繼

明宜城邱公闔門殉節詩

嗚呼崇正末國事壞不支宜城登政府僅得一月期

玉殿寸寸蠹犯手將奚施大盜煽荆襄長驅風火馳
侃侃防禦計收燼猶可爲收燼竟莫爲家國隨煙煤
黃沙陷白日烈骨爭灰飛讀史援禍本慨弔紛涕洟
當時夫已氏奉之保傅師元辰大朝會冕旒欲拜之
思陵亦英明枋用乃不疑千秋東閣疏空空存其辭

簡郡使君

秋來天氣佳梧桐滴疎雨雨歇白雲流澹沲如垂縷
拄頰對青山雙矚冷天宇焦尾時一彈清聲出環堵
逶迤御板輿小園退殘暑公等翊昇平色養叨我許
晨昏戀蘭陔未愛入州府況思古之人曰澹臺子羽
下戶銖兩貴老幼實係命貧民生愈微富民爲之浚
哀哀彼氓蚩公庭心膽震笞榜畏及身含詞不敢竟
一夫或失所仁者引爲病倚歟良牧夫庶獄惟其慎
我念屬蒼生風謠扇隆盛惻惻使君心上蒼堯舜聖

改甫集卷十一

十一

蘭陔草堂

改甫集卷十二

錢塘桑調元

詩十二

泛小舟赴湖南草堂

出郭塵事屏巾舄野航受澄湖千頃水一洗多生垢
雲巒照眼明萬象俱芻狗夙齡愛巖棲真境落吾手
輟棹鶴渚灣吟屋垂淡柳琴書位置便況有盈樽酒
商量伐竹樹看山開戶牖大夢寓槐安小隱訪谷口
却詢釣魚舟路似桃花源否

壑庵

嶄巖白雲堆幽壑神所闢一庵撫有之淙淙逗靈跡

改甫集卷十二

蘭陔草堂

梧竹雨瀟瀟疎疎響破澄碧空廊俯瓏玲訝竇驚崩剝
坦邈地半弓窪尊可觴客清水一霞生坐對芙蓉夕
幽居洞

詰曲上陰陂巖穴殊窈窕雨歇散流雲人稀下飛鳥
石牀滴寒淙青溼苔錢小幽人意徐于斜陽類清曉
仙鼠掠虛岑冷風憂叢篠宴坐聽遙鐘心與谷音官

南山亭

湖山夕景佳茲亭領其要西塢起生煙東峰餘落照
遙嵐如海波瀕洞浮仙嶠葉葉釣篷歸掃鏡延清眺
綠樹抱重巒涼風動虛窾竹所亂螢飛巖陰獨鶴叫
塵域吾弗知首作雲將掉林月雨洗餘澄輝特娟妙

觀摩厓家人卦

偉哉涑水書辭嚴筆亦正空山畱此蹟萬古鬼神敬
淋漓蘖氣母磅礴衝斗柄蒼厓獵碣古老腕純鈎勁
晚天煙靄重滄雨苔花盛光怪出嵌岩熊熊照幽篴
晚覓琴臺二字不得

琴臺久煙蕪大字聞鑱石渴尋顛米書神明想猶昔
俗書如無鹽綠屏漫刻畫天女下層城詎止簪花格
苔昏蹟已泯煙凝光復夕神物有昭晦欲睹難強索
摩厓古隸存精氣暗相射迢遞下空亭月漾湖波白

湖南草堂顏以摩厓雲壑二字亡友括庵跋
感而有賦

徵甫集卷十二

蘭陵草堂

在昔北山移俗士欺雲壑攢譏理應爾今我顏不忤
摩厓有此書好事俾響拓取以顏州堂盛美不嫌掠
高空列屏風水墨爲誰作卣杯對煙雲朝夕變態各
語清脫亦道妙奪元和脚迸淚追蜀州幽吟事如昨

湖南草堂舊是葛先正叱瞻講舍

司農湖南講從者累數千布袍映泉石徒步風脩然
清遊入靈竺浮榮等飛煙斯人今則亡風流照遺編
盛事久零落精舍主屢遷刺船入葛港古水名猶傳
故物貞父筆挂壁銀鈎連湖光收不盡佳賞分前賢

極帖收盡湖光春色挽回
太古浮風爲黃汝亨題

夏夕寺前散步

嵐合四山暝古寺鐘初歇亭影動清池已晃波間月
孤雲散高天微風動淡樾流螢喜客過數點上巾襪
壞塔形模粗煙中秀碑斫夜闌現澄明心清悟超越
滑過白石灣香入青蓮窟暗覺星河秋涼露沁肌髮

携琴簾晚步湖上二首

琴兒雅好亭予問兩兒眼前景法何愛琴曰愛亭簾曰愛水涼風四面至隔林暑氣
清到檻嵐光翠坐看山月明正爾可人意
簾兒雅好水萬象涵清虛空明寫圓月活潑游鯈魚
相看兩不厭請結湖邊廬

雷峰亭上

徵甫集卷十二

三

蘭陵草堂

波光挹虛明湖風涼到面怪石蹲亭坳趁憩腰脚倦
林深亂蟬嘶垣荒一蝸篆柳寺綠漪圍松屏白雲卷
佇想日啣山霞綺浮瀾綯娛人富清暉須盡煙雲變
與客遊壑庵

一從棲南屏諸境爲我有客來與盤遨幽尋此爲首

細徑穿林霏石壑瀦溪澗巖窪小龍泓清寒試盥手

一枝風折蓮妙香入佛牖洞外界蔬枰竹裏安茶臼

蒼厓亦可廬雜樹亦可標有意結僧隣便作耕耒耦

偕登南山亭

洞門盤竊曲忽造虛亭上晴湖天日開陽光羅萬狀
巖氛紅扶疏谷樹綠澗漾空冥寫攢螺生綃着數舫

爾我不自知葛巾入屏幃浮邱諒難期佳辰聊滌宕
城中類火甑熱毒不可傍咫尺歸蕭齋竹牀頗清曠

虎跑僧送泉水

湖水已澄甘未若虎跑冽滿汲出層岡餉我勞觸熱
大瓢貯瓶甕傾瀉白勝雪狼藉戒青童愛此澆吟舌
活火煎風爐松毛手自蒸畱僧試雲腴色香汎清絕
除煩瓦閣涼析醒碧甌潔品泉非桑苧幽事亦可悅

草堂夕詠

將秋蛩響急既雨荷氣清歸禽隔巢棲活泉遠舍行
山閣遠燈上林磴孤煙生村沽取薄醉霽照開虛明
露坐來溪友誰能掩柴荆雅懷問釣遊洽此幽居情

三十七
致甫集卷十三

四

蘭陵草堂

隣犬既盡識野鷗不寒盟涼夢飲湖淥高吟對霄嶂
巖薜有數味風篁不一聲寂寞自適意焉知身後名

夏景園廬和常

空階苔色靜高林蟬語多竹榻午夢醒慧日青峨峨
冷光瓶灑雪驟響瓦翻波山扉生晚計終焉此層阿

園亭覽物和常

樹淡山鳥樂雨歇渚花新渴脣漱清水汗手冰寒筠
北窗有靜侶盡屬羲皇人

慧日精舍

盤紆盡仄磴精廬在巖椒鳥影下寒壁松聲轉空寮
疎櫺挹西爽千峰秀層霄一峰白雲吐一峰忽已消

一峰一峰嬾徐復青苔崑山房疏幽泉泉色汎清瑤
高林掃炎暑孤嘒鳴元蜩虛龕客趺坐枯磴猿騰超
目清塵跡宵心寂冷趣饒夷猶瞰湖月借宿吟涼宵

準提閣

連岡徑忽夷危構架寥廓樹杪湧全湖寒淨鏡光拓
窺出飛鳥上層層偃林薄雷峯左肘蹲孤塔狀頽削
嶧蜀諸遠山青宵煙漠漠萬景滙小窗幽覽意冥冥
照屋小嵌巖尻股恰可著石泓一勺清真率木瓢酌
下視吟舍低數間翳雲壑晚嶂一燈明悟是松顛閣

晚登雷峰觀落照

斜陽射赭塔巘嶸皆金光層霄蔚彩翠一逕摩青蒼

三十九
致甫集卷十三

五

蘭陵草堂

峯霞然合沓湖漪散滂洋金牛方隱見跋烏暫翔翔
投壺天帝側張樂軒轅旁路逢皇初平縱橫叱群羊
霓旌澹偃蹇羽衣紛飄揚秋山蟋蟀響鬼火冬青涼
倒景條已滅弦月遙相望搜吟沾夕露凝坐孟深陽

夕遊虎跑

颼颼一徑風松泉競清響盤沿渡石梁面壑林扉敞
日落山色濃秋近節氣爽寂靜憩諸天新涼納方丈
石亭紮澄泓香臺逼緯象竹几寫微吟匏尊得真賞
幽樹暝禽棲空階白月上客自愛清遊衝煙復孤往
舊識龐眉僧相送出灌莽意行欺猛虎彭觥策鐵杖

枕上聞曉鐘

杜陵類達道晨鐘發淡省今我棲近寺每曉煩相警
一貧幽趣滋一疎塵跡屏惟作白華吟垂雪心耿耿
傍湖魂夢清交秋枕簟冷默數百八聲聲聲入淵靜
空岩谷音遙落月窗光同妙境湛虛明天機相與永
水心寺

青攢山外山白澆湖中湖此間起池閣波光周四隅
有來棹小艇水面爲康衢亦復度略約輪蹄影絕無
噉花魚千頭掃煙柳數株開軒赤日澹秋氣先菰蘆
葦屋水中央夙願久已孤經營說先得讓彼金仙徒
月行不出沼恍現瓊社珠今宵水明樓清夢追飛鳧
大雨

張甫集卷十一

六

蘭陵草堂

大聲翻盆來湖山晝冥晦邱勝已黃埃焦卷飛灌漑
檀樂一園竹顛風盡舞態迎涼失消中決瀉洗荒穢
餘點猶撒菽油雲散鬢鬢稚兒誦新詩清音出閣外
對此夕景佳青山幾人在枯棹卧沙畦眼冷看秋菜
霽夕

一雨滌炎毒几席生新涼天風透竹閣飄飄吹我裳
溼螢千點綠歷亂前池光清豪階苔語澹遠水芝香
默坐起遙思薛荔延山房太初不可作南屏跡久荒
圖經手自勘佳遊未全償明朝沿溪澗飛泉落滂滂
西湖改名高士湖

我有一尊酒酌之高士湖緬昔石川子遨遊太初俱

原缺第七、八葉

秋陰移古樾午聲送清吭高枕冷翠納淨甌苦綠嘗
一雨入虛谷業玉鳴浪浪吾廬着處是臥吟擬艸堂
夕照庵

秋畦冷頽陽隣僧指破殿佛身苔花皺幢蜘蛛絲罥
陰風倒母竹新雨長孫覓張王蛇藤青古棺積廢院
宇宙生總浮逝者疾流電北望魂羈孤凝思淚如霰
亡友介百觀尚
蘭京師夕照寺

普寧寺舊址

石塔零落餘斜陽滿初地菜畦匹方罨數枰畫青翠
碎蝶聚散輕娟娟弄寒吹荒墟想布金萬事飽興墜
鐵作窄堵坡烟消沒故歸參寥不可遇並湖獨延跂

張甫集卷十二

七

蘭陵草堂

月夜登南山亭

遠槩劃煙波傍舍鳴霜荔天際數鴻冥默含無盡意
圓輪穆無聲萬象入清冷石構凌高空夜遊燭省秉
四山颯鳴秋羣木動疎影澄湖如好女當鏡轉深靚
明河挂簷角白浸寒星耿鬼語移楓坪烏啼墜桐井
岩虛響乍砒洞黝光屢罔老猿坐招手引我跨重嶺

雷峯亭上遇驟雨

秋暑有餘灼油雲黑一縷食頃湖晝晦醺點疾如弩
虛亭缺週遮杉漆翠衿舞殷殷連山蟠豐隆震天鼓
朱光抱南麓怪樹着雷斧下上動溟茫意怵神靈聚
迴飈送奇涼廓然見天宇浮煙動青螺攢空一一數

不辭巾屨溼皴法參米譜米友仁有湖山烟雨圖

波甫集卷十二終

波甫集卷十二

十

波甫集卷十三

錢塘桑調元

詩十三

沈辭立先生修誠自禾至草堂以詩二章見

贈奉答

先生天所遺杖履到嵐谷看雲八十秋蒼白飽經目
身長耆英社胸羅獻徵錄邱園歷塵劫野史舊聞熟
賞我循陔歸貽詩掃兔禿秋蘭豈足養聊得從初服
觀止喜朱生相將畱草屋道故白景趙清尊試浮菊
籃輿可近昇南屏暖松竹百歲從清遊題名次巖腹
同予齋登南山亭尋準提閣遊慧日精舍三

三

波甫集卷十三

首

今朝霽風日山氣益蕭爽雲歸銷微暖木落遞清響
葉舟散明波鴉軋鳴遙槳林疎見寺紅隔湖瞭若掌
人立亭宇空鴈飛天地廣寒圃淨蔬稜幽洞捲蘿幌
諦視涑水書鏤壁鐵畫朗嗜古竹垞翁風遊具真賞
筍石惟一株松屏更百丈早秋君未來孤蹤日數上
凜秋草木哀雲根露微徑綠厓學猿升賈勇洗蹭蹬
蕭寥山閣鎖殘僧委破甑惟拾一湖秋林表鏡光瑩
打頭病葉飄拭汗坐石磴却溯弱齡跡廿年塵夢醒
松顛憶偷遊聲確不畏暝迤西踏平岡策竹趁餘興
破靄山鳥飛雲窩一聲磬

小松濤響清徑轉蘭若見犬識生熟客桂零前後院
峯坳舊石湧絕少秋雪濺崩雲忽覺豪稿竹絕類狷
露畦晚稔長雨檻綠莎偏風細拓幽樺涉瞬嵐霞變
人非買山隱時近納日餞空青采煙華澹白燕春片
寂聽東林鐘下巖猶未晏

育王山

濱江延層青氣象屹汝獨鼓銳攀松藤螺盤入雲族
天清叫孤鴻山虛響羣木雙高羅寒襟三折盡遠目
秋空標識孤一峯類釜覆崎嶇上上頭恨不棲叢竹
緣郭行如蟻細逕斷來躅唯聞隔谷樵丁丁動巖軸
玉虛觀

張甫集卷十三

二

蘭陵草堂

峯頂藹蒙龍雲木藏道觀南牖納微風憩石屏漿汗
當階日月池水涸逢秋早倚爐跛道士烹茗以松爨
引客上星臺古罌鐵花燦連山結尻股白雲散汗漫
丹房秋雨零破壁黃泥墁寒堦脫葉溪颯杳栗鼠竄
宴看潮起滅意忘小奴換出塵亦由人世繼詎足糾
同予齋飲湖樓

黃葉散巖足綠條斷湖潯惜此一尊醪互勸心所親
中年傷哀樂孰能全其真陶洗賴山水不事絲竹新
與子結莽來廿載遵沙塵愧慚魚與鳥放志在茲辰
新涼生高檻商風激白蘋未須論後會當盃無虛巡
迤邐望雲壑曾不隔城闌醉歸蕩夕月相將上釣艖

梅花嶼是陪元歎先生飲處

湖光轉清新公歸遂不復却追洗金螺煙樓尚爾矗
戴笠過段橋雨點飛碎瀑下上明霜楓猩紅出朝沐
虛檻發高吟錚錚音在谷風流清穎尾霞舉孤山麓
豈伊千載去昨月疑仙躅悽過黃公壚迸淚等撒菽
秋魂不可招颯颯風吟竹

冷泉亭坐月

泉月併作秋妙境清入骨下約崩雷轉暗厓古香發
石危不可磴木斷大可筏豹聲數犬嗥人立一猿突
沈寥輪已西倒巖影疎樾衣色凜飛霜禁冷坐猶兀
風寂鈴不語雲滃塔忽沒隔洞聞經魚孤僧踰奧窟

三九

張甫集卷十三

三

蘭陵草堂

宿借秋閣

夜樹辨虛窗月色猶在嶺暗泉落寒滴近竹搖碎影
涎蝸四壁乾露鶴一聲警清話強僧陪跋燭趣更秉
藤榻初着膝夢遊恍屢省疥綴遊客詩古塵黯弗屏
安得白社人對案寫清景崢嶸抱冬心松雪皓耿耿
破凍上霄梯天地極清冷秋風日夜溪幽趣當續領
曉登飛來峰

清曉躡靈峰白雲生我脚日杲霜樹明露泣秋藤落
林鴉先客起石驚抱苔削飛梁亘空巖冷跡著猱猱
松色翳盤岡淙流響倒壑移遊天地初百洞鬼所鑿
凌虛嘯青冥木葉下遶廓颯然冷風回東林數聲鐸

呼猿洞

神房入淡黝日高窗雷曙寥豁小有天清光炯殆庶
氣孕太古寒幽淡滴如瀉仄罅透松風激雪冷然去
石脚猗虎蹲雲口呀鼇欵秋山颯多響木落鳥驚遽
邃谷梟荒藤連臂挂且覩長嘯僕亦能猿父知何處

韜光丹泉

雲根一坳水蜥蜴之所伏舊傳回道入燒藥此棲宿
丹光如芙蓉的皪照冥谷巖穴中枵空酒民容枕麈
父視亦何爲委運忘淹速草木秋風催溪山清景逐
登高覽元化萬象新我目烹泉良復佳傍厓恰可屋

劉讓宗維謙自華亭見訪過塘棲坐船頭快

殘甫集卷十三

四

蘭陵草堂

吟得句云客醉孤舟月蛩吟兩岸秋不覺
下水舟人未之知也尋覺急迴舟讓宗尚
浮水面引之登過草堂話此事爲足其詩
贈之

客醉孤舟月蛩吟兩岸秋何人追太白高咏擅風流
未許騎鯨逝還來汎蟻遊浮沉身世在我亦一輕鷗
方家峪上菊公先生塚

元盧護雲嵐宿艸秋更綠風流渺山河清淚一涇目
杰士蹇不過老死堊厓谷餘事作詩人竹素留清馥
天空澹孤月露白踈羣木魂來我不知靈風吹肅肅
今秋南屏棲荒峪近往復古歡不可追寒泉薦芳菊

映壁院俗名梳粧臺

峯莽入空樞負屋得峭壁石泓蓄溪寒倒映清歷歷
遺宮蟄地道墀洞窺幽閭阜亭一瓦解何處避鳴鐃
梵閣想梳臺宮礎埋沙礫易墮景陽鐘唄音破岑寂
古水光如刀意難割愁戚舊山采采青秋煙暖輕罽

松風石室

滑磴盤礪确石室頗清妙野蓄秋不花盤發青窈窕
數曲繞垣低松山面幽峭虛簷入松風催發啗然嘯
莓臺屢跡絕荒冷蟪蛄弔山廚起炊煙一縷出蘿薦
倚樹寂無言淡塢自斜照

鳳麓寺

殘甫集卷十三

五

蘭陵草堂

清遊如流水逢坳注盤礴青林古僧居看竹例插脚
曲房烟靄侵結構傍崕崕山心愛幽森茗話入恬漠
不知秋風夕桐子窗前落覆地雲下堦窺人月到閣
小住良復佳晚歸亦不惡度嶺乞一筇紫玉鏗然削

鳳麓泉

一窪照衰興清沁居鳳麓改邑不改井宋社久已屋
愁腸未能湔聊瑩弔古目往來故宮月水華變淒燠
白帝運金寒秋氣坳泓蓄泛菊山醅香陶巾從之漉

夕度萬松嶺

秋月已上嶺清輝隨行屨湖波一潯白雜樹皺煙霧
光開四際暝江山宛米聚振衣立虛亭泠然發超悟

緣陂數茅茨影動村犬護商飈轉遙屏倒壑松聲度
緬想冲晦廬柴門隱竹樹芳草沒前蹤露飛溼寒兔
徐處士宅在此嶺見北窗多餘錄

濂溪先生祠

湖上風月多吟弄趁遺構入門黯荒涼斷領委階甃
苔龕粟主欵下上饑鼠鬬有司墜不舉破窗秋草茂
琳宇鬱相望千柱壓羣岫低徊舊宮闕自應壞積澗
圖藏夜壑舟力難負之走天邊太極巖虛光四通透
前池霜倒蓮餘香沉綠皺依微吾與意歸路猶可覲
尋白塔舊址不得

張甫集卷十三

六

蘭陵草堂

當年一瓶蹲俗名一瓶塔魂號曲江曲襦匣三泉曉鬼燒秋
原綠盪毀又一賊至元間毀于張士誠炎崑無剩玉園陵慳麥飯
萬古同壞局淒淒尊勝巷埋灰掃殘躅稗史義唐林
冬青照寒旭快哉石像培宜學斷斯獄

荃冢婦沈氏屏風山麓

吾兒黯腹痛不語吾知之矧茲賢孝安王姑紛涕洟
紫翠渲屏風元堂闕在茲雖無新封樹環蔭天所爲
下陂漱流水涓涓去逶遲深雲擘新統落月懸清規
雪夜寒寂歷羣鳥鳴參差百年倏鼎鼎同穴期吾兒
無窮向平債得了終何時順運理人事看山洗淡悲

梵天寺三首

江天淨如掃森影寫雙塔幢宇綠相映秋雨過雜選
崇基高下荒塚戶夜不闔殿領落豐草白日兔兔踏
鑿石妙蓮華景射金匡匝曉夢杪樞陰柏子榮于蠟
遙山赴東溟一氣青台杳流觀衆妙存散步起怖鴿
碑鏡小詩清天機出寒衲朱僧惠詩真想死在茲落
葉寒颯颯

東院閒無聲應戶一僮小荒涼坐古佛飯几下飛鳥
北窗鳴秋風石塢獵叢篠陰壁巖獨活冷砌蛩已悄
殘僧如飢鳥覓食出林表廬空無長物吾意滌膠擾
廣階類方池多受月色皎榻此納清寒擬看上方曉
曦車忽而西禪寮轉獨叩入門雙柏在蒼勁謁者舊

四

張甫集卷十三

七

蘭陵草堂

焚香坐秋廬心清滅諸寇將老神充實素髮未用耨
白雲寒容容靈源洩虛實往來抱故山茅簷與滷覆
破寂海濤喧千巖響奔轅起看雪練飛手拄柳栗瘦
和厲太鴻鵠移居韵四首

清秋雨灑碧苔餘近覓橋東水竹居地類青城吾不
唾泉縈細石子能渠已教料理疏松逕未擬誇張榜
草廬熟識南村舊鄰好相將踪跡武陵漁
鷗鵲招呼滿樹顛林中散步拉臞仙秋池影寫青銅
鏡晚酒香浮藥玉船僮僮熨生衣慵未着龜支舊榻醒
猶眠筆耕辛苦龜溫飽糞視人間使鬼錢

洋州風竹映溪斜罨畫村庄賸客誇琴雅清如姜白

石鈞汀涼映水藻花情知退谷無多伴世守平泉有
幾家蘚暈侵堦餘鳥跡先生閉戶寂無譁

秋堂清迥足音聞敢謂巢由謝放勲時一中之原不
惡身將隱矣復何云催飛霜塢楓千點添養蘆塘鴨
幾群溪竹團茅吾未改東臯煙月要平分

崇聖院

碧鮮一院竹浙瀝動雨意隨喜向孤園遊屐暫引避
緣堦秋草濃閒房極清闕前輩渺音塵翰墨餘芳翠
右嚴調御贈
素上人詩軸萬慮散遊氛聞鐘宛淡致蕭森樂當年蟬
蛻非有爲霽峰冒輕嵐落葉颺徐吹看山飫新得焉
知老將至

三五九

波甫集卷十三

八

蘭陵草堂

响佛庵

叢篁映天綠一石現佛像拖娑萬個影妙作清淨想
撼撼黃葉飛晴空江雨響聲磴躋高平看雲界泱泱
鹿坪一花開僧樓羣鳥上颺颺竹爐鳴苦茗給心賞
持詫桑苧翁半盞秋意爽他日續清緣屢到勞吾杖

九日登南高峰

良辰不可辜况茲風日美絕頂覽秋光一江白千紙
沙雁聲落雲湖樹影在水飛泉布忽挂攢峰屏疊倚
人生無愚賢情議憂患始幼老驚電流此山終古歸
峴首與牛山感嘆本殊軌未若兩冥冥舒嘯青霞裏
浮邱去我遠虛邈謝瓊藥洗眼鉢孟潭坐看夕嵐起

先照壇

大槐全斲夢天愍昏翳積地底轉靈曜出海乾坤白
空中號天鷄神光此先闢迅疾御飛輪晶瑩挂環壁
日月息華池元精耿激射宵半凌孱顏照見一腔赤
圓景日夜移烏兔苦崩迫楓含初醉容燕作已歸客
佳節引登臨林嵐忽已夕未知從今去當着幾兩屐

千人洞

在天池
洞右

天池窈而淡此洞更修廣昔人遺餅竈宛作花源想
中包小墟落衍實不盈丈奧房透寒暄元牝斷幽響
穿溪營趺居張空結圓網黝仄不敢窺排空試以杖
吾公在壑谷歡宴神思蕩豈如宅煙霞葆真得素養

三五九

波甫集卷十三

九

蘭陵草堂

偕友遊滿覺壠點石庵二首

老樵獵乾薪饒猿拾脫橡天地畱荒廬霜濃陰木長
曲塢來已遲桂謝衆香散偃蹇山之幽秋色碧雲斷
溪橫獨木橋樹倒千尺岸綠草寒更萋鬢髮晚忽換
崎嶇塵路夢借醒巖石畔松靄烏翻飛煙華日零亂
懸崖霜萬樹丹黃漸參半荒池尾曳泥敗寺喙畫墁
客意耦我閒物情供靜翫幽洞響水樂熟蹊猶可按
到庵聞丁東山水自終古空岩秋氣盛落葉滿庭戶
佛樓架碑碎虛檐響接武耄僧雪盈顛荒院等瘠土
寒溪授衣天破袖手緱補接覓泉涓涓不勞汲瓶甌
馴猿喜似人崩石怒于虎漲谿雲不訾插壁竹可數

依岫結層軒積溜欹苔柱會須挈榼過對牀聽夜雨

丁婆井

危壁滴琤潺彷彿水樂意漁演蓄蒼麓終歲清景闕
泉德類高人曾無出山志有時喧浴鵠未許奔渴驥
園夫日搢搢用力灌寒翠抱甕豈不勞似謂厭機事
巖深流暗脉滂沛秋雨至澄泓瀦上方畱潤初紗地

三益庵

山下泉如環山上泉如玦貯瑛瓊瑤白日印光潔
包絡一陂陀廬竹吟騷屑方丈闢高空萬象觀起滅
露英夕可餐水蕖秋可擷衝寒披鹿裘佇看江天雪
方丈後石池可愛復作一首

張甫集卷十三

十

蘭陵草堂

高下石泉三即此成三益陰崖一坐鑒清迥映心跡
新泓雨後盈靈源巖罅秋氣灝麗涼孤光澹虛白
千頃滄浪情縮寄二三尺心賞渺誰與俯見吾影隻

張甫集卷十三終

張甫集卷十四

錢塘桑調元

詩十四

春日江上獨行四首

曠蕩出門去春山眼中粲要眇寫神光足練橫清且
遙青剡中巖佳賓我乎館義難招之來雲沙嗟目斷
瑤玉弄溪流澄江未一盥磊磊灘石圓臨漱雅任誕
餐秀自朝夕生面不厭看青鞵何所得佳處詎容贊
江邊聳浮圖朝嵐縈窈窕紆徐徑平岡其下圍風篠
我欲盤虛空意恐驚飛鳥却顧海壘烟浮空白森森
山脚攢蜂窠撞春力不小骨母砥濤頭陡峻一峯矯
蕩漭泝嚴瀧三浙波了了老漁蜻艇舟釣雨一簑宜
草青定山春東風冷騷屑鮎口截衝波墟里霽明滅
惜哉失清遊不見寒江雪揭來感江妃蘅臯捐玉玦
松鼠啼青林新吭送尖咽行行越沙渚危橋卧雌蜺
連山青盤盤皺皺法轉奇絕欲攜顧長康清暉論曲折
江山四應接不覺穿遙村孤花明空礪石上走虬根
野樵衝虎過冷翠飛松門遠天雨意散清聞鷓鴣言
麥田鳴決決碧流春水渾依微還山雲芳嶺暖高屯
思翻水仙操睥睨青桐孫世無禽夏友幽賞祇默存
雲栖洗心亭

入山轉幽邃徑綠千筵筵西坳一池水有亭俯清虛

嗟符魚策策打僦雨踈踈春燈上塔外夕烟過澗初
寺僧擔薪歸濕翠兼松栲今夜栖蘭若我心方晏如

宿雲栖

環山竹樹碧龍葱一宿香臺聽夕鐘祇謂嶺頭猿叫
滿不知門外虎行蹤香盛齋鉢湖田米翠熟茶爐雪
礪松明借一筇扶客去白雲留在最高峯

度白沙嶺

尋山意不孤全行有竹杖絕險賴扶將梯空神倍王
連峯碧嶺嶺巉峭鬼工剏濱江啟門戶入峽堂皇壯
削成倚重冥排界壓疊嶂寒陂樹鬱盤曉實雲奔放
何人腰腳輕往踏屏風上對面即屏風嶺崎嶇下巖根芳草春

張甫集卷十四

二

蘭陵草堂

泉漾

望屏風嶺

去年住湖南南屏照吟屋霜空著丹黃秋光冷雙目
塌來籬白沙對面春山簇淋漓劈斧皴水墨披橫幅
叫雨飛時禽攢霄秀古木陽厓新綠濃芳月浮嵐縹
嶺泓霽鈎連烟岡故平轟林猿下飲處飛流匯深谷
一厂藏巖腰誅茅居可卜

過金沙澗

空波湧金碧非復故沙澗連雲石綽楔落成景已晏
僧圍灌春蔬漁舸橫翠靄雪樹遠山低花水平橋漫
延佇澹無依一聲北歸雁

與朱排山楓期湖上予後至有作

芳夢結春山清心數宵漏未雞瓦閣鳴餘雨散豌豆
拓橋望東熹元雲魚浪皺寒襲青氈衣穿衝滑簷溜
步出西城闥幽人迎把袖負慚圯上來勞動關門候
邁往志雲窩宴却心兵寇雨晴意總佳芒鞋暱相就
勞生催白髮客歲星過雷西溪雲盡香沿緣足吾艤

塊泉

渟泓兔兒泉泉名蓄醅醒白愛寫癉影明芳草紆遊屐
天光發澹演方廣四五尺中涵一片霞識是太古石
清暉相嫵媚鱗皴漾青赤幽竇蟹眼生蜿蜒疑此宅
終古在山心冷潔見高格霜空挂寒水潭潭精氣射
洞酌來樵漁洗面斷熱客

張甫集卷十四

三

蘭陵草堂

西溪看梅二首

素亭揖客入蒼翠瑩目晴回溪度橫竹碧流瀉春聲
勁樹羃寒綠東西竹雞鳴溪澗一株雪獨立無將迎
溟濛水雲暗虛空自孤明暗喝衆香國離羣葆淒清
豈希諡貞白冷癖繇繇生蘊真野塢老淡漠民無名
清遊飽新得目擊憺忘情

冷香浩無垠虛舟泛花海放乎石人塢瀾漫萬花漚
鴻濛孕大文揮洒出真宰本色謝雕繪靚麗壓衆采
茲晨天嫩晴平碧籠翠靄張王際天白猶有玉蓓蕾
倒壑泉淙淙崩巖石磊磊屐齒折不憂如鐵孤藤在

望法華山出雲

永興寺

弢甫集卷十四

四.

蘭溪草堂

空階碧磴橫苔深位置妥討春倦腰腳信意科頭坐
老樹相扶將春妍着花朵沉冥植花人梅塢築硯磯
禪燈消熒爇清歌散婀娜夜半壑舟移溟茫元

洪墳松樹

迤邐東穆塢夾道松輪囷陰森三二里
虛濤捲高曼春風吹雨過溜濕蒼皮皴
繞徑葉細滑清芬滿苔茵墓前石羊虎
無聲卧荒榛翁仲苦缺齧翠碧繡冠紳
參霄詎無恙圍拱綿冬春大者幾牛挽
小者摧爲薪烟墟兀斧跡炭炭千龍鱗
尚書播勲業碑詞已漫漶
帳望白栗山行歌逐樵人

曉出東

照庵二首

山嶺望餘杭諸山雨歸夕

參連夕氣佳圓峯七十二遙嵐淺凝靛晚髻施新髮
轉面烟螺橫離立更位次雲中白道紆踈松小如篲
却沿花溪遠橋崩春水駛笠夫導客前一竹入空翠
登嶺建高瓴他山藹隣比巖源溯天目初祖兒孫媚
彷彿洞霄宮青霞蔚奇意際天萬雲巒尺只收盈視
卧壠石辟邪憩坐雙脚跂何方送飛雨灑袂忽而至
兩拋幾點麤松檜亂清響却看遠山青烟螺指諸掌
夕鳥盤峯尖石滑不可上前橫濕翠濃翩然迴竹杖
有會步遲遲方山寄遐賞單椒秀平疇介立意不黨

張甫集卷十四

五

龍溪草堂

小憩嶺下亭樵子歸三兩東南數峯暗崦嵫薄開朗
陰霞疊魚鱗水墨契真想纖絺踈復密穿林拂鶴氅
暗香泱泱浮生路誤一往瞑投古寺宿燈窗極莽蒼

同排山全宿夕照庵二首

晚雨淅淅下巖幽萬木參豆房停蠟屐梅譜檢經龕
白話殘僧撲清齋早筍甘相將過永夕朝旭半空含
理公歸隱處厓古石苔荒牒客畱聽雨清吟與對床
風聲隣虎穴塵夢斷羊腸老衲今相識春旗許寄將
出西溪看落花

出西溪看落花

昨日白在枝今日白在地青山一夜雨如霰夾溪墜
方畦汎流塵餘香不可簞開落渺何因春風冷廢寺

家野雪參差清光倏如駛生憐絕欄身雲卧終古意
亞空愁未拆飛着一鳥翠元工妙雨晴無迹寫芳事

度桃源嶺

梯烟度層岡草青石徑細東偏雨氣散春空露一簪
徐放衆峯出攢螺秀天際嶺首戴孤亭江練橫明霽
依約越嵐重陽光互開閉却看西溪樹映水低如薺
巖阿壘怪石太古結根蒂汝壽保堅頑人命苦浮脆
挿脚入白雲百年幾坐憩寧窳洞門陰雨過長薜荔

排山對飲湖樓

好風輕拂檻早柳亦已黃松醪注尊醖春味和心腸
雪盡放暖翠雨過浮新香勸酬移芳晷滿飲明湖光

登甫集卷十四

六

蘭陵草堂

茲樓登已數景物滋專昌映花檢雙鬢未肯銷微霜
孤亭水容與遠塔烟蒼茫醉望舊吟舍晚屏雲錦張

哭墨麟

吾生膠漆數本稀寥寥散布琴上徽昨冬括庵魂旆
歸臨江遮哭張白幃亂瀾一斗紅珠璣失聲今又漬
裘衣墨麟一箇不可職乘景忽與塵土違糲糊淚曉
將焉睇東奔絕岸雲濤圍寒螺簇簇青窻扉海山海
水回靈旂我欲從之斷因依子氣衝斗狀不顧子才
豪橫弩發機摧殪強貴如他稀西乳羗焚童嬰肥饒
口不獲施呵譏我冠重拜東驂駢吟毫日夕收清咽
剛稜憂我儻脂韋夜夢招赴橫江磯陔蘭秋采香菲

菲弔子縑練登堂關驕驚病虎形模非心為英雄涕
潛揮欲別不別三嗟歎廿年三聚療渴飢恨不六合
相追飛時之交道蓋已微爾我壓蛩其庶幾曹蜍李
志祿位巍白鬚不死猶牙緋碧翁顛倒微祥祺子死
不煩宗祝祈武原蕭瑟雖露晞素漿空劃蘆之碣瓊
華采采誰同嘖大雅廬室遊蚺城由峯錢載穿林霏
相逢話舊情依稀當年吟醉追京畿

藕花書院

內祠故浙撫王國安

陳跡省南屏湖莊窮漱澗翳此水竹隣清遊補所欠
壞牆攢修青冷塢圻圓艷春水漾烟沙坐卧鳬翁占
殘僧供香茗勝於綠醪醖蔽芾懷風詩塵窗翰藻挾

登甫集卷十四

七

蘭陵草堂

傳芭走村巫湖上靈旂閃飛飛夕雨催不辭巾角墊
見太鴻家隣塲杏花作

花信數暗催連宵酥雨浹晴初躡芳塢硃蕾隣塲頰
春色主人借客復工應接亭午日華明攢紅不勝捻
登牆窺宋玉未信飲笑屬微辭若為通脉脉情詎慙
流鶯不惜聲巧轉出花葉徙倚賞年光錦坊謝遊涉
豪家壓玉欄過瞬成小叔私覲良復佳一再紆少屨
隔院香漸濃難留一雙蝶

登越山

巖壑盤紆翠靄重清秋草木尚蒙龍樓基零落空飛
翼山勢蜿蜒自卧龍江渚雲沙翹一鷺石壇風雨舞

羣松五湖照去耶溪月何處堪尋少伯蹤

渡百官江易小舟

依依故鄉路一葦亂舞江江面非濶遠風湍激奔龍
行客競利涉沙岸相春撞臨江虞帝祠神鼓秋逢逢
敝屣帝天下陋彼巫言嘵髣髴白雲陰三妃裊靈幃
小憩重華亭水石聞寒淙斜陽澹流影魚鰈無蓬窓
夕風起湖溆飛過白鷺雙

十月十五夜月

中天黑孤圓踈朗白榆列冷光散元冥霽魄亘寥泬
淨宇一輪行溪宵萬籟闌縱浪形影癯撥棄身世拙
苦愛迎晶輝甘禁受凜冽悟入天地初清機不可說

渡甫集卷十四

八

蘭陵草堂

森寒瓊霄虛靜竊玉鑑潔一氣涵海山高深景不滅
瀏連此境佳明恐蟾兔缺

十六夜月

東溟白輝上未覺輪小虧高天掃氛翳清虛渺無涯
前墀迴空濶孤影延徘徊悠然接炯照宛覲心所期
東西溯川陸娟娟常我隨寒溪高館靜清霜在裳衣
今夕非昨夕流光不可追勿嫌冷心髮偏明黑間絲
虛求大藥餐昭昭寢已馳冬冀一葉下通凋固其宜
枯林烏雀冷寂寞懸清規

十七夜月

昏鴉甫安棲欬爾鏡光發浦溆明微瀾篠簌動踈樾

華星入漢飛孤雲向空沒千里共澄輝川廣何由越

憶昨草堂歡聯影如蛩蜃虛白映窗牖清夢猶恍惚

良會安能常生離一何卒繁憂知幾許金波漾溟渤

霜氣冷三霄山痕青一髮乖違數使然素魄有圓闕

寒夜犬聲

寒夜聞信信聲大信如豹未知見底物欬起向空叫
惺忪候籥籥猛迅出藜藿羣然逐聲影百吠祇取鬧
客睡纔朦朧倏使清夢覺披裘出前楹宵景展孤眺
寓久頗熟識低垂尾頻掉曠野濃霜飛中天白月照
我欲延幽人繁愁釋繚繞

寒夜吟

渡甫集卷十四

九

蘭陵草堂

景短天易暝風冽水初凍星掛萬點嘒玄穹逾曠空

書燈死分翳隣機悄不動雞栖伴惺忪僮語含睡夢

剔蠹恨半黏投鼠快一中覺裘透嚴寒鴨爐過暴烘

客居雅興孤月出清影衆荒陂嘯颺颺枯林結霧淙

乾坤一傳舍今古迭相送鬢髮有時變黃鶴誰能控

適意思誅茅息機甘抱甕長腰且素飽焦尾亦嬾弄

擊缶吟頗豪荷鍾飲殊痛緬懷茹芝翁雲卧依岩洞

霜霰滿溪橋曉看玉蟬蛻

培墓土

羣厚在謀始古者不修墓當時渴經營功力未餘裕
元宮不數尺落落環封樹陰風蔓草繁寧免侵狐兔

況我去故鄉望隴嗟修阻歸來踏寒霜痛淚落傾步
今晨畚鍤興暄煖殊凝泣俄頃增岑岑馬鬣瞻永固
翠栢當更繁根節資培護云云一雨過鬱鬱騰烟霧
明年寒食祭載繞回塘路諸孫齊拜掃影在荒阡聚
春風白蝴蝶灰飛莽回互嗚呼嘯舞羣穿穴亦已屢
哀哀生我親遺骨存茲處山川雖間之魂夢常延慕
爾毋此竄跡慙我涕如澍異類感良難誰守荆榛暮
驅除苦無策踟躕不能去

渡百官江

獵獵回風亂落鴉百官江上布帆斜寒雲半鎖岩腰
樹濁浪平淘岸脚沙雨雪連朝迷客渡塗泥一尺困

寄集卷十四

十

蘭陵草堂

牛車莫嗟行路難如此好就津頭賣酒家

哭琴兒

兒生不好弄端謹頗類祖形模宛小同私願覩繩武
自從我失怙銜恤夢我父醒觀兒動止遺影惻若覩
我罪邱山積我兒鬼伯取我兒一以逝祖孫杳終古
豈惟哀兒殤痛淚濺如雨昨我病京華命危繫一縷
兒淚墮連珠怵惕難出戶奔波走南北憂樂幾散聚
好潔惡囂塵先我歸黃土

金洪元音信端人與汝情特厚幼穉留客齋撫愛過於

手孤燈照旅櫺謂浩霜夕聯床久南歸望燕鴻貽牋等

瓊玖兒請以爲洪也喜騰冲病潑開笑口足知兒至性古

義敦世友案頭所讀書爛斑心血嘔遙與故人訣草
青骨當朽汝父行有遺降割不汝壽悲風吹蕭條一
哀送廣柳

寄懷季直三首

下直全車暮雨天燕蔥胡餅亦堪憐何人得似張夫
子懷抱令吾一輟然

東閣官梅絕夢思思君烟淡月濃時魂來魂去三千
里只要江天曉漏遲

誰教官馬未還官待漏東華曉月寒一自春風吹影
散無人溫語共凭欄

謁禹陵

寄集卷十四

十一

蘭陵草堂

南鎮朝羣后來同萬國盈堯封分岳收舜海橐蓬瀛
輯瑞防風戮垂衣藻火明璿璣窺日月柴望秩嵩衡
疏鑿開三統隨刊總八紘龍門五丁闢鰲極九州平
癸甲辭家食庚辰按水程支祁江底鎖河漢地中行
綠字看疇演元圭告績成教民豐草第誓衆有苗征
天祿占先定王舟負不驚謳歌揚甸服貢賦入陽城
冷穴金書闕新圖玉帛呈川祇千載護雲氣兩階生
空石凌空矗梅梁亘古橫園陵黯蕪沒岫嶺榮光晶
枯栢環丹嶂龍蛇捧畫楹安瀾思舊德拜下肅崢嶸
重有哀一章

未俗志婚宦孺慕移厥初至性有沈生倫錢綱戀戀白

雲廬應舉聞親疾浦夜歸舟望侍寢以爲寶榮名鄰
 土苴吟增秋判袂頻年音信疎乾坤元氣薄恒化歸
 太虛姚瑄山樵亦禾十孝弟埋荒墟斯人竝已亡噫乎
 天祝予

題鄭君觀濕圖二首

雪波百道捲空明髮髯秋河瀉有聲底事畱將青眼
 對知君酷愛在山清

怪石嶄巖選一邱偶然得意寫飛流圖係鄭君自寫忘機較勝
 台州掾只似人間水上鷗

一五五
 殘甫集卷十四

十一

蘭陵古堂

殘甫集卷十四終



ZW 21181888585474